

ბ. კავშინი

ორი
კავშიანი

რომანი

I


ბ რ შ ი

თარგმნა

ნინო ძეჩუკაშვილი

საქართველოს სსრ განათლების სამინისტრო
საბავშვო და ახალგაზრდობის ლიტერატურის
სახელმწიფო გამომცემლობა

19 თბილისი 56



ნაწილი პირველი

ბ ა ე მ ე მ ბ ა

თავი პირველი

წერილი. ცისფერ კიბოებზე წასვლა

მახსოვს გაშლილი ქუჩუკიანი ეზო და ლობეშემოვლებული დაბალი სახლები. ეზო ზედ მდინარის პირას იყო და გაზაფხულობით, როცა ადიდებული წყალი იკლებდა, ლოკოკინებით, ნაფოტებითა და ზოგჯერ კიდევ უფრო საინტერესო საგნებით იყო ხოლმე მოფენილი, ერთხელ, მაგალითად, წერილებით გატენილი ჩანთა ვიპოვეთ, მერე წყალმა თვითონ ფოსტალიონიც გამოირიყა და ფრთხილად დადონაპირზე. გულალმა იწვა, ხელებით თითქოს მზეს იჩრდილებდა. ჯერ სულ ახალგაზრდა იყო, ქერა, პრიალაღილებიანი კურტკა ეცვა. ლილები, ეტყობა, უკანასკნელ რეისში გამგზავრების წინ ცარცით გაეპრიალებინა.

ჩანთა პოლიციელმა ჩამოგვართვა. დასველებული წერილები კი არაფრად აღარ ვარგოდა და დეიდა დაშამ წაიღო. თუმცა მთლად დასველებული როდი იყო წერილები: ჩანთა ახალი იყო, ტყავისა და კარგად იკეტებოდა. ყოველ საღამოს დეიდა დაშა თითო წერილს გვიკითხავდა ხმამაღლა, ხან მხოლოდ მე, ხან კი მთელ ეზოს. ეს იმდენად საინტერესო იყო, რომ სკოვროოდნიკოვთან ქალაქის სათამაშოდ მოსული მოხუცი დედაკაცებიც კი თამაშს თავს ანებებდნენ და ჩვენ გვიერთდებოდნენ. განსაკუთრებით ერთ წერილს დეიდა დაშა ყველაზე ხშირად კითხულობდა. ისე ხშირად,

რომ ბოლოს ზეპირად ვისწავლე. მას შემდეგ მრავალმა წელმა განვლო, მაგრამ მე ისევ მახსოვს თავიდან ბოლომდე.

„ღრმად პატივცემული მარია ვახილევნა!

ვეშურები გაცნობოთ, რომ ივან ლვოვიჩი ჯანმრთელად და კარგად არის. ოთხი თვის წინათ, თანახმად მისი განკარგულებისა, მე და ჩემთან ერთად ექსპედიციის ცამეტმა წევრმა ხომალდი დავტოვეთ. იმედი მაქვს, მალე გნახავთ, და ამიტომ აღარაფერსა გწერთ მტურავი ყინულებით ფრანც იოსების მიწისკენ ჩვენი მძიმე მოგზაურობის შესახებ. წარმოუდგენელი გაკვირება გადავიტანეთ. ერთს გეტყვით მხოლოდ, რომ მთელი ჩვენი ჯგუფიდან მხოლოდ მე მივალწვიე მშვიდობით ფლორას კონცხს (თუ არაფრად ჩავაგდებთ მოყინულ ფეხებს). ლეიტენანტ სედოვის ექსპედიციის „წმ. ფოკა“ წამომეწია, მიპატრონა და არხანგელსკში ჩამომიყვანა... ცოცხალი გადავრჩი, მაგრამ მგონი სანანებლად გამიხდეს, რადგან უახლოეს დღეებში ოპერაცია მომელის, რომლის შემდეგაც მხოლოდ ღვთის იმედით უნდა ვიყო. უფებოდ კი როგორ ვიქნები, არ ვიცი. მაგრამ აი, რა უნდა გაცნობოთ: „წმ. მარიამი“ ჯერ ისევ კარის ზღვაში გაიყინა და 1913 წ. ოქტომბრიდან შეუჩერებლივ მიემართება ჩრდილოეთისაკენ პოლარულ ყინულებთან ერთად. ჩვენ-რომ წამოვედით, ხომალდი 82°55' განედზე იმყოფებოდა: ის მშვიდად დგას ყინულოვან მინდორში, უფრო სწორედ რომ ვთქვათ, იდგა 1913 წლის შემოდგომამდე, ვიდრე მე იქიდან წამოვიდოდი. შეიძლება წელსაც დააღწიოს თავი, მაგრამ, ჩემი აზრით, უფრო მოსალოდნელია ეს მოხდეს მომავალ წელს, როდესაც დაახლოებით იმ ადგილს მიაღწევს, სადაც „ფრამი“ განთავისუფლდა. სანოვავე იქ დარჩენილთ საკმარისად აქვთ და მომავალი წლის ოქტომბერ-ნოემბრამდე ეყოფათ. ყოველ შემთხვევაში, ვეშურები დაგარწმუნოთ: ჩვენ იმითომ კი არ დაგვიტოვებია გემი, რომ მისი მდგომარეობა უიმედო იყო. რასაკვირველია, მე უნდა შემესრულებინა გემის უფროსის მოწერილობა, მაგრამ არ დაგიმაღავთ, რომ იგი ჩემ სურვილსაც დაემთხვა. როდესაც მე ცამეტიმეზღვაურით გემს ვტოვებდი, ივან ლვოვიჩმა მომცა პაკეტი ჰიდროგრაფიულ სამმართველოს აწ განსვენებულ უფროსის სახელზე და თქვენი წერილი. ფოსტით გამოგზავნას ვერა ვბედავ, იმითომ რომ მარტოდ დარჩენილი ვუფროთხილდები ჩემი პატიოსანი მოქმედების თითოეულ საბუთს! ამიტომ გთხოვთ, ან გამოგ-

ზაენოთ ვინმე, ან პირადად თქვენ ჩამობრძანდეთ არხანგელსკში, რადგანაც საავადმყოფოში სამი თვე მაინც დაერჩები. ველი თქვენს პასუხს.

პატივისცემით თქვენი სამსახურისათვის მზადმყოფი შორეული ნოგზაურობის შტურმანი ი. კლიმოვი“.

მისამართი წყალს წაეშალა, მაგრამ მაინც ეტყობოდა, რომ იმავე მტკიცე და სწორი ხელით იყო დაწერილი სქელ, გაყვითლებულ კონვერტზე.

აღბათ ეს წერილი ჩემთვის რაღაც ლოცვის მაგვარად გადაიქცა, — ყოველ საღამოს ვიმეორებდი მამაჩემის მოლოდინში.

მამა გვიან ბრუნდებოდა ნავმისადგომიდან: გემები ახლა ყოველდღე მოდიოდნენ და წინანდელივით სელითა და პურით კი არა ტვირთავდნენ, ვაზნებითა და იარაღის ნაწილებით საესე მძიმე ყუთებით. მამაჩემი, ზორბა, ჩასხმული, დიდრონულვაშებიანი კაცი იყო, თავზე პატარა მაულის ქუდი ეხურა, ბრეზენტის შარვალს ეცვა. დედაჩემი გაუთავებლად ელაპარაკებოდა, ის კი ჯამდა და პასუხს არ აძლევდა. მხოლოდ ხანგამოშვებით ჩაახველებდა ხოლმე და ულვაშებს ჩამოიწმენდა. შემდეგ ბავშვებს — მე და ჩემს დას, ბელში აგვიყვანდა და საწოლზე მიწევებოდა. ქერელის, ზოგჯერ ვაშლის, პურის, ზოგჯერ კი რაღაც აყროლებული მანქანის ზეთის სუნი ასდიოდა და მახსოვს, როგორი სევდა შემომავწევებოდა ხოლმე ამ სუნის გამო.

მე მგონი, სწორედ იმ უბედურ საღამოს მამაჩემის გვერდით მწოლარემ პირველად შევაფასე შეგნებულად ყველაფერი, რაც ჩემს გარშემო იყო. პატარა ჩუქუნა სახლი გაზეთებგაკრული დაბალი ჭერით, ფანჯრის ქვეშ დიდი ჭუჭრუტანაა, საიდანაც სიგრილე სცემს და მდინარის სიახლოვეს გრძნობ, — ეს ჩემი სახლია; თმებჩამოშლილი ლამაზი შეეგვრემანი ქალი, რომელსაც ჩალით გატენილ ორ ტომარაზე სძინავს, — დედაჩემია. ნაკუწებისაგან შეკერილ საბნიდან გამოშვერილი პატარა ფეხები ჩემი დის ფეხებია; გამხდარი, შავი, დიდშარვლიანი ბიჭი, რომელიც კანკალით გადმოდის ლოგინიდან და ქურდულად ეზოში მიიპარება, მე ვარ.

უკვე დიდი ხნის ამორჩეული იყო შესაფერისი ადგილი, თოკი მომზადებული და ფიჩხიც კი დაგროვილი მქონდა „პროლომთან“, დამპალი ხორცის ნაჭერილა მაკლდა, რომ ცისფერი კიბოების

დასაქერად წავსულიყავი. ჩვენს მდინარეში ფსკერი სხვადასხვა ფერისაა და კიბოებიც სხვადასხვა ფერისა იცის: შავი, მწვანე, ყვითელი. ამათ ბაყაყებითა და ცეცხლითაც ვიტყუებდით ხოლმე-ცისფერი კიბო კი—აძაში ბიჭები ღრმად იყვნენ დარწმუნებულნი— მხოლოდ დამპალ ხორცს ეტანებოდა. გუშინ ძლივს ბედმა გამი-ლიმა, დედას ხორცის ნაჭერი ავწაპნე და მთელი დღე მზეზე მედო, ახლა უკვე დამპალია.

„პროლომამდე“ სწრაფად გავიბრინე ნაპირი: ცეცხლისთვის ფიჩხი აქა გვექონდა დაგროვილი, შორს კოშკები მოჩანდა: ერთ ნაპირზე პოკროვსკის, მეორეზე—სპასკის. ამ კოშკში, ომი რომ დაიწყო, ტყვეულობის სამხედრო საწყობი მოაწყვეს. პეტკა სკოლო-როდნიკოვი მარწმუნებდა, წინათ სპასკის კოშკში ეშმაკები ცხოვრობდნენ და ჩემი თვალითა ვნახე, ჩვენს ნაპირზე ბორნით როგორ გადმოდიოდნენო. გადმოვიდნენ, ბორანი ჩაძირეს და პოკროვსკის კოშკში გასწიეს საცხოვრებლადო. მარწმუნებდა, ეშმაკებს თამბაქოს მოწვევა და ლოთობა უყვართ, წოწოლათავეებიანები: არიან და მათ შორის ბევრია კოქლი, იმიტომ რომ ციდან ჩამოცვივდნენო. პოკროვსკის კოშკში გამრავლდნენ და კარგ ამინდში მდინარეზე გამოდიან თამბაქოს მოსაპარად, რომელსაც მეთევ-ზეები ბადეზე მიაბამენ ხოლმე წყლის კაცის გულის მოსაგებადო.

ერთი სიტყვით, თითქმის არც გამკვირვებია, ციხე-სიმაგრის გამონგრეულ კედელში რომ შავი, ხმელ-ხმელი სხეული დავინახე, როცა ცეცხლს ვუბერავდი.

— აქ რას აკეთებ, ავარავ?—სწორედ ადამიანივით მკითხა ეშმაკმა.

კიდევაც რომ შემძლებოდა ლაპარაკი, მაინც ვერაფერს ვუპასუხებდი, მხოლოდ შევეყურებდი და ვკანკალებდი.

სწორედ იმ წუთში მთვარე ღრუბლებიდან გამოცურდა და დარაჯი გამოჩნდა, რომელიც გაღმა ნაპირზე ტყვეულობის საწყობს გარშემო უვლიდა—ზორბა, მძიმე კაცი, ზურგს უკან გამოშვრილი შაშხანით.

— კიბოებს იქერ?

იგი მსუბუქად ჩამოხტა და ცეცხლს მიუჯდა.

— რას გაჩუმებულხარ, სულელო?—მკითხა მრისხანედ.

არა, ეშმაკი არ იყო. ეს გამხდარი კაცი იყო უქულოდ, ხელში პატარა ჯოხი ეჭირა, რომელსაც ერთთავად ფეხებზე ირტყამდა, სახე ვერ გავარჩიე. სამაგიეროდ იმის დანახვა მოვასწარი, რომ

პიჯაკი ტიტველა ტანზე ეცვა და პერანგის მაგიერობას შარფი უწევდა.

— როგორ, ჩემთან ლაპარაკი არა გსურს, არამზადავ?— მან ჯობი დაძვგრა.— მიპასუხე! მიპასუხე, თორემ...

ზეზე არც წამომდგარა, ისე ჩამკიდა ფეხებში ხელი და თავისკენ მიმითრია. მე დავიზმუველ.

— ეე... ყრუ-მუნჯი ყოფილხარ.

ხელი გამიშვა. დიდხანს იჯდა ცეცხლთან და ჯობით ნაკვერჩხალს ჩხრეკავდა.

— მშვენიერი ქალაქია,— თქვა ზიზლით,— ყოველ ეზოში ძაღლები, მხეცი პოლიციელები, წყეული კიბოჭამიები არიან.

და ლანძღვას მოჰყვა.

რომ მცოდნოდა, ერთი საათის შემდეგ რა მოხდებოდა, შევეცდებოდი დამეხსომებინა, რას ამბობდა, თუმცა სულ ერთია, არც ერთი სიტყვის გადაცემა არ შემეძლო. დიდხანს ილანძღებოდა, ჩააფურთხა კიდევ ცეცხლში და კბილებიც დააკრაქუნა. მერე მუხლებზე ხელები შემოიხვია, თავი უკან გადააგდო და გაყუჩდა. მე ცალი თვალით გადავხედე და, მგონი, შემებრალებოდა, ასეთი გულმიუსავეალი რომ არა ყოფილიყო.

უეცრად წამოხტა და რამდენიმე წუთის შემდეგ უკვე პონტონის ხიდზე გაჩნდა, რომელიც დიდი ხანი არ არის, რაც სალდათებმა გასდეს. შემდეგ გაღმა ნაპირზე გაიელვა და გაჰქრა.

ჩემი ცეცხლი ჩაქრა, მაგრამ უცეცხლოდაც კარგად ვხედავდი, რომ კიბოებში, რომლებიც ბლომად მოვზიდე, ერთიც არ ერია ცისფერი. იყო ჩვეულებრივი შავი და ძალიან მსხვილი კიბოები. ლუდხანაში ასეთ კიბოებში წყვილში კაპიკს იძლეოდნენ.

ცივმა ქარმა ზურგიდან დაისისინა, შარვლის ტოტები გამიბერა და სიცივემ ამიტანა. წასვლის დრო იყო! ხორციანი კანაფი უკანასკნელად გადავისროლე, როცა გაღმა ნაპირზე დარაჯი დავინახე. დაღმართზე მორბოდა. სპასკის კოშკი მაღლობიდან გადმოსცქეროდა მდინარეს. იქიდან ქვიანი გვერდა ჩამოდიოდა. მთვარის შუქით გაკაშკაშებულ გვერდაზე არავინა ჩანდა, მაგრამ დარაჯმა რატომღაც შეშხანა ისე ჩამოიღო, არც კი გაჩერებულა.

— შეჩერდი!

არ გაუსვრია, მხოლოდ ჩახმახი დააჩხაკუნა და სწორედ იმ წუთში ხიდზე ის დავინახე, ვისაც დარაჯი მისდევდა. ასე ფრთხილად იმიტომ ეწერ, რადგან ახლაც კი არა ვარ დარწმუნებული,

რომ ეს ის კაცი იყო, რომელიც ერთი საათის წინ ჩემ ცეცხლთან იჯდა. მაგრამ თითქოს ახლაც თვალწინ მიდგას'ის სურათი: მდინარის მდუმარე ნაპირები, გზასავით დაფენილი მთვარის შუქი, რომელიც ჩემგან თანდათან ფართოვდება პონტონის ხიდის კარკაპებამდის, და ხიდზე ორი გრძელი ჩრდილი ადამიანებისა, რომელნიც მირბიან.

დარაჯი მძიმედ მირბოდა და ერთხელ შეჩერდა კიდეც სულის მოსათქმელად.—მაგრამ წინას, როგორც ჩანს, უფრო უქირდა სირბილი. იგი უეცრად მოაჯირთან ჩაჯდა. დარაჯმა მიირბინა, დაიყვირა და უცებ უკან გადაიხნიქა,—ალბათ ქვევიდან დაარტყეს. მოაჯირზე გადაწოლილმა ნელ-ნელა ჩაიკეცა. მკვლელი კი უკვე გაქრა ციხის გალავნის იქით.

არ ვიცი რატომ, მაგრამ იმ ღამეს პონტონის ხიდს არავინა ჰყარაულობდა; საყარაულო ცარიელი იყო, არც გარშემო ჩანდა ვინმე დარაჯის გარდა, რომელიც ხელებგაკუმპული გვერდზე იწვა. იქვე ეგდო დიდი ნეღლი ტყავი და, როცა მე შიშისაგან აკანკალებულმა მივირბინე, ის მძიმედ ამთქნარებდა. მრავალი წლის შემდეგ გავიგე, რომ თურმე სიკვდილის წინ ბევრი ამთქნარებს ხოლმე. შემდეგ თითქოს შვებით ღრმად ამოიხვნეშა და სიჩუმე ჩამოვარდა.

არ ვიცი, რა მექნა, მისკენ დაეხარე, საყარაულოსაკენ გავიქეცი—და სწორედ მაშინ შევნიშნე, რომ ცარიელი იყო, და ისევ დარაჯს მოვუბრუნდი. ყვირილიც კი არ შემეძლო—მარტო იმიტომ კი არა, რომ მაშინ მუნჯი ვიყავი, უბრალოდ, შიშისაგან. მაგრამ ნაპირიდან ხმა მომესმა და მე უკან გავექანდი იმ ადგილისაკენ, სადაც კიბოებს ვიქერდი. თავის დღეში აღარ დამქირვებია ასეთი ჩქარი სირბილი—გულმაც კი დამიწყო ჩხვლეტა და სუნთქვა შემიჩერდა. ვერ მოვასწარი კიბოებისათვის ბალახი წამეფარებინა და ნახევარი მიფანტ-მოფანტე, ვიდრე სახლამდის მივალწევდი. მაგრამ ახლა კიბოებისათვის აღარა მცხელოდა.

გულის ბაგიბუგით კარი ჩუმად შევალე. ჩვენს ერთადერთ ოთახში ბნელოდა. ყველას მშვიდად ეძინა, არავის შეუმჩნევია ჩემი არც წასვლა და არც მოსვლა. კიდეც ერთი წუთი და, მე მამაჩემის გვერდით ვიწექი, მაგრამ მაინც დიდხანს არ დამძინებია. თვალწინ მგდგა მთვარით განათებული ხიდი და ადამიანთა ორი გრძელი ჩრდილი.

ორი საწყენი რამ მელოდა მეორე დილით. ჯერ ერთი, დედა-ჩემს ჩემი კიბობებისათვის მიეგნო და მოეხარშა. ამგვარად დაეკარგე აბაზიანი და ამასთან იმედი, ქარიყლაპიებისათვის ახალი ანკესებისა და ზონრის შოენისა, მეორე ის, რომ ჯიბის დანა დამეკარგოდა; სიმართლე რომ ვთქვა, ის მამაჩემის დანა იყო, მაგრამ პირი მომტვრეული ჰქონდა და მე მაჩუქა. ყველაფერი გადავქოთე სახლშიც, ეზოშიც—დანა თითქოს მიწამ ჩაყლაპა.

ასე ვიტრიალე თორმეტ საათამდე, იმ დრომდე, როცა ნავმისადგომში უნდა წავსულიყავი და მამაჩემისათვის სადილი წამელო, ეს ჩემი მოვალეობა იყო და ამით ძალიან ვამაყობდი.

ნაენისადგომი ახლა გაღმა ნაპირზეა,—გამოღმა ნაპირზე კი ბულვარია, მთელ სიგრძეზე ჩაყოლებული ცაცხეებით. ცაცხეი ისევ ჩვენი ქალაქის საყვარელ ხელ დარჩა, მაგრამ იმდღეს, როცა მამაჩემთან თავშალში გამოკრული ერთი ქოთანი შექამანდი და კარტოფილი მიმქონდა, ამ ბულვარის ადგილას მუშებისათვის აშენებული ბალაგანები იყო, ციხის გალავნის გასწვრივ პურის ტომრები და ტოპრაკები პირამიდებად ეწყო. კარკაპებიდან ნაპირამდე განიერი ფიცრები იყო გადებული. მტვირთავები ყვირილით: „ჰეი, გზა მოგვეცი!“ საქონლით მძიმედ დატვირთულ ურიკებს მოაგორებდნენ. მახსოვს ნაენისადგომთან წყალში მოტივტივე სადაფივით ბრჭყვიალა ქონის ლაქები, გადახეხილი ბოძები, რომლებზედაც ნავსაბელს წამოაცმევდნენ ხოლმე, ერთმანეთში არეული თევზის, ფისის და ჩიჩობის სუნი.

რომ მივედი, ჯერ ისევ მუშაობდნენ. ურიკა ფიცრებშუა ჩაქედლიყო და მთელი მოძრაობა კარკაპებიდან ნაპირამდე შეჩერებულიყო. უკან მდგომნი ყვიროდნენ და ილანძღებოდნენ. ორი მუშა ძალაყინს დასწოლოდა, ცდილობდნენ ამოეღოთ და გზაზე დაეყენებინათ ჩამოკურებული ურიკა. მამამ აუჩქარებლად შემოუარა იმათ. რალაცა უთხრა; დაიხარა... ასეთი დამამახსოვრდა მე იგი, ზორბა ტანის, დიდრონულვაშებიანი, პირმრგვალი, მსუბუქად სწევს მძიმედ დატვირთულ ურიკას. ასეთი ის მე აღარასოდეს აღარ მინახავს.

ჰამდა და თან მალ მალე შემომხედავდა ხოლმე. „რაო, ძანია?“ მითხრა, როდესაც ნაენისადგომში სქელი ბოქაული

და სამი პოლიციელი გამოჩნდა. ერთმა „ბიძიას“ დაუძახა—ასე ეძახოდნენ არტელის მამასახლისს—და რაღაცა უთხრა. „ბიძია“ სახტად დარჩა, პირჯვარი გადაიწერა და ყველამ ერთად ჩევენკენ გამოსწიეს.

— შენა ხარ ივანე გრიგორიევი?—იკითხა ბოქაულმა და ხმალი უკან გასწია.

— მე ვარ.

— წაიყვანეთ,—დაიყვირა ბოქაულმა და კარხალივით გაწითლდა,—დაპატიმრებულთა!

ყველანი აუაყანდნენ. მამა ადგა და ყველა გაჩუმდა.

— რა დავაშავე, რისთვის უნდა წამიყვანონ?

— მე შენ გალაპარაკებ! წაიყვანეთ!

პოლიციელები მისცვივდნენ მამაჩემს და ხელი გამოსდეს. მამამ მხარი გაჰკრა—ისინი განზე გახტნენ და ერთმა პოლიციელმა ხმალი იშიშვლა.

— თქვენო კეთილშობილებავ, ასე როგორ იქნება,—უთხრა მამაჩემმა,—რატომ მიგყევართ? ვიღაცა ვიგინდარა ხომ არა გგონივართ, მე ყველა მიცნობს.

— არა, ძმობილო, ჯერ არ გიცნობენ,—უპასუხა ბოქაულმა.— შენ ავაზაკი ხარ. წაიყვანეთ!

პოლიციელები ხელახლა მისცვივდნენ მამაჩემს.

— შე სულელო, რას იქნევ ამ ქაშაყს?—ჩუმად, კრიკაშეკრულმა უთხრა მამამ ერთ-ერთს, რომელმაც მაშინ ხმალი იშიშვლა და ახლა კი მხარზე გაედო.—თქვენო კეთილშობილებავ, ოჯახის პატრონი ვარ, ოცდახუთი წელიწადია ამ ნავმისადგომში ვმუშაობ, რა დავაშავე? ყველას გააგებინეთ, დე ყველამ იცოდეს, რისთვის მიგყევართ. თორემ ხალხი იფიქრებს, მართლა ავაზაკი ყოფილაო.

— აბა, თავს ნუ იკატუნებ, წმინდანს დამიხედეთ!—დაუყვირა ბოქაულმა.— მე თქვენ არ გიცნობთ! წაიყვანეთ!

პოლიციელები თითქოს აყოვნებდნენ.

— აბა რაღას უყურებთ!

— მოითმინეთ. თქვენო კეთილშობილებავ, მე თვითონ წამოვალ,—უთხრა მამაჩემმა,—სანია...—იგი ჩემკენ დაიხარა,—სანია, დედაშენთან გაიქეცი, უთხარი... ეხ. მაგრამ შენ ხომ...

უნდოდა ეთქვა, შენ ხომ მუნჯი ხარო, მაგრამ თავი შეიკავა, არასოდეს არ ამბობდა ამ სიტყვას, თითქოს იმედი-

ჰქონდა, რომ ოდესმე ისევ ამოყიდგამდი ენას. ის გაჩუმდა და მიიხედა-მოიხედა.

— მე გავყევი, ივანე, — უთხრა მამასახლისმა. — ძაგაზე ნუ სწუხარ.

— გაპყევი, ბიძია მიშა, და აი ესეც... — მამამ სამმანეთიანი ამოიღო და მამასახლისის მისცა. — ჩემს ცოლს გადაეცი. აბა, მშვიდობით!

ყველამ ერთხმად უპასუხა მას.

მე თავზე ხელი გადამისვა და მითხრა:

— ნუ ტირი, სანია.

მე არც კი შემინიშნავეს, რომ ეტிரოდი.

ახლაც მზარავეს იმის მოგონება, რა დაემართა დედაჩემს, როცა მამაჩემის დაპატიმრების ამბავი გაიგო. ტირილი არ დაუწყია, მაგრამ სამაგიეროდ, წავიდა თუ არა „ბიძია.“ კრიკაშეკრული ლოგინზე დაჯდა და კედელს თავი მაგრად მიახალა. მე და ჩემმა დამ ტირილი მოვრთეთ, მას არც კი მოუხედიო ჩვენსკენ. რალაცას ბუტბუტებდა და კედელს თავს ახლიდა. მერე წამოდგა, შალი წამოისხა და წავიდა.

მთელი დღე დეიდა დაშამ იფუსფუსა ჩვენთან. ჩვენ გვეძინა. ესე იგი ჩემ დას ეძინა, მე კი თვალეზგახელილი ვიწეკი და ვფიქრობდი ჯერ მამაჩემზე, როგორ ემშვიდობებოდა ყველას, შემდეგ მსუქან ბოქაულზე, მერე მეზღვაურის ტანსაცმელში ჩაცმულ მის პატარა ბიჭზე, რომელიც გუბერნატორის ბაღში ენახე. შემდეგ სამთელიან ველოსიპედზე, რომლითაც ის ბიჭი სეირნობდა, — ერთი იმისთანა ველოსიპედი მომცა-მეთქი! — და ბოლოს აღარაფერზე. დედაჩემი დაბრუნდა, გამხდარი და ჩაშავებული შემოვიდა, დეიდა დაშა მიეგება მას...

არ ვიცი რატომ, მაგრამ უცბად წარმომიდგა, რომ მამაჩემი პოლიციელებმა აპყუწეს, და რამდენიმე წუთი გაუნძრევლად ვიწეკი, მწუხარებისაგან გონდაკარგულს თავი არ მახსოვდა და არც ერთი სიტყვა არ მეყურებოდა. მერე გავიგე, რომ ცოცხალია, მაგრამ დედას არ უშეგებენ მასთან! მკვლევლობისათვის არის დაპატიმრებული — ღამე პონტონის ხიდზე დარაჯი მოუკლავთო, სამჯერ გაიმეორა დედამ, ვიდრე მივხვდებოდი, რომ ღამე — ეს წუხანდელი ღამეა, რომ დარაჯი, ეს სწორედ ის დარაჯია; რომ პონტონის ხიდი სწორედ ის პონტონის ხიდია, რომელზედაც ხელებგაქიმული დარაჯი ეგდო. მე წამოვბტი, დედას მივეარდი და დავიყვირე. მან ხელი მომხვია: ეტყობა, ეგონა, რომ შემეშინდა. მაგრამ მე უკვე ვლაპარაკობდი...

ეჭ, მაშინ რომ ლაპარაკი ემძღებოდა!

მინდოდა ყველაფერი მეამბნა, ყველაფერი: ისიც, როგორ ვავიპარე „პესჩინკაზე“ კიბოების დასაქურად, როგორ გამოჩნდა გალავნის ნანგრევებში შავი კაცი პატარა ჯოხით ხელში, როგორ ილანძღებოდა, კბილებს აკრაქუნებდა, შემდეგ ცეცხლში ჩააფურთხა და წავიდა, — მეტისმეტი ძნელი ამოცანა იყო რვა წლის ბიჭისთვის, რომელსაც ძლივს შეეძლო ორი-სამი სიტყვის თქმა და ისიც ვაურკვევლად.

— ბავშვებიც დაწიოდნენ, — ამოიოხრა დეიდა დაშამ, როცა მე გაეჩუმდი, რაკი მეგონა, რომ ახლა უკვე ყველაფერი გავაგებინე, და დედას შევხედე.

— არა, ამას რალაცის თქმა უნდა. იცი რამე, სანია?

ეჭ, მე რომ მაშინ ლაპარაკი შემძღებოდა! ისევ თავიდან დავიწყე, პელებიც მოვიშველიე... დედა ყველაზე კარგად მიგებდა, მაგრამ სასოწარკვეთილებაში ჩავარდნილი ვხედავდი, რომ ამჯერად იმასაც არც ერთი ჩემი სიტყვა არ ესმოდა. რა თქმა უნდა! როგორ არა, ჰგავდა ეს სცენა პონტონის ხიდზე მომხდარ ამბავს, რის გამოხატვასაც ცდილობდა გამხდარი შავი ბიჭი, რომელიც პერანგისამარა ოთახში აქეთ-იქით აწყდებოდა, ხან საწოლს მივარდებოდა, რომ ეჩვენებინა, როგორ მაგრად ეძინა მამას იმ ღამეს, ხან სკამზე შეხტებოდა და მაგრად შეკუმშულ მუშტებს გაოგნებულ დეიდა დაშას წინ აქნევდა.

ბოლოს დეიდა დაშამ პირჯვარი გადამწერა.

— ბიჭებმა სცემეს.

მე თავი გავიქნე.

— იმას გვიამბობს, მამა როგორ დააპატიმრეს, — თქვა დედამ, — პოლიციელმა როგორ მოუღერა ხელი, არა, სანია?

დედას კალთაში ჩავუდე თავი და ტირილი დავიწყე. მან ლოგინში ჩამაწვინა, დიდხანს არ დამძინებია და ყურს ეუგდებდი ღედაჩემისა და დეიდა დაშას ლაპარაკს, თან ვფიქრობდი, როგორ გადამეცა მათთვის ჩემი არაჩვეულებრივი საიდუმლო.

თავი მესამე

ჩ ა ლ ი ჩ ი

ბოლოს და ბოლოს მაინც მოვახერხებდი ამას, დილით დედა რომ ავად არ გამხდარიყო. იგი ყოველთვის უცნაური იყო, მაგრამ ასეთი უცნაური ჯერ არ მენახა.

წინათ, როცა უფერად საათობით გაშტერდებოდა თანჯარას-
თან, ან ღამე წამოხტებოდა და დილაღად მაგიდასთან იჯდა, მამა-
ჩემს რამდენიმე დღით სოფელში მიჰყავდა ხოლმე, საიდანაც გა-
ჯანსაღებული ბრუნდებოდა. ახლა მამა არ იყო, ან უშველიდა კი
ახლა სოფელში წასვლა!

უთავშლოდ, ფეხშიშველა დერეფანში იდგა და არც კი ზოი-
ხედავდა ხოლმე, როცა სახლში ვინმე შემოვიდოდა. ერთთავად
სდუმდა, მხოლოდ ათასში ერთხელ არეულად ორ-სამ სიტყვას
თუ იტყოდა.

თითქოს ჩემი ეშინოდა, როცა მე „ლაპარაკს“ ვიწყებდი, ავად-
მყოფური გამომეტყველებით ყურებში თითებს იცობდა, თვალებზე
და შუბლზე ხელს ისვამდა, თითქოს ცდილობდა, რაღაც გაეხსენე-
ბინა. მისი შემყურე დეიდა დაშაც კი ჩუმ-ჩუმად პირჯვარს იწერ-
და, როდესაც მის მუდარაზე დედა მობრუნდებოდა და თავისი შავი,
საზარელი თვალებით უსიტყვოდ, წარბებქვემოდან გამოხედავდა
ხოლმე...

ალბათ ორმა კვირამ გაიარა, ვიდრე გონს მოვიდოდა,
ჯერ კიდევ აწუხებდა დაბნეულობა, მაგრამ ნელ-ნელა დაიწყო
ლაპარაკი, ეზოდან გასვლა და მუშაობა. ახლა უფრო ხშირად
იშვორებდა სიტყვას „ვიჩალიჩოთ“. პირველად ეს სიტყვა მოხუცმა
სკოფოროდნიკოვმა თქვა, მას დეიდა დაშა მიჰყვა, მერე კი მთელი
ეზო. უნდა ვიჩალიჩოთ!

იმ დღეს დეიდა მე და ჩემი და თან წაგვიყვანა. ჩვენ სათათბი-
როში მივდიოდით და თხოვნა მიგვქონდა. ეს იყო რკინის ლობე-
შემოვლებული ბნელი შენობა ბაზრის მოედნის უკან.

რამდენჯერმე მქონდა შემთხვევა, მენახა, როგორ მიდიოდ-
ნენ დილაობით მოხელეები სათათბიროში. არ ვიცი, საიდან შე-
მექმნა ასეთი უცნაური წარმოდგენა, მაგრამ მე მტკიცედ მწამდა,
რომ ისინი იქ რჩებოდნენ, მეორე დღით კი სათათბიროში უკვე
ახალი მოხელეები მიდიოდნენ, მესამე დღეს კიდევ ახალი და ასე
ყოველდღე.

დიდხანს ვისხედით მე და ჩემი და რკინის სკამზე ნახევრად
ჩაბნელებულ მაღალქერიან დერეფანში. დარაჯები დარბოდნენ
ქალაქლებით ხელში, ისმოდა კარების ჯახა-ჯუხი. მერე დედა დაბ-
რუნდა, ჩემ დას ხელი ჩაავლო და გავიქეციტ. ოთახი, რომელშიც
შევედით, ბარიერით იყო გადაყოფილი. მე ვერა ვხედავდი, ვის ელა-
პარაკებოდა და დამცირებულად თავს დაბლა ვის უკრავდა დედა-

ჩემი, მაგრამ გავიგონე მშრალი, ცივი ხმა და ეს ხმა, ჩემდა საუბედუროდ, ამბობდა იმას, რაზეც მხოლოდ მე შემეძლო გამეცა საფუძვლიანი პასუხი.

— გრიგორიევი ივანე...— მოისმა ფურცლების შრიალი.— მუხლი 1454 სამართლის წიგნისა დასჯის შესახებ. წინასწარ განზრახული მკვლელობა, რაღა გინდა, ჩემო კარგო?

— თქვენო კეთილშობილებავ, — ჩემთვის უცნობი, დაძაბული ხმით უთხრა დედამ, — იგი დამნაშავე არ არის, მას თავის სიცოცხლეში არაფერი მოუკლავს.

— სასამართლო გაარჩევს.

მე უკვე დიდი ხანია ფეხის წვერებზე ვიდექი და კისერი ისე წავიგრძელე, რომ წაწყვეტაზე მქონდა, მაგრამ ბარიერის ზემოდან მხოლოდ ხელსა ვხედავდი. გრძელ, გამხმარ თითებში ნელ-ნელა ქანაობდა სათვალე.

— თქვენო კეთილშობილებავ, — კვლავ უთხრა დედამ, — მინდა თხოვნა მივართვა სასამართლოს. მთელმა ეზომ მოაწერა ხელი.

— თხოვნა შეგიძლია შემოიტანო, მხოლოდ ზედ მანეთიანი საღერბო მარკა უნდა დააკრა.

— უკვე დავაკარი. თქვენო კეთილშობილებავ, ეს იმისი დანა როდი უპოვიათ.

დანა? ეგ მეგონა, რომ მომესმა.

— ამაზე ბრალდებულის საკუთარი ჩვენება არის.

— შესაძლებელია, ერთი კვირის დაკარგულიცა ჰქონდა...

დაბლიდან ვხედავდი, როგორ აუთრთოლდა დედაჩემს ტუჩები.

— მერე გეპოვათ, ჩემო კარგო! თუმცა სასამართლო გაარჩევს.

მეტი აღარაფერი გამიგონია: ამ წუთში გავიგე, თუ რისთვის დააპატიმრეს მამაჩემი. იმან კი არა, მე დავკარგე ის დანა — ძველი, ხისტარიანი, მონტიორის დანა! დანა, რომელსაც ვეძებდი დილით მკვლელობის შემდეგ! დანა, რომელიც შეიძლება ჯიბიდან გადმომივარდა, როცა დარაჯისაკენ დავიხარე, პონტონის ხიდზე. დანა, რომელზეც პეტკა სკოვოროდნიკოვმა გამადიდებელი შუშით ჩემი გვარი აშოსწვა.

ახლა, როდესაც ამას ვიგონებ, ვფიქრობ, რომ ჩემ ნაამბობს მაინც არ დაიჯერებდნენ მოხელეები, რომლებიც ენსკის სათათბიროში ისხდნენ მაღალი ბარიერის უკან, ნახევრად ჩაბნელებულ დარბაზში. მაგრამ მაშინ, რაც უფრო მეტსა ვფიქრობდი, მით უფრო მიმძიმდებოდა გული. მაშ ჩემი ბრალია მამაჩემის დაპატიმრე-

ბა. ჩემი ბრალთა, რომ ვშიმშილობთ. ჩემი მიზეზით გაიყიდა ახალი დრაპის პალტო, რომლის ფულსაც ერთი წელიწადი აგროვებდა დედაჩემი. ჩემს გამო უნდა იაროს საათათბიროში და ჩემთვის უცხო ხმით უნდა ილაპარაკოს, ასე დამცილებულად უნდა უკრას თავი იმ უჩინარ ადამიანს, რომელიც თავისი გრძელი, საშინელი, გამხმარი თითებით ნელა აქანავენებს სათვალეს...

ჯერ არასოდეს არ მიგრძენია ასეთი სიძლიერით ჩემი სიმუნჯე.

თავი მართხა

ს ო ფ ე ლ ი

უკანასკნელმა ტივებმაც ჩაიარეს მდინარეზე და ღამლამობით, როცა გამეღვიძებოდა ხოლმე, პატარა, ნელა მოძრავ სახლებიდან უკვე აღარ მოჩანდა სინათლეები. სიცარიელე იყო მდინარეზე, სიცარიელე იყო ეზოში, სიცარიელე იყო სახლში.

დედა სავადპუკოვოში რეცხავდა. დილიდან მიდიოდა, როცა ჩვენ ჯერ ისევ ვეძინა. მერე მე სკოვოროდნიკოვებისაკენ გავწევიდი ხოლმე და ყურს ვუგდებდი მოხუცის ლანძღვა-გინებას.

სათვალისანი, ქალარა, გაბურძენილი მოხუცი პაწაწინა, გაქვარტლულ სამზარეულოში დაბალ ტყავის სკამზე იჯდა და ჩექმებსა ჰკერავდა. ხან ჩექმებსა ჰკერავდა, ხან ბადესა ჰქსოვდა, ან ვერხვისაგან ფრინველებს და ცხენებს სთლიდა გასაყიდად. ეს ხელობა—მას „ჩხირკედელაობა“ ერქვა—სკოვოროდნიკოვს ვოლგისაგან მოჰყვა, სადაურიც თვითონ იყო.

მე ვუყვარდი—აღბათ იმიტომ რომ მე ვიყავი მისი ერთადერთი მოსაუბრე, ვისგანაც თავისდღეში არავითარი შეჰასუხება არ გაუგონია. იგი ლანძღავდა ექიმებს, მოხელეებს, ვაჭრებს, მაგრამ განსაკუთრებული გაბოროტებით მღვდლებსა ლანძღავდა.

— ადამიანი კვდება, მაგრამ უფლება აქვს, რომ ამის გამო ღმერთზე აღშფოთება გამოთქვას. მღვდლები ამბობენ, არაო. მე ვამბობ, რომ კი. რა არის აღშფოთება?

მე არ ვიცი, რა იყო აღშფოთება.

— აღშფოთება არის უკმაყოფილება. უკმაყოფილება რაღა არის? გქონდეს სურვილი უფრო მეტისა, ვიდრე შენთვის არის წინასწარ განკუთვნილი. მღვდლები ამბობენ,—არ შეიძლებაო. რატომ?

მე არ ვიცი, რატომ.

— იმიტომ, რომ „მიწა ხარ და მიწად იქცევი“.

იგი მწარედ იცინოდა.

— მიწას რაღა უნდა? არა უმეტეს იმისა, რაც მისთვის არის განკუთვნილი.

მთელი დღეები იმასთან ვიჯექი. ყველაფერი მომწონდა— მისი ქარაგმული ლაპარაკიც, ისიც, რომ რაღაც საშინელი ჩაეან გული ხრჭიალით იცინოდა, და მე უნებლიეთ გაშტერებული თვალს ვერ ვაშორებდი.

უკვე შემოდგომა იყო. კიბოები, რომლებიც ბოლო დროს დიდად შეელოდნენ ჩვენს გაჭირვებას, ხვრელებში შეიყუენენ და ბაყაყებით ველარ ვიტყუებდი.

ჩვენ ვშიშვნილობდით და ბოლოს დედამ გადაწყვიტა, მეცა და ჩემი დაც სოფელში წავეყვანეთ.

კარგად არ მახსოვს, როგორ ვიმგზავრეთ, და სწორედ იმ უცნაური გაშტერების გამო, რომლის შესახებაც ეს არის ვთქვი. ბავშვობაში ხშირად ცქერად ან სმენად გადავიქცეოდი ხოლმე და მაინც ბევრი რამ არ მესმოდა. სულ უბრალო რამესაც განცვიფრებაში მოვყავდი. პირდაღებული ვაკვირდებოდი ჩემს წინ გადაშლილ ქვეყანას...

ახლა თვალი ვერ მოვაშორე ბიქსს, რომელიც გემზე ბილეთებს სინჯავდა. ორი კვირის წინ იმას მინკას ეძახდნენ. პეტკა სკოვოროდნიკოვთან თამაშობდა ჩვენს ეზოში. ცხადია, ვერ მიცნო. მეზღვაურის დღეებიანი ლურჯი ქურთუკი ეცვა, თავზე კეპი ეხურა, რომელზედაც „ნეპტუნი“ იყო ამოქარგული— ასე ერქვა გემს. იდგა კიბეზე და გულგრილად ათვალთვრებდა მგზავრებს. სხვა აღარაფერი მიზიდავდა: არც იღუმალებით მოცული კაპიტანი, რომელიც ამავე დროს მესაქეც იყო და რომლის წვერიანი სახე საკის ზემოთ მოთავსებული ბუდრუგანიდან მოჩანდა, არც მანქანის მრისხანე ქშენა. მინკამ განმაცვიფრა და მთელი გზა თვალი არ მომიშორებია მისთვის. „ნეპტუნი“ საუცხოო გემი იყო, რომლით გასეირნებასაც ვოცნებობდი. რამდენჯერ გვილოდნია მისთვის ბანაობის დროს, რომ გემბანიდან გაქვანებულიყავით ტალღებში გადასაშვებად. ახლა ყველაფერი გაქრა, მოჯადოებულივით ვუყურებდი მინკას, ვიდრე არ დაბინდდა, ვიდრე წვერიანმა კაპიტანმა-მესაქემ ყრუდ არა თქვა მიღში— „შეჩერდი, უკან სვლით!“ კიჩოს ქვეშ წყალი აბუებუყდა და მეზღვაურმა მარჯვედ დაიჭირა კიმიდან გადაგდებული ბაგირი.

ჩემს სიცოცხლეში არა ვყოფილიყავი სოფელში, მაგრამ ვიცოდი, რომ იქ მამაჩემს სახლი და კარმიდამო ჰქონდა. კარმიდამო! როგორ გამიტყდა გული, როცა გავიგე, რომ ამ სიტყვაში იგულისხმებოდა პატარა ბალახმოდებული ბოსტანი, რომლის შუაგულში რამდენიმე ბებერი ვაშლის ხე იდგა!

მამა თვრამეტი წლისა იყო, ეს მემკვიდრეობა რომ, მიიღო, მაგრამ სოფელში ცხოვრება არ ინდომა და მას შემდეგ სახლი გამოკეტილი დარჩა. ერთი სიტყვით, სახლი მამისეული იყო და მე მეგონა, რომ ის მამაჩემს უნდა ჰკვანებოდა—იმასავით ვეებერთელა და შნოიანი უნდა ყოფილიყო. როგორ მოგტყუვდი!

ეს იყო პატარა სახლი, რომელიც ოდესღაც გადაზნექილიყო და მას შემდეგ ასე დარჩენილიყო. სახურავი მობრეცილი ჰქონდა, ფანჯრები—ჩამტვრეული; ქვედა ჩარჩოები მოღუნულიყვნენ, რუსული ლუმელი შესახედავად კარგი იყო, ვიდრე აანთებდით. კედლის გასწვრივ შებოლილი სკამები ეწყო. ერთ კუთხეში ხატი ეკიდა, რომლის შებოლილ ფიცრებზე ძლივს გაარჩევდით სახეს. მაგრამ, როგორიც არ უნდა ყოფილიყო, მაინც ჩვენი სახლი იყო. ბოხჩები დავხსენით, ლეიბის პირებში თივა ჩავყარეთ, მინები ჩავსვით და ცხოვრება დავიწყეთ.

დედამ ჩვენთან მხოლოდ სამიოდე კვირა გაატარა და შემდეგ ქალაქში დაბრუნდა. ჩვენი პატრონობა თავს იღო დიდება პეტროვნამ, რომელიც მამაჩემს ძალუად მოხვდებოდა. კეთილი მოხუცი იყო, თუმცა მისი ქალარა წვერ-ულვაში ძალიან გვეჩოთირობოდა. მთელი უბედურება ის იყო, რომ იგი თვითონ საპირობდა მოვლას და, მართლაც, მე და ჩემი და მთელი ზამთარი ვუვლიდით,—წყალი მოგვექონდა, ლუმელს ვუნთებდით, ღვთის მადლით მისი ქოხი, ჩვენს ქოხზე ცოტა უკეთესი, ჩვენგან ახლო იყო.

მე და ჩემი და იმ ზამთარს შევეჩვიეთ ერთმანეთს. იგი მერვე წელიწადში იყო. ჩვენს ოჯახში ყველანი შავგვრემანები ვიყავით, ის კი —თეთრი, ხუჭუქნაწნავებიანი და ცისფერთვალა. ჩვენ ყველანი უენოები ვიყავით, განსაკუთრებით დედა, ის კი, გაახელდა თუ არა თვალს, ლაპარაკს იწყებდა. არ მახსოვს, ოდესმე ეტიროს, მისი გაცივნება კი ძნელი არ იყო. მეც სანია მერქვა და იმასაც: მე—ალექსანდრე, იმას—ალექსანდრა. დეიდა დაშამ სიმღერა ასწავლა და ყოველ საღამოს ძალიან გრძელ სიმღერებს გააბამდა ხოლმე ისეთი სერიოზული და ისეთი წრიპინა ხმით, რომ სიცილს ვერ ვიკავებდი.

მერე როგორ ყოჩაღად დიასახლისობდა ეს შვიდი წლის ბავშვი! თუმცა, უნდა ითქვას, რომ სადიასახლისო ბევრი არაფერი გაგვანდა: სხვენის ერთ კუთხეში კარტოფილი გვეყარა, მეორეში—ჭარხალი, კომბოსტო, ხახვი და მარილი. პური პეტროვნასაგან მოგვექონდა.

ასე ვცხოვრობდით ორი ბავშვი ცარიელ ქოხში, თოვლით დაფარულ მიყრუებულ სოფელში. ყოველ დილით ბილიკსა ვკვალავდით პეტროვნასაკენ. გვეშინოდა მხოლოდ სალამობით, როცა ისეთი სიჩუმე ჩამოვარდებოდა, რომ მგონი თოვლის ფიფქის დაცემაც კი ისმოდა, და ასეთ სიჩუმეში უეცრად ქარი დაიღმუფლებდა ხოლმე ლუმელში.

თავი მესამე

აქიმი ივან ივანიჩი. ლაპარაკსა ვსწავლობ

ერთხელ, როცა ის იყო დავწექით და ჩემი დაც გაჩუმდა (უკანასკნელი სიტყვის თქმა და იმისი დაძინება ერთი იყო), როცა სივდის-მომგვრელი სიჩუმე ჩამოწვა და ბუხარში ქარი აღმუფლდა, გავიგონე, რომ ფანჯარაზე ვილაც აკაკუნებს.

ეს იყო წვერიანი მაღალი კაცი, მოკლე ტყაპუჭი ეცვა და თბილი ქუდი ეხურა. ისე გათოშილიყო, რომ კარის მიხურვაც ვერ მოახერხა, როცა ლამპა ავანთე და სახლში შემოვუშვი. ხელით შუქი მოვიჩრდილე და დაეინახე, რომ ცხვირი მთლად გასთეთრებოდა, ზურგზე მოკიდებული ტომრის მოხსნა მოინდომა, მოიხარა და უეცრად იატაკზე დაჯდა.

ასეთი წარმოსდგა პირველად ჩემს წინაშე ის ადამიანი, რომლის წყალობითაც ვწერ მე ამ ამბავს,—თითქმის სასიკვდილოდ გაყინული, შეიძლება ითქვას, ფეხზე ძლივს იდგა. მერე იატაკზე დაჯდა და ცდილობდა აკანკალებული თითები პირში ჩაეწყო, ღრმად სუნთქავდა, ტყაპუჭის გახდა დაეუწყე, მან რაღაც წაიბუტბუტა და გულშეწუხებული გვერდზე გადაეარდა.

ერთხელ დედაჩემს გული შეუწუხდა და დეიდა დაშა პირში სულს უბერავდა. მეც ასე მოვიქეცი ახლა. ჩემი სტუმარი თბილ ლუმელთან იწვა და გამოურკვეველია, ბოლოს რამ უშველა. თუმცა ისე თავგამეტებით ვუბერავდი, რომ მე თვითონ დამეხვა თავბრუ. ასე იყო თუ ისე, მოსულიერდა და გასათბობად ლუმელს

მიუჯდა. ცხვირი გაუთბა. გაღიმებაც კი სცადა, როცა ერთი ტოლჩა ცხელი წყალი დაეუსხი.

— თქვენ აქ მარტონი ხართ, ბავშვებო?

სანიამ ვერც კი მოასწრო თქმა „მარტონი“-ო, რომ მას უკვე ეძინა. ისე უცებ ჩაეძინა, რომ შემეშინდა, ხომ არ მოკვდა-მეთქი. მაგრამ თითქოს პასუხად, ხვრინვა ამოუშვა.

მხოლოდ მეორე დღეს მოვიდა გონს. რომ გამეღვიძა, ჩემი დის გვერდით იჯდა და საუბრობდნენ. ჩემ დას უკვე გაეგო, რომ ივან ივანიჩი ერქვა, რომ გზა დაებნა და რომ ჩვენ არავის არ უნდა ვუთხრათ ეს, თორემ „ცუჭუნდერზე წაიყვანენ“. უნდა გამოგიტყდეთ, დღემდე არ ვიცი ამ გამოთქმის ნამდვილი მნიშვნელობა, მაგრამ მახსოვს, მე და ჩემი და მაშინვე მივხვდით, რომ ჩვენ სტუმარს რაღაც საშიშროება მოელის და ერთმანეთთან შოულაპარაკებლად გადავწყვიტეთ, არაფრის გულისათვის არავისთან კრინტი არ დაგვეძრა იმის შესახებ. გაჩუმება, რა თქმა უნდა, ჩემთვის უფრო ადვილი იყო, ვიდრე სანიასათვის.

ივან ივანიჩი საწოლზე იჯდა და სანიას ტიტინს ისმენდა. სანიას უკვე ყველაფერი ჩაეკენქა: მამა ციხეში წაიყვანეს, თხოვნა შევიტანეთ, აქ ღეღამ ჩამოგვიყვანა და თვითონ ქალაქში დაბრუნდა, რომ მე მუნჯი ვარ, დიდება პეტროვნა კის იქით მეორე სახლში ცხოვრობს და იმასაც წვერი აქვს, ოღონდ უფრო პატარა და ქალარა.

— ოჰ, ჩემო კარგებო!— შესძახა ივან ივანიჩმა და ღუმელიდან მსუბუქად გადმოხტა.

კრელი თვალები და შავი წვერი ჰქონდა. ჯერ უცნაურად შეჩვენა, რომ ასე უთავბოლოდ აქნევდა ხელებს, გეგონებოდათ, საცაა ან ყურზე მოიკიდებს ხელს, ან ფეხისგულს მოიფხანსო, მაგრამ მალე მივეჩვიე. ლაპარაკის დროს უეცრად რაიმე ნივთს სტაცებდა ხელს და ჰაერში ათამაშებდა, ჟონგლიორივით ხელზე აჩერებდა.

პირველსავე დღეს მრავალი საინტერესო გასართობი გვაჩვენა. ასანთის, ხის ქერქისა და ერთი თავი ხახვისაგან რაღაც სასაცილო, კატის მსგავსი მხეცი გააკეთა, პურის გულისაგან კი—თაგვი. კატა იქერდა თავს და ნამდვილ კატასავით კრუტუნებდა. ათასნაირ თვალთმაქცობას გვაჩვენებდა: საათსა ჰყლაპავდა და მერე სახელოდან იღებდა. იმანვე გვასწავლა ჯოხზე წამოცმული კარტოფილის შეწვა,—ერთი სიტყვით, იმ დღეებში, რომელიც ჩვენთან გაატარა, მე და ჩემ დას არ მოგვწყენია.

— ბავშვებო, მე ექიმი ვარ,—გვითხრა ერთხელ,—მითხარით, ვის რა გტკივთ? ხელათ მოგარჩინთ.

ჩვენ ჯანმრთელები ვიყავით, ხოლო მამასახლისთან, რომელსაც ქალი გაუხდა ავად, რატომღაც არ მოისურვა წასვლა.

ასეთი პოზიციის
შიში მაქვს მე დიდი,
მეშინია, გამცემს ბერი,
მოლაღატე, ფლიდი.

თქვა და გაიცინა.

ლექსები პირველად მისგან მოვისმინე. ხშირად ლაპარაკობდა ლექსებით, მღეროდა კიდევ, ან ბუტბუტებდა, როცა ცეცხლთან წარბემაქიმული, თათრულად მოკეცილი იჯდა ხოლმე.

ჯერ თითქოს უხაროდა, რომ მე არ შემეძლო რაიმე მეკითხა. მისთვის,—განსაკუთრებით, როცა ლამლამობით ყოველ ფეხის ხმაზე გაელვძებოდა და დიდხანს იწვა ასე, იდაყვებზე დაყრდნობილი და სმენადქცეული, ან როდესაც სხვენზე იმალებოდა და ბინდებამდე,—ასე გაატარა ერთი დღე, მგონი, ეგორის უქმე,—ან, როცა პეტროვნას გაცნობაზე თქვა უარი.

მაგრამ გაიარა ორმა-სამმა დღემ და იგი დაინტერესდა ჩემი სიმუნჯით.

— რატომ არა ლაპარაკობ? არ გინდა?

მე გაჩუმებული ვუყურებდი.

— არა, უთუოდ უნდა ილაპარაკო. რაკი სმენა გაქვს, უნდა ილაპარაკო კიდევ. ეს, ძმაო, იშვიათად მოხდება, ყველაფერი გეყურებოდეს და მუნჯი კი იყო. იქნებ ყრუ-მუნჯი ხარ?

მე თავი გავიქნიე.

— მაშ, ილაპარაკებ.

ზურგჩანთიდან რალაცა იარაღები ამოალაგა, შეწუხდა, კარგი სინათლე არ არისო, თუმცა მზიანი, კაშკაშა დღე იყო, და ყურში ჩამიძვრა.

— ყური ვულგარის, — სიამოვნებით გამოაცხადა, — ყური ჯანსაღია.

კუთხეში მიდგა და ჩურჩულით თქვა: „სულელი“.

— გაიგონე?

მე გამეცინა.

— კარგად გეყურება, ძალივით.—თვალი ჩაუკრა სანიას, რომელიც პირდაპირი გვიყურებდა,—მშვენიერად გესმის. მაშ რატომ არა ლაპარაკობ, ჩემო კარგო?

ენაზე ორი თითი მომკიდა და ისე გამომწია, რომ შიშით ხრიალი დავიწყე.

— შენ, ძმაო, ისეთი ყელი გაქვს! ნამდვილი შალიაპინი ხარ! შაშა!

ერთ წუთს ასე მიყურებდა.

— უნდა ისწავლო, ჩემო კარგო,—სერიოზულად მითხრა.— შენთვის ხომ მაინც შეგიძლია თქვა რამე? გონებაში.

მან შუბლზე მომიკაკუნა.

— თავში, ვერ გაიგე?

მე დავიხმუველე, დიახ-მეთქი.

— ხმამალლა? რის თქმაც კი შეგიძლია, ყველაფერი ხმამალლა სთქვი. აბა, სთქვი „დიახ“.

მე თითქმის არაფრის თქმა არ შემიძლო, მაგრამ მაინც ვთქვი:

— დიახ.

— მშვენიერია! ერთხელ კიდევ.

კიდევ გავიმეორე.

— ახლა დაუსტვინე.

მე დავუსტვინე.

— ახლა თქვი „უ“.

ვთქვი „უ“.

— ზარმაცი ყოფილხარ და სხვა არაფერი! აბა რასაც ვიტყვი, გაიმეორე...

არ იცოდა, რომ მე გონებაში ყველაფერს ვამბობდი: ალბათ სწორედ ამიტომ დამამახსოვრდა ასე მკაფიოდ ბავშვობის წლები. მაგრამ ჩემი მუნჯური ლაპარაკი ჯერ შორს იყო ყველა იმ „ე“, „უ“, „ი“—ებიდან, ტუჩების, ენისა და ყელის ჩემთვის უცნობი მოძრაობიდან, რომელშიაც უმარტივესი სიტყვებიც კი იჩხირებოდა. მე ცალკე ბგერების, უნთავრესად ხმოვნების, გამეორებას ვახერხებდი, მაგრამ მათი შეერთება და მათი დაწყობილად გამოთქმა, როგორც ის მოითხოვდა, და არა „ყეუა“,—აი, ეს იყო ამოცანა!

მხოლოდ სამი სიტყვის თქმა მოვახერხე უცბად, „ყური“, „დედა“, და „ქურა“, თითქოს ოდესღაც ვიცოდი ეს სიტყვები და ახლა მხოლოდ გახსენება იყო საჭირო. ეს ასეც იყო: დედამ მითხრა, რომ ორი წლისამ ენა ამოვიდგი თურმე და უეცრად რაღაც ავადმყოფობის შემდეგ ენა ჩამივარდა.

ჩემ მასწავლებელს იატაკზე ეძინა, ტყაპუკი ეხურა, თივის ლეი-

ბის ქვეშ რალაც ლითონის ნივთი ამოდო, მე კი შამფურივით ვტრიალებდი, წყალსა ვსვამდი, ლოგინზე ვჯდებოდი, ვუყურებდი სარკმელს, რომელზეც ორთქლი ნაყუმებად შეყინულიყო. ვფიქრობდი იმაზე, შინ როგორ დავბრუნდები, როგორ დაველაპარაკები დედას, დეიდა დაშას. გამახსენდა ის წუთები, როცა მივხვდი, რომ ლაპარაკი არ ვიცი, არ შემძლია, მუნჯი ვარ. ეს საღამოთი მოხდა, დედას ეგონა მეძინა და ფერმკრთალი, მკერდზე გადმოყრილი შავი ნაწინავეებით დიდხანს მიყურებდა. მაშინ პირველად მომივიდა თავში მწარე ფიქრი, რომელმაც ჩემი ცხოვრების პირველი წლები მოწამლა: „ყველაზე ცუდი ვარ და დედას ვეთაკილები“...

მთელი ღამე ე, უ, ი-ს ვიმეორებდი და ბედნიერებისაგან დილაშდის არ დამძინებია. უკვე მოდღევებულიყო, სანიამ რომ გამალეოდა.

— მე დიდედასთანაც გადავირბინე, შენ კი ისევა გძინავს,— მითხრა სწრაფად,— დიდედას კნუტი დაეკარგა, კნუტი მურკას ქვაბში ჩაუსვამს. ივან ივანიჩი სადღაა?

ღეიბი იატაკზე იდო და ჯერ კიდევ ეტყობოდა ჩატკეპნილი ადგილები: თავი, მხრები, ფეხები. მაგრამ თვითონ ივან ივანიჩი არსად იყო. თავქვეშ ზურგჩანთას იდებდა ხოლმე— ალარც ჩანთა ჩანდა: ტყაპუქს იხურავდა— ალარც ტყაპუქი.

— ივან ივანიჩი!

სხვენში ავეცივდით, არც იქ იყო.

— გეფიცები, ეძინა, ვიდრე მე დიდედასთან გადავირბენდი, კარგად დავინახე— ეძინა. ვიფიქრე, მანამ გაიღვიძებდეს, დიდედასთან მივირბენ-მეთქი. ხელავ, სანკა!

მაგიდაზე შავი მილაკი იდო ბოლოებზე ორი მრგვალი ფირფიტით. ერთი ფირფიტა ბრტყელი და უფრო დიდი იყო, მეორე— პატარა და უფრო ღრმა. ჩვენ მოგვაგონდა, რომ ივან ივანიჩმა სხვა იარაღებთან ერთად ამოიღო ზურგჩანთიდან, როცა ყურებს მისინჯავდა.

თვითონ სადღაა? ივან ივანიჩი!

მას შემდეგ მრავალმა წელმა განვლო. ბერინგისა და ბარენცის ზღვებზე დაფრინავდი, ესპანეთში ვიყავი. შევისწავლე სანაპიროები ლენისა და ენისეის შორის. არა ცრუმორწმუნოებით, არამედ მადლობის ნიშნად იმ ადამიანისადმი, ყველგან თან დამაქვს ის შავი მილაკი, რომელიც ჩვენთან დარჩა, ან იქნება სახსოვრად დაგვიტოვა? მალე გავიგე, რომ ეს იყო სტეტოსკოპი, ძალიან მარტივი იარაღი, რომლითაც ექიმები გულსა და სუნთქვას სინ-

ჯავენ. მაგრამ მაშინ იგი ისეთივე იღუმალებით მოცული და საყვარელი მეჩვენებოდა, როგორც თვითონ ივან ივანიჩი, როგორც ყველაფერი, რასაც ამბობდა და აკეთებდა.

— ივან ივანიჩ!

გაპქრა, დაიკარგა, წავიდა ისე, რომ არავის უთხრა.

დაღონებული ეზოში გამოვედი და სახლს შემოვუარე. კვალი! მისი ფეხის კვალი, უკვე თოვლით ოდნავ წანამქრული, პირდაპირ მინდვრისაკენ მიდიოდა, მეორე მხარეს მიმავალი გზა კი განზე რჩებოდა. ნაფეხურები თანდათან პატარავდებოდა და გუბურასთან ქრებოდა ბილიყზე, რომლითაც დედაკაცები ყინულქრილზე მიდიოდნენ ხოლმე სარეცხის გასაველებად.

თავი მეთხუთსედი

მამაჩემის სიკვდილი. არ მინდა ვილაპარაკო

მთელი ზამთარი ლაპარაკს ვსწავლობდი. დილით ჯერ ხეირიანად არც კი ვიყავი გამოღვიძებული, რომ უკვე იმ ექვს სიტყვას ვამბობდი, რომელიც ივან ივანიჩმა ყოველდღე გასამეორებლად მიანდერძა: „ქათამი“, „უნაგირი“, „ყუთი“, „ქარბუქი“, „სვამენ“, „აბრამი“. რა ძნელი იყო ეს! და რა მშვენიერად, როგორ სულ სხვანაირად გამოთქვამდა ამ სიტყვებს ჩემი და!

მაგრამ კერძი ვიყავი და შელოცვასავით, რომელსაც ჩემთვის უნდა ეშველა, დღეში ათასჯერ ვიმეორებდი ამ სიტყვებს, სიზმარში ვხედავდი. წარმოდგენილი მყავდა ვიღაც იღუმალებით მოცული აბრამი, რომელიც ქათამს ყუთში სვამს, ან სახლიდან ქუდით გადის და მხრით უნაგირი მიაქვს. ქარბუქი, სვამენ!

ენა არ მემორჩილებოდა, ტუჩებს ძლივს ვამოძრავებდი. რამდენჯერ მინდოდა სანიასთვის მეცემა, რომელიც თავისდა უნებურად დამცინოდა. ლამლამობით დანაღვლიანებულს მეღვიძებოდა და ვგრძნობდი, რომ ვერასოდეს ლაპარაკს ვერ ვისწავლიდი, სამუდამოდ მახინჯი დავრჩებოდი, როგორც ერთხელ დედამ მიწოდა. იმავე წუთს შევეცდებოდი ხოლმე ეს სიტყვაც მეთქვა, „მახინჯი“. მახსოვს, როგორ ძლივძლივობით მოვახერხე და ბედნიერს ჩამეძინა.

ივან ივანიჩი მიშლიდა ლაპარაკის დროს ხელების ქნევას, რათა გადავჩვეოდი ყრუ-მუნჯთა ამ ჩვეულებას, რომელსაც საქმა-

ოდ მტყიცედ ჰქონდა გადგმული ფესვები ჩემში. ჯიბეებში ხელბაწყობილი თვალებით ვუჩვენებდი საგნებს—სარკმელს, ლუმელს, ვედროს—და ხმამაღლა ჩამარცვლით წარმოვთქვამდი ამ სიტყვას. რატომღაც მახვილების დასმას ვერ ვახერხებდი და დღემდისაც მიჭირს ეს...

ის დღე, რა დღესაც გაღვიძებისთანავე ეს სანუკვარი ექვსი სიტყვა არ მითქვამს, ჩემი ცხოვრების ყველაზე სევდიანი დღე იყო.

პეტროვნამ აღრე გავგაღვიძა—ესეც საოცარი იყო, რადგან ის კი არ მოდიოდა ჩვენთან, ჩვენ თვითონ მივდიოდით ხოლმე იმასთან დილაობით. ლუმელს ვუნთებდით, ჩაიდანს ვუდგამდით. ჯობის კაკუნით შემოვიდა და ხატის წინ შეჩერდა. დიდხანს რალაცას ბუტბუტებდა და პირჯვარს იწერდა. მერე ჩემ დას დაუდახა და უთხრა, ლამპა აენთო...

მრავალი წლის შემდეგ უკვე მომწიფებულმა ვაჟკაცმა ერთ ხელ კუდიანი დედაკაცი ვნახე საბავშვო წიგნში. ეს იგივე პეტროვნა იყო - წვერიანი, მოკუზული. ყავარჯნით. მაგრამ პეტროვნა კეთილი კუდიანი იყო. იმ დღეს კი... იმ დღეს იგი გრძელ სკამზე იჯდა, მძიმედ ოხრავდა და ისე მომეჩვენა, თითქოს ცრემლებიც კი ჩამოუგორდა წვერზე.

— სანკა, სანკა!—მითხრა მან.—ჩემთან მოდი.

მე მივედი.

— სანკა, შენ უკვე დიდი ხარ.—პეტროვნამ თავზე ხელი გადამისვა,—გუშინ დედაშენისაგან წერილი მოვიდა, ივანე ავად გამხდარა.

იგი ტირიდა.

— ძალიან მძიმედ გამხდარა ავად ციხეში. თავი და ფეხები დასიებია. იწერება, არ ვიცი, ახლა ცოცხალია თუ არაო.

ჩემი დაც ატირდა.

— რას ვიზამთ, ღვთის ნებაა,—თქვა პეტროვნამ,—ღვთის ნებაა.—რალაცნაირი სიბრაზით გაიმეორა და თვალები კვლავ ხატისაკენ ალაპყრო.

მამა ავად გამხდარაო, გვითხრა, მაგრამ საღამოთი ეკლე სიაში მივხვდი, რომ იგი მოკვდა. საღამოთი პეტროვნამ ეკლესიაში წაგვიყვანა, რომ იმისათვის გველოცნა, როგორც მან გვითხრა.

საკვირველია, მაგრამ სამი თვე ისე გავატარე სოფელში, რომ თითქმის არავის ვიცნობდი, გარდა რამდენიმე ბიჭისა, რომლებ-

თანაც ერთად თხილამურებით ვსრიალებდი. არსად არ დავდობოდი, რადგან ჩემი სიმუნჯისა მრცხვენოდა. ახლა კი საყდარში მთელი ჩვენი სოფელი ვნახე, ჩვენსავით ნაღვლიანი, ლარიბულად ჩაცმული, დაღუმებული დედაკაცები და ბერიკაცები. ისინი სიბნელეში იდგნენ,—სანთლები მხოლოდ წინ ენთო, სადაც მღვდელი გაბმით რალაცას კითხულობდა. ბევრი ოხრავდა და პირჯვარს იწერდა.

„უფალო შეგვიწყალებ“, — გაუთავებლად იმეორებდა მღვდელი. პირიდან ორთქლი ამოსდიოდა, საცეცხლურიდან კი, რომელსაც ის აქნევდა, ლურჯი ბოლი ადიოდა. მე მეჩვენებოდა, რომ სხეებიც, როგორც მე, კი არა ლოცულობდნენ, უბრალოდ ამ ბოლს უყურებდნენ, როგორ ადის დახვეული ბოლი და ზევით, გაყინული ფანჯრებისაკენ მიექანება. ეტყობა, დამავიწყდა მამაჩემი. მაგრამ უეცრად პეტროვნამ ზურგში გაჯავრებით წამკრა ხელი, დღესაც არ ვიცი რატომ, და სწორედ ამ წუთში გამახსენდა მამა. მივხვდი, რომ იგი მოკვდა.

ყველა ოხრავდა და პირჯვარს იწერდა, იმიტომ რომ იგი მოკვდა. მე და ჩემი დაც იმიტომ ვიდექით აქ, ჩაბნელებულ ეკლესიაში, რომ იგი მოკვდა. პეტროვნამაც გაჯავრებით იმიტომ წამკრა ხელი, რომ იგი მოკვდა. ჩვენ ვდგევართ და „ელოცულობთ მისთვის“, იმიტომ რომ იგი მოკვდა.

პეტროვნამ ჩემი და თავისთან წაიყვანა, მე კი სახლში დავბრუნდი და დიდხანს ვიჯექი სიბნელეში. სინათლე არ ამინთია. შავ ხოქოებს, რომლებიც დიდდემ საგანგებოდ ბედნიერებისათვის მოგვიყვანა, გაცივებულ ქურაზე შარიშური გაჰქონდათ; კარტოფილსა ვქამდი და თან ვტიროდი.

მოკვდა, ველარასოდეს ველარა ვნახავ! აი, სათათბიროდან გამოაქვთ, იმ ოთახიდან, სადაც მე და დედაჩემმა თხოვნა შევიტანეთ... ჰამას თავი გავანებე და კრიჟა შევეკარი, როცა ის ცივი ხმა და გრძელი, გამხმართითებიანი ხელი გამახსენდა, რომელშიც ქანაობდა სათვალე. დამაცადე! სამაგიეროს გადაგიხდი! ოდესმე შენც მოხვალ ჩემთან და თავს დაბლა დამიკრავ, მე კი გიპასუხებ: „სასამართლო გაარჩევს, ჩემო კარგო“... აი დერეფანში კუბო მოაქვთ, დარაჯები ქალღმერთით ხელში დარბიან, არავის არა სურს დაინახოს, რომ მას მოასვენებენ. მხოლოდ დეიდა დაშა ეგებება წინ მოლოზანივით გრძელ, შავ შალში გახვეული. მოდის. პირჯვარს იწერს და ტირის. მაგრამ, აი შევდექით, კარებთან ვი-

ლაც დგას, კუბო ქანაობს და იატაკზე ეშვება. დედა თავს ხრის, მე ქვემოდან შევცქერი და ვხედავ, როგორ უთრთის ტუჩები...

ჩემივე ხმამ გამომათხიზლა. ეტყობა, სიცხე მქონდა, რალაც აბდა-უბდას ვჩმახავდი. ჩემ თავს და რატომღაც დედაჩემსაც ვლანძღავდი, თან ივან ივანიჩს ველაპარაკებოდი, თუმცა მშვენივრად ვიცოდი, რომ დიდი ხანია წავიდა და მისი ნათესაურები მხოლოდ ორი დღე აჩნდა მინდორს.—მერე თოვლმა დაჰფარა.

მე ვლაპარაკობდი ხმამალლა და ჯარკვევით! მე ვლაპარაკობდი. ახლა შემეძლო მეამბნა, რა მოხდა იმ ღამეს პონტონის ხიდზე. მე და ვამტკიცებდი, რომ დანა ჩემი იყო. რომ ის მაშინ დავკარგე, როცა მოკლულისაყენ დავიხარე. გვიანდაა, სამუდამოდ დავიგვიანე და უკვე ველარაფერს ვუშველი!

თავზე მკლავებზე შემოქცობილი სიბნელეში ვიწევი. სახლში ციოდა, ფეხები გამეყინა. მაგრამ დილამდის არ ავმდგარვარ. გადავწყვიტე, აღარ მელაპარაკა. რისთვის ველაპარაკო? სულ ერთია. მამაჩემი მოკვდა და მე იმას ველარასოდეს ველარა ვნახავ.

თავი მუშვილი

დ ე დ ა

კარგად არ მახსოვს თებერვლის რევოლუცია და ქალაქში დაბრუნებამდე ამ სიტყვის მნიშვნელობაც არ მესმოდა. მაგრამ ეს კი მახსოვს, რომ უცნაური მღელვარება და გაუგებარი საუბრები მე მაშინ ჩემს ღამის სტუმარს დაუუკავშირე, რომელმაც ლაპარაკი მასწავლა.

საღამოთი, როდესაც ჯოხზე წამოვაგებდი კარტოფილს, ხშირად ვფიქრობდი იმაზე და სულ უფრო იღუმალებით მოკული, სულ უფრო მიმზიდველი წარმომიდგებოდა ხოლმე იგი. რად გაჰქრა ისე მოულოდნელად? არ გამოგვეთხოვა, არ გვითხრა, სად მიდიოდა. სხვენზე რად იმალებოდა? რატომ არ უმკურნალა მამა-სახლისის მანკას. პეტროვნასთანაც კი არ წავიდა. სად არის ახლა? დაბრუნდება კი? ღამღამობით რომ გამომეღვიძებოდა, ყურს მივუგდებდი ხოლმე, ფანჯარას ხომ არ აკაკუნებენ, იგი ხომ არ არის-მეთქი? ფანჯარას არავინ აკაკუნებდა, მხოლოდ რბილად, ოღნავ გასაგონი შრიალით ეცემოდა თოვლი ჩვენ სახლს და უეცრად საკვამურში ქარი იწყებდა ღმუილს.

მის შესახებ არაფერი გვევლინებოდა. მე თვითონაც არ ვიცო-
რატომ, მაგრამ დარწმუნებული ვიყავი, რომ ახლა ყველაფერი
სხვანაირად იქნებოდა, ახლა არც სხვენზე დამალვა დასპირდებო-
და და, მგონი, არც პეტროვნას გაცნობაზე ირყოდა უარს.

ვერ შევამჩნიე, როგორ გავიდა გაზაფხული. ზაფხული კი იმ
დღეს დაიწყო. როცა „ნეპტუნი“ სტვენით და მრისხანედ უკან-
სვლით მოადგა ნავმისადგომს, სადაც მე და დედაჩემი დილიდან
ველოდებოდით.

მინკას ლურჯი, უკვე კარგა გაცვეთილი ქურთუკი ეცვა, თავზე
ოქროსფერი ასოებით მოხატული კეპი ეხურა, უწინდებურად კი-
ბეზე იდგა და მგზავრებს გულგრილად შეჰყურებდა. წვერმოშვი-
ბული კაპიტანი-მესაქე ყრულ ჩასძახოდა მიღში: „შეჩერდი! წინ!“
და „შეჩერდი!. სელა უკან“. გემბანი იღუმალად ზანზარებდა.
ჩვენ ქალაქში ებრუნდებოდით. დედას—გამხდარს, გაახალგაზრ-
დავებულს, ახალ პალტოში და ახალ, ფერად შალში მორთულს,
სახლში მივყავდით...

ზამთარში ხშირად მიფიქრია, როგორ გაცოდებამეთქი დედა-
ჩემი, როცა ჩემს ლაპარაკს გაიგონებს. იმან კი ხელი მომხვია
მხოლოდ და გაიცინა. სულ შეცვლილიყო ამ ზამთარს. ერთთა-
ვად რაღაცაზე ფიქრობდა—ამას მაშინვე მივხვდებოდი ხოლმე
მისი სახის ცოცხალი მოძრაობით—ხან ცუდ გუნებაზე დგე-
ბოდა, ხან ელიმებოდა. პეტროვნამ გადაწყვიტა, ქუთაზე ირყე-
ვარ, და ერთხელ ოხვრით ჰკითხა ამის შესახებ. დედას გაელინა
და არაო, უთხრა.

ტყეში წავედით პეტროვნასათვის ნორჩი ლაფანის შესაგროვებ-
ლად, რომელიც ქალამნების ამოსასხმელად სპირდებოდა. იგი
ქალამნებს ჰყილდა. დედა სწორედ ისეთი ჩამრჩა მესხიერებაში,
როგორიც იმ დღეს იყო: შავთმიანი, მკვრივი, თეთრი კბილებით,
მკერდზე ჯვარედინად გაკრულ ფერადი შალით დაიხრებოდა,
ხეს მარჯვედ მოსჭრიდა და ტოტებს აცლიდა. შემდეგ ტოტებზე-
მოცლილ ხეს კინტს მოაკვნეტდა და ხელის ერთი გაკვრით ლა-
ფანს აცლიდა. ჩემთვისაც უნდოდა ესწავლებინა, მაგრამ არაფერი
გამოვიდა, გარდა იმისა, რომ თითო გავიქერი.

მერე ბუჩქებში დავიმაღე და დიდხანს ვიჯექი ჩათიქრებული,
ჩიტების ჰიკიკის ვუსმენდი და დედაჩემს შევეყურებდი, რომელიც
სულ უფრო მშორდებოდა. უეცრად სიმღერა დაიწყო:

მეწერილმანე მომადგა,
მეწერილმანე ვაკარი,
ცხენი მყავდა მივიციდე.—
უმარილი ვიყიდე.—

ძროხა მყავდა—მივიციდე—
და შუშტაკი ვიყიდე;
საწველელი მივიციდე—
სალებავი ვიყიდე.

მზემ ბუჩქები გაანათა, იგი წელში გაიშალა, სახე ასწითლგ-
ბოდა, თვალები უბრწყინავდა. მის თავს რალაც იყო!

ჩენთან იშვიათად იგონებდა მამას, მაგრამ ყოველთვის, როცა
აღერსიანად მელაპარაკებოდა, ვიცოდი, რომ იმაზე ფიქრობდა.
ჩემი და მას ყოველთვის უყვარდა...

გემზე ერთთავად ფიქრებში იყო წასული, წარბებსა სკიმავედა,
თავს აქნევდა. ეტყობა, გონებაში ვილაცას ეკამათებოდა. მეც
სულ ვფიქრობდი და ვფიქრობდი: წარმოდგენილი მქონდა, რო-
გორ მედიდურად დავიწყებდი სიარულს ეზოში და უეცრად რაიმეს
ვიტყოდი, ისე, სხვათა შორის, ვითომ ყოველთვის ვიცოდი ლაპა-
რაკი. წყალს ჩავაშტერდი, ჩამთვლიმა და სიხმარში შიშით კინა-
ლამ გავეკრი: მომეჩვენა, თითქოს ისევე დავმუნჯებულყავი.

— დედა,—წავიჩურჩულე.

ის სდუმდა.

— დედა!—დავიყვირე თავზარდაცემულმა.

იგი ჩემსკენ მოტრიალდა...

რა გაპარტახებული, როგორი ღარიბული მეჩვენა ჩვენი ეზო!
წელს არავის ეზრუნა წყლის საღინარებზე და ჭუჭყიანი წყალი,
რომელშიც ნაფოტები ტივტივებდნენ, ისევე დარჩენილიყო აივნის
ქვეშ. დაბალი ბელღები უფრო მეტად გადაზნექილიყვნენ ამ
ზამთრის განმავლობაში. ღობეში ისეთი ხერელები გაჩენილიყო,
რომ ურემი გაივლიდა. სკოვოროდნიკოვების უკან აყროლებული
ძვლების, ჩლიქებისა და ტყავის მთელი გორა იდგა.

მოხუცი წებოს ხარშავდა. იმავე სკამზე იჯდა, წინსაფარ-
აფარებული, ცხვირზე სათვალთ, ქურაზე პრიმუსი იდგა, პრი-
მუსზე კი რკინის ქვაბი, საიდანაც ისეთი საშინელი სუნი მოდიო-
და, რომ, რაც ხანი იმასთან ვიჯექი, სულ გული მერეოდა.

— ეს ყველას ჩვეულებრივი წებო ჰგონია,—მითხრა, როცა
ნახევარი საათის შემდეგ ჰაერზე გასვლა მოვიწოდებდი,—სინამდვი-
ლეში უნივერსალური წებოა. ყველაფერს აწებებს—რკინას, მინას,
აგურსაც კი, თუ ისეთი სულელი გამოჩნდება ვინმე, რომელიც
აგურის დაწებებას მოინდომებს. ეს მე გამოვიგონე. სკოვოროდ-

ნიკოვის სადაბლო წებო. და რაც უფრო ყარს, მით უფრო კარ-
გად აწებებს.

სათვალის ზემოდან უნდობლად გადმომხედა.

— სკოვოროდნიკოვის სადაბლო წებო, — გაიმეორა და
ამოიოხრა, — შეიდი მანეთი რომ მაშოვინა კიდეც რეკლამი-
სათვის, — მუშტარს ფებს ვერ ავუქცევდით. ბაზარზე გლახები ორ
აბაზს აძლევენ გირვანქა სადურგლო წებოში. რა ჰქვია ამას?
ძარცვა. აბა ერთი თქვი რამე!

მე ვთქვი. თანხმობის ნიშნად თავი დამიქნია.

— ეჰ, საწყალი ივანე! — თქვა მან.

ღეიდა დაშა სხვაგან იყო და ორი კვირის შემდეგ დაბრუნდა.
აი, ვინ გაუახარე და ვინ შევაშინე! საღამოთი სამზარეულოში ვის-
ხედით. აღარ გამითაეა, სულ მეკითხებოდა, სოფელში როგორა
ცხოვრობდითო, — მეკითხებოდა და პასუხს თვითონვე იძლეოდა.

— საბრალო ბავშვებო, ალბათ მოგწყინდათ სულ მარტოდ-
ნარტო? მაშ რა იქნებოდა! ვინ გიხარშავდათ საკმელს, პეტროვნა?
პეტროვნა!

— არა, პეტროვნა არ გვიხარშავდა, — უცებ ვთქვი მე. — ჩვენ
თვითონ ვხარშავდით.

ჩემს სიცოცხლეში არ დამავიწყდება მისი სახე, როცა ეს სიტყ-
ვები წარმოვთქვი. პირი დაალო, თავი გაიქნია და დაასლოკინა.

— არც მოგვეწყენია, — დავუმატე ხარხარით, — მხოლოდ შენ
მოგვენატრე. რატომ არ ჩამოგვხედე, ჰა?

გულში ჩამიკრა.

— ჩემო ბიჭიკო, ეს როგორ მოხდა? რა ექნა! ლაპარაკი და-
იწყე? დაიწყე ლაპარაკი, ჩემო გვრიტო? თან ჩუმად არის და თავს
იკატუნებს. აი, შე ეშმაკო! აბა მიამბე ერთი.

მეც ვუამბე გათოშილი ექიმის ამბავი, რომელმაც ჩვენი ქოხის
კარებზე დააკაკუნა, როგორ ვმალავდით სამი დღე და ღამე, რო-
გორ მასწავლა „ე“, „უ“, „ი“ როგორ უნდა მეთქვა და ბოლოს
„ყური“ მათქმევინა.

— მისთვის უნდა ილოცო, სანია, — სერიოზულად მითხრა მან, —
რა ჰქვია?

— ივან ივანიჩი.

— ილოცე, ყოველ საღამოთი ილოცე.

მაგრამ მე ლოცვა არც ვიცოდი და არც მიყვარდა.

პეტკა სკოვოროდნიკოვი

დღედა დაშამ მითხრა, რაც ლაპარაკი დაიწყო, ძალიან გამოიცვალეო. მე თვითონვე ვგრძნობდი ამას. წარსულ ზაფხულში ამხანაგებს ვერიდებოდი, ჩემი ნაკლის მძიმე შეგნება ხელ-ფეხს შიკრავდა, მეტიწინეტად მორცხვი, მიუკარებელი და ძალიან სევდიანი ვიყავი. ასლა თითქმის ძნელია ამის დაჯერება.

ორ-სამ თვეში ჩემს ტოლებს დავეწვი. თორმეტი წლის პეტკა სკოვოროდნიკოვი დამიმეგობრდა. იგი წოწოლა, გამბედავი, წითელთმიანი ბიჭი იყო.

პირველად ჩემ ცხოვრებაში წიგნები პეტკასთან ვნახე. ეს იყო „მოთხრობები მონადირეთა მოქმედების შესახებ წარსულ ომებში“, „იური მილოსლავსკი“ და „წერილების ნიმუშთა კრებული“, რომლის ყდაზედაც გამოსახული იყო წითელპერანგიანი, უღვაშებიანი ყმაწვილი კაცი კალმით ხელში, ხოლო მის ზემოთ ოვალში — ქალი.

სწორედ ამ „წერილების ნიმუშთა კრებულის“ კითხვის დროს დაემეგობრადით. რაღაც იდუმალებით იყო აღსაყვამე ეს მიმართეზი: — „კეთილო მეგობარო“, ან „მოწყალეო ხელმწიფეო ა. ფ.“. შორეული ზღვაოსნობის შტურმანის წერილი მომაგონდა და პირველად ვთქვი ხმამაღლა.

ტაძრის ეზოში ვისხედით: წყალგაღმა ჩვენი ეზო და სახლები ძალიან პატარა, ბევრად უფრო პატარა მოჩანდა, ვიდრე სინამდვილეში იყო. აი, დაპატარავებული დეიდა დაშა აივანზე გამოვიდა თევზის გასაფხეკად. ასე მეგონა, იმასაც კი ვხედავდი, როგორ სცივოდა ვერცხლისფერი ქეცედი თევზს და დეიდა დაშას ფეხთით როგორ ეფინებოდა. აი კარლუშამ — ჩვენი ქალაქის გიჟმა, რომელიც ერთთავად ხან მოიღუშება, ხან ილიმება, მდინარის გაღმა ნაპირზე გაიარა და ჩვენ ჭიშკართან შეჩერდა, ალბათ დეიდა დაშას გამოელაპარაკა.

წერილს ზეპირად ვამბობდი და თან მათ გავცქეროდი. პეტკა ყურადღებით მისმენდა.

— საინტერესოა, — თქვა მან. — მეც ვიცოდი ეგ წერილი, მაგრამ დამავიწყდა. მერე რა მოხდა?

— სულ ეგ არის.

— ნეტავი, რა მოუვიდა შემდეგ მაგ გემს. იქნებ მიუწარეს? — ნიკ კარტერი წაგიკითხავს?

— არა!

— იქაც ასეთივე შემთხვევა იყო,—ერთი მილიონერი წყალსატევში ჩააგდეს. მან მოიფიქრა და ონკანი დაკეტა. მებაღემ რომ შორწყვა დააპირა, გაუკვირდა, წყალი რატომ არ მოდისო? და სწორედ უკანასკნელ წუთში მიუსწრო, თორემ იქ სული ამოხდებოდა. შეხ კი ძალიან გაგზიჰპირებია. დიდხანს სწავლობდი?

— არ ვიცი.

— მოდი, რამეს წავიკითხავ, აბა თუ გაიმეორებ.

მან წაიკითხა:

„პასუხი უარით.

მოწყალეო ხელმწიფევე, ს. ნ.

თქვენ მიერ გამოთქმული გრძნობები ფრიად საამაყოა ჩემთვის. მაგრამ არ შემიძლია გითანაგრძნოთ იმ მიზეზების გამო, რომელთა ჩამოთვლა აქ უსარგებლოა, რამეაუ ისინი თქვენ არ გეხებათ.

შენიშვნა: პასუხები უარით ყოველთვის იწერება ზოგადი მარტივი ფრაზებით. ისინი არ უნდა შეიცავდნენ არავითარ სხვა იდეებს, გარდა თავაზიანობისა“.

ეს წერილი და შენიშვნა სიტყვა სიტყვით გავიმეორე. პეტკამ უნდობლად ცხვირი მოიხოცა.

— ყოჩაღ!—მითხრა მან.—ახლა ეს.

და სულმოუთქმელად წაიკითხა:

„წერილი მამაკაცთან და ქალთან.

სხვისი სიტყვებით დავიწყებ: „ვისურვებდი, რომ ყველაფერი განვლილი დამევიწყა, მაგრამ მიჭირს წარსულთან განშორება. მასშია წამიერად გამომკრთალი ბედნიერებაც, მასშია ჩემი სიხარულიც და სევდაც“. იცი კი? მე ვპოვე ის, რასაც ძვირად ვაფასებ შენში (საჭიროა აღნიშნოთ სახელდობრ რა). შენზე უფრო ძვირფასი და შენზე საყვარელი არავინა მყავს, შენ იმდენად საყვარელი იყავი ჩემთვის (აჰას მოსდევს რამდენად). ვიგონებდი პირველ კრემლს და შენს პირველ ამბორს... აი, უკვე ორი დღეა, რაც მე უშენოდ ვცხოვრობ (საჭიროა აღინიშნოს: მხიარულად, მოწყენილად, კარგად ან ოჯახური გარემოების შესახებ). მშვიდობით, გკოცნი“.

ოდნავი ბორძიკით ეს წერილიც გავიმეორე.

— ყოჩაღ,—აღტაცებით თქვა პეტკამ.—აი, მესმის მეხსიერება!

სამწუხაროდ, ჩვენ ძალიან იშვიათად ვატარებდით ასე კარგად დროს. პეტკა მოუტლელად იყო: „ჩინელების პაპიროსებით

ვაქრობდა“, ასე ეძახდნენ ჩვეს ქალაქში ამ მძიმე ხელობას. ჩინელები პოკროვსკის გარეუბანში ცხოვრობდნენ, ისინი პაპიროსებს აკეთებდნენ და გასაყიდად ბიჭებს ქირაობდნენ ხოლმე. ახლაც თვალწინ მიდგას ერთი ჩინელი, გვარად ლი,—ტანმორჩილი, შავყვითელი, საოცრად დანაოკებული სახის, საკმაოდ კეთილი კაცი. ყველას ასე მიაჩნდა, რომ „გასამასპინძლებლად“ ლი სხვა ჩინელებზე მეტს იძლეოდა. „გასამასპინძლებლად“—ეს იყო ჩვენი სუფთა შემოსავალი (შემდეგში მე თვითონაც დავიწყე ვაქრობა), იმიტომ რომ ჩვენ მართლაც ყველას ვუმასპინძლებოდით: „მოსწიეთ, გეთაყვა“, მაგრამ ის გულუბრყვილო მუშტარი, რომელიც ამ მასპინძლობას იღებდა, უთუოდ ნაღდს იხდიდა. ეს იყო ჩვენი ფული. თითო კოლოფში ორას ორმოცდაათი ცალი პაპიროსი ეწყო—„კატიკი“, „ალექსანდრე III“. პაპიროსს სადგურზე, მატარებლებში და ბულვარებზე ვყიდდით.

1917 წლის შემოდგომა ახლოვდებოდა, მაგრამ ტყუილი იქნებოდა, რომ მეთქვა, თითქოს ვგრძნობდი, ან ოდნავ მაინც მესმოდა იმ დროის მნიშვნელობის მთელი სიღრმე, როგორც ჩემთვის, ისე მთელი ჩვენი ქვეყნისა და საერთოდ მთელი ქვეყნიეობებისათვის... ჟერაფერს ვხედავდი და არც რაიმე გამეგებოდა. ის გამოურკვეველი მღელვარებაც კი დამავიწყდა, რომელიც გაზაფხულზე სოფელში განვიცადე. ვცხოვრობდი ასე, ჩვეულებრივად დღე დღეს მისდევდა, პაპიროსით ვვაქრობდი და კიბოებს ვიჭერდი: ყვითელს, მწვანეს, ნაცრისფერს, ცისფერი კი, არა და არ იქნა, ერთხელაც არ შემხვედრია.

მაგრამ ჩემს თავისუფლებას მალე მოეღო ბოლო.

თავი მესხრა

ჯოხნი, ჯოხნი, ჯოხნი, მესუთე, მიოცე, მასა...

ალბათ ჩვენ დაბრუნებამდეც დადიოდა ჩვენთან. ეზოში ყველა იცნობდა და ის აგდებულ-დამცინავი დამოკიდებულება, როგორც მას სკოვოროდნიკოვი და დეიდა დაშა ექცეოდნენ, უკვე დიდი ხანია არსებობდა. ახლა კი თითქმის ყოველდღე დაიწყო სიარული. ზოგჯერ მოჰქონდა რამე, მაგრამ პარტიოსნებას გეფიცებით, არც ერთი იმისი მოტანილი ქლიავი, არც ერთი ცერცვი, არც ერთი ყანდი არ შემიკამია!

გრუზა კაცი იყო, უღვაშებგადაგრეხილი, პირმსუქანი, მაგრამ საკმაოდ მოხდენილი ტანის. ჩემი აზრით, ძალიან საზიზღარი ბოხი ხმა ჰქონდა. ფერისმკვამლეებს მკურნალობდა, რომელიც მუქ კანზე ეყარა, მაგრამ დედაჩემს, სამწუხაროდ, მოსწონდა მთელი მისი ფერისმკვამლეებით, კულულებით და საზიზღარი ბოხი ხმით. ასე რომ არა ყოფილიყო, განა ყოველდღე ივლიდა ჩვენთან? დიახ, მოსწონდა. იმასთან დედაჩემი სულ იცვლებოდა, იცინოდა და იმისავით გრძელ საუბარსაც გააბამდა ხოლმე. ერთხელ დავინახე, თავისთვის იჯდა და იღიმებოდა. მაშინვე მივხვდი, რომ იმ კაცზე ფიქრობდა. ერთხელ კიდევ დეიდა დაშასთან საუბარში ვილაცახე თქვა: „არანორმალურობა რამდენიც გნებავთ“,—ეს იმ კაცის სიტყვები გახლდათ.

გვარად ტიმოშკინი იყო, მაგრამ რატომღაც თავის თავს გაერკულის ეძახდა,—დღემდის აო ვიცი, ამით რის თქმა სურდა. ეს კი მახსოვს, რომ დედაჩემს ეტყოდა ხოლმე, „საწყალი გაერი¹ ვარ და ცხოვრება ნაფოტივით აქეთ-იქით მისვრისო“.

ამ დროს გაიბღინძებოდა ხოლმე და სულელური, ჩაფიქრებული სახით დედაჩემს უყურებდა.

და ეს გაერი ყოველ ცისმარე საღამოს მოდიოდა ჩვენთან. აი ერთი ასეთი საღამოც:

სამზარეულოს ლამა კედელზე ჰკივდა, ჩემი ქოჩორა თავის ჩრდილი ეცემა რვეულს, მელნის ბოთლს და ხელს, რომელიც კალმის უმწეო წრიპინით ქაღალდზე მოძრაობს.

მაგიდასთან ვზივარ, მეტი გულმოდგინებით ენით ლოყას ვბერავ და ჯოხები გამომყავს—ერთი, მეორე, მესამე, მეათე, მეათასე. მილიონი ჯოხი მაინც გამოვიყვანე, იმიტომ რომ ჩემი მასწავლებელი ამტკიცებდა: ვიდრე ისინი „პოპინდიკულარულები“ არ იქნებიან, წინ წასვლა არავითარ შემთხვევაში არ შეიძლებაო. ის გვერდით მიზის და მასწავლის, თანაც დროგამოშვებით შემწყალედ შეხედავს დედაჩემს. მასწავლის არა მარტო იმას, როგორ უნდა ვწერო, არამედ იმასაც, როგორ უნდა ვიცხოვრო, და ამ გაუთავებელი სულელური მსჯელობისაგან თავებრუ მეხვევა. ჯოხები გამოდის მუცლიანები, კუდიანები, ყოველნაირი, როგორიც კი გნებავთ, გარდა სწორისა, „პოპინდიკულარულებისა“.

— ყველა ცდილობს გემრიელ ლუქმას დასტაცოს ხელი,—ამ-

¹ გაერი—ჯამბაზი, მახარა.

ბოზს იგი.—ეს არის ადამიანის ბუნება, ამას უნდა ცდილობდეს ყველა. მაგრამ შეიძლება კი ამ ლუკმას უზრუნველმყოფი მოვლენა ვუწოდოთ—ეს კიდევ საკითხია!

ჯოხი, ჯოხი, ჯოხი, მეხუთე, მეოცე, მეთხუთე...

— მე, მაგალითად, ბავშვობიდანვე მძიმე გარემოში მოვხვდი და არ შემეძლო დედაჩემის იმედით ვყოფილიყავი. პირიქით, როდესაც ჩვენმა ოჯახურმა ცხოვრებამ ნგრევა დაიწყო და მამაჩემი ცხენების მოპარვისათვის დააპატიმრეს, ჩემს გარდა აბა, ვილას უნდა ეზრუნა ლუკმაპურისათვის?

ჯოხი, ჯოხი, მსხვილი, წვრილი, მობრეცილი, მუცლიანი, მეხუთე, მეოცე, მეთხუთე...

— სამწუხაროა, რომ ცხიდან დაბრუნებულმა მამაჩემმა სმა დაიწყო, ხოლო, რამდენადაც უფრო აძვეება ადამიანი ლოთობას, იმდენად უფრო ენგრევა ოჯახი. შემდეგ სიკვდილმა მოუსწრო და, რა თქმა უნდა, უეცარმა, რადგან ეს იყო მკვლარი ცხენის გატყუების შედეგი.

მე მშვენივრად ვიცი, თუ რა დემართა მერე ჩემი მასწავლებლის მამას:—ის გასივდა, „საჩქაროდ საჭირო შეიქნა მისი კუბოს გადიდება, რამეთუ მიცვალებულის სხეული სამჯერ აღმატებოდა მოკულობით იმას, რაც სიცოცხლეში იყო“. ეს საშინელი სიკვდილი ერთხელ სიზმარში ვნახე...

ჯოხი, ჯოხი... ჯოხი... კალამი წრიპინებს, ჯოხი, მელნის ლაქა.

— დაცარიელდა ჩვენი მამა-პაპეული ქოხი, მაგრამ სულით არ დავემუღვარ და თერთმეტი წლის ბიჭი დედაჩემს კისერზე არ დავწოლივარ.

მასწავლებელი მიყურებს, მე მხოლოდ ათი წლისა ვარ, მაგრამ მოუსვენრად ვიწყებ ტოკვას ტაბურეტზე.

— რესტორანში დავდექი, ხელზე მოსამსახურე ბიჭი გავხდი, მაგრამ სამაგიეროდ ერთი მკამელი მოაკლდა დედაჩემს.

ექვს გარეშეა, რომ სწორედ ლაპარაკის ამ საოცარმა ყაიღამ მოახდინა ასეთი ძლიერი შთაბეჭდილება დედაჩემზე. გაერს რომ უბრალოდ ელაპარაკა, დედაჩემი მაშინვე მიხვდებოდა, რომ იგი ჩვეულებრივი ადამიანია—სულელი, ზარმაცი და გულქვა. მაგრამ მის გულქვაობაში მაინც მალე დარწმუნდა დედაჩემი.

დედაც ჩვენს მაგიდას უზის და მოჯადოებულებით უსმენს. ის პერანგებს აკერებს—მამაჩემის პერანგებს—და მე ვიცი, ვისთვისაც

აკერებს. რალაც უბედურების წინაგრძობით ვაპყრობ თვალებს მის ფერმკრთალ სახეს, შუაზე გაყოფილ შავ თმას, სუსტ ხელებს და ჩემს ჯოხებს ვუბრუნდები. ძალიან მინდა, ერთი გრძელი ხაზი მაინც გავავლო პწკარის გასწვრივ. მშვენიერი ღობე გამოვიდოდა, მაგრამ არ შეიძლება! ჯოხები „პოპინდიკულარულიები“ უნდა იყოს.

— ამასობაში დედაჩემი უკვე ჰქარგავდა საზოგადოებრივ წონასწორობას და მოწყალეებისაკენ იხრებოდა.— განაგრძობდა გაერი.— მერე რა გავაკეთე მე? რაკი შევიგრძნე, რომ ჩემი განვითარებისათვის ეს უდავო მინუთს წარმოადგენს, ბიძაჩემს მივმართე, ნეტარხსენებულ ნიკიტა ზუევს, და ვთხოვე, დედაჩემზე ემოქმედა...

მეასეღ ვისმენ ამ ნეტარხსენებული ბიძის ამბავს და თითქოს ვხედავ, როგორ ჩადის მარხილით სოფლიდან სქელი, ასეთივე ფერისმქამელებიანი მოხუცი კაცი, ყვითელ ქურქს იხდის, ოთახში შედის, თან თოვლს იბერტყავს და ხატის წინ პირჯვარს იწერს. იგი გაერის დედას სცემს, ხოლო პატარა გაერ კული დგას და დამშვიდებით უყურებს, როგორ სცემენ იმის დედას.

ჯოხები, ჯოხები... მაგრამ ღობე დიდი ხანია დახატულია და, თუმცა მშვენიერად ვიცი, ახლა მომხვდება, მაინც საჩქაროდ ვხატავ ღობის ზემოთ მზეს, ჩიტებს და ღრუბლებს. იგი ლაპარაკს განაგრძობს და თან ცალი თვალით მე მიყურებს. სწრაფად ვაფარებ ხელს მზესა და ჩიტებს. გვიანდაა! ჩემს რვეულს ხელში იღებს, წარბებსა სკიმავს. მე ვდგები.

— ერთი შეხედეთ, აქსინია ფედოროვნა, რითი ერთობა თქვენი მშვენიერი შვილი!

დედაჩემიც, რომელსაც მამაჩემის სიცოცხლეში თითი არ დაუკარებია შეილებისათვის, ყურში მკიდებს ხელს და თავს მაგიდაზე მახლვეინებს.

სხვაგვარი საღამოებიც მახსოვს: ხანდახან ჩემი მომავალი მამინაცვალი ხმამალა გვიკითხავდა რაიმეს,— როგორ არა ჰგავდა ეს კითხვა ჩემსა და პეტკა სკოვოროდნიკოვის კითხვას ტაძრის ეზოში. გაერი ყოველთვის ერთსა და იმავე წიგნს კითხულობდა— „არტურელის დღიურიდან“, რომლის ყდაზე ასეთი ლექსი იყო დაბეჭდილი:

ჩვენი განთქმული მხედარი დიდი
იკავდა მეფეს და მამულს თვისას,
არ ჩაუგდია სიცოცხლე ჩალად,
სისხლი სდიაოდა ხუთგან მას ღვარად
და მტერსაც კეჟა ასწავლა კვალად.

ამ წიგნს ისეთი კეჟის დამრიგებლური მრისხანებით კითხულობდა, თითქოს მე ვიყავი მიზეზი არტურელის მთელი უბედურებისა.

გაკვეთილები იმ დღეს შეწყდა, რა დღესაც გაერ კული ჩვენთან გადმოვიდა საცხოვრებლად. წინა დღით ქორწილი გადაიხადეს. ქორწილზე დეიდა დაშა არ მოსულა, ავადმყოფობა მოიმიზეზა. მახსოვს, როგორი მორთული იჯდა დედაჩემი ქორწილში. თეთრი ხავერდის ეაკეტი ეცვა — ნეფის საჩუქარი, თმაც გასათხოვარი ქალივითა ჰქონდა გაკეთებული: თავზე ჯვარედინად შემოხვეული ნაწნავები. ლაპარაკობდა, სვამდა, ილიმებოდა, მაგრამ ზოგჯერ უცნაური გამომეტყველებით სახეზე ხელს მოისვამდა ხოლმე. გაერ კულიმ სიტყვა წარმოთქვა, აღნიშნა თავისი დამსახურება საწყალი ოჯახის მიმართ, „რომელიც, რასაკვირველია, ნგრევის გზაზე იდგა, რადგან ყოფილმა ოჯახის უფროსმა სავალალო მდგომარეობაში დასტოვა“. და, სხვათა შორის, ისიც აღნიშნა, რომ მან გამიხსნა „საერთო განათლების“ კარი, ალბათ „პოპინდიკულარულ“ ჯოხებს გულისხმობდა.

არა მგონია დედაჩემს ეს სიტყვა გაეგონოს. იგი თვალვდახრილი იჯდა ნეფის გვერდით. უეცრად წარბები შეიკმუნნა და დაბნეული გამომეტყველებით თითქოს რაღაცას ჩააშტერდა.

მოხუცმა სკოვოროდნიკოვმა კარგა ლაზათიანად რომ დალია, დედაჩემთან მივიდა და მხარზე ხელი დაარტყა.

— ეჰ, აქსინია, გასცვალე..

დედაჩემს უმწეოდ გაელიმა.

ქორწილის შემდეგ ჩემი მამინაცვალი ორი თვე ნავმისადგომის კანტორაში მსახურობდა და, თუმცა ძალიან ძნელი ასატანი იყო იმის დანახვა, როგორ მოდიოდა და გაშხლართული ჯდებოდა მამაჩემის სკამზე, როგორ სვამდა მისი კოვზით, მისი მათლაფიდან, მაგრამ ასე იყო თუ ისე, მაინც შეიძლებოდა ცხოვრება; ხან სახლიდან გავრბოდი, ვუჩუმდებოდი, შინ გვიან ვბრუნდებოდი. როდესაც უკვე ეძინა. მაგრამ მალე რაღაც ბნელი საქმეებისათვის კანტორიდან აბარგეს და აი, მაშინ გახდა ცხოვრება აუტანელი. უბედური აზრი მოუვიდა თავის ბნელ თავში: ხელი მოეკიდა ჩემი და ჩემი დის აღზრდისათვის, და მე უკვე აღარც ერთი თავისუფალი წუთი აღარა მქონდა.

ასლა ვხვდები, რომ უთუოდ საღმე ლაქიად იქნებოდა ნამ-

შახური, სადაც ენახა ყველა ეს სასაცილო და უცნაური რამეები, რითაც ასე გეტანჯავდა მე და ჩემ დას.

უპირველესად ყოვლისა, მოითხოვა, რომ ყოველ დილით მივსულიყავით მასთან და სალამი მიგვეცა, თუმცა ჩვენ იქვე, მის ლოჯინთან გვეძინა იატაკზე. ჩვენ მივდიოდით, მაგრამ არავითარ ძალას არ შეეძლო ეთქმევინებინა ჩემთვის „დილა მშვიდობისა, მამა!“ დილა არ იყო მშვიდობის დილა და მამაც არ იყო მამა. არ შეგვეძლო სუფრასთან დაჯდომა, ვიდრე თვითონ არ დაჯდებოდა, და სუფრიდან ადგომისას იმისგან უნდა აგველო ნებართვა. ნადლობა მისთვის უნდა გვეხადა, თუმცა დედაჩემი წინანდებურად აავეადმყოფოში რეცხავდა, ხოლო დედაჩემისა და ჩემი ფულით ნაყიდ სადილს ჩემი და ხარშავდა. მახსოვს, როგორ დამახჩო ბრაზმა, როცა საწყალი სანია სუფრიდან ადგა და მუხლებში ულამაზოდ ჩაიკეცა, როგორც გაერმა ასწავლა, და პირველად უთხრა: „გმადლობთ, მამა“. როგორ მინდოდა, თაფით სავსე თეფში მეთხლიშა გასიებულ სახეში! მე ეს არ გავაკეთე—და დღემდის ვნანობ...

როგორა მძულდა! მეზიხლებოდა მისი სიარული, მისი ხერინვა, მისი თმა, იმისი ჩექმებიც კი, რომელსაც საშინელი მონდოებით თვითონ იწმენდდა ყოველ დილით. ლამე რომ გამომეღვიძებოდა, დიდხანს სიძულვილით ვუყურებდი მის გასიებულ მძინარე სახეს. არც კი იცოდა, თუ რა საშიშროება მოელოდა. დეიდა დაშა რომ არა ყოფილიყო, მოეკლავდი.

თავი მათა

დეიდა დაშა

არც კი მოვიგონებდი ამ დროს, მაგრამ თვალწინ მიდგება საყვარელი სახე დეიდა დაშასი, რომელიც შეგნებულად პირველად მაშინ დავაფასე და შევიყვარე.

მივიდოდი ხოლმე იმასთან და ვლუმდი — ისედაც ყველაფერი იცოდა. ჩემ სანუგეშებლად თავის ცხოვრების ისტორიას მიაშობდა. გამიკვირდა, როცა გავიგე, რომ ჯერ ორმოცი წლისაც არ იყო! მე კი ნამდვილი, ბებია მეგონა, მეტადრე მაშინ, როცა სათვალეწამოდგმული წყალდიდობის დროს ჩვენ ეზოში გამორიყულ წერილებსა კითხულობდა (იგი კვლავ განაგრძობდა წერილების კითხვას).

ოცდახუთი წლისა დაქვრივდა. იმისი ქმარი რუსეთ-იაპონიის ომის დაწყებისთანავე მოკლეს. მაქმანებგადაფარებულ კომოდზე, ცისფერ დაკლაკნილ შუშის ქილებს შორის, მისი სურათი იღო. სურათის უკან კი მისი წერილი ინახებოდა, რომელიც, თავისთავად ცხადია, ზეპირად ვიცოდი. აღმოსაელეთ ციმბირის მე-2 მსროლელი პოლკის სალაშქრო კანცელარია ატყობინებდა დეიდა დაშას, რომ მისი ქმარი, რიგითი თედორე ალექსანდრეს-ძე ფეოდოროვი, დაჯილდოებული მე-3 და მე-4 ხარისხის სამხედრო ორდენის წარჩინების ნიშნით, იაპონელებთან ბრძოლაში გმირულად დაიღუპა. გმირი! კიდევ დიდხანს ამ სიტყვის გაგონებაზე წარმომიდგებოდა ხოლმე წვერულვაშიანი თმაშეკრეპილი მამაკაცი, რომელიც ლერწმის სავარძელში იჯდა თოვლიანი მთების ფონზე.

ყოველ საღამოს თითო წერილს გვიკითხავდა—ეს რაღაც წესად ექცა. ეს წესი იმით იწყებოდა, რომ დეიდა დაშა ცდილობდა, წერილის შინაარსი კონვერტისა და მისამართის მიხედვით გამოეცნო, რომელიც უმრავლეს შემთხვევაში წყლისაგან მთლად წაშლილიყო.

მერე წარმოებდა კითხვა—სწორედ წარმოებდა—აუჩქარებელი, ხანგრძლივი ოხვრითა და ბურტყუნით, როდესაც გაურკვეველი სიტყვები შეხედებოდა. დეიდა დაშას სხვისი სიხარული ახარებდა, სხვის მწუხარებას თანაუგრძნობდა, ზოგს ჰკიცხავდა, ზოგს აქეზებდა. ერთი სიტყვით, გამოდიოდა, რომ ყველა წერილი იმისი მისამართით იყო მოწერილი. წიგნებსაც სწორედ ასევე კითხულობდა. ეურნალ „როდინას“-დამატების გმირების, სხვადასხვათვადებისა და გრაფების ოჯახურ და სიყვარულის ამბებზე დეიდა დაშა ისე მსჯელობდა, თითქოს ყველა ეს თვადები და გრაფები გვერდით ეზოში ცხოვრობდნენ.

— ადრევე ვიცოდი, რომ ბარონ ლ-კი, — ამბობდა გამოცობილი, — მაღამ დე-სან-სუ-ს თავს დაანებებდა. ჩემო კარგო, ჩემო კარგო. ესეც შენ! ეგეც შენი გვრიტი!

როცა გაერ კულისაგან თავის გასარიდებლად საღამოებს დეიდა დაშასთან ვატარებდი, იგი უკვე ამთავრებდა წერილების კითხვას—თხუთმეტ წერილზე მეტი აღარ იყო დარჩენილი. მათ შორის იყო ერთი, რომელიც აქ უნდა მოვიყვანო. დეიდა დაშამ ვერ გაიგო ის. მე კი მაშინაც მეგონა, რომ ეს წერილი რაღაცით დაკავშირებული იყო შორეული ზღვაოსნობის შტურმანის წერილთან.

აი ის წერილი (დეიდა დაშამ ვერ გაარჩია პირველი სტრიქონები):

„...ერთს გემუდარები—ნუ დაუჯერებ მაგ ადამიანს. გადაჭრით შეიძლება ითქვას, რომ მთელი უბედურების გამო მისი მადლობელი უნდა ვიყოთ. ისიცა კმარა, რომ სამოცი ძალდიდან, რომელიც არხანგელსკში მოგვყიდა, უმეტესი ნაწილის დახოცვა ახალ მიწაზევე მოგვიხდა, აი რა ძვირად დაგვიჯდა ეს ნათესაური პატივისცემა. მართო მე კი არა, მთელი ექსპედიცია წყველა-კრულვას უთვლის მას. ჩვენ თავი გადავდეთ, ვიცოდით, რომ ალაღბედზე ბიჭილოდით, მაგრამ ასეთი მეხის დაცემას მაინც არ ველოდით. ისლა დაგვრჩენია გავაკეთოთ, რისი ძალაც შეგვწევს. რამდენი რამ შეეძლო შეამბნა შენტვის ჩვენი მოგზაურობის შესახებ! კატიუმას მთელ ზამთარს ეყოფოდა საამბობლად, მაგრამ რის ფასად გვიჯდება ყველაფერი, ღმერთო ჩემო! არ მინდა ვიფიქრო, რომ ჩვენი მდგომარეობა უიმედოა. მაგრამ ძალიანაც ნუ მელით...“

დეიდა დაშა გაქირევებით კითხულობდა და თან სათვალეს ზემოდან კეუისდამრიგებლური სახით გადმომხედავდა ხოლმე. მე ვუსმენდი და არ ვიცოდი, რომ რამდენიმე წლის შემდეგ თითოეულ ამ სიტყვას ტანჯვით მოვიგონებდი.

წერილი დიდი იყო, შვიდ თუ რვა გვერდზე გრძელდებოდა—დაწვრილებითი ამბავი ყინულებში გაქედილი და ჩრდილოეთისაკენ აუჩქარებლად მიმავალი გემოს შესახებ. მეტადრე იმან განმაცვიფრა, რომ ყინული კაიუტებშიაც კი იყო და ყოველ დღით ცუდით უნდა ემტვრიათ.

ჩემი სიტყვებით შემეძლო შეამბნა, კრილში როგორ ჩავარდა და სასიკვდილოდ როგორ დაიმტვრა მეზღვაური სკაჩკოვი დათვებზე ნადირობის დროს; ისიც, როგორ დაიტანჯნენ ყველანი ავადმყოფი მექანიკოსი ტისის მოვლის დროს! მაგრამ სიტყვასიტყვით დამამახსოვრდა ის ოცი თუ ოცდაათი სტრიქონი, რომელიც ზევით არის მოთხრობილი.

დეიდა დაშა სულ კითხულობდა და ოხრავდა და თითქოს ბუნდოვანი სურათი იშლებოდა ჩემს წინ: თეთრი კარვები თეთრ თოვლზე; აქასქასებულ ძაღლებს ძლივს მოაქვთ მარხილი, უზარმაზარი გოლიათი ბეწვის ჩექმებში, ბეწვისასვე ქუდით, მღვდელივით ბეწვის ანაფორაში, მარხილს, ეგებება...

ერთხელ დეიდა დაშა თვალცრემლიანი დამიხვდა. კომოდის წინ

იდგა, რომელზეც კმრის—რუსეთ-იაპონიის ომის გმირის—სურათი ედო, და ტიროდა. მე რომ დამინახა, თავშალი მოიგლიჯა.

— აი, რას მიშვრება ის სისხლისმსმელი, ჩემი მაგინებელი,— ისეთი სიბრაზით მითხრა ეს, რომ გამიკვირდა,—აი, როგორ შებღალა ჩემი თავმოყვარეობა, უპატრონოაო, ფიქრობს, ქომაგი არავინა ჰყავსო. ქომაგი გამოჩნდება!

— დეიდა დაშა!

— გამოჩნდება,—გაიმეორა და კვლავ ატირდა.—ველარ მოვითმენ, წაველ. მორჩა და გათავდა. ჩემ კვალსაც ველარ მოაგნებს! საწოლზე ჩამოჯდა, ფეხსაცმელი გაიხადა და იატაკზე დაანარცხა.

— ეშმაკსაც წაუღიხარ!—თქვა მან.—შე ქოფაკო, იცოდე, რომ მე შენი ტოლი არა ვარ და არც არასოდეს ვიქნები.

მივხვდი, რომ მოხუც სკოვოროდნიკოვს ლანძღავდა, ვკითხე, ისეთი რა ჩაიდინა-მეთქი, მაგრამ მან მხოლოდ ხელი ჩაიქნია.

მაშინვე ისე მომიჩვენა, თითქოს თვითონაც არ იცოდა კარგად—აწყენინა სკოვოროდნიკოვმა თუ არა. ყოველ შემთხვევაში, სკოვოროდნიკოვმა რაღაც განსაკუთრებული უთხრა, იმიტომ, რომ საღამოთი დეიდა დაშამ შავი მაქმანის თავშალი მოიხვია და მკითხავ ბოშა ქალთან წავიდა, რომელიც მეზობელ ეზოში ცხოვრობდა.

იქიდან ჩაფიქრებული და დაწყნარებული მოვიდა და სკოვოროდნიკოვს აღარა ლანძღავდა, პირიქით, უეცრად თავისთვის ჩაილაპარაკა: „მსმელიც არ არის“.

ეს უცნაური საქციელი მეორე დღესაც განმეორდა. დეიდა დაშა ეზოში იჯდა და ქსოვდა, რომ ალაყათის კარებთან ჭუჭყიან ტილოს პალტოიანმა და სქელ ჩექმებიანმა უცნობმა მიიხედ-მოიხედა და სკოვოროდნიკოვისკენ წამოვიდა, რომელიც აივანზე თავის უნივერსალურ წებოს ადუღებდა.

— თქვენა ჰყიდით სახლს?

სკოვოროდნიკოვმა ჯერ მას შეხედა, მერე დეიდა დაშას.

— მე ვყიდი,—უპასუხა მან,—ვყიდი ამ სახლს და მთელ ქონებას, აქედან მივემგზავრები.

აღლევებულმა დეიდა დაშამ ჩურჩული დაიწყო, წამოხტა, სკამი წააქცია და გუშინდელივით თავშალი მოიგლიჯა.

— მიწასაც?

— დიახ, მიწასაც—რაც შემოღობილია.

ღეიდა დაშა სულ უფრო და უფრო გარკვევით ჩურჩულებდა.

— არ იყიდება!—უეცრად დაიყვირა მან,— ეს სახლი გასაყიდი არ არის! გასწით აქედან.

სკოვოროდნიკოვმა ცალი თვალი ეშმაკურად მოქუტა.

— პატრონი შენა ხარ?—სწრაფად ჰკითხა ტილოს პალტო-იანმა კაცმა.

— მე ვარ.

— მაშ როგორ გავიგო, ჰყიდი თუ არა?

— აი, ამბობენ, არ იყიდებაო,—თვითკმაყოფილებით თქვა სკოვოროდნიკოვმა და ხარხარი დაიწყო.

ამ სცენის დროს პეტკა იქ იყო. სამზარეულოს კარებში იდგა და ზიზღით იცინოდა. მე არათფერი არ მესმოდა, მაგრამ პალე ყველაფერი გამოიჩინა:

თავი მეთერთმეტი

საუბარი პეტკასთან

ჯერ ისევ „პოპინდიკულარულ“ ჯოხებს ვუჯექი, როცა გაქცევა ვანეზრახე. ტყუილად კი არა ვხატავდი ლობის ზემოთ მზეს, ჩიტებს, ღრუბლებს! შემდეგ გადავიფიქრე, მაგრამ, ზაც დღე გადიოდა, უფრო მიძნელებოდა შინ დაბრუნება.

ღელას თითქმის ვერა ვხედავდი. ის რომ მიდიოდა, მე ჯერ ისევ მეძინა. ზოგჯერ, ღამე რომ გამომღევიძებოდა, მაშინ ვხედავდი. დაღლილობისაგან გადამტკნარებული მაგიდასთან იჯდა. უხალისოდ ჭამდა და გაერიც კი ოდნავ შეკრთებოდა ხოლმე, როცა მის წარბებქვეშიდან საზარლად გამომყურე შავ თვალებს შეხვდებოდა.

ჩემი და ძალიან მიყვარდა, მაგრამ სჯობდა არც ის მყვარებოდა. მახსოვს, იმ საზიზღარმა გაერმა ერთხელ ისე სცემა, რომ სიკვდილის პირას მიაგდო. ეს იმიტომ, რომ ერთი პატარა ჭიქა ზეთი დაეღვარა. სუფრიდან გააგდეს, მაგრამ მე ჩუმად მივუტანე კარტოფილი. კარტოფილსა ჭამდა და თან მწარედ ტიროდა. უეცრად ფერადი შუშები მოაგონდა, ვაითუ ცემის დროს დაეკარგეო. შუშები იპოვა. სიხარულით გაეცინა, მაგრამ კარტოფილის ჩამა რომ გაათავა, ისევ ტირილს მოჰყვა...

ალბათ შემოდგომა ახლოვდებოდა, იმიტომ რომ მე და პეტკა

ტადრის ეზოში ხეტიალის დროს ტიტველა ფეხებით ფოთლებს ჰაერში ვაფრიალებდით. პეტკა მატყუებდა, გორაკქვეშ, რომელზეც ახლა ჩვენ ვისხედით, ძველისძველი გვირაბი არისო, ეზოდან მდინარის ქვეშ გაღმა ნაპირზე გადის და ერთხელ შუამდე გავიარე ეს გვირაბიო.

— მთელი ღამე ვიარე,—ვითომც აქ არაფერიაო, ისე თქვა პეტკამ.—იქ ყოველ ნაბიჯზე ჩონჩხებია.

გორაკიდან პოკროვსკის მონასტერი მოჩანდა. თეთრი, დაბალ გალავანშემოვლებული, იმას იქით—ველები, ზოგან ბაცი მწვანე, ზოგან ყვითელი, ქარზე ზღვასავით ღელავდნენ.

მაგრამ მაშინ მე და პეტკა ძალიან ცოტასა ვფიქრობდით ბუნების სილამაზეზე. გორაკზე გულდაღმა ვიწექით და რალაც მწარე ქერქებს ვწუწნიდით, თუმცა პეტკა მიმტკიცებდა, ტკბილიაო.

მახსოვს, ლაპარაკი ვირთაგვებიდან დაიწყო: არიან გვირაბში ვირთაგვები თუ არა? პეტკამ თქვა, არიანო, თვითონ მე ვნახე, რომ ვირთაგვებსაც ფუტკრებივით დედოფალი დედა ჰყავთო.

— ნაიან წელიწადში სულ ამოწყდებიან ხოლმე,—დაუმატამან.—დედოფალი კი ისევე გაამრავლებს. უშველებელია. დედალი კურდღლის ოდენა.

— ტყუი!

— ღმერთმანი.—გულგრილად თქვა პეტკამ.

თითქოს პირობა გვექონდა დადებული, რაზე შეიძლებოდა გვეთქვა ტყუილი და რაზე არა. მაშინაც კი პატარა ბიჭებს ერთმანეთის პატივისცემა გვექონდა.

— თურქესტანში კი ვირთაგვები არ არიან,—დაუმატა ჩაფიქრებულმა პეტკამ,—იქ მიწის კურდღლებია და მინდორში მინდვრის ვირთაგვები, მაგრამ სულ სხვანაირი: ბალახს სძოვენ ბაჭიებივით.

პეტკა ხშირად ლაპარაკობდა თურქესტანზე. მისი სიტყვით, ეს იყო ქალაქი, სადაც მსხალი, ვაშლი და ფორთოხალი პირდაპირ ქუჩებში იზრდება და შეგიძლია ჰკრიფო რამდენიც გინდა. მარლის ღეზათიან მუხტს არავენ გითავაზებს ზურგში ჩვენი ხილის ბალების მცველებივით. იქ ცის ქვეშ სძინავთ ხალიჩებზე, რადგან ზამთარი არ იცის, ხალათის ამარა დადიან—არც ჩექმა გინდა და არც პალტო.

— იქ თურქები ცხოვრობენ. ყველა შეიარაღებულია. ვერცხლში ჩასმული მოღუნული ხმლები, ქამარში—დანა, მკერდზე—მასრები. არ წავიდეთ?

ხუმრობს-მეთქი, ვიფიქრე, მაგრამ ის არა ხუმრობდა. ოდნავ გაფითრებული უეცრად მიბრუნდა, ადგა და მლელვარებით შორეულ ნაპირს თვალი ვერ მოაშორა. სადაც ნაცნობ, ძველ მეთევზეს ზედ წყლის პირას ჩადგმულ თავის ანკესებზე ჩასძინებოდა. ჩვენ გაეჩუმდით.

— მაშაშენი? გაგიშვებს?

— იმასა ვკითხავ სწორედ! ახლა იმას ჩემთვის არა სცალია.

— რატომ?

— იმიტომ, რომ ცოლს ირთავს,—დაცინვით თქვა პეტკამ.

მე გავოცდი.

— ვის ირთავს?

— დეიდა დაშას.

— ტყუი!

— მაშაჩემმა დეიდა დაშას უთხრა: თუ ცოლად არ გამომყვები, სახლს გაყვიდი, სოფელ-სოფელ ვივლი და ქვაბებს მოგკალავო. ის ჯერ პირვეულობდა, მერე კი დათანხმდა. შეყვარებულია მგონი, — დაცინვით დაუმატა პეტკამ და გადააფურთხა.

მე მაინც არა მჯეროდა. დეიდა დაშა! გათხოვდეს! მოხუც სკოვოროდნიკოვს გაჰყვეს, რომელსაც ისე ლანძღავდა?

— მერე შენ რა?

— არაფერი,—თქვა პეტკამ.

მოიღუშა და სხვა რალაცაზე დაიწყო ლაპარაკი. ორი წლის წინათ მოუკვდა დედა და ატირებული, თავგზააბნეული ისე შორს წასულიყო ეზოდან, რომ ძლივსლა ეპოვათ. მომაგონდა, როგორ აბრაზებდნენ ხოლმე ამის გამო ბიჭები.

ცოტა კიდევ ვილაპარაკეთ, მერე გულალმა გავიშხლართენით და დავიწყეთ ცაში ყურება. პეტკა მარწმუნებდა, ოციოდე წუთი თვალდაუხამხამებლად რომ იწვე, შეიძლება დღისით ვარსკვლავები და მთვარე დაინახოო. აი, ჩვენც ვიწვექით და ვუყურებდით. ცა მოწმენდილი იყო, სივრცეს თვალს ვერ გაუწვდინდი და სადღაც მალლა ღრუბლები მიჰქროდნენ, ერთმანეთს უსწრებდნენ. თვალები ცრემლებით ამევსო, მაგრამ მთელ ძალ-ღონეს ვიკრებდი, რომ არ დამეხამხამებინა. არა და არა, მთვარე არსადა ჩანდა, ვარსკვლავებზე კი მაშინვე მივხვდი, რომ პეტკამ იცრუა.

სადღაც ძრავი ხმაურობდა, მე მეგონა, რომ სამხედრო საბარგო მანქანა მუშაობდა ნავმისადგომში (ნავმისადგომი ქვევით იყო, ციხის გალავანთან). მაგრამ ხმაური ახლოვდებოდა.

— აეროპლანი,— წამოიძახა პეტკამ.

მზის სხივებით განათებული, ნაცრისფერი, ლამაზი, ფრთიანა თევზივით მოფრინავდა. ღრუბლები უახლოვდებოდნენ, ის შოფრინავდა ქარის საწინააღმდეგო მიმართულებით, მაგრამ რა ლაღად შეპოუარა ღრუბლებს, რამაც პირველად განჰაცვიფრა. აი, უკვე პოკროვსკის მონასტერს გადაუქროლა. შავი ჯვრის მსგავსი ჩრდილი მისდევს მინდვრებზე, მდინარის გაღმა. უკვე დიდი ხანია გაქრა, მე კი მგონია, რომ შორს კიდევ ვხედავ პატარა ნაცრისფერ ფრთებს.

თავი მეთორმეტი

ბაერ კული სიკვდილის ბატალიონში

პეტკას ბიძა ჰყავდა მოსკოვში და მთელი ჩვენი გვეგები იმაზე იყო დამყარებული. ბიძა რკინიგზაზე მუშაობდა— პეტკა მარწმუნებდა, მემანქანედ მუშაობსო, მე კი ვფიქრობდი, რომ ცეცხლფარეში იყო. ყოველ შემთხვევაში, პეტკა წინათ ყოველთვის ცეცხლფარეში იხსენიებდა. ეს მემანქანე-ცეცხლფარეში იმ მატარებელზე მუშაობდა, რომელიც ხუთი წლის წინათ მოსკოვიდან ტაშკენტში დადიოდა. ასე დაბეჯითებით იმიტომ ვამბობ, ხუთი წლის წინათ-მეთქი, რომ უკვე ხუთი წელიწადი იყო, რაც იმისაგან წერილები აღარ მოდიოდა. პეტკა ამბობდა, მერე რა — ბიძა ყოველთვის იშვიათად იწერებოდა და მუშაობით კი იმავე მატარებლებზე მუშაობს, მით უმეტეს, რომ უკანასკნელი წერილი ქალაქ სამარინდან მოვიდაო. რუკა ვნახეთ და მართლაც აღმოჩნდა, რომ სამარა მოსკოვსა და ტაშკენტს შუა მდებარეობდა.

ერთი სიტყვით, საჭირო იყო პეტკას ბიძა გვეპოვა. იმისი მისამართი პეტკამ იცოდა— კიდევ რომ არა სცოდნოდა, ხომ ყოველთვის შეიძლება გვარით პოვნა. გვარის შესახებ კი არავითარი ეჭვი არა გვექონდა. სკოვოროდნიკოვი— იგივე პეტკას გვარი!

გზის მეორე ნაწილი ჩვენ ასე გვექონდა წარმოდგენილი: ბიძა წაგვიყვანდა მოსკოვიდან ტაშკენტში მატარებლით, მაგრამ მოსკოვამდის როგორ უნდა მიგველწია?

პეტკა არ მაგულიანებდა, მაგრამ გაქვეავებული სახით ისმენდა ჩემს მორიდებულ საწინააღმდეგო მოსაზრებებს. პასუხს არ მაძლევდა— იმისთვის ყველაფერი ნათელი იყო. ჩემთვის კი მხოლოდ

ერთი იყო ნათელი: გაერი რომ არა ყოფილიყო, მე არსადაც არ წავიდოდი. უეცრად კი აღმოჩნდა, რომ ის მიდის,— ის მიდის, მე კი ვრჩები.

ეს სამახსოვრო დღე იყო. იგი მობრძანდა სამხედრო ფორმით, ახალ პრიალა და ქრაქუნა ჩექმებში გამოწყობილი, გვერდზე წამოდგმული ქუდით, რომლიდანაც ტალღებად გამოშლოდა კულულები, და მაგიდაზე ორასი მანეთი დადო.

იმ დროისათვის ეს საზღაპრო ფული იყო და დედამ უნებლიე სიხარბით ფულს ხელი დააფარა.

მაგრამ მე, პეტკა და ჩენი ეხოს სხვა ბიჭები ფულმა კი არ გაგვაოცა, არა! სულ სხვა რამემ: მისი ფორმის გიმნასტურის სახელოზე თავის ქალა იყო ამოქარგული, თავის ქალის ქვეშ კი გადაჯვარედინებული ძვლები. ჩემი მამინაცვალი სიკვდილის ბატალიონში შესულიყო.

რა თქმა უნდა, ჩემს მკითხველებს არ ახსოვთ ეს ბატალიონები. ყველგან, სადაც კი ბევრი ხალხი იყო მოგროვილი, უეცრად გამოჩნდებოდა დოლიანი კაცი. დოლს შემოჰკრავდა თუ არა, ყველანი ჩუმდებოდნენ. მაშინ სხვა კაცი, უმრავლეს შემთხვევაში ოფიცერი სახელოზე ამოქარგულ ასეთივე თავის ქალით და ძვლებით, როგორც ჩემს მამინაცვალს ჰქონდა, ლაპარაკს იწყებდა. დროებითი მთავრობის სახელით ყველას სიკვდილის ბატალიონში ეპატიებოდა. და თუმცა არწმუნებდა, რომ ყველა, ვინც კი ბატალიონში ჩაეწერება, გადასაყვანი ფულის გარდა თვეში სამოც მანეთს და ოფიცრის ტანსაცმელს მიიღებსო, მაინც არავის არ უნდოდა დროებითი მთავრობის გულისთვის სიკვდილი. სიკვდილის ბატალიონში უმთავრესად ისეთი გაიძვერები ეწერებოდნენ, როგორიც ჩემი მამინაცვალი იყო.

მაგრამ იმ დღეს, როცა რაღაც საზეიმო-პირქუში სახით, ახალ ფორმაში გამოწყობილი მოვიდა შინ და ორასი მანეთი მოიტანა, ის გაიძვერად აღარავის ეჩვენებოდა. დეიდა დაშაც კი გამოვიდა, რომელსაც სძულდა, და ნაძალადევად მისცა სალამი.

სალამოთი სტუმრები დაჰპატიჟა და სიტყვა წარმოთქვა:

— მთავრობის მიერ წარმოებულ ყველა ამ პროცედურის დანიშნულებაა, — თქვა მან, — დაიცვან რევოლუციის თავისუფლება მათხოვრებისაგან, რომელთა აბსოლუტურ უმრავლესობას ებრავლები შეადგენენ. მათხოვრები და ბოლშევიკები საძაგელ ავანტურას ჰქმნიან, რომლისაგანაც, რასაკვირველია, ზიანდება არსებული

წესწყობილების ყველა ნაყოფი. ჩვენთვის, თავისუფლების დამცველებისათვის, ეს ტრაგედია ძალიან უბრალოდ წყდება. ჩვენ ვიღებთ ხელში იარაღს და ვაი იმას, ვინც პირადი უფლებების დაკმაყოფილებისათვის შებღალავს რევოლუციას და თავისუფლებას! თავისუფლება ძვირად ღირს. ჩვენ მას იათად არ დავთმობთ! ასეთია ზოგადი მოხაზულობით ამ მომენტის გარშემო არსებული გარემოება.

იმ საღამოს დედა ძალიან მზიარულად იყო. თეთრი ხავერდის ეაკტი, ეცვა, რომელიც ძალიან უხდებოდა. ღვინის ბოთლით ხელში სტუმრებთან ტრიალებდა და, გამოცლიდნენ თუ არა ღვინოს, კიქებს უვსებდა. მამინაცვლის მეგობარი — ტანმორჩილი, თავაზიანი მსუქანი კაცი, ისიც სიკვდილის ბატალიონიდან, წამოდგა და პატივისცემით მოუწოდა, დედაჩემის სადღეგრძელო დაეღიათ. ჩემი მამინაცვალი სიტყვას რომ ამბობდა, იგი გულიანად იცინოდა. ახლა კი ერთბაშად დადინჯდა. ღვინით სავსე კიქა მალლა ასწია, დედაჩემს კიქა მიუჯახუნა და მოკლედ თქვა: „ვაშა!“

ყველამ გაიმეორა: „ვაშა!“ დედაჩემი შეკრთა, ოდნავ შევარდისფერებული ოთახის შუაგულში გამოვიდა და ძველებურად დაბლა დაუკრა თავი.

— მზეთუნახავია! — ხმამალა თქვა მსუქანმა კაცმა.

შემდეგ მოხუცმა სკოვოროდნიკოვმა წარმოთქვა საპასუხო სიტყვა. მთვრალი იყო და ამიტომ ძალიან გრძელი პაუზებით ლაპარაკობდა, რომლის დროსაც ყველანი სდუმდნენ.

— თითოეულს უნდა ესმოდეს, რა არის სიკვდილი, — მკაცრად თქვა მან, — მით უმეტეს, რომ ზოგიერთი მუქთახორობის მეტს არაფერს აკეთებს და მას მხოლოდ ერთი გზა აქვს, — თქვენს ბატალიონში. მაგრამ მე, მაგალითად, ნაზუქითაც ვერ შემიტყუებთ. რატომ? იმიტომ რომ მე თქვენი თავისუფლებისათვის არა მსურს სიკვდილი. თქვენი თავისუფლება — ეს ვაჭრობაა და თქვენი ბატალიონიც იგივე ვაჭრობაა — შენი მომავალი სიკვდილის ორას მანეთად გაყიდვა. მომითმინეთ, რომ არ მოგკვდეთ? ფული უკან უნდა დავაბრუნო?

კიდევ რაღაცა თქვა მინისტრი-კაპიტალისტების შესახებ და დაჯდა. მუშტებმოღერებული ჩემი მამინაცვალი მიიქრა სკოვოროდნიკოვთან. ცუდად გათავდებოდა ქეიფი... მაგრამ მსუქანი კაცი, რომელიც ამ საპასუხო სიტყვებზედაც გულიანად იცინოდა, წამოხტა და შუაში ჩაუვარდა. ვიღრე ის ჩემს მამინაც-

ვალს აშოშმინებდა, სკოვოროდნიკოვი ჯიბრზე ჩექმების ბრახაბრუ-
ბით გავიდა.

მაგრამ ქეიფი მაინც ცუდად გათავდა.

თავი მესამე

შორს გაცილება

ალბათ მესამე საათი იყო, მე უკვე დიდი ხანია მეძინა და ახლა ყვირილზე გამომღვიძდა. თამბაქოს ბოლი უმოძრაოდ იდგა მაგი-
დის ზემოდან. დიდი ხანია წავიდნენ ყველანი. ჩემს მამინაცვალს,
გაშხლართულს, იატაკზე ეძინა. ყვირილი განმეორდა, დეიდა დაშას
ხმა ვიცანი და ფანჯარასთან მივედი. ვილაცა ქალი ეზოში ეგ-
ლო და დეიდა დაშა პირში უბერავდა.

— დეიდა დაშა!

თითქოს არ გაუგონიაო, დეიდა დაშა წამოხტა, რატომღაც
მთელ სახლს შემოურბინა და ფანჯარა მოაკაკუნა.

— წყალი მომეცით, ივან პეტროვიჩ! იქ აქსინია გდია.

მე კარი გაუღლე, იგი შემოვიდა და ჩემს მამინაცვალს გაღვიძება
დაუწყო.

— ივან პეტროვიჩ! ოჰ, ღმერთო! — ჩემი მამინაცვალი მხოლოდ
ზმუოდა, — სანია, აქ შემოვიყვანათ, ეტყობა, ეზოში დაეცა და იტ-
კინა რამე. ივან პეტროვიჩ!

ჩემი მამინაცვალი თვალეზღახუჯული წამოჯდა, მერე ისევ გაიშხ-
ლართა. არა და არ იქნა, იმის გაღვიძებას არა ეშველა რა.

მთელი ღამე თავს დაეტრიალებდით დედაჩემს, მხოლოდ გათე-
ნებისას მოვიდა გონს. უბრალოდ გული წასვლოდა, მაგრამ
დაცემის დროს თავი ქვისთვის დაერტყა. საუბედუროდ, ჩვენ ეს
მხოლოდ მეორე დღეს, საღამო ჟამს გავიგეთ ექიმისაგან: ექიმმა
გვითხრა, ყინული აღეთო. მაგრამ ყინულის ყიდვა ყველას ეუცხო-
ვა. დეიდა დაშამ გადაწყვიტა ყინულის მაგივრად სველი ტილო
გვეფარებინა.

მახსოვს, როგორ გარბოდა ეზოში ატირებული სანია, ვედროში
ტილოს ასველებდა და თან ხელის გულით ცრემლებს იწმენდდა.
დედა იწვა მშვიდი, ისეთივე ფერმკრთალი, როგორც ყოველთვის.
ერთხელაც არ უკითხავს ჩემი მამინაცვალი, რომელიც მეორე დღეს
თავის ბატალიონში გადაბარგდა, მაგრამ ჩვენ — მე და ჩემ დას —

გვერდიდან არ გვიშორებდა. გულსრევა სტანჯავდა. წამდაუწუმ ოღნავ ქუტავდა თვალებს, თითქოს ცდილობდა, რაღაც დაენახა, და ეს, რატომღაც, არ მოსწონდა დეიდა დაშას. სამი კვირა იავადმყოფა და გამოკეთებაც დაეტყო, მაგრამ უეცრად ისევ „წამოშარა“.

ერთხელ გათენებისას გამეღვიძა და დავინახე, რომ ტიტველა ფეხები ძირს ჩამოეშვა და ლოგინზე იჯდა.

— დედა!

წარბებქვემოდან გამომხედა, მაგრამ მაშინვე მივხვდი, რომ ვერა მხედავდა.

— დედა, დედა!

ისევ ისეთი გაშტერებული მკაცრი გამომეტყველებით მომიშორა, როცა მისი დაწვენა მოვინდომე...

ამ დღიდან ჰამა აკვეთა და ექიმმა გვითხრა, ძალით გვექმია კვერცხი და კარაქი. ეს მშვენიერი რჩევა იყო, მაგრამ ჩვენ ფული არა გვქონდა, ქალაქში კი, სულ ერთია, არც ერთი იშოვებოდა და არც მეორე.

დეიდა დაშა ტუქსავდა და თან ტიროდა, დედა კი იწვა არეული, დაღვრემილი, მკერდზე ნაწნავებგადმოყრილი და ხმას არ იღებდა. მხოლოდ ერთხელ, როცა სასოწარკვეთილებაში ჩავარდნილმა დეიდა დაშამ გამოუცხადა, ვიცი, რატომ არა სჭამ, სიცოცხლე მოგძულებია და სწორედ იმიტომაც არა სჭამო, დედამ რაღაცა წაილულ-ლულა, მოიღღუშა და გვერდზე გადაბრუნდა.

ავადმყოფობის დროს დედა ძალიან ალერსიანად მექცეოდა და თითქმის სანიაზე ნაკლებ არ შევეყვარდი. ხშირად ჩამაშტერდებოდა ხოლმე ყურადღებით და თითქოს რაღაც გაკვირვებით. ავად გახდომამდე არასდროს არ უტირია, ახლა კი დღენიადაგ ტიროდა და მე ვგრძნობდი, რატომაც ტიროდა: სწუხდა, რომ წინათ არ ვუყვარდი, ნანობდა, რომ მამაჩემი დაივიწყა, შეიძლება პატიებას გვთხოვდა გაერის გამო, ყველა იმ უბედურების გამო, რაც ჩვენ გაერმა მოგვაყენა. თითქოს რაღაცამ შემკარაო, ხელიდან არათფერი გამომდიოდა, არათფერს არ ვაკეთებდი, არათფერზე არა ვფიქრობდი. ასეთივე იყო ჩვენი უკანასკნელი საუბარიც. არც მე, არც იმას სიტყვა არ დაგვიძრავს. მან მხოლოდ დამიძახა და ხელი მომკიდა, თავს აქნევდა და ათრთოლებულ ტუჩებს ძლივს იმორჩილებდა. მივხვდი, რომ გამოთხოვება უნდოდა, მაგრამ მე ხესავით ვოდექი და თავჩალუნული იატაკს ჩავშტერებოდი.

მეორე დღეს გარდაიცვალა...

ჩემი მამინაცვალი, სრულ საპარადო ტანსაცმელში გამოწყობილი, ზურგზე შაშხანით, ქამარზე ყუმბარით, დერეფანში ტიროდა, მაგრამ, რატომღაც არავინ ყურადღებას არ აქცევდა...

მე და ჩემი და ეზოში ვისხედით და ყველა, ვინც კი მოვიდოდა, შეჩერდებოდა და ერთი და იგივეს ამბობდა: „გეცოდებათ განა დედა?“ ან: „ახლა მარტონი დარჩნენ ობლები“. ეს რაღაც საშინელი ჩვეულება იყო და საერთოდ ყველაფერი — ისიც, რომ ქალები, რომლებიც სკოვოროდნიკოვებთან ქალაქის სათამაშოდ მოდიოდნენ, ჩვენთან ჩაიკეტნენ, მერე კალთბაკეცილებს დაკაპიწყებული მკლავებით ვედროები გამოჰქონდათ, თითქოს იატაკებს რეცხავდნენ, ისიც, რომ დეიდა დაშა რაღაც „შენდობის ფურცლისთვის“ დარბოდა. მე მეგონა, რომ ჩვენ ამ წესის გათავებამდის ეზოში უნდა ვმსხდარიყავით, და ჩვენც ვისხედით და ველოდით.

მრავალი წლის შემდეგ ბალზაკი წაფიქვითხე, რომელიც ერთგან წერს: „ტანჯვისაგან დაკვირვების უნარი მახვილდებაო“, და წამსვე ეს დღეები მომაგონდა, როცა აცმევდნენ, წესს უგებდნენ და ასაფლავებდნენ დედაჩემს. დამამახსოვრდა ყოველი სიტყვა, ყოველი მოძრაობა — ჩემიც და სხვისაც. მივხვდი, თუ რატომ იყო, რომ პირველ დღეს, როცა დედაჩემი გულხელდაკრეფილი, ხელში ხატით მაგიდაზე ესვენა, ყველანი ჩურჩულით ლაპარაკობდნენ, შემდეგ უფრო ხმამაღლა და ბოლოს ყველამ თავისი ჩვეულებრივი ხმით დაიწყო ლაპარაკი. ყველა — სკოვოროდნიკოვი, ჩემი მამინაცვალი და დეიდა დაშაც შეურიგდა მის სიკვდილს. გულგახეთქილმა შევამჩნიე, რომ თვითონ მეც უეცრად სულ სხვაგან წამიღო ფიქრებმა.

ნუთუ მეც შეეურიგდი ამას, ნუთუ ვფიქრობ ჯილაზე, რომელიც პეტკამ დიდი ხანია მაჩუქა და მე კი დედაჩემის სიკვდილის გამო ვერა და ვერ შევამოწმე. და მაშინვე სინანულით ვაიძულებდი ჩემ თავს, დედაჩემზე მეფიქრა.

ასე იყო დასაფლავების დღესაც.

სანიას თავი სტკიოდა და შინ დატოვეს. ჩემ მამინაცვალს, რომელიც დილიდანვე ბატალიონში გამოიძახეს, გამოსვენებაზე დაუგვიანდა და ჩვენ ორი საათის ლოდინის შემდეგ მარტონი გავეყვით კუბოს, ჩვენ, ესე იგი სკოვოროდნიკოვი, დეიდა დაშა და მე.

ისინი ფეხით მოსდევდნენ, დეიდა დაშას სამგლოვიარო ეტლის კავისთვის ჩაეკიდა ხელი, რომ არ ჩამოგვრჩენოდა, მე კი ზედ სამგლოვიარო ეტლზე დამსვეს.

მრცხვენია, რომ ვიგონებ, მაგრამ სიამაყეს ვგრძნობდი, როცა გზაზე ნაცნობი ბიჭები გვხვდებოდნენ, რომლებიც შეჩერდებოდნენ და თვალს აყოლებდნენ ჩვენს პროცესიას, ან როდესაც ვინმე ორი-სამი წუთით შემოგვიერთდებოდა, რომ ეკითხა—ვის მიახვეწებენო. მაშინ ჩემ თავს ეკიცხავდი. მაგრამ ჩვენ სულ უფრო და უფრო შორს მივდიოდით, გულგრილი მეეტლე რომელსაც თავზე კეპი ეხურა და ჭუჭყიანი ხალათი ეცვა, ნამძინარევი დასკყიოდა თავის ჯაგლა ცხენს. კვლავ ფიქრებში დაეცურავდი, ღმერთმა იცის, სად... შორს ამ საბრალო კუბოსაგან, რომელსაც ოდნავ ჰფარავდა თეთრი ნაქერი.

აი, ზასტენნაია. გალავნის გამონგრეულ ადგილებს ხის ფიცრები ჰქონდა მიფარებული, რომ უბილეთოდ არავინ შეპარულიყო საზაფხულო ბაღში, და არავინ ჩემსა და პეტკას მეტმა არ იცის, რომ ბოლოდან მეორე ფიცარი შეიძლება გასწიო—და შებრძანდი ბაღში! გინდა, მუსიკას უსმინე, გინდა ფარულად მიხაკი დაკრიფე და სპექტაკლის შემდეგ კონა შაურად მიჰყიდე ხალხს!

აი, სამხედრო სასწავლებელი—ლეიბებით დატვირთული ფორნები ეზოში დგანან და რუხ მაზარებში ჩაცმული ხალხი, არ ვიცი, ოფიცრები თუ გიმნაზიელები რატომღაც ლეიბებს მიათრევენ და მეორე სართულის ფანჯრებს უცობენ. აი, „აფონინის გორაკი“, რომლის შესახებაც ქალაქში ამბობენ, რომ ეს მიწაში ჩამარხული ეკლესიაა და აღდგომის ღამეს მიწიდან გალობა ისმისო. ვილაცეები ფუსფუსებდნენ „აფონინის გორაკზე“ და იქაც, რომ დაეაკვირდი, იგივე რუხი მაზარები დაეინახე, რომლებიც მიწაზე დაყრილ ხის ტოტებს შორის მოჩანდნენ.

უეცრად გამოვფხიზლდი. მომაგონდა, რომ ჯერ კიდევ ბაზრის მოედანზე რომ გამოვიარეთ, სათათბიროს კარებთან გუშმაგი იდგა, ბაღში ღობის იქით სამოქალაქო ტანსაცმელში ჩაცმული ვილაცეები ფაციფუციტ, ჩქარ-ჩქარა მიდი-მოდიოდნენ, ერთი მათგანი ტყვიამფრქვევს მიათრევდა. მალაზიები დაკეტილი იყო, ქუჩები—დაცარიელებული. სერგიევის ქუჩა რომ გავიარეთ, მერე ერთი კაციც არ შეგვხვედრია. ნეტა რა მოხდა?

ჭუჭყიან ხალათიანი მეეტლე ჩქარობდა და წამდაუწუმ ცხენს შოლტს აწნავდა. დეიდა დაშა და სკოვოროდნიკოვი ძლივს მოგვდევდნენ. ჩვენ პოსადის უშენზე გამოვედით—ასე ერქვა

ცარიელ ქუჩიან ადგილს ქალაქსა და პოსადს შორის. იქვე ფერდობი ჩადიოდა მდინარისაკენ, მეწისქვილის ხიდი... შორს რა-ღაცამ მოკლედ დაიკაანა. მეეტლემ შიშით მოიხედა უკან და მათრახი გაუბედავად ასწია. დეიდა დაშა დაგვეწია და ლანძღვა დაუწყო.

— ხომ არ გაგიჟდი? შეშა კი არ მიგაქვს!

— ისერიან, — უპასუხა მოღუშულმა მეეტლემ.

ფერდობი მდინარისაკენ ჩახრამული იყო და რამდენიმე წუთი ისე მივდიოდით, რომ ირგვლივ ვერაფერსა ვხედავდით. სადღაც ისროდნენ, მაგრამ სულ უფრო კანტიკუნტად. უკვე გამოჩნდა მეწისქვილის ხიდი. აქ რამდენჯერ დამიჭერია თევზი. უცებ მეეტლე წამოდგა და შოლტი მოიქნია, ცხენმა გაიწია და ჩვენ ისე გაექან დით, რომ დეიდა დაშა და სკოვოროდნიკოვი სადღაც შორს დაგვრჩნენ.

ალბათ ეს ტყვიები იყო, რადგანაც სამგლოვიარო ეტლს ნაფოტები ასცვივდა და ერთი ნაფოტი შიგ სახეში მომ-ბედა. ჩუქურთმიანი სვეტი, რომელზედაც ხელი მექიდა, მოიწყა, დაიჭრაქუნა, ჩვენ შევინჯღერით—და სვეტი გზაზე გადავარდა. შესმოდა, სადღაც შორს როგორ ყვიროდა სკოვოროდნიკოვი, ტი-როდა და ილანძღებოდა დეიდა დაშა.

თვალეზე ქულჩამოფხატული მეეტლე შოლტის ქნევით პირდა-პირ ხიდისკენ მიერეკებოდა ცხენს. თითქოს ვერა ხედავდა, რომ შესასვლელი ძელებით, ფიცრებით და აგურებით იყო გადაღობი-ლი. ერთიც და ცხენმა უკან დაიხია, ჯერ მარჯვნივ გაიწია, მერე მარცხნივ და გაჩერდა.

გადაღობილიდან ხალხი გადმოცვივდა. მათ შორის ჩემი ნაც-ნობი ასოთამწყობი ვიცანი, რომელიც შარშან ზაფხულს მკითხაეის ოთახში იდგა მეზობელ ეზოში. ხელში შაშხანა ექირა, ხოლო ტყა-ვის ქამარზე, რომელიც ჩვეულებრივ პალტოზე შემორტყმული თვალს ეჩოთირებოდა, ნაგანი ეკიდა, ყველანი შეიარაღებულნი იყვნენ, ზოგიერთებს ხმლებიც კი ერტყა.

მეეტლე გადმოვიდა. ხალათის კალთები აიკეცა, შოლტი ჩექმის ყელში ჩაიდო და ლანძღვას მოჰყვა.

— ვერა ხედავთ, რომ დასაფლავებაა? ცხენი კინალამ მომი-კალით.

— ჩვენ არ ვისროდით, — უპასუხა ასოთამწყობმა, — ბარიკადებს ვერა ხედავ, სულელო?

— რა გვარი ხარ?—ყვიროდა მეეტლე.—მე თქვენ პასუხს გაგებინებთ, ეტლს ვინ შემიკეთებს?—ეტლს გარშემო უვლიდა და დაზიანებულ ადგილებს თითოთ სინჯავდა.—ლერძიც გაგიტეხიათ!

— სულელო, —განაგრძო ასოთამწყობმა, —ჩვენ არა ვყოფილვართ-მეთქი, არ გესმის? კუბოებს დაფუწყებთ სროლას, ტუტუცო?!

— ვის ასაფლავებ, ბიჭუნა? —ხმადაბლა მკითხა ხანში შესულმა. ფაფახიანმა კაცმა, რომელსაც ფაფახზე კოქარდის ნაცვლად წითელი ბაფთი ეკეთა.

— დედას, —წავილულულულე მე.

მან ფაფახი მოიხადა.

— თქვენ, ამხანაგებო, ცოტა წყნარად, —თქვა მან.—დასაფლავებაა. აი, ყმაწვილი დედას აცილებს... უხერხულია, რაც არ უნდა იყოს.

ყველამ მე შემომხედა. ალბათ ვერაფერი შესახედავი ვიყავი, რადგან, როცა ყველაფერი მოგვარდა და დეიდა დაშაც ტირილით დაგვეწია, როცა წისქვილს ჩავუარეთ და ხიდზე გავედით, ჩემი ქურთუკის ჯიბეში ორი ნატეხი შაქარი და ერთი თეთრი ორცხობილი აღმოვაჩინე.

დასაფლავებიდან გატანჯულები პესჩინკის გაღმა ნაპირით დავბრუნდით შინ.

ქალაქი ელვარებდა: იწვოდა კრასნოიარსკის პოლკის ყაზარმები. პონტონის ხიდთან სკოვოროდნიკოვი ნაცნობ გუშაგს შეეხმაურა და გააბეს გაუთავებელი საუბარი, საიდანაც მე ვერაფერი გავიგე: ვილაცამ სადღაც გზა აჰყარა, ცხენოსანთა კორპუსმა პეტროგრადს შეუტია, სადგური სიკვდილის ბატალიონს უჭირავს. გვარო „კერენსკი“ სხვადასხვა დამატებებით წამდაუწუმ მეორდებოდა. მე ფეხზე ძლივს ვიდექი, დეიდა დაშა კი სულ ოხრავდა და ვიშვიშებდა.

შინ რომ დავბრუნდით, ჩემ დას უკვე ეძინა, არ გამიხდია, ისე ჩამოვჯექი ლოგინზე მის გვერდით.

არ ვიცი რატომ, მაგრამ იმ ღამეს, პირველ ღამეს, როცა ჩვენ მარტონი დავრჩით, დეიდა დაშას ჩვენთან არა სძინებია. ფაფა მომიტანა და, რაკი არა მშობოდა, თეფში ფანჯარაზე დადგა. ფანჯარაზე და არა მაგიდაზე, სადაც დილით დედაჩემი ესვენა. ეს დილით—ახლა კი ღამეა. სანთას იმის ლოგინზე სძინავს, იმის ლოგინზე, სწორედ იმ ადგილზე, სადაც ის იწვა, შუბლზე გვირგვინით და ხელში „შენდობის ფურცლით“, —მე არც კი ვიცოდი, ასეთი სახელი თუ ერქვა იმ მილივით დახვეულ ქალალს.

მე ავდექი და ფანჯარასთან მივედი. ეზოში ბნელოდა, მდინარეზე კი ისევ ცეცხლის ალი იდგა, შავი ბოლის ზოლები ჩაღლებოდა და ქრებოდა.

ყაზარმები იწვის, მაგრამ ეს ხომ რკინიგზის იქით არის, შორს, აჟულ სხვა მხარეს! მომაგონდა, როგორ მომკიდა ხელი დედამ, თავს როგორ აქნევდა და ცდილობდა არ ეტირა, რატომ არაფერი არ ვუთხარი? როგორ ელოდა თუნდაც ერთ სიტყვას.

კენჭებს ნაპირს აყრიდა,—ეტყობა ქარი ამოვარდა. წინწკლაც დაიწყო. დიდხანს უაზროდ ვუყურებდი, როგორ მოგორავდნენ დიდრონი მსაველი წვეთები ფანჯრის მინაზე—ჯერ ნელ-ნელა, შემდეგ სულ უფრო ჩქარა და ჩქარა.

სიზმარში ვნახე, რომ ვილაცამ კარებს მოსწია, ოთახში შემოვარდა და სველი მაზარა იატაკზე დააგდო. უცბად ვერ მივხვდი, რომ ეს სრულიადაც არ იყო სიზმარი. ჩემი მამინაცვალი აქეთ-იქით აწყდებოდა და თან გიმნასტურას იხდიდა, კბილების კრაქუნით იძრობდა, მაგრამ ისე მიჰკეროდა ტანზე, რომ ვერაფრით ვერ მოეხერხებინა გახდა. ტიტველა, ქვედა საცვალის ამარა თავის სკივრს ეცა და იქიდან ზურგჩანთა ამოიღო.

— პიოტრ ივანიჩ!

ერთი კი შემომხედა, მაგრამ არაფერი უპასუხნია, ბანჯგვლიანი და გაოფლიანებული საჩქაროდ აწყობდა; თეთრეულს სკივრიდან ჩანთაში. საბანი დაახვია, მუხლით დააწვა და ღვედი გადაუქირა. მთელი ამ ხნის განმავლობაში ბოროტად უთრთოდა ტუჩები და მოუჩანდა მსხვილი და გრძელი კბილები, ნამდვილი ჰგლური კბილები.

სამი გიმნასტურა ზედ ჩაიცვა, მეოთხე კი ჩანთაში ჩატენა. ეტყობა, დაავიწყდა, რომ მე მეღვიძა, თორემ ალბათ სინდისი არ მისცემდა, ლურსმნიდან დედაჩემის თეთრი ქაკეტი ჩამოეგლიჯა და ისიც ჩანთაში ჩაეტენა.

— პიოტრ ივანიჩ!

— ხმა ჩაიკმინდე!—მითხრა მან და ერთი ამომხედა.—ეშმაკსაც წაუღია ყველაფერი!

ფეხსაცმელი გამოიცვალა, მაზარა ჩაიცვა და უეცრად სახელოზე თავის ქალას და ძვლებს მოჰკრა თვალი. ლანძღვით ისევ გაიხადა მაზარა და კბილით ააგლიჯა თავის ქალისა და ძვლების გამოსახულება. ჩანთა მხარზე მოიგდო—და ათი წლით გაქრა ღემი ცხოვრებიდან. დარჩა მხოლოდ ტალახიანი ნაფეხურები

იატაკზე და პაპიროს „კატიკის“ ცარიელი თუნუქის კოლოფი, რომელშიაც საკინძებს და ფერად ქინძისთავეებს ინახავდა.

მეორე დღეს ყველაფერი გამოიკრევა. სამხედრო-რევოლუციურმა კომიტეტმა ქალაქში საბჭოთა ხელისუფლება გამოაცხადა. სიკვდილის ბატალიონი და მოხალისენი გამოვიდნენ მათ წინააღმდეგ. მაგრამ ისინი გაანადგურეს.

თავი მეთოთხმეტი

ბაქცევა. არა მძინავს. თავს ვიმძინარებ

ნეტა საიდან მოიგონა პეტკამ, რომ ახლა ყველა რკინიგზებზე უფასოდ შეიძლება მგზავრობაო? ალბათ ხმებმა უფასო ტრამეის შესახებ პეტკას ყურამდის ასე გაზვიადებულად მოაღწია.

— დიდებისათვის მივლინებაა საჭირო, — მტკიცედ თქვა მან, — ჩვენ კი არაფერი გვჭირდება.

ის უკვე აღარ სდუმდა — მაგულიანებდა, მაბრაზებდა, მკიცხავდა სიმხდალის გამო და დამცინოდა. რაც უნდა მომხდარიყო ქვეყანაზე, ყველაფერი აქეზებდა, რომ ჩვენ ერთი წუთითაც არ უნდა დაგვეყოვნებინა და თურქესტანისაკენ მოგვესვა. სკოვოროდნიკოვმა გამოაცხადა, ბოლშევიკი ვარო, და დეიდა დაშას უბრძანა ხატები ჩამოეხსნა. პეტკამ მაშინვე თავის სასარგებლოდ ახსნა ეს მოვლენა და დაამტკიცა, რომ, სულ ერთია, ახლა ეზოში აღარავის ედგომებოდა.

— დედაკაცები შექამენ, — თქვა პირქუშად. — ვინ იცის კიდევ რას იზამს.

სამხედრო-რევოლუციურმა კომიტეტმა ბრძანება გასცა, ღვინის სარდაფები გაეტეხათ და ღვინო პესჩინკაში ჩაეშვათ. თურმე ესეც ხელს უწყობდა ჩვენს გეგმას.

— თვეზი გაწყდება, — გულგრილად, დიდღვითა თქვა პეტკამ, — და მაინც სულ ერთია, ახლა არყის გამოხდას დაიწყებენ. არა, უნდა წავიდეთ!

არ ვიცი, დამიყოლიებდა ბოლოს და ბოლოს თუ არა, დეიდა დაშას და სკოვოროდნიკოვს ოჯახის საბჭოზე რომ არ გადაეწყვიტათ ჩემი და სანიას თავშესაფარში მიცემა. დეიდა დაშას ყველაფერი ეხერხებოდა, პერანგებსა ჰქარავდა, შუქფარებს აკეთებდა.

მაგრამ ვისლა სცხელოდა ახლა მისი შუქფარებისათვის? სკოვო-როდნიკოვზე გათხოვებით იქნებ თავისი ოჯახის ფეხზე წამოყენების იმედი ჰქონდა, მაგრამ პოლიტიკური მოღვაწეობით გატაცებულმა მოხუცმა თავი მიაჩნება თავის უნივერსალურ წებოს და საბოლოოდ აღარ იცოდნენ, რითი უნდა ეცხოვრათ.

თვალცრემლიანმა დეიდა დაშამ გამოგვიცხადა, რომ ყოველდღე ივლიდა ჩვენთან და რომ ჩვენ მხოლოდ ზამთარს გავატარებდით თავშესაფარში, ზაფხულში კი უსათუოდ შინ დავბრუნდებოდით. თავშესაფარში ჩვენ გვაქმევენ, გვასწავლიან და ჩაგვაცმევენ. მოგვცემენ ახალ წაღებს, ორ პერანგს, პალტოს, ქუდს, წინდებსა და პერანგის ამიანაგს. მახსოვს, ვკითხე კიდეც:

— პერანგის ამხანაგი რაღაა-მეთქი?

ჩვენ ვიცნობდით თავშესაფარის ბავშვებს. ესენი იყვნენ რუხ ქურთუკებსა და დაქმუქნილ რუხ შარვლებში გამოწყობილი ყვიციანი ბავშვები. შურდულით მარჯვედ ხოცავდნენ ჩიტებს და მერე თავიანთ ბაღში სწვავდნენ და სკამდნენ. აი, როგორი კვება იყო თავშესაფარში! საერთოდ ისინი „პატიმრებად“ ითვლებოდნენ, ჩვენ ვეჩხუბებოდით ხოლმე. და ახლა მეც „პატიმარი“ უნდა გავმხდარიყავი.

იმ დღესვე წავედი პეტკასთან და თანხმობა განვუცხადე. ფული ცოტა გვექონდა—ათი მანეთი. ბაზარზე დედას ფეხსაცმელები გაეყიდე—კიდეც ათი მანეთი. სულ ოცი მანეთი. სახლიდან დიდი სიფრთხილით გამოვიტანე საბანი. ასეთივე სიფრთხილით დავაბრუნეთ უკან. არავინ ინდომა, მიუხედავად იმისა, რომ ძალიან იათად ვაძლევდით, მგონი ოთხ და ათ შაურად. სწორედ ეს ოთხი და ათი შაური შეგვქამეთ, ვიდრე საბნით ბაზარზე დავეხეტებოდით. დაგვრჩა სულ—თხუთმეტი და ათი შაური.

პეტკას თავისი წიგნების გასაღება უნდოდა. საბედნიეროდ, არავინ იყიდა. საბედნიეროდ-მეთქი იმიტომ ვამბობ, რომ ეს წიგნები ახლა ჩემს ბიბლიოთეკაში ყველაზე საპატიო ადგილზე აწყვია. თუმცა ერთის, მგონი „იური მილოსლაესკის“ გაყიდვა მაინც მოვახერხეთ. ესეც თექვსმეტი მანეთი.

ჩვენი ანგარიშით ეს ფული ბიძასთან მიგვიყვანდა, მერე კი დაიწყებოდა მიმზიდველი, ჩინებული ცხოვრება ორთქლმავალზე. მახსოვს, ძალიან გვალეღვებდა და დიდ დავას იწვევდა შეიარაღების საკითხი. პეტკას ფინური დანა ჰქონდა, რომელსაც ხანჯალს უწოდებდა. ძველი ჩექმისაგან ქარქაში გავუკეთეთ, მაგრამ

გამგზავრება ცივი იარაღის ამარა რაღაც არასაინტერესო იყო. სად ვიშოვოთ რევოლვერი?

ერთ ხანს იმედი გექონდა, რომ სამხედრო-რევოლუციური კომიტეტი მოგვეცემდა თითო ნაგანს. მერე გადავწყვიტეთ, არ მოგვეცემსო, და ბაზრისაკენ გავწიეთ—იქნებ ვინმე დეზერტირმა მოგვეცოდოს თავისი იარაღიო.

დიდი ძებნის შემდეგ ვიპოვეთ რაც გვინდოდა.

ეს იყო დიდი, ხუთლულიანი დაჩუქურთმებულტარიანი რევოლვერი, სწორედ ხუთლულიანი. მე არ შემშლია. მისი ხუთივე ლულა იტენებოდა და ყოველი გასროლის შემდეგ ეს ლულები ხელით უნდა მოგეტრიალებინათ. ეჭვს გარეშეა, რომ ის ადამის ეამის რევოლვერი იყო, მერე მუზეუმში ვნახე ასეთი. მაგრამ ჩვენ ძალიან მოგვეწონა. სწორედ ამ ხუთმა ლულამ გაგვაოცა. უჰ, შენი გულისა, აქედან რომ გაისვრი! თანაც დეზერტირი კი არა ჰყიდდა, გენერლის მოხუცი ცოლი—ესეც პატივისცემას გვინერგავდა. ერთი სიტყვით, თექვსმეტი მანეთიდან, ვინ იცის, სამ და ათ შაურზე მეტიც არ დაგვრჩენოდა, რომ გენერლის მოხუცი ცოლი თავის რევოლვრიანად არ გამქრალიყო, ვიდრე ჩვენ ფულის შოსატანად ვიყავით წასულები.

ახლა ვხედავ, რომ მაინც ბედი გვეწია. ხომ შეიძლებოდა, ის იარაღი გვეყიდა და გაგვესინჯა (ჩვენ საფანტიც მომზადებული გექონდა), მაშინ ჩვენი მარშრუტი ენსკი—მოსკოვი—ტაშკენტი, შეიცვლებოდა ახალი მარშრუტით: ჩვენი ეზო—სპასკის სასაფლაო.

ამგვარად, გადაწყდა, ცივი იარაღით დავემყოფილებულიყავით.

სხვა ყველაფერი სრულ წესრიგში იყო: მაგარი ფეხსაცმელი, პალტო მთელი, პეტკას თხის ბეწვის საყელოც კი ჰქონდა პალტოზე, შარვალი თითო წყვილი.

იმ დღეს ძალიან დამძარბული ვიყავი და დეიდა დაშამ რამდენჯერმე სცადა ვენუგეშებიანე. საწყალი დეიდა დაშა! სკოდნოდა ერთი, რომ ჩვენი წასვლა მხოლოდ მისი ნამცხვრების გამო გადავდეთ! მეორე დღეს უნდა წავეყვანეთ მე და სანია თავშესაფარში და მთელი დღე „საგზაოდ“ ნამცხვარს გვიცხოვდა. აცხოვდა და თან წამდაუწუმ სათვალეს იხსნიდა და ცხვირს იხოცავდა.

მე პირობა ჩამომართვა, არ მექურდა, თუთუნი არ მომეწია, უხეშად არავისთვის მიმემართა, არ მეზარმაცა, არ მელოთა,

ლანძღვა არ დამეწყო და არ მეჩხუბა—უფრო მეტი მცნება, ვიდრე საღმრთო წერილშია. ჩემ დაიკოს, რომელიც ძალიან დაღონებული იყო, მშვენიერი ძველებური ბათვი აჩუქა.

რა თქმა უნდა, უბრალოდ შეიძლებოდა გაპარვა სახლიდან— და მერე მოგქამა ქირი! მაგრამ პეტკამ გადაწყვიტა, ასეთი წასვლა საინტერესო არ იქნებოდა, და საკმაოდ რთული გეგმა გამოიმუშავა, რომელმაც გამაოცა თავისი იღუმალებით.

ჯერ ერთი, ჩვენ ერთმანეთისათვის ძნობა უნდა შეგვეფიცა.

აი ეს ფიცი:

„ვინც ამ პატიოსან სიტყვას უღალატებს, პატიებას ნულარ ელას, ვიდრე არ დათვლის ზღვაში ქვიშას, ტყეში ფოთოლს, წვიმის წვეთებს; წინ წასვლა უნდოდეს—უკან გააბრუნე, მარცხნივ წასვლა უნდოდეს—მარჯვნივ გაგზავნე. როგორც მე დაენარცხებ ჩემ ქულს მიწას, ისე განგმირავს მეხი ამ პატიოსანი სიტყვის გამტებს. იბრძოლე და ეძიე, ჰპოვე და უკან არ დაიხიო“.

ამ ფიცის წარმოთქმის შემდეგ ჩვენ ხელი უნდა ჩამოგვეერთმია ერთმანეთისათვის და ერთდროულად უნდა დაგვენარცხებინა ქუდები მიწაზე, ეს გავაკეთეთ ტაძრის ეზოში გამგზავრებრს წინა დღეს. მე ზეპირად ვთქვი ფიცი, პეტკამ დაწერილი წაიკითხა. შემდეგ თითში ნემსი აჩხელიტა და სისხლით მოაწერა: პ. ს.— პიოტრ სკოვოროდნიკოვი. მე ძლივს წაეჩხაპნე ა. გ.—ალექსანდრე გრიგორიევი.

მეორე, ათ საათზე უნდა დავწოლილიყავი დასაძინებლად და თავი მომემძინარებინა, თუმცა არავის აინტერესებდა, მეძინა თუ მხოლოდ თავს ვიმძინარებდი. ღამის სამ საათზე პეტკას სამჯერ უნდა დაესტინა ფანჯარასთან. ეს იქნებოდა პირობითი ნიშანი: ყველაფერი რიგზეა. გზა თავისუფალია. შეიძლება გაქცევა.

ეს ბევრად უფრო საშიში იყო, ვიდრე ღლისით გაქცევა, როცა მართლაც ყველაფერი რიგზეა, გზაც—თავისუფალი; როცა ვერაინ ვერ შეამჩნევდა ჩვენს გაპარვას. დამე გუშაგებს შეედლოთ ეტაცათ ხელი — ქალაქი საალყო მდგომარეობაში იყო — ძალღებსაც აუშვებდნენ ხოლმე. მაგრამ პეტკამ მიბრძანა და მეც დავემორჩილე. აი, დადგა ეს საღამოც — უკანასკნელი საღამო მშობლიურ სახლში.

დღედა დაშა მაგიდასთან ზის და რაღაცას აკერებს, ალბათ ჩემს პერანგს, თუმცა თავშესაფარში თეთრეულს აძლევენ, მაგრამ ერთი ხელი მაინც იყოს, ყოველი შემთხვევისათვის! წინ ლამპა

უღვას, ლამპაზე—ცისფერი შუქფარი, რომელიც დეიდა დაშამ დედაჩემს აჩუქა ქორწილის დღეს. ახლა ის რაღაც დარცხვენილად გამოიყურება—თითქოს ცუდად გრძნობს თავს ჩვენს გამოცარიელებულ სახლში. კუთხეებში ბნელა. ჩაიდანი ქურის ზემოთ ჰკიდია, ხოლო კედელზე—ჩაიდანის ჩრდილი კი არა, თითქოს ვიღაცის ვეებერთელა გადმობრუნებული ცხვირია. ფანჯრის ქუქრუტანიდან სიგრილე მოდის და მდინარის სუნი სცემს. დეიდა დაშა ჰკერავს და თან ლაპარაკობს. რაღაცას იღებს მაგიდიდან და ნათელი წრე ქურზე კანკალს იწყებს. ათი საათია. მე თავს ვიმძინარებ...

— სანია, აბა შენ იცი, ძმას როგორ დაუჯერებ, ყველაფერს გაუგონებ,—ეუბნება დეიდა დაშა ჩემ დას.—შენ გოგონა ხარ, მას უნდა დაუჯერო. ჩვენ ყოველთვის მამაკაცების იმედი გვაქვს ხოლმე. ნუ გეშინია, ის შენს თავს არავის დააჩაგვრინებს.

გული მეტანჯება, მაგრამ ვცდილობ სანიაზე არ ვიფიქრო. აი, მოსკოვში ჩამოვედით, პეტკას ბიძა სადგურზე დაგვხვდა, სკოვოროდნიკოვსა ჰგავს, მაგრამ სულ ახალგაზრდა და მხიარულია. ორთქლმავალი შორ გზას ადგია, შავი კაცი ქურაში ნახშირს უმატებს, მილიდან ნაპერწკლები ცვივა და ქრება. ჩვენ მივქრევართ, ელავენ ხეები, ხან ძირს ეშვებიან, ხან მალლა იწვეიან ტელეგრაფის ბავთულები. ახლა მე და პეტკაც ვყრით ნახშირს ქურაში—ცხელა, მხიარულადა ვართ. გარეთ გამოიხედავ და—ყურებში ქარი გიზუსის.

— შენ კი, სანია,—მეუბნება დეიდა დაშა და მე ვხედავ, როგორ მოგორავს ცრემლი სათვალის ქვეშ და ჩემს პერანგს ეცემა,—დას გაუფრთხილდი. თქვენ სხვადასხვა განყოფილებაში იქნებით, მაგრამ მე ვთხოვე, რომ ყოველდღე მოგცენ მისი ნახვის ნება.

— კეთილი, დეიდა დაშა.

— ოჰ! ღმერთო ჩემო, ცოცხალი ყოფილიყო აქსინია...—იგი ლამპას ასწორებს, ძაფს აგებს და კვლავ განაგრძობს თავის საქმეს.

თერთმეტის ნახევარია. მე არა მძინავს, თავს ვიმძინარებ... ვხედავ თეთრი ყვავილებით გადაპენტილ ხეებს, ჩრდილში კი ყვავილებქვეშ ხალიჩებს—ლურჯს, მწვანეს, ცისფერს. ჩვენ თურქესტანში ვართ. ფორთოხლები პირდაპირ ქუჩებში იზრდება. ჯერ მალულად ვკრეფთ, მერე უფრო და უფრო თამამად. უკვე ჩასაწყობი ადგილიც აღარსადა გვაქვს, პეტკა იღებს მეორე წყვილ შარვალს, ტოტებს ჰკვანძავს და ფორთოხალს შარვალში ჰყრის. აი,

წვერიან მოხუცს პატარა თეთრ სახლში მიეყვებართ, კედელზე თოფ-
იარაღი ჰკიდია: ხანჯლები, ხუთლულიანი რევოლვრები და ვერცხლ-
ში ჩასპული მოლუნული ხმლები. „იახში?“—გვეუბნება იგი და
გვთავაზობს—თითო ხანჯალი, თითო რევოლვერი და თითო ხმალი
ამოვირჩიოთ.

— კითხვასაც გასწავლიან, წერასაც,—ბურანში მესმის და
ვფიქრობ, დეიდა დაშა საიდანღა გაჩნდა-მეთქი აქ?—ვინ იცის,
იქნებ შენც კაცი გამოხვიდე, შეიძლება მერე ჩვენც მადლობა
გვითხრა.

მე არა მძინავს, თავს ვიმძინარებ. თორმეტის ნახევარია, თორ-
მეტი. დეიდა დაშა დგება. უკანასკნელად, სულ უკანასკნელად
ვხედავ ქვემოდან ლამპის შუქით განათებულ მის კეთილ სახეს.
ლამპის შუშას ხელის გულს აფარებს, უბერავს და ბნელდება-
სიბნელეში პირჯვარს გვსახავს და წეება,—დღეს ჩვენთან იძინებს.

კარგია თავის მომძინარება, როცა არ გეძინება! მე კი თვა-
ლებს ძლივს ვახელ. რომელი საათია? სამ საათამდე კიდევ დიდი
დროა. მდინარიდან მთვრალების სიჩღერა მოისმის. ქარი წვრილ
კენჭებს ნაპირს აყრის, პირობითი ნიშანი კი არა და არ არის.
მხოლოდ საათის წიკწიკი არღვევს სიჩუმეს და დეიდა დაშა ვიშ-
ვიშით წამდაუწუმ გვერდს იცვლის.

რომ არ დამეძინოს, მე ვჯდები და თავს მუხლებზე ვდებ. თავს
ვიმძინარებ. სტვენა მესმის, მაგრამ ვერ ვიღვიძებ.

შემდეგ პეტკამ მითხრა, ვიდრე გაგალვიძებდი, სტვენით ბოშა-
სავით ყელი ჩამეხლიჩაო. სულ უსტვენდა, ვიდრე ჩექმებსა და
პალტოს ვიცვამდი და ტომარაში ნამცხვრებს ვაწყობდი. ძა-
ლიან გაჯავრებულმა რატომღაც მიბრძანა, პალტოს საყულო ამე-
წია, და გავიქეციო.

ყველაფერმა კარგად ჩაიარა. ხელი არავის უხლია—არც ძალსა
და არც ადამიანს. მართალია, ყოველ შემთხვევისათვის, სამიოდვ
ვერსით შემოვუარეთ ქალაქის თბრილს. გზაში ვცდილობდი, გამეგო
პეტკასგან: დარწმუნებული კია, რომ ახლა ყველა რკინიგზაზე
მგზავრობა უფასოა? მიპასუხა, დარწმუნებული ვარ—თუ გაქირ-
და სკამის ქვეშ შევსხდებით და ისე ჩავალთ, სულ ორი ლამე
და—მოსკოვში ვიქნებით, ჩქარი მატარებელი ხუთზე და ორმოცზე
გადისო.

ხუთ საათსა და ორმოც წუთზე არავითარი მატარებელი არ
გადიოდა. გუშაგებს გვერდი ავუხვიეთ და სადგურიდან ნა-

ბევარი ვერსის მანძილზე ლობეზე გადავეშვიტ. ოღონდ ბრწყინავდა სველი, შავი ლიანდაგი, მკრთალად ანათებდნენ ისრებზე ყვითელი ფარნები. რა უნდა გვექნა? დილამდის სადგურზე გვეყურუყურა? არ შეიძლებოდა: ვაითუ გუშაგებს დავექირეთ! შინ დაებრუნებულყავით?

სწორედ ამ წუთში წვერიანი, თავიდან ფეხებამდის ზეთში ამოსვრილი გადამბმელი საბარგო მატარებლის შემადგენლობის ქვეშიდან გამოძვრა და განძელებით ჩვენკენ წამოვიდა.

— ბიძია,—თამამად ჰკითხა პეტკამ,—მოსკოვისაკენ რომელი გზა მიდის, მარცხნივ თუ მარჯვნივ?

გადამბმელმა ჯერ მას შეხედა, მერე მე. შიშისაგან გამაცია. ახლავე კომენდატურაში გაგვგზავნის-მეთქი, გავიფიქრე.

— მოსკოვამდის, ბიჭებო, ხუთასი ვერსია.

— შენ მარტო ის გვითხარი, ბიძია, მარჯვნივ თუ მარცხნივ. გადამბმელს გაეცინა.

— მარცხნივ.

— გმადლობთ, ბიძია! სანკა, წავედით მარცხნივ.

თავი მეთხუთმეტი

იბრძოლე და ეძიე, ჰკოვმე და უკან არ დაიხიო

ყველა მგზავრობა, როცა მოგზაურები თერთმეტ-თორმეტი წლისანი არიან, როცა ისინი ვაგონების ქვეშ აკრულნი მგზავრობენ და თვეობით პირს არ იბანენ, ერთიმეორესა ჰგავს. ამაში დარწმუნება ადვილია, თუ რამდენიმე წიგნს გადავფურცლავთ უპატრონო ბავშვების ცხოვრებიდან. ამიტომ მეც არ შევეუღებე ჩვენი მოგზაურობის აღწერას ენსკიდან მოსკოვამდე.

დეიდა დაშას შეიღი მცნება მალე დავიწყებას მიეცა. ჩვენ ვილანძღებოდით, ვჩხუბობდით, ვწევდით თამბაქოს, და ზოგჯერ ნაკელსაც კი, გასათბობად. ათასნაირ ტყუილს ვიგონებდით: ხან ვითომ დეიდას დავეკარგენით გზაში, რომელიც ორენბურგში წავიდა მარილისათვის, ხან ლტოლვილები ვიყავით და დიდედასთან მივდიოდით მოსკოვში. თავს ძმებად ვასალებდით—ეს გულისამაჩუყებელ შთაბეჭდილებას ახდენდა. სიმღერა არ ვიცოდით, მაგრამ პატარებელში მე შორეული ზღვაოსნობის შტურმანის წერილს

ვამბობდი. მახსოვს, ერთხელ სადგურ ვიზნი ვოლჩოკში ვილაც ახალგაზრდა სახის ქალარა მეზღვადურმა ორჯერ გამამეორებინა ეს წერილი.

— საკვირველია, — თქვა მან და თავისი მკაცრი, ნაცრისფერი თვალებით შიგ სახეში ჩამაშტერდა, — ლეიტენანტი სედოვის ექსპედიცია? საკვირველია!

მაგრამ მაინც ჩვენ უპატრონო ბავშვები არ ვიყავით. კაპიტანი გატერასის მსგავსად (პეტკა ისე დაწვრილებით მიამბობდა იმის შესახებ, როგორც თვით ეიულ ვერნსაც არ ექნებოდა ალბათ წარმოდგენილი) ჩვენ მივდიოდით სულ წინ და წინ. წინ მივდიოდით მარტო იმიტომ კი არა, რომ თურქესტანში პური გვეგულებოდა, აქ კი უკვე აღარ იყო. ჩვენ მივდიოდით ახალი ქვეყნის აღმოსაჩენად — მზიანი ქალაქები, ბარაქიანი ბალები! ჩვენ ხომ ერთმანეთს ფიცი მივეცით.

როგორა გეშველოდა ეს ფიცი!

ერთხელ, სტარაია რუსას რომ ვუახლოვდებოდით, გზა დაგვეკარგა და ტყეში დავიბენით. თოვლზე დავწექი და თვალები დავხუჭე. პეტკა მგლებით მაშინებდა, მლანძღავდა, მცემდა კიდევ — ყველაფერი ამოა იყო. უკვე ერთი ნაბიჯის გადადგმაც აღარ შემეძლო, მაშინ ქუდი მოიგლიჯა და ძირს დაანარცხა.

— შენ ფიცი გაქვს მოცემული, სანკა! — მითხრა მან, — ვიბრძოლოთ და ვეძიოთ, ეპოვოთ და უკან არ დავიხიოთ. მაშ ახლა შენ ფიცის გამტეხი ხარ? აკი შენ თვითონა თქვი — ფიცის გამტეხი პატიებას ვერ ეღირსებაო!

ტირილი დავიწყე, მაგრამ ავდექი. სოფელს გვიან ღამით მივალწიეთ. სოფელი ძველი სარწმუნოების მიმდევარი იყო, მაგრამ ერთმა დედაბერმა მაინც მიგვიღო, პური გვაჭამა და გვაბანავა კიდევ.

ასე, სოფლიდან სოფელში, სადგურიდან სადგურამდე, ჩვენ ბოლოს მოსკოვს მივალწიეთ.

გზაში გაყვიდეთ, გადაეცვალეთ და შევჭამეთ თითქმის ყველაფერი, რაც ენსკიდან გვქონდა წამოღებული. პეტკას ხანჯალიც კი ძველი ჩექმის ქარქაშით, მახსოვს, ორ ნაქერ ხორცში მივეცით.

გაუყიდავი დარჩა მხოლოდ ჩვენი საბუთები — სისხლით ხელმოწერილი ფიცი: პ. ს. და ა. გ. და პეტკას ბიძის მისამართი.

ბიძა! რამდენს ვლაპარაკობდით იმაზე! ბოლოს და ბოლოს ის რაღაც ორთქლმავლების ღმერთად მესახებოდა: ქარი წვევს უწეწავს, მილიდან კვამლი ამოდის, ქვაბიდან — ორთქლი...

აი, ძლივს მოსკოვიც! თებერვლის სუსხიან ღამეს საპირფარეშოს ფანჯრიდან გადმოვძვერით, სადაც უკანასკნელი სადგურიდან მოსკოვამდე გავატარეთ, და ლიანდაგზე გადმოვზტიოთ. მოსკოვი არა ჩანდა, ბნელოდა, მაგრამ ჩვენ არც გვაინტერესებდა იგი. ეს მოსკოვი იყო, ბიძა კი მოსკოვ-საბარგოში ცხოვრობდა, მეშვიდე დეპო, სარემონტო სახელოსნო. ორი საათი განძელებებზე დავეყალბებით და მრავალ მიმართულებით მიმავალ ლიანდაგებს შორის გზა გვებნეოდა. თენდებოდა, როდესაც ჩვენს წინ მეშვიდე დეპო წარმოდგა.—ბნელი, მუქი, ოვალურფანჯრებიანი შენობა, მაღალი ოვალური კარებით, რომელსაც კლიტე ედო. ბიძა არ იყო. არც არავინ იყო, რომ გვეკითხა ბიძის ამბავი. დილით მეშვიდე დეპოს კომიტეტში გავიგეთ, რომ პეტკას ბიძა ფრონტზე წასულიყო.

ყველაფერი გათავებულა! გამოვედით და ესტაკადზე ჩამოვსხედით.

მშვიდობით, ფორთოხლისხეებიანო ქუჩებო, მშვიდობით, ცის ქვეშ გატარებულ ღამეებო, მშვიდობით, დანავ და ვერცხლში ჩასმულ ნოდუნულ ხმალო!

ყოველ შემთხვევისათვის პეტკა კომიტეტში შებრუნდა—საკითხავად: ცოლიანი ხომ არ იყო ბიძა. არა, ბიძა უცოლო ყოფილა. თურმე რომელიღაც ვაგონში ცხოვრობდა და იმავე ვაგონით წასულა ფრონტზე.

გათენდა. მოსკოვი გამოჩნდა: საითაც გაიხედავდით, ყველგან სახლები (მე მეგონა, რომ ეს სულ სადგურები იყო), თოვლის უზარმაზარი ზვინები, კანტიკუნტად ჩავლილი ტრამვაი. და კვლავ სახლები და სახლები.

— რა ვქნათ?

ასე დაიწყო მწარე დღეები. რას არ ვაკეთებდით! რიგებში ვმორიგეობდით! ბურკუებს ქირით სახლის წინ თოვლს ვუხვეტავდით. გამოცხადებული იყო „შრომის ბეგარა“. ცირკის საჯინიბოდან ნაკელი გამოგვექონდა. გვეძინა სახლების სადარბაზო შესასვლელებში კიბეებზე, სასაფლაოზე და სხვენებზე.

მაგრამ უეცრად ყველაფერი შეიცვალა...

მახსოვს, ერთხელ ბოქედომკაზე მივდიოდით და მხოლოდ ერთ რამეზე ვოცნებობდით: სადმე ცეცხლს წაეწყდომოდით. მაშინ ცეცხლს კუზნეცკებდაც კი ანთებდნენ ხოლმე. არა! ცეცხლი არსადა ჩანდა! თოვლი, სიბნელე, სიჩუმე! სახლის სადარბაზო შესასვლელები, საი-

თაც არ უნდა გაგეხედა, დაკეტილი იყო. აძიგძიგებულები მივ-
დიოდით და თან ვდუმდით. მეშინოდა, რომ პეტკას ისევე დასჭირ-
დებოდა ქუდის მიწაზე დანარცხება, მაგრამ სწორედ ამ დროს ალაყა-
ფის კარებს იქიდან მთვრალების ხმა მოგვესმა. პეტკა ეზოში შე-
ვიდა, მე ტუმბოზე ჩამოვჯექი, კბილს კბილზე მაცემინებდა და თან-
აკანკალებულ ხელებზე ვიორთქლებდი. პეტკა დაბრუნდა.

— ჰაიდა! — მაიარულად მითხრა მან. — ნება მოგვცეს, რომ მი-
ვიდეთ!

თავი მეთექვსმეტი

პირველი ბაფრინა

ტკბილია ძილი, როცა თავი ჭერქვეშ გეგულება! კარგია, რო-
დესაც ოცგრადუსიან ყინვაში „ბურჯუიკას“ უზიხარ, შეშას აპობ
და იქამდე უმატებ, ვიდრე ცეცხლი გუგუნს არ დაიწყებს! მაგრამ
უფრო კარგია, როცა მარილის ან ფქვილის აწონვის დროს იმაზე
ფიქრობ, რომ ამ სამუშაოში თვით თურქესტანსა გპირდებიან.
ჩვენ ინვალიდ-სპეკულიანტთა ბუნაგში მოვხვდით. ბუნაგის პატრო-
ნი, კოჭლი პოლონელი, რომელსაც სახე მდულარით ჰქონდა დამწ-
ვარი, თურქესტანში წაყვანასა გპირდებოდა. თურმე ეს ქალაქი
კი არა, ქვეყანა ყოფილა, რომლის დედაქალაქი ტაშკენტია. სწო-
რედ ის ტაშკენტი, სადაც ყოველ ორ-სამ კვირაში მიდიოდნენ
ხოლმე ჩვენი ინვალიდები.

ჩვენ ამ გაიქვევრებს პროდუქტების ჩამწყობებად დავუღიქით.
ჯამაგირს არ ვიღებდით — მხოლოდ გვაქმევდნენ და ბინა გვქონდა,
მაგრამ ესეც გვახარებდა.

კოჭლი სპეკულიანტის ცოლი რომ არა ყოფილიყო, მაშინ რა
გვიშავდა! დიასახლისმა თავი მოგვაძულა.

სქელი, თვალებგადმოკარკლული, მუცლის თამთამით მოირ-
ბენდა ხოლმე ფარდულში, სადაც პროდუქტებსა ვფუთავდით.
დასათვალთვარებლად — ყველაფერი ადგილზე იყო თუ არა.

— უჰ! უჰ! იაკ სენ სმიემ ტაკ რობიცი!¹

რობიცი რობიცი, მაგრამ სინამდვილეში ეს არც ისე ადვილი
იყო. მაგალითად, როგორ შეიძლება, რომ ღორის ქონს სწონიდე

¹ ამას როგორ ბედავ!

და ცოტა მაინც არ წააციცქნო? ნატეხი შაქარი თავისთავად ცვიოდა სახელოებში და ჯიბეებში, მაგრამ თავს ვიქერდით. ეჰ! გვცოდნოდა, რომ, როგორც საკუთარ ყურებს, ისე თურქესტანს ვერ ვიხილავდით, იქნება მართლაც და რამე დაჰკლებოდა სათვალავში ბებერ აღქაჯს!

ერთხელ (უკვე მესამე თვე იყო, რაც ბუნაგში ვმუშაობდით) ხალათის ამარა მოირბინა ჩვენთან, ხელში კლიტე ეჭირა, — ჩვენს ფარდულს ღამე კლიტეს ადებდნენ. თვალეზადმოკყეტილი კარიბჭეზე შეჩერდა, უკან მიიხედა და გაფითრდა.

— არ იხმაუროთ, — წაგვჩურჩულა და თავში იტაცა ხელი. — არ იყვიროთ! ხმა, კრინტი!

გონს მოსვლა ვერ მოვასწარიტ, რომ მძიმე ქშენით ურდული მიუგლო, კლიტე ჩამოჰკიდა და წავიდა.

ეს ისე მოულოდნელი იყო ჩვენთვის, რომ ერთ წუთს მართლაც კრინტი არ დაგვიძრავს. მერე პეტკამ ერთი შეიგინა და იატაკზე წაწვა. მეც დავეწექი და კარების ქვეშიდან დავიწყეთ ცქერა — კარებსა და იატაკს შუა ვიწრო კუჭკრუტანა იყო.

ჯერ ჩამიჩუმი არ ისმოდა — დაცარიელებული ეზო, შემდნარითოელი, ნათოვლარში ჩამდგარი ყვითელი ფერის წყალი. მერე გამოჩნდა უცნობი ფეხები შავ მაგარ ჩექმებში — ერთი წყვილი, მეორე, მესამე. ფეხები ფლიგელისკენ მოდიოდნენ. ორი წყვილი დაიკარგა, მესამე აივანთან შეჩერდა, მათ გვერდით თოფის კონდახი დაეშვა.

— ალყა შემოარტყეს! — წამჩურჩულა პეტკამ და წამოსტა.

სიბნელეში თავი მომარტყა და ენა მიმეწეწკა, მაგრამ ენას ვიღა სჩიოდა, ოღნავ გამოვაგდე მხოლოდ, რომ ცოტა გამგრილებოდა.

— უნდა გავიქცეთ!..

ვინ იცის, შეიძლება ჩემი ცხოვრება სულ სხვა გზით წასულიყო, თოკი რომ წაგველო თან. თოკები, რამდენიც გნებავთ, იმდენი იყო ფარდულში, მაგრამ ჩვენ მაშინ მოგვაგონდა, როცა უკვე სხვენზე ვიყავით. ფარდული ქვისა იყო, სხვენით. სახურავი ცალ მხარეზე დაქანებული იყო და უკანა კედელზე ხერელივით ჰქონდა დატანებული, რომელიც მეზობელ ეზოში გადიოდა.

პეტკამ ხერელში თავი გაჰყო და მიიხედ-მოიხედა. სიბნელეში ჰერიდან ფიცრებს რომ ვაძრობდით, ლოყა გაეკაწრა და ხელით წამდაუწუმ სისხლს აწმენდა.

— გადაეხტეთ?

მაგრამ არც ისე ადვილია ხუთი-ექვსი მეტრის სიმაღლიდან გადახტომა. სწორ კედელზე მოთავსებულ პატარა ხერელიდან პირდაპირ თავით წავიდოდით, როგორც წყალში გადაეშვებიან ხოლმე. საჭირო იყო ჯერ ფეხები გამოგვეო, სამად მოკუხულიყავი და მთელი ტანის მოსხლეტიჟ ძირს დაცემულიყავი. პეტკამ სწორედ ასე გააკეთა. მე ჯერ ისევ ვფიქრობდი, თოქისათვის ხომ არ დავბრუნდემეთქი, რომ პეტკა უკვე ხერელში იჯდა. მოხედვა არ შეეძლო და ესლა მითხრა:

— არაფერია, სანია. ყოჩაღად იყავი!

და გაქრა. გულდაწყვეტილმა თვალი გავაყოლე. არაფერია, ის მარჯვედ დაეცა თოვლის გროვაზე, ლობის იქით, რომელიც ამ ადგილზე ფარდულთან ახლო იყო.

— აბა, ჰა!

მე გამოვძვერი და დავეკეი, თან მუხლებს ხელს ვუქერდი. მეზობელი ეზო ახლა ხელისგულივით მოჩანდა, პატარა გოგონა ფინური ციგით ცურაობდა. ძველებური სვეტებიანი სახლის წინ წყლის სადინარ მილზე ყვავი იჯდა. აი, გოგონა გაჩერდა და ცნობისმოყვარეობით შემოგვხედა. ყვავმაც შემოგვხედა, მაგრამ გულგრილად, თავი ფრთებში ჩამალა და იქით მიბრუნდა.

— აბა, ჰა!

გოგონასა და ყვავს გარდა კიდევ ერთი კაცი იყო, ტყავისპალტოიანი. იქ იდგა, სადაც ჩვენი ფლიგელი სხვის ეზოს ემიჯნებოდა. მე ვხედავდი, როგორ მოსწია ბოლომდის პაპიროსი, ნამწვი გადააგდო და მშვიდად ჩვენსკენ წამოვიდა.

— აბა, ჰა!—სასოწარკვეთილებით დამიყვირა პეტკამ.

უეცრად ყველაფერი თავდაყირა დატრიალდა, როცა ხელების სუსტი მოძრაობით კედელს მოვწყუდი და დავეშვი. ყვავი შეფრთხილდა, გოგონა შიშით უკან-უკან წავიდა. პეტკამ ალაყაფის კარებისაკენ მოჰკურცხლა, ტყავისპალტოიანი კაცი იმას გამოუდგა. უცებ ყველაფერს მივხვდი, მაგრამ უკვე გვიან იყო—მე ქვევით მიფრინავდი.

ასეთი იყო ჩემი პირველი გაფრენა—ქვევით სწორი ხაზით, ხუთი მეტრის სიმაღლიდან უპარაშუტოდ. არ შემიძლია ვთქვა, რომ კარგად დაბოლოვდა: მკერდით ლობეს დავენარცხე, წამოვხტი, ისევ დავეცი. რასაც მოვკარი თვალი—ეს პეტკა იყო, რომელიც ქუჩაში გავარდა და ალაყაფის კარები ზედ ცხვირწინ მიუჯახუნა ტყავისპალტოიან კაცს.

თავი მეჩვიდმეტი
ჩხირკედელაობა

რა თქმა უნდა, დიდი სისულელე იყო გაქცევა, როცა არაფერში არ ვიყავით დამნაშავენი. ჩვენ ხომ არ ვეწოდით სპეკულაციას, ჩვენ მხოლოდ ვმუშაობდით სპეკულიანტებთან! არაფერსაც არ გვიზამდნენ, მხოლოდ დაგვიტახავდნენ და გამოგვიშვებდნენ, მაგრამ გვიანდა იყო სინანული. ტყავისპალტოიან კაცს მაგრა ეჭირა ჩემი ხელი. ჩვენ სადღაც მივდიოდით, ალბათ ციხეში. მე ჩავეარდი, პეტკა კი გაიქცა. ახლა მე მარტო ვიყავი. უკვე საღამოა, მზე ჩადის, ქილყავაეები ნელა მიფრინავენ „სტრასტინი ბულვარის“ ჩაყოღებით მდგარ ხეების თავზე... არა ვტიროდი, მაგრამ, ეტყობა, განწირული სახე მქონდა, რადგანაც ტყავის პალტოიანმა კაცმა ყურადღებით შემომხედა და ხელი გამიშვა. მიხვდა, რომ არ გავიქცეოდი.

მან ერთ ფართო, ნათელ დარბაზში მიმიყვანა, უზარმაზარი სახლის მეექვსე სართულზე ნიკიტსკის კარებთან. ეს იყო სახალხო განათლების განმანაწილებელი და აქ მე სამი დაუფიწყარი დღე გავატარე...

გული ჩამწყდა, როცა ეს აქარხლებული სახეები დავინახე. ზოგნი, თიხის ღუმელის გარშემო ჩაცუცქელნი, გახურებულები ელაღლდნენ თამაშობდნენ. სხვები მალალ ფანჯრებს ლავგარდანა აძრობდნენ და ღუმელში უძახებდნენ. ზოგს ეძინა, ზოგი სახლს აშენებდა ძველი ჩარჩოებიდან და კარებებიდან, რომლებიც პირდაპირ მიეყარათ კუთხეში. ღამღამობით განმანაწილებელში აცივდებოდა ხოლმე, იმ დროს გარეთ ალბათ უფრო თბილოდა. ნაშინ ეს მასპინძლები პრიმუსს ანთებდნენ და მსურველებს თავიანთ სახლში უშვებდნენ—ვის წყვილი პაპიროსის ფასად და ვის ერთ ნაჭერ პურად... და ამ საშინელი ნგრევის დროს მალალ პოსტამენტებზე იდგნენ და თეთრი უსინათლო თვალებით გულგრილად იყურებოდნენ თაბაშირისაგან ჩამოსხმული ბერძენთა ღმერთები—აპოლონი, დიანა და ჰერაკლი.

მხოლოდ ღმერთებს შერჩენოდათ ადამიანური სახე. გათენებისას სიცივისაგან მეღვიძებოდა, კბილს კბილზე მაცემინებდა და თან მოკრძალებით ვუყურებდი მათ. ვინ იცის, ფიქრობენ: „შე სულელო, შენა! შინიდან რად გამოიქეცი? დიდი ამბავი, თუ თავშესაფარში წახვიდოდი. გაზაფხულზე ისევ უკან დაბრუნდებოდი, მოხუცებს ხელს წააშველებდი, საქმე გამოჩნდებოდა! ახლა მარტო დარჩი, ისე მოკვდები, რომ არავინ მოგიგონებს, მხოლოდ

პეტკა მოიხრბენს მთელ მოსკოვს და მძიმედ ამოიოხრებს დეიდა დაშა! ითხოვე, ძმობილო, ტანსაცმელი და შინისკენ გაფრინდი.“ — სახალხო განათლების განყოფილებაში ტანისამოსს უცვლიდნენ: ძველსა სწვავენენ და სამაგიეროდ ახალ შარვალსა და ხალათს იძლეოდნენ. უპატრონო ბავშვები განგებ უცვიდებოდნენ ხელში, რომ ჩამოფლეთილი ტანისამოსი გამოეცვალათ.

მთელი სამი დღე კრინტი არ დამიძრავს. ჩემისთანა ბიჭისთვის, რომელმაც სულ ახლახან ისწავლა ლაპარაკი, ეს სულაც არ იყო ძნელი. ანკი ვისთან უნდა მელაპარაკა? ყოველ ახალ მოყვანილ პაეშვს ჩემდა უნებურად ვაკვირდებოდი, მათ შორის ჩემი პეტკა ხომ არ არის-მეთქი? მაგრამ არა. ძალიანაც კარგი, რომ არა! არავისთანა ვმეგობრობდი, მოშორებით ვიჯექი და ვდუმდი.

და აი, შიმშილისა, სიცივისა და სევდისაგან ძერწვას მიეყავი ხელი. ფერწერისა და ძერწვის ყოველ სახელოსნოში, რამდენიც გნებაეთ, იმდენი საქანდაკო თეთრი თიხა იყო. ერთხელ თიხის ნაჭერი ავიღე, მღულარეში დავასველე, თითებით ზელა დავუწყე და თავისთავად გომბეშო გამოვიდა. გავუკეთე დიდი ნესტოები, გადმოკარკლული თვალეები და შევეცადე კურდღელი გამომეძერწა. რა თქმა უნდა, ჯერ ძალიან ცუდად გამომდიოდა, მაგრამ გული ამიტოკდა, როდესაც უეცრად უფორმო თიხის გუნდის ნაცვლად ორად გაყოფილი სახე დავიხანხე. დამამახსოვრდა ეს წუთები: არავინა ხედავდა, რომ ვძერწავდი. ძველი ჯიბგირი, რომელიც რალაც სასწაულით მოხვედრილიყო უპატრონო ბავშვთა განმანაწილებელში, ყვებოდა სადგურებზე „წყვილებად“ მუშაობის ამბავს. მე მოშორებით ვიდექი ფანჯარასთან და სულმგებებული თიხის პატარა გუნდას ვუყუტებდი, საიდანაც კურდღლის ყურები ამოშვერილიყო, და არ მესმოდა, რადა ვლელავდი.

შემდეგ ცხენი გამოეძერწე, სქელი, დავარცხნილი ფაფარით, მოხუცი სკოვოროდნიკოვის ცხენი. ეს ჩხირკედლაობა იყო, მხოლოდ არა ხისგან, არამედ თიხისაგან...

არ ვიცი რატომ, მაგრამ ამ აღმოჩენამ გამახარა. მხიარულს დამეძინა, თითქოს იმედი მქონდა, რომ ეს გართობა გადამარჩენდა. მიშველიდა აქედან გასვლას, მაპოვნიებდა პეტკას, მე მიშველიდა შინ დაბრუნებას, პეტკას კი თურქესტანამდის მიაღწევინებდა. უშველიდა ჩემს დას თავმესაფარში, პეტკას ბიძას—ფრონტზე, უშველიდა ყველას, ვინც ქუჩებში დაეხეტებოდა ცივი და დამშეული მოსკოვის ქუჩებში. ასე შევთხოვდი არა ღმერთს, არა! გომბეშოს, ცხენს, კურდ-

ღელს, რომელნიც გაზეთის პატარა ნაგლეჯწაფარებულნი ფანჯარაზე შრებოდნენ.

ჩემს ადგილს სხვა ბიჭი,—არა ისეთი ურწმუნო, როგორც მე, ვიყავი,—კერპთაყვანისმცემლად გადაიქცეოდა და სამუდამოდ იწამებდა გომბეშოს, ცხენსა და კურდღელს! მათ მიშველეს მე.

მეორე დღეს განმანაწილებელში სახალხო განათლების განყოფილების კომისია მოვიდა. განმანაწილებელი ამიერიდან სამუდამოდ მოისპო.

ქურდები ციხეებში გაგზავნეს, უპატრონო ბავშვები—კოლონიებში, მათხოვრები—თავთავიანთ სახლებში. ფერწერის და ძეგლის ფართო დარბაზში მხოლოდ ბერძენთა ღმერთები: აპოლონი, პერაკლი და დიანალა დარჩნენ.

— ეს რაღა არის? — იკითხა კომისიის ერთ-ერთმა წევრმა, თმაგაბურძგნილმა, პირმოუპარსავმა ახალგაზრდამ, რომელსაც ყველანი უბრალოდ შურას ეძახდნენ.— ერთი უყურეთ! ივან ანდრეევიჩი, რა სკულპტურაა!

ივან ანდრეევიჩმა (ისიც თმაგაბურძგნილი და პირმოუპარსავი იყო, მხოლოდ შოხუცი), პენსზე გაიკეთა და ჩემი „გასართობების“ თვალყურებას შეუდგა.

— ტიპიური რუსული სათამაშოა სერგეივის პოსადიდან,— თქვა მან. საინტერესოა ვინ გააკეთა? შენა?

— მე.

— რა გვარი ხარ?

— ალექსანდრე გრიგორიევი.

— სწავლა გინდა?

მე ვუყურებდი და ვდუმდი. ეტყობა, მაინც ბევრი რამ განვიცადე ამ მშვიერ, ქუჩური ცხოვრების თვეებში, იმიტომ რომ სახე უეცრად მომეღრიალა და ყოველი მხრიდან რაღაცა წამოვიდა— თვალებიდან, ცხვირიდან.

— უნდა,— თქვა კომისიის წევრმა შურამ,— ივან ანდრეევიჩ! საითკენ გავგზავნოთ, რას იტყვით?

— ჩემი აზრით ნიკოლაი ანტონიჩთან,— უპასუხა მან და ჩემო კურდღელი ფრთხილად დადგა ფანჯარაზე.

— სწორია! ნიკოლაი ანტონიჩს აქვს ეს განხრა ხელოვნებაში. აბა, ალექსანდრე გრიგორიევი, გინდა ნიკოლაი ანტონიჩთან?

— შურა, ეგ იმას არ იცნობს. ჩასწერეთ უკეთესია. გრიგორიევი ალექსანდრე... რამდენი წლისა ხარ?

— თერთმეტისა.— ნახევარი წელი მოვიმატე.

— თერთმეტი წლისა. ჩასწერეთ? ტატარინოვთან, მეოთხე შრომის სკოლა-კომუნაში.

ნიკოლაი ანტონიჩი

სქელმა ქალმა სახალხო განათლებიდან, რომელიც, არ ვიცი რით, მაგრამ დეიდა დაშას ჰგავდა, გრძელ, ნახევრად ბნელ დერეფანში დამტოვა, თვითონ კი წავიდა და მიიხრა, ახლავე დავბრუნდებო. გასახდელ ოთახში ვიყავი. გამხდარი რქიანი ადამიანების მსგავსი საკიდები ღია კარადებში ჩამწკრივებულიყო. კედლის გასწვრივ კარებები მისდევდა. ერთი შუშისა იყო. ენსკის შემდეგ პირველად დავინახე ჩემი თავი. აი, სანახაობა! ფერმკრთალი, თმაგაკრეჭილი ბიჭი სევდიანად მიყურებდა, ძალიან პატარა, ბევრად უფრო პატარა, ვიდრე მე მეგონა. წვეტიანი ცხვირი, გაღეული სახე! პემზითა მხეხეს სახალხო განათლების აბანოში, მაგრამ აქა-იქ მაინც დამჩნა მუქი ლაქები. გრძელი, ფორმის ქურთუკი ერთხელ კიდევ შემომწვდებოდა. ჩათრეული შარვალი წაღების გარშემო მიფართხუნებდა, წაღები კი ყოველ წუთას მძვრებოდა ფეხიდან.

სქელი ქალი დაბრუნდა და ჩვენ ნიკოლაი ანტონიჩთან წავედით. იგი მსუქანი, ფერმკრთალი კაცი იყო, სიმელოტე შეჰპარვოდა, შეთხელებული თმა უკან ჰქონდა გადაფარცხნილი. პირში ოქროს კბილი უბრწყინავდა და მე ჩემი სულელური ჩვეულების გამო ისე მივაშტერდი ამ კბილს, რომ თვალი ველარ მოვაშორე.

ჩვენ კარგა ხანს ვიცდიდით. ნიკოლაი ანტონიჩს არ ეცალა, ასე თექვსმერი წლის ყმაწვილებს ესაუბრებოდა, რომელნიც გარს შემოხვეოდნენ და ლაპარაკს არ აცლიდნენ ერთმანეთს. უსმენდა და თან სქელ თითებს ათამაშებდა, რომლებიც მე რალაც ხაოიან პატლებს მაგონებდა — მაგონი მუხლუხოს. იგი იყო აუჩქარებელი, შემწყყარებელი, მედიდური...

— წყნარად, ბავშვებო, ყველანი ერთად ნუ ლაპარაკობთ, — უთხრა მან. — აბა ივთრ, შენა თქვი.

იგი ადგა და ხელი მოხვია თხუთმეტიოდნე წლის შავგვრემან, თმბუქუქა, წითელლოყება, სათვალებიან ბიქს, რომელსაც ლოყებზე და ცხვირის ქვემოთ შავი ბუსუსი უჩანდა.

— ნიკოლაი ანტონიჩ, — დიდი ამიით დაიწყო იგორმა და გაწითლდა. — ჩვენ ლიადოვის რეალური სასწავლებლის წინააღმდეგნი ვართ. გადავწყვიტეთ, მე-13 გაერთიანებაში წავიდეთ და პროტესტი განაცხადოთ. რალა კომუნაა, თუ ნორმა დატოვეს და წევრები კი მოუმატეს? კორაბლიოვი ამბობს, რომ ეს ფაფისათვის ბრძოლა არისო. ჩვენი აზრით საქმე პრინციპშია, თუ ჩვენ კომუნა ვართ, მაშინ თვითონ ჩვენ უნდა გადავწყვიტოთ — ვიღებთ ახალ წევრებს, თუ არ ვიღებთ. ლიადოვის რეალურ სასწავლებელს ჩვენ არ ვიღებთ და უკიდურეს შემთხვევაში გვირჩევენია, ბრეგოზოვსკაიას ქალთა გიმნაზია მივიღოთ.

ისე ცხარედ ლაპარაკობდა, რომ მხოლოდ ერთი წამით შეჩერდა, როცა ყველას გაეცინა.

— საერთოდ პროტესტს ვაცხადებთ კორაბლიოვის შეურაცხყოფათა წინააღმდეგ და მოვითხოვთ, რომ საკითხი სასკოლო საბჭოზე დაისვას.

— უმცირესობაში დარჩებით, — უპასუბა ნიკოლაი ანტონიჩმა და თავი დაგვიქნია.

ჩვენ მივედით.

— უპატრონო ბავშვია?

— არა, სახალხო განათლებიდან არის, — აუხსნა სქელმა ქალმა და მაგიდაზე ქალაღლი დაუღო.

— საიდანა ხარ, გრიგორიეეო? — შთამაგონებელი კიღოთი მკითხბანიკოლაი ანტონიჩმა, როცა ქალაღლსა კითხუღობღა.

— ენსკელი ვარ.

— აქ, შოსკოეში როგორღა მოხვღი?

— გავღით, — ვუპასუხე მე.

— აბა! საით მიემგზავრებღი?

ჰაერი ბღომად შევისუნთქე და არაფერი მიპასუხბია. უკვე ნეასეჯერი მეკითხებღონენ — ვინა ვარ და საიღან.

— მე და შენ კიღეე მოვიღაპარაკებთ, — ნიკოლაი ანტონიჩმა ქალაღლის მეორე მხარეზე რაღაც წააწერა, — არ გავიქცივი?

ღარწმუნებული ვიყავი, რომ გავიქციეღი, მაგრამ ყოველი შემთხვევისათვის ვუპასუხე:

— არა.

ჩვენ გამოებრუნღით. კარებს რომ მიეუახლოვღით, უკან მივიხეღე. იგორი, რომელიც აშკარა დაციწვით ეღოღა ჩვენბ ახსნა-განმარტების დასასრულს, ჩქარ-ჩქარა რაღაცას ეუბნებღღა, ნიკოლაი ანტონიჩი იმას კი არ უსმენღა, ჩაფიქრებული მე გამომტკეროღა. რაზე ფიქრობღა? რასაკვირვეღია, არა იმაზე, რომ თვით განგება გამოეცხაღა დღევანღელ დღეს ქურთუკიანი გაღლეული ბიკის სახით, რომელსაც გამხღარი კისერი საყეღოში უღაღლაღებღა და თავზე კი მუქი ლაქები ეყარა.





ნაწილი მეორე

ბევრი რამ მქონდა დასაუიქრებელი

თავი პირველი

ზღაპრებს ვისმენ

„მანამ დათბებოდეს“—სხვაგვარად არცა ვფიქრობდი. ყინვა გატყდება და ნახვამდის, თვალსაც ველარავენ მომკრავს საბავშვო სახლში! მაგრამ საქმე სხვანაირად დატრიალდა. არსად არ გავპარულვარ. წიგნის კითხვამ დამაბა.

დილით პურის საცხობში მივდიოდით პურისთვის, მერე ვმეცადინებოდით. პირველ ჯგუფში ვითვლებოდით, თუმცა ხნოვნების მიხედვით ზოგიერთისათვის უკვე დრო იყო მეექვსეში ყოფილიყო.

ჩვენ მოხუცებული მასწავლებელი სერაფიმა პეტროვნა გვასწავლიდა, რომელიც სკოლაში ზურგზე წამოკიდებული სამგზავრო ჩანთით მოდიოდა ხოლმე. სიმართლე გითხრათ, თქმაც ძნელია ჩემთვის, თუ რას გვასწავლიდა იგი.

მახსოვს იხვს გავდიოდით, ეს ერთდროულად სამი გაკვეთილი იყო: გეოგრაფიის, ბუნებისძეტყველებისა და რუსული ენის. ბუნებისძეტყველების გაკვეთილზე იხვი შეისწავლებოდა როგორც იხვი: ესე იგი, როგორი ფრთები აქვს, როგორი ფეხები, როგორ დაცურავს და ასე შემდეგ. გეოგრაფიის გაკვეთილზე იგივე იხვი შეისწავლებოდა, როგორც დედამიწის სფეროს ცხოველი: რუკაზე უნდა გვეჩვენებინა, სადა გვხვდება და სად არაა, რუსულის გაკვეთილზე სერაფიმა პეტროვნა გვასწავლიდა ი-ხ-ვ-ი-ს დაწერას და რაიმეს

გვიკითხავდა ბრემიდან იხვის შესახებ. გზადაგზა გვეუბნებოდა, რომ იხვი გერმანულად ასეა, ფრანგულად კი ასეო. მაშინ ამას მგონი კომპლექსური მეთოდი ეწოდებოდა. მოკლედ, ყველაფერი „გზადაგზა“ კეთდებოდა. ადვილი შესაძლებელია, რომ სერაფიმა პეტროვნამ რაიმე აურია ამ მეთოდში. იგი მოხუცებული იყო, გულზე ქინძისთავით მიბნეულ სადაფის საათს ატარებდა; როცა ვუპასუხებდით, თან ვუყუარებდით, რომელი საათი იყო.

სამაგიეროდ სალამოობით წიგნებს გვიკითხავდა. პირველად მისგან მოვისმინე ზღაპარი ალიონუშკაზე და ივანუშკაზე.

ცაზე მზე ამოიწვერა,
კა შორსაა, სად ხარ ჯერა!
სიცხე აპერს, უჭირს სუნთქვა,
ოფლი სდის და ოფლი ხუთავს.
თიკინს ნაფეხური გზაზე
დამღვარი წყლით არის სავსე.

განსაკუთრებით ალი-ბაბამ და ორმოცმა ავაზაკმა გამოცა. „სეზამო, გაიხსენ!“ ძალიან მეწყინა, როცა მრავალი წლის შემდეგ „ათას ერთი ღამის“ ახალ თარგმანში წავიკითხე, რომ უნდა იკითხებოდეს არა სეზამო, არამედ სიმ-სიმი, და რომ ეს რალაც მცენარეა, მგონი. კანაფი. სეზამი გრძნეული სიტყვა იყო! როგორ გამიტყუა გული, როცა გავიგე, რომ ეს მხოლოდ და მხოლოდ კანაფია.

გაუზვიადებლად უნდა ითქვას, რომ მე აღტაცებული ვიყავი ამ ზღაპრებით. ახლა ყველაფერზე მეტად იმასა ენატრობდი, რომ სერაფიმა პეტროვნასავით მესწავლა კითხვა.

ერთი სიტყვით, საბავშვო სახლში ცხოვრება მომეწონა. თბილა, არსაიდან არ უბერავს, გაქმევენ და თან გასწავლიან კიდევ. მოწყენილი არა ხარ, ყოველ შემთხვევაში, ძალიან არა ხარ მოწყენილი. ამხანაგები კარგად მექცეოდნენ, ალბათ იმიტომ, რომ პატარა ტანისა ვიყავი.

პირველ დღეებშივე ორ ხულიგანს დაკუმეგობრდი და თავისუფალ დროს ტყუილად არა ვკარგავდით.

ერთ ჩემს ახალ მეგობარს რომაშკა ერქვა. გამხდარი ბიჭი იყო, დიდთავა, თავზე კატის ბალანივით თმა უსწორმასწოროდ ჰქონდა ამოსული; ცხვირი მიქულეტილი, თვალები უჩვეულოდ მრგვალი. ნიკაპი ოთხკუთხი. საკმაოდ საშინელი და გულმიუსაყვარი სახისა იყო! ჩვენ რებუსების გამოცნობის დროს დავეგობრდით. მე მებხერებოდა რებუსების გამოცნობა, რითაც მისი გული მოვიგე.

მეორე ვალკა ეუკოვი იყო—ხანტი ბიქი, უამრავი გეგმები ჰქონდა. ხან ზოოლოგიურ ბაღში აპირებდა მოწყობას ლომთა მწვერთნელის ხელობის შესასწავლად, ხან სახანძრო საქმე იზიდავდა. სახაბაზოში ხაბაზობა უნდოდა, თეატრიდან ყოველთვის მტკიცე გადაწყვეტილებით ბრუნდებოდა, უთუოდ მსახიობი გამოსულიყო. თუმცა გაბედული აზრებიც ჰქონდა.

— რა იქნება, რომ...—იწყებდა და ჩაფიქრდებოდა.

— დედამიწა გაბურღო და მეორე მხარეზე გახვიდე?—ღვარძლიანად ჩამოართმევდა სიტყვას რომაშკა.

— რა იქნება, რომ...

— ცოცხალი თაგვი გადაყლაპო...

ვალკას ძაღლები უყვარდა და სადოკო-ტრიუმფალურის ყველა ძაღლი დიდი პატივისცემით ექცეოდა.

მაგრამ ვალკა მაინც მხოლოდ ვალკა იყო და რომაშკა—მხოლოდ რომაშკა, პეტკასთან ვერც ერთი ვერ მოვიდოდა. ვერ გამოგცემთ, როგორ ვნაღვლობდი უიმისობას!

ყველა ადგილები მოვიარე, სადაც კი ჩვენ გვეხეტიალა. ვეკითხებოდი უპატრონო ბავშვებს, ვყარაულობდი განმანაწილებლებისა და საბავშვო სახლების წინ, მაგრამ არა და არა. არსადა ჩანდა. იქნებ საერთაშორისო მატარებლის ვაგონის ქვეშ სადმე ყუთში მოკალათებული თურქესტანში წავიდა? ან იქნებ დამშეული მოსკოვიდან ფეხით დაბრუნდა შინ? ვინ იცის!

მხოლოდ ახლა, ამ ყოველდღიური ხეტიალის დროს, გავიცანი და შემეყვარდა მოსკოვი. იღუმალებით მოცული, უზარმაზარი, თოვლში გახვეული, შიმშილით და ომით შეპყრობილი. მოედნებზე რუკები ეკიდა და პატარა დროშებით დამაგრებული წითელი ძაფი სადღაც კურსკისა და ხარკოვის შუა მიდიოდა და მოსკოვს უახლოვდებოდა. „ოხოტნი რიადი“ ხისა იყო, დაბალი, გრძელი, შეღებილი. მხატვარ-ფუტურისტებს უცნაური სურათები გაეთხიპნათ მის კედლებზე—მწვანესახიანი ადამიანები, ჩამოვარდნილგუმბათიანი ეკლესიები. ასეთივე სურათები ეხატა მაღალ გალავანს ტვერსკოიზე. მაღაზიის ფანჯრებში „როსტას“¹ პლაკატები ეკიდა.

Ешь ананасы.
Рябчиков жуй —

¹ რუსეთის სატელეგრაფო სააგენტო.

День твой последний
Приходит, буржуй.

ეს პირველი ლექსი იყო, რომელიც დამოუკიდებლად წავიკითხე!

თავი მეორე

ს კ ო ლ ა

მგონი, უკვე ვთქვი, რომ განათლების განყოფილების აზრით ჩვენი საბავშვო სახლი ნორჩ ნიჭთა სანერგის მსგავსი რაღაც იყო. განათლების განყოფილება ფიქრობდა, რომ ჩვენ ყველა გამოვიჩეოდით ნიჭით მუსიკის, ფერწერისა და ლიტერატურის დარგში. ამიტომ გაკვეთილების შემდეგ ნება გვქონდა, რაც გვინდოდა ის გვეკეთებინა. ფიქრობდნენ, რომ ასე ჩვენ თავისუფლად ვანვითარებთ ნიჭს! და ჩვენ მართლაც ვანვითარებდით მას. ვინ მოსკვარეკაზე გარბოდა მეხანძრეებისთვის ყინულქრილებში თევზის ქერაში მისახმარებლად, ვინ სუხარეკაზე ტრიალებდა მოსათვალიერებლად, უპატრონოდ ხომ არაფერი გდია, ხელს გაეაყოლოო.

მე კი უფრო ხშირად შინ ვრჩებოდი. სკოლა ერთი სართულით ჩვენს ზემოთ იყო და სკოლის მთელი ცხოვრება თვალწინ მედგა. ეა იყო გაუგებარი, იდუმალებით აღსავსე რთული ცხოვრება. მე უფროს კლასელებში ვტრიალებდი, ყურს ვუგდებდი მათ ლაპარაკს. ახალი დამოკიდებულებანი, ახალი აზრები, ახალი ადამიანები! ყველაფერი ეს ისე არა ჰგავდა ენსკს, როგორც თვით ენსკი არა ჰგავდა მოსკოვს. მე დიდხანს არაფერი მესმოდა, განურჩევლად ყველაფერი მაკვირვებდა. ახლა კი ასე წარმომიდგენია მეოთხე შრომის სკოლა.

ჯერ კიდევ ცოტა ხნის წინათ სადოვო-ტრიუმფალურზე დიდ წითელ შენობაში პესტოვის გიმნაზია იყო მოთავსებული. ამ გიმნაზიასთან გახსნილი იყო პატარა საბავშვო სახლი—ჩვენი სახლი. ცხრამეტი წლის ზამთარში პესტოვის გიმნაზია ლიადოვის რეალურ სასწავლებელს შეუერთეს, გაზაფხულზე კი—ბრეოზოვსკაიას ქალთა გიმნაზიას.

ჩემს მკითხველებს არ უსწავლიათ საშუალო სკოლაში რევოლუციამდე და, ექვს გარეშეა, არ იციან, რა სიძულვილითა და ათვალწუნებით ექცეოდნენ ერთმანეთს გიმნაზიელები და რეალური სასწავლებლის მოსწავლეები. არ ვიცი, რა საფუძველი ჰქონდა

ამას, მაგრამ ჯერ ენსკშივე აღწევდა ჩენამდის საინტერესო ხმები-
საშინელი შეტაკებების შესახებ სასრილო მოედანზე, კეთილშობილ
ლონიერ გიმნაზიელებსა და რეალური სასწავლებლის გაიძვერა
მოწაფეთა შორის, რომელნიც უსინდისოდ იქცეოდნენ და ბრძო-
ლაში ხელში დამალულ აკრძალული „ჯილით“ გამოდიოდნენ.
ახლა მოსკოვში ყველაფერი ეს ჩემი თვალთა ენახე.

პესტოვის გიმნაზიელები ყველაზე თავზეხელაღებული ჩხუბის-
თავეები იყვნენ მთელ მოსკოვში, ტყუილად არ იყო, რომ ყველა-
სხვა გიმნაზიიდან გამორიცხულ მოწაფეებს აქ უგამოცდოდ
იღებდნენ. ლიადოვთან კი პირიქით—უმთავრესად მსხვილი მოხე-
ლეების, ინჟინრებისა და პედაგოგების კარგად აღზრდილი შვილე-
ბი სწავლობდნენ. აქედან სიძულვილი იყო არა მარტო პროფე-
სიული, არამედ სოციალურიც. ის გასამეცედა, როდესაც სახალხო
განათლების დეკრეტის თანახმად მემკვიდრეობითი ცტრების შუა
ბრეოზოესკაიას ქალთა გიმნაზია ჩადვა.

რამდენი მიზეზი იყო ჩხუბისათვის, შეთქმულებებისათვის, ქო-
რებისათვის! რამდენი სიტყვები იხარჯებოდა კრებებზე, რამდენი
ახსნა-განმარტებებით აღსავსე წერილები იწერებოდა, რამდენი
ფარული და აშკარა შეტაკებანი იყო. საბავშვო სახლი განზე იდგა:
ჩვენ არავინ გვაქცევდა ყურადღებას, მაგრამ გამოცნობა ძნელი
არ არის, თუ ვინ იყენენ ჩენი ფალაენები—პესტოველები! ჩენ-
ვცდილობდით ქულებიც კი იმათებურად გვხურებოდა—მარჯვნივ
ჩაკეცილი.

მეოთხე სკოლა-კომუნიდან შემდეგში ცნობილი და პატივსაცემი
ადამიანები გამოვიდნენ. თვითონ მეც ბევრ რამეს უნდა ვუმაღ-
ლოდე იმ სკოლას. მაგრამ მაშინ, ცხრამეტ წელში, რა ფაფა-დონ-
ხალი იყო! ამასთან უნდა ვთქვა, რომ სწორედ ხან სიმინდის, ხან
ფეტვის ფაფა- მნიშვნელოვნად განსაზღვრავდა ლიადოველებისა
და პესტოველების სასკოლო ინტერესებს. ფაფა მარხილით მოჰქონ-
დათ უზარმაზარ ქვაბში ჩასხმული, მზრუნველობით შეფუთნილ
მოხუც ბებიასა ჰგავდა, და ისე მარხილითვე აჰქონდათ ზევით,
სააქტო დარბაზში. სამნეო კომისია დეიდა ვარიას სახით—ყველა-
ნი ასე ეჩახდნენ ლოყაწითელ, მსუქან, სქელნაწნავიან გოგონას—
ჩამჩით ხელში უკვე ბოლთასა სცემდა დახლის უკან. დგებოდა-
რიგი და თვითეული, განურჩევლად გარეგნობისა, ასაკისა და ჩა-
მომავლობისა—იღებდა თითო კოვზს ჯერ ისევე ცხელ, ძალზე გემ-
რიელ, ზედაპირზე მსკდომარე ბუშტებით დაფარულ ფაფას.

ფაფას, ჩვეულებრივ, დიდ დასვენებაზე არიგებდნენ ხოლმე. მაგრამ, რაკი გაკვეთილებზე დასწრება თავისუფალი იყო, მთელი დღე ერთ დიდ დასვენებას წარმოადგენდა.

ერთხელ მეზუთეკლასელების კრებაზე მოვხვდი. ისინი ერთ საკითხზე მსჯელობდნენ: იმეცადინონ თუ არ იმეცადინონ? თმაგაჩეჩილი პესტოველი, რომელსაც ყველა უყვიროდა: „ვაშა, ბრჭყალე-ბო!“ ამტკიცებდა, რომ არავეითარ შემთხვევაში არ უნდა იმეცადინონ. სკოლაში სიარული ნებაყოფლობითი უნდა იყოს. ნიშნების დაწერა კი ხმის უმრავლესობით უნდა წყდებოდეს.

— ვაშა, „ბრჭყალებო“!

— სწორია!

— საერთოდ, ამხანაგებო, საკითხი პედაგოგებზე დგას. რა ვუყოთ იმ პედაგოგებს, რომელთა გაკვეთილებს აბსოლუტური უმციროესობა ესწრება? წინადადება შემომამქვს: ნორმა განესაზღვროთ ხუთი კაცი. თუ გაკვეთილზე ხუთ კაცზე ნაკლები დაესწრო, იმ დღეს პედაგოგს ულუფა არ მიეცემა.

სწორია!

— სულელი!

— ძირს!

— ვაშა!

ალბათ ლაპარაკი იყო არა ყველა პედაგოგზე, არამედ მხოლოდ ერთზე, იმიტომ რომ ყველამ დაიწყო აქეთ-იქით ყურება, ატყდა ჩურჩული და ერთმანეთის ხელის წაკვრა. კარებში იდგა გულხელდაკრეფილი ულვაშებგაბუებული მაღალმაღალი კაცი და ორატორს ყურადღებით უსმენდა.

— ეგ ვინ არის?— ვკითხე დეიდა ვარიას, რომელიც ფაფის მოლოდინში ჩამჩით ხელში დერეფანში მიდი-მოდიოდა.

— ეგ, ძმაო, „ულვაშები“,— მიპასუხა დეიდა ვარიამ.

— როგორ „ულვაშები“?

— ეჰ, ეგ არ იცი!

მაღე გავიგე, ვის ეძახდნენ მეოთხე სკოლაში „ულვაშებს“.

ეს იყო გეოგრაფიის მასწავლებელი კორაბლიოვი, რომელიც მთელ სკოლას სძულდა. ჯერ ეს ერთი, კაცმა არ იცოდა, საიდან მოვიდა— არც ლიადოველი იყო, არც ბრეზოვსკელი და არც პესტოველი. მეორე ის, რომ საერთო აზრით, ის სულელი იყო და არაფერი იცოდა. მესამე ის, რომ გაკვეთილებზე ყოველდღე მოდიოდა და, სამი კაციც რომ ყოფილიყო კლასში, დაწესებული საათები იჯდა. ეს ხომ ყველას გულისწყრომას იწვევდა...

— ამრიგად, ამხანაგებო, — განაგრძობდა „ბრკყალები“ და-
ორატორულ სიტხარეში პალტოს შეკვრას ცდილობდა, რომელზეც
არც ერთი ღილი არ ეკერა. — მეხუთე კლასიდან სასკოლო საბჭო-
ში ერთი მე ვარ. ეს სწორი არ არის, მარტო ჩემთვის ძნელია
მეხუთე კლასის ინტერესებისათვის ბრძოლა, ჩვენ უმცროს კლასე-
ლებად გვთვლიან, მაგრამ აბა ნახეთ მე-144-ში ვინ არის სასკოლო
კოლექტივის თავმჯდომარე? მუხოვეროვი. მერამდენე კლასელია?
მეხუთე! საერთოდ, თუ მაგაზე წავა საქმე, ჯერ საჭიროა დაგვიმ-
ტეციონ, რომ ჩვენ უმცროსი კლასელები ვართ და მერე ილაპა-
რაკონ. როგორც უფროს კლასს, ჩვენ ორი წარმომადგენელი უნდა
გვეყადეს. ერთი მე, მეორეს ფირკოვიჩს ვასახელებ!

— გლადილშიცოვი.

— ნედოდაევი!

— გალანი!

კორაბლიოვს შეეხებდე. ალბათ თვალები გადმოკარკლული-
მქონდა, რადგან მან უკბად გამაჯავრა, თუმც თითქმის შეუმჩნე-
ვლად. მომეჩვენა, რომ უღვაშებში ელიმებოდა, მაგრამ „ბრკყალებ-
მა“ ისევ დაიწყო ლაპარაკი და კორაბლიოვმა, რომელიც ეშმაკუ-
რად მიუყურებდა, თვალს მომაშორა და არაჩვეულებრივი ყურად-
ღებით დაუწყო მოსმენა.

თავი მისამ

ენსკელი მოხუცი ქალი

ეს დღე მშვენივრად მახსოვს, მზიანი დღე. გაზაფხულის წვიმა
ხამუშ-ხამუშ წამოუშენდა ხოლმე; დღე, როცა კუდრინის მოედანზე
მწვანე ხაეერდის პალტო-სალოფში ჩაცმული გამხდარი მოხუცი
ქალი შემხვდა. მას ყოველნაირი რაგინდართ — კარტოფილით,
მჟაუნით, ხახვით სავსე კალათი მოჰქონდა. მეორე ხელში დიდი
ქოლგა ეკერა. ეტყობა, კალათი მძიმე იყო, მაგრამ ზრუნვით
აღსავსე მაინც ყოჩაღად მიდიოდა და თან ხმადაბლა ანგარი-
შობდა: სოკო ნახევარი გირვანქა — ხუთასი მანეთი, ლილა — ას-ნა-
ხევარი, ჭარხალი — ას-ნახევარი, რძე ერთი ტოლჩა — ას-ნახევარი,
სულის მოსახსენებელი — შვიდას სამოცი, კვერცხი სამი ცალი — სა-
მასი მანეთი, აღსარება — ხუთასი მანეთი. — მაშინ ასეთი ფასები იყო.

ბოლოს ამოიოხრა და სულის მოსათქმელად კალათი მშრალ
ქვაზე დადო.

— გიშველით, დიდედა, — ვუთხარი მე.

— აქედან დამეკარგე, შე არამზადავ! კარგად გიცნობთ! უკვე შესამე ლიმონია სახლამდის ვერ მიმიტანია.

ენერგიულად გამიქნია ხელი და კალათს მიუტრიალდა.

მე მოვშორდი, მაგრამ ჩვენ ერთი გზა გვექონდა და რამდენიმე წუთის შემდეგ კვლავ ერთმანეთის გვერდით აღმოვჩნდით. ალბათ მოხუცს უნდოდა გაესწრო, მაგრამ ასეთი ტვირთით გასწრება, ცოტა არ იყოს, ძნელი იყო მისთვის.

— დიდედა, თქვენა გგონიათ მოგპარავთ რამეს? უფასოდ ვიშველით, ღმერთმანი, მეცოდებით, რომ ასე ეწველებით, და მეტი არაფერი.

მოხუცი გაჯავრდა, ერთი ხელი კალათს მოხვია, მეორეთი ქოლგას იქნევდა, გეგონებოდათ, ფუტკარს იგერიებდნენ.

— როგორც გნებავთ. თქვენ უპატრონო ბავშვებმა ამოგაცალეს, მე კი საბავშვოსახლეელი ვარ.

— სწორედ საბავშვოსახლელები არიან ავაზაკები!

მან მე შემომხედა, მე — იმას. ცხვირი ოდნავ აწეული და სიმ-ტიციის გამომხატველი ჰქონდა. საერთოდ, ეტყობოდა კეთილიც იყო და გამბედავიც. შესაძლოა მეც მოვეწონე — უეცრად ქოლგის ქნევას თავი გაანება და მკაცრად მკითხა:

— ვისი ხარ?

— არავისი.

— მაშ სადაური ხარ? მოსკოველი?

მაშინვე მივხვდი, თუ ვეტყოდი მოსკოველი ვარ-მეთქი, გამაჯდებდა. ალბათ ფიქრობდა, ლიმონი უსათუოდ მოსკოველებმა ამომაცალესო.

— არა, მე ენსკელი ვარ.

ცხადია, ისიც ენსკელი იყო. თვალები გაუბრწყინდა, სახეზე უფრო მეტი სიკეთე გამოეხატა.

— ტყუი, შე ტყუილების გუდავ, — მითხრა გაჯავრებით, — ერთმაც მითხრა მოსკოველი არა ვარო, შივიხედე და სადღაა ლი-პონი! თუ ენსკელი ხარ, იქ სადა ცხოვრობდი?

— პესჩინკაზე. ბაზრის უკან.

— ტყუი!

იგი ხედავდა, რომ არა ვტყუოდი.

— პესჩინკაზე რომ ცხოვრობდი, ვგ არაფერსა ნიშნავს: იქნებ საზვავანაც სადმე არის ასეთი მდინარე. მე შენ არ მახსოვხარ.

— თქვენ ალბათ დიდი ხნის წამოსული ხართ, მე პატარა ვიქნებოდი.

— არა, დიდი ხნის კი არა, ახალი ჩამოსული ვარ, აჰა, დაიქიკალათი, ერთ მხარეს შენ ჩასქიდე ხელი, მეორეს—მე. ნუ ეწევი, რა ვქნა!

კალათი მოგვეკონდა და თან ვმუსაიფობდით. მე ვუამბე, როგორ გავემგზავრეთ მე და პეტკა თურქესტანისაკენ და მოსკოვში კი ჩავრჩით. ის ცნობისმოყვარეობით მისმენდა.

— აი, ქუისკოლოფები! გზას გაუდგენენ! მოგზაურებს დამიხედეთ! ძალიან არ მოგიფიქრიათ!

ტრიუმფალურზე ჩვენი სკოლა დავანახვე.

— მთლად ერთი მიწაწელისანი ვყოფილვართ.—რალაც უცნაურად თქვა მოხუცებულმა.

მეორე ტვერსკოი-იამსკოიზე ცხოვრობდა აგურის პატარა სახლში. სახლი ნაცნობი იყო.

— აქ ჩვენი გამგე ცხოვრობს,—უთხარი მე.—იქნებ იცნობთ, ნიკოლაი ანტონიჩი!

— რას ამბობ!—თქვა მოხუცებულმა.—რას იტყვი, კარგი გამგეა?

— ისეთია, როგორიც საერთოდ უნდა იყოს.

ვერ მივხვდი, რად გაეცინა. მეორე სართულზე ავედით და მუშამბაგაკრულ სუფთა კარების წინ გავჩერდით. კარებზე ხის ფირფიტა იყო. ფირფიტაზე მიკლაქნილ-მოკლაქნილი ასოებით გვარი ეწერა, რომლის წაკითხვაც ვერ მოვასწარი.

მოხუცებულმა ბუტბუტით სალოფიდან გასაღები ამოიღო. მე წამოსვლა დავაპირე, მაგრამ არ გამომიშვა.

— ისე გიშველეთ, დიდედა, უფასოდ.

— შენც უფასოდ დაჯექი.

რატომღაც ფეხაკრეფით შევიდა პატარა დერეფანში და შუქი არ აუნთია, ისე დაიწყო სალოფის გახდა. სალოფი გაიხადა, მოიხადა ფოჩებიანი შალი, უსახელოებო ჩასაცმელი, კიდევ ერთი, უფრო მომცრო შალი და ასე შემდეგ. მერე ქოლგა დაკეცა და გაქრა. სწორედ ამ წუთში ვილაც გოგონამ სამზარეულოს კარი გამოაღო და კარიბჭეზე გამოჩნდა. მე უკვე მზად ვიყავი დამეჯერებინა, რომ ჩემი მოხუცი გადაიქცა გოგონად. მაგრამ ამ დროს მოხუციც გამოვიდა. თურმე კარადაში შესულიყო თავისი შალებისა და უსახელოებო ჩასაცმელების ჩამოსაკიდად.

— აი, კატერინა ივანოვნაც,—თქვა მოხუცებულმა.

კატერინა ივანოვნა ასე თორმეტი წლისა იქნებოდა, ყოველ შემთხვევაში, ჩემზე მეტისა არ იყო. მაგრამ მერე რა! ნეტა მეც მასავით შემძლებოდა სიარული, თავის ისე ამაყად გადაწევა, მუქი ცოცხალი თვალებით პირდაპირ სახეში ცქერა! ნაწნავები კულულებად ეყარა და შუბლსაც ასეთივე კულულები უმშვენებდა. ლოყაწითელი იყო, მაგრამ სასტიკი შესახედაობისა და დიდუდასავით სიმტკიცის გამომხატველი ცხვირი ჰქონდა. საერთოდ, ლამაზი იყო, მაგრამ თავს ძალიან იღებდა — ამას პირველივე შეხედვისთანავე შეამჩნევდით.

— მომილოცნია, კატერინა ივანოვნა, — უთხრა მოხუცებულმა, რომელსაც ჯერაც არ გაეთავებინა გახდა, — ისევ ამომაცალეს ლიმონი!

— სწორედ იმიტომ გეუბნებოდი, რომ პალტოში ჩაგედო. — გაჯავრებით უთხრა კატერინა ივანოვნამ.

— ოჰ! პალტოში! სწორედ პალტოდან ამომაცალეს.

— მაშასადამე, შენ ისევ ანგარიშობდი, დიდედა!

— სულაც არ ვანგარიშობდი. აი, კავალერიც მახლდა.

გოგონამ შემომხედა. აქამდე, მგონი, არც კი შევუმჩნევია.

— კალათი მაგან მომიტანა. დედა როგორ არის?

— ახლა ეუზომავეთ. — უპასუხა გოგონამ და თან დამშვიდებით მათვალაიერებდა.

— უი! შენ ჩემო თავო, — უეცრად აფორიაქდა მოხუცებული. — რა ვქნა, რატომ ეგრე გვიან? ვქიმმა ხომ თქვა, თორმეტზე გაუზომეთო!

ის ჩქარი ნაბიჯით გავიდა. მე და გოგონა მარტონი დავრჩით. ორიოდვე წუთი ვდუმდით. შემდეგ შუბლი შეიკრა და მკაცრად მკითხა:

— „ელენე რობინზონი“ წაგიკითხავს?

— არა.

— „რობინზონ კრუზო“?

— არც ეგ.

— რატომ?

კინალამ არ ეუთხარი, სულ ნახევარი წელიწადია, კითხვა ვისწავლე-მეთქი, მაგრამ დროზე შევიკავე თავი.

— არა მაქვს.

— რომელ კლასში ხარ?

— არც რომელში.

— ეგ მოგზაურია, — თქვა ოთახში შემობრუნებულმა მოხუცმა, — ოცდაჩვიდმეტი და ორი. თურქესტანში ფეხით მიდიოდა. არაფერი აწყენინო, კატია!

— როგორ, ფეხით!?

— აი როგორ. აიკრა გულა-ნაბადი და გზას გაუდგა.

დერეფანში სარკის ქვეშ მაგიდა იდგა. კატიამ მაგიდასთან სკამი მისწია, დაჯდა, გასწორდა, თავით ხელს დაენდო და მითხრა:

— აბა, მიაბბე.

არ მინდოდა მისთვის რაიმე მეამბნა, რადგან თავს მეტისმეტად იღებდა. რომ მიგვეღწია თურქესტანამდე, მაშინ სხვა საქმე იყო! ამიტომ ზრდილობიანად ვუთხარი:

— ეჰ, სხვა დროს იყოს, ახლა მეზარება.

მოხუცებული ხილფაფიან პურს მაჩეჩებდა და ძალაზე მადგა გამომერთმია, მაგრამ მე არ ვართმევდი.

— გითხარით უსასყიდლოდ, მაშასადამე, უსასყიდლოდ.

მე თვითონ არ ვიცი რატომ, მაგრამ ცუდ გუნებაზე დავდექი. კიდევაც მესიამოვნა, კატია რომ გაწითლდა, როცა უარი ვუთხარი და კარებისაკენ წამოვედი.

— კარგი მაშ, ნუ ჯავრობ, — მითხრა მოხუცებულმა, როცა მაღრამდებდა, — რა გქვია, რა გვარი ხარ?

— ალექსანდრე გრიგორიევი.

— მაშ მშვიდობით, ალექსანდრე გრიგორიევი. გმადლობთ!

დიღხანს ვიდექი კიბეზე და ვცდილობდი კარებზე მიკრულ ფირფიტაზე დაწერილი გვარი გამერჩია. კაზარინოვი — არც კაზარინოვი...

— ნ. ა. ტატარინოვი. — უეცრად წავიკითხე.

— აი ოინი! ტატარინოვი ნიკოლაი ანტონიჩი. ჩენი გამგეგეს მისი ბინაა!

თავი მართავ

ბევრი რამ მქონდა დასაფიქრებელი

ზატხული „სერებრიანი ბორში“ გაეატარეთ. ძველებურ, უპატრონოდ მიტოვებულ სახლში, სადაც პატარა კიბე-გადასასვლელი იყო, ყველგან ჩუქურთმიანი ხის ქერი, დერეფნები ყრუ კედლებით თავდებოდა. ამ სახლში ყველაფერი კრიალებდა: ნ. კავერინი — ორი კაპიტანი

კარი თავისებურად, დარაბები თავისებურად. ერთი დიდი ოთახი დალურსმული იყო, მაგ' ამ იქაც რაღაცა კრიალებდა, შრიალებდა და შეეკრად იწყებოდა ერთფეროვანი კაქუნი ღვრილა ხმაზე, თითქოს საათის ჩაქუჩი ზარს აცდენილი სცემდა. სხვენზე გულაფშუტა სოკოები ამოსულიყო... უცხოური წიგნები ფურცლებამოხეული და ყდებმოგლეჯილები ეყარა.

რევოლუციამდე ეს სახლი მოხუცებულ ბოშა-გრაფინიას ეკუთვნოდა. ბოშა გრაფინია! რა იღუმალებით იყო მოცული. ხმები დადიოდა, თითქოს სიკვდილის წინ გრაფინიას განძი მიწაში ჩაეფლო. რომაშკა მთელი ზაფხული ეძებდა ამ განძს. დიდთავა, ჭიანა, ჯოხით ხელში უვლიდა მთელ სახლს, ხან სად მიაკაკუნებდა, ხან სად და თან ყურს უგდებდა. ღამლამობითაც აკაკუნებდა, ვიდრე უფროსებიდან ვილაცამ კინკრიხოში არ უთავაზა. ცაპეტი წლისამ მტკიცედ გადაწყვიტა გამდიდრება. მის გაცრეცილ ყურებს ცეცხლი მოედებოდა ხოლმე, როცა ფულზე ლაპარაკს იწყებდა. ბუნებითვე განძის მაძიებელი—ცრუმორწმუნე და ხარბი იყო. მინგრეულ-ძონგრეულ ფანჩატურების გარშემო ხშირი სპარსული იასამანი გაზრდილიყო. ამწვანებულ ბილიკებს ქანდაკებები მისდევდა. ესენი არა ჰგავდნენ ბერძენთა ღმერთებს: ისინი იყვნენ—გულგრილნი, თეთრი უსინათლო თვალებით. ესენი კი—ჩვენთვის მსგავსი ადამიანები.

ერთი ქანდაკება კორაბლიოვივით უღვაშებიანი იყო. მეორე—ათიოდე წლის გოგონა, კოჭებამდე პერანგი ეცვა, იზმორებოდა და მუშტებით თვალებს იფშვნეტდა—გეგონებოდათ, ეს არის ახლა წამომდგარა ლოჯინიდანაო.

შევეცადე, გამმოეჭერწა იგი, მაგრამ არათფერი გამომივიდა. გამოვიდა მხოლოდ ხვეული ნაწნავები და ასეთივე ხვეულები შუბლზე, როგორც კატერინა ივანოვნასა ჰქონდა, იმ ცხვირაფშეკილ გოგოს. მგონი, ცხვირიც კი დავამსგავსე: მაგრამ მაინც ადამიანების გამოძერწვა ისე ადვილი არ იყო, როგორც გომბეშოებისა და კურდღლების.

ასე კარგად ვცხოვრობდით მხოლოდ ზაფხულის დასაწყისში—„სერებრიანი ბორში“ ჩასვლის პირველ დღეებში, შემდეგ ცხოვრება გაუარესდა, თითქმის აღარ გვაკმევდნენ. მთელი საბავშვო სახლი „თვითმომარაგებაზე“ გადავიდა. ვიქერდით თევზებს, კიბოებს, შეჯიბრების დღეებში სტადიონთან იასამანსა ვყიდდით, ან უბრალოდ, ხელს ვაყოლებდით, რაც მოგვხვდებოდა. საღამოობით ბაღში ცეცხლს ვანთებდით და ნადავლსა ვწვავდით.

აი ერთი ასეთი საღამო—ეს საღამოები ყველა ერთმანეთსა
შეგავლდა.

ჩვენ ცეცხლთანა ვსხედვართ დალილები, მშვივრები და გაბრა-
ზებულები. ყველაფერი გაშავებულია ბოლისაგან: კარდალა, საკი-
დელი, ჩენი სახე და ხელები. ინდიელებივით, რომელნიც მზად
არიან კაპიტანი კუკის შესაქმელად, ჩვენც ვდუმვართ და ცეცხლს
ჩავცქერით... მუგუზლები შეცარი ტკრციალით ნაპერწყლებად
იფრქვევიან. მუქი წითელი ბოლი მბოლქვავეი ქუდივით ადგია
ცეცხლს.

„კომუნა“—ჩენა ვართ. მთელი საბავშვო სახლი კომუნებად
არის დაყოფილი: მარტო ძნელია „მომარაგებაზე“ ზრუნვა. ყოველ
კომუნას თავისი თავმჯდომარე ჰყავს, თავისი ცეცხლი და თავისი
საპარკაფო ფონდები აქვს,—ესე იგი ის, რაც რაიმე მიზეზის გამო
ღღეს არ შექმულა და ხვალისთვის დარჩენილა.

ჩენი თავმჯდომარე სტიოპკა ივანოვია, თხუთმეტი წლის პირ-
მსუქანი ბიჭი, ლორმუცელა და გაიძვერა, ვისიც ყველას ეში-
ნია...

— მოდი, ვიკოქაოთ,—ზანტად ამბობს სტიოპკა.

ყველანი სდუბან. კოქაობა არავის ეხალისება, სტიოპკა გამაძ-
ღარია და იმიტომ არის თამაშობის გუნებაზე.

— კეთილი, სტიოპკა. მაგრამ რომ ბნელა,—ეუბნება რომაშკა.

— სადა ბნელა? აღეკი!

ჩენს თავმჯდომარეს კოქაობა ყველაფერს ურჩევნია ქვეყანაზე.
დარტყმა იშკილბაზური აქვს, ეს ყველამ იცის. მაგრამ
ჩემსა და ვალკას გარდა ყველანი ელაქუტებთან, განსაკუთრებით
რომაშკა. ხანდახან განგებ წაუგებს ხოლმე, რომ სტიოპკამ არა-
ფერი აწყენინოს.

არ იფიქროთ, რომ ცეცხლზე ჩვენ გემრიელ ნანადირევსა
ვწვავთ! სამზარეულოდან ბრძოლით დათრეულ კარდალაში წვენი
დღღღს! ეს ნამდვილი „ძებვის ჯოხის“ წვენია. როგორც იმ ზღა-
პარშია, სერაფიმა ივანოვნამ რომ წავგვიკითხა ზამთარში. განსხვა-
ვება შეიძლება მხოლოდ იმაშია, რომ ის წვენი თავისი კუ-
დისა იყო. ჩვენ კი ჩვენ წვენში ყველაფერსა ვდებდით, რაც ხელში
მოგვხვდებოდა. ზოგჯერ ბაყაყის ფეხებსაც.

აი ჩენი სახლის კარები იღება და ვერანდაზე დაბალი, სქელი
კაცი გამოდის, განიერფარფლებიანი ქუდი ხურავს.

— ბიძია პეტია, ჩვენენ!

— აქეთ, ბიძია პეტია!

ეს პიოტრ ანდრეიჩ ლოპუხოვია, ჩვენი მზარეული. ბარბაცებს—
წყლის ბრალი როდია—ოპერებიდან არიების ნაწყვეტებს ლილინებს,
და „კომუნებს“ უვლის. ყველა ქვაბიდან საქმელს გემოს უსინჯავს,
იფურთხება და ზიზღით ამბობს:

— საწამლაგია!

იგი მელომანია, ესე იგი მუსიკისა და სიმღერის მოყვარული-
ყველა ოპერა ზეპირად იცის. იმისთვის იმაზე მეტი სიამოვნება
არ არსებობს, რომ „ვეგენი ონეგინიდან“ ან „პიკის ქალიდან“
რომელიმე სცენა წარმოგვიდგინოს, ჩვენთვის კი იმაზე მეტი სია-
მოვნება არ არსებობს, რომ იმას მოვუსმინოთ და აღტაცება გა-
ცნოთქვათ.

— ზორბაა! შალიაპინს არ ჩამოუყარდება! ბიძია პეტია, რა-
ტომ მსახიობად არ მიღიხარო?

— მეშინია!

— რისა, ბიძია პეტია?

— შევიკლავს.

აგერა, ჩვენ ცეცხლთანა ჩერდება, საქმელს გემოს უსინ-
ჯავს, აფურთხებს,—და იწყება გრძელი ამბავი იმის შესახებ,
როგორა სკამდნენ ძველ დროში, ძალიან დიდი ხნის წინათ,
ასი, ან შეიძლება ორასი წლის წინათაც კი. იგი არა მარტო მე-
ლომანია, ისტორიკოსიც არის ძველი საქმელებისა,—კურდღლის
სოუსებისა და ირმის მკერდების მცოდნე.

— საღედოფლო ერბოკვერცხი,—იღუმალი ჩურჩულით ამბობს
იგი,—აიღე თვრამეტი კვერცხის გული, აურიე ბისკვიტში, მიუმა-
ტე მწარე ნუში, ნაღები, შაქარი და ერბოში შეწვი. გიჭამიათ?

ჩვენ ერთხელად ვუპასუხებთ.

— არ გვიჭამია!

— საქმეც ეგ არის! ვაშლები ხიფთანში. ვაშლს რომ გაფცქენი,
კურკები ამოაცალე, ქიშიშით დატენე, ცომში შეახვიე, გამოაცხე
და მერე ჭიქურა წაუსვი. გიჭამიათ?

— არ გვიჭამია!

— საქმეც ეგ არის!

თვითონ მზარეული კი ყველა საქმელებიდან უპირატესო-
ბას „არყის გადაკვრას“ ანიჭებს,—ოცდაერთი წლის ზაფხულში
იგი ჩვენი ერთადერთი ხელმძღვანელია. სერაფიმა ივანოვნა დაიბ-
ნა, იმას ყურადღებას არავინ აქცევს. სახლში კიდევ ვილაც გადო-

ები დაყილებენ, მზარეულთან დანასისხლად არიან—მათთვის, რატომღაც, ხელსაყრელი არ არის, რომ მზარეული ულუფას მშრალი სახით გვაძლევს. ერთი სიტყვით, თუ მზარეული არა, ჩვენ ყველანი გავიქც-გამოვიქცეოდით.

ამგვარად, ის ჩვენ ცეცხლთანა დგას და გვიამბობს, როგორ ქამდნენ ძველად. ზოგჯერ თავისთავს თვითონვე აწყვეტინებს ბედიკური შენიშვნებით.

— ქარიულაპია ყველას არა რგებს, კუქს ამძიმებს.

— ჭანარი სისხლს სწმენდავს. კარგი თევზია.

აი, ცეცხლიდან ჩვენ კარდალას იღებს და ორთქლსა ყნოსავს. ხანდახან ორთქლს რომ დაყნოსავს—ამბობს არა „საწამლავს“, არამედ „საფლავს“—და წვეწვს ბუჩქებში გადაუძახებს, რას იტყვის ამჯერად? ყნოსავს, თვალებს ზეცისაკენ აპყრობს, სდუმს...

— საწამლაგია!

შვიდი თავი იხრება კარდალისაკენ, შვიდ კოვზს მორიგეობით ვყოფთ წვნის ამოსაღებად და ვხერკავთ.

ვერ ვიტყვი, რომ შემოდგომისათვის გავსუქდით ასეთი კვებით. გარდა სტიოპა ივანოვისა, რომლის კუჭაც სირაქლემასავით ყველაფერს ინელებდა, ჩვენ ვხდებოდით, ვეადამყოფობდით და თავს ძალზე ცუდადა ვგრძნობდით.

მაინც კარგი ზაფხული იყო! ის იმიტომ არ დამხსომებია, რომ ცუდად გვაქმევდნენ. ამას მიჩვეული ვიყავი და აქამდე ზემ სიცოცხლეში კარგი რამ არც კი მექამა. არა, ეს ზაფხული მე სულ სხვა მიზეზით მახსოვს. იმ ზაფხულს პირველად ვიგრძენი ჩემი თავისადმი პატივისცემა.

ეს ამბავი აგვისტოს ბოლოს მოხდა. ქალაქში დაბრუნებამდე კოტა ხნით ადრე და სწორედ ცეცხლთან, როდესაც ვახშამს ვამზადებდით. სტიოპამ უეცრად საქმლის გაცემის ახალი წესი გამოაცხადა. აქამდე ჩვენ მორიგეობით ვჭამდით, კოვზს კოვზი მისდევდა. როგორც თავმჯდომარე, სტიოპა იჩქებდა, მას რომაშკა მისდევდა და ასე შემდეგ. ახლა კი ყველანი ერთად უნდა დავსეოდით. ვიდრე წვენი ცხელი იყო,—და ვინ ვის დაასწრებდა!

არავის არ მოეწონა ახალი წესი. რა თქმა უნდა! ასეთი თავმჯდომარის ხელში ეს ნაღდი სამარე იყო. იმას სამი ყლუპით შექცლო მთელი კარდალის გამოცლა.

— არ ივარგებს.—გადაწყვეტით გამოაცხადა ვალკამ.

ჩვენ მოწონების ნიშნად ავხმაურდით. სტიოპა ნელ-ნელა წამოდ-
გა, მუხლები ჩამოიბერტყა და ვალკას შიგ სახეში გააბრტყა. საშინ-
ლად გაბრტყა, წამში მთელი სახე სისხლმა შეუღება და ეტყობა-
თვალეშიც მოხვდა სისხლი, რადგან ვალკამ ბრმასავით დაიწყო-
ხელების ქნევა.

— აბა,— ზანტად თქვა სტიოპამ,— კიდევ ვის უნდა?

მე ყველაზე პატარა ვიყავი „კომუნაში“ და მას, რა თქმა უნდა,
ცალი ხელით შეეძლო ჩემი წაქცევა, მაგრამ მაინც გავაბრტყი.
სტიოპა უეცრად დატორტმანდა და ჩაჯდა. არ ვიცი, სად მოვახ-
ვედრე, გამოშტერებული კი იჯდა და თვალებს ახამხამებდა. მარ-
თალია, გონს მალე მოვიდა და მეცა, მაგრამ აქ უკვე ბიჭებმა არ
დააჩაგვრინეს ჩემი თავი და სტიოპა ძალღივივით დაჩეჩქვეს. ვიდრე,
იგი ცეცხლს უკან იწვა და ღმუროდა, ჩვენ საჩქაროდ ახალი თავ-
მჯდომარე ავირჩიეთ— მე ამირჩიეს. სტიოპას, რა თქმა უნდა, ხმის-
მიცემაში მონაწილეობა არ მიუღია, მაგრამ სულ ერთია, კიდევ:
რომ მიეღო მონაწილეობა, მაინც ვერაფერს გაიტანდა: მე ერთ-
ხმად ამირჩიეს.

წინ გავრბივარ, მაგრამ შემიძლია ვთქვა, რომ მე ცუდი თავ-
მჯდომარე არა ვყოფილვარ. როცა შიმშილობა გათავდა და ზამ-
თარძი პიონერულ ორგანიზაციაში შევედი, ჩემი „კომუნა“
საუკეთესო რგოლი გახდა სკოლაში. პირველი თავზეხელალებული-
მებრძოლი რგოლი— „ჩაპაევი.“

თუმცა საკვირველია, მაგრამ ეს ცხვირ-პირის ჩამტვრევა ჩემი-
პირველი საზოგადოებრივი საქმე იყო. ერთხელ გავიგონე, როგორ
ამბობდნენ ჩემზე ბიჭები: „სუსტია, მაგრამ გამბედავიო“. მე გამ-
ბედავი ვარ! საერთოდ როგორი ვარ? ბევრი რამ მქონდა დასა-
ფიქრებელი.

თავი მახუთა

არის თუ არა თოვლში მარკილი?

ამ წელს სკოლაში არაფერი შეცვლილა, ძველებურად ჩხუბობ-
დნენ ყოფილი ლიადოველები ყოფილ პესტოველებთან, ძველებუ-
რად მოჰქონდათ მარხილით ბებიასავით შეფუთილი ფაფა. ძვე-
ლებურად დილის ათ საათზე გამოჩნდებოდა ხოლმე კორაბლიოვი-
სკოლაში.

იგი მოდიოდა შემოდგომის გრძელ პალტოში გამოწყობილი-

თავზე განიერფარფლებიანი ქუდი ეხურა. სარკის წინ აუჩქარებლად გადაივარცხნიდა უღვაშებს და გაკვეთილზე შევიდოდა.

იმისთვის ახლა უკვე აღარ შეიძლებოდა ულუფის დაქერა, როგორც მეხუთეკლასელმა „ბრკეალებმა“ წამოაყენა წინადადება გასულ წელს.—ახლა მის გაკვეთილებზე ხუთ კაცზე მეტი ესწრებოდა. გაკვეთილს არავისა ჰკითხავდა, საშინაოდ არავითარ დავალებებს არ აძლევდა. უბრალოდ ან უამბობდა რაიმეს, ან უკითხავდა. თურმე მოგზაური იყო და მთელი ქვეყანა მოევლო. ინდოეთში იოგი თვალთმაქცები ენახა, რომლებიც ერთი წლით მიწაში იმარხებოდნენ და მერე ისევ ცოცხლები წამოდგებოდნენ ხოლმე, ვითომც აქ არაფერი იყო; ჩინეთში უგემრიელესი ჩინური საქმელი—დამპალი კვერცხები ექამა; სპარსეთში შახსეივახსეი ენახა—მაჰმადიანების სისხლიანი უქმე.

მხოლოდ რამდენიმე წლის შემდეგ გავიგე, რომ თავის დღეში რუსეთს არ გასცილებოდა. ყველაფერს იგონებდა. მაგრამ რა საინტერესოდ! თუმც ბევრი ისევ ამტკიცებდა, სულელიაო, მაგრამ ახლა იმას ვეღარავინ იტყოდა, არაფერი იცისო.

წინანდებურად, მეოთხე სკოლაში პირველი კაცი ნიკოლაი ანტონიჩი იყო. იგი სწყყეტდა ყველაფერს, ყველაფერში ერეოდა. ყველა კრებებზე ესწრებოდა. უფროსკლასელები სახლში დადიოდნენ მასთან „დამოკიდებულებების გამოსარკვევად“. დავას ლიადოველებსა და პესტოველებს შორის ათ წუთში არჩევდა, ყველაზე გამოუსწორებელნი უსიტყვოდ ემორჩილებოდნენ იმას. რომელ მოსწავლესაც გნებავთ პირველიდან უკანასკნელ კლასამდე, შეეძლო იმასთან მისუღიყო თავის საქმეებზე მოსალაპარაკებლად. „ნიკოლაი ანტონიჩს ვეტყვი“, „ნიკოლაი ანტონიჩმა მითხრა“, „ნიკოლაი ანტონიჩმა გამომგზავნა“, გაისმოდა წამდაუწუმ ჩვენ სკოლაში.

ბოლოს მეც მომიხდა ამ ოთხი სიტყვის თქმა.

წინა დღით მოსწავლე გავხდი. „საბავშვო სახლი გამოსცადეს“ და მე მეორე კლასში ჩამრიცხეს. როგორ შევხვდეთ ამ მოვლენას, მოსკვა-რეკასკენ ან ვორობიოვის მთებისკენ ხომ არ მოვუსვია? ამ ფიქრებით გართული დავყიალებდი სააქტო დარბაზში, რომ სამასწავლებლოს კარები გაიღო და ნიკოლაი ანტონიჩმა ხელით მანიშნა, ჩემთან მოდიო:

— გრიგორიეო, — მითხრა მან, როგორც კი მოიგონა ჩემი გვარი (განთქმული იყო იმით, რომ მთელ სკოლას გვარებით იცნობდა). — იცი, სადა ვცხოვრობ?

ვიცი-მეთქი, მივუგე.

— ლაქტომეტრი რაღა არის, იცი?

არ ვიცი-მეთქი, ვუპასუხე.

— ამ ხელსაწყოთი ვგებულობთ, თუ რამდენი წყალია ჩარეული რძეში. ყველამ ვიცით,—ნიკოლაი ანტონიჩმა თითი ასწია,—რომ მერძევე ქალები რძეში წყალს ურევენ. ჩადეთ ასეთ წყალ-წყალა რძეში ლაქტომეტრი და თქვენ დაინახავთ, რამდენი წყალია და რამდენი რძე. გაიგე?

— გავიგე.

— აი, სწორედ ეგ მომიტანე.

მან ბარათი დამიწერა.

— მხოლოდ, ფრთხილად, არ გატეხო, მინისაა.

— არ გავტეხავ,—ვუპასუხე ფიცხლად.

ბარათი ნინა კაპიტონოვნასთვის უნდა გადამეცა.

წარმოდგენაც არა მქონდა, თუ ასე ერქვა მოხუც ქალს, მაგრამ კარი იმან კი არა, შავ კაბაში ჩაცმულმა უცნობმა, გაძხდარძა ქალმა გამიღო.

— რა გინდა, ბიჭუნა?

— მე ნიკოლაი ანტონიჩმა გამომგზავნა.

ეს ქალი, რა თქმა უნდა, კატკას დედა და მოხუცის შვილი იყო. სამივეს ერთნაირი სიმტკიცის გამომხატველი ცხვირები ჰქონდათ და ერთნაირი მუქი ცოცხალი თვალები, მაგრამ დიდედა და შვილიშვილი უფრო მხიარულად გამოიყურებოდნენ. ქალს სევდიანი და შეწუხებული სახე ჰქონდა.

— ლაქტომეტრი?—გაკვირვებით თქვა, როდესაც ბარათი წააკითხა,—ოჰ! ახლავე!

სამზარეულოში შევიდა და ლაქტომეტრი გამოიტანა. მოლოდინი გამიცრუდა—ეს ჩვეულებრივი თერმომეტრი იყო, მხოლოდ ცოტათი უფრო დიდი.

— არ გატეხავ?

— რასა ბრძანებთ,—ვუთხარი ამპარტაუნული ღიმილით,—გავტეხავ...

მშვენიერად მახსოვს, რომ გაბედული აზრი—ლაქტომეტრის თოვლის მარილზე შემოწმებისა—დაახლოებით ორი წუთის შემდეგ წამომეჭრა, როცა კატკას ჭედამ (როგორც მე წამეგონა) კარი მოხურა.

ის იყო კიბიდან ჩამოვედი, თერმომეტრი ხელში მაგრადა

შქონდა ჩაბლუჯული, ხელი კი ჯიბეში მედო: ჯერ ისევ პეტკასაგან შქონდა გაგონილი, თოვლში მარილი არისო. შეუძლია ლაქტომეტრს აჩვენოს მარილი, თუ პეტკამ იცრუა? აი ეს იყო გამოსარკვევი! საჭირო იყო შემოწმება.

წყნარი ადგილი ამოვიჩიე ფარდულის უკან, ქუჭყიანი წყლის ორმოს გვერდით. დატკეპნილ თოვლზე აგურის პატარა სახლი იდგა — სახლიდან ფარდულის უკან პატარა პალოებზე შავი ძაფი იყო გაბმული — ეტყობა, ბავშვები საველე ტელეფონსა თამაშობდნენ. რატომღაც დაეორთქლე ლაქტომეტრი და გულისფანტკალით სახლის გვერდზე, თოვლში ჩავარქე. თქვენ თვითონ განსაჯეთ, რა დომხალი უნდა ყოფილიყო მაშინ ჩემს თავში, როცა სამი წუთის შემდეგ ლაქტომეტრი [რომ ამოვიღე და ცვლილება ვერ შევამჩნიე, ახლა თავდაყირა ჩავარქვე თოვლში.

იქვე ახლოს ვილატამ ამოიოხრა! მე მივიხედე.

— გაიქეცი, აფეთქდება! — დაიძახეს ფარდულში.

ეს მოხდა ორ წამში. პალტოგადღელილი გოგონა ფარდულიდან გამოვარდა და თავკუდმოგლიჯილი ჩემკენ გამოექანა. „კატკა“, გავიფიქრე და ყოველ შემთხვევისათვის ხელსაწყოსაკენ ხელი გავიშვირე, მაგრამ კატკამ ხელი ჩამჭიდა და თავისკენ გამითრია. მე ხელს ვკრავ, ვეჯაჯგურები, ორივენი თოვლზე ვეცემით. რახ! აგურის ნამტვრევები ჰაერში ცვივა, უკან თოვლის მტვერი თეთრი ღრუბელივით ამოდის და ზედ გვეფინება.

ერთხელ უკვე მოვხვდი სროლაში, დედაჩემს რომ ვასაფლავებდით, მაგრამ ახლა უფრო საშიში რამ იყო. რალაცა დიდხანს გრგვინავდა და სკდებოდა ქუჭყიანი წყლის ორმოსთან. თავს წამოვწევდი თუ არა, კატკა შეფთხრიალდებოდა და მეკითხებოდა: ხომ კარგია? ჰა?

როგორც იყო, წამოვხტი.

— ლაქტომეტრი! — დავიყვირე მე და რაც ძალა და ღონე მქონდა, ორმოსაკენ გავიქეცი. — სად არის?

იმ ადგილზე, სადაც ჩემი ლაქტომეტრი ჩავარქვე, ღრმა ორმო იყო.

— აფეთქდა!

გაფითრებული კატკა ჯერ ისევ თოვლზე იჯდა, თვალები უბრწყინავდა.

— სულელო, ეგ მგრგვინავი გაზი აფეთქდა, — მითხრა და

ცინვით.—ახლა კი სჯობია, მოუსვა თორემ მილიციელი მოვა და წაგიყვანს, ერთხელ უკვე იყო. მე კი გავიქცევი.

— ლაქტომეტრი, — თავზარდაცემულმა გავიმეორე დავგრძნობდი, რომ ტუჩები არ მემორჩილებოდა და სახეც მითრთოდა.— ნიკოლაი ანტონიჩმა გამომგზავნა ლაქტომეტრისათვის. მე თოვლში ჩაედე. სად არის?

კატკა წამოდგა. გარეთ ყინვაა, უქუდოდ არის, მუქი თმები შუაზე აქვს გაყოფილი. ერთი ნაწნავი პირში ჩაუდვია. მაშინ არ შემიხედა, მერე მომაგონდა.

— მე გადაგარჩინე, — მითხრა და დაფიქრების ნიშნად ცხვირი მოკპუქუნა, — დაილუპებოდი, ზურგში სასიკვდილოდ დაქრილი. ჩემი მადლობელი უნდა იყო, რომ სიკვდილს გადაგარჩინე. აქ რას აკეთებდი, ჩემ მგრგვინავ გაზთან?

ხმას არ ვიღებდი, ბრაზი მალრჩობდა.

— თუმცა იცოდე, — დიდი ამბით დაუმატა, — კატაკ რომ მისჯდომოდა გახს, იმასაც კი გადავარჩინდი. ჩემთვის სულ ერთია.

ხმაამოუღებლივ გამოვბრუნდი ეზოდან, მაგრამ სად უნდა წავიდე? სკოლაში წასვლა აღარ შეიძლება, — ეს ცხადია.

ალაყათის კარებთან კატკა დამეწია.

— ეი, შენ, ნიკოლაი ანტონიჩ! — დამიძახა მან, — საით გასწიე? საჩივლელად?

მოვტრიალდი, ოჰ, რა სიამოვნებით წაეკარი კისერში! ყველაფრისათვის ერთად — გატეხილი ლაქტომეტრისათვის, აფშეკილი ცხვირისათვის, იმისათვის, რომ სკოლაში დაბრუნება აღარ შემეძლო, იმისათვის, რომ სიკვდილს გადამარჩინა, როცა არავინ ეხვეწებოდა!

თუმცა არც ის ჩამომრჩა. ერთი ნაბიჯით უკან დაიწია და ერთი მაგარი მითაქა. იძულებული ვიყავი ნაწნავით დამეთრია და ცხვირი თოვლში ჩამეყოფინებინა. იგი წამოხტა.

— სარმა სწორედ არ გამომდე, — მითხრა მკვირცხლად. — სარმა არ გამოგედო, მე შენ კარგად მოგაკერებდი. ჩვენ კლასში მე ყველა ბიჭებს ვერევი. შენ რომელში ხარ? შენ იყავი დიდელას რომ კალათი მოუტანე? მეორეში?

— მეორეში, — ვუთხარი ნალელიანად.

ჰ. მან შემომხედა.

— დიდი რამ მომხდარა, თერმომეტრი გატეხა.— თქვა დაცინვით.— გინდა ვუთხრა, რომ მე გავტეხე? მე არ მომხედება, მომიცადე.

გაიქცა და რამდენიმე წუთის შემდეგ დაბრუნდა, ქული დაეხურა, სულ სხვანაირი იყო, მედიდური, თმაში ბაფთა ჩაეწნა.

— უკვე ვუთხარი დიდედას, რომ შენ იყავი. დედას სძინავს. თქვა, რატომ არ შემოვიდაო? კარგია, რომ ლაქტომეტრი გატყდა; თორემ წვალემა იყო მისი ცისმარე დღე რძეში ჩაძერებაო. სულ ერთია, სწორედ არ აჩვენებდა. ეგ სულ ნიკოლაი ანტონიჩის გამოგონებაა. დიდედა კი ყოველთვის გემოთი იგებს, რძე კარგია თუ არა...

რაც უფრო ვუახლოვდებოდით სკოლას, კატკა მით უფრო მედიდური ხდებოდა. კიბეებზე თავგადაწეული, თვალებმონუსხული აღიოდა.

ნიკოლაი ანტონიჩი სამასწავლებლოში იყო, იქვე. სადაც დავტოვე.

— შენ არაფერი უთხრა, მე თვითონ ვეტყვი, — წავბუტბუტე კატკას. სიცილი წასკდა, ერთი ნაწნავი ქულიდან რკალივით გაძოშვეროდა.

სწორედ ამ ლაპარაკიდან დაიწყო გამოცანები, რომლის შესახებაც შემდეგ თავში გიამბობთ.

საქმე ისაა, რომ ნიკოლაი ანტონიჩი, ის მედიდური და შემწყალე ნიკოლაი ანტონიჩი, რომელსაც ჩვენ მეოთხე სკოლის განუსაზღვრელ უფლებამოსილ მბრძანებლად ვთვლიდით, კატკას ოთახში შესვლისთანავე სადღაც გაჩრა. ახლა ნიკოლაი ანტონიჩი ლაპარაკის დროს ნაძალადევად იღიმებოდა, მაგიდისაკენ იხრებოდა, თვლებს ფართოდ ალებდა, წარბებსა კიშავდა, — თითქოს კატკა, ღმერთმა იცის, რა საოცარ რაიმეს ამბობდა. ეშინოდა იმისი, თუ რა იყო?

— ნიკოლაი ანტონიჩ, თქვენ გამოგზავნეთ ეს ლაქტომეტრისათვის? — ჰკითხა კატკამ და თან თვალებით ამპარტავნულად ჩემზე უჩვენა.

— მე გამოგზავნე, კატიუშა.

— სწორეა. მე კი ლაქტომეტრი გამიტყდა.

ნიკოლაი ანტონიჩმა სერიოზული სახე მიიღო.

— ტყუის, — მოლუშულმა ვუთხარი მე, — ის აფეთქდა.

— არაფერი მესმის. გრიგორიევი, გაჩუმდი. კატიუშა, ამიხსენი, რა მოხდა.

— არაფერიც არ მომხდარა. — თავი ამაყად გადასწია და უპასუხა კატკამ... — ლაქტომეტრი გამიტყდა, მეტი არაფერი.

— მაშ ასე, ასე, მაგრამ, მგონი, მე ეგ ბიჭი გამოვგზავნე, არა?

— ამან კი ვერ მოგიტანათ, რადგანაც მე გამიტყდა.

— ტყუის, — ხელახლა ვთქვი მე.

კატკამ მრისხანედ გადმომხედა.

— კარგი, კატიუშა, დაეუშვათ ასეა. — ნიკოლაი ანტონიჩს ლმობიერად გაეღიმა. — მაგრამ იცი რა: სკოლაში რძე მოიტანეს, მე საუზმე შევაჩერე, რომ ამ პროდუქტის ხარისხი განმესაზღვრა და ამ ხარისხის მიხედვით გადამეწყვიტა — ჩვენი რძის მომწოდებლები სვან ავიღებთ მომავალში რძეს თუ არა. გამოდის, რომ ტყუილად ვიციდიდი? უფრო მეტიც: გამოდის, რომ ძვირფასი ხელსაწყო გატყდა, და ისიც გამოუჩვეველია, როგორ გატყდა. ახლა შენ ამიხსენი, გრიგორიეფო, რა მოხდა.

— ოჰ, რა მოსაბეზრებელია, მე წავალ, ნიკოლაი ანტონიჩ, — გამოაცხადა კატკამ.

ნიკოლაი ანტონიჩმა შეხედა. არ ვიცი რატომ, მაგრამ მე მომეჩვენა, რომ ამ წუთში კატია სძულდა.

— კარგი, კატიუშა, შენ წადი, — აღერსიანად უთხრა მან, — მე და ეს ბიჭი კი მოვილაპარაკებთ.

— მაშ მეც მოვიციდი.

დაჯდა და, ვიდრე ჩვენა ვლაპარაკობდით, მოუთმენლად კბილით ნაწნავსა სწიწკნიდა — ვინ იცის, რომ წასულიყო, იქნებ ლაპარაკი ასე მშვიდობიანად არ დამთავრებულიყო. ლაქტომეტრი ნაპატივს. ნიკოლაი ანტონიჩმა ისიც კი გაიხსენა, რომ მე მის სკოლაში გამოვგზავნეს, როგორც მომავალი მოქანდაკე. კატკა ყურადღებით ისმენდა.

ამ დღიდან მე და კატია დავმეგობრდით, მოეწონა, რომ ნება არ მიეცეოდა დანაშაული თავის თავზე აეღო, და, როცა ნიკოლაი ანტონიჩს ეუბამობდი, ისე მოვახერხე, რომ მგრგვინავი ვაზი სულაც არ მიხსენებია.

— შენ გეგონა, მომხედებოდა, ჰა? — მკითხა, როცა სკოლიდან გამოვედი.

— ჰო.

— როგორ არა! ჩვენთან გამოიარე, დიდედამ დაგპატიეა.

სტუმრად მივლინარ

დილით ამ ფიქრით გამელვობა—წავიდე თუ არა? ორი რამ მამბრკოლებდა: შარვალი და ნიკოლაი ანტონიჩი. შარვალი, მართლაც, ვერაფერი შეილი იყო, არც მოკლე, არც გრძელი, მუხლებზე გამოკერებული. ნიკოლაი ანტონიჩი კი, როგორც ვიცით, სკოლის გამგე იყო, ესე იგი, საკმაოდ საშიში პიროვნება. უცებ რომ დამიწყოს გამოკითხვა, რატომ და რისთვის? მაგრამ მაინც გაკვეთილების შემდეგ ჩექმები გაეიწმინდე, თავი მაგრად დავისველე და თმა შუაზე გაეიყავი. სტუმრად მივლინარ!

როგორ უხერხულად ვგრძნობდი თავს, როგორ მერიდებოდა! წყეული თმა საქონრზე მეფუიკებოდა და ფურთხით ძლივს ვისწორებდი. ნინა კაპიტონოვნა რალაცას გვიამბობდა მე და კატკას. უეცრად მკაცრად მიბრძანა:

— პირი მოკუმე!

თვალს არ ვაშორებდი და პირის მოკუმევა დამეიწყებოდა.

კატკამ მთელი ბინა დამატარა. ერთი ოთახი იმისი და იმისი დედისა იყო, მეორე—ნიკოლაი ანტონიჩისა, მესამე კი სასადილო. ნიკოლაი ანტონიჩს საწერ მაგიდაზე ედო საწერი მოწყობილობა. „დღევამირ ილია მურომეცის ცხოვრებიდან,“ როგორც კატკამ ამიხსნა. მართლაც, სამელნე წარმოადგენდა მუზარადიან, წვერიან. კაცის თავს. საფერფლე—გადაჯვარდინებულ ძველ რუსულ ხელჯაგს და ასე შემდეგ. მუზარადის ქვეშ მელანი იყო და, მაშასადამე, ნიკოლაი ანტონიჩს კალამი პირდაპირ გოლიათის თავის ქალაში უნდა ჩაეწო. ეს ძალიან მეუცბოვა.

ფანჯრებს შუა ამერიკული ყაიდის წიგნების კარადა იდგა—არასდროს არ მენახა ამდენი წიგნები ერთად.—კარადის ზემოდან სურათი ეკიდა წელამდის გადაღებული მეზღვაურის. მას გაშლილი შუბლი ჰქონდა, მტკიცედ შეკრული ბაგე და ნაცრისფერი, ცოცხალი თვალები.

იგივე სურათი, ოლონდ უფრო პატარა, სასადილოშიც შევნიშნე და კიდევ უფრო მცირე ზომისა—კატკას ოთახში, მის პატარა საწოლთან.

— მამაჩემია,—წარბებქვეშიდან გამომხედა და ისე მითხრა კატკამ.

მე კი მეგონა, რომ მისი მამა ნიკოლაი ანტონიჩი იყო. თუმცა

ლევდილ მამასთან თქვენობით ხომ არ ილაპარაკებდა და არც სახელითა და მამის სახელით მიმართავდა. „ალბათ მამინაცვალია, — ვაფიქრებ, მაგრამ მაშინვე გადავწყვიტე, არა-მეთქი. მე ვიცოდი, მამინაცვალი რაც იყო. არა, მგონი, მამინაცვალი არ უნდა იყოს.“

შემდეგ კატკამ საზღვაო კომპასი მაჩვენა — ძალიან საინტერესო ნივთი. ეს იყო დასადგმელზე მოთავსებული სპილენძის რკალი, რომელშიც თასი ქანაობდა. თასში კი, შუშის ქვეშ, ისარი იყო. ზაითაც არ უნდა მიგეტრიალებინათ თასი, გინდა ყირამალა დაკვეყნებინათ, სულ ერთია, ისარი ქანაობდა და ერთი ლუზიანი წვერი ჩრდილოეთს გიჩვენებდათ.

— ასეთი კომპასი ყოველნაირ ავდარს უძლებს.

— შენ ვინ მოგცა?

— მამამ მაჩუქა.

— მამა სადღაა?

კატკამ შუბლი შეიკრა.

— არ ვიცი.

„გაეყარა, დედა მიატოვა“, — გადავწყვიტე დაუყოვნებლივ. ასეთი ფაქტები ჩემთვის ცნობილი იყო.

შევამჩნიე, რომ ბინაში ბევრი სურათებია და, ჩემი აზრით, ძალიან კარგი სურათები. ერთი განსაკუთრებით კარგი იყო: სწორი, ფართო გზა ბალში და მზით განათებული ფიქვები.

— ეგ ლევიტანია, — დიდივით, ვითომც არაფერი იყო, ისე თქვა კატკამ.

მაშინ არ ვიცოდი, რომ ლევიტანი მხატვრის გვარია, და გადავწყვიტე, რომ სურათზე დახატულ ადგილს ვრქვა ეს სახელი.

მერე კატკას დიდდემ სახარინიან ჩაიზე მიგვიპატიუა.

— ალექსანდრე გრიგორიევი, აი თურმე როგორი ყოფილხარ — ლაქტომეტრი გაგიტეხია! — მითხრა მან.

დიდდემ მთხოვა ენსკზე შეამბნა რამე. ფოსტის შესახებაც კი ვკითხა.

— ფოსტა?

გაჯავრდა, რომ შე არაფერი გამეგონა ვილაც ბუბენჩიკოვებზე.

— არ იცი ბალი ებრაელების სამლოცველოსთან? ერთი ამას უყურეთ! არ გაუგონია! ვაშლი კი, ალბათ, ბევრჯერ მოგიპარავს. მან ამოიოხრა.

— დიდი ხანია წამოვედით, არ მინდოდა იქიდან წამოსვლა. ოჰ, როგორ არ მინდოდა! სულ ჩვენი ნიკოლაი ანტონიჩის ბრალია. ჩამოვიდა და გამოგვიცხადა, დაელოდებით თუ არ დაელოდებით, ახლა სულ ერთია, მისამართი დავტოვოთ და, თუ საჭირო იქნება, გვიპოვნიათ. ავეჯი სულ გავყიდეთ, აი სულ ეს არის, რაც დაგვრჩა, — და მოსკოვისაკენ გამოვწიეთ.

— დიდება! — მრისხანედ უთხრა კატკამ.

— რა, დიდება?

— ისევ დაიწყე?

— აღარას ვიტყვი, რაც არის, არის. ჩვენ აქაც კარგადა ვართ.

ვერაფერი ვერ გავიგე — ვის ელოდნენ, ან ახლა სულ ერთი რად იყო. მაგრამ გამოკითხვა, რასაკვირველია, არ დამიწყია, მით უმეტეს, რომ თვითონ ნინა კაპიტონოვნამ ლაპარაკი სხვა რალაცაზე გადაიტანა.

ასე გავატარე დრო ჩვენი გამგის სახლში მეორე ტვერსკოი-იამსკოიზე.

გამომშვიდობებისას კატკასაგან წიგნი მივიღე „ელენე რობინ-ზონი“, საწინდრად პატიოსანი სიტყვა მივეცი, რომ არც უდას ვადავლუნავდი და არც ფურცლებს გავაქუჭყიაინებდი.

თავი მუშვიდა

ტ ა ტ ა რ ი ნ ო ვ ე ბ ი

ტატარინოვები უშინამოსამსახუროდა ცხოვრობდნენ და ნინა კაპიტონოვნას მისი ხნოვანებისათვის შეუფერებელი ჯაფა ადგა. მე ვეხმარებოდი. ლუმელებს ერთად ვანთებდით, შეშას ვჩეხავდით, ქურქელსაც კი ვრეცხავდით. ჩრჩილის დაუძინებელი მტერი იყო და უეცრად სრულიად უმიზეზოდ იწყებდა ნივთების ეზოში გაფენას — აქაც უჩემოდ არა ხერხდებოდა რა. მახლობელი უშენიდან რამდენიმე აგური მოვიტანე და სასადილოში ლუმელი შევაკეთე, ბოლი გამოდიოდა, ერთი სიტყვით, ერთიორად ვანაზლაურებდი თევზის სადილებსა, და ბურლულის ფაფებს, რომლითაც დიდება მიმასპინძლდებოდა. და ან რაში მჭირდებოდა ის სადილები. მე მათთან ყოფნა მიზიდავდა. იმათი სახლი ჩემთვის აღიბაბას გამოქვაბულივით საინტერესო იყო მისი განძეულობით, საშიშროებით და გამოცანებით. დიდება ჩემთვის ძვირფასი

განძი იყო, მარია ვასილევნა—გამოცანა, ნიკოლაი ანტონიჩი კი—საშიშროება და უსიამოვნება.

მარია ვასილევნა ქვრივი იყო. ან იქნება არც იყო ქვრივი—ერთხელ გავიგონე, როგორ ამოიოხრა და თქვა ნინა კაპიტონოვნამ: „არც ქვრივია, არც ცოლიო“. მით უფრო უცნაური იყო, რომ ასე ეკლავდა თავს ქმრის გულისთვის! მოლოზანივით მუდამ შავები ეცვა. მედინსტიტუტში სწავლობდა. მაშინ ესეც უცნაურად მეჩვენებოდა: — ჩემის აზრით, დედებს სწავლა არ შეეფერებოდათ. უეცრად გაჩუმდებოდა ხოლმე, აღარავის ელაპარაკებოდა, არსად მიდიოდა—არც ინსტიტუტში, არც სამსახურში, (მსახურობდა კიდევ)—დაჯდებოდა ტახტზე და პაპიროსს სწევდა. მაშინ კატკა იტყოდა ხოლმე, „დედას სევდა შემოაწვიაო“, და ყველანი ერთმანეთზე ჯავრობდნენ, იღუშებოდნენ.

ნიკოლაი ანტონიჩი, როგორც მალე გამოიჩქვია, სულაც არ იყო იმისი ქმარი და, თუმცა უკვე ორმოცდახუთი წლისა იყო, ცოლი არა ჰყავდა.

— ის შენი რა არის?—ვეითხე ერთხელ კატკას.

— არაფერი.

იცრუა. რა თქმა უნდა, რადგან მათ და ნიკოლაი ანტონიჩს ერთი გვარი ჰქონდათ. ის კატკას გარეშე ბიძად მოხვდებოდა.

ღვიძლი ბიძა არ იყო, მაგრამ მაინც ხომ ბიძა იყო, ესენი კი ცუდად ექცეოდნენ. ესეც საკმაოდ უცნაურად მეჩვენებოდა, როცა იგი ყველას მიმართ ძალიან, თითქმის მეტისმეტი ყურადღებანიც კი იყო.

დიდედას კინო უყვარდა, არც ერთ სურათს არ გამოტოვებდა ხოლმე, მუდამ ნიკოლაი ანტონიჩი მისდევდა თან, წინასწარაც კი იღებდა ბილეთებს. ვახშამზე დიდედა ყოველთვის გატაცებით ჰყვებოდა სურათის შინაარსს (ასეთ წუთებში, სხვათა შორის, ძალიან ჰგავდა კატკას). ნიკოლაი ანტონიჩიც მოთმინებით უსმენდა,—თუნდაც ისიც მასთან ერთად დაბრუნებულყო კინოდან.

დიდედას მგონი ებრალებოდა იგი. ერთხელ ვნახე, როგორ უჯდა ნიკოლაი ანტონიჩი პასიანსს, თავი დაბლა დაეხარა და ჩაფიქრებული მაგიდაზე თითებს ათამაშებდა, დიდედა კი სიბრაღით უყურებდა.

მარია ვასილევნას კი სულაც არ ებრალებოდა! რას არ აკეთებდა ნიკოლაი ანტონიჩი იმისი გულისთვის! თეატრის ბილეთები

მოჰქონდა, თვითონ კი შინ რჩებოდა; მოჰქონდა ყვაილები. მე გავიგონე, როგორა თხოვდა, სამსახურისათვის თავი დაენებებინა, თავს გაფრთხილებოდა. ასეთივე ყურადღებიანი იყო მისი სტუმრების მიმართაც. საკმარისი იყო მარია ვასილევნასთან ვინმე მოსულიყო, რომ ისიც ხელად იქ გაჩნდებოდა, ძალიან გულგაშლილი, მხიარული, სტუმარს გრძელ მუსაიფს გაუბამდა ხოლმე, მარია ვასილევნა კი იჯდა ტახტზე მოღუშული, შუბლშეკრული და პაპიროსს აბოლებდა.

განსაკუთრებით თავაზიანი იყო ნიკოლაი ანტონიჩი, როცა კორაბლიოვი მოვიდოდა ხოლმე. ექვს გარეშეა, „ულვაშებს“ იგი თავის სტუმრადა სთვლიდა, რადგანაც წამსვე თავის ოთახში, ან სასადილო ოთახში გაიყვანდა და საქმეზე ლაპარაკს არ დააყლიდა. საერთოდ, კორაბლიოვის მოსვლაზე ყველანი გამოცოცხლდებოდნენ ხოლმე, განსაკუთრებით მარია ვასილევნა. ახალ თეთრსაყელოიან კაბაში სუფრასთან ტრიალებდა, თვითონვე შლიდა და უფრო ლამაზი ჩანდა. ზოგჯერ გაიცინებდა კიდევ, როცა კორაბლიოვი სარკის წინ ულვაშებს გადაივარცხნიდა და დიდებას აშკარად დაუწყებდა ხოლმე არშეიკობას. ნიკოლაი ანტონიჩიც იცინოდა და ფითრდებოდა. ასეთი უცნაური ჩვეულება ჰქონდა — სიცილისაგან ფითრდებოდა.

მე არ ვუყვარდი — მაგრამ დიდხანს ვერა ვხვდებოდი ამას. პირველ ხანებში მხოლოდ უკვირდა, როცა შევეფეთებოდი. შემდეგ სახის შექმუხვნა და ცხვირით ჰაერის უცნაური შესუნთქვა დაიწყო. მერე ქუთის სწავლებას მოჰყვა.

— როგორა თქვი — „მადლობა“? — გაიგონა, რომ მე მოხუცებულს ერთხელ მადლობა გადავუხადე. — იცი, რა არის „მადლობა“? გახსოვდეს, რომ შეიძლება მთელი შენი ცხოვრებაც იმის მიხედვით წარიმართოს — როგორ გესმის შენ ეს სიტყვა, იცი თუ არ იცი იგი. ჩვენ აღამიანთა საზოგადოებაში ცხოვრობთ და ამ საზოგადოების ერთ-ერთ მამოძრავებელ ძალად მადლობის გრძნობა ითვლება. იქნებ იცი კიდევ, რომ მე ოდესღაც ძმა მყავდა. მრავალჯერ, მთელი მისი სიცოცხლის მანძილზე მე მას როგორც ზნეობრივ, ისე ნივთიერ დახმარებას ვუწევდი. იგი უმადური აღმოჩნდა. მერე? ამან დამლუპველად იმოქმედა მის ბედზე.

ვუსმენდი და თითქოს შარვალზე დადებულ საკერებლებსა ვგრძნობდი. დიახ, ჩექმებიც ცუდი მაცვია, პატარა ტანისა ვარ, მუჰყიანი და გეტად ფერმკრთალი. მე სხვა ვარ, ისინი კი — ტა-

ტარინოეები, სულ სხვანი. ისინი კვეიანები და ნასწავლები არიან, მე—სულელი. ბევრი რამ მქონდა დასაფიქრებელი.

ჰო, ისიც უნდა გითხრათ, რომ ნიკოლაი ანტონიჩი მარტო ჩემთან როდი ლაპარაკობდა თავის ბიძაშვილზე. ეს მისი საყვარელი თემა იყო. ამტკიცებდა, რომ მთელი ჩემი სიცოცხლე მასზე ვზრუნავდი, ბავშვობის წლებიდან მოყოლებული, გენიჩესკში, აზოვის ზღვის პირას. ბიძაშვილი ღარიბი მეთევზის ოჯახიდან იყო და, რომ ნიკოლაი ანტონიჩი არა, — ისიც ისეთივე მეთევზე იქნებოდა, როგორც მისი მამა, პაპა და ყველა წინაპრები იყვნენ, მთელი შვიდი თაობა. ნიკოლაი ანტონიჩმა, რაკი „ბავშვს არაჩვეულებრივი ნიჭი და წიგნის სიყვარული შეამჩნია“, გენიჩესკიდან დონის როსტოვში გადაიყვანა და მეზღვაურთა სკოლაში მოაწყო. ზამთრობით „ყოველთვიურ დახმარებას“ აძლევდა, ზაფხულობით კი აწყობდა მეზღვაურად გემებზე, რომლებიც ბათუმსა და ნოვოროსიისკის შორის დადიოდნენ. თავისივე უშუალო მონაწილეობით ძმა ფლოტში მოაწყო და გამოცდა ჩააბარებინა მეზღვაურ პრაპორშჩიკობაზე. დიდი გაკვირვებით მიიღო ნიკოლაი ანტონიჩმა ძმისთვის ნებართვა საზღვაო სასწავლებლის კურსის ჩასაბარებლად და ფულითაც დაეხმარა, როცა საზღვაო სასწავლებლის დამთავრების შემდეგ მას ახალი ფორმის ტანისამოსი უნდა შეეყვრა. ერთი სიტყვით, ნიკოლაი ანტონიჩმა ბევრი რამ გაუკეთა, — გასაგებია, ასე რად უყვარდა ძმის მოგონება. ლაპარაკობდა ხოლმე დინჯად, დაწვრილებით და ქალები რაღაც დაძაბული სასოებით უსმენდნენ მას.

არ ვიცი რატომ, მაგრამ ასეთ წუთებში მეჩვენებოდა, თითქოს ისინი თავს დავალებულადა თვლიდნენ ყველაფერი იმის გამო, რაც მას თავის ძმაზე ეამაგნა.

მართლაც დავალებულები იყვნენ — და ვერც ამოვიდოდნენ იმის ვალიდან, რადგანაც ის ძმა, რომელსაც ნიკოლაი ანტონიჩი ხან „განსვენებულს“ და ხან „უგზო-უკვლოდ დაკარგულს“ უწოდებდა, მარია ვასილევნას ქმარი იყო და, მაშასადამე, კატკას მამა. ყველაფერი, რაც ბინაში მოიპოვებოდა, წინათ მას ეკუთვნოდა, ახლა კი მარია ვასილევნას და კატკას საკუთრება იყო. სურათებიც, რომლებშიაც მოხუცებულის სიტყვით „ტრეტიაკოვკა დიდ ფულს იძლეოდა“, და რაღაც „დაზღვევის პოლისიც“, რომლითაც მას პარიზის ბანკიდან რვა ათასი მანეთი ერგებოდა.

ასეთი რთული საქმეები და უფროსთა ურთიერთდამოკიდებუ-

ლებს ყველაზე ნაკლებად ერთ ადამიანს—კატკას აინტერესებდა. იმას თავისი, უფრო მნიშვნელოვანი საქმეები აწუხებდა,—ენსკში დარჩენილ ორ ამხანაგთან მიწერ-მოწერა ჰქონდა და თან ყველგან ჰთანტავდა ამ წერილებს და, ვინც არა მგონია, ყველა კითხულობდა, სტუმრებიც კი. რასაც მეგობრები სწერდნენ, ისიც სწორედ იმასვე სწერდა. ამხანაგი მაგალითად სწერს, რომ სიზმარი ნახა, ვითომ საფულე დაჰკარგა და უეცრად მიშკა კუპცოვი— „გახსოვს, გწერდი“,—მოდის და იმას უქირავს ხელში. კატკაც უპასუხებდა, რომ სიზმარი ნახა, რაღაც დაჰკარგოდა— უკვე არა საფულე, არამედ კაბის გულში ჩასადგმელი ნაქერი ან მაკმანი, და შურკა გალუბენცოვმა— „გახსოვს, რომ გწერდი“,—იპოვა და მოიტანა. მეგობარი სწერს, რომ კინოში იყო, და კატკაც უპასუხებს, რომ ისიც კინოში იყო თუნდ სახლიდან ფეხიც არ გაედგა. მერე მივხვდი, რომ მეგობრები მასზე უფროსები იყვნენ და კატკა მათ ჰბაძავდა.

სამაგიეროდ, თავის კლასელებს საკმაოდ მკაცრად ექცეოდა. შეტადრე ერთსა სჩაგრადა, რომელიც თავის თავს კირენს უწოდებდა—თუმცა ტატარინოვებთანაც ყველანი ასე უძახდნენ. კატკა ჯავრობდა, რომ კირენს კითხვას არ უყვარდა.

— კირკა, „დუბროვსკი“ წაგიკითხავს?

— წამიკითხავს.

— ტყუი!

— პირში მომაფურთხე, თუ ვტყუოდე.

— მაშ, მიპასუხე, რატომ არ მისთხოვდა მაშა დუბროვსკის?

— მისთხოვდა.

— დილა მშვიდობისა!

— მე კი წაგიკითხე, რომ მისთხოვდა.

კატკამ გადაწყვიტა, მეც სწორედ ასევე შევემოწმებინე, როცა „ელენე რობინზონი“ დაეუბრუნე. მაგრამ ვერ მივართვი! რომელი ადგილიდანაც არ უნდა დაეწყო, მე ზეპირად განვაგრძობდი. საერთოდ არაფერი აკვირვებდა და მხოლოდ ესა თქვა:

— კაჭკაჭივით გაგიზეპირებია.

უნდა ვიფიქროთ, რომ თავის თავს ელენე რობინზონზე ნაკლებად არა სთვლიდა და დარწმუნებული იყო, რომ ისეთსავე საშინელ პირობებში ისიც მასზე ნაკლებ გამბედაობას არ გამოიჩენდა. მაგრამ ჩემი აზრით, ასეთი არაჩვეულებრივი ფათერაკებისათვის თუ ემზადები, არ შეიძლება ასე გაუთავებლად სარკის წინ ტრიალი,

მით უმეტეს, რომ უდაბურ კუნძულებზე სარკეები არ არის. კატკა ერთთავად სარკის წინ იყო დარქობილი.

იმ ზამთარს, როდესაც მე ტატარინოვებთან სიარული დავიწყე, კატკა აფეთქებებით იყო გატაცებული. თითები მუდამ გარუჯული ჰქონდა და ერთთავად თოფის წამლის სუნი ასდიოდა, როგორც ერთ ღროს პეტკას. წიგნებში, რომლებსაც წასაკითხად მაძლევდა, ყველგან ბერთოლეს მარილი იყო ჩაპნეული. უეცრად აფეთქებები მოიმწვანინა და კატკა „აღმოჩენათა საუკუნეს“ ჩაუჯდა.

ეს იყო საუცხოო წიგნი—XV-XVI საუკუნეების შესანიშნავი ზღვაოსნების და ახალი ქვეყნების დამპყრობელთა—ქრისტიანთა კოლუმბის, ფერდინანდ კორტესის და სხვათა ბიოგრაფიები.

ეს წიგნი იმ დიდი ხალხის მიმართ გულწრფელი აღტაცებით იყო დაწერილი. მათ ოვალურ პორტრეტებს შორეულ კარაბელთა ფონზე თითქოს ახლაც ვხედავ.

ამერიგო ვესპუჩი, ვისი სახელიც ჰქვია ამერიკას, დახატული იყო გლობუსის წინ ცირკულით, რომელიც გადაშლილ წიგნზე უღვეს—წვერულვაშიანი, მხიარული და ცბიერი. ვასკო ნუნეს ბალბოა—აბჯარასხმული და ფრთით დამშვენებული მუზარადით, მუხლამდე წყალში ჩამდგარი. მე მეგონა, რომ ეს რომელიმე ჩვენი რუსი ვასკაა, რომელსაც წყნარ ოკეანემდე მიუღწევია. მეც გატაცებული ვიყავი, მაგრამ კატკა! ეს წიგნი დღედაღამ პირზე ეკერა. რალაც გაბრუებულივით დადიოდა და ფხიზლდებოდა, მგონი, მიოლოდ იმიტომ, რომ ეცნობებინა „ტლასკალანტების კეთილი სურვილებით თანხლებული კორტესი სალაშქროდ გაემგზავრა და რამდენიმე დღის შემდეგ მქიდროდ დასახლებულ ხალხმრავალ ინკების დედაქალაქში შევიდა“.

კატკას, „აღმოჩენათა საუკუნემდე“ უბრალოდ ვასენა ერქვა, ახლა იპტაქუხუატლი დაარქვა—მექსიკაში თურმე ასეთი მთის მწვერვალი ყოფილა. მეორე მთის მწვერვალით პოპოკატეპეტლით ის ნინა კაპიტონოვნას უტრიალებდა, მაგრამ არაფერი გამოუვიდა, რადგანაც ნინა კაპიტონოვნა თუ არა „ღიღედა“, სხვა დაძახებაზე ყურს არ ათხოვებდა.

მოკლედ, თუ კატკა სერიოზულად ნანობდა რამეს, ეჭვს გარეშეა, ნანობდა მხოლოდ იმას, რომ სხვამ და არა იმან დაიპყრო მექსიკა, აღმოაჩინა და დაიპყრო პერუ. მაგრამ ჯერ მომავალი წინ იყო. მე ვიცოდი, რაზე ოცნებობდა. იმას უნდოდა კაპიტანი გაოსულიყო.

სკოლის თეატრი

თითქოს კარგის გარდა, ცუდის რის მოლოდინი უნდა მქონოდა ამ ნაცნობობიდან? მაგრამ ნახევარი წელიც არ გასულა, რამე სახლიდან გამომავდეს..

ეს ამბავი სკოლის თეატრიდან დაიწყო. სკოლის თეატრის ამბავი კი იქიდან დაიწყო, რომ ერთ მშვენიერ დღეს კორაბლიოვმა შეცადინებობაზე გამოაცხადა, ამ დღეებში სააქტო დარბაზში წარმოდგენა შესდგებაო.

დიდი ხანია წავილა ის დრო, როცა მეხუთე კლასის კრებაზე „ბრკეალები“ მოითხოვდა ბოიკოტი გამოეცხადებინათ საძაგელ „უღვაშებისათვის“. უკვე აღარავის აღარ აბრაზებდა ჩვენი გეოგრაფის გრძელი ფეხები, მისი წესრიგისადმი სიყვარული და ისიც კი, რომ, როგორც ცნობილია, „სხვის საქმეებში ცხვირის ჩაყოფა უყვარს“. ერთი აპატიეს იმიტომ, რომ ცოცხალი იოგები ნახა ინდოეთში, მეორე იმიტომ, რომ დამპალ კვერცხებსა ქამდა ჩინეთში. ახლა ახალი ოინი მოიგონა—სკოლის თეატრი. თეატრისათვის საჭირო იყო რეჟისორები, მსახიობები, მხატვრები, დურჯლები. თერძები და უეცრად აღმოჩნდა, რომ ყველა ამ ხელობის წარმომადგენლები ჩვენ სკოლაში სწავლობენ. პოეტი-დრამატურგიც კი გვეოლია—ნასტია შჩეკაჩევა.

სამწუხაროდ, ცუდად მახსოვს ტრაგედია „დადგა ჟამი“, რომლითაც ჩვენი თეატრის პირველი სეზონი გაიხსნა. მისი შინაარსი მგონი ასეთი იყო: ვინმე უშვილო ბარონესა შვილად აიყვანს ბავშვს და არ იცის, რომ ის ბავშვი ებრაელია. მაგრამ ეს იცის უარყოფითმა ტიპმა—შანტაჟისტკა გადიამ. იგი თხოულობს ფულს, წინააღმდეგ შემთხვევაში, ემუქრება, რომ მთელ ქვეყანაზე თავს მოგჭირო. ამასობაში ბავშვი უკვე გაიზარდა და ახლა ცოლის შერთვას აპირებს. აი სწორედ აქ იწყებოდა ტრაგედია.

ცოტა უცნაური იყო, რომ ჩვენს თეატრში ივან პავლიჩი (ასე ერქვა კორაბლიოვს) ყველა საუკეთესო როლებს იმ ბავშვებს აძლევდა, რომლებზეც დიდი ხანია ხელი ჰქონდათ ჩაქნეული. ტრაგედიაში „დადგა ჟამი“ შვილობილის როლს—კეთილშობილ გმირს და დადებით ტიპს—ასრულებდა გრიშკა ფაბერი, პედაგოგების რისხევა და პირველი ჩსუბისთავი. კარგად თამაშობდა, ოღონდ ქალიანა ყვიროდა. თერთმეტჯერ გამოიძახეს! კულისებში თავი-

ვით გაწუწული იდგა, აღლეებისაგან კანკალებდა და ყურებს არ-
უჯერებდა. იმას კი იძახებდნენ და იძახებდნენ. გრიშკამ სახელი
გაითქვა. შემდეგ ეს განთქმული მსახიობი მეტისმეტად გაამაყდა-
მაგრამ ხულიგნობას თავი დაანება.

ერთი სიტყვით, თეატრმა სრულიად საწინააღმდეგო გავლენა
მოახდინა მეოთხე სკოლაზე. ბავშვები, რომლებიც სკოლაში „იმდენ-
ნად სამეცადინოდ არ მოდიოდნენ, რამდენადაც გამოსაკვებად“,
როგორც კორაბლიოვი ამბობდა, უეცრად „შრომითს ურთიერთო-
ბაში აღმოჩნდნენ“.

სხვათა შორის, ტრაბახით არ ვამბობ და, ეს შესანიშნავი
თეატრი იყო. ჩვენ გასტროლებზეც კი დავდიოდით სხვა სკოლებში.

ყოველ დღე კორაბლიოვთან მივდიოდით,—ის ვოროტნიკოვზე
ცხოვრობდა და ვუსმენდით, როგორ ატარებდნენ რეპეტიციებს.
ჩვენი მსახიობები. რეპეტიცია გრიშკა ფაბერის მონაწილეობით
შეიძლებოდა პირდაპირ ეზოდან მოგესმინათ, ისე გაჰყვიროდა-
საერთოდ ძალიან საინტერესო იყო. ჯერ აფიშებს ვაკრავდი,
მერე აფიშებს ვხატავდი—და ერთი აფიშა ზედ დახატული მწვა-
ნე თუთიყუშით ისეთი კარგი გამოვიდა, რომ კორაბლიოვმა სახ-
სოვრად წაიღო.

მეოთხე სკოლის შესახებ ალაპარაკდნენ მოსკოვში, მეოთხე
სკოლაში კი ალაპარაკდნენ კორაბლიოვის შესახებ. ის იყო მთავა-
რი რეჟისორი, იგივე მთავარი გრიმიორი, ბუტაფორი და დეკო-
რატორი. უფროსი კლასის გოგონებმა უეცრად აღმოაჩინეს, რომ
კორაბლიოვი ლამაზია. არა, ლამაზი კი არა, ეშხიანი. მერე რა,
ის მართლაც ეშხიანი იყო, განსაკუთრებით, როცა ახალ რუხ
კოსტუმში გამოწყობილი მოვიდოდა ხოლმე, ხმელ-ხმელი, ტანადი,
ო უთუნს გრძელ მუნდშტუკით ეწეოდა, სიცილის დროს უღვაშებს
იგრეხდა.

არ ვიცი, სხვა პედაგოგებს მოეწონათ თუ არა ჩვენი თეატრი,
ნიკოლაი ანტონიჩი კი ყოველ პრემიერაზე პირველ რიგში იჯდა
და ყველაზე მეტ ტაშს ის უკრავდა. ალბათ, მოეწონა. მაგრამ
მგონი დიდად არ იყო კმაყოფილი იმით, რომ ახლა სკოლაში
პირზე ყველას კორაბლიოვის სახელი ეკერა. „ივან პავლიჩს ვეტყვი“,
„ივან პავლიჩმა გამგზავნა“ და ასე შემდეგ. მე მგონი, სულაც არ
იყო გონიერული ნიკოლაი ანტონიჩთან ერთთავად იმის ლაპარაკი,
რომ თურმე რა კარგი ყოფილა კორაბლიოვი.

ნიკოლაი ანტონიჩი ინტერესით ისმენდა, თითებს ათამაშებდა, იცინოდა და ფითრდებოდა.

და აი უეცრად კატასტროფა მოხდა.

თავი მიცხრა

კორაბლიოვი წინადადებას უკეთებს.

პელაგოვიური მოვალეობა

კვირა დღე იყო და ტატარინოვები სადილად სტუმრებს ელოდნენ. კატკა ხატავდა „აღმოჩენის საუკუნედან“ „ესპანელების პირველ შეხვედრას ინდიელებთან“. მე კი ნინა კაპიტონოვამ სამზარეულოში მიკრა თავი. ოდნავ აღელვებული იყო, ყური სულ კარისაკენ ჰქონდა და წამდაუწუმ მეუბნებოდა:

— ჩ.ჩ. ზარია!

— ქუჩიდან ისმის, ნინა კაპიტონოვნა.

მაგრამ ყური მაინც იკითქენა ჰქონდა.

ბოლოს სასადილო ოთახში გავიდა და ზარი გამოეპარა. კარი მე გავაღე—შემოვიდა კორაბლიოვი, ღიაფერის თხელი პალტო ეცვა, ღიაფერისავე ქუდი ეხურა, ასე მორთულს პირველად ვხედავდი.

ხმა ოდნავ ჩაუწყდა, როცა მარია ვასილევნა იკითხა, შინ არის თუ არაო. მე ვუთხარი: „ღიახ“-მეთქი. მაგრამ კიდევ რამდენიმე წამს არ გაუხდია, ისე იდგა. მერე მარია ვასილევნასთან შევიდა. ნინა კაპიტონოვნა კი სასადილო ოთახიდან ფეხაკრეფით გამოვიდა. რატომ ფეხაკრეფით, რატომ ასეთი მღელვარე და იღუმალი გამომეტყველებით?

ამ წუთიდან საქმე ცუდად წაგვივიდა. ნინა კაპიტონოვნას, რომელიც კარტოფილსა ფცქენიდა, დანა უვარდებოდა ხელიდან. თითქოს რალაციისთვის გარბოდა სასადილო ოთახში და ფეხაკრეფით, ხელცარიელი ბრუნდებოდა. ყოველ მოსვლაზე ახალი კარტოფილის ფცქენას იწყებდა და ამგვარად კალათში ახლა საკმაოდ ბევრი მხოლოდ ცალი გვერდიდან გაფცქენილი კარტოფილები დაგვიგროვდა. მაგრამ თავგზა სულ ამებნა, როცა ნინა კაპიტონოვნამ ერთ-ერთი ასეთნაირად გაფცქენილი კარტოფილი წვრილად დასკრა და დაფიქრებულმა წვენიში ჩაუძახა. ღიახ, ის რალაცი ფიქრით იყო შეპყრობილი, რა ფიქრით? სულ მალე გავიგე ეს. ნინა კაპიტონოვნა იმ ადამიანებს არ ეკუთვნოდა. რომელთაც საიდუმლოების შენახვა შეუძლიათ.

ჯერ უხმოდ ბრუნდებოდა და მხოლოდ ხელებით საიდუმლოდ რაღაცას მანიშნებდა, რაც დაახლოებით ასე შეიძლებოდა გაგეგოთ: „ღმერთო ჩემო, ნეტავი რა მოხდება“.

შემდეგ ბუტბუტს მოჰყვამო. მერე ამოიოხრა და ლაპარაკი დაიწყო: ახალი ამბავი არაჩვეულებრივი იყო. კორაბლიოვი მარია ვასილევნას ხელის სათოვონელად მოსულიყო. რა იყო ხელის თოვონაჲ შე, რა თქმა უნდა, არ ვიცოდი. მას უნდოდა მარია ვასილევნას შერთვა და საკითხავად მოვიდა—თანახმაა თუ არა.

თანახმაა, თუ არ არის თანახმა? მეც რომ არა ვყოფილიყავი სამზარეულოში, ნინა კაპიტონოვნა სწორედ ასევე იმსჯელებდა თავის ქვაბებთან და ქოთნებთან. მას ჩუმად ყოფნა არ შეეძლო.

— ეუბნება, ყველაფერს შემოგწირავ, მთელ სიცოცხლეს, —მაცნობა სასადილო ოთახიდან დაბრუნების შემდეგ, —არაფერს დავინანებო.

მე ყოველ შემთხვევისათვის ვუთხარი:

— მერე?

— არაფერს არ დავინანებ. —დიდი ამბით გაიმეორა ნინა კაპიტონოვნამ. —გული მტკივა, თქვენს ცხოვრებას რომ ვუყურებო.

ის-ის იყო, კარტოფილს უნდა მიბრუნებოდა, მაგრამ ისევ გავიდა და თვალცრემლიანი დაბრუნდა.

— ეუბნება, ყოველთვის ოჯახის შექმნის სურვილი მქონდაო, —გადმომცა ნინა კაპიტონოვნამ ცრემლების ყლაპვით, —მარტოხელა კაცი ვიყავი და ახლა მე თქვენს მეტი არავინ მინდა, დიდი ხანია თქვენ მწუხარებას ვიზიარებო და ბევრი რამ ამგვარი.

„და ბევრი რამ ამგვარი“, ნინა კაპიტონოვნამ თავის მხრივ დაუმატა. ათიოდე წუთის შემდეგ ისევ გავიდა და შეწუხებული დაბრუნდა.

— ეუბნება, აღარ შემიძლია, დამქანცა ამ ხალხმა, —თქვა ნინა კაპიტონოვნამ თვალების ხამხამით. —მუშაობაში ხელს მიშლიან. ხომ იცით, ვიზედაც ვლაპარაკობ. დამიჯერეთ, რომ ის კაცი საშინელიაო.

ნინა კაპიტონოვნამ ამოიოხრა და დაჯდა.

— არა, არ გაჰყვება. ქალი ცხოვრებისაგან დაჩაგრულია —კორაბლიოვიც უკვე ხანშია.

არ ვიცოდი, ამაზე რა მეპასუხა, და, ყოველ შემთხვევისათვის, ისევ —მარტლა-მეთქი? —ვკითხე.

— „ღამერწმუნეთ, რომ ის კაცი საშინელიაო“, —დაფიქრებულმა გაიმეორა იმან. —იქნებ! ღმერთო, შენ მიშველე! იქნებ...

მე უხმოდ ვიჯექი. სადილს ყურს აღარავინ უგდებდა, წყლის თეთრი ბუშტები ქურაზე დაგორავდნენ, წყალი, რომელშიც კარტოფილი ტივტივებდა, გაქანებული დულდა.

მოხუცი ისევ გავიდა და ამჯერად თხუთმეტიოდე წუთი დაჰყო სასადილო ოთახში. როცა დაბრუნდა, თვალები მოქუტა და ხელები გაასაფსავა.

— არ გაჰყვა,—გამოაცხადა მან.—უარი უთხრა. ღმერთო, შენ მიშველე! რა ვაეკაცია!

მგონი, თვითონაც არ იცოდა კარგად, გახარებოდა თუ სწყენოდა, რომ მარია ვასილევნამ კორაბლიოვს უარი უთხრა.

— საბრალო!—ვთქვი მე.

ნინა კაპიტონოვნამ გაცეცებით შემომხედა.

— განა არ შეიძლებოდა გაჰყოლოდა,—დავუმატე მე,—მარია ვასილევნა ჯერ კიდევ ახალგაზრდაა.

— გეყოფა ბოდვა...—ის იყო გაჯავრებით დაიწყო ნინა კაპიტონოვნამ.

უეცრად შედიდური და დინჯი სახე მიიღო, სამზარეულოდან გავიდა და დერეფანში კორაბლიოვს შეხვდა. კორაბლიოვს სახეზე ფერი აღარ ედო. მარია ვასილევნა კარებში იდგა და უხმოდ უყურებდა, როგორ იცვამდა კორაბლიოვი. მარია ვასილევნას ნამტი-რალევი თვალები ჰქონდა.

— საბრალო, საბრალო,—თითქოს თავისთვის წაილაპარაკა ნინა კაპიტონოვნამ.

კორაბლიოვმა ხელზე აკოცა, იმან კი შუბლზე,—ნინა კაპიტონოვნა თეხის წვერებზე შედგა. კორაბლიოვი კი დაიხარა.

— ივან პავლიჩ, თქვენ, ჩემი მეგობარი და ჩვენი მეგობარი ხართ,—უთხრა ნინა კაპიტონოვნამ დარბაისლური სიდინჯით,—და უნდა იცოდეთ, რომ ჩვენს ოჯახში, როგორც საკუთარ სახლში, ისე უნდა იყოთ. მაშასიტყვი პირველი მეგობარი ხართ—მე ეს ვიცი და მაშამაც იცის ეს.

კორაბლიოვმა უხმოდ დაუკრა თავი. ძალიან მებრალებოდა. ვერ გამეგო, რად უთხრა უარი მარია ვასილევნამ. ჩემი აზრით, შესაფერი წყვილი იყო.

ეტყობა, მოხუცი ელოდა, რომ მარია ვასილევნა დაუძახებდა და უამბობდა, როგორ სთხოვა კორაბლიოვმა, ცოლად გაჰყოლოდა, და როგორ უთხრა მან უარი. მაგრამ მარია ვასილევნას მისთვის

არ დაუძახნია. პირიქით, თავის ოთახში ჩაიკეტა და გვესმოდა, ბოლთას როგორა სცემდა იქ. ჩერდებოდა და ხელახლა იწყებდა სიარულს.

კატკამ დაამთავრა „ესპანელების პირველი შეხვედრა ინდიელებთან“ და უნდოდა დედისთვის ეჩვენებინა, მაგრამ მარია ვასილევანამ კარი არც კი გაუღო, ისე გამოსძახა ოთახიდან, „მერე მაჩვენე, შეილოო“.

საერთოდ კორაბლიოვის წასვლის შემდეგ სახლში რალაც მოწყენილობა ჩამოვარდა და კიდევ უარესი მოწყენილობა ჩამოწვა, როდესაც მხიარული ნიკოლაი ანტონიჩი მოვიდა და გამოაცხადა, სადალად სამი კაცი კი არა, როგორც მეგონა, ექვსი კაცი მოვაო.

მეტი რა ჩარა ჰქონდა ნინა კაპიტონოვნას, უნდა გულიანად მიეხედა სადილისთვის და კატკაც კი მოიწვია ქიქით ცომის დასაქრელად. კატკა ძალიან ენერგიულად შეუდგა თავის საქმეს, გაწითლდა, ცხვირ-პირი და თმები მთლად ფქვილში ამოვებანგლა, მაგრამ მალე მოიმწვანა და გადაწყვიტა ქიქით კი არა, ძველი საშელნით ამოეჭრა, რათა რკალების ნაცვლად ვარსკვლავები გამოსულიყო.

— დიდება, სილამაზისათვის, — ვედრებით უთხრა ნინა კაპიტონოვნას.

მერე ვარსკვლავებიც გადაზილა და გამოაცხადა, ჩემ ნამცხვარს ცალკე გამოვაცხობო. ერთი სიტყვით, მისგან ხეირი არ იყო.

ექვსი კაცი მოვა სტუმრად! ნეტა ვინ იქნებიან? სამზარეულოდან ვიყურებოდი და ვთვლიდი.

პირველად სასწავლო ნაწილის გამგე რუჟიჩეკი გეახლათ, რომელსაც მეტსახელად კეთილშობილ ფადეის ეძახდნენ. არ ვიცი, საიდან მოიგონეს ეს სახელი, ყველამ კარგად იცოდა, რა კეთილშობილიც იყო! იმას მოჰყვა სქელი და მელიოტი სასაცილო წოწოლათავეიანი მასწავლებელი ლიხო. იმას კიდევ ვილაც-ვილაცეები მოჰყვნენ, სულ პედაგოგები. შემდეგ მოვიდა „ნიმკა“, იგივე „ფრანკუჟანკა“ — გერმანულისა და ფრანგულის მასწავლებელი. მოვიდა ჩვენი სერაფიმა გულზე საათით და სულ ბოლოს მოულოდნელად მერვეკლასელი ვოზნიკოვი მოფრატუნდა. ეს ვოზნიკოვი ტიპიური „ლიადოველი“ იყო, სუფთად იცვამდა, ბალთიან ჭამარს ატარებდა. ბალთაზე მ. ლ. რ. ს. ეწერა, ესე იგი მოსკოვის ლიადოვის რეალური სასწავლებელი. ვოზნიკოვი სკოლის საბჭოში უფროსი კლასების წარმომადგენელი გახლდათ.

საერთოდ, აქ თითქმის მთელ სკოლის საბჭოს მოეყარა თავი. საკმაოდ უცნაური იყო, სადილად თითქმის მთელი სკოლის საბჭო დაჰპატიჟო.

სამზარეულოში ვიჯექი და ყურს ვუგდებდი იმათ ლაპარაკს. კარები ღია იყო. ჯერ ლიხომ ილაპარაკა „კვების პროდუქტებისა“ და ახალი ფულის შესახებ. დღეს კარაქი თოთხმეტი მილიონი ღირს, ხვალ კი ოცი კაპიკი ეღირება, როგორც ომამდე. დღეს მეფხოვეს ათ მილიონს აძლევენ, ხვალ კი—ათ კაპიკს მისცემენ და ის თავს დაბლა დაგვიკრავს და მადლობასაც გვეტყვისო“.

— მე კი სულელმა ეს არის ახლა ორას ოცდაათ მილიონად გავყიდე სუფრა.—ამოოხვრით თქვა სერაფიმა პეტროვამ.

შემდეგ კორაბლიოვზე ჩამოაგდეს ლაპარაკი. ერიჰა, თურმე იგი საბჭოთა ხელისუფლებას მიელაქუცა. ტყავიდანა ძვრება, რომ „კარიერა გაიკეთოს“. უღვაშებს იღებავს. ეს მავნე აურზაური თეატრისა იმიტომ წამოიწყო, რომ „პოპულარობა მოეპოვებინა“. ცოლი ჰყოლია და საფლავში ჩაუყვანია საწყალი ქალი. კრებებზე თურმე „ნიანგის ცრემლებსა“ ღვრის.

მე არ ვიცოდი, რა იყო „ნიანგის ცრემლები“, მაგრამ ამ სიტყვებთან ერთად წარმომიდგა კორაბლიოვი: მარია ვასილევნას ოთახიდან რომ გამოდიოდა, გაფითრებული, ჩამოშვებული, თითქოს მიწებებული უღვაშებით, და უეცრად მივხვდი, რომ ყველა ესენი ტყუიან: ცოლის ამბავსაც, თეატრისასაც და „ნიანგის ცრემლებზეც“, რასაც არ უნდა ნიშნავდეს ეს ცრემლები. ესენი მისი მტრები არიან, ის მტრები, რომელთა შესახებაც სწორედ დღეს ეუბნებოდა მარია ვასილევნას: „დამალა ამ ხალხმა. მუშაობაში ხელს მიშლიანო“.

ვიდრე „ნიანგის ცრემლებზე“ დაიწყებდნენ, ეს ჯერ უბრალო ლაპარაკი იყო. მაგრამ აი გაისმა ნიკოლაი ანტონიჩის ხმა და მე მივხვდი, რომ ეს უბრალო ლაპარაკი კი არა, შეთქმულებაა. მათ კორაბლიოვის სკოლიდან გაგდება სურდათ.

ნიკოლაი ანტონიჩმა შორიდან დაიწყო.

— პედაგოგიკა გარეშე აღმზრდელით ფაქტორთა რიცხვში ყოველთვის ითვალისწინებდა ხელოვნებასაც.

შემდეგ კორაბლიოვზე გადავიდა და უპირველესად ყოვლისა „კუთვნილი მიუზლო მის ნიქს“. თურმე ჩვენ ხელი არა გვაქვს „მისი განსვენებული ცოლის დაღუპვის მიზეზებთან,“— ჩვენ გვინ-

ტერეს... მხოლოდ „ზომა და ხარისხი მისი ზემოქმედებისა ბავშვებზე“. ჩვენ გვალელებს ის მაინც მიმართულება, რომლისკენაც მიჰყავს ივან პავლიჩს სკოლა, და მხოლოდ ამიტომ უნდა მოვიქცეთ ისე, როგორც გვიკარნახებს პედაგოგიური მოვალეობა— „ლოიალურ საბჭოთა მოქალაქეების მოვალეობა“.

ნინა კაპიტონოვნა გაჯავრებული აბუზღუნდა, ქახაქუხი აუყენა ცარიელ თეფშებს და კარგად ველარ გავიგონე, რას უკარნახებს ნიკოლაი ანტონიჩს მისი პედაგოგიური მოვალეობა. მაგრამ, როცა ნინა კაპიტონოვნამ სასადილო ოთახში მეორე თავი გაიტანა, საერთო ლაპარაკიდან გავიგე, რას აპირებდნენ.

ჯერ ერთი, სკოლის საბჭოს უახლოეს კრებაზე კორაბლიოვს წინადადება მიეცემა „დაკმაყოფილდეს პროგრამის ფარგლებში გეოგრაფიის სწავლებით“, მეორე, — მისი მოღვაწეობა შეფასდება როგორც „შრომითი აღზრდის იდეის ვულგარიზაცია“, მესამე, — სკოლის თეატრი დაიხურება. მეოთხე და მეხუთე, — კიდევ რალაც. კორაბლიოვს, რა თქმა უნდა, ეწყინება და წავა. წავა და, როგორც კეთილშობილმა ფადეიმ თქვა, „ჯანდაბამდის გზა ჰქონია“.

დაახ, ეს საზიზღარი გეგმა იყო და მე მიკვირდა, რომ ნინა კაპიტონოვნა ლაპარაკში არ ერეოდა და ითმუნდა, მაგრამ მალე მივხვდი საქმის არსს. დაახლოებით მეორე თავის მიტანის შემდეგ, გამოსთქვა სინანული იმის გამო, რომ მარია ვასილევნამ კორაბლიოვს უარი უთხრა. სხვა არაფერზე არცა ფიქრობდა და არც ეყურებოდა. რალაცას ბუტბუტებდა, მხრებს იჩეჩავდა და ერთხელ ხმამალაც წამოსცდა:

— შეხედე, ერთი! დედას ვილა ეკითხება!

ეტყობა სწყინდა, რომ მარია ვასილევნამ რჩევა არა ჰკითხა, ვიდრე კორაბლიოვს უარს ეტყოდა...

სტუმრები დაიშალნენ. მე კი ჯერაც ვერ გადამეწყვიტა— როგორ მოვქცეულიყავი?

პირდაპირ ბედუქულმართობა იყო, რომ სწორედ დღეს მოვიდა კორაბლიოვი ბელის სათხოვნელად. ერჩივნა, სახლში მჯდარიყო! მაშინ მე შემეძლებოდა მარია ვასილევნასთვის შეამბნა, რაც გავიგონე. ახლა კი უხერხული და თითქმის შეუძლებელიც იყო. მარია ვასილევნა სადილზე არც გამოსულა, თავის ოთახში ჩაიკეტა და არავის არ უშვებდა. კატია გაცვეთილებს ჩაუჯდა. ნინა კაპიტონოვნამ უეცრად გამოაცხადა, ფეხზე ძლივსა ვდგევარ— ისე მეძინებო, მაშინვე დაწვა და დაიძინა. მე ერთი ამოვიოხრე, გამოვემშვიდობე და შინ წავედი.

„პასუხი უარით“

საბავშვო სახლის დარაჯმა, კოკლმა იაფეტმა უკვე ორჯერ დაგვხედა, თუ სძინავთ, ან ხომ არავენა ხმაურობსო.

დერეფანში ღამის ნათურა აინთო. ვალკა ეუკოვს ძილში ძალღივით უთრთოდა ქუთუთოები.—იქნებ თავის ძაღლებსა ხედავდა სიზმარში? რომაშკა ხვრინავდა, მხოლოდ მე არ მეძინა და სულ ვფიქრობდი.

ერთიმეორეზე უფრო გაბედული აზრი მომდიოდა თავში. აი სკოლის კოლექტივის წინაშე მე გამოვდივარ ნიკოლაი ანტონიჩის წინააღმდეგ და ვამელავენებ კორაბლიოვის სკოლიდან გაძევების საზიზღარ გეგმას. აი წერილს ვწერ კორაბლიოვს... წერილის შეთხზვა დავიწყე და ჩაჩეძინა.

საოცარია, მაგრამ გაცივებისთანავე (ყველაზე ადრე გამელვოდა), განვაგრძე წერილის თხზვა სწორედ იმ ადგილიდან, სადაც წუხელ შევჩერდი. აი სად გამომადგებოდა პეტკას „წერილების ნიმუშთა კრებული“! დავიწყე ჩვენს მიერ წაკითხული წერილების გახსენება. „პასუხი უარით“. „თქვენს მიერ გამოთქმული გრძნობები ჩემთვის ფრიად საამაყოა“... არ ვარგა.

„მადლობის გამომხატველი წერილი მოწყალედ მიღებისათვის“. არც ეს ვარგოდა, ისევე როგორც წერილი „ნასესხები თანხის მოთხოვნით“. „ქვრივი კაცის წერილი ქალიშვილთან“ დამვიწყებოდა. თუმცა არც ეს ვარგოდა, მით უმეტეს, რომ არც მე ვიყავი ქვრივი და არც კორაბლიოვი იყო ქალიშვილი.

ბოლოს გადავწყვიტე წასვლა.

ძალიან ადრე იყო—მერვე საათი იქნებოდა. ქუჩებში ისევ ბნელოდა. გასაგებია, რომ მე ამან არ შემაჩერა, ჩემ შეჩერებას კოკლი-იაფეტი შეეცადა, მაგრამ ხელიდან დავუშვერი და უკანა კარიდან გავიპარე.

კორაბლიოვი ცხოვრობდა ვოროტნიკოვის შესახვევში, ერთსართულიან დარაბებთან და აიენიან ხის სახლში, რომელიც აგარაკს მოგაგონებდათ. რატომღაც დარწმუნებული ვიყავი, რომ არ ეძინა. ცხადია, ვერ დაიძინებდა კაცი, რომელმაც გუშინ მარია ვასილენასაგან „პასუხი უარით“ მიიღო. მართლაც არ ეძინა. ოთახში შუქი ენთო, იგი ფანჯარასთან იდგა და ეზოში იყურებოდა—ისეთი ყურადღებით, თითქოს ეზოში, ღმერთმა იცის, რა

არაჩვეულებრივი რამ ხდებოდა, ისეთი ყურადღებით, რომ კარგა ზანს ვერ შემაძინია, თუმცა მე სწორედ ფანჯრის ქვეშ ვიდექი და ხელებით ვანიშნებდი.

— ივან პავლიჩ!

მაგრამ ივან პავლიჩმა თვალები ჩახუჭა. თავი გააქნია და წავიდა.

— ივან პავლიჩ, კარი გამიღეთ, მე ვარ.

ის რამდენიმე წუთის შემდეგ პალტოწამოსხმული აივანზე გაპოვიდა.

— მე ვარ, გრიგორიევი, — გავიმეორე შეშინებულმა, ვაითუ აღარ ვახსოვარ-მეთქი. რალაც უცნაურად მიყურებდა. — მე თქვენთან მოვედი და ახლავე რალაც უნდა გითხრათ. თეატრის დახურვა უნდათ, თქვენ კი... მე მგონი არ მითქვამს „გაგდებას გიპირებენ“-მეთქი. ან იქნებ კიდევცა ვთქვი — რადგან ის უცებ გამოერკვა.

— შემოდი, — მოკლედ მითხრა მან.

ოთახი ყოველთვის სუფთადაა ჰქონდა, წიგნები თაროებზე ეწყო, ლოგინზე თეთრი საბანი ეფარა, ბალიშზე — გადასაფარებელი. ყველაფერი წესზე და რიგზე იყო. უწესრიგოდ დღეს მგონი მხოლოდ ნასპინძელი ჩანდა. თვალებს ხანდახან ფართოდ აღებდა — თითქოს მის წინ ყველაფერს ბინდი ეფინებოდა. ცხადია, წუხელის ლოგინს არც მიჰკარებოდა. ასეთი მოქანცული ჯერ არასოდეს არ მენახა.

— შენა ხარ, სანია, — თითქოს ვერ მიცნო. — რა მოხდა?

— ივან პავლიჩ, წერილის მოწერა მინდოდა. — ვუპასუხე მხურვალედ. — საერთოდ საკითხი სკოლის თეატრს ეხება. თქვენზე ამპობენ, რომ თქვენი ცოლი თქვენ ჩაიყვანეთ სამარეში.

— მოიცა! — მას გაეცინა. — ვინ ამბობს, რომ მე ჩავიყვანე სამარეში?

— ყველანი. „ჩვენ საქმე არა გვაქვს მისი განსვენებული ცოლის დაღუპვის მიზეზებთან. იდეების ვულგარიზაცია, აი რა იწვევს ჩვენ გულისწყრომას“.

— არაფერი არ მესმის, — სერიოზულად თქვა კორაბლიოვმა.

— დიახ, ვულგარიზაცია, — მტკიცედ გავიმეორე მე.

ჯერ გუშინ სალამოდანვე ვიმეორებდი ამ სიტყვებს: „ვულგარიზაცია“, „პოპულარობა“ და „ლაო-ლიარული მოვალეობა“ ვულგარიზაცია ვთქვი, ახლა „პოპულარობა“ და „ლაო-ლიარული მოვალეობა“ დამრჩა.

— კრებებზე ის „ნიანგის ცრემლებსა ღერის“, — განვაგრძობდი

ჩქარ-ჩქარა. ეს მეტისმეტად მავნე საქმე იმიტომ მოიგონა, რომ კოპულარობა მოეპოვებინა. დიახ „კოპულარობა“. „ის მიელაქუცა საბჭოთა ხელისუფლებას“. „ჩვენ უნდა შევეასრულოთ ჩვენი ლაო-ლიარული მოვალეობა“.

შეიძლება ზოგი რამ ავრიე, მაგრამ ჩემთვის უფრო ადვილი იყო, ზეპირად მეთქვა ყველაფერი ის, რაც წინა დღით მოვისმინე, ვიდრე ჩემი სიტყვებით მეამბნა. ყოველ შემთხვევაში კორაბლიოვ-მა გამიგო. მშვენივრად გამიგო. მისმა თვალბმა უეცრად დაჰკარ-გა წელანდელი უაზრო გამომეტყველება, ლოყები ოდნავ წამო-უწითლდა და ოთახში სწრაფად გაიარა-გამოიარა.

— სასაცილოა, — წაიბუტბუტა მან, თუმცა სულაც არ ეცინე-ბოდა. — ბავშვებს კი, ჩანს, არ უნდათ, რომ თეატრი დაიხუროს?

— ცხადია, არ უნდათ.

— შენ თეატრისთვის მოხვედი?

მე ხმა არ ამომიღია, შეიძლება თეატრისათვის, ან შეიძლება იმიტომ, რომ უკორაბლიოვოდ სკოლაში ძალიან მოგეწყინდებოდა. შეიძლება იმიტომ, რომ არ მომეწონა მათი საზიზღარი მოლაპა-რაკება მისი სკოლიდან გამოპანღურების შესახებ...

— ბრიყვები, — მოულოდნელად თქვა კორაბლიოვმა. — ამ ქვეყ-ნად ყველაზე უბადრუტები.

ხელი მაგრად ჩამომართვა და ჩაფიქრებულმა ისევ წინ და უკან დაიწყო სიარული. ასეთი წინ და უკან სიარულით სამზარეუ-ლოში გავიდა, ადუღებული წყალი შემოიბანა, ჩაი დააყენა და ჯანჯინიდან კიქები გადმოიღო.

— წასვლა მინდოდა, მაგრამ ახლა დარჩენა გადავწყვიტე. — გამოაცხადა მან. — უნდა ვიბრძოლოთ. ხომ ასეა, სანია? ჯერ კი ჩაი დავლიოთ.

არ ვიცი, შედგა კი სკოლის საბჭოს კრება, რომელზეც კო-რაბლიოვისათვის მკაცრად უნდა ეგებინებინათ პასუხი „შრომითი აღზრდის იდეების ვულგარიზაციის გამო“. ჩანს, არ შემდგარა, რადგანაც მას პასუხი არ უგია. ყოველ დღით, თითქოს აქ არა-ფერი მომხდარაო, „ულვაშები“ სარკის წინ ულვაშებს გადაივარ-ცხნიდა და გაკვეთილზე შევიდოდა ხოლმე.

რამდენიმე დღის შემდეგ თეატრმა ახალი დადგმა გამოაცხადა: „ზოგჯერ ბრძენიც შეცდება“. ბრძენის როლს გრიშკა ფაბერი ასრულებდა. როლის მიხედვით ასე ოცდახუთი წლისა უნდა ყოფი-ლიყო, მაგრამ მან ირჩია შუახნის, მელოტი და ოქროსკბილიანი

კაცი ეთამაშა. ერთთავად თითებს ათამაშებდა მაგიდაზე ნიკოლაი ანტონიჩივით და საერთოდ ძალიან კარგი იქნებოდა, ისე რომ არ ეღრიალა.

კომკავშირის რაიკომიდან ორი შავგვრემანი თმახუქუქა ბიჭი მოვიდა და წინადადება მოგვეცეს, ჩვენ სკოლაში კომკავშირის უჯრედი ჩამოგვეყალიბებინა. ვალკამ ადგილიდან იკითხა, შეიძლება საბავშვოსახლელების ჩაწერა თუ არაო. უპასუხეს, რომ შეიძლება, ოღონდ თოთხმეტი წლის ასაკიდან. მე თვითონ არ ვიცოდი, რამდენი წლისა ვიყავი. ჩემი ანგარიშით, მალე ცამეტი წლისა უნდა გავმხდარიყავი, ყოველ შემთხვევისათვის ვთქვი, თოთხმეტი წლისა ვარ-მეთქი, მაგრამ მაინც არ დამიჯერეს, შეიძლება იმიტომ, რომ მაშინ ძალიან დაგვაღული ვიყავი.

პედაგოგებიდან ამ კრებაზე მხოლოდ კორაბლიოვი და ნიკოლაი ანტონიჩი ესწრებოდნენ. კორაბლიოვმა საკმაოდ საზეიმო სიტყვა თქვა, ჯერ მოკლედ მოგვილოცა უჯრედის ჩამოყალიბება, მერე კი დიდხანსა გვლანძღა ჩვენი ცუდი სწავლისა და ხულიგნობის გამო. ნიკოლაი ანტონიჩმაც თქვა სიტყვა. მშვენიერი სიტყვა იყო—ის მიესალმა რაიკომის წარმომადგენლებს, როგორც ახალგაზრდა თაობას, და ბოლოს ნეკრასოვის ლექსით „მოდის, გუგუნებს მწვანე ხმაური“ დაამთავრა. უცნაური მხოლოდ ის იყო, რომ ამ სიტყვის წარმოთქმის დროს თითები აატკაცუნა, თითქოს ხელებს იმტვრევსო. ამ დროს ძალიან მხიარული სახე ჰქონდა და ილიმებოდა კიდევ.

კრების შემდეგ ნიკოლაი ანტონიჩი დერეფანში შემხვდა. მივესალმე: „გამარჯობათ, ნიკოლაი ანტონიჩ-მეთქი“, მაგრამ რატომღაც არ მიპასუხა.

ერთი სიტყვით, ყველაფერი რიგზე იყო. მე თვითონაც არ ვიცი, რატომ მოხდა, ტატარინოვებთან წასასვლელად რომ ვემზადებოდი, უეცრად გადავწყვიტე, არ წავალ, სჯობია ხვალ ქუჩაში შევხედები და ქუჩაში მივეცემ-მეთქი კატკას ჯოხსა და თიხას, რომელიც თვითონა მთხოვა. ნახევარი საათიც არ გასულა, რომ გადავიფიქრე და, პატიოსნებას გეფიცებით, დღემდე ვნანობ ამას.

კარი მოხუცებულმა ქალმა გამილო და ჯაკვით როგორღაც შეაჩერა, როცა შესვლა დავაპირე, თითქოს ყოყმანობდა, შეთუ არა, მერე ყურთანმდე გააღო და სწრაფად წამჩურჩულა, „სამზარეულოში წადიო“, და კისერში მსუბუქად წამკრა ხელი.

მე შეეყოყმანდი—უბრალოდ, გაკვირვებისაგან. სწორედ ამ წუთში ნიკოლაი ანტონიჩი დერეფანში გამოვიდა და, მე რომ დამინახა, შუქი აანთო.

— ო, ო! — როგორღაც ყრულ მითხრა მან.— მობრძანდი?

და მაგრად ჩამქიდა მხარში ხელი.

— უმადურო ენატანიავ, არამზადავ, ჯაშუშო! შენი თეხი არა ვნახო აქ! გესმის?

ბოროტად გააპო ტუჩები და დავინახე, როგორ აუბრჭყვიალდა პირში ოქროს კბილი. ეს იყო უკანასკნელი, რაც მე ტატარინოვების სახლში დავინახე. ერთი ხელით კარი გამოაღო ნიკოლაი ანტონიჩმა, მეორე ხელით კი კატის კნუტივით კიბეზე გამომისროლა.

თავი მეთერთმეტი

მ ი ვ ლ ი ვ ა რ

დაცარიელებული იყო საბავშვო სახლიც და სკოლაც. კვირა დღე იყო. ყველანი წასულ-წამოსულიყვნენ. მხოლოდ რომაშკა დაუიალებდა ცარიელ ოთახებში და რაღაცას ანგარიშობდა— ალბათ თავის მომავალ სიმდიდრეს. სამზარეულოში მზარეული სადილს ამზადებდა და მღეროდა. მე ლუმელს უკან, მყუდრო კუნძულში მივჯექი და ფიქრებში წავედი.

დიახ, ეს კორაბლიოემა მიყო. მე იმისი შველა მინდოდა, იმან კი საზიზღრად გადამიხადა. ნიკოლაი ანტონიჩთან წავიდა და დამაბეზლა.

ისინი მართლები აღმოჩნდნენ— ნიკოლაი ანტონიჩი, გერმანულის და ფრანგულის მასწავლებელი ქალი და ლიბოც კი, რომელმაც განაცხადა, — კორაბლიოევი კრებებზე „ნიანგის ცრემლებსა ღვრისო“. ის საზიზღარია. მე კი მებრალებოდა, რომ მარია ვასილევნამ უარი უთხრა.

— ძია პეტია, რა არის „ნიანგის ცრემლები“?

ძია პეტიამ ქვაბიდან ქაფქაფი კომბოსტოს ნაჭერი ამოიღო.

— მგონი სოუსია ეგვით.

არა, ეს სოუსი არ არის... მინდოდა მეტქვა, ეგ სოუსი არ არის. მეტქვი, მაგრამ ამ წუთში თვალები ამიჭრელდა და ერთმანეთში ამერია ძია პეტია თავისი კომბოსტოთი, რომელსაც კბილითა სინჯავდა, მოხარულია თუ არაო. თავბრუ დამეხება, ამოვიოხრე და საწოლ ოთახში გავედი.

რომაშკა ფანჯარასთან იჯდა და ანგარიშობდა.

— ახლა ასი ათასი თუგინდ კაპიკი გქონია, — მითხრა მან. — მაგრამ გაუქმებული ფული რომ მოაგროვო და წახვიდე იქ, სადაც ჯერ არ იციან, ბლომად ივაჭრო ყველაფერი და აქ ახალ ფულზე გაჭყიდო... მე ვიანგარიშე — ერთ მანეთ ოქროზე ორმოცი ათასი პროცენტი მოგება მოდის.

— მშვიდობით, რომაშკა, — ეუპასუხე მე, — მიედივარ.

— საით?

— თურქესტანში, — ვუთხარი, თუმცა ერთი წუთის წინათ თურქესტანზე სულაც არ მიფიქრია.

— ტყუი.

უხმოდ გადავაძრე ბალიშს პირი და, რაც რამა მქონდა, შიგ ჩავტენე: პერანგი, სამარქაფო შარვალი, აფიშა: „მე-4 სკოლის მოსწავლეთა ძალებით შედგება წარმოდგენა „მარატი“ და შავი მილი, რომელიც ოდესღაც ექიმმა ივან ივანიჩმა დამიტოვა. მთელი ჩემი გომბეშოები და კურდღლები დავამტვრიე და ნაგვის ყუთში ჩავუძახე. იქითვე გავამგზავრე გოგონაც შუბლზე დაყრილი ხვეულე-ბით, რომელიც ოდნავ წააგავდა კატკას.

რომაშკა ცნობისმოყვარეობით მადევნებდა თვალს. კვლავ ჩურჩულით დათვლას განაგრძობდა, მაგრამ წელანდელი ხალისით აღარა.

— თუ მანეთზე ორმოცი ათასი იქნება — მაშინ ას მანეთზე...

მშვიდობით, სკოლაე! მე არასოდეს აღარ ვისწავლი. რისთვის? წერა ვისწავლე, კითხვა და თვლა. ეგეც მეყოფა. ისეც კარგად ვიქნები, არც ვისმეს მოეწყინება უჩემოდ, იქნებ ვალკას გავახსენდე ერთხელ და ისიც დამივიწყებს.

— მაშ, ას მანეთზე ოთხასი, — ჩურჩულებდა რომაშკა. — ოთხასი ათასი პროცენტი ას მანეთზე.

არა, მე კიდევ დავბრუნდები. მივალ ნინა კაპიტონოვნასთან, ფულს მივაყრი და ვეტყვი: „აი, აიღეთ იმაში, რაც მე თქვენთან პური მიჭამია“, კორაბლიოვიც, რომელსაც სკოლიდან გამოავდებენ, ჩემთან მოვა, შემომჩივლებს და შემევედრება, ვაპატიო. არაფრის გულისთვის!

უეცრად მომაგონდა, როგორ იდგა ფანჯარასთან, როცა მე მივედი, იდგა და ყურადღებით იყურებოდა ეზოში, ძალიან სევდიანი და ოდნავ შეზარხოშებული. არა იმან კი ჩაიღინა ეს? რისთვის გამცემდა? პირიქით, ალბათ, ოდნავადაც არ შეიმჩნია, თავი ისე

უნდა დაეპირა, ვითომ არაფერიც არ იცოდა იმ საიდუმლო საბჭოს შესახებ! ტყუილად ვლანძღავდი. ეს იმისი ჩადენილი არ არის, მაშ, ვისი?

— ოჰ, ვალკამ!— უეცრად ვუთხარი ჩემ თავს.— მე რომ ტატარინოვებისაგან დაებრუნდი, ხომ ყველაფერი ვუამბებ იმას, ეს ვალკამა ჰქნა!

მაგრამ ვალკას ბოლომდე არც მოუსმენია, ხვრინვა ამოუშვა და, წაერთოდ ვალკა ამას არასდროს არ ჩაიდენს.

იქნებ რომაშკამ? რომაშკას შეეხედე. ყვიციანი, წითელყურე-შინი ფანჯარაზე იჯდა და გაუთავებლად ამრავლებდა და ამრავლებდა. მომეჩვენა, რომ შეუმჩნევლად თვალს მადევნებდა ფრინველვით, ცალი მრგვალი, გლუვი თვალით. მაგრამ მან ხომ არაფერი არ იცოდა.

ახლა, როცა მტკიცედ დავრწმუნდი, რომ ეს კორაბლიოვის ჩადენილი არ იყო, მგონი დარჩენა შეიძლებოდა, მაგრამ თავი მტკიოდა, ყურები მიეუოდა და რატომღაც მეგონა, რომ ახლა, როცა ვუთხარი რომაშკას, მივდივარ-მეთქი, დარჩენა შეუძლებელი იყო. სევდით აღვსილმა უკანასკნელად მოვაველე თვალი იქაურობას. აი თეთრი ლამპა, რომელსაც ყოველთვის დიდხანს ვუყურებდი ხოლმე შუქის ჩაქრობის შემდეგ, აი კედელი ინდივიდუალური უჯრებით, სადაც თეთრეული აწყვიდა,— აი ჩემი უჯრა, გვერდით კი ვალკასი. საწოლები და საწოლები.

ამოვიოხრე, ბოხჩა ავიღე, რომაშკას თავი დაეუქნიე და გამოვედი. ალბათ, უკვე დიდი სიცხე მქონდა, რადგან გარეთ რომ გამოვედი, გამიკვირდა, როგორა ცივა-მეთქი. თუმცა ჯერ სადარბაზო კარებშივე ქურთუკი გავიხადე და პალტო პირდაპირ პერანგზე ჩავიცვი. ქურთუკის გაყიდვა გადაწყვეტილი მქონდა. ჩემი ანგარიშით, თხუთმეტ მილიონამდე ფული უნდა ამეღო.

ისევ დიდი სიცხისა და თავის ტკივილის გამო კარგად არ მახსოვს, რას ვაკეთებდი სუხარეკვაზე, თუმცა მთელი დღე იქ დავალამე. მახსოვს მხოლოდ, რომ ფარდულთან ვიდექი, საიდანაც შემწვარი ხახვის სუნი შორიოდა, ხელში ქურთუკი მეჭირა და სუსტი ხმით ვიმეორებდი.

— აბა ვის უნდა? ვის უნდა?

მახსოვს, მიკვირდა, ასეთი დასუსტებული ხმა რადა მაქვს-მეთქი. ზალხში უზარმაზარი ტანის კაცი შევნიშნე, ორი ქურკი ეცვა, ერთი სახელოებიანი, მეორე კი ის, რომელსაც ჰყიდდა, ისე

ჰქონდა წამოსხმული ბეჭებზე, საოცარია, სადაც არ უნდა წავსულიყავი ჩემი სავაქროთი,— ყველგან იმ კაცს ვაწყდებოდი. ის იღვანუძრავად, უზარმაზარი, წვერიანი, ორ ქურკში და, მუშტარს ზედაც არ უყურებდა, მოლუშული ეუბნებოდა ფასს.

მახსოვს, მთელი დღე ვიარე ბაზარში და პერანგი სტაფილოიან ნამცხვარზე გადავცვალე. ერთი კი გავკბიჩე და შერე პირი აღარ დამიკარებია.

საღლაც ვთბებოდი, როდესაც შევამჩნიე, რომ თითქოს სიცივით იმდენად არა მციოდა და თითები კი გამლურჯებოდა. ნამცხვარი ბალიშის პირში შევინახე და, მახსოვს, ვფრთხილობდი, არ ჩამფხენეოდა. ეტყობა, ვგრძნობდი, რომ ავად უნდა გავმხდარიყავი. ძალიანა მწყუროდა და რამოდენიმეჯერ გადავწყვიტე, თუ ნახევარ საათში ვერ გავყიდე— ჩაიხანაში შევალ და ქურთუქს ერთ კიქა ცხელ ჩაიში გადაეცვლი-მეთქი. მაგრამ აქვე მომეჩვენებოდა ხოლმე, რომ სწორედ ახლა გამოჩნდება ჩემი მუშტარი-მეთქი, და ისევ გადავწყვეტილი, კიდევ ნახევარ საათს დამეცადა მყიდველის ნოლოდინში.

მახსოვს, ის მამხნევებდა, რომ იმ ახმახმა კაცმაც ვერ მოახერხა თავის ქურქის გაყიდვა..

მინდოდა ცოტა თოვლი შემეჭამა, მაგრამ სუხარეკაზე ძალიან ქუქყიანი თოვლი იდო, ბულვარი კი შორს იყო. მაინც წავედი და შევეჭამე. უცნაურია, მაგრამ თოვლი თბილი მეჩვენა. მგონი პირს მალეზინა, შეიძლება არც მალეზინა. მახსოვს მხოლოდ, რომ თოვლზე ვიჯექი და, რომ არ დავცემულიყავი, ვილაცას მხრებში ეკიდა ხელი. ბოლოს ხელი გამიშვეს, მე წავეჭექი და სიამოვნებით გავშალე ფეხები. ირგვლივ რალაცას ლაპარაკობდნენ თითქოს: „ბნედიანია, ბნედიანია“, მერე ბალიშისპირის გამორთმევა უნდოდათ, მესმოდა, როგორ მეხვეწებოდნენ: „აი სულელი, შენთვისევა საჭირო, თავქვეშ უნდა დაგიდოთ“,— მაგრამ ხელში ჩაებლუჯე და არ დავანებე. ორქურქიანმა კაცმა წინ ნელ-ნელა გამიარა და უეცრად ერთი ქურქი დამხურა. მაგრამ ეს უკვე ბოდეა იყო. ბალიშის პირს კიდევ ეწეოდნენ, ქალის ხმა რომ გავიგონე:

— ბოხჩას არ გვანებებს.

და მამაკაცის:

— მერე რა, ბოხჩითვე დააწვინეთ.

შეძლევ ისევ მამაკაცის ხმა მომესმა:

— ეტყობა, ისპანკაა...

და ყველაფერი სადღაც შთაინთქა...

ახლაც ამიწვეს თუ არა სიცხე, მაშინვე ბოდვას ვიწყებ, ოცდა-
აჯრამეტზე უკვე საშინელ აბდაუბდასა ვჩმახავ და სასოწარკვეთი-
ლებაში ვაგდებ ნათესაეებსა და ნაცნობებს, მაგრამ ისეთი სა-
სიამოვნო ბოდვა, როგორც ისპანკის ღროს, არასოდეს არ გამო-
მიცდია. აი ფართო ჩაღოთახში წყალვარდნილსა ვხატავ. წყალი
ციცაბო კლდიდან გადმოჰქუხს და ვიწრო ქვიან ხეობაში ვარდე-
ბა. რა კარგია! როგორა ბრწყინავს წყალი მზეზე. რა მშვენიერი
მწვანე ქვებია!

ტყაპუქწახურული სადღაც მივემგზავრები განიერი მარხილით.
ღამდება, მაგრამ ჯერ ისევ ვხედავ, როგორ მიჰქრის თოვლიანი გზა
მარხილის განიერ კავებშორის,—ასე მგონია, ჩვენ ვდგევართ,
თოვლიანი გზა კი მირბის. მხოლოდ კვალით, რომელსაც გვერდზე
ჩამოვარდნილი ხირაული ხაზავს, ჩანს, რომ ჩვენ სულ მივდივართ
და მივდივართ. ისე კარგია, ისე თბილა, რომ თითქოს მეტი აღა-
რაფერი გინდა, ოღონდ აი ასე მიდიოდე ზამთარში მარხილით
მთელი შენი სიცოცხლე!

ასე ტკბილად რაღა ვბოდავდი, არ ვიცი. სიკვდილის პი-
რას ვიყავი. როგორც უიმედო, ორჯერ თეჯირით გამომყვეს
სხვა ავადმყოფებისაგან. ისეთი სილურჯე მქონდა,—სიკვდილის
უტყუარი ნიშანი,—რომ ყველა ექიმმა, გარდა ერთისა, ხელი ჩაიქ-
ნია და მხოლოდ გაკვირვებით კითხულობდნენ ყოველ დილით:

— როგორ, კიდევ ცოცხალია?..

ეს ყველაფერი მაშინ გავიგე, როცა გონს მოვედი...

ასე იყო თუ ისე, არ მოგვედი. პირიქით, გამოვკეთდი. ერთხელ
თვალი გავახილე და ლოგინიდან წამოხტომა მოვინდომე, წარმო-
ვიდგინე, რომ საბავშვო სახლში ვიყავი. ვილაცის ხელმა შემაჩერა.
მომიახლოვდა ვილაცის მივიწყებული და თან მეტისმეტად ნაც-
ნობი სახე. გინდა დაიჯერეთ, გინდა არა—ეს ექიმი ივან ივანი-
ჩი იყო.

— ექიმო, — ვუთხარი და სიხარულისა და სისუსტისაგან ტირი-
ლი დავიწყე, — ექიმო, ნამქერი.

შიგ თვლებში მიყურებდა. ალბათ ფიქრობდა, რომ ისევ
ვბოდავდი.

— უნაგირი, ყუთი, ნამქერი, სვამენ, აბრამი, — ვამბობდი და

თან ვგრძნობდი, რომ ცრემლები შიგ პირში ჩამდიოდა,—მე ვარ, ექიმო, სანკა. გახსოვთ, სოფელში ჩვენა გმაღავდით, თქვენ მე მასწავლდით.

კიდევ ერთხელ შემომხედდა თვალებში, შემდეგ ლოყები დაბერა და ხმაურით გამოუშვა ჰაერი.

— ოჰო!—თქვა და გაიცინა.—როგორ არ უნდა მახსოვდეს! შენი და სადღაა? არა, ეგ როგორ არის? შენ ხომ მაშინ მხოლოდ „ყურის“ თქმა შეგეძლო და ისიც ძლივს. ლაპარაკი ისწავლე? ერთი უყურეთ, მოსკოვშიაც გადმოხვედი? სიკვდილიც დააპირე?

მინდოდა მეთქვა, სიკვდილს სულაც არ ვაპირებდი-მეთქი, მაგრამ უცბად პირზე ხელი დამაფარა, მეორე ხელით ცხვირსახოცო ამოიღო და პირისახე მომწმინდა.

— წყნარად იწეკი, ძმაო,—მითხრა მან.—ჯერ შენთვის ლაპარაკი არ შეიძლება. მუნჯი ხარ და ეგ არის. ეშმაკმა იცის შენო თავი და ტანი, იმდენჯერ კვდებოდი, რომ ახლა ვინ იცის—ვათუ ერთი ზედმეტი სიტყვა თქვა და—მორჩა და გათავდა.

თავი მეთორმეტი

სერიოზული ლაპარაკი

თქვენ შეიძლება ფიქრობთ, რაკი გონს მოვედი, გამოკეთებდა დაეიწყე? სულაც არა! ოდნავ რომ გამოვკეთდი ისპანკისაგან, მენინგეტი დამემართა. მაგრამ ივან ივანიჩი კვლავ არ დაეთანხმებოდა ამბავს, რომ ჩემი საქმე წასულია.

საათობით იჯდა ჩემ ლოჯინთან, სწავლობდა ჩემი ხელები-სა და თვალების უცნაურ მოძრაობას. ბოლოს და ბოლოს კვლავ მოვედი გონს და, თუმცა დიდხანს ვიწეკი თვალებგადაკარკლული, მაინც საშიშროება უკვე გავლილი იყო.

„სიკვდილის საშიშროება გავლილია, — თქვა ივან ივანიჩმა, — მაგრამ სამაგიეროდ საშიშია სამუდამოდ იდიოტი არ დარჩეს.“

ბედმა გამიღიმა. არ გამოვთავყვანდი და ავადმყოფობის შემდეგ ისიც კი ვიგრძენი, რომ თითქოს კეჟუა მომემატა. ეს ასეც იყო. მაგრამ აქ ავადმყოფობა არაფერ შუაშია!

ასე იყო თუ ისე, საავადმყოფოში თითქმის ნახევარი წელიწადი დაეყავი. ამ ხნის განმავლობაში ჩვენ, მე და ივან ივანიჩი, ხშირად, თითქმის ყოველდღე ვხვდავდით ერთმანეთს. მაგრამ აშ

შეხვედრებს რა აზრი ჰქონდა, ხოლო როდესაც გამოკეთება და-
ვიწყე, ის თითქმის აღარ გამოჩენილა საავადმყოფოში. მალე მოს-
კოვიდან წავიდა: საღ და რისთვის, ამაზე ქვემოთ.

საკვირველია, რა ცოტათი გამოცვლილიყო ამ ოთხ წელი-
წადში. წინანდებურად უყვარდა ლექსების ბუტბუტი და მახ-
სოვს, ერთხელ, რომ გამსინჯა, უკმაყოფილო ხმით წაიბუტბუტა:

ბარონი ფონ-გრინვალდუსი,
ჩაინდი შეუპოვარი,
ზის და იცდის ერთ ადგილზე,
ზის და იცდის თავისთვის.

ჩვენთან, პალატაში, სტუდენტები მოდიოდნენ ხოლმე. ივან
ივანიჩი შეხედავდა რომელიმეს თავისი ნათელი ცოცხალი თვალე-
ბით, ხელს ჩაჰკიდებდა და ლექციის კითხვის დროს ხან უშვებდა
ხელს და ხან ისევე ჰკიდებდა. ჩვენ „ძველი დრო“ მოვიგონეთ.
გაუკვირდა, რომ კიდევ მახსოვდა, როგორ აკეთებდა პურის გუ-
ლისაგან კატას და თავეს. კატა თავეს იჭერდა და ნამდვილი კატასა-
ვით კნაოდა.

— ივან ივანიჩ, თქვენი წამოსვლის შემდეგ მე და ჩემი და
მთელი ზამთარი ჯოხებზე წამოცმულ კარტოფილსა ვწვავდით.

მას გაეცინა, მერე ჩაფიქრდა.

— ეგ, ძმაო, კატორლაში მასწავლეს.

ის კატორღელი იყო. 1914 წელს, როგორც ბოლშევიკური ორ-
განიზაციის წევრს, კატორლა მიუსაჯეს და შემდეგ სამუდამო
გადასახლება. არ ვიცი, სასჯელს სად იხდიდა, გადასახლებაში კი
ძალიან შორს იყო, ბარენცის ზღვასთან.

— იქიდან გამოქცეული, — თქვა სიცილით, — პირდაპირ თქვენ სო-
ფელში მოვედი და გზაში კინალამ გავიყინე.

აი როდის გამოირკვა, რატომ არ ეძინა ღამლამობით! შავი
მილი — სტეტოსკოპი — თურმე სახსოვრად დაგვიტოვა მე და ჩემ დას.
ერთ ამბავს მეორე მოჰყვა და იძულებული გავხდი მეამბნა, რო-
დის და რატომ გამოვიპარე საბავშვო სახლიდან.

ძალიან ყურადღებით მისმენდა და რატომღაც შიგ პირში მი-
ყურებდა.

— დიახ ასეა, — ჩაფიქრებით თქვა მან. — პირდაპირ იშვიათი
ამბავია.

გადავწყვიტე, რომ საბავშვო სახლიდან გამოპარვა მიაჩნდა
იშვიათ ამბად, და მინდოდა შევდავებოდი, რომ სულაც არ არის
იშვიათი ამბავი-მეთქი. მაგრამ მან კვლავ თქვა:

— ყრუმუნჯობა კი არა, სწენამუნჯობა, ესე იგი სიმუნჯე სიყრუის გარეშე Stummheit ohne Taubheit.— არა, „ღელის“ თქმა არ შეეძლო, ახლა კი დამიხედეთ! ორატორია!

მან უამბო ჩემზე სხვა ექიმებს.

მე ცოტა ნაწყენი დავრჩი, რომ ერთი სიტყვაც კი არ წამოსცდა ჩემ საბავშვო სახლიდან გამოქცევაზე და, მგონი, ყურიც არ უთხოვებია. მაგრამ შევცდი, იმიტომ რომ ერთ მშვენიერ ღღეს ჩვენი პალატის კარები გაიღო და მოწყალების დამ გვითხრა:

— გრიგორიევთან სტუმრები არიან.

და კორაბლიოვი შემოვიდა.

— გამარჯობა, სანია.

— გამარჯობათ, ივან პავლიჩ.

მთელი პალატა ცნობისმოყვარეობით გვიყურებდა. ალბათ, ეს იყო მიზეზი, რომ იგი ჯერ მხოლოდ ჩემ ჯანმრთელობაზე მელაპარაკებოდა. მაგრამ მერე, როდესაც ყველა თავის საქმეს მიუბრუნდა, ლანძღვა დამიწყო—ოჰ, როგორა მლანძღა!.. ისე მიაბზო ყველაფერი, რასაც მის შესახება ვფიქრობდი, თითქოს სადმე წაუკითხავსო, და გამომიტყადა, რომ შენ მოვალე იყავი მოსულიყავი და გეთქვა: „თქვენ საზიზღარი ხართ“, თუ ფიქრობდი, რომ საზიზღარი ვარ, მაგრამ შენ ასე არ მოიქცევი, რადგან ტიპიური ინდივიდუალისტი ხარო. ცოტა მოღბა, როცა მთლად განადგურებულმა ვკითხე.

— ივან პავლიჩ, რა არის ინდიალისტი.

ერთი სიტყვით, ვიდრე ნახვის დრო არ გათავდა, სულ მლანძღავდა. მაგრამ გამოთხოვების დროს ხელი მაგრად ჩამომართვა და მითხრა, კიდევ შემოვივლიო.

— როდის?

— ამ ღღეებში. სერიოზული საქმე მაქვს შენთან. ჯერ კი იფიქრე.

სამწუხაროდ, ის აღარ უთქვამს, რაზე მეფიქრა, და ამიტომ ვფიქრობდი, რაზედაც მომხედებოდა. მაგონდებოდა ენსკი, სკოვოროდნიკოვი, დეიდა დაშა. გადავწყვიტე, გამოვკეთდებოდი თუ არა, მიმეწერა და გამეგო, პეტკა ხომ არ დაბრუნებულა-მეთქი. პეტკაზე ძალიან ხშირად ვფიქრობდი. ჩვენი პალატის ფანჯრები ბაღში გადიოდა და იქიდან ხის კენწეროები მოჩანდა, რომელთაც ქარი არხევდა. საღამოობით, ყველა რომ მიიძინებდა, მესმოდა ფოთლების შრიალი და მეჩვენებოდა, რომ პეტკაც ჩემსავით საღდაც

თეთრ საწოლზე წევს, ფიქრობს და თან ხეების შრიალს უსმენს. სად არის ახლა? იქნებ თურქესტანი არ მოეწონა და სადმე პერუში გაიქცა? ვინ იცის, იქნებ პეტკა პერუშია? იქნებ ვასკო ნუნეს ბალბოასავით წყნარ ოკეანის ნაპირზე დგას აბჯარასხმული, მახვილით ხელში. ვითომ? მაგრამ მაინც ვინ იცის, სად არ იყო, რა ქვეყნები არ მოიარა, ვიდრე მე დედის კალთაზე მიკრული ბავშვივით საბავშვო სახლში ვიჯექი...

შემდეგ ნახვის დღეს ვალკა ეუკოვი მოვიდა და თავისი ზღარბის ამბავი მიაშრო. საიდანღაც მოეყვანა და თავისი საწოლის ქვეშ მთელი სახლი აეშენებინა მისთვის. ზამთარში ზღარბებსა სძინავთ, ამას კი რატომღაც არ ეძინა. საერთოდ ეს რაღაც საკვირველი ზღარბი იყო. ვალკას ისიც კი მოსწონდა, როგორ იქექებოდა ზღარბი.

— ძალღივით იქექება, — ალტაცებით მითხრა, — თათსაც კი ძალღივით არტყამს იატაკს.

ერთი სიტყვით, მთელი ორი საათი ზღარბზე მელაპარაკა და მხოლოდ გამომშვიდობების დროს მოაგონდა, რომ კორაბლიოვს მოკითხვა შემოეთვალა და დაებარებინა, ამ დღეებში გამოვივლიო.

მაშინვე მივხვდი, რომ სწორედ მაშინ გვექნებოდა სერიოზული ლაპარაკი — საინტერესოა! დარწმუნებული ვიყავი, რომ ისევ მომხვდებოდა, და არც შევეძლარვარ.

ლაპარაკი იქიდან დაიწყო, რომ კორაბლიოვმა მკითხა, რა გინდა გამოხვიდო.

არ ვიცი-მეთქი, ვუპასუხე, იქნებ მხატვარი.

მან წარბები აკიმა და მოკლედ მომიჭრა:

— არაფერი გამოვა.

სიმართლე გითხრათ, მე ჯერ არც მეფიქრა, რა მინდოდა გამოვსულიყავი, გულის სიღრმეში ვასკა ნუნეს ბალბოას მსგავსი ვინმე მინდოდა ეყოფილიყავი, მაგრამ ივან პავლიჩმა ისე დაბეჯითებით თქვა, არაფერი გამოვაო, რომ გულისწყრომამ მომიცვა.

— რატომ?

— მრავალი მიზეზის გამო, — მტკიცედ მითხრა კორაბლიოვმა. — უპირველესად ყოვლისა, იმიტომ, რომ შენ სუსტი ნებისყოფისა ხარ.

თავზარი დამეცა, აზრადაც არ მომდიოდა, რომ მე სუსტი ნებისყოფისა ვიყავი.

— არაფერიც, — ვუპასუხე მოლუშულმა, — მე ძლიერი ნებისყოფა მაქვს.

— არა, სუსტი. როგორი ნებისყოფა უნდა ჰქონდეს ადამიანს, რომელმაც არ იცის, ერთი საათის შემდეგ რას გააკეთებს? შენ რომ ძლიერი ნებისყოფა გქონოდა, კარგად ისწავლიდი, შენ კი ცუდადა სწავლობ.

— ივან პავლიჩი, — ვუთხარი სასოწარკვეთილმა, — მე ერთი არადამაკმაყოფილებელი მაქვს.

— დიახ, არ ვარგა, შენ კი შეგეძლო კარგად გესწავლა.

დამაცადა, კიდევ ხომ არაფერს იტყვისო, მაგრამ მე ვღმუღი.

— შენ უკეთ ოცნებობ, ვიდრე აზროვნებ.

მან კიდევ დამაცადა.

— საერთოდ უკვე დროა იფიქრო, ვინა ხარ და რისთვისა ხარ გაჩენილი ამქვეყნად. აი შენ ამბობ, მინდა მხატვარი გამოვიდყო. ამისათვის, ჩემო კარგო, სულ სხვა ადამიანი უნდა გახდე.

თავი მცხამბე

ვფიქრობ

თქმა აღვილია: სულ სხვა ადამიანი უნდა გახდეთ, მაგრამ როგორ? მე არ ვეთანხმებოდი იმაში, თითქო ცუდადა ვსწავლობდი. ერთი არადამაკმაყოფილებელი, ისიც არითმეტიკაში და ისიც იმიტომ, რომ ერთხელ ჩექმები გავიწმინდე, რუჟიჩეკმა კი გამომიძახა და მითხრა:

— რას უსვამ ჩექმებს, გრიგორიევი? ნავთში არეულ ლაყე კვერცხს?

მე უხეზად ვუპასუხე და მას შემდეგ არადამაკმაყოფილებელი აღარ დაუწერია, მაგრამ მაინც ვგრძნობდი, რომ კორაბლიოვი მართალი იყო, მე სხვა ადამიანი უნდა გავმხდარიყავი. მაგრამ ვაითუ მართლა სუსტი ნებისყოფისა ვარ? უნდა შევეამოწმო. რაიმე უნდა გადავწყვიტო და უსათუოდ უნდა შევასრულო. დასაწყისისათვის გადავწყვიტე „მონადირის წერილები“ წამეკითხა, რომელსაც შერშან ვკითხულობდი, მაგრამ თავი მივანებე, იმიტომ რომ ძალიან მოსაწყენი მეჩვენა.

საოცარია! საავადმყოფოს სამკითხველოდან „მონადირის წერილები“ გამოვიტანე, და ხუთიოდე ფურცელი რომ წავიკითხე, წიგნი წინანდელზე ხუთჯერ უფრო მოსაწყენი მეჩვენა. ქვეყანაზე ყველაზე მეტად ის მინდოდა, რომ ეს გადაწყვეტილება არა მქონოდა მიღე-

ბული, მაგრამ ჩემ თავს სიტყვა მივეცი; ჩურჩულითაც კი წარმოგ-
თქვე საბნის ქვეშ—და სიტყვას კი შესრულება უნდა.

„მონადირის წერილები“ წავიკითხე და გადავწყვიტე, რომ კო-
რაბლიოვი ტყუის, მე მტკიცე ნებისყოფა მაქვს.

რა თქმა უნდა, კიდევ ერთხელ უნდა შემემოწმებინა ჩემი თავი-
მაგალითად, ყოველ დილით ვარჯიშის შემდეგ ცივი წყლით ტან-
დამეზილა, ან წლის განმავლობაში არითმეტიკაში ფრიადზე მეს-
წავლა. მაგრამ ყველაფერი გადავლე სკოლაში დაბრუნებამდე. ჯერ-
ჯერობით კი ფიქრის მეტი არა დამრჩენოდა რა.

„შენ წარმოდგენის უკეთესი უნარი გაქვს, ვიდრე მოსაზრების“.
რად მითხრა ასე? შეიძლება იმიტომ, რომ ჩემი ნაძერწებით ვტრაბა-
ხობდი? ეს ძალიან საწყენი იყო. კატკას—აი, ვისა აქვს დიდი წარმო-
დგენა თავის თავზე. ან იქნებ კორაბლიოვს სხვაგვარად ესმის ეს.
სიტყვა? გადავწყვიტე, უთუოდ მეკითხა, თუ კიდევ მოვიდოდა ჩემ-
თან. მაგრამ იგი არ მოსულა და მე მხოლოდ ერთი თუ ორი წლის
შემდეგ გავიგე, რომ „წარმოდგენის უნარი“ სულაც არა ნიშნავს
შენ თავზე დიდი წარმოდგენისა იყო.

„ვინა ხარ შენ და რის მაქნისი ხარ ამქვეყნად“? ამაზე ვფიქ-
რობდი გაზეთების კითხვის დროს. საავადმყოფოში დავიწყე გაზე-
თების კითხვა. საინტერესოა! ამდენი უცხო სიტყვები რომ არ
იყოს! მათ შორის „ვეულგარიზაცია“ შემხვდა და „ნიანგის ცრემ-
ლებიც“.

ბოლოს უკანასკნელად გამსინჯა ივან ივანიჩმა და უთხრა, საა-
ვადმყოფოდან გამოსწერეთო. ეს შესანიშნავი დღე იყო. ჩვენ ერთმა-
ნეთს გამოვეთხოვეთ. თავისი მისამართი მომცა და მითხრა შე-
მეგლო.

— მხოლოდ იცოდე, არა უგვიანეს ოცი რიცხვისა, — მხიარუ-
ლად დაუმატა. — თორემ, რა ვიცი, ძმაო, ვაითუ შინ არ დაგ-
ხვდე.

ბოხჩით ხელში საავადმყოფოდან გამოვედი და, ერთი კვარტა-
ლი რომ გავიარე, იქვე ჩავჯექი—ჯერ კიდევ სუსტად ვიყავი.
მაგრამ რა კარგია! რა დიდია მოსკოვი! დამვიწყებოდა კიდეც იგი.
რა ხმაურობაა ქუჩაში! თავბრუ დამესხა, მაგრამ ვიცი, რომ არ
წავიქცეოდი. ჯანსაღადა ვარ და არ მოვკვლები! გამოვეკეთი-
მშვიდობით, საავადმყოფოვ! სალამი, სკოლაჲ!

სიმართლე გითხრათ, ცოტა ნაწყენი დავრჩი, რომ სკოლაში
ასე გულგრილად შემხედნენ. მხოლოდ რომამჟამ მკითხა:

— მორჩი?

ისეთი გამომეტყველებით, თითქოს, ცოტა არ იყოს, სწყინდა, რომ არ მოეკვდი.

ვალკას გაუხარდა, მაგრამ იმას ჩემთვის არა სცხელოდა. ზღარბი დაჰკარგოდა და ეჭვი ჰქონდა, რომ მზარეულმა ნიკოლაი ანტონიჩის განკარგულებით ზღარბს ქუჭყიანი წყლის ორმოში გადაუძახა.

— ეჭ, სჯობდა გამეყიდა,—ნაღვლიანად თქვა ვალკამ,—ხუთ შაურს მაძლევდნენ. არ გამოვართვი მე სულელმა.

ვიდრე საავადმყოფოში ვიწეკი, ახალი ფული გამოსულიყო—ვერცხლისა და ოქროსი.

საბავშვო სახლში ყველაფერი ძველებურად იყო, მხოლოდ სერაფიმა პეტროვნა წასულიყო და მის ადგილზე მამაკაცი-აღმზრდელი—სუტკინი მიიღოთ. ვალკამ მითხრა, ლაქუცააო. ნიკოლაი ანტონიჩს, „ნემკას“, რუჟიჩეკს და ბავშვებს—ყველას ელაქუცებაო.

სამაგიეროდ სკოლაში ამ ნახევარი წლის განმავლობაში დიდი ცვლილებები მომხდარიყო. ჯერ ერთი, სკოლა ორჯერ შემცირებულიყო: უფროსი კლასელების ნაწილი სხვა სკოლებში გადაეყვანათ.

მეორე ის, რომ შეეღებათ და გაეთეთრებინათ--მოკლედ, ვერ იტყოდით, თუ ეს ის ქუჭყიანთანჯრებიანი და ჰერშეჰკვარტლული უსუფთაო ოთახები იყო.

მესამე, ყველანი მხოლოდ კომკავშირის უჯრედზე ლაპარაკობდნენ. მდივანად ახლა დეიდა ვარია იყო, ის გოგონა სამეურნეო კომისიიდან, რომელიც ცხრაას ოც წელს ჩამჩით ხელში საქმიანი შეხედულებით ბოლთასა სცემდა ხოლმე დერეფანში. ეტყობა, კარგი მდივანი გამოდგა, რადგან, როდესაც დავბრუნდი, კომკავშირის უჯრედის პატარა ოთახი ყველაზე საინტერესო ადგილი იყო ჩვენ სკოლაში.

მე ჯერ კომკავშირელი არ ვიყავი, მაგრამ საავადმყოფოდან დაბრუნების შემდეგ მესამე დღესვე მივიღე დეიდა ვარიასაგან დავალება—უნდა დამეხატა ღრუბლებში მოსრიალე თვითმფრინავი ქვეშ წარწერით: „ახალგაზრდობავ, შედით ს. ფ. მ. ს“-ში.

თითები ჯერ კიდევ არ მემორჩილებოდა, მაგრამ გულმხურვალედ მოვკიდე ხელი საქმეს.

ერთი სიტყვით, ახლა წინანდელზე ათასჯერ უფრო საინტერესო იყო სკოლაში და მე, რაკი ყველა წრეებში შევედი და გახეთფ-

ბის კოლექტიურმა კითხვამაც გამიტაცა, სულ დამავიწყდა ივან-
ივანიჩიც და ისიც, რომ მთხოვა შემველო მასთან არა უგვიანეს
ოცი მაისისა.

თავი მთოთხმება

პერცხლის ათშაშრიანი

იმ დღეს, როცა საბოლოოდ დაეპირე ექიმთან წასვლა, დილი-
დანვე დიდი არეულობა იყო. ვალკას ზღარბი გამოჩნდა, თურმე
სხვენში ასულიყო და რალაცნაირად კომბოსტოს ვარცლში ჩავარ-
დნილიყო.

შესაძლებელია, მოაგონდა, რომ ზამთარში არა სძინებია, ან
იქნებ დასუსტდა ორი კვირა ვარცლში ჯდომით. ერთი სიტყვით,
კარგად ვერ გამოიყურებოდა. ყოველ შემთხვევაში, საჭირო იყო საჩ-
ქაროდ გაყიდვა, რადგან ისეთი შესახედავი გახლდათ, გეგონებოდით,
სიკვდილს აპირებდით. აღარც ცხვირსა მალავდა და აღარც ბურ-
თივით იკუნებოდა, როცა ცხვირზე ხელსა ჰკიდებდნენ. ცხვირის
ირგვლივ წითელი წვერი როგორღაც ჩამოსჩეჩოდა. მოკლედ, კარ-
გად ვერ იყო. ისლა დაგვრჩენოდა, რომ უნივერსიტეტში წაგვეყვა-
ნა. უნივერსიტეტში რომელიღაც ლაბორატორია იქნდა ზღარ-
ბებს. ვალკამ ზღარბი ძველ შარვალში გაახვია და წავიდა. ერთი
საათის შემდეგ ძალიან სევდიანი დაბრუნდა და ლოგინზე ჩამოჯდა.

— გაჰკვეთავენ, — თქვა და სახე მაჟალ დაეპრაკა, რათა
ტირილი შეეკავებინა.

— როგორ გაჰკვეთავენ?

— მუცელს გაუჭრიან და შიგ ხელებს დატრევენ. როგორ მე-
ცოდება.

ჩვენ ცოტა წავლაპარაკდით, ყველა ზღარბს ერთ და იმავე აღ-
გილზე აქვს შიგნეული თუ არა.

— კარგი ერთი, აი ღარდი, — ვუთხარი მე, — სხვას იყიდი. რამ-
დენი მოგცეს?

ვალკამ უხმოდ გაშალა მუშტი. ზღარბი ცოცხალ-მკვდარი იყო
და მხოლოდ ერთი აბაზი მიეცათ.

— მე ექვისი შაური მაქვს, დაეუმატოთ და სპინინგი ვიყიდოთ.
სპინინგი განგებ ვუთხარი, რომ ღარდი გამეჩარწყლებინა.

სპინინგი დასაკეცი გრძელი ანკესია, გრძელი ნემსკავის ძლით
ბორბალზე. ისე, რომ თევზის მისატყუებელი შეიძლება ნაპირიდან

ორმოც მეტრზე გადაისროლო. ჯერ კიდევ ენსკში ვნახე. ერთი ბოქაული სპინინგით იჭერდა ხოლმე თევზს.

ჩენი უხალთუნები და სამშაურთანები შეევაგროვეთ და ერთ კუწკეწა ათშაურთანზე გადაეცვალეთ. ათშაურთანები ჯერ არ მენახა—რატომღაც ძალიან იშვიათადა გვხვდებოდა.

ვალკას ზღარბის ამბავმა ძალიან დამაგვიანა და, როცა ექიმისაკენ გავწიე, უკვე ბინდდებოდა. შორს ცხოვრობდა, ზუბოვის ბულვარზე. ტრამვაი ახლაც უფასო კი არ იყო, როგორც ცხრაას ოცში, მაგრამ მე მაინც უფასოდ ვიმგზავრე.

ზუბოვის ბულვარზე ბალის სიღრმეში თეთრი სვეტებიანი სახლის მხოლოდ ერთ ფანჯარაში მოჩანდა შუქი. გადავწყვიტე, რომ ეს იმისი ოთახი იქნებოდა. მაგრამ მოვტყუვდი, ექიმი თურმე მესამე სართულში ცხოვრობდა, სინათლე კი მეორე სართულში ენთო. ბინა ნომერი რვა—აი ისიც. ნომრის ქვეშ ცარკით მსხვილად ეწერა: „აქ ცხოვრობს პავლოვი და არა ლევენსონი“.

სწორედ ექიმი ივან ივანიჩი იყო პავლოვი.

კარები გამიღო ქალმა, რომელსაც ხელში ბავშვი ეჭირა. მკითხა, ვინ გინდაო. მე ვუთხარი, ვინც მინდოდა. მიპასუხა, ექიმი სახლშია, მაგრამ, მგონი, სძინავსო.

— დაუკაკუნე მაინც, — ჩურჩულით მითხრა, — იქნებ არა სძინავს.

— არა მძინავს, — საიდანლაც დაიძახა ექიმმა. — ვინ არის?

— ვილაც ბიკია.

— შემოვიდეს.

მე პირველად ვიყავი ექიმთან და გამიკვირდა, რომ ოთახში ასეთი არეულობა იყო. იატაკზე ერთად ეყარა ჩაისა და თუთუნის პაკეტები, ტყავის ხელთათმანები და უცნაური, ლამაზი ბეწვის ჩექმები. მთელი ოთახი თავახდილი ჩემოდნებით და ზურგჩანთებით იყო სავსე. ამ მიყრილ-მოყრილი ბარგის შუა, შტატივით ხელში ექიმი ივან ივანიჩი იდგა.

— ოჰ, სანია, — მხიარულად მითხრა მან, — მოხვედი? როგორ არის საქმეები? ცოცხალი ხარ?

— ცოცხალი ვარ.

— კარგია! გახველებს?

— არა.

— ყოჩაღ! მე კი, ძმაო, შენ შესახებ წერილი დავწერე.

მე მეგონა ხუმრობდა.

— სიმუნჯის იშვიათი შემთხვევა. — თქვა ექიმმა. — შენ თვითონ შეგიძლია წაიკითხო „კრაჩებნაია გაზეტას“ მეჩვიდმეტე ნომერში. ავადმყოფი გ. ეს ძმაო შენა ხარ. ჩათვალე, რომ ცნობილი გახდი, შართალია, ჯერჯერობით როგორც ავადმყოფი, მაგრამ მომავალი წინ არის.

მან სიმღერა დაიწყო: „მომავალი წინ არის, მომავალი წინ არის!“ — და უეცრად ყველაზე დიდ ჩემოდანს. ეცა, დახურა და ზედ დაჯდა, რომ უკეთესად დახურულიყო.

ეტყობა, ექიმი მოსკოვიდან გამგზავრებას აპირებდა. მინდოდა შეკითხა, საით მიემგზავრებოდა, მაგრამ გადავწყვიტე. ჯერ ის გამეგო, კარებზე რად ეწერა: აქ სცხოვრობს ექიმი და არა ლევენსონიო.

— ივან ივანიჩ, კარებზე რად გიწერიათ, რომ აქ თქვენა ცხოვრობთ და არა ლევენსონი?

ექიმს გაეცინა.

— იმიტომ, რომ აქ მე ვცხოვრობ, ლევენსონი კი მეზობელ სახლში. იმისიც რვა ნომერია, ჩემიც. ალაყათის კარები კი საერთოა, გაიგე?

— გავიგე.

ექიმი ბევრს ლაპარაკობდა იმ ღღეს. ასეთი მხიარული ჯერ არ მინახა. უეცრად გადაწყვიტა, ჩემთვის რამე ეჩუქებინა — და ტყავის ხელთათმანები მაჩუქა. ძველები იყო, მაგრამ ჯერ კიდევ ძალიან კარგები, თასმებით იკვრებოდა. არ ვიღებდი, მაგრამ ამის გაგონებაც არ უნდოდა, ხელში მომაჩეჩა და მითხრა:

— აილე და გაჩუმდი.

საქირო იყო, მადლობა გადამეხადა ხელთათმანებისათვის, მე კი მადლობის ნაცვლად ვკითხე:

— საით აპირებთ? მიემგზავრებით სადმე?

— მივემგზავრები, — თქვა მან. — შორეულ ჩრდილოეთში, პოლარული წრის იქით. გავიგონია?

მე ბუნდოვნად გამახსენდა შორეული ნაოსნიების შტურმანის წერილი.

— გამიგონია.

— ჰოლდა, იქ მე, ძმობილო, საცოლე დამრჩა. იცი ეგ რა არის?

— ვიცი.

— ტყუი. იცი, მაგრამ არ გესმის.

მე დავიწყე სხვადასხვა უცნაური საგნების თვალიერება, რომლებიც მას თან მიჰქონდა; ბეწვის შარვალი სამკუთხი უკანა ნაწილით, თასმებიანი ლითონის ლანჩები და ასე შემდეგ. ექიმი კი ბარჯს ალაგებდა და თან ლაპარაკობდა. ერთი ჩემოდანი ვერაფრით ვერ დახურა. მოჰკიდა ხელი სახურავს და ლოგინზე გადმოაპირქვევა. გადმოაპირქვევების დროს ჩემოდნიდან რაღაც დიდი სურათი გადმოვარდა და ჩემს ფეხებთან დაეცა. ეს იყო საკმაოდ ძველი, ჩაყვითლებული, რამდენიმე ადგილას მოღუნული სურათი. უკანა მხარეზე მსხვილი, მრგვალი ხელით ეწერა: ხომალდ „წმინდა მარიამის“ შემადგენლობა. სურათს თვალიერება დაეუწყე და ჩემ გასაოცრად კატკას მამა ვიპოვე. დიახ, ის იყო. ექსპენდიციის შუაში იჯდა გულხელდაკრეფილი, სწორედ ისე, როგორც იმ სურათზე, რომელიც ტატარინოვების სასადილო ოთახში ეკიდა. მაგრამ ექიმი ვერ ვიპოვე ამ სურათში და ვკითხე, თქვენ რატომ არა ხართ-მეთქი.

— ეგ იმიტომ, რომ „წმინდა მარიამით“ მე არ მიმგზავრია,— მიპასუხა ექიმმა და თან ხენეშით ჩემოდანს თასმა გადაუქირა.

სურათი გამომართვა, მაგრამ არ იცოდა სად ჩაედო.

— ერთმა კაცმა დამიტოვა სახსოვრად.

მინდოდა მეკითხა, ვინ იყო ის კაცი, კატკას მამა ხომ არ იყო-მეთქი, მაგრამ უკვე წიგნში ჩადო სურათი. წიგნი კი ზურგჩანთაში.

— აბა, სანია,— მითხრა მან,— დროა წავეიდე. მომწერე ხოლმე, რას აკეთებ და როგორა ხარ: გახსოვდეს, ძმარ, რომ შენ საინტერესო ეგზემპლარი ხარ.

მისი მისამართი ჩაეიწერე და ერთმანეთს გამოვეთხოვეთ.

შინ ფეხით წავედი და ცოტა შორს მოვუარე— ტვერსკოიზე— რადიოს მოსასმენად. ეს პირველი ხმამალა მოლაპარაკე იყო მოსკოვში. ძალიან საინტერესო იყო, მაგრამ, ცოტა არ იყოს, ღრიალებდა და ამიტომ გრიშკა ფაბერს მაგონებდა ტრაგედია „დადგა ეამში“.

საბავშვო სახლს რომ მიეუახლოვდი, მეთერთმეტე საათი იქნებოდა. ცოტა არ იყოს, მეშინოდა, კარები დაკეტილი დამხედება-მეთქი. მაგრამ არა! კარები. ღიაა და ყველა ფანჯრებში შუქია. რა მოხდა?

საწოლ ოთახში შურდულივით შევეარდი. ჭაჭანება არ არის! ლოგინები გაშლილია, ეტყობა, დაწოლას აპირებდნენ.

— ძია პეტია,— შევეყვირე მზარეულს, რომელიც ახალ კოსტუმში გამოწყობილი, ქუდით ხელში სანზარეულოდან გამოდიოდა,— რა მოხდა?

— კრებაზე ვარ მიწვეული.— იღუმალი ჩურჩულით მიპასუხა მან.

— რა კრებაა? სადა?

— მოსწავლეთა, მასწავლებელთა და მოსამსახურე პერსონალის კრებაა, — ისევ იღუმალად მიპასუხა მან.

ეტყობა, უკვე მოესწრო კარგად გადაკვრა, იმიტომ რომ ყოველი სიტყვის შემდეგ თვალებს ხანგრძლივად ხუჭავდა. ახსნა დამიწყო, რაკი კრებაზე ვარ მიწვეული. კაცოვით უნდა მეცვასო, მაგრამ მე უკვე ზევით ძიებობდი სკოლაში.

სააქტო დარბაზი გაქედილი იყო, ნემსის ყუნწი არ ჩავარდებოდა. კარებში და დერეფანშიც ბლომად იდგნენ ბავშვები. მე მაინც გავძვერი და პირველ რიგში დავეკეცი, მხოლოდ სკამზე კი არა, იატაკზე, იქვე სცენის წინ...

ეს საზეიმო კრება იყო დეიდა ვარიას თავმჯდომარეობით. ძალზე გაწითლებული, იგი პრეზიდენტში იჯდა და ფანქრით ერთთავად თმას ისწორებდა, რომელიც ზედ ცხვირზე ეჩჩებოდა. ეს პირველი დიდი კრება იყო, რომელსაც ის თავმჯდომარეობდა, და გასაგებია, რატომ ლელავდა ასე. უჯრედის სხვა ბავშვები აქეთიკით უსხდნენ და გულმოდგინედ რალაცას წერდნენ. მათ ზემოდან კი, პრეზიდენტის მაგიდის თავზე, ჩემი პლაკატი ეკიდა და მთელ დარბაზს დასცქეროდა. სული შემოგუბდა. ეს ჩემი პლაკატი იყო! ღრუბლებში მოსრიალე თვითმფრინავი წარწერით: „ახალგაზრდებო, შედით ს. ფ. მ. ს.-ში!“ მაგრამ რა შუაში იყო აქ ჩემი პლაკატი, — ამას დიდხანს ვერ მივხვდი, რადგან ყველა ორატორი მხოლოდ რალაც ულტიმატუმზე ლაპარაკობდა. მაგრამ აი გამოვიდა კორაბლიოვი და ყველაფერი ნათელი გახდა.

— ამხანაგებო, — ხმადაბლა, მაგრამ გარკვევით დაიწყო მან. — საბჭოთა მთავრობას ულტიმატუმი წამოუყენეს. საერთოდ თქვენ ძალიან სწორად შეათვალეთ ამ საბუთის მნიშვნელობა. თქვენი თვალსაზრისით, მისი ავტორები ტიპიური იმპერიალისტები არიან. სავსებით სწორია, მაგრამ შეცდომა იქნებოდა გვეფიქრა, რომ თვითონ მათ ეგ არ იცოდნენ, ან რომ ამის შესახებ პირველად თქვენგან ესმოდეთ. არა, ჩვენ სხვაგვარად უნდა ვუპასუხოთ ულტიმატუმს. ჩვენ უნდა შევქმნათ ჩვენ სკოლაში საჭაერო ფლოტის მეგობართა საზოგადოების უჯრედი!

ყველამ ტაში დაუკრა და ნერე კორაბლიოვის ყოველი წინადადების შემდეგ ტაშს უკრავდნენ. სხვათა შორის, ბოლოს ჩემ პლაკატზე მიუთითა და მე სიამაყე ვიგრძენი, რომ მთელი სკოლა ჩემ ღრუბლებში მოსრიალე თვითმფრინავს უყურებს და კითხულობს წარწერას „ახალგაზრდებო, შედით ს. ფ. მ. ს.-ში“.

შემდეგ ნიკოლაი ანტონიჩი გამოვიდა და იმანაც ძალიან კარგად. კავერინი — ორი კაპიტანი

გად ილაპარაკა. მერე დეიდა ვარიამ გამოაცხადა, რომ კომკაეში-
რის უჯრედი მთლიანად შედის ს. ფ. მ. ს-ში და მსურველებს
შეუძლიათ ჩემთან ჩაეწერონ ხვალ დილის ათი საათიდან—სალა-
მოს ათ საათამდე ჯერჯერობით კი ფული შეკრიბონ საბჭოთა
ავიაციის სასარგებლოდ და შეკრებილი ფული გაზეთ „პრავდას“
მისამართით გაგზავნონო.

ეტუობა, მე ვლელავდი, რადგან ვალკა, რომელიც იქვე ჩემსავით
იატაკზე იჯდა, გაკვირვებით მიყურებდა. ვერცხლის ათშაურიანი
ამოვიღე და დავანახე. იგი მიხვდა, მგონი, რალაც უნდოდა
ეკითხა, ალბათ „სპინინგის“ შესახებ, მაგრამ არაფერი უთქვამს
და მხოლოდ თავი დამიქნია.

ესტრადაზე ავეარდი და ათშაურიანი დეიდა ვარიას მივეცი.


— ივან პავლიჩ, — ვუთხარი კორაბლიოვს, რომელიც დერეფან-
ში იდგა და გრძელი მუნდშტუკით პაპიროსს ეწეოდა. — რა ხნიდან
იღებენ მფრინავებად?

მან სერიოზულად შემომხედა.

— არ ვიცი, სანია. შენ კი, მე მგონი, ჯერჯერობით არ მი-
გიღებენ..

არ მიმიღებენ? მომაგონდა ფიცი, რომელიც ოდესღაც მე და
პეტკამ ერთმანეთს მივეცით ტაძრის ეზოში: „იბრძოლე და ეძიე,
ჰპოვე და უკან არ დაიხიო“. მაგრამ მე ხმამალლა არ მითქვამს იგი.
სულ ერთია, კორაბლიოვი მაინც ვერ გაიგებდა.





ნაწილი მესამე
ქველი ნაჩილები
თავი პირველი
ოთხი წელი

როგორც ძველ, მუნჯ ფილმებში არის ხოლმე, მე წარმომიდგენია დიდი საათი, რომლის ისარა წლებს გვიჩვენებს. სრული წრე — და ჩემს თავს მესამე კლასში ვხედავ, კორაბლიოვის გაკვეთილზე, რომაშკას გვერდით. სანაძლეო დადებულია, რომ მე არც ხელს გამოვწევ და არც დავიყვირებ, როცა რომაშკა თითებზე ჯიბის დანას დამისვამს. ეს ნებისყოფის გამოცდაა. თანახმად „წესებისა ნებისყოფის გასავითარებლად“, მე უნდა მივეჩვიო, არ გამოვხატო გარეგნულად ჩემი გრძნობები. ყოველ საღამოთი ვიმეორებ ამ წესებს და აი, ძლივს მომეცა შესაფერისი შემთხვევა! მე ჩემს თავს ვცდი. მთელი კლასი ჩვენ გვადევნებს თვალყურს, კორაბლიოვს ყურს აღარავინ უგდებს, თუმცა დღეს საინტერესო გაკვეთილია: ჩუკჩების ადათებისა და წესების შესახებ.

— დაუსვი. — ვეუბნები რომაშკას.

ის უსინდისოც თითებზე გულგრილად მისვამს დანას. მე არა ვყვირი, მაგრამ ჩემდა უნებურად ხელს უკან ვწევ და სანაძლეოს ვაგებ.

ვიღაც ვაის იძახის, ჩურჩული მთელ მერხებს ედება. სისხლი მომდის. განგებ ხმამაღლა ვიცინი, რათა ვაჩვენო, რომ სულაც არა

მტკივა, და უეცრად კორაბლიოვი კლასიდან მაგდებს. ხელს ჯიბე-ში ვყოფ და კლასიდან გაედივარ.

— შეგიძლია, არ დაბრუნდე.

მაგრამ მე ვბრუნდები. გაკვეთილი საინტერესოა და კარებთან, იატაკზე დამჯდარი ვუსმენ...

წესები ნებისყოფის გასავეითარებლად! მთელი წელიწადი ჩაკირკიტებდი ამ წესებს. შევეცადე არა მარტო ჩემი გრძნობების დაფარვას. არამედ იმასაც, რომ ყურადღება არ მიმექცია იმ ხალხის აზრისათვის, რომელნიც მეზიზღებოდნენ. არ მახსოვს, ან ორი წესიდან რომელი უფრო ძნელი იყო. მგონი პირველი. რადგან ჩემი სახე გამოხატავდა სწორედ ყველაფერ იმას, რასაც მე ვგრძნობდი და ვფიქრობდი.

რაც შეიძლება ნაკლები იძინე, რადგანაც ძილის დროს ნებისყოფა თან არ გვახლავს, — არც ეს იყო ძნელი ამოცანა ჩემისთანა ადამიანისათვის, მაგრამ სამაგიეროდ ვისწავლე დღის წესრიგის დიდიდანვე განაახლერა — და მთელი ჩემი სიცოცხლე ამ წესს მივდე.

რაც შეეხება უმთავრეს წესს — „გახსოვდეს შენი არსებობის მიზანი“, ამის გამეორება ძალიან ხშირად არა მჭირდება, რადგანაც ეს მიზანი იმ წლებშივე ნათელი იყო ჩემთვის...

კვლავ სრული წრე — ოცდახუთი წლის ზამთრის აღრიანი დილაა. ყველაზე ადრე ვიღვიძებ, ვწვევარ და არ ვიცი, მძინავს თუ უკვე გამეღვიძა. თითქოს სიზმარში მეჩვენება ჩვენი ენსკი, „კრეპოსტნოი ვალი“, პონტონის ხიდი, ფერდობზე შეფენილი სახლები, გაერკული, მოხუცი სკოვოროდნიკოვი; დეიდა დაშა დამრიგებლური კილოთი სხვის წერილებს კითხულობს. მე — პატარა, თმაგაკრეკილ ბიჭს, განიერი შარვალი მაცვია. მე ვარ კი ხამდვილად?

ვწვევარ და ვფიქრობ, მძინავს და არცა მძინავს. ენსკი სადღაც მისცურავს თავისი წერილებით, გაერთ, დეიდა დაშათი. ვიგონებ ტატარინოვებს... ორი წელიწადია იმათთან არა ვყოფილვარ — ნიკოლაი ანტონიჩს ისევ ისევ ვძულვარ. ჩემს გვარში არც ერთი სისინა ბგერა არ არის, მიუხედავად ამისა ივი სისინით წარმოთქვამს ჩემ გვარს. ნინა კაპიტონოვნას კვლავ ვუყვარვარ, ამას წინათ კორაბლიოვმა მოკითხვა გადმომცა მისგან. ნეტა მარია ვასილენვა როგორ არის? ისევ ძველებურად ზის დივანზე და აბოლებს? კატია?

საათს ვუყურებ, მალე შეიდი გახდება. დროა აედგე — ჩემ თავს.

აიტყვა მივეცი. ზარის დარეკვამდე აედგე ხოლმე. ფეხაკრებით პირ-საბანისაკენ მიერბივარ, ღია ფანჯრის წინ ვეარჯიშობ. ცივა, თოვლის ფიფქები ფანჯარაში ცვივიახ, ფარფატით ბეჭებზე მეცემიან და ზედვე მადნებიან. წელზევით ვიბან და წიგნს ვაშურებ! მშენიერი წიგნია, — ამუნდსენის „სამხრეთი პოლუსი,“ — რომელსაც უკვე მეოთხედ ვკითხულობ.

ვკითხულობ, როგორ შეხვდა ჩვიდმეტი წლის ქაბუკი ამუნდსენი ცნობილი დრეიფიდან დაბრუნებულ ნანსენს; როგორ გაატარა „მთელი დღე ბაირალებით მორთულ ქუჩებში, ბრბოში, რომელიც ვაშას გაიძახოდა. საფეთქლებთან სისხლი უცემდა და ქაბუკური ოცნებანი ქარიშხალივით ბობოქრობდნენ მის გულში“.

სიცივე მივლის მხრებიდან ზურგისაკენ, ფეხები და მუცელიც კი თითქოს გამეყინა. ეკალს მაყრის. ისე ვკითხულობ, თითქოს მეშინია, ერთი სიტყვა არ გამომრჩეს. უკვე მოისმის ხმები სამზარეულოდან: გოგონები ქურჭლით ხელში მხიარული ლაპარაკით სასადილოსაკენ მიდიან. მთელი სახე მიხურს, საფეთქლებში სისხლი მაწეება. კითხვას განვაგრძობ მღელვარედ და აღფრთოვანებით. ვგრძნობ, რომ სამუდამოდ დამამახსოვრდება ეს წუთები...

კვლავ სრული წრე — და ჩემ თავს პატარა, დიდი ხნის ნაცნობ ოთახში ვხედავ. სამი წლის მანძილზე თითქმის ყველა საღამო ამ ოთახში მაქვს გატარებული. კომკავშირის უჯრედის დავალებით პირველად ვატარებ წრეში გაზეთების კოლექტიურ კითხვას. პირველად შიში მიპყრობს. მე ვიცი „მიმდინარე მომენტი“, „ნაციონალური პოლიტიკა“, „საერთაშორისო საკითხები“. მაგრამ უფრო კარგად ვიცი ფრენის საერთაშორისო რეკორდები, — სიმალღეზე, ხანგრძლივობაზე, სიშორეზე. ფასების დაწვეის შესახებ რომ ვკითხონ უცებ? მაგრამ ყველაფერმა მშვიდობიანად ჩაიარა. გოგონებიდან ვილაც მთხოვს, ლენინის ბიოგრაფია ვუამბო, ლენინის ბიოგრაფია კი, გაგიხარიათ, შესანიშნავად ვიცი!

სულ უფრო და უფრო ივსება კომკავშირის უჯრედის ოთახი. ნემსის ყუნწი არ ჩაიგდება. ზღურბლზე კორაბლოვი დგას და ყურადღებით მისმენს: ულვაშებზე ხელს ისვამს. ვაშა! მაშ კმაყოფილია! სიხარულისა და სიამაყის გრძნობა მიპყრობს. ვლაპარაკობ და თან გაოცებული ვფიქრობ: „ოჰ, რა კარგად ვლაპარაკობ-მეთქი“

ეს ჩემი პირველი საზოგადოებრივი გამოსვლაა, თუ არ ჩავთვლით ერთ შემთხვევას კოცონთან, სადაც სტიოპა ივანოვის ძალა-

უფლება დაემხო. მგონი ბედმა გამიღიმა. მეორე დღეს საზმეცის მასწავლებელმა გამომიძახა, მთხოვა, ლენინის ბიოგრაფია გამემეორებინა, და თქვა: „თუ ავად გავხდი, სანია გრიგორიევი შემცვლისო“.

კიდევ ერთი სრული წრე—და მე ჩვიდმეტი წლისა ვარ. მთელი სკოლა სააქტო დარბაზშია. წითელ მატერიაგადაფარებულ მაგიდასთან სასამართლოს წევრები სხედან. მარცხნივ—დამცველი, მარჯვნივ—საზოგადოებრივი ბრალმდებელი. საბრალმდებლო სკამზე დამნაშავე ზის.

— ბრალდებულო! თქვენი სახელი? მიმართავს, თავმჯდომარე.

— ევგენი.

— გვარი?

— ონეგინი.

ეს დაუვიწყარი 1 ღვ იყო.

თავი მეორე

ევგენი ონეგინის ბასამართლება

პირველად არავინ არ დაინტერესებულა ამით. მაგრამ აი ჩვენი თეატრის ერთმა მსახიობმა ქალმა წინადადება შემოიტანა, ევგენი ონეგინის გასამართლება პიესასავით დაგვედგა, კოსტუმებში, და უცხად მთელი სკოლა ალაპარაკდა ამაზე.

მთავარი როლის შემსრულებლად გრიშკა ფაბერი მოვიწვიეთ, რომელიც უკვე ერთი წელიწადია თეატრალურ სასწავლებელში სწავლობდა, მაგრამ ზოგჯერ ძველ დროს გაიხსენებდა და ჩვენი პრემიერების სანახავედ შემოივლიდა ხოლმე. მოწმეების თამაშზე ჩვენმა არტისტებმა იკისრეს. მაგრამ ლარინების გადიასათვის კოსტიუმები ვერ ვიშოვეთ და მტკიცება დაგვეჭირდა, რომ პუშკინის ხანაში გადიებს ისევე ეცვათ, როგორც ახლა აცვიათ. დაცვა ვალკას დაავალეს. საზოგადოებრივ ბრალმდებლად ჩვენი აღმზრდელი სუტკინი იყო, თავმჯდომარე კი მე გახლდით.

პარიკით, ლურჯ ფრაკში, მუხლებამდის ჩულქებში და ბაფთიან ფეხსაცმელებში გამოწყობილი ბოროტმოქმედი დამნაშავის სკამზე იჯდა და უდარდელად, წვერწამტვრეული ფანქრით ფრჩხილებს იწმენდა. ხანდახან დაცინებით და ამავე დროს დანისლული თვალებით ხალხსა და სასამართლოს წევრებს გადახედავდა ხოლმე, ალბათ, მისი აზრით, მსგავს პირობებში ასე მოიქცეოდა ევგენი ონეგინი.

მოწმეების ოთახში (ყოფილი სამასწავლებლო) ისხდნენ მოხუცი ლარინა თავისი ქალებით და გადიათი. ისინი, პირიქით, ძალიან ლელავდნენ, განსაკუთრებით გადია, რომელიც გასაოცრად ახალგაზრდა და ლამაზი იყო თავის წლოვანებისათვის. დამცველიც ლელავდა და რატომღაც საბუთებით სავსე „საქაღალდეს“ ხელიდან არ უშვებდა. დამამტკიცებელი ნიეფიერი საბუთები—ორი ძველებური დამბაჩა—ჩემ წინ მაგიდაზე ეწყო. ჩემს ზურგს უკან ისმოდა რევის-სორების აჩქარებული ჩურჩული.

— თვლით თქვენ თავს დამნაშავედ?—ეკითხე გრიშას.

— რაში?

— დუელის სახით მკვლელობაში, — წაიჩურჩულეს რევისორებმა.

— დუელის სახით მკვლელობაში. — ვთქვი მე, საბრალმდებლო დასკვნაში ჩაეიხედე და დაეუმატე: — თვრამეტი წლის პოეტის, ვლადიმერ ლენსკის მკვლელობაში.

— არასოდეს! — დაცინვით მიპასუხა გრიშკამ, — უნდა ან ხეავებდეთ, რომ დუელი მკვლელობა არ არის.

— მაშ თუ ასეა, მოწმეთა დაკითხვას შეეუდგეთ. — გამოვაცხადე მე. — მოქალაქე ლარინა, რა შეგიძლიათ გვითხრათ ამ საქმის შესახებ?

რეპეტიციაზე ყველაფერი ეს სიხარულით გვაესებდა, აქ კი უნებურად ყველა გრძნობდა, რომ არაფერი გამოდიოდა: მხოლოდ გრიშკა ისე გრძნობდა თავს, როგორც თევზი წყალში. ხან სავარცხელს იღებდა და ქილვას ივარცხნიდა, ხან საყვედურით თვალს თვალში უყრიდა სასამართლოს წევრებს, ხან თავს ამაყად უკან გადასწევდა და დამცინავად იღიმებოდა. როდესაც მოწმემ, მოხუცებულმა ლარინამ გამოაცხადა, რომ ჩვენ ოჯახში ონეგინი ნათესავით იყო მიღებულიო, — გრიშკამ ერთი ხელი თვალებზე მიიფარა, მეორე კი გულზე დაიდო, რათა ეჩვენებინა, როგორ იტანჯებოდა. მშვენიერად თამაშობდა და შვეპაჩნიე, რომ მოწმეები: ტატიანა და ოლგა პირდაპირ თვალს ვერ აშორებდნენ—ტატიანა კიდევ არაფერი, ის ხომ შეყვარებულია რომანის მისედვით, მაგრამ ოლგა? — იმას მთლად ავიწყდებოდა როლი. ხალხიც მხოლოდ გრიშკას უყურებდა, ჩვენ კი არავინ ყურადღებას არ გვაქცევდა.

მოწმე მოხუცი ლარინა გაეუშვი და ტატიანა გამოვიძახე, ოჰ, როგორ ენად გაიკრიფა! სულაც არა ჰგავდა ჰუშკინის ტატიანას, მხოლოდ „ტატიანკით“ და მხრებზე დაყრილი კულულებით თუ მიაშვავებდით. ჩემს კითხვაზე—თვლის თუ არა ონეგინს დამნაშავედ, იმან ორჭოფულად მიპასუხა—ონეგინი ეგოისტიყო.

სიტყვა დამცველს მივეცი და სწორედ ამ წუთიდან წავიდა ყველაფერი ყირამალა. ჯერ ერთი იმიტომ, რომ დამცველმა აბღა-უბლის ჩმახვა დაიწყო, მეორე ის, რომ კატია დავინახე.

რალა თქმა უნდა, ამ ოთხ წელიწადში ძალიან გამოცვლილი-ყო, მაგრამ მკერდზე გადმოყრილი ნაწნაეები ძველებურად ეხვეო-და და ასეთივე ხვეულები უმშვენებდა შუბლს. წინანდებურად ამა-ყად ქუტავდა თვალებს და ცხვირიც ისეთივე სიმტკიცის გამომ-ხატველი ჰქონდა—ალბათ, ასი წლის შემდეგაც ვიცნობდი ამ ცხვირით.

ყურადღებით უსმენდა ვალკას. ეს იყო ყველაზე დიდი შეც-დომა—ვალკასთვის დაცვის დავალება, რომელსაც მთელ ქვეყანა-ზე ზოოლოგიის გარდა არაფერი აინტერესებდა. მან დაიწყო ძა-ლიან უცნაური დასაბუთება, რომ დუელები ცხოველთა სამყარო-შიც არსებობს, მაგრამ ამას არაფერს მკვლევლობად არა თვლის. მერე მღრღნელებზე გადავიდა და ისე გაიტაცა ამან, რომ აღარავინ იცოდა, როგორ დაუბრუნდებოდა ევგენი ონეგინის დაცვას. მაგ-რამ კატია ინტერესით უსმენდა; წინა წლების გამოცდილებით ვი-ცოდი, როდესაც პირში ნაწნაჟი ჯდევს და წიწვნის—უთუოდ რი-თიმე არის გატაცებული. გოგონებიდან მხოლოდ იგი არ აქცევდა ყურადღებას გრიშკას.

ვალკამ უცებ დაამთავრა და სიტყვა საზოგადოებრივმა ბრალ-მდებელმა აიღო. ეს ხომ მთლად მოსაწყენი იყო. საზოგადოებრივი ბრალმდებელი მთელი საათი ამტკიცებდა, რომ, თუმცა ლენსკი XIX საუკუნის მეჰამულეთა და ბიუროკრატიის საზოგადოებამ მოჰკლა, მაინც ევგენი ონეგინი მთლიანად და საესებით აგებს ჰა-სუხს ამ მკვლევლობის გამო, „რადგან ყოველგვარი დუელი მკვლე-ლობაა წინასწარმოფიქრებული განზრახვით“

ერთი სიტყვით, საზოგადოებრივი ბრალმდებელის აზრით, ევ-გენი ონეგინისათვის უნდა მიესაჯათ ათი წელი მთელი ქონების კონფისკაციით.

ასეთ წინადადებას არაფერს მოელოდა. დარბაზში ხარხარი გა-ისმა. გრიშკა ამაყად წამოდგა ზეზე... მე სიტყვა მივეცი.

ამბობენ, რომ მსახიობები მაყურებლის სულიერ განწყობილე-ბას გრძნობენო: ეტყობა, გრიშკამაც იგრძნო, რადგანაც პირველი სიტყვიდანვე სამინელ ღრიალს მოჰქვა, როგორც შემდეგში აგვიხს-ნა, „მაყურებლის ხელში დასაქერად“, მაგრამ ვერ შესძლო „მაყუ-რებლის ხელში დაქერა“. მის სიტყვას ერთი ნაკლი ჰქონდა: ვერ

გაიგებდით, თავისი სახელითა ლაპარაკობდა თუ ევგენი ონეგინის სახელით. ვფიქრობ, ევგენი ონეგინი არ იტყოდა, „ლენსკის თავი მოჰქონდა, ყოყოობდაო“ ან, რომ მას „ახლაც არ აუქანკალდებოდა ხელი, რომ ვლადიმერ ლენსკის გული გაეგმირა“.

ერთი სიტყვით, როცა დაჯდა თავისი თავით დიდად კმაყოფილი და შუბლიდან ხვითქის წმენდა დაიწყო, ყველამ თავისუფლად ამოისუნთქა.

— სასამართლო სხდომაზე მიდის.

— ჩქარა, ბავშვებო!

— მოსაწყენია.

— გააქიანურეს!

ყველაფერი ეს მართალი იყო და ჩვენ წინასწარმოულაპარაკებლად გადაეწყვიტეთ, თათბირი სასწრაფოდ ჩაგვეტარებინა. სახტად დავრჩი, როცა სასამართლოს წევრების უმრავლესობა საზოგადოებრივ ბრალმდებელს დაეთანხმა. ათი წელი ქონების კონფისკაციით! ცხადია, აქ ევგენი ონეგინი არაფერ შუაში იყო. ათი წლის მისჯას გრიშკა ფაბერს უპირებდნენ, რომელმაც ყველას თავი მოაბეზრა ტატიანასა და ოლგას გარდა, მაგრამ მე ვთქვი, რომ ეს უსამართლობაა, გრიშკა მაინც კარგად თამაშობდა და უიმისოდ მოსაწყენი იქნებოდა-მეთქი. ხუთ წელზე შევთანხმდით.

— ადექით, სასამართლო მობრძანდება!

ყველანი ფეხზე აღგნენ. განაჩენი გაშოვაცხადე.

— სწორე არ არის!

— გაემართლოთ!

— ძირს!

— კეთილი, ამანაგებო,— ეთქვი მე პირქუშად.— მეც გეთანხმებით. ჩემი აზრით, ევგენი ონეგინი უნდა გაემართლოთ, გრიშკას კი მადლობა გამოეუცხადოთ. ვინ არის მომხრე?

ყველამ სიცილით ხელი ასწია.

— მიღებულია ერთხმად. კრება დაცურულია.

ძალიან გაბრაზებული ვიყავი. ტყუილად მოვკიდე ხელი ამ საქმეს. იქნება სჯობდა, მთელი ეს სასამართლო ხუმრობად გადაგვექცია? მაგრამ როგორ? მე მეგონა, ყველა ამჩნევდა ჩემს მოუხერხებლობასა და ენაბლაგვობას.

ასეთ ცუდ გუნებაზე გამოვედი გასახდელ ოთახში და სწორედ კატიას შევხვდი. ის იყო პალტო მიეღო და თავისუფალ ადგილს ეძებდა, გასასვლელთან ახლო.

— გამარჯობა, — მითხრა სიცილით, — პალტო დამიჭირე. აი სასამართლოც ამასა ჰქვია!

ეს ისე თქვა, თითქოს გუშინ დავშორებოდით ერთმანეთს.

— გაგიმარჯოს, — ვუპასუხე მოლუშულად.

მან ცნობისმოყვარეობით შემომხედა.

— ოჰ, როგორი გამხდარხარ!

— როგორი?

— ამაყი. აბა, პალტო აიღე და წავიდეთ.

— სად?

— ოჰ, ღმერთო, სად? თუნდაც მოსახვევამდი. ძალიან თავაზიანი არა ხარ!

უპალტოოდ გავყევი, მან კიბიდან დამაბრუნა.

— ცივა და დიდი ქარია...

აი, როგორი დამამახსოვრდა იგი, როცა მე სადოვო-ტრიუმფალურისა და ტვერსკოის კუთხეში დავეწიე.

ნაცრისფერი ყურებიანი ქუდი ეხურა. ქუდის ბოლოები შეკრული არა ჰქონდა. შუბლზე დაყრილი ხვეულები უკვე თოვლს შეევერცხლა, ვიდრე მე სკოლაში მივბრუნდებოდი. ქარი პალტოს კალთასა სტაცებდა. — ოდნავ დახრილი იდგა და ხელით პალტოს იჭერდა. შუატანისა იყო, მოხდენილი და, მგონი, ძალიან ლამაზი. მე ვანობო — მგონი-მეთქი, იმიტომ რომ მაშინ ამაზე არა ვფიქრობდი. რასაკვირველია, ჩვენი სკოლის არც ერთი გოგონა არ გაბედავდა ასე მბრძანებლობას.

— „პალტო აიღე და წავიდეთ“!

მაგრამ ეს ხომ კატკა იყო, რომელიც თმებით მითრევია და თოვლში ცხვირით ჩამიფლია!

იმ ორ საათში, რომელიც ჩვენთან დაჰყო, სკოლის ყველა საქმეების გაგება მოესწრო. ძალიან წუხდა ბროიტმანის — ხატვის მასწავლებლის — სიკვდილს, რომელიც ყველას გვიყვარდა. ისიც გაეგო, როგორ დასცინოდა ყველა „ნემკას“, რომელმაც სიბერის ეამს თმები შეიკრიჭა და ტუჩების შეღებვა დაიწყო. მიაბმო ჩვენი კედლის გაზეთის უახლოესი ნომრის შინაარსი. თურმე მთლიანად ეგვენი ონეგინის გასამართლებას მიეძღვნება. ერთი კარიკატურა უკვე ხელიდან ხელში გადადიოდა — ლოზუნგქვეშ: „ღუფლებს ცხოველთა სამყაროშიაც აქვთ ადგილი“ — ვალკა ორ მოჩხუბარ ძაღლს აშველებს. გრიშკა ფაბერი, რომელსაც ხელში სავარცხელი უჭირავს, მიბნედილი თვალებით შეჰყურებს მოწმეებს — ტატიანასა და ოლგას.

— ყური მიგდე, ყველანი კაპიტანს რად გეძახიან? საზღვაო-სასწავლებელში გინდა შესვლა?

— ჯერ კიდევ არ ვიცი,—ვიტყუე მე, თუმცა უკვე დიდი ხანია ვიცი, რომ საზღვაო სასწავლებელში კი არა, საფრენოსნო სკოლაში შევიდოდი.

ნაცნობი სახლის ალაყაფის კარებამდე მივაცილე. მთხოვა, შემეღო ხოლმე.

— არა, უხერხულია.

— რატომ? რა ჩემი საქმეა, თუ ნიკოლაი ანტონიჩთან ცუდ-განწყობილებაში ხარ. დიდება გიგონებდა. შემოიარე ხოლმე, ჰა?

— უხერხულია.

კატიამ ცივად აიჩიოა მხრები.

— მაშ, როგორც გინდა.

ეზოში დავეწიე.

— რა სულელი ხარ, კატკა. გეუბნები, უხერხულია-მეთქი. უკეთესია, სადმე წავიდეთ ერთად, კარგი? სასრიალოზე?

კატიამ შემომხედა და უეცრად ცხვირი აიწია, როგორც ბავშვობაში იცოდა.

— მოვიფიქრებ,—დიდი ამბით თქვა მან,—ხეალ დაპირეკე, ასე ოთხ საათზე. უჰ, როგორა ცივა! კბილებიც კი ეყინება ადამიანს.

თავი მახახე

ს ა ს რ ი ა ლ ო ზ ე

ჯერ იმ წლებშივე, როდესაც ამუნდსენით ვიყავი გატაცებული, ერთი სულ უბრალო აზრი მომივიდა თავში: თვითმფრინავით ამუნდსენი შეიღჯერ უფრო სწრაფად მიაღწევდა სამხრეთ პოლუსს. რა წვალებით მიიწევდა წინ ამ გაუთავებელ, თოვლით დაფარულ უდაბნოში! ორი თვე მისდევდა კვალდაკვალ ძაღლებს, რომელთაც საბოლოოდ ერთმანეთი დატლითეს და შექამეს. თვითმფრინავით კი ერთ დღე-ღამეში მიაღწევდა სამხრეთ პოლუსს და არც კი ეყოფოდა მეგობართა და ნაცნობთა სახელები ყველა მწვერვალების, მყინვარებისა და ზეგნებისათვის დასარქმევად, რომელთაც ამ გადაფრენის დროს აღმოაჩენდა.

ცისმარე დღე ვეებერთელა ამონაწერებს ვაკეთებდი პოლარული მოგზაურობებიდან. გაზეთებიდან ეჭრიდი შენიშვნებს ჩრდილოეთში პირველი გაფრენების შესახებ და ძველ კანტორის წიგნში

ვაკრავდი. ამ წიგნის პირველ გვერდზე ეწერა: „წინ“—ჰქვია მის გემს. „წინ“—ამბობს იგი და მართლაც წინ მისწრაფის! „ნანსენი ამუნდსენის შესახებ.“—ეს იყო ჩემი დევიზი. ოცნებაში თვითმფრინავით ყველა მარშრუტებით გავყევი: სკოტს, შეკლტონს, რობერტ პირს და, რაკი ჩემს განკარგულებაში თვითმფრინავი იყო, უნდა მისი მოწყობილობის შესწავლას შევედგომოდი.

თანახმად ჩემი წესების მესამე პუნქტისა, — „რაც გადაწყვიტო — შეასრულე“, — მე წავიკითხე „თვითმფრინავთმშენებლობის თეორია“. ოჰ, რა წამება იყო, მაგრამ ყველაფერი, რაც ვერ გავიგე, ყოველ შემთხვევისათვის ზეპირად ვისწავლე.

ყოველდღე გონებაში ეშლიდი და ვაწყობდი თვითმფრინავს. შევისწავლე მისი ძრავი და ხრახნები. უახლესი ხელსაწყოებით მოვაწყვე, ჩემი ხუთი თითივით ვიცნობდი. მხოლოდ ერთი რამ არ ვიცოდი ჯერ, როგორ უნდა მეფრინა, და სწორედ ეს შინდოდა მესწავლა.

ჩემ გადაწყვეტილებას არავის ეუმხელდი, თერ კორაბლიოგსაც კი. სკოლაში ისედაც ამბობდნენ ჩემზე, ყველაფერს ეღებო, და არ მინდოდა ჩემი ავიაციის ამბავზეც ელაპარაკათ, ეთქვათ— „ახალი გატაცებააო“.—ეს არ იყო უბრალო გატაცება, თითქოს დიდი ხნის წინათ გადავწყვიტე, რომ მფრინავი გამოვსულიყავი, ჯერ კიდევ ენსკში, იმ დღეს, როდესაც ტაძრის ეზოში მე და პეტკა ვაშხლართულები ვიწეკით და დღისით მთვარისა და ვარსკვლავების დანახვას ვცდილობდით. როდესაც რუხმა, ფრთიანი თევზის მსგავსმა თვითმფრინავმა ღრუბლებს ლალად შემოუარა და პესჩინკის იქითა მხარეს მიიძალა. რა თქმა უნდა, ეს მხოლოდ ასე მეგონა, მაგრამ მაინც ტყუილად არ დამამახსოვრდა ის თვითმფრინავი. ალბათ მართლაც მაშინ ვიფიქრე პირველად იმაზე, რითაც ახლა მთელი ჩემი გონება იყო შეპყრობილი.

ამგვარად, ყველას ეუმალავდი ჩემ საიდუმლოს და უეცრად გავამჟღავნე. და მერე ვის გავუმჟღავნე? კატიას.

იმ დღეს დილიდანვე მოვილაპარაკეთ სასრიალოზე წავსულიყავით, მაგრამ სულ რაღაც გვიშლიდა ხელს. ხან კატიამ გადადო წასვლა, ხან მე. როგორც იყო წავედით.—ციგურაობაც უკულმართად დაიწყო. ჯერ ერთი ნახევარი საათი ყინვაში მოგვიხდა ცდა: სასრიალო თოვლს დაეფარა და ახლა თოვლსა ხვეტავდნენ. მეორე ის, რომ კატიას პირველ წრეზევე ქუსლი მოსტყდა და იძულებული ვიყავით, ციგურა თასმით დაგვემაგრებინა, რომელიც მე ყოველ

შემთხვევისათვის წამოვიღე. მაგრამ ჩემი თასმაც წამდაუწუმ იხსნე-
ბოდა. ეს კიდევ არაფერია! იძულებულები ვიყავით, გასახდელ
ოთახში დაებრუნებულიყავით და ციგურები დაბლევრილი წითური
ზეინკლისათვის მიგვეცა, რომელიც საშინელი ღრუბლით ჩარხავდა
ციგურებს ქუქყიან მრგვალ საღესავზე. ის იყო ბალთა შეაკეთა,
რომ ახლა თასმა ასწყდა, ღორის ტყავისა იყო—და აბა ერთი
შეპკარით ყინვაში დაგრებილი ღორის თასმა. ძლივს ყველაფერი
მოწესრიგდა. ისევ წამოვიდა თოვლი და ჩვენ ხელი-ხელ ჩაკიდებუ-
ლები დიდხანს ვციგურაობდით დიდი ნახევარი წრეებით, ხან მარ-
ცხნივ, ხან მარჯვნივ. ამ იღეთს ჰოლანდიური ნაბიჯი ჰქვია.

თოვლი ხელს უშლის კარგ მოციგურავეებს, მაგრამ რა სასია-
მოვნოა, როცა საცურაოზე უეცრად თოვლი წამოვა! ფიფქები სწო-
რედ არ ეცემიან ყინულს. ჰაერში იწყებენ ტრიალს, რადგან მო-
ციგურავე ხალხის ყინულზე ტრიალის დროს ქარი ჩნდება, და
ფიფქებიც დიდხანს ხან ზევით მიდიან და ხან ქვევით, ვიდრე
გამკვირვალე ნათელ ყინულს არ დაეფინებდნენ. უჰ, რა სილამაზეა.
უცნებ ვიგრძენი, რომ ამქვეყნად ყველაფერი კარგია. ვიცოდი,
რომ კატიაც ამასვე გრძნობდა, მიუხედავად უხეში ღორის თასძისა,
რომელმაც ფეხი უკვე გადააქლითა. იმასაც უხარია, რომ თოვლი
ბარდნის და რომ ჩვენ ჰოლანდიური ნაბიჯით ვციგურაობთ.

მერე მე ბაგირთან დავდექი, რომლითაც მოედანი იყო გამოყო-
ფილი, და კატიას დავუწყე. ცქერა. „ორმაგ რვიანებს“ აკეთებდა.
ჯერ ვერ ახერხებდა. ჯავრობდა და ყველაფერს ქუსლს აბრა-
ლებდა. მერე ისე მშვენივრად გააკეთა რვიანი, რომ ვილაც ჩასუქე-
ბულმა კაცმა, რომელსაც დიდის მონდომებით გამოჰყავდა წრეები,
ამოიხენეშა კიდევ და დაუძახა:

— მშვენიერია!

გავიგონე, რომ მასაც შესჩივლა კატიამ ქუსლის გამო.

დიახ, მშვენიერია, ძალივით გავითოშე. კატკას ხელი დავუქ-
ნიე და ორი დიდი წრე გავაკეთე, რომ გავხურებულიყავი.

მერე ისევ ჰოლანდიური ნაბიჯით ვიციგურავეთ, რის შემ-
დეგ იქვე ორკესტრის ქვეშ დავსხდით.—კატიამ უეცრად მო-
მიახლოვა აწითლებული, გახურებული სახე და შავი ცოცხალი
თვალები. მე მეგონა, ყურში რამე უნდა მითხრას-მეთქი, და ხმა-
მალლა ვკითხე:

— ჰა?

მას გაეცინა.

— არაფერი, ისე, ცხელა!

— კატკა, — ვუთხარი. — იცი რა?.. არავის ეტყვი?

— არავის.

— საფრენოსნო სკოლაში მივდივარ.

მან თვალები აახამხამა, მერე უხმოდ მომაჩერდა.

— გადაწყვიტე?

— ჰო.

— საპოლოდ?

მე თავი დაუქნიე.

უეცრად ორკესტრმა დაიგრიალა და ველარ გავიგე, რა მითხრა, როცა კაბიდან და ეკეტიდან თოვლს იბერტყავდა.

— არ მეყურება!

ხელი ჩამკიდა და ჩვენ სასრილოს მეორე მხარეს — ბავშვთა მოედნისაკენ გავსრიალდით. იქ ბნელოდა და სიჩუმე იყო. მოედანი თოვლს დაეთარა. სასრილოს გასწვრივ ნაძვები იყო დარგული, მოედნის გარშემოც პატარა ნაძვები იდგა — თითქოს სადღაც ტყეში ვიყავით, ქალაქგარეთ.

— მიგიღებენ კი?

— სკოლაში?

— ჰო.

ეს საშინელი კითხვა იყო. ყოველ დღით ანოხინის სისტემით ვვარჯიშობდი და მიუღერის სისტემით ცივი წყლით ტანს ვიხეზავდი. კუნთებს ვისინჯავდი და ფეიქრობდი: „რომ არ მიმიღონ?“ ვამოწმებდი თვალებს, ყურებს, გულს, სკოლის ექიმი მეუბნებოდა, ჯანმრთელი ხარო. მაგრამ ჯანმრთელობა სხვადასხვანაირია, — მან ხომ არ იცოდა, რომ მე საფრენოსნო სკოლაში ვაპირებდი შესვლას — ვაითუ ნერვიული ვარ? ან შეიძლება კიდევ სხვა რამ? სიმაღლე! წყეული სიმაღლე! უკანასკნელ წელს მხოლოდ სანტიმეტრ-ნახევრით გავიზარდე.

— მიმიღებენ! — მტკიცედ ვუპასუხე.

კატია მემომხედა, მგონი, პატივისცემით...

სასრილოდან მაშინ წამოვედი, როცა შუქი უკვე ჩააქრეს და თექისჩქმებიანმა დარაჯმა რაღაც უცნაურად ნელმა, თუმცა ჩვეულებრივი ნაბიჯით დადიოდა, გულშემზარავად დაუსტინა და ცოცხით ჩვენკენ გამოსწია.

დაცარიელებულ გასახდელ ოთახში ციგურები მოვიხსენით, ბუფეტი უკვე დაკეტილი იყო, მაგრამ კატია მებუფეტე ქალთან

მივიდა, „გადიანო“, მიმართა და იმანაც, გულაჩუყებულმა, თითო ფუნთუშა და თითო კიჭა ცივი ჩაი მოგვცა. ჩვენ ვსვამდით და თან ვლაპარაკობდით.

— რა ბედნიერი ხარ, რომ უკვე გადაგიწყვეტია, — ამოიხსრა კატიამ, — მე კი ჯერ არ ვიცი.

მას შემდეგ, რაც ვუთხარი, საფრენოსნო სკოლაში მივდივარ-მეთქი, ჩვენ მხოლოდ სერიოზულ საკითხებზე ვლაპარაკობდით, უმთავრესად ლიტერატურაზე. კატიას ძალიან მოსწონდა გლადკოვის „სემენტი“ და მკიცხავდა, რომ ჯერ არ წამეკითხა. საერთოდ ის ჩემზე ბევრად უფრო მეტსა კითხულობდა.

შემდეგ სიყვარულზე ჩამოვარდა ლაპარაკი და შევთანხმდით, რომ სიყვარული — სისულელეა. ჯერ შევეყოყმანდი, მაგრამ კატიამ გადაჭრით თქვა — „რასაკვირველია, სისულელეაო“, და რაღაც მაგალითი მოიყვანა გლადკოვიდან. მეც დავეთანხმე.

ჩვენ ვბრუნდებოდით ისეთი ჩაბნელებული და იდუმალი სიჩუმით მოცული ქუჩებით, თითქოს ეს სკატერტნი და ნოჟოვის შესახვევები კი არაა, რაღაც საოცარი ქუჩები იყო სადღაც მთვარეზე.

თავი მეოთხე

ცვლილებები

მე და კატიას მისი შინაური საქმეების შესახებ არ გვილაპარაკია, მხოლოდ ვკითხე, მარია ვასილევანა როგორ არის-მეთქი, მან მიპასუხა:

— გმადლობ, არა უშავს რა.

— ნინა კაპიტონოვნა?

— გმადლობ, არა უშავს რა.

შეიძლება მართლაც „არა უშავდათ რა“, მაგრამ მე გავიფიქრე, რომ ცუდად იყვნენ, თორემ, მაგალითად, რატომ არჩია სასარილოდან ფეხით წამოსვლა. თუმცა მარტო ფული ხომ არაფერს ნიშნავს: მშვენიერად მახსოვდა, როგორ მეზარებოდა ხოლმე ენსკში შინ დაბრუნება, როცა გაერ კული სრული ბატონ-პატრონი გახდა ჩვენს ოჯახში და მე და ჩემ დას მისთვის „მამა“ უნდა გვეწოდებინა. ჩემი აზრით, კატიასაც ამის მაგავსი რაღაც აწუხებდა. სახლში დაბრუნების დრო რომ მოვიდა, მოიღუშა. შინ რაღაც უსიამოვნება ჰქონდათ. მალე მარია ვასილევანას შეეხვდი და საბოლოოდ დაერწმუნდი ამაში.

ჩვენ შევხვდით თეატრში, „პრინცესა ტურანდოტზე“. კატიას სამი ბილეთი აეღო;—მესამე—ნინა კაპიტონოვნასათვის, მაგრამ ნინა კაპიტონოვნა რატომღაც არ წამოვიდა და ბილეთი მე დამრჩა.

ხშირად დავდიოდი თეატრში, მაგრამ ერთია—კულტლაშქრობა და სულ სხვაა—მარია ვასილევნა და კატია. ვალკას საყულოგად-მოკეცილი პერანგი გამოვართვი, რომაშქას კი—ჰალსტუხი. უსინდისო! გირაო მთხოვა.

— რომ დაკარგო?

იძულებული ვიყავი გირაოდ მანეთი დამეტოვებინა.

ჩვენ ერთად არ წავსულვართ თეატრში და კატიამ კინალამ დაიგვიანა. კარებს უკვე ჰკეტავდნენ, როცა მოვარდა.

— დედა სადღაა?

დედა უკვე პარტერში იყო. ხმა გაგვცა, როდესაც სიბნელეში ადგილების ძებნის დროს ხან ვის ვადგამდით ფეხს და ხან ვის...

სკოლაში ბევრს ლაპარაკობდნენ „პრინცესა ტურანდოტზე“ და დადგმასაც კი შეეცადნენ. გრიშკა ფაბერი ამტკიცებდა, რომ ამ პიესაში მამაკაცის ყველა როლი თითქოს საგანგებოდ ჩემთვის არის დაწერილიო. ამიტომ პირველ აქტში მარია ვასილევნასთვის არც კი შემიხედია, მხოლოდ შევნიშნე, რომ წინანდებურად ძალიან ლამაზი იყო და შეიძლება უფრო გალამაზებულიც კი. თმა ახლა სხვანაირად ჰქონდა დავარცხნილი და თეთრი, მაღალი შუბლი მთლიანად უჩანდა. იჯდა წყალში გამართული და სცენას თვალს არ აშორებდა.

სამაგიეროდ ანტრაქტზე კარგად დავაკვირდი—და მეწყინა! გამხდარიყო, დაბერებულიყო. თვალები დასდიდრონებოდა და პირქუში გამომეტყველება მიეღოთ. მე გავიფიქრე: რომ ვისაც აღრე არ უნახავს, ახლა იქნებ შეშინებოდა კიდევ იმისი თვალების გამომეტყველებისა.

„პრინცესა ტურანდოტზე“ ვლაპარაკობდით, კატიამ გამოაცხადა, დიდად არ მომწონსო. მე არ ვიცოდი, მომწონდა თუ არა, და კატიას დავეთანხმე. მაგრამ მარია ვასილევნამ გვითხრა,—შესანიშნავიაო.

— თქვენ ჯერ პატარები ხართ და არ გესმით.

კორაბლიოვზე მკითხა, როგორ არისო, და მომეჩვენა, რომ სახე ოღნავ შეუვარდისფერდა, როდესაც ვუთხარი:

— მგონი, კარგად.

სინამდვილეში კორაბლიოვი მაინცდამაინც კარგად არ იყო. ზამთრის დასაწყისში მძიმედ იავადმყოფა. მაგრამ მეგონა, რომ კორაბლიოვიც ასევე უპასუხებდა, „კარგადა ვარო“, თუნდაც ძალიან ცუდად ყოფილიყო. რა თქმა უნდა, იმას არ დავიწყებოდა, რომ მარია ვასილევნამ უარი უთხრა.

იქნებ მარია ვასილევნა ცოტათი ნანობდა კიდევ ახლა ამას, თორემ ასე დაწვრილებით არ დამიწყებდა იმისი ამბის გაშკივტებას. ისიც კი მკითხა, რომელ კლასებში ასწავლის კორაბლიოვი და როგორ ექცევიან სკოლაშიო.

მე მეტად მოკლედ ვუპასუხებდი, რაზეც ის ბოლოს და ბოლოს გაჯავრდა.

— ფუი, სანია, ორ სიტყვას ვერ გათქმევინებს ადამიანი. „პო“ და „არა“. გეგონება ენა ჩაეარდნიაო,— მითხრა წყენით.

მოულოდნელად ნიკოლაი ანტონიჩი ახსენა. საოცარია! ნიკოლაი ანტონიჩი შესანიშნავი ადამიანიაო, თქვა. მე ხმა არ ამომიღია.

ანტრაქტი გათავდა და ჩვენ დარბაზში შევედით. მეორე ანტრაქტზეც ისევ ნიკოლაი ანტონიჩზე ჩამოაგდო ლაპარაკი. შევამჩნიე რომ კატია შეიკმუხნა, ტუჩები აუთრთოლდა, უნდოდა რაღაც ეთქვა, მაგრამ თავი შეიკავა.

ჩვენ ფოიეში დავდიოდით და მარია ვასილევნა სულ ნიკოლაი ანტონიჩზე ლაპარაკობდა. ეს მეტისმეტი იყო! მიკვირდა კიდევ-მე ჯერაც არ დამვიწყებოდა, როგორ ექცეოდა წინათ ნიკოლაი ანტონიჩს.

ახლა კი თურმე გულკეთილი და კეთილშობილი ადამიანია. მთელი სიცოცხლე თურმე თავის ბიძაშვილზე ზრუნავდა (პირველად გავიგონე, როგორ უწოდა თავის განსვენებულ მეუღლეს მარია ვასილევნამ „ვანია“), მაშინაც კი, როცა თვითონაც უქირდა. მთელი თავისი საცხოვრებელი შესწირა მისი უკანასკნელი ბედ-უკუღმართი ექსპედიციის მომზადებას.

— ნიკოლაი ანტონიჩს სწამდა მისი. — თქვა გულმხურვალედ.

ყველაფერი ეს ნიკოლაი ანტონიჩისგან მქონდა მოსმენილი, სწორედ ამავე სიტყვებით. წინათ მარია ვასილევნა მისი სიტყვებით არა ლაპარაკობდა—აქ რაღაც ამბავი იყო. თუშეცა დიდის ხალისით და გატაცებით ლაპარაკობდა, მე მაინც მეჩვენებოდა, რომ მარია ვასილევნა ცდილობდა თავისი თავი დაერწმუნებინა,

რომ ყველაფერი ეს სწორედ ასე არის, ნიკოლაი ანტონიჩი არა-ჩვეულებრივი ადამიანია და განსვენებული მეუღლე ყველაფერში მისგან არის დავალებული.

მთელი მესამე აქტი ამაზე ვფიქრობდი. გადავწყვიტე, უსათუოდ გამომეკითხა კათიასათვის მამის ამბავი.— უეცრად თვალწინ მეზღვაურის სურათი წარმომიდგა. მეზღვაურს გაშლილი შუბლი, მტკიცედ შეკრული ბაგე და ჭრელი, ცოცხალი თვალები ჰქონდა. ნეტავი რა ექსპედიცია იყო, საიდანაც იგი აღარ დაბრუნებულა?..

საქეტაკლის შემდეგ ნახევრად ჩაბნელებულ დარბაზში შევიცადეთ, ვიდრე გასახდელში ხალხი შეთხელდებოდა.

— სანია, რატომ ჩვენსა აღარ მოდიხარ?— მკითხა მარია ვასილევნამ.

მე რალაც წავეიბუტბუტე.

— მე მგონი, ნიკოლაი ანტონიჩს დიდი ხანია დაავიწყდა ის სულელური ამბავი.— განაგრძობდა მკაცრად მარია ვასილევნა.— თუ გინდა, მოველაპარაკებ.

სულაც არ მინდოდა, რომ ნიკოლაი ანტონიჩისათვის მათთან სიარულის ნებართვა გამოეთხოვა, და კინალამ ვუთხარი, „გმადლობთ, საჭირო არ არის-მეთქი“.

მაგრამ უცებ კატიამ გამოაცხადა, რომ ნიკოლაი ანტონიჩი სულაც არაფერ შუაშია, ჩემთან იელის და არა ნიკოლაი ანტონიჩთანაო.

— არა, არა!— თქვა შეშფოთებულმა მარია ვასილევნამ.— რატომ? ჩემთანაც იელის და დედასთანაც.

თავი მხუთო

კატიას მამა

რა ექსპედიცია იყო ის ექსპედიცია? ან ვინ იყო კათიას მამა? ვიკოდი მხოლოდ, რომ იგი მეზღვაური იყო და მოკვდა. მოკვდა კი? კატია თავის დღეში მამას „განსვენებულს“ არ უწოდებდა. საერთოდ, ნიკოლაი ანტონიჩის გარდა, რომელსაც, პირიქით, ძალიან უყვარდა ეს ხიტყვა, ტატარინოვებთან იშვიათად ახსენებდნენ მას. სურათები ყველა ოთახებში ეკიდა, მაგრამ იშვიათად თუ რამეს იტყოდნენ იმაზე.

ბოლოს და ბოლოს მკითხაობა მომწყინდა, მით უმეტეს, რომ შეიძლებოდა პირდაპირ მეკითხა კათიასთვის, სად იყო მისი მამა, ცოცხალია თუ მოკვდა. მეც ავდექი და ვკითხე.

აი რა მიამბო კატია.

ოთხი წლისა იყო მაშინ, მაგრამ კარგად ახსოვს ის დღე, როდესაც მამა უნდა გამგზავრებულყო. მაღალი ტანისა იყო, დიდრონხელებიანი, ლურჯი კიტელი ეცვა. დილაადრიან, როდესაც კატიას ჯერ ისევე ეძინა, ოთახში შემოვიდა და იმის საწოლთან დაიხარა. თავზე ხელი გადაუსვა, მგონი რაღაც თქვა: „შენე, შაშა, როგორი ფერმკრთალია, სიტყვას მომცემ, რომ უფრო ხშირად ჰაერზე ამყოფებ? კატია ოდნავ გაახილა თვალები და ნამტირალევი დედა დაინახა. მაგრამ არ შეამჩნევინა, რომ გაელვიძა, ეხალისებოდა თავი მოემძინარებინა. შემდეგ ისინი დიდ ნათელ დარბაზში გრძელ სუფრასთან ისხდნენ, რომელზედაც თეთრი ხელსაწმენდები ელაგა. კატია ამ ხელსაწმენდებს ველარ მოაცილა თვალი და ვერ შეამჩნია, სად გაქრა დედა. იმის აღგილზე ახლა დიდედა იჯდა, რომელიც სულ ოხრავდა: „ღმერთო ჩემო!“ დედა კი მხრებზე ამობურთულ უცნაურ ახალ კაბაში მამის გვერდით აჯდა და შორიდან კატიას თვალს უკრავდა.

სუფრას ბევრნი უსხდნენ, იყო სიცილი და მხიარულება, ხმა-მალლა ლაპარაკობდნენ. მაგრამ აი წამოდგა მამა, ღვინით სავსე ჭიქა ასწია და უცებ ყველანი გაჩუმდნენ. კატიას არ ესმოდა, რასა ლაპარაკობდა იგი, მაგრამ ახსოვდა, როგორ დაუყრეს ტაში და „ვაშა“ შესძახეს, როცა დაამთავრა, დიდედამ კი კვლავ წაიბუტბუტა „ღმერთო ჩემო“ და ამოიოხრა. შემდეგ ყველა ემშვიდობებოდა მამას და კიდევ ვიღაც მეზღვაურებს. მამამ გამომშვიდობებისას კატია მალლა შეისროლა და თავისი დიდრონი, კეთილი ხელებით დაიჭირა.

— აბა, მაშა, — უთხრა დედას და გადაჰკოცნეს ერთმანეთი.

ეს იყო გამოსათხოვარი ვახშამი: კაპიტან ტატარინოვს აცილებდნენ ენსკის ვაგზალზე. თორმეტი წლის მაისში იგი ენსკში ჩამოვიდა ოჯახთან გამოსათხოვებლად, ივნისის ნახევარში კი ხომალდ „წმინდა მარიამით“ პეტერბურგიდან ვლადივოსტოკს გაემგზავრა.

პირველ ხანებში ყველაფერი ძველებურად მიდიოდა. ოლონდ მათ ცხოვრებაში ერთი ახალი რამ გაჩნდა. — ეს იყო მამის წერილი. „აი, მოიცადე, მამას წერილი მოვა!“ და მართლაც მოდიოდა წერილი. ზოგჯერ წერილი ერთ-ორ კვირას იგვიანებდა, მაგრამ მერე მაინც მოდიოდა. მოვიდა უკანასკნელი წერილი იუგორსკი შარიდან. მართალია, ეს უკანასკნელი წერი-

ლ იყო, მაგრამ დედა ძალიან არ შეწუხებულა. კიდევაცა თქვა. ეს ასეც უნდა იყოსო. „წმინდა მარიამი“ ისეთ ადგილებში მიდიოდა, სადაც არც ფოსტა იყო და არც სხვა რამ, ყინულისა და თოვლის გარდა.

ასეც უნდა იყოს! თვითონ მამამაც ხომ მოიწერა, წერილს მეტს აღარ მიიღებთო, მაგრამ მაინც ძალიან სამწუხარო იყო და დედაც, რაც ღრო გადიოდა, სულ უფრო დადუმდა და დასევდიანდა.

„მამას წერილი“! ეს შესანიშნავი რამ იყო! როგორც კი მოვიდოდა მამას წერილი, დიდგდა ყოველთვის რამეს გამოაცხობდა, ახლა კი ამ შესანიშნავი რამის ნაცვლად, რომელიც ყველას ახარებდა, ახალი გრძელი და მოსაწყენი სიტყვები გაისმოდა: „ასეც უნდა იყოს“! ან „რა გაეწყობა, სხვანაირად არც შეიძლება“.

ეს სიტყვები ყოველდღე მეორდებოდა. მეტადრე საღამოობით, როცა კატიას დასაძინებლად დააწვენდნენ, ხოლო დედა და დიდგდა გაუთავებლად ლაპარაკობდნენ, კატია კი უსმენდა. დიდი ხანია უნდოდა ეთქვა: „აღბათ, მგლებმა შექამესო“, მაგრამ იცოდა, რომ დედა გაჯავრდებოდა, და ამიტომ არას ამბობდა.

მამა „იზამთრებს“! ენსკში კი დიდი ხანია უკვე ზაფხული იყო. ის მაინც ისევე „იზამთრებდა“. ეს რალაც უცნაური იყო, მაგრამ კატია არაფერს ეკითხებოდა. ერთხელ გაიგონა, როგორ უთხრა დიდგდამ მეზობელს: „სულ ვამბობთ—იზამთრებსო, მაგრამ ცოცხალი კია—ღმერთმა იცის!“

შემდეგ დედამ დაწერა „თხოვნა ვილაც უმაღლესი პირის სახელზე“. ეს თხოვნა კატიას მშენიერად ახსოვდა,—მაშინ უკვე დიდი იყო. კაპიტანი ტატარინოვის მეუღლე თხოულობდა დამხმარე ექსპედიცია გაეგზავნათ მისი უბედური ქმრის დასახმარებლად. იგი აღნიშნავდა, რომ ექსპედიციის მთავარი მამოძრავებელი „უთუოდ ეროვნული სიამაყე და ქვეყნის სახელი იყო“. იმედოვნებდა, რომ „ყოვლის შემწყალე მეფე“ უყურადღებოდ არ დასტოვებს მამაც მოგზაურს, რომელიც მუდამ მზად არის სიცოცხლე შესწიროს „ეროვნულ დიდებას“

„უმაღლესი სახელი“—კატიას რალაც ჯვაროსნული ლაშქრობის მაგვარი რამ ეგონა: აუარებელი ხალხი და წინ არქიელი ფოლოსფერი ქუდიოთ. თურმე ეს მეფე იყო და მეტი არაფერი. მეფეს დიდხანს არ მიუტია პასუხი და დიდგდა ყოველ საღამოთი ლანძღავდა მას. ბოლოს მოვიდა პასუხი მეფის კანცელარიით:

დან. კანცელარია მეტად თავაზიანი კილოთი ურჩევდა დედას, მაზღვაო მინისტრისათვის მიემართა. მაგრამ არა ღირდა საზღვაო მინისტრისათვის მიმართვა. იმას უკვე მოახსენეს ამის შესახებ, რაზედაც მან განაცხადა: „სამწუხაროა, რომ კაპიტანი ტატარინოვი არ დაბრუნდა: სახელმწიფო ქონებისადმი გულგრილი მოპყრობისათვის დაუყოვნებლივ პასუხისგებაში მიეცემდიო“.

შემდეგ ენსკში ნიკოლაი ანტონიჩი ჩამოვიდა და სახლში ახალი სიტყვები გაისმა. „არავითარი იმედი“. ეს მან დიდედან უთხრა ზუმად, მაგრამ ყველამ კი გაიგო—დიდედან ნათესაებმა, ბუბენჩიკოვებმა, და კატკას ამბანაგებმაც, ყველამ, დედას გარდა.

არავითარი იმედი! არასოდეს აღარ დაბრუნდება! არასოდეს აღარ იტყვის რამეს სასაცილოს, აღარ შეედავება დიდედანს, რომ „სადილის წინ არყის გადაკვრა მარგებელია და, თუ მარგებელი არ არის, ყოველ შემთხვევაში, მაწყინარი მაინც არაა და, რაკი მაწყინარი არაა, მაშ სასიამოვნო მაინც არის“. არასოდეს აღარ დასცინებს დედას, რომ იგი ძალიან დიდხანს ირთვება თეატრში წასასვლელად. არავინ აღარ გაიგონებს მის სიმღერას დილაობით: „რა, არის ჩვენი ცხოვრება? თამაში.“

არავითარი იმედი! იგი დარჩა სადღაც შორს, შორეულ ჩრდილოეთში, თოვლსა და ყინულებში და მისი ექსპედიციიდან არავინ დაბრუნებულა.

ნიკოლაი ანტონიჩი ამბობდა, თვითონ მამაა დამნაშავე, ექსპედიცია შესანიშნავად იყო მომზადებული, მარტო ფქვილი ხუთი ათასი კილოგრამი ჰქონდათ, ავსტრალიური ხორცის კონსერვი—ათას ექვსას ოთხმოცდარვა კილო, ლორი—ოცი, სკორიკოვის მშრალი ზულიონი—სამოცდაათი კილოგრამი! რამდენი ორცხობილა, მაკარონი, ყავა! დიდი სალონი შუაზე გადაელობათ და ორცხობილით ვაეცსოთ. ორმოცი კილოგრამი სატაცურიც კი წაელოთ! მურაბე, კაკალი და ყველაფერი ეს ნიკოლაი ანტონიჩის ფულით იყო ნაყიდი. ოთხმოცი მშვენიერი ძაღლი, რომ ავარიის შემთხვევაში შესაძლებელი ყოფილიყო ძაღლებით შინ დაბრუნებაო!

ერთი სიტყვით, თუ მამა დაიღუპა, რა თქმა უნდა, თავისივე ბრალია. ადვილი წარმოსადგენია, მაგალითად, რომ იქ, სადაც საჭირო იყო მოცდა, ის ჩქარობდა! ნიკოლაი ანტონიჩის აზრით, ეს მუდამ ჩქარობდა. ასეა თუ ისე, იგი დარჩა იქ, შორეულ ჩრდილოეთში, და არავინ იცის, ცოცხალია თუ მკვდარი—რადგა-

ნაც ექსპედიციის ოცდაათი წევრიდან შინ არც ერთი არ დაბრუნებულა.

მაგრამ თავის ოჯახში კიდევ დიდხანს ცოცხლობდა. იქნებ უეცრად გაიღოს კარი და შემოვიდეს! ისეთივე, როგორიც უკანასკნელ დღეს იყო ენსკის ვაგზალზე. ლურჯ კიტელში, გახამებული თეთრი გახსნილი საყელოთი, როგორსაც ახლა აღარავეინა ხმარობს. მხიარული, დიდრონი ხელებით!

ოჯახში ჯერ კიდევ ბევრი რამ იყო მასთან დაკავშირებული. დედა პაპიროსის ეწვევა—ყველამ იცის, რომ დედამ პაპიროსის წვევამამას დაკარგვის შეძლევ დაიწყო. დიდედა კატიას ქუჩაში აგდებს—ესეც მამას სურვილი იყო! მას უნდოდა, რომ კატკა ხშირად ყოფილიყო ჰაერზე. წიგნები ვიწრობინიან კარადაში უცნაური სათაურებით, რომელთაც არავის აძლევდნენ წასაკითხად,—ეს მისი წიგნები იყო!

შემდეგ მოსკოვში გადმოსახლდნენ, ნიკოლაი ანტონიჩის ბინაში—და ყველაფერი შეიცვალა. ახლა აღარავისა ჰქონდა იმედი, რომ უეცრად კარი გაიღებოდა და იგი შემოვიდოდა! ეს ხომ სხვისი სახლი იყო, სადაც ის არასოდეს არა ყოფილა.

თავი მუჰჰჰჰ

ისევ ცვლილებები

იქნებ არც კი წავსულიყავი ტატარინოვებთან, კატია რომ არ დამპირებოდა, კაპიტანის წიგნებს და რუკებს გაჩვენებო. მარშრუტს შევხედე და აღმოჩნდა, რომ ეს ის ცნობილი „ჩრდილო-აღმოსავლეთის გასასვლელი“ იყო, რომელსაც სამასი წელიწადი ეძებდნენ. ბოლოს შეედმა მოგზაურმა ნორდენშელდმა იგი 1871 წელს გაიარა. ეჭვს გარეშეა, რომ ეს არც ისე ადვილი იყო, რადგან კიდევ ოქდახუთმა წელმა განვლო, ვიდრე მეორე მოგზაური—ვილკიცკი იმავე გზას გაივლიდა, ოღონდ პირუკუ მიმართულებით. ერთი სიტყვით, ყველაფერი ეს ძალიან საინტერესო იყო და მე გადავწყვიტე წასვლა...

ტატარინოვების ბინაში არაფერი არ გამოცვლილიყო, მხოლოდ ნივთები შეცოტავებულიყო შესამჩნევად.

სხვათა შორის, აღარ იყო ლევიტანის სურათი, რომელიც ოდესღაც ისე მომწონდა,—სწორი ფართო გზა ბაღში და მზიანი განათებული ფიჭვები. კატიას ვკითხე, სურათი რა იქნა-მეთქი.

— აჩუქეს,—მოკლედ მიპასუხა კატიამ.

მე ხმა არ ამომიღია.

— ნიკოლაი ანტონიჩს,—უეცრად ღვარძლიანად დაუმატა კატიამ,—იგი აღმერთებს ლევიტანს.

ეტყობა, ნიკოლაი ანტონიჩისთვის მარტო ლევიტანი არ ეჩუქებინათ, რადგანაც სასადილო ოთახი საერთოდ რალაც დაცარიელებულიყო. საზღვაო კომპასი კი წინანდებურად თავის ადგილზე იდო და ისარიც წინანდებურად ჩრდილოეთს უჩვენებდა.

შინ არავინ იყო, არც მარია წასილევნა, არც დიდედა.

შემდეგ დიდედა მოვიდა, მე მესმოდა, როგორ იხდიდა დერეფანში და თან კატიას შესჩიოდა, ყველაფერი გააძვირეს: კომბოსტო თექვსმეტი კაპიკი გახდა, ხბოს ხორცი—ექვსი შაური, მიცვალებულთა სულის მოხსენიება—ორმოცი კაპიკი, კვერცხი—მანეთი და ოცი კაპიკი.

მე გამეცინა და დერეფანში გავედი.

— ნინა კაპიტონოვნა, ლიმონი?

იგი გაკვირვებული მოტრიალდა.

— ბიჭებმა არ მოგტაცეს ლიმონი?

— სანია!—შესძახა ნინა კაპიტონოვნამ და ხელი-ხელს შემოჰკრა.

ფანჯარასთან მიმიყვანა, მიმატრიალ-მომატრიალა, ყოველი მხრიდან დამათვალიერა და უკმაყოფილო დარჩა.

— დაბალი ხარ,—მითხრა წყენით.—არ იზრდები.

სამზარეულოში გაიქცა რძის დასადგმელად და რამდენიმე წუთის შემდეგ უკან დაბრუნდა.

— ლიმონი მოაგონდა,—თქვა და გაეცინა,—მერე რა! მტაცებლენ!

ძალზე დაბერებულყო, წელში მოხრილიყო და გამხდარიყო. ჩემთვის ნაცნობ მწვანე ხავერდის უსახელოებო ჩასაცმელში ლალალებდა, გამხდარი მხრები ამოშვეროდა. მაგრამ წინანდებურად მხნე, მზრუნველობით აღსავსე და ახლა მზიარული სახეც კი ჰქონდა. ჩემი ნახვა ძალიან გაუხარდა.—ბევრად უფრო მეტად, ვიდრე მე მოველოდი.

— ამბობენ, მოუხარშავი უგრეხელი უნდა ჰქამო და გაიზრდებიო.—დაბეჯითებითა თქვა.—ჩვენთან, ენსკში მღვდელი იყო. აი ამ სიმაღლე! სულ უგრეხელასა ჰქამდა.

— მერე, ტანი აიყარა?—სერიოზულად ჰკითხა კატიამ.

— ტანი არ აუყრია, მაგრამ ხმა კი გაუბოხდა. მანამდე წრიპინა იყო. მას გაეცინა. უეცრად რძე მოაგონდა.

— უი! გადმოვიდოდა.

და გაიქცა.

მე და კატია დიდხანს ვათვალისწინებდით კაპიტანის წიგნებსა და რუკებს. აქ იყო ნანსენის „ყინულისა და ღამის სამყაროში“, შემდეგ „კარის ზღვის ლოციები“ და სხვა. საერთოდ, წიგნები ბევრი არ იყო, მაგრამ ყველა უკლებლივ საინტერესო. ძალიან მინდოდა რომელიმე მეთხოვა წასაკითხად, მაგრამ რა თქმა უნდა, მშვენივრად მესმოდა, რომ ეს უხერხული იყო. იმიტომ, გამიკვირდა, როცა კატიამ უეცრად მითხრა:

— გინდა? წაიღე.

— მერე შეიძლება?

— შეიძლება, — არ შემოუხედილა, ისე მიპასუხა.

დიდხანს არ მიფიქრია, სწორედ მე რად გამომიცხადა ასეთი ნდობა, და საჩქაროდ დავიწყე წიგნების გადარჩევა. ძალიან მინდოდა ყველა წიგნის წაღება, მაგრამ ეს უხერხული იყო და ხუთი წიგნი გადავდე, მათ შორის თვითონ კაპიტანის ბროშურაც. მისი სათაური იყო: „გრილის ექსპედიციის დალუპვის მიზეზები“.

ტატარინოვებთან საგანგებოდ იმ ვარაუდით მივედი, რომ ნიკოლაი ანტონიჩი შინ არ უნდა დამხვედროდა, — ამ დროს ყოველთვის პედაგოგიური საბჭოს სხდომა იყო ხოლმე. მაგრამ, ეტყობა, სხდომა გადაედოთ და ის შინ დაბრუნდა. მე და კატია ისე გავერთეთ ლაპარაკში, რომ ზარის ხმა არ გავგიგონია, — და უეცრად გვერდით ოთახში ფეხის ხმა და ღინჯი ხველა მოისმა. კატია შეიქმუხნა და კარი მიაჯახუნა.

თითქმის იმავე წუთში კარები გაიღო და ნიკოლაი ანტონიჩი გამოჩნდა.

— ათასჯერ გთხოვე, კატიუშა, კარებს ასე ნუ აჯახუნებ მე-თქი, — უთხრა მან, — უკვე დროა დაივიწყო ამისთანა ჩვეულებები.

რა თქმა უნდა, მაშინვე დამიხახა, მაგრამ არაფერი უთქვამს. მხოლოდ ოდნავ მოქუტა თვალები და თავი დამიკანტურა. მეც თავი დავუქნიე.

— ჩვენ აღამიანთა საზოგადოებაში ვცხოვრობთ, — აღერსიანად განაგრძობდა ნიკოლაი ანტონიჩი, — და ამ საზოგადოების ერთ-ერთ მამოძრავებელ ძალას ერთმანეთის პატივისცემა წარმოადგენს. შენ ხომ იცი, კატიუშა, რომ მე ვერ ვიტან კარების ჯახუნს.

ისლა დამრჩენია ვიფიქრო, რომ შენ განგებ ჩაიღინე ეს, მაგრამ მე არ მინდა ეს ვიფიქრო, დიახ, არ მინდა...

და ასე შემდეგ და ასე შემდეგ.

მაშინვე მივხვდი, რომ ის უბრალოდ კატიას გასაბრაზებლად ჩმახავდა ამ აბდაუბდას. მაგრამ მახსოვს, ძველად კატიასთან ასეთ ლაპარაკს ვერა ბედავდა.

როგორც იყო წავიდა, მაგრამ ჩვენ უკვე გუნება გაგვიფუქდა და აღარ გვინდოდა კაპიტანის წიგნების თვალყურება. გარდა ამისა, მთელი იმ ხნის განმავლობაში, რაც ნიკოლაი ანტონიჩი ლაპარაკობდა, კატია ზურგით იღვა მაგიდისკენ, რომელზედაც წიგნები ეწყო. ნიკოლაი ანტონიჩს არაფერი შეუქჩნევია. მაგრამ მე ხომ მივხვდი: მას არ უნდა სცოდნოდა, რომ კატიამ ამ წიგნების წაღების უფლება მომცა!

ერთი სიტყვით, გუნება გაგვიფუქდა და მე შინ წასასვლელად გავემზადე. ვნანობ, რომ იმავე წუთას არ წავედი. მეც არ ვიცი, რად დავყოვნდი, ვიდრე კატიას ვეთხოვებოდი, ნიკოლაი ანტონიჩი ისევ შემობრუნდა.

— შესაძლებელია, შენ გეწყინა, კატიუშა, — დაიწყო კვლავ. — ტყუილად! შენ, ექვს გარეშეა, მშვენივრად იცი, რომ მე შენთვის კეთილი მსურს, როგორც ადამიანს და როგორც პედაგოგს.

მე გადმომხედა, დაიღრია და ცხვირით უსიამოვნოდ შეისუნთქა ჰაერი.

— სხვა საქმეა, შენ რომ ჩემთვის სრულიად უცხო ადამიანი იყო! მაგრამ შენ ჩემი განსვენებული საყვარელი ძმის შვილი ხარ. შენა ხარ შვილი იმ ადამიანისა, რომელსაც მე ყველაფერი შეეწირე — არა მარტო საცხოვრებელი, შეიძლება ითქვას, თვით სიცოცხლაც.

მე მომეჩვენა, რომ ნიკოლაი ანტონიჩი ყოველწლიურად სულ მეტსა და მეტ მსხვერპლსა სწირავდა თავის ძმას. წინათ ლაპარაკი იყო ხოლმე „როგორც ზნობრივ, ისე ნივთიერ დახმარებაზე“, ახლა კი აღმოჩნდა, რომ ნიკოლაი ანტონიჩმა მას მთელი თავისი სიცოცხლე შესწირა.

— აი ამიტომ, — განაგრძობდა ნიკოლაი ანტონიჩი, — მზადა ვარ, ათასჯერ გაგიმეორო ერთი და იგივე! მე დაღლილი ვარ სამუშაო დღის შემდეგ, ხომ მაქვს დასვენების უფლება — და აი ხედავ! გელაპარაკები, ვცდილობ შთაგავაზნო ის, რაც დიდი ხანია უნდა შეგეგნო — როგორც შენ ხნოვანებას და შენ განვითარებას შეჰჭერი.

კატია სდუმდა.

მე ვხედავდი, რა მძიმე იყო მისთვის ეს დუმილი! მაგრამ მას ძლიერი ნებისყოფა ჰქონდა.

მე ვერ წავილოდი, ვიდრე ის არ გაათავებდა. გარდა ამისა, არც უწიგნებოდ მინდოდა წასვლა და ამიტომ დავეჯექი. სულაც არ მიფიქრია წყენინება, უბრალოდ, დგომით დავილაღე. ის კი გაბრაზდა.

— მოგაგონებ, კატიუშა, — აუღელვებელი, ალერსიანი ხმით განაგრძობდა იგი, — ერთ ცნობილ რომაულ ანდაზას: „მითხარი, ვინ არის შენი მეგობარი, და მე გეტყვი, ვინა ხარ შენ“. თუ შენ შესაძლებლად მიგაჩნია მეგობრობა ისეთ ადამიანთან, რომელსაც აზრი-დაც არ მოსდის, რომ, ვიდრე თვითონ დაჯდებოდეს, ჯერ თავის პედაგოგს შესთავაზოს სკამი...

და ნიკოლაი ანტონიჩმა უმწეოდ გაშალა ხელები.

ოდნავ შევეკრთი, რადგან სულაც არ მიფიქრია მისი წყენინება! მაგრამ აქ უკვე ველარ მოითმინა კატიაშ.

— ეს ჩემი საქმეა, ვისთანა ვმეგობრობ! — სწრაფად უპასუხა და გაწითლდა.

ალბათ, ნინა კაპიტონოვნა იქვე ახლომახლო იყო სადმე, შეიძლება კარებს უკანაც იდგა, რადგან, თქვა თუ არა ეს კატიამ, ის იმწამსვე ოთახში გაჩნდა და დაფაცურდა. რძე უკვე აღუღდა, იქნებ ყავა სურს ნიკოლაი ანტონიჩს? თორემ ეს-ესაა ბაზრიდან მოვიდა და სადილი ჯერ კიდევ დაგვიანდება. ეტყობა, პირველად არ უხდებოდა ასეთი უსიამოვნო დავის შეწყვეტა. კატიას ჯიუტად დაეხარა თავი და ისე უსმენდა ნინა კაპიტონოვნას, ნიკოლაი ანტონიჩი — ზრდილობიანად, მაგრამ დამცინავად...

მოვიცადე, ვიდრე გავიდოდნენ, და კატიას გამოვეთხოვე. შინ გულდამძიმებული დავბრუნდი. მე მეცოდებოდნენ ისინი — მარია ვასილევნა, დიდედა და კატია. არ მომეწონა ცვლილებები ტატარინოვების სახლში.

თავი მუშვილი

შენიშვნები არშიებზე.

ვალკას მღრღნელები, ძველი ნაცნობები

სკოლაში ყოფნის უკანასკნელი წელი იყო და, სიმატლე რომ ეთქვათ, უნდა მესწავლა და არა სტუმრად და სასრილოდ

მეგლო. ზოგიერთ საგნებში კარგად მივდიოდი, მაგალითად, მათე-მატიკაში და გეოგრაფიაში. ზოგიერთში კი საკმაოდ ცუდად, მაგალითად ლიტერატურაში.

ლიტერატურას ლიხო გვასწავლიდა, ძალიან სულელი კაცი, და მთელი სკოლა ლიხოვირს ეძახდა. ყუბანურ ქუდს არ იზორებდა, რომელსაც დაფაზე ვხატავდით და ზედ პროექციით ვირის ყურებს ვუხატავდით. ლიხოს არ ვუყვარდი და აი რატომ: ჯერ ერთი, ერთხელ კარნახით წერის დროს „ობსტრაქტულად“ გვიკარნახა. მე გავუსწორე და ამაზე შევეცამათით. მაშინ წინადადება მივეცი, მეცნიერებათა აკადემიას შევკითხოდი. ეს იწყინა.

მეორე: ბავშვების უმრავლესობა თავის თხზულებებს წიგნებიდან და წერილებიდან აღგენდა.—წაიკითხავდნენ კრიტიკას და გადმოიწერდნენ. მე ასე არ მიყვარდა. მე ჯერ თხზულებასა ვწერდი და მერე ვკითხულობდი კრიტიკას. ეს არ მოსწონდა ლიხოს! ის წააწერდა ხოლმე „პრეტენზია ორიგინალურობაზე. სუსტია“. მას, რასაკვირველია, უნდოდა ეთქვა — ორიგინალობაზე. ერთი სიტყვით, მეშინოდა, რომ ლიტერატურაში საბოლოო ნიშანი „ცუდი“ მექნებოდა.

უკანასკნელ „გამოსაშვებ“ თხზულებისათვის ლიხომ რამდენიმე თემა შემოგვთავაზა, რომელთაგანაც ყველაზე საინტერესოდ მომეჩვენა „გლახობა ოქტომბრის რევოლუციის შემდგომ ლიტერატურაში“! მე გატაცებით შევუდექი წერას, მაგრამ მალე ცეცხლი გამინელდა — შესაძლებელია, კათიას მოცემულმა წიგნებმა ამიცრუეს გული. ამ წიგნების შემდეგ ჩემი თხზულება ჯოჯოხეთურად მოსაწყენი მეჩვენებოდა.

მარტო საინტერესო წიგნები კი არ იყო, ეს კათიას მამის წიგნები იყო. ფრანკლინის, ანდრეს და სხვათა დარად თოვლში და ყინულში უგზო-უკვლოდ დაკარგულ პოლარული კაპიტანის წიგნები.

ჩემს სიცოცხლეში ჯერ ასე ნელა არ მიკითხავს. თითქმის ყოველ გვერდზე იყო შენიშვნები, ხაზგასმული სტრიქონები, კითხვითი და ძახითი ნიშნები. ხან „სავსებით ეთანხმებოდა“ კაპიტანი, ხან კიდევ „არ ეთანხმებოდა“. ის ნანსენს ედავებოდა — ამან გამოაცა! უსაყვედურებდა, რომ პოლუსამდე სულ ოთხასიოდე კილომეტრიღა იყო დარჩენილი, ნანსენი კი მიწისკენ გამობრუნდა. ნანსენის წიგნში დართულ რუკაზე მისი დრეიფის განაპირა წერტილი

წითელი ფანქრით იყო შემოხაზული. ეტყობა, ეს ყველაზე მეტად აინტერესებდა კაპიტანს, რადგანაც არა ერთხელ უბრუნდებოდა სხვა წიგნების გვერდებზედაც, „ყინული თვითონ გადაწყვეტს ამოცანას“, — ეწერა ერთი გვერდის გასწვრივ. გადავშალე და უეცრად წიგნიდან ჩაყვითლებული ქალაქის ფურცელი გამოვარდა. ის იმავე ხელით იყო დაწერილი. აი ისიც:

„... ადამიანის გონება იმდენად იყო შეპყრობილი ამ ამოცანით, რომ მისი გადაწყვეტა, მიუხედავად პირქუში სამარისა, რომელსაც იქ ჰპოვებდნენ მეტწილად მოგზაურები, ერთიან ეროვნულ შეჯიბრებად გადაიქცა. ამ შეჯიბრებაში მონაწილეობდნენ თითქმის ყველა კულტურული ქვეყნები. არ იყვნენ მხოლოდ რუსები, მიუხედავად იმისა, რომ ცხოველი მისწრაფებანი ჩრდილოეთ პოლუსის აღმოჩენისა რუსმა ადამიანებმა ჯერ კიდევ ლომონოსოვის დროს გამოამელავენეს და აქამდე არ ჩამქრალა. იმუნდსენს სურს, რადაც არ უნდა დაუჯდეს, ჩრდილოეთ პოლუსის აღმოჩენის სახელი ნორვეგიას დარჩეს, მაგრამ ჩვენ წავალთ წელს და მთელ ქვეყანას დაეუმტკიცებთ, რომ რუსებსაც შესწევთ უნარი ასეთი გმირობისა“.

ეტყობა, ეს რომელიღაც მოხსენების ნაწყვეტი იყო, რადგანაც მეორე მხარეს ეწერა — „მთავარ ჰიდროგრაფიულ სამმართველოს უფროსს“ თარიღი — „17 აპრილი, 1911 წ.“

აი სად უმიზნებდა თურმე კატიას მამა! მას უნდოდა ნანსენით რაც შეიძლება უფრო შორს გაჰქრილიყო ჩრდილოეთში მოდრეიფე ყინულით და შემდეგ პოლუსზე ძაღლებით მისულიყო. ჩვეულებისამებრ, ვიანგარიშე, თვითმფრინავით რამდენად უფრო ჩქარა მიაღწედა პოლუსს.

გაუგებარი იყო მხოლოდ ერთი რამ: 1912 წლის ზაფხულში ხომალდი „წმინდა მარიამი“ პეტერბურგიდან ვლადივოსტოკში გავიდა, რა შუაში იყო აქ ჩრდილოეთ პოლუსი?

მეორე დღეს, ჯერ ისევ საუბრემდე მეკარის ოთახში ჩავედი და კატიას დაურეკე:

— კატია, განა მამაშენი ჩრდილოეთ პოლუსისაკენ გაემგზავრა?

ეტყობა, ასეთ კითხვას არ ელოდა, იმიტომ რომ პასუხად ნამდინარევი ზმულილი მომესმა. შემდეგ მითხრა:

— არა... მერე რა იყო?

— არაფერი. მას ნანსენის განაპირა წერტილიდან ძაღლებით უნდოდა პოლუსზე მისვლა. ეჰ, შენ!

— რათა „ეპ შენ“?

— მამაშენის შესახებ ასეთი რამეები არ იცი. დღეს თავისუფალი ხარ?

— მე და კირკა ზოობალში მივდივართ.

ჰმ, ზოობალში! ვალკა დიდი ხანია მეპატიებოდა ზოობალში მისი მღრღნელების სანახავად და პირდაპირ უსინდისობა იყო, რომ აქამდის ვერ მოვახერხე იქ მისვლა.

კატიას ვუთხარი, შესავალთან შეგხვდებით-მეთქი.

კირკა სწორედ ის კირენი იყო, რომელმაც ოდესღაც დუბროვსკი წაიკითხა და ამტკიცებდა, „მაშა დუბროვსკის მისთხოვდაო“. ახლა თავზე ქერახანწანებზემომხვეული დიდი გოგონა გამხდარიყო. წინანდებურად პირში შესცქეროდა კატიას და ყოველ მის სიტყვას ემორჩილებოდა. მხოლოდ ზოგჯერ წინააღმდეგობის ნაცვლად მოულოდნელად ისე ხმამაღლა აკისკისდებოდა, რომ ყველანი შეკრთებოდნენ ხოლმე. კატია კი, როგორც ჩვეულება ჰქონდა, ყურებში თითებს იცობდა.

ვალკა შეგვიპირდა, შესავალთან დაგხვდებითო, მაგრამ არ ვიცი, რატომ არა ჩანდა, ბილეთების აღება კი სწორედ სისულელე იყო, რაკი ვალკა გვეტრაბახებოდა, თქვენი უფასოდ შეყვანა შემძღიანო.

როგორც იყო მოვიდა. გაწითლდა, როცა გოგონებს ვაცნობდი, და წაიბუტბუტა, „მეშინია, ვაითუ მღრღნელების ნახვა თქვენთვის საინტერესო არ იყოსო“. კატიამ ზრდილობიანად უპასუხა, პირიქით, ძალიან საინტერესოა, თუ იმ სიტყვის მიხედვით ვიმსჯელებთ მღრღნელებზე, რომელიც თქვენ ვეგენი ონეგინის დაცვის დროს წარმოთქვითო, და ჩვენ დინჯად გავუარეთ დარაჯს, რომელსაც ვალკამ სამჯერ გაუშეორა, მე ექსპერიმენტალური ბიოლოგიის ლაბორატორიის თანამშრომელი ვარ და ესენი „ჩემთან“ არიანო.

მაშინდელი ზოობალი ახლანდელ ზოობალს არა ჰგავდა. ბევრი განყოფილება დახურული იყო, სხვები კი, ჩვეულებრივ, თოვლით დაფარულ მინდვრებს წარმოადგენდნენ. ვალკამ გვითხრა, ამ მინდვრებზე თეთრი მელიები ცხოვრობენ და მათ სოროები აქვთო და ასე შემდეგ. მაგრამ ჩვენ ვერავითარ თეთრ მელიებს და საერთოდ თოვლის მეტს ვერაფერსა ვხედავდით. ისე რომ, იძულებული ვიყავით ვალკას ცარიელი სიტყვებისთვის დაგვეჯერებინა.

მომთმინება აღარ ჰყოფნიდა, ისე უნდოდა თავისი მღრღნელე-

ში ეჩვენებინა. ამიტომ აღარ დაგვაცადა, ვეფხვი, სპილო და სხვა საინტერესო ცხოველები გვენახა. მთელი ზოობალი გადაგვატარა და რალაც ნახევრად ქუქუიან შენობასთან მიგვიყვანა. ამ შენობაში ცხოვრობდნენ ვალკას მღრღნელები. არ ვიცი, ვინ რას გულისხმობდა ამ მღრღნელებში, ყოველ შემთხვევაში, ჩვენ ისეთი სახე მივიღეთ, რომ სწორედ ასე ვფიქრობდით, მღრღნელები—ჩვეულებრივი თაგვები არიან.

ისინი ბევრნი იყვნენ და ყველას რალაც ავადმყოფობა ჰქონდა შეყრილი, როგორც გამოგვიცხადა ვალკამ სიამაყით. ვალკამ გვითხრა, რომ იმის გამგებლობაში იყვნენ აგრეთვე ლამურები და რომ ის თავის ხელით აქმევდა მატლებს. საერთოდ, საკმაოდ საინტერესო იყო, მიუხედავად იმისა, რომ შენობაში ძალიან ცუდი სუნი იდგა, ხოლო ვალკას დაუსრულებელ ლაპარაკს ბოლო არ უჩანდა.

ჩვენ პატივისცემით ვუსმენდით. განსაკუთრებით კირენი. მერე უეცრად გააჟრუოლა და გამოგვიცხადა, თაგვები მძულსო.

— სულელო, — ხმადაბლა უთხრა კატიამ.

კირენს გაეცინა.

— არა, მართლაც ხომ საზიზღრობაა, — თქვა კირენმა.

ვალისააც გაეცინა. მაგრამ მე ვხედავდი, რომ გული დასწყდა თავის თაგვების გამო. ჩვენ მადლობა გადაუხადეთ და გავწიეთ.

— რა მოსაწყენია ეს ყველაფერი. მაიმუნები მაინცა ვნახოთ, — თქვა კირენმა.

და ჩვენ მაიმუნების სანახავად გავწიეთ.

აი სიმყრალე სად იყო! შედარებაც კი არ შეიძლებოდა ვალკას მღრღნელებთან! კირენმა გამოაცხადა, არ ვისუნთქებო.

— მაშ დარაჯები როგორღა არიან? — უთხრა კატიამ.

დარაჯს შეეხედეთ, რომელიც გალიებთან სულელური, მაგრამ თავგამოდებული შეხედულებით იდგა.

გაერ კული გახლდათ! ერთ წამს შევყოყმანდი — მე ხომ ათ წელზე მეტი იყო, რაც არ მენახა, მაგრამ აი, ის წინ წამოდგა და თავისი საზიზღარი ბოხი ხმით დაიწყო:

— მაიმუნი — მაკაკა...

— ის იყო.

დაჟინებით დავაცქერდი, მაგრამ ვერ მიცნო. დაბერებულ იყო, ცხვირი იხვის ნისკარტივით გახდომოდა. კულულებიც უკვე ის კულულები აღარ იყო — თხელი, ქუქუიანი, ქალარა. წინანდელი

ომახიანი, ახალგაზრდა გაერისაგან ჰხოლოდ დაგრეხილი უღვაშები და ფერისმკვამელები დარჩენილიყო.

— ცხოველის მკერდზე და მუცელზე, — განაგრძობდა გაერი ჩემთვის კარგად ნაცნობი ჰკუისდამრიგებლური პირქუში სახით, — თქვენ ხედავთ ძუძუებს, რომელნიც ცნობილნი არიან, როგორც მათი შვილების რძის პერიოდის განვითარების ორგანოები.

ის არის, ის! გუნებაში გამეცინა და გავიღიმე. კატიამ მკითხა, რად იღიმებო! მე წაეჭურჩულე:

— ერთი შეხედე.

მან შეხედა.

— იცი, ვინ არის?

— ვინ?

— ჩემი მამინაცვალი.

— ტყუი.

— პატიოსნებას გეფიცები.

მან უნდობლად აკიმა წარბები, მერე თვალები აახამხამა და სმენად გადაიქცა.

— შემდეგ გალიაში თქვენ ნახავთ ადამიანის მსგავს მაიმუნ გიბონს, რომელიც გვაკვიფრებს თავის მსგავსებით ადამიანთან. ამ გიბონს ზოგჯერ გონება უბნელდება ხოლმე და ცოფიანივით უვლის მთელ სადგომს.

საცოდავი გიბონი! მომაგონდა, მეც როგორ „მიბნელდებოდა გონება“, როდესაც ეს საზიზლარი თავის გაუთავებელ ლაპარაკს მოჰყვებოდა ხოლმე.

კატიას და კირას შეეხედე. რასაკვირველია, იფიქრებენ ჰკუაზე შეიშალო! მაგრამ ჩემი თავის პატივისცემას დაეკარგავდი, ასეთი შემთხვევა რომ გამეშვა.

— ჯოხები პოპინდიკულარულები უნდა იყვნენ, — ვთქვი მე ხმადაბლა.

მან გვერდზე გადმომხედა, მაგრამ თავი ისე დაეკვირე, ვითომ გიბონს ვათვალისწინებდი.

— შემდეგ გალიაში, — განაგრძობდა გაერი, — თქვენ ნახავთ გიბრალტარის უკულო მაიმუნს: განვითარების დონით ბაქშუსა ჰგავს. პირში ჯიბე აქვს, სადაც ჩვეულებრივად თავისი საკვების გემრიელ მარაგს ინახავს.

— რა თქმა უნდა, — ვთქვი მე, — ყველას უნდა გემრიელი ლუკმის ხელში მოგდება. მაგრამ შეიძლება ასეთ ლუკმას უზრუნველმყოფი მოვლენა ეწოდოს? ეს კიდევ საკითხია.

მე თვითონ არ მოველოდი, ზეპირად თუ შეხსომებოდა ეს აბდა-
უბდა. კირკას სიცილი წასკდა. გაერი გაჩუმდა და სულელური,
მაგრამ ექვით სავსე თვალებით მომჩაგრდა. ეტყობა, რალაც ბუნ-
დოვანმა მოგონებამ გაუელვა დახშულ გოგრაში... მაგრამ, რა თქმა
უნდა, ვერა მცნობდა.

— ჩვენ მათ უზრუნველყოფთ, — უკვე სხვანაირი, უკმეხი საქ-
მიანი კილოთი თქვა მან. — ყოველდღე ხეთქავენ და ხეთქავენ.
ადამიანიც კი არა სჭამს ამდენს, რამდენსაც ასეთი ქმნილება.

უცრად მოაგონდა.

— უკანა მხრიდან შეხედეთ. — განაგრძო მან. — და თქვენ ნა-
ხავთ, რომ ეს არე არანორმალურად წითელი აქვთ. ეს ტყავი არ
გეგონოთ, მაგარი ქერქია, კოჭიყის მსგავსი.

— მითხარით, გეთაყვა, — ვკითხე სერიოზულად, — არიან მოლა-
პარაკე მაიმუნები?

კირენს გაეცინა.

— არ გამიგონია, — უნდობლად მიპასუხა გაერმა. არ ესმოდა,
დავცინოდი თუ სერიოზულად ველაპარაკებოდი.

— მე ერთ მაიმუნზე მიაშბეს, რომელიც ნავმისადგომში მსა-
ხურობდა, — განვაგრძობდი მე, — შემდეგ იქიდან გამოაგდეს და
ბავშვების აღზრდას მიჰყო თურმე ხელი.

გაერს გაელიმა.

— რომელი ბავშვების?

— სხვისი ბავშვების. ის ჩექმებით სცემდა მათ, — განვაგრძობ-
დი მე და ვიგრძენი, ამ მოგონებების გამო როგორი ბაგიბუგი
დამიწყო გულმა, — მეტადრე გოგონას სცემდა, რადგანაც ბიქს, ვინ
იცის, იქნებ ხურდაც დაებრუნებინა.

მე უფრო და უფრო ვუწუვედი ხმას. გაერი პირდაღებული მის-
მენდა. უცბად შეშინებულმა პირი მოკუშმა და თვალები აახამხამა.

— სადილს შემდეგ მალლობა უნდა ეთქვათ მისთვის, — კირას ხე-
ლი ავღქნიე, რომელმაც შეშინებულმა ნიდაყვში ხელი წაძავლო; —
თუმც ის საზიზღარი მაიმუნი თვითონ კი არა მუშაობდა — სხვის
ხარჯზე ცხოვრობდა და დილიდან საღამომდის მხოლოდ თავის
დაწვევლილ ჩექმებს აპრიალუბდა. თუმცალა შემდეგ სიკვდილის
ბატალიონში მოეწყო და იქიდან ორასი მანეთი და ახალთ
ახალი ფორმა მიიღო. ის სიტყვებს წარმოთქვამდა ხოლმე! —
მგონი კბილები დავაკრაქუნე. — ხოლო როცა ბატალიონი გა-
ანადგურეს. ქალაქიდან გაიქცა და, რაც კი სახლში მოიპოვე-
ბოდა, ყველაფერი თან წაიღო.

ალბათ უკვე მაგრად ვყვიროდი, რადგანაც უეცრად კატია მე და გაერს შუაში ჩაგვიდგა.

გაერმა რალაც წაიბუტბუტა და გალიას მიეყრდნო. მან მიცნო—ტუჩები აუჯანკალდა.

— სანია!—ბრძანების კილოთი დამიძახა კატიამ.

— მოიცა!—და კატია იქით გაეწიე.—მისი ბედი, რომ გაიქცა, რადგანაც მე იმას...

— სანია!

მახსოვს, სახტად დაკრჩი, როცა გაერმა მოულოდნელად შეპყვირა და ხელები თავში იტაცა. გონს მოვედი. უხერხულად მოლიმარმა კატიას შევხედე. ჩემი ღრიალისა შემრცხვა.

— წავიდეთ,—მოკლედ თქვა კატიამ.

მივდიოდით ზოობაღში და ვდუმდით. ვხედავდი, რომ კირა შეშინებული ახამხამებდა თვალებს და ახლო არ მეკარებოდა. კატიამ რალაცა წასჩურჩულა.

— საზიზლარი,—წაიბუტბუტე.

ჯერაც ვერ დავმშვიდებულყავი.

— დღესვე ვალკას ხელით გადავცემ ზოობას განცხადებას. რად აჩერებენ ასეთ საზიზლარს! ეგ ხომ თეთრგვარდიელია.

— მე ახლა მეშინია შენი,—მითხრა კატიამ.—შენ თურმე ცოფიანი ყოფილხარ. უყურე, ტუჩებიც კი გადაგითეთრდა.

— ეს იმიტომ, რომ მისი მოკვლა მინდოდა,—ეუთხარი მე,—კმარა, ჯანდაბას იმისი თავი! სხვა რამეზე ვილაპარაკოთ, როგორ მოგეწონათ გიბონები?

თავი მერვე

ბ ა ლ ი

ჩვენ სკოლასთან სადურგლო სახელოსნო იყო, სადაც საღამოობით ვმუშაობდი. სწორედ იმ ხანებში დიდი შეკვეთა მივიღეთ სასწავლო ხელსაწყოებზე სასოფლო სკოლებისათვის და კარგი ფულის გაკეთება შეიძლებოდა.

„გლეხობა ოქტომბრის შემდგომ ლიტერატურაში“ დამთავრებული იყო. გაჯავრებულმა ერთ ღამეში დავწერე, მაგრამ მე სხვა ვალებიცა მქონდა—მაგალითად გერმანული, რომელიც არ მიყვარდა. მოკლედ, ნახევარი წლის ბოლოს მე და კატიამ მხოლოდ ერთხელ მოვახერხეთ სასრიალოზე წასვლა—და ისიც არ გვიციგუ-
11. კავერინი—ორი კაპიტანი

რავნია. ყინული ძალიან იყო დასერილი. დილიდანვე ხოკეის გუნდები ვარჯიშობდნენ. მხოლოდ ჩაი დავლიეთ ბუფეტში.

კატია მკითხა, მამინაცვლის შესახებ თუ დასწერე განცხადებაო.

— დასწერე, მაგრამ ვალკა მეუბნება, სულ ერთია, ის უკვე იქ აღარ არისო.

— მაშ სად არის?

— ეშმაკმა იცის იმისი თავი, გაქცეულა.

ვხედავდი, რომ კატიას უნდოდა ეკითხა, ასე რადა გძულსო, მაგრამ მე მისი მოგონება არ მინდოდა და არაფერი ვთქვი. ბოლოს მაინც მკითხა, იძულებული გაევხდი მემამბნა.—ძალიან მოკლედ—როგორა ვცხოვრობდით ენსკში, როგორ მომიკვდა მამა ციხეში და როგორ გათხოვდა დედა გაერზე. კატიას გაუკვირდა, რომ და მყავდა.

— რა ჰქვია?

— იმასაც სანია ჰქვია.

მაგრამ უფრო მეტად გაუკვირდა, როდესაც გაიგო, რომ ჩემი ენსკიდან წამოსვლის შემდეგ ერთხელაც არ მიმიწერია მისთვის.

— რამდენი წლისაა?

— თექვსმეტის.

კატია აღშფოთებულმა შემომხედა.

— ლორო!

ეს მართლაც ლორობა იყო და მე დავიფიცე, რომ უსათუოდ მიეწერდი.

— სკოლას რომ დავამთავრებ. აბა ახლა რა მიეწერო? უკვე რამდენჯერმე დავიწყე წერილის წერა, ცოცხალი ვარ და ჯანმრთელად... რა საინტერესოა.

ეს იყო ჩვენი უკანასკნელი შეხვედრა არდადეგების წინ. მერე ისევ მეცადინეობა და მეცადინეობა,—კითხვა და კითხვა. დილის ექვს საათზე ვდგებოდი და „თვითმფრინავთმშენებლობას“ ჩაუჯდებოდი ხოლმე. საღამოთი კი საღურგლოში ვმუშაობდი, ზოგჯერ გვიანობამდე...

მაგრამ, აი, გათავდა ნახევარი წელი. თერთმეტი თავისუფალი დღე გვაქვს! უპირველესად ყოვლისა, კატიას დაურეკე და ჩვენ სკოლაში ბალზე დავპატიყე.

აფიშაში ეწერა, რომ ბალი ანტირელიგიურია, მაგრამ ბაგშეები გულგრილად შეხვდნენ ამას და მხოლოდ ორი-სამი კოსტიუმი

თუ იყო ანტირელიგიური თემაზე. მაგალითად, შურა კოჩნეცს, რომელზედაც მღეროდნენ:

В двенадцать часов по ночам
Из смятенья выходит котан,—

ქსენძის¹ კოსტიუმი ეცვა და კარგიც გამოვიდა! სუტანა და ფართოფარფლებიანი ქუდი ძალიან უხდებოდა მის აყლარწულ ტანს. პირქუშად დადიოდა და ყველაფერზე ძრწოდა. ძალიან სასაცილო იყო, კარგად თამაშობდა! სხვა ბიჭები იატაკზე ანაფორებს დააფართხუნებდნენ და ხარხარებდნენ.

კატია საკმაოდ გვიან მოვიდა. ის იყო უნდა გავქცეულიყავი ტელეფონით დასარეკად და კიდევ მოვიდა გაყინული, ჭარხალივით გაწითლებული, და გასახდელშივე, ვიდრე იმის პალტოსა და კალოშებს ჩავაბარებდი, ღუმელისკენ გაიქცა.

— უჰ, რა ყინვაა,—თქვა და ლოყა ღუმელს მიადო,—ორას ჯრადუსამდე იქნება.

მაქმანის საყელოიანი ლურჯი ხავერდის კაბა ეცვა და ნაწნავზე დიდი ლურჯი ბაფთი ეკეთა.

როგორ საოცრად უხდებოდა ეს ბაფთი, ლურჯი კაბა და ყელზე ერთი პირი წვრილი მარჯანი! მკვრივი, მაგრამ თანაც ჰაეროვანი და მოხდენილი იყო. ერთი სიტყვით, სააქტო დარბაზში შევედით თუ არა, სადაც უკვე ცეკვაეზდნენ, ჩვენი სკოლის ყველაზე საუკეთესო მოცეკვავეებმა თავიანთი მანდილოსნები მიატოვეს და კატიასკენ გამოიქცნენ. პირველად ვინანე ჩემს ცხოვრებაში, რომ ცეკვა არ ვიცოდი. ისეთი სახე-მივიღე, თითქოს ჩემთვის სულ ერთი იყო, და მსახიობების ოთახისაკენ გავემართე. მაგრამ იქ გამოსასვლელად ემზადებოდნენ და ჭოგოებმა გამომავლეს. დარბაზში დაებრუნდი. სწორედ ამ დროს ვალსი დამთავრდა. კატიას დავეუძახე, ჩვენ დავსხედით და ლაპარაკი გავაბით.

— ვინ არის?—მკითხა შეძრწუნებულმა.

მე გავიხედე.

— სად?

— აგერ წითელთმიანი.

არაფერი განსაკუთრებული, რომაშკა იყო! კოხტად გამოწყობილიყო, სწორედ ის ჰალსტუხი ეკეთა, რომელიც ერთხელ

¹ ქსენძი—კათოლიკური ეკლესიის მღვდელი პოლონეთში.

გბრაოთი მათხოვა. დღეს რაღაც არც ისე უშნო მეჩვენა, მაგრამ კატია ზიზლით შეჰყურებდა.

— ვერა ხედავ, პირდაპირ საშინელია, — მითხრა მან. — თვალთ შეჩვეული გაქვს და იმიტომ ვერ ამჩნევ. ური ჰიპსა ჰგავს.

— ვისა?

— ური ჰიპსა.

თავი ისე მოვაჩვენე, ვითომდა ვიცი, ვინ არის ური ჰიპი, და მრავალმნიშვნელოვნადა ვთქვი.

— ჰო-ო!

მაგრამ კატიას გაცურება არც ისე ადვილი იყო.

— ეჰ, დიკენსი არ წაგიკითხავს! — მითხრა მან, — და განვითარებულიად კი ითვლები!

— ვინა მთელის განვითარებულად?

— ყველანი. ერთ თქვენ სკოლელ გოგონას ველაპარაკე და იმან მითხრა: „გრიგორიევი ბრწყინვალე პიროვნებაა“. პიროვნებას დამიხედეთ! დიკენსი არ წაუკითხავს.

მინდოდა ამეხსნა, რომ დიკენსი კი წამიკითხავს, მაგრამ ური ჰიპი არ წამიკითხავს-მეთქი, მაგრამ სწორედ ამ წუთში ორკესტრმა დაუკრა და ჩვენმა ფიზკულტურის მასწავლებელმა, რომელსაც ყველანი უბრალოდ გოშას ეძახდნენ, კატია მიიწვია საცეკვაოდ, მე ისევ მარტო დავრჩი. ამჯერად მსახიობებთან შემიშვეს და საქმეც კი მომცეს. ერთი გოგონასათვის რაბინის გრიმი უნდა გამეყეთებინა. ეს ადვილი საქმე არ იყო. ნახევარ საათამდე ვუტრიალე და, როდესაც კვლავ დარბაზში დავბრუნდი, კატია ისევ ცეკვავდა. ახლა უკვე ვალკასთან.

თავისთავად ეს საქმოდ სასაცილო სანახაობა იყო — ვალკა თავის ფეხებს თვალს არ აშორებდა, თითქოს ეშმაკმა იცის, რა საინტერესო რამ იყო, კატია კი ნელი ხელის კვრით ხელდახელ ასწავლიდა ცეკვას და თან ჯავრობდა. მაგრამ მე რატომღაც მოწყენილობა ვიგრძენი.

ვიღაცამ ღილზე ნომერი წამომაცვა — ფოსტას თამაშობდნენ. მოწყენილი ვიჯექი კატორღელივით მკერდზე ნომერმიკრული. ერთბაშად ორი წერილი მივიღე: „ქმარა თავისკატუნი. გულახდილად მითხარი, ვინ მოგწონს? პასუხი მომწერე № 140“, მეორე წერილი იღუმალებით იყო აღსავსე: „გრიგორიევი ბრწყინვალე პიროვნებაა, დიკენსი კი არ წაუკითხავს“. კატიას თითი დავუქნიე. მას გაეცინა, ვალკა მიატოვა და ჩემს გვერდით დაჯდა.

— თქვენთან მხიარულებაა, ოღონდ ძალიანა ცხელა. რას იტყვი ახლა, ისწავლი ცეკვას?

არა-მეთქი, ვუთხარი და ჩენი კლასისაკენ წავედი. იქ ფოიესავეთ იყო რაღაც მოწყობილი. კუთხეებში ბუტაფორული სავარ-
აქლები იდგა ტრაგედიიდან „დადგა ეამი“. ელნათურებსაც ლურჯი
და წითელი ქაღალდი ჰქონდათ შემოხვეული. ჩემ მერხზე დავსხე-
დით—უკანასკნელ მერხზე მარჯვენა მწკრივში. არ მახსოვს, რაზე
ვლაპარაკობდით, რაღაც მნიშვნელოვანზე, მგონი, ხმოვან კინოზე.
კატიას ამისი არაფერი სწამდა და მე დასამტკიცებლად რაღაც
მონაცემები მოვუყვანე ბგერისა და სინათლის შედარებითი სის-
წრაფის შესახებ.

იგი სულ მთლად ლურჯი იყო—ჩვენ ზემოდან ლურჯი ელნათურა
ენთო და, ალბათ, იმიტომ გავთამამდი ასე. დიდი ხანია მინდოდა მე-
კოცნა, ჯერ კიდევ მაშინ, როდესაც გაყინული და გაწითლებუ-
ლი მოვიდა და ღუმელს ლოყა მიადო, მაგრამ მაშინ ეს შეუძლე-
ბელი იყო.—ახლა კი, როცა ის ლურჯია,—შესაძლებელი გახდა.
სიტყვა არ დამიმთავრებია, გაეჩუმდი, თვალები დავხუკე და
ლოყაზე ვაკოცე.

ოჰ, როგორ გაჯავრდა!

— ეს რას ნიშნავს?—იკითხა მრისხანედ.

მე ვღუმედი—გულს დაგადუგი გაჰქონდა. ვშიშობდი: აი ახლა
შეტყვის: „ამიერიდან ჩვენ უცნობები ვართ“, ან რაიმეს ამის მსგავსს.

— ეს ღორობაა!—მითხრა აღშფოთებულმა.

— არა, ღორობა არ არის,—ვუპასუხე დაბნეულად.

ერთი წუთი ვღუმედით, მერე კატია მწყლის მოტანა მთხოვა.
წყალი რომ მოვეუტანე, მთელი ლექცია წამიკითხა. როგორც ორ-
ჯერ ორი ოთხია, დამიმტკიცა, ჩემს მიმართ გულგრილად ხარ
ჯანწყობილი, რომ „ეს შენ მხოლოდ გეჩვენება“ და, რომ ახლა ჩემს
მაგიერ სხვა გოგონა ყოფილიყო, იმასაც აკოცებდიო.

— შენ უბრალოდ ცდილობ შენი თავი დაარწმუნო, — თქვა
დაბეჯითებით, — სინამდვილეში კი მაგის მსგავსი არაფერია.

სჯეროდა, რომ მე მისი წყენიხება არ მინდოდა, ასეც იყო.
მაგრამ მაინც ასე არ უნდა მოვქცეულიყავ, რადგანაც მე მხო-
ლოდ თავს ვიტყუებ, სინამდვილეში კი არაფერს არა ვგრძნობ...

— არაერთარი სიყვარული, — დაუმატა ღუმელის შემდეგ და
მე ვიგრძენი, რომ გაწითლდა.

პასუხის ნაცვლად მისი ხელი ავიღე და სახეზე და თვალებზე
ჰოვისვი. ხელი არ წაურთმეგია და ასე რამდენიმე წუთი მდუ-
შარედ ვისხედით ჩემს მერხზე, ნახევრად ჩაბნელებულ საკლასო

ოთახში. ჩვენ ვისხედით კლასში, სადაც გაკვეთილს მეკითხებოდნენ და მე კი „ლობე-ყორეს ვედებოდი“, სადაც მე დაფასთან თეორემებს ვამტკიცებდი; ჩემს მერხზე, სადაც ჯერ ისევ ეწყო ვალკას დაქმუნილი „შპარგალკები“. ეს უცნაური იყო. მაგრამ რა კარგი! არ შემძლია გადმოგკეთ, რა ნეტარი იყო ეს წუთები.

მერე მომეჩვენა, რომ კუთხეში ვილატა ხენეშოდა, მივიხედე და რომაშკა დავინახე. არ ვიცი ისე რადა ხენეშოდა, მხოლოდ ძალიან საზიზღარი სანახავი კი იყო. რა თქმა უნდა, მაშინვე მიხვდა, რომ შევნიშნეთ. რადაცა წაიბუტბუტა და უსიცოცხლო ღიმილით ჩვენთან მოვიდა.

— გრიგორიევი, რატომ არ გამაცნობ?

მე ავდექი. ალბათ, მაინცდამაინც თავაზიანი შეხედულება არა მქონდა, იმიტომ რომ მან შეშინებულმა აახამხამა თვალები და გარეთ გავარდა. სასაცილო იყო, რომ ასე შევეშინდა. ორივეს სიცილი წაგვსკდა. კატიამ მითხრა, რომ ის მარტო ური ჰიპს. კი არა, მოკაუჭებულცხვირიან, მრგვალთვალა ბუსაცა ჰგავსო. გამოიცილა: რომაშკას კლასში ზოგჯერ ბუს ეძახდნენ და ამით აბრაზებდნენ. ჩვენ დარბაზში დავბრუნდით.

შურკა კოჩნევი შესაველში შეგვხვდა და კომიკურად შეძრწუნდა. კატია გავაცანი, მან კატია, როგორც ნამდვილმა ქსენდმა, ისე დალოცა და აკანკალებული ხელი ტუჩებთანაც კი მიუტანა საკონცელად.

ვეკვა უკვე გათავდა და დაიწყო საკონცერტო განყოფილება. ნაწყვეტები „რევიზორიდან“, რომელსაც ჩვენი თეატრი ამზადებდა.

მე და კატია მესამე რიგში ვისხედით, მაგრამ არაფერი არ გვესმოდა. ყოველ შემთხვევაში მე. ჩემი აზრით, არც იმას. მე წაეჩურჩულე.

— კიდევ ვისაუბროთ, ხომ?

ღინჯად შემომხვდა და თავი დამიქნია.

თავი მძვარე

პირველი პაემანი. პირველი უძილობა

პირველად არ მომსვლია, რომ ცხოვრება, რომელიც ერთი გზით მიდის, — ვთქვათ პირდაპირი გზით, უეცრად მოტრიალდებოდა და იწყებოდა „ბოჩკები“ და „იმელმანები“.¹

¹ უმაღლესი პილოტაჟის ფიგურებია.

ასე იყო, როდესაც რვა წლის ბიჭმა დანა დაეკარგე პონტონის ხიდზე. ასე იყო განათლების განყოფილების განმანაწილებელში, როდესაც მოწყენილობისაგან ძერწვა დაეიწყე. ასე იყო, როცა კორაბლიოვის წინააღმდეგ „შეთაქმულების“ შემთხვევითი მოწმე აღმოჩნდი და ტატარინოვების სახლიდან თავლაფდასხმული გამომაძევეს. ასე იყო ახლაც, როცა მე კვლავ გამომაძევეს,—და ამჯერად სამუდამოდ.

აი, როგორ დაიწყო მორიგი შეტრიალება: მე და კატიამ პაემანი დავნიშნეთ ორუეინზე, თუნუქის სახელოსნოსთან—ის კი არ მოვიდა.

ამ სევდიან დღეს ყველაფერი უკულმა მიდიოდა! მეექვსე გაკვეთილიდან გავიპარე—ეს სისულელე იყო, იმიტომ რომ ლიხო შეგვპირდა მეცადინეობის შემდეგ სახლში მოცემულ თხზულებებს დაგირიგებთო. მე მინდოდა მომეფიქრა ჩვენი საუბარი. მაგრამ, აბა რა უნდა მომეფიქრა, როცა რამდენიმე წუთის შემდეგ ძალღივით გავიყინე და გაცხარებული ფეხებს ვაბაკუნებდი და ცხვირს და ყურებს ვისრესავდი.

მაგრამ მაინც ეს ძალიან საინტერესო იყო! გუშინდელის შემდეგ როგორ შეიცვალა ყველაფერი! მაგალითად, გუშინ მე შემეძლო მეთქვა: კატკა, სულელო! დღეს კი—არა. მაგრამ უფრო საინტერესო იყო ფიქრი იმაზე, რომ ეს სწორედ ის კატიაა, რომელმაც ოდესღაც მკითხა, წაგვიკითხავს თუ არა „ელენე რობინზონი“, რომელმაც ლაქტომეტრი ააფეთქა, რისთვისაც ლაზათიანად წაეკარი კისერში. ვითომ ის კატია არის?

„ის არის“,—გავიფიქრე მხიარულად.

ახლა კი ის—ის არ იყო, და მეც—მე არ ვიყავი. მაგრამ აი უკვე ერთმა საათმა გაიარა. შესახვევში არავინა ქაჭანებდა, მხოლოდ პატარა, ცხვირა მეთუნუქე რამდენიმეჯერ გამოვიდა სახელოსნოდან და შეშინებულმა ექვიანი თვალით შემომხედა. ზურგით მივბრუნდი, მაგრამ, მგონი, ამან უფრო გაუძლიერა ეჭვები. ქუჩის მეორე მხარეზე გადავედი და ის კი სულ იდგა ორთქლის ბოლქვებში გახვეული, ენსკის ტაძრის გუმბათზე დახატული ღმერთივით. იძულებული გაჩხდი, ქვევით წავსულიყავი, ტვერსკოისაკენ...

სკოლაში რომ დავბრუნდი, უკვე ესადილათ. სამზარეულოში წავედი გასათბობად, მზარეულმა დამტუქსა და დატუქსეას ერთი თეფში ცხელი კარტოფილი მოაყოლა. უხმოდ შევქამე და ვალკას

მოსაძებნად გაეწიე. მაგრამ ვალკა ზოობაღში წასულიყო. ჩემი თხზულება ლიხოს რომაშქასათვის მიეცა.

ესე გუნებაზე ვიყავი და იმიტომ ყურადღება არ მიმიქცევია, რა ალელეებით შემხვდა რომაშქა. პირდაპირ დაბზრიალდა, როცა ბიბლიოთეკაში შევედი, სადაც ჩვეულებრივად გაკვეთილებს ვსწავლობდით.

რამდენიმეჯერ უმიზეზოდ გაეცინა და საჩქაროდ მომცა ჩემი თხზულება.

— ესეც შენი ლიხოვირი, — მითხრა ლაქუცი: — შენს ადგილას ვუჩივლებდი.

მე გადავშალე, ჩემი თხზულების ყოველ გვერდს წითელი ხაზი მისდევდა, ბოლოში კი ეწერა: „იდეალიზმი. მეტად სუსტია“.

გულგრილადავთქვი: „სულელი!“-მეთქი. რვეული დავხურე და გავედი. რომაშქა უკან დამედევნა. საკვირველი იყო, როგორ მელაქუცებოდა, ჩემს წინ მიკუნტრუშებდა, პირში შემომტკეპროდა! ეტყობა, ძალიან უხაროდა, რომ ასე ჩაეჯექი ჩემი თხზულებით. აზრადაც არ მომდიოდა მისი მოკმედების ნამდვილი მიზეზი.

— აი, ეგეც შენი ლიხოვირი, — მალი-მალ იმეორებდა. — კარგად თქვა მაგაზე შურა კოჩნემა: „თავი კოკოსის კაკალივით აქვს — გარედან მაგარია, შიგნით კი თხევადიო“.

უსიამოვნოდ გაეცინა და ისევ სირბილით წინ გადამისწრო:

— გასწი, დამეკარგე, — ვუთხარი კბილების კრაკუნით.

როგორც იყო მომშორდა.

ჯერ ბავშვები კულტლაშქრობიდან არ დაბრუნებულყვნენ, მე კი უკვე ლოგინში ვიწეკი. ასე ადრე არ უნდა დავწოლილიყავი: დავხუკე თვალები და გვერდზე გადავბრუნდი, მაგრამ ძილი გამიფრთხა.

ეს პირველი უძილობა იყო ჩემს ცხოვრებაში. ძალიან დამშვიდებული ვიწეკი და ვფიქრობდი. რაზე? მგონი ყველაფერზე, რაც ქვეყანაზე არსებობს.

ხვალ კორაბლიოვს მივუტან თხზულებას და ვთხოვ წაიკითხოს. ვფიქრობდი მეთუნეებზე, რომელსაც ქურდი ვეგონე. კატიას მამის წიგნზე — „გრილის ექსპედიციის დაღუპვის მიზეზები“.

მაგრამ რაზეც არ უნდა მეფიქრა, ჩემი ფიქრი მაინც კატიას გარშემო ტრიალებდა. თელემას ვიწყებდი და უეცრად ისეთი სინაზით მაგონდებოდა იგი, რომ სულიც კი მიგუბდებოდა და გული მძიმედ და ძალუმაღ მიწყებდა ძგერას. ასე უფრო კარგად ვხედავდი მას, ვიდრე ჩემს გვერდით რომ ყოფილიყო. მე ვგარძნობდი იმის ხელს ჩემს თვალებზე.

„კარგია, კმარა,—შეგიყვარდა და ეგ არის, მოდი მაინც დავი-
ძინოთ, ძმაო“,—ვუთხარი ჩემს თავს.

მაგრამ ახლა, როდესაც ასეთი სიამოვნება მოეფინა ჩემს გულს,
დაძინება დამენანა, თუმც ცოტა კი მეძინებოდა. გათენებისას
ჩამეძინა, ძია პეტია სამზარეულოში მახმედას—ჩვენ პატარა კნუტს,
რალაცას ებუზღუნებოდა.

თავი მათე

უსიამოვნებანი

პირველი პაემანი და პირველი უძილობა—ეს მაინც ისევ უწინ-
დელი კარგი დრო იყო. მეორე დღეს კი დაიწყო უსიამოვნება
საუზმის შემდეგ კატიას დავურეკე და უკუღმართ ბედზე ტე-
ლეფონთან ნიკოლაი ანტონიჩი მოვიდა.

— ეინ კითხულობს?

— მისი ნაცნობი.

— რომელი ნაცნობი?

მე ვდუმდი.

— ჰა?

ყურმილი დავეკიდე...

თორმეტ საათზე მწვანეღელულობის დუქანში ჩავსაფრდი, საიდა-
ნაც მთელი ტვერსკაია-იამსკაია ჩანდა. ამჯერად ქურდი არავის ვეგო-
ნე. ხან ვითომ ტელეფონით ვრეკავდი, ვაშლის წნილს ვყიდულობდი,
კარებთან გულგრილი გამომეტყველებით ვჩერდებოდი. ნინა კაპი-
ტონოვნას ვუტყდი. წინა წლების გამოცდილებით ვიცოდი, ბაზრი-
დან რა დროს ბრუნდებოდა. ძლივს, როგორც იყო გამოჩნდა. პა-
ტარა, მოხრილი, თავის მწვანე ხავერდის პალტო-სალოფში, ქოლგით
ხელში—ასეთ ყინვაში! თავისი განუყრელი კალათით.

— ნინა კაპიტონოვნა!

მან კუშტად შემომხედა და, ერთი სიტყვაც არ უთქვამს, ისე
ჩამიარა გვერდი. მე გავოცდი.

— ნინა კაპიტონოვნა!

კალათი დადგა, წელში გასწორდა და აღშფოთებულმა შე-
მომხედა.

— იცი რას გეტყვი, ჩემო კარგო,—მითხრა მკაცრად.—მე
ძველი მახსოვს და ამიტომ არა ვჯავრობ, მაგრამ დღეიდან შენი
ხმა არ გამაგონო და არც თვალით დამენახო.

თავი ოდნავ უცანცარებდა.

— შენ შენთვის, ჩვენ კი ჩვენთვის! არც არაფერი მოიწერო და არც დარეკო! მართალი გითხრა, არ მოველოდი! ჩანს, შევმცდარვარ!

კალათს ხელი დაავლო და—ჯახ! ალაყაფის კარები ზედ ცხვირწინ მომიკეტა.

პირდაღებული გავცქეროდი. ჩვენ ორში რომელი შეიშალამეთქი კეჟაზე? მე თუ ის?

ეს იყო პირველი უსიამოვნო საუბარი. ამას მოჰყვა მეორე, მეორეს კი—მესამე.

შინ რომ ვბრუნდებოდი, სადარბაზო შესასვლელთან ლიხო შემხვდა. აბა რა შესაფერი დრო იყო ჩემი თხზულების შესახებ ლაპარაკისა.

კიბეზე ერთად ავდიოდით, ის, როგორც ყოველთვის, თავაწეული, ცხვირის სულელური მანქნით, მე კი—როგორ მინდოდა—ერთი წიხლი მეთხლიშა მისთვის.

— ამხანაგო ლიხო, თხზულება მივიღე,—ვუთხარი მოულოდნელად,—თქვენა სწერთ „იდეალიზმი“, ეს შეფასება კი არა, ბრალდებაა, რომელსაც დამტკიცება სჭირდება.

— მერე მოვილაპარაკოთ.

— არა, ახლა. მე კომკავშირელი ვარ, თქვენ კი იდეალისტობასა მწამებთ. თქვენ არაფერი არ გესმით.

— რაო?—იკითხა და შუბლი შეიკრა.

— თქვენ წარმოდგენა არა გაქვთ იდეალიზმზე,—განვაგრძობდი მე და თან სიხარულით ვამჩნევდი, რომ ყოველი ჩემი სიტყვის შემდეგ სულ უფრო და უფრო უგრძელდებოდა სახე.—თქვენ არ იცოდით, გული რითი მოგეკლათ ჩემთვის, და ამიტომ დამიწერეთ „იდეალიზმი“. ტყუილად კი არ ამზობენ თქვენზე...

ერთი წამით შევჩერდი, რადგან ვიგრძენი, რომ ახლა უხეშ რალცას ვიტყვოდი, მაგრამ მაინც ვთქვი:

— რომ თავი კოკოსის ნაყოფს გივაეთ: გარედან მაგარია, შიგნით კი ძხვეალი.

ეს იმდენად მოულოდნელი იყო, რომ ორივენი გაეშრით. შემდეგ მან ნესტოები დაბერა და მოკლედ და გესლიანად მითხრა:

— მაშ, ეგრე?!

და საჩქაროდ გატრიალდა.

სწორედ ერთი საათის შემდეგ კორაბლიოვთან გამომიძახეს.

უკვე ვიცოდი, თავზე რა რისხვა დამატყდებოდა: კორაბლიოვი-
იშეიათად იძახებდა ვისმეს თავის ბნანზე.

ასე გაჯავრებული დიდი ხანია არ მეხანა. თავჩალუნული ოთახ-
ში ბოლთასა სცემდა და, როდესაც შევედა—რაღაც ზიზლით მომ-
ცა გზა.

— იცი, რას გეტყვი!—მას კუშტად შეუტოკდა უღვაშები.—
დიდებული საქმე ჩაგიდენია! ადაძინან ესიამონენბა!

— ივან პავლიჩ, ყველაფერს ახლავე აგიხსნით,— ვუთხარი მე
და თან ვცდილობდი, დამშვიდებულად მელაპარაკა.— მე კრიტი-
კოსები არ მიყვარს, ეს მართალია, მაგრამ ეგ ხომ იდეალიზმი არ
არის! სხვა ბავშვები ყველაფერს კრიტიკოსებისაგან იწერენ, ეს
ლიხოს მოსწონს. ჯერ დაამტკიცოს, რომ მე იდეალისტი ვარ. მან
უნდა იცოდეს, რომ ეგ ჩემთვის შეურაცხყოფაა.

კორაბლიოვს რვეული გავუწოდე, მაგრამ არც კი დახედა.

— შენ პედაგოგიურ საბჭოს უხდა აუხსნა შენი მოქმედება.

— დიდი სიამონენებით!.. ივან პავლიჩ,— უეცრად ვუთხარი მე,—
დიდი ხანია, რაც ტატარინოვებთან არა ყოფილხარ?

— მერე რა?

— არაფერი.

კორაბლიოვმა პირდაპირ თვალბეში შემომხედა.

— იცი, ძმაო,— მშვიდად მითხრა მან.— ვხედავ, რომ შენ ტყუილ
უბრალოდ არ მოექცევი ასე უხეშად ლიხოს. დაჯექი და მიაშბე,
მხოლოდ ტყუილები არ იყოს.

საკუთარ დედასაც არ გამოუუტყდებოდი, რომ კატია შემიყ-
ვარდა და მთელი ღამე კატიაზე ფიქრში გავატარე, ეს შეუძლე-
ბელი იყო. მაგრამ დიდი ხანია მინდოდა მეამბნა კორაბლიოვი-
სათვის ტატარინოვების სახლში მომხდარი ცვლილებების შესახებ,
რომელიც მე ასე არ მომეწონა!

ყურს მივდებდა და თან ბოლთასა სცემდა. დროდადრო ჩერ-
დებოდა და ნაღვლიანად მიიხედ-მოიხედავდა ხოლმე. საერთოდ
ჩემმა ნაამბობმა, მგონი, ცუდ გუნებაზე დააყენა. ერთხელ თავშიაც
კი წაიტანა ხელი, მაგრამ გონს მოვიდა და ხელი შუბლზე მოისვა,
ვითომ შუბლს იზელავდა.

— კარგი,— მითხრა, როდესაც ვთხოვე, ტატარინოვებისათვის.
დაერეკა და გამოერკვია, თუ რა მოხდა.— დაეურეკავ, შენ კი ერთი-
სათის შემდეგ შემოიარე.

— ივან პავლიჩ, ნახევარი საათის შემდეგ!

ულვაშებში ჩაეცინა—ნაღელიანად და თან ალერსიანად...

ეს ნახევარი საათი სააქტო დარბაზში გავატარე. პარკეტი სა-
აქტო დარბაზში ნაძვის ტოტების მსგავსად არის დაგებული. და
როცა ფანჯრიდან კარებისაკენ მივდიოდი, მუქი ზოლები ბაცად
მოჩანდა, ბაცები კი—მუქად. მზე კაშკაშებდა. დიდრონ ფანჯ-
რებიდან სვეტად შემოქრილ მზის სხივებში მტვერი ტრიალებდა. რა
კარგია ყველაფერი ამქვეყნად! და თანაც რა ცუდი!

როდესაც დაებრუნდი, კორაბლიოვი სავარძელში იჯდა და პა-
პიროსს სწევდა. ბუსუსებიანი მწვანე ფრენჩი, რომელსაც ყოველ-
თვის მაშინ იცვამდა, როცა თავს ცუდადა გრძნობდა, ბეჭებზე
ესხა და პერანგის რბილი საყელო შეხსნილი ჰქონდა.

— ეჰ, ძმაო, რადა მთხოვე დამერეკა,—მითხრა მან.—ახლა
მთელი შენი საიდუმლო ვიცი.

— რა საიდუმლო?

ისე შემომხედა, თითქოს პირველად დამინახა.

— ოღონდ უნდა იცოდე საიდუმლოს შენახვა,—განაგრძო
მან,—შენ კი არ იცი. დღეს შენ, მაგალითად, ვინმე მოგწონს,
ხვალ კი ეს მთელმა სკოლამ იცის. კარგია, თუ მარტო სკოლამ...

აღბათ, ძალიან სულელური გამომეტყველება მქონდა, რადგანაც
კორაბლიოვს უნებურად ჩაეცინა,—თუმცა თითქმის შეუმჩნეველად.
ჯცბად, სულ ცოტა, ოცმა აზრმა მაინც გამიელვია თავში. „ვინ მიყო
ეს? რომაშკამ? მოვკლავ! აი, რატომ არ მოვიდა კატია! აი, რატომ
გამომავლო მოხუცმა ქალმა!“

— ივან პავლიჩ, მე იგი მიყვარს,—ვუთხარი მტკიცედ.

მან მხრები აიჩეჩა.

— ჩემთვის სულ ერთია, თუნდა მთელმა სკოლამ ილაპარაკოს...

— ჰო, სკოლამ კი შეიძლება,—თქვა კორაბლიოვმა,—მაგრამ
რას იტყვის მარია ვასილენა და ნინა კაპიტონოვნა,—ეს შენთვის
სულ ერთი არ არის, ხომ?

— არა, ეგეც სულ ერთია,—ვუპასუხე გაცხარებულმა.

— თუ უკაცრავად არა ვარ, შენ, მგონი, სახლიდან გამოგავდეს?

— რომელი სახლიდან? ის კატიას სახლი არ არის, კატია
იმაზე ოცნებობს, რომ სკოლას დაამთავრებს თუ არა, ამ სახლს
მოშორდეს.

— უკაცრავად, უკაცრავად... მაშ შეერთვას აპირებდი?

მე გონს მოვედი.

— ეს არავისი საქმე არ არის!

— რა თქმა უნდა, — საჩქაროდ დაატანა კორაბლიოვმა, — მაგრამ გამიგონე, ჩემი აზრით, ეგ ასე უბრალო ამბავი როდია! საჭიროა მაინც კატისაც შევეყიოთო. შეიძლება ჯერჯერობით არც აპირებს გათხოვებას. ყოველ შემთხვევაში, უნდა მოვიცადოთ, ვიდრე ენსკიდან დაბრუნდება.

— ო, — ვთქვი მე ძალიან მშვიდად, — ენსკში გაგზავნეს? შესანიშნავია.

კორაბლიოვმა კვლავ შემომხედა, — და ამჯერად აშკარა ცნობის მოყვარეობით.

— დეიდა გაუხდა ავად და იმის სანახავად წავიდა, — თქვამან, — რამდენიმე დღით და სწავლის დაწყებისათვის აქ იქნება. მგონი, ამან არ უნდა აგაღელვოს.

— არცა ვღელავ, ივან პავლიჩ. რაც შეეხება ლიხოს, თუ გნებავთ, ბოდიშს მოვიხდი, მხოლოდ იმანაც წაიღოს უკან თავისი მოსაზრება, რომ მე იდეალისტი ვარ...

თითქოს არაფერი მომხდარაო, თითქოს არც კატია გაუგზავნიათ ენსკში, თითქოს მე არ ვადამეწყვიტა რონაშკას მოკვლა, ჩვენ თხუთმეტობედ წუთი ვილაპარაკეთ ჩემი თხზულების შესახებ. შემდეგ გამოვეთხოვე, ვუთხარი, თუ შეიძლება ხვალ კიდევ შემოვივლი-მეთქი, და წავედი.

თავი მეთერთმეტე

ენსკში მივმგზავრები

რომაშკა უნდა მოვკლა! ერთი წუთით არ მეპარებოდა ექვი, რომ ეს იმან ჩაიდინა. მაშ სხვამ ვინ! ფოიეში იჯდა და დაინახა, როგორ ვაკოცე კატას.

სიძულვილით ვუყურობდი მის საწოლს და მაგიდას. ნახევარ საათამდე ვუცდიდი საწოლ ოთახში. შემდეგ ბარათი დაეწერე, რომელშიაც ახსნა-განმარტებას მოვითხოვდი და თან ვემუქრებოდი, რომ წინააღმდეგ შემთხვევაში მთელი სკოლის წინაშე საზიზლარს ვუწოდებდი. მერე ბარათი დაეხიე და ვალკასთან გავწიე ზოობაღისაკენ.

რასაკვირველია, თავის მღრღნელებთან იყო, ქუჭყიან ხალათში, ყურსუკან გარკობილი ფანქრით, დიდი ბლოკნოტი იღლიაში ამოეჩარა, გალიის წინ იდგა და ლამზრებს ჰკვებავდა — მატლებს აკმევედა და თან დიდად კმაყოფილი სახით რალაცას უსტვენდა.

მე დაეუძახე, გაბუცებულმა მოიხედა, გაჯავრებით ხელი ჩაიქნია და მითხრა:

— მოიცადე.

— ვალია! ერთი წუთით.

— მოიცა, სათვალავს შემაშლევინებ. რეა, ცხრა, ათი...—ის პატლებსა თვლიდა.

— აი გაუმაძლარი! ჩვიდმეტი, თვრამეტი, ოცი...

— ვალკა!—შევძახე ვედრებით.

— აქედან გაგაგდებ!—სწრაფად მითხრა ვალკამ.

სიძულვილით შევხედე ღამურებს. თავდაყირა ეკიდნენ პირდაღებულები, რალაც უცნაური, თითქმის ადამიანის სახისანი. საზიზღრები! რას იზამ! უნდა მეცადა, ვიდრე არ დასკდებოდნენ.

ძლივს! მაგრამ ვალკა ქუჭყიან თითებს ცხვირზე ისევამდა და კიდევ ნახევარ საათამდე იწერდა რალაცას ბლოკნოტში. როგორც იყო, ეს წამებაც გათავდა!

— ჯანდაბას შენი თავი!—ვეუთხარი მე.—გული არ გამიწყალე შენი მხეცებით. ფული გაქვს?

— ოცდაშვიდი მანეთი,—ამაყად მომიგო ვალკამ.

— მომეცი სულ.

ეს შეუბრალებლობა იყო ჩემი მხრივ, ვიცოდი, რომ ვალკა რალაც გველებისათვის აგროვებდა ფულს, მაგრამ მეტი რა გზა იყო! მე მხოლოდ ჩვიდმეტი მანეთი მქონდა, ბილეთი კი სწორედ ორჯერ მეტი ღირდა.

ვალკამ ოდნავ აახამხამა თვალები, შემდეგ დინჯად შემომხედა და ფული ამოიღო.

— მივემგზავრები.

— საით?

— ენსკში.

— რისთვის?

— ჩამოვალ და ყველაფერს გიამბობ, მანამდე კი ერთ რამეს ვეტყვი: რომაშკა საზიზღარია. შენ მას იმიტომ მეგობრობ, რომ არ იცი რა საზიზღარია. და თუ იცი და მაინც მეგობრობ, შენც საზიზღარი ხარ და მეტი არაფერი. ნახვამდის!

ის იყო ფეხი გავდგი კარებში, რომ ვალკამ დამიძახა და ისეთი უცნაური ხმით, რომ წამსვე დავბრუნდი.

— სანია,—წაიბუტბუტა მან,—მე იმას არა ვმეგობრობ საფრთხოდ...

ის გაჩუმდა და კვლავ ცხვირის ქეჩვა დაიწყო.

— მე ვარ დამნაშავე, — გამოაცხადა მტკიცედ. — უნდა გამეფრთხილებინე. გახსოვს კორაბლიოვის ისტორია?

— როგორ არა. მაშ ვისლა უნდა ახსოვდეს, თუ მე არ მეხსოვება.

— ჰოდა აი ეგ იმისი საქმეა.

— როგორ?

— ნიკოლაი ანტონიჩთან წავიდა და ყველაფერი უამბო.

— ტყუი!

წაშში გამახსენდა ის საღამო, როცა ტატარინოვებისაგან დაბრუნებულმა ვალკას ვუამბე კორაბლიოვის წინააღმდეგ შეთქმულების შესახებ.

— ჰო, მაგრამ, მე ხომ შენ გიამბე!

— რომაშკამ კი ყური მოგვიგდო.

— მერე რაღასა სდუმდი?

ვალკამ თავი დახარა.

— პატიოსანი სიტყვა ჩამომართვა, — წაიბუტბუტა მან. — გარდა შაგისა, მემუქრებოდა, ღამე ყურებას დაგიწყებო. გესმის, ვერ ვიტან, როცა მძინარეს მიყურებენ. ახლა კი ვიცი, რომ ეგ სისულელეა. ეს იქიდან დაიწყო, როდესაც ერთხელ გამომეღვიძა და დავინახე, როგორ მიყურებდა.

— სულელი ხარ და მეტი არაფერი.

— უბის წიგნაკში იწერს და მერე ამბავი მიაქვს ნიკოლაი ანტონიჩთან, — ნაღელიანად განაგრძობდა ვალკა. — სულს მიწუხებს, ამბავს მიუტანს და მერე მიაშობს. ყურებში თითებს ვიცობ, შაინც მიაშობს.

სამიოდე წლის წინათ სკოლაში ლაპარაკობდნენ, რომაშკას თვალეზღიას სძინავსო, — ეს მართალი იყო, მე თვითონ ვნახე, როგორ ეძინა, ქუთუთოებს შუა აშკარად მოუჩანდა თვალის კაკალი — რაღაც ამღვრეული და საშინელი... უსიამოვნო სანახავი იყო — სძინავს კიდევ და არცა სძინავს! რომაშკა ამბობდა, არასდროს არა მძინავსო. რა თქმა უნდა, ტყუოდა. მოკლე ქუთუთოები ჰქონდა და მეტი არაფერი. მაგრამ იყვნენ ისეთები, რომელთაც სჯეროდათ, პატივსა სცემდნენ იმის გამო, რომ „არ ეძინა“ და, ცოტა არ იყოს, ეშინოდათ კიდევ. ალბათ ვალკას შიშიც აქედან დაიწყო: — იმას ხომ მთელი ხუთი წელი რომაშკას გვერდით საწოლზე ეძინა.

ყველაფერმა ამან ბუნდოვნად გამიარა თავში. „სულელი—
გავიფიქრე.— ძალიან ბუნებისმეტყველი არა ხარ“.

— ეჰ, შე ჩვარო!— ვუთხარი,— შენთან სალაპარაკოდ ახლა არა
მცალკა, მაგრამ, ჩემი აზრით, იმ უბის წიგნაკის შესახებ შენ
უჯრედს უნდა მისწერო.— სიმართლე გითხრა, არ მეგონა, რომ ასე
მოგაჯდებოდა ზურგზე. რამდენი „პატიოსანი სიტყვა“ გაქვს მი-
ცემული?

— არ ვიცი,— წაიბუტბუტა ვალკამ.

— დავთვალოთ!

მან სევდიანად შემომხედა...

ზოობალიდან ვაგზალში წავედი ბილეთისათვის, იქიდან კი სკო-
ლაში. ძალიან კარგი ფარგალდანი მქონდა. გადაეწყვიტე თან წა-
მელო— ყოველი შემთხვევისათვის, თუ გამიჭირდებოდა, გავყიდდი.

და აი ყველა ჩემ სისულელეს კიდევ ერთი სისულელე მიემატა,
რის გამოც ერთიორად დავისაჯე.

საწოლ ოთახში ათამდე კაცი იქნებოდა, როდესაც შევედი, და
მათ შორის ტანია ველიჩკოც, ჩვენი კლასელი გოგონა.

ყველა გართული იყო— ვინ კითხვით, ვინ ლაპარაკით.

შურა კოჩნევი მათემატიკის ახალ მასწავლებელს აჯავრებდა:—
ხელემაწეული გონებაში წარმოდგენილ დაფას მივარდებოდა
და ნელ-ნელა, დირსებით აღსავსე გამომეტყველებით ჯდებოდა.
ყველანი ბარხაზებდნენ. ერთი სიტყვი, არავინ აქცევდა ყურად-
ღებას რომაშკას, რომელიც ჩემ საწოლთან მუხლებზე დაჩოქილი
ჩემ სკივრსა ჰქექავდა.

ამ ახალმა სისაძაგლემ განმააცვიფრა. თავში სისხლი ამივარდა,
მაგრამ ნაბიჯი არ ამიჩქარებია, ისე მივუახლოვდი და აუღელვებელი
ხმით ვკითხე:

— რას ეძებ, რომაშკა?

შეშინებულმა შემომხედა და, მიუხედავად ძლიერი აღელ-
ვებისა, მაინც შევამჩნიე, რომ ამ წუთში არაჩვეულებრივად ჰგავ-
და ბუს. საოცრად ფერმკრთალი, დიდრონი წითელი ყურებით.

— კატიას წერილებს?— განვაგრძობდი მე.— ნიკოლაი ანტონიჩს
უნდა გადასცე? აჰა, მიიღე!

და რაც ძალა და ღონე მქონდა სახეში წიხლი ჩავცხე.

ყველაფერი ეს ჩუმი ხმით იყო ნათქვამი და ამიტომ არავინ
მოელოდა, რომ ჩეარტყამდი. მგონი, კიდევ ორი-სამი ვუთაქე.
შემომაკედებოდა, ტანია ველიჩკო რომ არ ჩარეულიყო. ვიდრე
ბიჭები პირდაღებულები იდგნენ, ის გაბედულად ჩავვივარდა შუა-

ში, და ისე ღონიერადა მკრა ხელი, რომ ჩემდაუნებურად საწოლზე დავეჯექი.

— გაგიჟდი?

ჩალაც ბურუსში დავინახე მისი სახე და მიეხვდი, რომ ზიზლით მიყურებდა. გონება მოვიკრიბე.

— ყველაფერს აგიხსნით,— ვთქვი მე მთრთოლვარე ხმით.

მეგრამ ისინი სდუმდნენ. რომაშკა თავგადავარდნილი იატაკზე ეგდო, ისიც სდუჟდა. ლოყა ჩალურჯებოდა. სკივრს ხელი დავავლე და გავედი...

გულდამძიმებული სამიოდე საათს ვაგზალში დავეხეტებოდი. ამღვრეული ვკითხულობდი გაზეთს, ზეპირად ვისწავლე მატარებლების განრიგი, დავლიე ჩაი მესამე კლასის ბუფეტში. მშოილა, მეგრამ ჩაი უგემური მეჩვენა, ბუტერპრრდი ყელში არ ჩადიოდა, პირში ისეთი გემო მქონდა, თითქოს ვალკას ღამურებივით მატლები მეჭამა. ჩემი თავი ქუქკში ამოსუკრილი მეგონა იმ სურათის შემდეგ. ეჰ, სკოლაში არ უნდა დავბრუნებულეიყავი. რა ეშმაკად მინდოდა ფარგალდანი! ნუ აუ დეიდა დაშა ბილეთის ფულს არ მოკცემდა.

თავი მეთორმეტე

მომობლიური სახლი

ახლა იმ ადგილებზე რომ გავიარე, სადაც მე და პეტკა სკოვოროდნიკოვს ოდესღაც საქურდლად და კარდაკარ სამათხოვროდ გვეხეტიალნა, ერთი შთაბეჭდილება დამრჩა— შთაბეჭდილება არაჩვეულებრივი სილადისა.

ჩემს ცხოვრებაში პირველად ვმოგზაურობდი რკინიგზით, რკინიგზის ბილეთით ხელში. შემეძლო ფანჯარასთან ვმჯდარიყავი, მეზობელ მგზავრებთან მემუსაიფთა, პაპიროსი მომეწია, თუ საერთოდ ვწევდი! კონტროლიორის ჩამოვლის დროს საჭირო არ იყო სკამის ქვეშ შეძრომა! არხეინად განვაგრძობდი ლაპარაკს, როცა კონტროლიორს ბილეთი მივეცი. ეს არაჩვეულებრივი შეგრძნება იყო, რალაც სიხალღათისა, თუმცა ვაგონში საკმაო სივიწროვე იყო. ამან გამართო და ახლა მე ვფიქრობდი ენსკზე, — ჩემ დაზე, დეიდა დაშაზე, იმაზე, როგორ მოულოდნელად დავეცემი თავს და როგორ ვერ მიცნობენ ისინი!

ამ ფიქრებში ჩამეძინა და იმდენი მძინებოდა, რომ მგზავრებს.

წეშინებოდათ—ხომ არ მოკვდაო? მაგრამ, როგორც ხედავთ, არ მოვმკვლარვარ!

რვა წლის განშორების შემდეგ რა კარგია მშობლიურ ქალაქში დაბრუნება! სულ ყველაფერი ნაცნობია და თან თითქოს უცნობი! ნუთუ ეს გუბერნატორის სახლია? ოდესღაც რა უზარმაზარი მეჩვენებოდა. ნუთუ ეს „ზასტენნაიაა“? განა ასეთი ვიწრო და დაბრეცილი იყო? ან ეს ლოპუხინის ბუღვარია? მაგრამ ბუღვარმა გული დამიამა: ცაცხვების უკან, მთავარი ხეივნის გაყოლებით, მშვენიერი ახალი შენობები მისდევდა. შავი ცაცხვები თითქოს დაეხატათ თეთრ ფონზე და მათი შავი ჩრდილები ირიბად გაწოლილიყვნენ თოვლზე. ძალიან ლამაზი სანახავი იყო.

მე ჩქარა მივდიოდი და ყოველ ნაბიჯზე ხან ძველსა ვცნობდი და ხან ახალი მარცხვდა. აი ბავშვთა თავშესაფარი, რომელშიც დეიდა დაშა მიცემას გვიპირებდა მე და სანაიას—მას ახლა მწვანე ფერი დაჰკრავს და კედელზედაც დიდი ოქროსასოებიანი მარმარილოს დაფა მიუკრავთ. წარწერა წავეკითხე და თვალებს არ დავუჯერე: „ამ სახლში 1824 წელს ცხოვრობდა ალექსანდრ სერგეისძე პუშკინი“. ნუთუ ამ სახლში? ოჰ, როგორ გამოიდებდნენ თავს თავშესაფრის ბავშვები, ეს რომ სცოდნოდათ!

აი „სათათბიროც“, სადაც ოდესღაც მე და დედაჩემმა თხოვნა შევიტანეთ. ახლა აქ ძველებური დაბალი რკინის ბადე მოეხსნათ ფანჯრებიდან, ალაყათის კარებზე კი ფირფიტა იყო მიკრული: „კულტურის სახლი“.

აი „კრეპოსტნოი ვალიც“—გულმა დაგადუგი დამიწყო. ჩემს თვალწინ გრანიტის სანაპირო გადაიშალა და მე ძლივს ვიცანი ჩვენი საწყალი დაეკეხული ნაპირი. მაგრამ უფრო მეტად გამაკვირვა იმან, რომ იქ, სადაც ძველად ჩვენი ქონხახები იდგა, ბალი გაეშენებინათ და გადიები თბილად გამოკრული ბავშვებით კერპებივით ისხდნენ გრძელ სკამებზე. იმას არ მოველოდი! დიდხანს ვიდექი „კრეპოსტნოი ვალზე“ და განცვიფრებისაგან დამუნჯებული ვაკვირდებოდი ბაღს, გრანიტის სანაპიროს და ბუღვარს, სადაც ჩვენ ოდესღაც ვთამაშობდით! უშენის ნაცვლად, რომლის უკანაც ძველად სამღებრო საქონლის სავაჭრო იწყებოდა, ახლა მაღალი ნაცრისფერი შენობა წამოკიმულიყო და შესავალთან უზარმაზარ ქურქში გახვეული მცველი ბოლთასა სცემდა. იმასთან მივედი.

— ენსკის ელექტროსადგურია, — თავმომწონედ მიპასუხა, როდესაც შენობაზე ვუჩვენე და ვკითხე, მანდ რაღა არის-მეთქი.

— შემთხვევით ხომ არ იცით, სადა ცხოვრობს სკოვოროდნიკოვი?

— მოსამართლე?

— არა.

— მაშ არ ვიცი. ჩვენ ერთი სკოვოროდნიკოვი გვეყავს — მოსამართლე.

მოვშორდი. ნუთუ შესაძლებელია, რომ მოხუცი სკოვოროდნიკოვი მოსამართლე გამხდარიყო? მოვტრიალდი და კვლავ შევხედე მშვენიერ მაღალ შენობას, აშენებულს ჩვენ ნაქონმახარზე, და გადავწყვიტე, რომ შესაძლებელია.

— როგორია ის მოსამართლე? მაღალი ტანისაა?

— მაღალი ტანისაა.

— უღვაშები აქვს?

— არა, უღვაშები არა აქვს, — თითქო სკოვოროდნიკოვის მაგიერად ითაკილაო, ისე მიპასუხა მცველმა.

ჰმ, უღვაშები არა აქვს? იმედი მთლად დამეკარგა.

— მერე სადა ცხოვრობს ეგ მოსამართლე?

— გოგოლის ქუჩაზე, ყოფილ მარკუხეს სახლში.

მე ვიცოდი ეს სახლი — ერთ-ერთი საუკეთესო სახლი ქალაქში, სადარბაზო კარის ორივე მხარეს ლომის თავებით. კვლავ დავიბენი, მაგრამ მეტი რა ჩარა იყო და გოგოლის ქუჩისკენ გავწიე, თუმცა იმედი სულ არა მქონდა, რომ მოხუცმა სკოვოროდნიკოვმა უღვაშები მოიპარსა, მოსამართლე გახდა და ასეთ მშვენიერ სახლში დაბინავდა.

ნახევარი საათის შემდეგ გოგოლის ქუჩაზე ვიყავი, მარკუხეს სახლთან. ლომის თავები დაბერებულიყვნენ ამ რვა წელიწადში, მაგრამ ჯერ ისევ შთამაგონებლად და მრისხანედ გადმოჰყურებდნენ იქაურობას! ვიდექი განიერ, გადმოხურულ სადარბაზო კართან და ვყოყმანებდი, რაც იქნება იქნება, დავრეკო? თუ მილიციელსა ვკითხო, სად არის სამისამართო მაგიდა?

ფანჯრებზე მოჩანდა დეიდა დაშას ყაიდის მარმაშის ფარდები, — უეცრად გადავწყვიტე და დავრეკე.

კარი გამიღო ლურჯ ფლანელის კაბიანმა ასე თექვსმეტი წლის შავგვრემანმა გოგონამ, რომელსაც შუაზე გაყოფილი

თმა სწორედა ჰქონდა გადაფარცხნილი. შეეგვრემანი იყო—ამან და-
მაბნია.

— აქა ცხოვრობენ სკოვოროდნიკოვები?

— დიახ.

— დარია გავრილოვნა შინა ბრძანდება?

— მალე მოვა, — მიპასუხა გოგონამ ღიმილით და თან ცნობისმო-
ყვარეობით მათვალაიერებდა. მთლად სანიასავით იღიმებოდა,
მაგრამ სანია ქერა იყო, ხუჭუჭთმიანი და ცისფერთვალეა, არა,
სანია არ არის!

— შეიძლება მოეუცადო?

— დიახ.

ჩემი პატარა სკივრი ღერეფანში დავდგი, პალტო გავიხადე და
გოგონას დიდ, სუფთა და თითქმის მდიდრულად მოწყობილ ჩაღ-
ოთახში შევეყევი... ოთახში მთავარი ადგილი როიალს ექირა, — ეს
კი სულ არა ჰგავდა დეიდა დაშას. მაგრამ სურათი ცისფერი შუ-
შის ქილებს შუა თოვლიან მთების ფონზე ლერწმის სავარძელში
მჯდომარე გმირისა, — ეს თითქმის თვით დეიდა დაშა იყო!

გახარებული ალბათ სულელივით ვათვალაიერებდი იქაურობას,
რადგანაც გოგონა თვალს არ მაშორებდა. უეცრად თავი დახარა
და წარბები აჭიმა — სწორედ ისე, როგორც დედაჩემმა იცოდა,
მიეხვდი, რომ სანია იყო.

— სანია ხარ? — ეკითხე ექვის კილოთი. მას გაუკვირდა.

— დიახ.

— მოიცა, შენ ხომ თეთრი იყავი, — განვაგრძობდი მთრთოლ-
ვარე ხმით. — რა მოხდა? ჩვენ რომ სოფელში ვცხოვრობდით,
შენ ძალზე თეთრი იყავი. ახლა კი გაშავებულხარ!

სახტად დარჩენილმა პირიც კი დაალო.

— რომელ სოფელში?

— როდესაც მამა მოგვიყვდა. — ვუთხარი მე და გამეცინა. — ეჭ,
დაგავიწყდა?! არც მე გახსოვარ?

ენა ოდნავ მეტმოდა — ალბათ სიხარულისაგან. მე ხომ ის ძა-
ლიან მიყვარდა, რვა წლის უნახავი მყავდა, მერე როგორა ჰგავდა
დედას!

— სანია ხარ? — იმანაც მიცნო ბოლოს. — ღმერთო ჩემო! ჩვენ კი-
დიდი ხანია გამოგიტირეთ!

სანია გადამეხვია.

— სანია, სანია! ნუთუ შენა ხარ? დეიდა დაშაც შინ არ არის!
დაჯექი, რალასა დგეხარ? საიდან? როდის ჩამოხვედი?

ჩვენ ერთად დავსხედით, მაგრამ ის მაშინვე წამოხტა და დე-
რეფანში გაიქცა ჩემი სკივრის შემოსატანად.

— მოიცა, ერთი! სად მირბიხარ? ის მაინც მითხარი, როგორა
ცხოვრობთ? დეიდა დაშა როგორ არის?

— შენ როგორღა ხარ? რატომ ერთხელ არ მოიწერე? ჩვენ
ხომ გეძებდით! გაზეთებშიაც კი გამოვაცხადეთ!

— არ წამიკითხავს,— ვთქვი მე მონანიებით.

მხოლოდ ახლა შევავდასე მთელი სიგარძე-სიგანით, რა უსინდი-
სობა იყო დავიწყება იმისა, რომ მე მყავს ასეთი და! და ასეთი
მშვენიერი დეიდა დაშა, რომელსაც პირდაპირ ვერც კი ეტყოდით,
რომ დავბრუნდი, რადგანაც შესაძლო იყო სიხარულისაგან გული
გახეთქოდა, როგორც სანიამ გამომიცხადა.

— პეტიაც გეძებდა!— განაგრძობდა იგი.— ახლახან მისწერა
ტაშკენტში. იმას ჰგონია, შენ ტაშკენტში ცხოვრობ.

— პეტია?

— ჰო, რა ვქნა.

— სკოვოროდნიკოვი!

— უჰ, მაშ ვინა?

— სად არის?

— მოსკოვში,— მომიგო სანიამ.

სახტად დავრჩი.

— დიდი ხანია?

— მას აქეთ, რაც გაიქეცით.

პეტია მოსკოვშია! განცვიფრებისაგან გონება ვერ მომეკრიბა.

— სანია, მეც ხომ მოსკოვში ვცხოვრობ.

— არა?

— პატროსნებას გეფიცები! როგორ არი? რას აკეთებს?

— არა უშავს რა, კარგად არის. წელს სკოლას ამთავრებს.

— ოჰ, დახე ერთი, მეც ხომ წელს ვამთავრებ! მისი სურათი

არა გაქვს?

სანია თითქოს ოდნავ დაიბნა, როცა სურათზე ვკითხე. „ახ-
ლავეო“, მითხრა, გავიდა და მაშინვე შემობრუნდა, გეგონებოდით
პეტკას სურათი ჯიბიდან ამოიღო.

— რა ლამაზია, არა?— ვთქვი მე და გადავიხარხარე,— წითელ-
თმიანია?

— წითელთმიანია.

— უჰ, დასწყევლოს ღმერთმა, რა კარგია! მოხუცი? მოხუცი
როგორ არის? ნუთუ მართალია?

— რა არის მართალი?

— მოსამართლეა?

— ერიპა! ის უკვე ხუთი წელია, მოსამართლედ არის.

ერთმანეთს ლაპარაკს აღარ ვაცდიდით. ვეკითხებოდით, ვუაზბობდით. მერე სანია სამზარეულოში გაიქცა, მაგრამ მე უკან გავყევი და ვუთხარი, უშენოდ მომწყინდება-მეთქი. ეს სრული კეშმარიტება იყო: უიმისოდ მაშინვე მომეწყინა.

სამოვარი დავდგით, ლუმელი ავანთეთ და დერეფანში ზარმაც ურულ დაიწკრიალა.

— დეიდა დაშა!

— შენ აქ დარჩი, — წამჩურჩულა სანიამ. — მე შევამზადებ, ძალიან სუსტი გული აქვს..

იგი გავიდა და მეზობელ ოთახიდან ასეთი ლაპარაკი მოისმა:

— დეიდა დაშა, თუ ღმერთი გწამს, ნუ აღელდები! მე ძალიან კარგი ახალი ამბავი ვიცი. კი არ უნდა აღელდე, პირიქით.

— აბა მითხარი, ციყვო

— დეიდა დაშა, ქალების გამოცხოვა გადაიფიქრე, მაგრამ დაგვირდება კი.

— პეტია ჩამოვიდა?

— პეტია ხომ პეტიაა, მაგრამ არც მთლად პეტია. დეიდა დაშა, არა ღელავ?

— არა.

— პატიოსან სიტყვას მაძლევ?

— ეჰ, კარგია ერთი! პატიოსნებას გეფიცები!

— აი ვინ ჩამოვიდა! — და სანიამ სამზარეულოს კარები გააღო. საინტერესო ის იყო, რომ დეიდა დაშამ შემომხედა თუ არა, მაშინვე მიცნო.

— სანია, — ჩუმად თქვა მან.

გულში ჩამიკრა, შემდეგ დაჯდა და თვალები დახუჭა. მე ხელი დავუჭირე.

— ჩემო კარგო, თვალი ხომ არ მატყუებს, შენა ხარ?

— მე ვარ, დეიდა დაშა!

— სიზმარში ხომ არა ვარ?

— არა, დეიდა დაშა.

მაგრამ დეიდა დაშამ, მგონი, არ დაიჯერა, კვლავ დახუჭა თვალები, თითქოს, მართლაც დაეძინაო.

— ჩემო კარგო! ცოცხალი ხარ? სად იყავი, სადა? სად არ გეძებდით, მთელი ქვეყანა შევძარით.

— ვიცი. დეიდა დაშა. დამნაშავე ვარ.

— დამნაშავეო! ღმერთო ჩემო, ჩამოვიდა და კიდევ იმას ამბობს—დამნაშავეო! ჩემო საყვარელო! რა ბიჭი დამდგარხარ! რა ლამაზი.

დეიდა დაშას მე ყოველთვის ლამაზი ვეგონე...

რა გავიხსენო და რა გაიამბოთ კიდევ ამ დაუვიწყარ შეხვედრაზე? თუ ის გითხრათ, რომ დეიდა დაშას სიტყვა არ დაუმთავრებია, უცებ წამოხტა და საშინელი გამომეტყველებით სანიას წასჩურჩულა: „არ გიკმევია?“ სიცილისაგან კინალამ გადავიქეცი, როდესაც ათასნაირი საქმელებით გავსებული მაგიდა დავინახე: ამას ეძახდნენ „სადილის წინ წასაუხმებას“.

ამ წუთიდან მე მგონი ჭამის მეტს არაფერს ვაკეთებდი. ვუამბობდი ჩემს თაყვანისმცემს და ვკამდი. შემდეგ დეიდა დაშამ გამომიცხადა, ჭუჭყიანი ხარო, და ძალაუხერბურად აბაზანაში ჩავჯექი და ერთი კარგად ვიბანავე. ასე გავიდა ეს დღე.

სალამოთი გაწკრივლებული და გამოზენზილი სასადილო ოთახში ვიჯექი. სანია და დეიდა დაშა კი აქეთ-იქით მისხდნენ და ისეთი სიყვარულით მიყურებდნენ, რომ პირდაპირ სინდისი მქენჯნიდა. შემდეგ მოსამართლეს მოვიდა.

ელექტროსადგურის გუშაგს ტყუილი არ უთქვამს—მოხუცს უღვაშები მოეპარსა. ერთი ათი წლით გაყმაწვილებულიყო და ახლა უკვე ძნელი იყო იმის წარმოდგენა, რომ ის ოდესმე წებოს ხარშავდა და, რაც მთავარია, რომ ამ წებოზე დიდ იმედებს ამყარებდა.

უკვე იცოდა ჩემი დაბრუნების ამბავი. სანიამ დაურეკა ტელეფონით.

— აბა, უძლებო შვილო,—მითხრა და გადამეხვია,—არც კი გეშინია, რომ თავს მოგკვეთავ? აი შე არამზადავ, შენა!

რა შემეძლო მეთქვა თავის გასამართლებლად? მე მხოლოდ სინანულით ამოვიოხრე.

გვიან ღამით მე და ის მარტონი დაერჩით. მოხუცს უნდოდა გაეგო, რაც ენსკიდან წავედი, რას ვაკეთებდი და როგორავცხოვრობდი. როგორც მოსამართლეს შეეფერება, ის მკაცრად მეკითხებოდა ჩემი სკოლისა და პირადი საქმეების შესახებ.

მე ვუთხარი, მინდა მფრინავი გამოვიღე-მეთქი, ის გაჩუმდა და დიდხანს მიყურა თავის ხშირ წარბებქვემოდას.

— სამხედრო მფრინავი?

— პოლარული, და თუ საჭირო იქნება—სამხედრო.

ის გაჩუმდა.

— სახითათო, მაგრამ შესანიშნავი, საინტერესო საქმეა,—თქვა მან.

მხოლოდ ერთი რამ არ ეუთხარი: ის, რომ ენსკში კატიას გამოეყევი. ენა როგორ მომიტრიალდებოდა მეთქვა, რომ, თუ არა კატია, შესაძლებელია, ჯერ კიდევ დიდი ხანი გასულიყო, ვიდრე მე ჩემ მშობლიურ ქალაქში, მშობლიურ სახლში დავბრუნდებოდი.

თავი მცხამბე

ძველი წერილები

ვილაკამ შემოაღო სასადილო ოთახის კარები და ჩუმადა თქვა: „სძინავსო“. მე გამეღვიძა, კედლის უკან ტიქაზე ფრთხილად მოხვედრილმა კოვზმა დაიწყარუნა, მივხვდი, რომ სანია სამზარეულოში საუზმობდა, რომ მე არ გამღვიძებოდა. გადაეწყვიტე, მაშინვე ავმდგარიყავი. მგონი, ავდექი, მაგრამ გამოურკვეველია, რამდენი დრო გავიდა და თურქე მე არ ავმდგარვარ, მძინავს და მხოლოდ ძილში ვლანძღავ ჩემ თავს, რატომ არ ავდექი მეთქი.

ერთი სიტყვით, საათის თორმეტამდე მეძინა. სანია დიდი ხანია სკოლაში წასულიყო, მოხუცი — სამსახურში და დეიდა დაშასაც უყვე მოესწრო „სადილის დადგმა“, როგორც მაცნობა.

ჩაის დროს სულ იმასა სწუხდა, არაფერსა სჭამო.

— თურმე როგორ გაკვივენ, —თქვა აღშფოთებით. — ბოშაც კი უკეთესად აკმევდა თავის ცხენს, მაგრამ მაინც მოუყვდა.

— დეიდა დაშა, გუშინაც მიგოდრა. დამერწმუნე, ახლაც კი მტკივა მუცელი. დეიდა დაშა, მე ხომ თქვენ ძველ ადგილზე გეძებდით. სახლები კი აულიათ, არა?

— აიღეს, —თქვა დეიდა დაშამ და ამოიხხრა.

ჩვენ მეზობლები მოვიგონეთ, თურმე მინია, რომელმაც ოდესღაც ჩემი გონება განაცვიფრა, ახლა კაპიტანად მსახურობს გემ „ტურგენევი“, ყოფილ „ნეპტუნზე“. მტვირთავეების მამასახლისი ძია მიშა შარშან მომკვდარა, მისი ვაჟი კი ქალაქის საბჭოს თავ-

მჯდომარეა. მე ვუამბე დეიდა დაშას გაერ კულის ამბავი. ის ვიშვი-
შებდა და თან შიშის ზარი სცემდა.

— დეიდა დაშა, ბუბენჩიკოვებს ხომ არ იცნობ?

ბუბენჩიკოვები ნინა კაპიტონონას ნათესავეები იყვნენ და მე
ექვეცი არ მეპარებოდა, რომ კატია იმათთან ჩამოვიდოდა.

— შერისხულებს? იმათ ვინ არ იცნობს.

— როგორ თუ შერისხულებს?

— ისინი მღვდელმა შერისხა, — მითხრა დეიდა დაშამ. — მღვდე-
ლი გამოაგდეს და იმან შერისხა. მას აქეთ დიდი ხანია, რევი-
ლუციამდე მოხდა ეგ ამბავი. შენ ჯერ პატარა იყავი, რადა კი-
თხულობ?

— მოსკოვიდან მოკითხვა უნდა გადავცე, — ვიცრუე მე.

დეიდა დაშამ თავი უნდობლად გადააქნია.

— ვითომ მოკითხვა...

მისამართი ვიცოდა: საკუთარი სახლი ებრაელების სამლოცვე-
ლოსთან. მაგრამ ახლა სამლოცველო აღარ იყო და საერთოდ ქა-
ლაქში ყველაფერი ისე გამოცვლილიყო, რომ ბუბენჩიკოვების პოვნა
საკმაოდ ძნელი აღმოჩნდა. ბოლოს ერთი მაღალი ყრუ ლობის წინ
ამოვყავი თავი, რომელზედაც ფირფიტა ეკიდა: “ მ. გ., ლ. გ. და ო.
გ. ბუბენჩიკოვების სახლი, ლაპუტინის 8.”

პატარა ჭიშკარი ჩარაზული იყო, მაგრამ ადვილად გავაღე და
ბალში გაეჩნდი, რომლის სიღრმეში ძველებური სვეტებიანი პატა-
რა ხის სახლი იდგა ნაძერწჩუქურთმიანი ფრონტონით. ჭიშკრი-
დან მხოლოდ ერთი გზა მიდიოდა — ჩვეულებრივი ახლად გაკვალუ-
ლი ბილიკი, რომელზედაც თხა დასეირნობდა, — და მე გულარხეი-
ნად ამ ბილიკით სახლისაკენ გავწიე.

ეს სწორედ ასე მოხდა, ესე იგი ძალიან უბრალოდ: მე ბალში
შევედი, — კიდეც მახსოვს გამიკვირდა, რომ ბალი ასეთი ლამაზი
იყო, მთლად თოვლით დაფარული და მზის შუქით გაკაშკაშებუ-
ლი, — შევედი და ბილიკით პირდაპირ თხისაკენ წავედი. თხა
აკიკინდა და უეცრად, როგორც ზღაპარშია ხოლმე, ყველაფერი
შეიცვალა! სადღაც კარმა დაიჯახუნა, გაისმა ყვირილი და და-
ვინახე, რომ სახლიდან მოხუცი ქალი მორბის ჯოხით ხელში. შე-
საძლოა, ეს ჯოხი კი არა, ქარცახი იყო.

— შაშენკა! მაშენკა! — გაჰკიოდა ის. — შინაურია! შინაურია!

სასიამოვნო იყო მოსმენა იმისა, რომ მე შინაური ვარ, მაგრამ

სიხარული ჯერ ნააღრევი გამოდგა. სახლიდან მეორე მოხუცი ქალი გამოვიდა და ოდნავ კბილებდაკრეკილი ჩემკენ გამოქანდა. ხელში ბორბლებიანი ჯაგრულა ეჭირა, რომლითაც ხალიჩებსა სწემენდავენ ხოლმე. ექვს გარეშეა, რომ ამ ჯაგრულით ჩემი ცემა უნდოდა.

— მაშენკა! — გაჰკიოდა მოხუცი ქალი, რომელიც პირველად გამოვიდა, — შინაურია, შინაური!

მაგრამ ეტყობა, თხას არა სჯეროდა, იმიტომ რომ კიკინს უმატა. შე მინდოდა ბუბენჩიკოვებს გავცნობოდი, პირველი წინადადება კი მქონდა მომზადებული. მაგრამ ასეთ გარემოებაში ეს შეუძლებლად მომეჩვენა. ცოტა ხანს შევჩერდი და ნელ-ნელა, რომ ღირსება არ დამეკარგა, კიშკრისაყენ გავწიე.

კუშტი მოხუცი ბრაზიანი ბურტყუნით რამდენიმე ნაბიჯზე გამომყვა და უკან გაბრუნდა.

აი, ოინი! ქუჩაში სიცილი ამივარდა და, ალბათ, იმათაც გაიგონეს, როგორ გამეცინა. საოცარი იყო, არც კი მკითხეს, ვინ ვიყავი, ან რა მინდოდა, ალბათ, ეგონათ რომ შეცდომით მოვხვდი იმათ ბაღში. გასაოცარი იყო ისიც, რომ მთელ ამ აურზაურზე კატიას გარეთ არ გამოუხვდია. ერთი სიტყვით ყველაფერი უცნაურად მოხდა! დეიდა დაშას გაუკვირდა, რომ ასე მალე დავბრუნდი.

— დეიდა დაშა, სანია მოვიდა?

— მესამე საათზე მოვა. დღეს ექვსი გაკვეთილი აქვს.

დეიდა დაშას კონვერტი და ქალაღი ვთხოვე და წერილის წერას შევეუდექი. „მივწერ კატიას და სანიას გავატან, იქნებ იმას უფრო კეთილად შეხვინენ-მეთქი“.

„კატია,“ — დავწერე და ფიქრებმა წამიღო. როგორც ყოველთვის ასეთ შემთხვევაში, ცოცხლად მომაგონდა პეტკას „წერილების ნიმუშთა კრებული“. „ვბოვე რა თქვენიში, პატივცემულო ქალბატონო, ყველა კეთილი თვისებანი იმისა, ვისაც ასე დიდი ხანია ვგლოვობდი, — ვთვლი ჩემს მოვალეობად თქვენი მეუღლე გავხდე და მივეცე ნაზი დედა ჩემს პატარებს“.

უეცრად გადავიხარხარე და ძალიან შევაშინე დეიდა დაშა.

„კატია, — დავწერე მე. — შევეცადე შენამდე მომეღწია, მაგრამ უკან დავიხიე, შემხვდა რა გარდაუვალი წინააღმდეგობანი თხისა. და ორი დიდდღის სახით. ასე, ოთხ საათზე ტაძრის ეზოში მოდი. ამ ბარათს გაღმოგცემს — აბა გაპოიცანი ვინ? ჩემი და. ა. გრიგორიევი“.

— დეიდა დაშა, პეტკას ოდესლაც საინტერესო წიგნები ჰქონდა, სად აწყვია? ან საერთოდ წიგნები სადა გაქვო?

პეტკას წიგნები სანიას ოთახში აღმოჩნდა, თაროებზე. ეტყობოდათ, დიდ პატივში არ იყვნენ, რადგანაც სულ უქანასკნელ თაროზე ათას რაგინდარასთან ერთად ეწყო. სევდა შემომაწვა, როდესაც ხელში ავიღე „საშინელი ღამე, ან არაჩვეულებრივად უცნაური თავგადასავალი დონელი ყაზახისა კავკასიის მთებში“. ეშმაკების იცის, როგორი პატარა და რა უბედური ვიყავი მაშინ, როცა ამას ვკითხულობდი.

იატაკზე დაეცა გაოზუნებულ გაზეთში გაზეთული პაქეტი. როდესაც „წერილების ნაშთთა კრებულის“ ძებნით გატაცებულ წიგნები ღონივრად მიეწი-მოეწიე. ეს ძველი წერილები იყო! იმ წამს ვიცანი. ეს იყო წერილები, რომლებიც ოდესლაც საფოსტო ჩანთით გამოიყოფა წყალმა ჩვენს ეზოში. მომაგონდა ზამთრის გრძელი ღამეები, როდესაც დეიდა დაშა გვიკითხავდა ამ წერილებს. რა მშვენიერი და რა საოცარი მოწეგვნა ეს ხმამაღალი კითხვა.

სხვისი წერილები! ვინ იცის სად არიან ახლა ის ადამიანები, ვინც ამ წერილებსა სწერდნენ? აი თუნდაც ეს წერილი, სქელ ჩაყვითლებულ კონვერტში, — შეიძლება ვისმეს ღამეები არ ეძინა ამ წერილის მოლოდინში?

ჩემდა უნებურად გავხსენი კონვერტი და რაძღენიმე სტრიქონი წავიკითხე:

„ღრმად პატივცემულო მარია ვასილევნა!

ვეშურები გაცნობოთ, რომ ივან ლეოვიჩი ჯანმრთელად და კარგად არის. ოთხი თვის წინათ თანახმად მისი მოწერილობისა, მე და ჩემთან ერთად ექსპედიციის ცამეტმა წევრმა ხომალდი დაეტოვეთ...“

ვკითხულობდი — და თვალებს არ ვუჯერებდი. ეს შტურმანის წერილი იყო, რომელიც ოდესლაც ზეპირად ვაცოდი და ენსკსა და მოსკოვს შუა მატარებლებში ზეპირად ვამბობდი! მაგრამ მე სხვა რამემ გამაოცა.

„წმ. მარიამი“ — წავიკითხე ქვემოთ, — ჯერ ისევ კარის ზღვაში გაიყინა და 1913 წლის ოქტომბრიდან შეუჩერებლივ მიემართება ჩრდილოეთისაკენ პოლარულ უბნებთან ერთად“. „წმ. მარიამი!“ ასე ერქვა კაპიტანი ტატარინოვის ხომალდს. წერილი გადმოვაბრუნე და ხელახლად დავიწყე კითხვა.

„ღრმად პატივცემულო მარია ვასილევნა! ვეშურები გაცნო-

ბოთ, რომ ივან ლვოვიჩი...“ — ივან ლვოვიჩი! კატია კატერინა ივანოვნა!

დეიდა დაშამ გადაწყვიტა, რომ კეუაზე შევიშალე, უიკრად ისე შევეყვირე და გაფოთებულმა დავიწყე ძველი წერილების თვალიერება.

მაგრამ მე ვიცი, რას ვაკეთებდი: დეიდა დაშას ოდესღაც ახვა წერილი ჰქონდა წაკითხული ჩემთვის, სადაც ნამბობი იყო კინულებში ცხოვრებისა და ვილაც მებღვაურის შესახებ, რომელიც სასიკვდილოდ დაიმტვრა, იმის შესახებ, თუ ცუდით როგორა სჭრიდნენ ყინულს კაიუტებში.

— დეიდა დაშა, ყველა წერილები აქ არის?

— ღმერთო ჩემო, რა მოხდა, რა?

— არაფერი, დეიდა დაშა! აქ ერთი რამ უნდა იყოს.

მე თვითონ არ ვიცი, რას ვამბობდი. აი იგი!

„ჩემო მეგობარო, ჩემო ძვირფასო, მაშენკა!

აი თითქმის ორი წელი გავიდა მას აქეთ, რაც მე წერილი გამოგიგზავნე იფგორსკი შარის სატელეგრაფო ექსპედიციის საშუალებით. მაგრამ რამდენი რამ შეიცვალა მას შემდეგ, გადმოცემაც კი არ შემიძლია. დავიწყებ იმით, რომ მაშინ ჩვენ თავისუფლად მივდიოდით დასახული გეზის მიხედვით, და 1913 წლის ოქტომბრიდან კი, პოლარულ კინულებთან ერთად ნელ-ნელა მივცურავთ ჩრდილოეთისაკენ. ამგვარად, ნებისთ თუ უნებლიეთ, ჩვენ უარი უნდა გვეთქვა პირველ მიზანდასახულებამდე — ციმბირის ნაპირებით ვლადივოსტოკში მისვლაზე, მაგრამ ნათქვამია, ზოგი ჭირი მარგებელიაო! ახლა სულ სხვა აზრს შევუპყრიათ. იმედი მაქვს, რომ შენ ზოგიერთი ჩემი თანამგზავრებით „ბავშვური“ და „უგუნური“ არ მოგეჩვენება ეს აზრი“.

აქ თავდებოდა პირველი ფურცელი. გადავაბრუნე, მაგრამ მეორე გვერდზე შეუძლებელი იყო რაიმეს წაკითხვა, გარდა ორიოდე უაზრო სიტყვისა, რომელსაც ძლივს გაარჩევდით ლაქებს შორის.

მეორე ფურცელი ხომალდის აღწერით იწყებოდა: „...ალაგ-ალაგ მნიშვნელოვან სიღრმეს აღწევენ. სწორედ ერთ-ერთი ასეთი პინდერის შუაგულში დგას პლანშირამდე თოვლში ჩაფლული ჩვენი წმ. მარიაში“. დროდადრო ტაკელაჟიდან რთვილის გირლანდები სწყდებიან და ნელი შრიალით ძირს ცვივიან. როგორც ხედავ, დარღმა პოეტად მაქცია, თუმცა ჩვენ ნამდვილი პოეტიცა გვყავს — ჩვენი მზარეული კოლპაკოვი, მუდამ მხნე და ხალისიანი არსება!

მთელი დღეები თავის პოემას მღერის. აი, ოთხი სტრიქონი, რომელიც ზეპირად მახსოვს:

დედა-რუსეთის დიადი დროშით
ჩვენ გაუდგებით შორეულ გზასა,
ციმბირის ნაპირს მოუვლით ირგვლივ,
კოხტა ხომალდით გაცურავთ ზღვასა.

ვწერ და კვლავ ვკითხულობ ჩემ დაუსრულებელ წერილს, კვლავ ვწერ და ვხედავ, რომ უბრალოდ ვმასლაათობ შენთან! იმ დროს, როდესაც რამდენი მნიშვნელოვანი რამ მაქვს სათქმელი! კლიმოვის ხელით ვგზავნი პაკეტს ჰიდროგრაფიული სამმართველოს უფროსის სახელზე. ეს ჩემი დაკვირვებებია – სამსახურებრივი წერილები და ანგარიში, რომელშიც განმარტებულია ჩვენი დრეიფის ისტორია. მაგრამ, ყოველ შემთხვევისათვის შენცა ვწერ ჩვენი აღმოჩენის შესახებ: ტაიმირის ნაპირკუთხულის ჩრდილოეთით, რუკაზე არავითარი მიწა არ არის აღნიშნული, მაშინ, როდესაც 79° 35' განედზე ყოფნის დროს გრინვიჩის აღმოსავლეთით 86 და 87 მერიდიანებს შუა, ჩვენ შევნიშნეთ მკაფიო მოვერცხლისფრო, ოდნავ ამოზნექილი ზოლი, რომელიც პირდაპირ ჰორიზონტიდან მოდის. სამ აპრილს ზოლი მთვარისფერ მქრქალ დისკოდ გადაიქცა, მეორე დღეს კი ჩვენ დავინახეთ ფორმის მიხედვით ძალიან უცნაური ღრუბლები, რომელნიც შორს მთებზე შემოხვეულ ნისლსა ჰგავდა. მე მწამს, რომ ეს მიწაა. სამწუხაროდ. მე არ შემეძლო მის გამოსაკვლევად ასეთ მძიმე მდგომარეობაში გემი დამეტოვებინა, მაგრამ ყველაფერი წინ არის. ჯერჯერობით შენი სახელი ვუწოდებ და ახლა რომელ გეოგრაფიულ რუკაზედაც გინდა იპოვი გულითად სალამს შენი...

აქ თავდებოდა მეორე ფურცლის მეორე მხარე. გადავდებ ეს ფურცელიც და მესამეს შევუდებქი. პირველი სტრიქონები წყლისაგან იყო წაშლილი. შემდეგ:

„...მიწარეა ფიქრი, რომ ყველაფერი შეიძლებოდა სხვანაირად დატრიალებულიყო. ვიცი, ის თავის მართლებას დაიწყებს, შესაძლებელია დაგარწმუნოს კიდევ, რომ მხოლოდ მე ვარ ყველაფერში დამნაშავე. მხოლოდ ერთს გემუდარები: ნუ დაუჯერებ მაგ ადამიანს. გადაჭრით შეიძლება ითქვას, რომ მთელ ჩვენს ბედუკუთმართობას მხოლოდ მაგას უნდა ვუმაძღლოდეთ! მარტო ის კმარა, რომ იმ სამოცი ძალლიდან, რომლებიც არხანგელსკში მოგვყიდა,

უმეტესი ნაწილის დახოცვა ჯერ ისევ ახალ მიწაზევე მოგვიხდა. აი, რა ძვირად დაგვიჯდა ეს ნათესაური პატივისცემა. მარტო მე კი არა, მთელი ექსპედიცია წყველა-კრულვას უთვლის მას. ჩვენ თავი გადავდეთ, ვიცოდით, რომ ალაღბედზე მივდიოდით, მაგრამ ასეთი მების დაცემას მაინც არ მოველოდით. ისლა დაგვრჩენია, მოვიქცეთ ისე, რის ძალაც შეგვწევს. რამდენი რამ შემეძლო მეამბნა შენტვის ჩვენი მოგზაურობის შესახებ! კატიუშკას მთელი ზამთარი ეყოფოდა საამბობლად. მაგრამ რა ფასად გვიჯდება ყველაფერი ეს, ღმერთო ჩემო! არ მინდა იფიქრო, რომ ჩვენი მდგომარეობა უიმედოა — მაგრამ მაინცდამაინც ძალიან ნუ მელით...

როგორც ელვა გაანათებს ხოლმე ტყეში. ყველაფერს, — ბნელი სურათი უეცრად იცვლება და ფოთლებსაც კი არჩევ ხეებზე, რომელიც ერთი წუთის წინათ ნადირად თუ გოლიათად გეჩვენებოდა, ასე გავიგე ყველაფერი ამ სტრიკონების კითხვის დროს და ისეთი წვრილპანებიც კი გამახსენდა, რომლებიც თითქოს სამუდამოდ დავიწყებას იყვნენ მიცემულნი.

ჩემთვის ნათელი გახდა ნიკოლაი ანტონიჩის მიერ წარმოთქმული სიტყვების არაგულწრფელობა „განსვენებული ძმის“ შესახებ. გასაგები გახდა სახის ეს ყალბი, დამაფიქრებელი იერი, როდესაც ძმაზე ლაპარაკის დროს ნიკოლაი ანტონიჩი სასტიკი გამომეტყველებით კმუხნიდა წარბებს, თითქოს ყველაფერში ნაწილობრივ თქვენც იყავით დამნაშავე. ჩემთვის ნათელი გახდა სულმდაბლობა ამ ადამიანისა, რომელიც თავს ისე გაჩვენებდათ, თითქოს თავის კეთილშობილებით ამაყობსო. მისი სახელი არ იყო ნახსენები, მაგრამ ეს ნიკოლაი ანტონიჩი იყო! ამაში ეჭვი არ მეპარებოდა.

აღელვებისაგან პირში ნერწყვი გამიშრა და ჩემს თავს ისე ხმამალა დაუწყე ლაპარაკი, რომ დეიდა დაშას მართლა შეეშინდა.

— სანია, რა მოგივიდა, რა?

— არაფერი, დეიდა დაშა. სხვა წერილები სადღაა?

— ყველა აქ არის, რა ექნა!

— არა, კიდევ არის! გახსოვთ, თქვენ ოდესღაც წამიკითხეთ ის წერილი! სხვებზე უფრო დიდი იყო, რვაგვერდიანი.

— არ მახსოვს, გენაცვალე.

პაკეტში მეტი ველარაფერი ვიპოვე. — რვა ფურცლიდან მხოლოდ სამილა იყო. მაგრამ ესეც საკმაოა!

კატის ბარათში „მოდი ოთხზე“ გადავასწორე „მოდი სამზე“, შემდეგ „მოდი ორზე“, მაგრამ უკვე ორი საათი იყო და ისევ „მოდის სამზე“ დავწერე.

თავი მეთოთხმეტი

პამპანი ტაძრის ეზოში. „ნუ დაუჯერებ მაბ აღამიანს“

ჩემს პატარაობაში ათასჯერ ვყოფილვარ ტაძრის ბაღში, მაგრამ მაშინ აზრადაც არ მომსვლია, რომ ასე ლამაზი იყო. ის გაშენებულია მაღლა გორაზე, რომლის ძირშიაც ორი მდინარე — პესჩინკა და ტიხოი ერთდებიან. ირგვლივ გალავანი აქვს შემოვლებული. კედელი მშვენივრად შენახულა, მაგრამ კოშკები დაპატარავებულია მას შემდეგ, რაც მე და პეტია უკანასკნელად შევხვდით აქ ერთმანეთს ძმობის ფიცის მისაცემად.

დიდი თოვლი იდო, მაგრამ მაინც ავედი პირველ ფერდაზე ბერი მარტინის კოშკთან: მინდოდა მენახა, რა ბედი ეწია ირინოვსკის მღელოს, ნიკოლსკის სკოლაა, ტყავის ქარხანას. ყველაფერი თავის ადგილზე დაქიხვდა — და ყველგან, საითაც გაიხედავდი, თოვლი იდო, თვით ჰორიზონტამდე...

როგორც იყო ისინიც მოვიდნენ — კატკა და სანია. მე ვხედავდი, ხელით როგორ უჩვენა სანია, რომელიც თავის ყვითელ ტყაპუჭში დედაბერსა ჰგავდა, თითქოს ეუბნებოდა „აი ტაძრის ეზო“, მაშინვე გამოეთხოვა, იღუმალი გამომეტყველებით თავი დაუქნია და წავიდა.

— კატია! — დავუძახე.

იგი შეკრთა, დამინახა და გაეცინა...

მთელი ნახევარი საათი ვდავობდით. მე ვეჩხუბებოდი, რომ წამოსვლა არ გამაგებინა — ის კი, რომ წერილს არ დავუცადე და ჩამოვედი. მერე ორივეს მოგვაგონდა, რომ ერთმანეთს მთავარი მაინც არ ვუამბეთ. თურმე ნიკოლაი ანტონიჩი ელაპარაკა კატიას. „განსვენებული ძმის სახელით“ ჩემთან შეხვედრა აუკრძალა. გრძელი სიტყვა წარმოთქვა და ატირდა.

— თუ გინდა ნუ დამიჯერებ, სანია, — მითხრა კატიამ სერიოზულად, — მაგრამ პატროსნებას გეფიცები ჩემი საკუთარი თვალთა ვნახე ეს!

— კარგი, — ვუთხარი მე და ხელი მკერდზე მივიდე.

უბეში კაპიტანი ტატარინოვის წერილები მეწყო, გახვეული კომპრესის ქალაღლში, რომელიც დეიდა დაშას გამოვართვი.

— მომისმინე, კატია,— ვუთხარი მტკიცედ,— მე მინდა ერთი ამბავი გიამბო. ზოგადად ასეა: წარმოიდგინე, რომ შენ მდინარის პირას ცხოვრობ და ერთ მშვენიერ დღეს ნაპირზე საფოსტო ჩანთა გაჩნდა. რა თქმა უნდა, ციდან არ ჩამოვარდნილა, ის წყალმა გამორიყა— ფოსტალიონი დამხრჩვალყო! და აი ეს ჩანთა ერთ ქალს ჩაუვარდება ხელში, რომელსაც ძალიან უყვარს კითხვა. ერთ მის მეზობელს, ასე რვა წლის ბიჭს კი, ძალიან უყვარს მოსმენა. და აი, ერთხელ ქალი ასეთ წერილს უკითხავს: „ღრმად პატივცემულო მარია ვასილევნა“...

კატია შეერთა და განცვიფრებულმა შემომხედა.

— „...ვეშურები გაცნობოთ, რომ ივან ლოვიჩი ჯანმრთელად და კარგად არის. — განვაგრძობდი ჩქარ-ჩქარა. — ოთხი თვის წინათ, თანახმად მისი მოწერილობისა...“

და მე არ შეეჩერებულვარ, სულმოუთქმელად, ზეპირად ვთქვი შტურმანის წერილი, თუმცა რალაც შიშითა და გაკვირვებით აღსავსე კატიამ რამდენჯერმე წამავლო ხელი სახელოში.

— შენ ნახე ეგ წერილი? — მკითხა მან და გაფითრდა, — მამაჩემზე სწერს? — კვლავ მკითხა, თითქოს სხვანაირად შეიძლებოდა ყოფილიყო.

— ჰო, მაგრამ ჯერ დამაცადე!

და მე ვუთხარე, როგორ წააწყდა ერთხელ დეიდა დაშა მეორე წერილს, სადაც მოთხრობილი იყო ყინულებში გაქედნილ და ნელ-ნელა ჩრდილოეთისაკენ მიმავალ გემის ცხოვრება.

— „ჩემო მეგობარო, ჩემო ძვირფასო მამენკა“... დავიწყე ზეპირად და გაეჩერდი.

ეკალი დამაყარა, ყელში თითქოს რალაცამ წამიჭირა და უცბად თითქოს სიზმარში წარმომიდგა მარია ვასილევნას დაბერებული სახე, წარბებქვემოდან კუშტად გამომყურე თვალები. ის კატიასა ჰგავდა, როდესაც ამ წერილს სწერდა კაპიტანი. კატია კი პატარა გოგონა იყო, რომელიც სულ „მამას წერილს“ ელოდა. და აი ძლივს მოესწრო მის მიღებას.

— ერთი სიტყვით, — ვუთხარი და ჯიბიდან კომპრესის ქალაღლში გახვეული წერილები ამოვიღე. — დაჯექი და წაიკითხე, მე კი წავალ. როცა წაიკითხავ, მერე დავბრუნდები...

რა თქმა უნდა, მე არსად არ წავსულვარ. ბერი მარტინის კომ-

კის ქვეშ ვიდექი და, ვიდრე კატია წერილებსა კითხულობდა, თვალი არ მომიშორებია მისთვის. ძალიან შებრალებოდა, გულში სითბო მივილიდა, როდესაც იმაზე ვფიქრობდი, და სიცივე—როდესაც გავიფიქრებდი, რა მძიმე იყო მისთვის ამ წერილების კითხვა. მე ვხედავდი, როგორი უნებური მოძრაობით გაისწორა ჩამოშლილი თმა, რომელიც კითხვას უშლიდა. სკამიდან როგორ წამოდგა, თითქოს ძნელად გასაგები სიტყვის გასარჩევად. წინათ არ ვიცოდი—მწუხარება იყო თუ სიხარული ასეთი წერილების მიღება, მაგრამ ახლა, კატას რომ ვუყურებდი, ვხედავდი, რომ დიდი მწუხარება იყო. მე მივხვდი, რომ იგი იმედს არასოდეს არა ჰკარგავდა! ცამეტი წლის წინათ მისი მამა უგზოუკვლოდ დაიკარგა პოლარულ ყინულებში, სადაც სიცივისა და შიმშილისაგან სიკვდილზე ადვილი არაფერია. მაგრამ იმისთვის ის მხოლოდ ახლა მოკვდა!

როცა დავბრუნდი, კატას თვალები დაწითლებული ჰქონდა, იგი იჯდა, წერილები ხელში ეჭარა, ხელები მუხლებზე ეწყო.

— გაიყინე?—ვკითხე, რადგანაც არ ვიცოდი საიდან დამეწყოლაპარაკი.

— რამდენიმე სიტყვა ვერ გავარჩიე.. აი „გემუდარები“.

— ოჰ, ესა! აქა სწორია: „გემუდარები, ნუ დაუჯერებ.. მაგ ადამიანს“...

სალამოთი კატია ჩქენტან იყო სტუმრად, მაგრამ ჩვენარაფერი გვილაპარაკნია ძველი წერილების შესახებ.—ამაზე წინასწარ შევთანხმდით. მხოლოდ დეიდა დაშამ ვერ შეიკავა თავი და დამხრჩვალნი ფოსტალიონის ამბავი გვიამბო. თურმე იგი შემთხვევით კი არ დამხრჩვალყო, „სატრფოს გულისათვის“ დაგხრჩო თავი. როგორც მან აგვიხსნა, მას ერთი ქალი ჰყვარებია, რომელიც თურმე სხვას მიათხოვეს.

— ჯერ წერილები მაინც დაერიგებინა!—უკმაყოფილოდ თქვა დეიდა დაშამ.

კატია ძალიან სევდიანი იყო. ყველანი თავს ევლებოდნენ, მეტადრე სანია, რომელიც მაშინვე შეეთვისა მას, როგორც გოგონებმა იციან ხოლმე. შემდეგ მე და სანიამ კატია პირდაპირ თხამდის მივაცლიეთ, რომელიც ისევ გზაზე გაბოტილიყო, მაგრამ ამჯერად აღარ გაანჩხლებულა—მხოლოდ გაჯავრებით ააცანცარა წვერი.

მოხუცებულებს ჯერ ისევ ეღვიძათ, როდესაც შინ დავბრუნდით. მოსამართლე ცოტაოდენი დაგვიანებით ეჩხუბებოდა დეიდა

დაშას, რატომ წერილები არ დაარიგე,—ის წერილები მაინც დაგერიგებინა, რომლებზედაც მისაპართის გარჩევა შეიძლებოდაო“, და თან მისთვის მხოლოდ ერთ გამართლებას პოულობდა—ათი წლის ხანდაზმულობას. დეიდა დაშა კატიაზე ლაპარაკობდა. იმისი აზრით, ჩემი ბედი უკვე გადაწყვეტილი იყო.

— არა უშავს რა, მომეწონა,—თქვა და ამოიოხრა.—ლამაზია, სეველიანი, ჯანსალი.

სანიას ჩვენი ჩრდილოეთის რუკა ვთბოვე და ის გზა ვაჩვენე, რომლითაც უნდა გაველო კაპიტან ტატარინოვს ლენინგრადიდან ვლადივოსტოკამდე. მხოლოდ ახლა მომაგონდა მისი აღმოჩენის შესახებ. ეს რა მიწაა, ტაიმირის ნახევარკუნძულის ჩრდილოეთით?

— მოიცა,—მითხრა სანიამ,—ეს ხომ ჩრდილოეთის მიწაა!

ეშმაკმა დალახვროს! ეს იყო 1913 წელს ლეიტენანტ ვილკიცკის მიერ აღმოჩენილი ჩრდილოეთის მიწა. განედი 70° 35' ოთხმოცდა ექვსსა და ოთხმოცდა შვიდ მერიდიანებს შორის. უცნაურია!

— ბოდიში, ამხანაგებო,—ვთქვი მე და ეტყობა ოდნავ გავფითრდი, რადგან დეიდა დაშამ შიშით შემომხედა,—ყველაფერი მესმის! „ჯერ იყო მკვეთრი მოვერცხლისფრო ზოლი, რომელიც პირდაპირ ჰორიზონტიდან მოდიოდა. სამ აპრილს ზოლი მქრქალ დისკოდ გადაიქცა“. სამ აპრილს!

— სანია,—ის იყო დაიწყო შეშინებულმა დეიდა დაშამ.

— ბოდიში, ამხანაგებო! სამ აპრილს! ვილკიცკიმ კი ჩრდილოეთის მიწა შემოდგომაზე აღმოაჩინა, კარგად არ მახსოვს როდის, მაგრამ შემოდგომაზე, სექტემბერში თუ ოქტომბერში! შემოდგომაზე, ნახევარი წლის შემდეგ! შემოდგომაზე! ესე იგი, იმას არაფერიც არ აღმოუჩენია, რადგან ის უკვე აღმოჩენილი იყო.

— სანია,—თქვა მოსამართლემაც.

— აღმოჩენილი იყო და სახელიც დაერქვა მარია ვასილევნას პატივსაცემად.—განეაგრძობდი მე და თან ჩრდილოეთის მიწას თითხ მაგრად ვაჭერდი, თითქოს მეშინოდა, კიდევ რაიმე გაუგებრობა არ მომხდარიყო.—მარია ვასილევნას პატივსაცემად „მარიამის მიწა“, ან რაღაც ამგვარი ეწოდა. ახლა კი დასხედით და მე ყველაფერს ავიხსნით!..

როგორ უნდა დაგვიძინოს ამისთანა დღის შემდეგ? წყალსა ვსვამდი და რუკას ვსინჯავდი. სასადილო ოთახში ენსკის

სახელები ეკიდა. მე დიდხანს ვათვალიერებდი მათ და არ ვიცოდი, რომ ეს სანიას ნახატებია, რომ ის ფერწერასა სწავლობს და სამხატვრო აკადემიაზე ოცნებობს. კვლავ რუჟას ვისინჯავდი, მომავონდა, რომ დიდი ხანი არ არის, რაც ამ კუნძულებს ჩრდილოეთის მიწა დაერქვა, რომ ვილკიცკიმ იმათ „ნიკოლოზ მეორის მიწა უწოდა“.

საწყალი კატიას მამა! რა უიღბლო ყოფილა! არც ერთ გეოგრაფიულ წიგნში არ არის მისი ხსენება და მთელ ქვეყანაზე არაფერია იცის, რა გააკეთა მან.

სიბრაღულისაგან და აღტაცებისაგან გამაეროლა და დაეწეკი, იმიტომ რომ მეექვსე საათი იყო და ქუჩაში უკვე ვილაც ცოცხს უფხაკუნებდა. მაგრამ რა დამაძინებდა. მტანჯავდა ნაწყვეტები კაპიტანის წერილებიდან, თითქოს მესმოდა დეიდა დაშას ზმა და ვხედავდი კიდეც, როგორ კითხულობდა წერილს, ოხვრით, ვნის ბორძიკით და თან სათვალის ზემოდან გვიყურებდა. სურათი, რომელიც ოდესღაც წარმოუდგა ჩემს გონებას,—თოვლზე ვაშლილი თეთრი კარვები, მარხილში შებმული ძაღლები, ბეწვის-ჩექმებიანი გოლიათი ვეებერთელა ბეწვის ქუდით, კვლავ თვალწინ დამიდგა და ვინატრე, ნეტა ყველაფერი ეს მე შემმთხვეოდა ცხოვრებაში, რომ მე ვყოფილიყავი იმ გემზე, რომელიც შოდრეიფე ყინულებთან ერთად წელი სვლით დაღუპვისაკენ მიემართებოდა, რომ მე ვყოფილიყავი კაპიტანი, რომელიც გამოსათხოვარ წერილსა სწერს ცოლს, სწერს და ვერ ამთავრებს. „მე მას შენი სახელი ვუწოდე—და ყოველ გეოგრაფიულ რუკაზე იპოვნი გულითად სალამს შენი...“

როგორ შეიძლებოდა ეს ფრაზა დანთავრებულიყო?.. და უეცრად რაღაცამ ნელა გამიარა თავში, ძალიან ნელა, თითქოს უნებურად, ლოგინზე წამოვიჯექი. ჩემი თავისა არა მჯეროდა და თან ვგრძნობდი, რომ ახლავე კქუაზე შევიშლებოდი—კქუაზე შევიშლებოდი იმიტომ. რომ მომაგონდა.

„... სალამა შენი „მონჰოტიმო ქორ-ბრჟყალასაგან“, როგორც ოდესღაც მეძახდი. რამდენი ხანია მას შემდეგ, ღმერთო ჩემო! თუმც, არა ვჩივი“.—კვლავ ვიგონებდი, ებუტბუტებდი და თან მეშინოდა, რომ აი კიდევე ერთი სიტყვა, კიდევე ერთი სიტყვა და შემდეგ კი—დამავიწყდა, ვერ მოვიგონებ-მეთქი, „მე არა ვჩივი. ჩვენ ერთმანეთსა ვნახავთ და ყველაფერი კარგად იქნება. მაგრამ ერთი აზრი, ერთი აზრი მტანჯავს მე!“

ლოგინიდან წამოვხტი, ლამპა აევანთე, მაგიდას ვეცი, სადაც ფანქარი და რუკები ეწყო.

„მწარეა იმის შეგნება,—ახლა რუკაზე ვწერდი,—მწარეა იმის შეგნება, რომ შეიძლებოდა ყველაფერი სხვანაირად დატრიალებულიყო. ბედუკუდმართობა კვალდაკვალ გვდევდა და პირველი მარცხი—შეცდომა; რომელიც ასე ძვირად გვიჯდება ყოველ საათსა და ყოველ წუთში,—ის არის, რომ ექსპედიციის მოწყობა ნიკოლაის მივანდგ“.

ნიკოლაის? სწორე კია? ჰო, ნიკოლაის!

მე გაეჩერდი, იმიტომ რომ მერე მებსიერება თითქოს დამეხშო,—შემდეგ კი—ეს კვლავ აშკარად მახსოვდა—რალაც მეზღვაური საჩკოვის შესახებ, რომელიც ნაპრალში ჩავარდა და სასიკვდილოდ დაიმტვრა. მაგრამ ეს უკვე სულ სხვა რამ იყო. ეს იყო წერილის შინაარსი და არა ტექსტი, რომლიდანაც მეტი ველარაფერი გავიხსენე, გარდა რამდენიმე ნაწყვეტ-ნაწყვეტი სიტყვისა...

ალარც დამძინებია. მოსამართლე მერვე საათზე ადგა და შეეშინდა, ჩრდილოეთის რუკასთან საცვლების ამარა მჯდომი რომ დამინახა, რომელზედაც უკვე მოვასწარი ხომალდ „წმ. მარიამის“- დაღუპვის ყველა წვრილმანების ამოკითხვა. ყველა წვრილმანებისა, რომლებიც ნამდვილად თვით კაპიტან ტატარინოვსაც კი გააკვირვებდა, რომ დაბრუნებულიყო.

წინა დღეს შევთანხმდით ქალაქის მუზეუმში წავსულიყავით.. სანიას უნდოდა ეჩვენებინა ჩვენთვის ეს მუზეუმი, რომლითაც ენსკში ძალიან ამაყოზდნენ. იგი მოთავსებული იყო პაგანკინის პალატებში—ძველ სავაჭრო შენობაში, რომლის შესახებაც პეტკა სკოვოროდნიკოვი ოდესღაც მიაშობდა, სახლი ოქროთია გატენილი და, ვინც სარდაფში შევა—დაახრჩობსო. სარდაფის კარები მართლაც დაკეტილი იყო და ზედ ვეებერთელა კლიტე ედო, ალბათ მეთორმეტე საუკუნისა, სამაგიეროდ ფანჯრები დაღებული იყო, საიდანაც მეურმეები სარდაფში შეშასა ჰყრიდნენ.

მესამე სართულზე სანიას მასწავლებლის, მხატვარ ტუვას სურათების გამოფენა იყო და უპირველესად ყოვლისა ამ სურათების სანახავად წაგიყვანა სანიამ. მხატვარი აქვე იყო სურათებთან,—პატარა ტანის, ხავერდის „ტოლსტოკიანი“, ალერსიანი კაცი. დიდი შავი ქოჩრით, რომელშიაც ქალარა ვერცხლივით უბრწყინავ-

და. მისი სურათები კარგი იყო, მაგრამ ოდნავ მოსაწყენი—სულ ენსკი და ენსკი, ლამით და ღღისით, მთვარისა და მზის შუქზე, ენსკი ძველი და ახალი. თუმც ჩვენ უსინდისოდ ვაქებდით ამ სურათებს!—მეტისძეტი კარგი იყო ის ტუვა, თან სანიაც ისეთი თაყვანისცემით შეჰყურებდა მას!

სანია ეტყობა, მიხვდა, რომ მე და კათიას მოსალაპარაკებელი ვეჭონდა, რადგანაც უეცრად ბოდიში მოიხადა, რალაც მოიმიზეზა და გამოფენაზე დარჩა. ჩვენ კი ქვევით ჩავედით დიდ დარბაზში, სადაც ბალისებურ რკინის აბჯარში ჩაცმული რაინდები იდგნენ, რომელთაც სამკერდიდან აბჯარი ისე გამოსჩაჩოდათ, როგორც პერანგი გამოეჩაჩებათ ხოლმე ეილეტიდან.

რასაკვირველია, მოთმინება არა მყოფნიდა კათიასათვის მეამბნა ჩემი წუხანდელი აღმოჩენების ამბავი, მაგრამ არ ვიცოდი როგორ დამეწყო. იმან თვითონ დაიწყო.

— სანია,—მითხრა მან, როდესაც ჩვენ სტეფანე ბატორის დროინდელი მხედრის წინ გავჩერდით, რომელიც, არ ვიცი რით, კორაბლიოვს მაგონებდა,—მე ბევრი ვიფიქრე, თუ ვისზე წერს: „ნუ დაუჯერებ იმ ადამიანს“.

— მერე?

— გადავწყვიტე, რომ იმაზე არა წერს.

ჩვენ ვდუმდით, მას თვალი არ მოუშორებია მეომრისათვის.

— არა, სწორედ იმაზე სწერს,—ეუპასუხე საკმაოდ კუშტად.— სხვათა შორის, მამაშენმა აღმოაჩინა ჩრდილოეთის მიწა. სწორედ იმან, და არა ვილკიციკიმ, მე ეს დავადგინე.

მაგრამ ამ ცნობას, რომელმაც რამდენიმე წლის შემდეგ მთელი მსოფლიოს გეოგრაფები განაცვიფრა, კათიაზე განსაკუთრებული შთაბეჭდილება არ მოუხდენია.

— რატომა გგონია?—განაგრძო მან ოდნავი ძალდატანებით,— რომ სწორედ ის არის... ნიკოლაი ანტონიჩი. წერილში ეგ არა ჩანს, იმაზე ხომ არაფერია ნათქვამი.

— როგორ არა ჩანს!—ვგრძნობდი, რომ ბრაზი მერეოდა,— ჯერ ერთი, ძაღლების ამბავი. რამდენჯერ უტრაბახია, ექსპედიციისათვის მშვენიერი ძაღლები შევიძინეო? მეორეც...

სანია მოვიდა და ჩვენ გავჩუმდით. არაფერი არ გვესმოდა, ისე ვუყურებდით „უძველესი რუსი თავადების ყოფაცხოვრებას“, „ენსკის გუბერნიის გლეხის შუაცეცხლიანი ქოხი კაპიტალისტური წყობილების დროს“. სანია რალაცას გვიხსნიდა, ჩვენ არ ვუსმენ-

დით, მეტადრე კატია, რომელიც წამდაუწუმ შეწუხებული შემოხედავდა ხოლმე, თითქოს მეკითხებოდა: „დარწმუნებული ხარ? და მეც უსიტყვოდ ვუპასუხებდი: „სავსებით დარწმუნებული ვარ-მეთქი“.

მერე სანია გამოგვეთხოვა და წავიდა, ჩვენ კი კიდევ დიდხანს დავდიოდით ენსკის ქალაქის მუზეუმის ჩაბნელებულ დარბაზებში.

— ... მეორე?

— მეორე ის, რომ წუხელის კიდევ ერთი ადგილი გამახსენდა. ამ წერილიდან, აი, იგი.

და მე ის ადგილი ვთქვი, დაწყებული ამ სიტყვებიდან: „მონპოტიმო ქორ-ბრკყალა“. ვთქვი გარკვევით, ხმაბალა, ლექსივით. კატიას ფართოდ გაეღო თვალები და ქანდაკებასავით გარინდებულ-მისმენდა, უეცრად რაღაც სიცივემ გაუელვა თვალებში და მე გავიფიქრე, ჩემი არა სჯერა-მეთქი.

— გჯერა ჩემი?

ის გაფითრდა და ხმადაბლა მითხრა.

— ჰო.

მეტი აღარ გვალაპარაკნია ამაზე. მხოლოდ ვკითხე, ხომ არ გახსოვს საიდან არის ეს „მონპოტიმო ქორ-ბრკყალა“-მეთქი. არ მახსოვს, მგონი გუსტავ ემარიდან არისო. მერე დაუმატა, რომ ვერც კი წარმოიდგენ, რა საშინელია ყველაფერი ეს დედაჩემისთვისაო.

— ყველაფერი ეს ბევრად უფრო რთულია, ვიდრე შენა გგონია, — მიუხრა ნალვლიანად და მთლად დიდივით. — დედა ისედაც გაწამებულია იმით, რაც წარსულში მოხდა — ამაზე ხომ ლაპარაკიც ზედმეტია, ნიკოლაი ანტონიჩი კი..

კატია გაჩუქდა. მაგრამ მერე ამიხსნა რაც მოხდა. ესეც აღმოჩენა იყო და, შეიძლება ითქვას, უფრო მოულოდნელი, ვიდრე კაპიტანი ტატარინოვის მიერ ჩრდილოეთის მიწის აღმოჩენა. თურმე ნიკოლაი ანტონიჩს მრავალი წლები უყვარდა მარია ვასილევნა! შარშან დედა რომ ავად გამხდარა, ნიკოლაი ანტონიჩს მთელი დღეები ტანთ არ გაუხდია, — მომვლელი ქალი მოუწვევია, თუმცა ეს სულაც არა ყოფილა საქირო. როცა გამოკეთებულა, სოჩაში თვითონვე წაუყვანია და სასტუმრო „რივიერაში“ მოუწყვია. მაშინ, როცა სანატორიუმში ბევრად უფრო იაფი დაჯდებოდა.. წირდაპირ „ქკუაზე შეიშალა“, როგორც ნინა კაპიტონოვნას უთქვამს. გაზაფხულზე ლენინგრადიდან მარია ვასილევნასათვის ძა-

ლიან ძვირფასი ბეწვის მოკლე ეაკეტი ჩამოუტანია, ფრთებივით სახელოებით. თავის დღეში არ დაწევა დასაძინებლად, თუ მარია ვასილევნა შინ არ არის. თურმე იმდენი ეჩიჩინა, უნივერსიტეტს თავი დაანებებინა, რადგანაც მარია ვასილევნასათვის ძნელი იყო ერთდროულად სწავლა და სამსახური. მაგრამ ყველაზე საინტერესო ისტორია ამ ზამთარს მომხდარა: უეცრად მარია ვასილევნას გამოუცხადებია, რომ იმის დანახვა აღარ შემიძლიანო, და ნიკოლაი ანტონიჩი სახლიდან გამქრალა. იმავე ტანსაცმელით წასულა, რაც ზედა სცმია, და მთელი ათი დღე სახლში არ გამოჩენილა. არავინ იცის, სადა ცხოვრობდა, ალბათ სასტუმროში. აქ უკვე ნინა კაპიტონოვნა გამოჰქომაგებია, უთქვამს, ეს უკვე „ნამდვილი იხკეიზიცია არისო“, და თვითონვე მოუყვანია შინ. მაგრამ მარია ვასილევნას კიდევ ერთი თვე ხმა არ გაუცია მისთვის...

იმის წარმოდგენა, რომ ნიკოლაი ანტონიჩი სიყვარულისაგან გიჟდება—პირდაპირ შეუძლებელი იყო! ნიკოლაი ანტონიჩი თავისი ფუნთუშა ხელებით, ოქროს კბილით, ისეთი მოხუცი! მაგრამ, კატიას რომ ვუსმენდი, წარმოვიდგინე ეს რთული და მტანჯველი დამოკიდებულება. წარმოვიდგინე, როგორ გაატარა მთელი ეს წლები მარია ვასილევნამ. ის ხომ ძალიან ლამაზი ქალი იყო და ოცი წლისა მარტოდმარტო დარჩა. „არც ქერივი და არც ქმრიანი!“ თავის თავს აიძულებდა ქმრის ხსოვნისადმი პატივისცემით ეცხოვრა! წარმოვიდგინე, წლობით როგორ უვლიდა და ეფერებოდა ნიკოლაი ანტონიჩი, რა თავაზიანად ექცეოდა, შემპარავი, კერპი, მომთმენი. მან შესძლო დაერწმუნებინა,—და არა მარტო ის,—რომ მხოლოდ მას ესმოდა და უყვარდა მისი ქმარი. კატია მართალი იყო, მარია ვასილევნასთვის ეს წერილი დიდი მეხის დაცემა იქნებოდა. შეიძლება უკეთესი იყოს ამ წერილის სანიას ოთახში დატოვება თაროებზე, წიგნებში.

თავი მითხუთვაბა

ვსაირნობთ. დედას სანახავად მივღივარ.

ბუბანჩიკოვები. ბამომზავრების დღე

ენსკში გატარებული მთელი კვირა უფრო ნაღვლიანი იყო, ვიდრე მხიარული. მაგრამ რა შესანიშნავი მოგონებები დამრჩა სამუდამოდ!

მე და კატია ყოველდღე ვსეირნობდით. მე ჩემს საყვარელ

ადგილებს ვუჩვენებდი და ჩემს ბავშვობაზე ვუამბობდი! სადღაც წამიკითხავს, რომ არქეოლოგები ერთი რომელიმე წარწერის მიხედვით მთელი ერის ისტორიასა და ადათებს ალადგენენ ხოლმე.—მეც ასევე აქა-იქ ძველი ენსკის შერჩენილი კუთხე-კუნძულების მიხედვით აღვადგინე და ვუამბე კატიას ჩვენი წარსული ცხოვრება.

მაგრამ თვითონ მეც ხელახლა შევაფასე ეს მშვენიერი ქალაქი. პატარა ბიჭი რომ ვიყავი, ვერ ვამჩნევდი მთებზე გაშლილი ბაღების მთელ სიმშვენიერეს, დაქანებულ ქუჩებს, მაღალ სანაპიროებს, რომლებიც „რეშეტყიდან“ კუთხით იშლებოდნენ. ახლაც ასე ერქვა ორი მდინარის—პესჩინკისა და ტიხოსის შესართავს.

მხოლოდ ერთი დღე გავატარე უკატიაოდ. სასაფლაოზე წავედი.—რატომღაც მეგონა, რომ ამდენი ხნის შემდეგ დედაჩემის საფლავის კვალიც არ იქნებოდა დარჩენილი. მაგრამ ვიპოვე. დაფახტახებული ხის ლოზე ეკრა და გადაზნექილ ჯვარზე კიდევ შეიძლებოდა გარჩევა: „უფალო, შეუნდე შენს სულიერ მხევალს“. ზამთარი იყო და, რა თქმა უნდა, ყველა საფლავები ერთნაირად დაეფარა თოვლს, მაგრამ მაინც ეტყობოდა, რომ ეს უპატრონო საფლავი იყო.

სევდა შემომამწვა და მოგონებებში წასულმა დიდხანს ვიხეტიალე ბილიკებზე. რამდენი წლისა იქნებოდა ახლა დედა? ორმოცისა. ჯერ ისევ სულ ახალგაზრდა. მწარე იყო მოსაგონებლად, რომ შეეძლო ბედნიერად ეცხოვრა, აი, თუნდაც ისე, როგორც დეიდა დაშა ცხოვრობს. მომავონდა იმისი დაღლილი, მძიმე გამოხედვა, სარეცხისაგან შექმული ხელები, საღამოობით დაღლილობისაგან სიკვდილის პირას მისულს ჭამის თავიც აღარა ჰქონდა ხოლმე. მერე როგორი ჭკვიანი იყო! საზიზღარი გაერ კული, აი ვინ მოაჯადოვდა და ვინ დალუბა იგი!

ისევ საფლავთან მივედი და თითქოს გამოვეთხოვე. მერე დარაჯი ვიპოვე, რომელიც ნახევრად დანგრეულ სამლოცველოში ჩეხავდა შეშას, და იქაურობას გუგუნნი გაჰქონდა.

— ბიძია, — ვუთხარი, — აქ თქვენთან აქსინია გრიგორიევას საფლავია. აი ამ გზაზე, რომ მოუხვევთ, მეორეა.

მგონი ისე დაიჭირა თავი, ვითომ იცოდა, რომელ საფლავზე ველაპარაკებოდი.

— არ შეიძლება, რომ მიხედოთ ხოლმე? ფულს გადავიხდი.

დარაჯი ბილიკზე გავიდა, გაიხედა და დაბრუნდა.

— ამ საფლავს მოვლა არ აკლია, — მითხრა მან, — ახლა ზამთა-

რია და არა ჩანს. სხვა საფლავეებს მართალია მოვლა აკლიათ, ჯვრები დამძვრალი აქვთ და რა ვიცი კიდევ რა. ამას კი აქვს.

სამი მანეთი მივეცი და წამოვედი.

შინ რომ ვბრუნდებოდი, ვფიქრობდი გაერ კულიზე, დედაჩემზე, ნეტა რამ შეაყვარა ისეთი ადამიანი. ჩემდაუნებურად მარია ვასილენაც მომაგონდა და მე ერთხელ და სამუდამოდ გადავწყვიტე, რომ ქალებს ვერაფერს გაუგებ... .

შემდეგ ჩვენ ყოველდღე ვხვდებოდით ერთმანეთს, მხოლოდ წამოსვლის წინა დღეს რაღაც ეშმაკად ვკითხე კატიას მოხუც ბუბუნჩიკოვებზე: — მართალია რომ ისინი შერისხულები არიან-მეთქი? კატიას გაუკვირდა.

— ვითომ? მე არ ვიცოდი, — მაგრამ ეგ სავსებით შესაძლებელია, იმიტომ რომ ისინი ათეისტები და ნილილისტები არიან. „მამები და შვილები“ წაგიკითხავს? — მკითხა მან.

— წამიკითხავს.

— გახსოვს ნილილისტი ბაზაროვი?

— მახსოვს!

— აი ისინიც ისეთივე ნილილისტები არიან, როგორც ბაზაროვი.

— მოიცა, მოიცა! ეგ როდინდელი აშბავია!

— მერე რა! ისინი მოხუცებულები არიან. თხა კი უბრალოდ ხუშტურიანია. ისინი თხის რძესა სვამენ. მეც მეხევეწებოდნენ, მაგრამ უარი ვთქვი. როცა თხა ნერვიულობს, რძე ფუქდება.

— შენ უბრალოდ მასულელებ, — ვუთხარი დაფიქრების შემდეგ.

— არა, პატიოსნებას გეფიცები, — სწრაფად მიპასუხა კატიამ. ხუშტურიანი თხა, რომელსაც სამი ნილილისტი ქალი უვლის, ეშმაკმა იცის! მაინც ეს რაღაც სისულელე იყო!

გამომშვიდობების დღეც დადგა! დეიდა დაშა დილის ექვსი საათიდან აცხობდა და ჯერ ხეირიანად არც კი გამღვიძებოდა, რომ უკვე ზაფრანისა და კიდევ რაღაც სანელებლის სასიამოვნო სუნი მეცა, როჰელსაც კომში უშვრებიან ხოლმე. შემდეგ ის სასადილო ოთახში შემოვიდა, სადაც მე მეძინა, და ზრუნვით აღსავსემ ცხვირზე სათვალთა, ფქვილში ამოგანგლილმა, პეტკას წერილი შემომიტანა, რომლისათვის წვერში ოდნავ წაველო ხელი.

— სანია, უნდა გაგაღვიძო, — მკაცრი კილოთი მითხრა მან. — პეტენკას წერილია.

წერილი მართლაც პეტენკასაგან იყო, მოკლე, მაგრამ „შესა-

ფერი“, როგორც მოსამართლემაც თქვა. ჯერ ერთი, ის უხსნიდა, არდადეგებზე რატომ არ ჩამოვიდა: ლენინგრაღში გაჰყოლოდა ექსკურსიას. მეორე, განცვიფრებული იყო ჩემი გამოჩენით ენსკში და ამის გამო გულითად გრძნობებს გამოთქვამდა. მესამე, საშინლად მლანძღავდა, წერილს არა მწერო, არა მკითხულობო და საერთოდ — გულგრილი ცხენივით იქცევიო“. მეოთხე კონვერტში კიდევ ერთი წერილი იღო სანიასათვის. სანიას გაეცინა. — აი სულელი, არ შეეძლო ბოლოში მიეწერა, — მაგრამ, ეტყობა, მართლაც არ შეეძლო მიეწერა, რადგანაც სანიამ წაიღო წერილი და თავის ოთახში ერთი სამი საათი კითხულობდა, ვიდრე არ შეეუვარდი და არა ვთხოვე, დეიდა დაშა შეეჩერებინა, რომელსაც გზაში უამრავი ნამცხვრის გატანება უნდოდა ჩემთვის.

აღბათ ასევე სურათი იყო ლაპუტინის შესახვევში, სახლნომერ რვაში, რადგანაც კატიამ სახლიდან გამოსვლაც კი ვერ მოახერხა ამ დღეს. მას არამეტო პროდუქტებით ამარაგებდნენ, თითქო ჩრდილოეთ პოლუსზე მიდიოდა — რთავდნენ კიდევ. ძველებური, გამოუყენებლად დარჩენილი სამი ნილილისტი ქალის მზითვეი — თათრული მაქმანები, ხავერდის ზოლიანი ეაკეტები მხრებზე პუქ-პუქებით, სარჩულიანი მქივე კაბები... ყველაფერს გზა და დანიშნულება მისცეს.

როგორ მოგწონთ, რომ სანიამ ერთი წუთით შეიკრიბა ბუბენჩიკოვებთან და სადილზე კი დაიგვიანა: ცოტა დარცხვენილი მოვიდა და განაცხადა, იქ ძალიან საინტერესოაო. სამივე მოხუცი ჰკერავს და მშვენიერი კაბა გამოდის. კატიას უხდება, მე კი არა, სამაგიეროდ ქული მიხდება და ისეთ ქულს უსათუოდ გავიკეთებო.

— ერთი სიტყვით ყველაფერი მივიზომ-მოვიზომეთ, — გვითხრა სანიამ და გაიცინა. — თავბრუც კი დამეხვა.

მოსამართლე აღრე მოვიდა სამსახურიდან, რომ უკანასკნელად ჩემთან ერთად ესადილა. ერთი ბოთლი ღვინო მოიტანა, დავლიეთ და მან სიტყვა წარმოთქვა. მშვენიერი სიტყვა იყო, ბევრად უკეთესი, ვიდრე ოდესღაც გაერ კულის სიკვდილის ბატალიონში შესვლის გამო გამართულ სადილზე თქვა. პეტკა და მე არწივებს შეგვადარა და იმედი გამოთქვა, რომ ჩვენ კიდევ ბევრჯერ დავბრუნდებით მშობლიურ ბუდეში. ის მოხარული იქნებოდა დაეკვებინა, რომ ასეთი ბიჭები დაზარდა, მაგრამ ამას ვერ იტყოდა, რადგანაც თვითონ ჩვენმა ქვეყანამ გაგვზარდა ჩვენ და დალუპვისაგან გადაგვარჩინა. ასე თქვა მან. ამ აღგილზე დეიდა დაშამ წა-

მოიტირა, თითქოს უნდოდა მოეგონებინა ჩვენთვის, რომ ის თვითონაც სიამოვნებით მოჰკიდებდა ხელს ჩვენს აღზრდას, სხვის დაუხმარებლად... მე ფეხზე ავდექი და ვუპასუხე მოსამართლეს... არ მახსოვს, რას ვამბობდი, მაგრამ მეც ძალიან კარგად ვილაპარაკე. ერთი სიტყვით. მე ვთქვი, რომ სატრაბახო ჯერჯერობით არაფერი გვაქვს. მეთქი.

ისე შეგუფვით სადილს, რომ კინალამ დაგვიგვიანდა, ვაგზალზე ეტლით წავედით. ჩემ ცხოვრებაში პირველად მივემგზავრებოდი ასეთი ამბით — ეტლში გამოქიმუფი, ფეხებთან ჩადგმული კალათით. დეიდა დაშას რომ მთელი დღე ჩემ თვალწინ არ ეტყინა შიგ ნამცხვრები, ალბათ ვიტყოდი ამ კალათზე, არ ვიცი საიდან გაჩნდა. მეთქი, რადგანაც ენსკაში ხელსაღმართად ჩამოვედი.

ჩვენ რომ მოვედით, კატია უკვე ვაგონის საფეხურზე იდგა. მოხუცი ბუბენჩიკოვები ერთმანეთს აღარ აცლიდნენ დარიგებების მიცემას: რომ გზაში არ გაციებულყო, ბარგი არავის აეცალა, ბაქანზე არ გამოსულიყო, როგორც ჩავიდოდა, დეპეშა გამოეგზავნა, შინაურებისათვის მოკითხვა გადაეცა და პაერთოდ წერილები მოეწერა ხოლმე.

არ ვიცი, ისინი იქნებ მართლაც ნილილისტები იყვნენ, ჩემი შეხედულებით კი მელიის ქურქში შეფუთნილი უბრალოდ მოხუცი დეიდები იყვნენ, ზონრებზე დაკიდებულ, უზარმაზარ სასაცილო მუფთებით.

ეს იყო და ეს. მე სხვა ვაგონში მქონდა ადგილი და ამიტომ ჩვენი მხოლოდ შორიდან მივესალმეთ კატიას და ბუბენჩიკოვებს — კატიამ ხელი დაგვიქნია, მოხუცებულებმა კი გაბღინძულად დაგვიკრეს თავი.

მეორე ზარია! ვეხვევი სანიას და დეიდა დაშას. მოსამართლე მთხოვს, პეტკა ვინახულო. მეც ვაძლევ პატიოსან სიტყვას, რომ, ჩავალ თუ არა, იმავე დღესვე მივალ პეტკასთან, — სანიას მოსკოვში ვეპატიეები და ისიც მპირდება გაზაფხულის არდადეგებზე ჩამოვალო, — თურმე ამის შესახებ უკვე მოლაპარაკებულია პეტკასთან.

მესამე ზარია! მე ვაგონში ვარ. სანია პაერში რაღაცას მიწერს და მე პასუხად ალაღბედზე ვუწერ: „კეთილი!“ დეიდა დაშა იწყებს ჩუმად ტირილს და უკანასკნელი, რასაც მე ვხედავ: სანია, დეიდა დაშას ცხვირსახოცს ართმევს ხელიდან და სიცილით ცრემლებს სწმენდავს. მატარებელი იძვრის და საყვარელი ენსკის ვაგზალიც იძვრის, სულ უფრო და უფრო ჩქარა. აი ნილილისტი ქალები თითქოს მისცურავენ ჩემ წინ! კიდევ წუთი — და აღარც პერონი ჩანს. მშვიდობით, ენსკო!

შემდეგ სადგურზე ვილაც პატივსაცემ ძიას გაეუცვალე ადგილი, რომელსაც ჩემი ქვედა საწოლი ერჩივნა, და კატიას ვაგონში ადავბარგდი. ჯერ ერთი, იმიტომ რომ უფრო ნათელი იყო, მეორეც ის, რომ ის კატიას ვაგონი იყო.

კატიას უკვე ყველაფერი მოეწესრიგებინა:—მაგიდაზე სუფთა ხელსაწმენდი გადაეთარებინა, ფანჯარაზე ფარდა ჩამოეშვა, თითქოს მთელი საუკუნეა, რაც ამ ვაგონში ცხოვრობსო.

ორივე ახალი ნასადილვეი ვიყავით, მაგრამ მაინც ხომ უნდა გვენახა, რა ჩაგვიწყეს კალათებში მოხუცებულებმა.

მოკლედ, კატიას კალათმა მაინც აჯობა ჩემსას. იქ აღმოჩნდა ლე ბი—მშვენიერი, საკუთარი ბალის ზამთრის ვაშლი! თითო აშლი შევჭამეთ და მეზობელსაც გაეუმასპინძლდით—პატარა ტანის პირგაუპარსავ სათვლიან შავგვრემან, გალურჯებულ კაცს, რომელსაც ვერ გაეგო ვინ ვიყავით: თუ და-ძმანი ვართ—ერთმანეთს არა ვგვევართ! თუ ცოლ-ქმარი—ჯერ ცოტა ადრეა.

უკვე მესამე საათი იყო. პირგაუპარსავ მეზობელს ცხვირზე თავისი პატარა, მაგარი მუშტი დაედო და რაც ძალა და ღონე ჰქონდა ხვრინავდა, მე და კატია კი ისევე დერეფანში ვიდექით და ვლაპარაკობდით. შეკირხლულ ფანჯარაზე ინიციალებსა ვწერდით, მერე სიტყვების პირველ ასოებს.

— როგორც „ანა კარენინაში“,—თქვაკ ატიამ.

მაგრამ ჩემის აზრით, ეს სულაც არა ჰგავდა „ანა კარენინას“ და საერთოდ არაფერსაც არა ჰგავდა.

კატია ჩემს გვერდით იდგა, რალაც სულ სხვანაირი, დიდივით შუაზე გაყოფილი საყვარელი მუქი თმიდან განსაცვიფრებელი, სულ სხვა ყური უჩანდა, კბილებიც სხვანაირი ჰქონდა, როცა იცი-ნოდა—წინათ არასოდეს ასე თამამად და თანაც ასე ამაყად არ ატრიალებდა ხოლმე თავს, როცა ლაპარაკს ვუწყებდით. ის უცხო იყო, კვლავ სულ სხვაგვარი და მე ვგრძნობდი, რომ ძალიან მიყვარდა, ყველაზე მეტად ქვეყანაზე.

ფანჯრებიდან უცებ სატელეგრაფო მავთულები გამოჩნდებოდნენ ხოლმე, რომლებიც ხან იძირებოდნენ, ხან ისევე მალლა იწვედნენ. ჩვენ წინ მუქი თოვლით დაფარული მუქი მინდორი იშლებოდა. არ ვიცი რა სიჩქარით მივდიოდით, ალბათ არა უმეტეს ორმოცი კილომეტრისა საათში. მაგრამ მე მეჩვენებოდა, რომ ჩვენ რალაც ზღაპრული სისწრაფით მივქროდით. ყველაფერი წინ იყო. მე არ

ვიცი, რა მელიდა, მაგრამ მტკიცედ მწამდა, რომ ეს სამუდამოა, რომ კატია ჩემია და მე მისი ვარ სიყვლილამდე.

თავი მითამავემბა

რა მელიდა მოსკოვში

წარმოიდგინეთ, რომ თქვენ ბრუნდებით მშობლიურ სახლში, სადაც ნახევარი სიცოცხლე გაგიტარებიათ და უეცრად გაკვირვებით გიყურებენ, თითქოს სადმე სხვაგან მოხვდით. ასეთი რამ ვიგრძენი, როდესაც ენსკიდან სკოლაში დავბრუნდი.

პირველი ადამიანი, რომელიც გასახდელშივე შევხვდა, რომაშკა იყო. მე რომ დამინახა, სახე დაებრიცა, მერე კი გაელიმა.

— მომილოცავს ჩამოსვლა!—ბოროტად მითხრა მან.—ცხ, ცხ! სიცოცხლე!

ეს გაიძვერა რაღაცით იყო კმაყოფილი.

ბიჭები არ იყვნენ—უკანასკნელი დღე იყო სწავლის დაწყების წინ—და მე სამზარეულოში გავედი ძია პეტეის სანახავად. ძია პეტეიაც საკმაოდ უცნაურად შევხვდა.

— რა ვუყოთ, ძმაო, მოხდება ხოლმე,—ჩურჩულით მითხრა.

— ძია პეტეი, რა მოხდა, არ მეტყვი?

ვითომც არ გაუგონიარო, ძია პეტეიმ ქვაბში ერთი მუქა მარილი ჩაჰყარა და გაიტერინა. ის ოხშივარს უნოსავდა.

დერეფანში კორაბლიოვს მოვკარი თვალი და გამოვუღეკი.

— გამარჯობათ, ივან პავლიჩ.

— ოჰ, შენა ხარ?—სერიოზულად მიპასუხა მან.—ჩემთან შემოიარე. უნდა მოგელაპარაკო...

—

კორაბლიოვს მაგიდაზე ახალგაზრდა ქალის სურათი ედგა, მე უცბად ვერ ვიცანი მარია ვასილენა—რაღაც მეტისმეტად ლამაზი იყო! მაგრამ დავაკვირდი—ყელზე ერთი პირი მარჯანი ჰქონდა, სწორედ ის, რომელიც კატეის ეკეთა ჩვენ ბაღზე. გავმხიარულდი, როდესაც სურათზე მარჯანი გავარჩიე. ეს თითქოს საღამი იყო კატეისაგან.

კორაბლიოვი მოვიდა და ჩვენ ლაპარაკი დავიწყეთ.

— ივან პავლიჩ, რა მოხდა!

— ის მოხდა, —აუჩქარებლად მიპასუხა კორაბლიოვმა,—რომ შენ სკოლიდან გარიცხვას გიპირებენ.

— რისთვის?

— არ იცი?

— არა.

კორაბლიოვმა კუშტად შემომხედა.

— აი, ეგ კი აღარ მომწონს.

— ივან პავლიჩ! გეფიცებით, რომ არ ვიცი.

— ცხრა დღით თვითნებურად წასვლისათვის,—თქვა კორაბლიოვმა და ერთი თითი მოკეცა,—ლიხოს შეურაცხყოფისათვის, ჩხუბისათვის.

— მაშ აგრე! კარგი,—ვუპასუხე ძალიან დამშვიდებულად,— მაგრამ ვიდრე გამომრიცხავდეთ, კეთილ ინებეთ და მომისმინეთ.

— სიამოვნებით.

— ივან პავლიჩ,—დავიწყე დიდი ამბით,—გინდათ იცოდეთ, რად გავარტყი რომაშკას სიფათში?

— აბა, „სიფათების“ გარეშე,—გამაფრთხილა კორაბლიოვმა.

— კარგით, „სიფათების“ გარეშე ვილაპარაკებ. იმიტომ გავარტყი სიფათში, რომ ის უსინდისოა. ჯერ ერთი, იმან უამბო ტატარინოვებს ჩემზე და კატიანზე. მეორე ეს, რომ ჩუმად უგდებს ყურს, რასაც ბავშვები ნიკოლაი ანტონიჩზე ლაპარაკობენ, და მერე ამბავი მიაქვს მასთან. მეამე, ჩემ დაუკითხავად ჰქეკავდა ჩემ ჩემოდანს. ეს ნამდვილი გაჩხრეკა იყო. ბავშვებმა ნახეს, ზედ როგორ წავადექი. ეგეც მართალია, რომ გავარტყი. ვგრძნობ, რომ ეს სწორი არ იყო, წიხლი არ უნდა ჩამეზილა, მაგრამ მეც ადამიანი ვარ და არა კვა, გულმა ველარ მომიტმინა. ეს ყველას შეიძლება მოუვიდეს.

— კარგი. შემდეგ.

— ლიხოს შესახებ თქვენ უკვე იცით. ჯერ დამიმტკიცოს, რომ იდეალისტი ვარ. თხზულება წაიკითხეთ?

— წავიკითხე. ცუდია.

— კარგი. ცუდი იყოს. მაგრამ დარწმუნებული ვარ, იქ იდეალიზმის ნიშანწყალიც არ არის.

— ეთქვათ, რომ ასეა. შემდეგ.

— შემდეგ რა? ყველაფერი ვთქვი.

— არა, ყველაფერი არ გითქვამს. იცი შენ, რომ მილიციით ვეძებდნენ.

— ივან პავლიჩ... დიახ, ეგ სწორია. მართალია ვალკას ვუთხარი, მაგრამ კეთილი, ეგ ნუ ჩამეთვლება. მაგრამ ნუთუ იმისათვის, რომ მე არდადეგებზე წავედი—და ისიც სად? სამშობლოში, სადაც რვა წელიწადია არა ვყოფილვარ,—სკოლიდან უნდა გამრიცხონ.

ჯერ კიდევ, როცა კორაბლიოვმა მილიცია ახსენა, მე მივხედი, რომ იმის რისხვას ვერ გადავურჩებოდი, და არც შევმცდარე.

ერთხელ უკვე მიყვირა, — მეოთხე კლასში, როდესაც ისკა გრუმანტმა ბანაობის დროს ქვებზე ფეხი გადაიყვლითა, მე მზის აბაზანებით დავუწყე მკურნალობა და ორი თითი მოსაქრელი გავუხადე. ეს საშინელი „რისხვა“ იყო. ახლა ისევ ის განმეორდა. თვალგადმოკარკლული კორაბლიოვი მიყვიროდა, მე კი ხანდახან გაუბედავად ვეუბნებოდი:

— ივან პავლიჩ!

— ხმა, კრინტი!

ის თვითონ ჩუმდებოდა ერთი წამით, რომ სული მოეთქვა.

ასე და ამგვარად, ნელ-ნელა მივხედი, რომ მე ნამდვილად ბევრ რამეში ვიყავი დამნაშავე. მაგრამ ნუთუ გამრიცხავენ? მაშ მშვიდობით, ამ ქვეყნად ყველაფერო! მშვიდობით, საფრენოსნო სკოლა. მშვიდობით, სიცოცხლე!

როგორც იყო კორაბლიოვი გაჩუმდა.

— ხელიდანა ხარ წასული და ეგ არის, — თქვა მან.

— ივან პავლიჩ, — დავიწყე საკმაოდ მტკიცედ, მაგრამ გაბზარული ხმით, — მე არ შეგეკამათებით, თუმცა თქვენ ბევრ რამეში მართალი არა ხართ, მაგრამ ეს სულ ერთია. თქვენ ხომ არ გინდათ, რომ მე გამრიცხონ?

კორაბლიოვი სდუმდა.

— ვთქვათ, არ მინდა.

— მაშინ თქვენ თვითონ მითხარით, როგორ მოვიქცე?

— ბოდიში უნდა მოიხადო ლიხოს წინაშე.

— კარგით. მხოლოდ ჯერ..

— მე ველაპარაკე! — გაჯავრებით ჩამომართვა სიტყვა კორაბლიოვმა. — „იდეალიზმი“ წაშალა. მაგრამ შეფასება ძველი დარჩა.

— შეფასება — დიდი სიამოვნებით. თუმცა სწორი არ არის, რომ მე „ძლიერ სუსტზე“ დავწოე. ასეთი ნიშანი საერთოდ არ არის. ცუდი მინუსით, ვითომ?

— მეორეც, — განაგრძო კორაბლიოვმა, — ბოდიში უნდა მოიხადო რომაშკასთან.

— არასოდეს.

— მაგრამ ხომ თვითონ შენა თქვი: „ვგრძნობ, რომ სწორი არ იყო“.

— დიახ ვთქვი. შეგიძლიათ გამრიცხოთ. მე მის წინაშე ბოდიშს არ მოვიხდი.

— ყური მიგდე, სანია.—სერიოზულად მითხრა კორაბლიოე-
მა.—ძლივს გამოვაძახებინე შენი თავი პედაგოგიურ საბჭოზე, მაგ-
რამ ახლა ვნანობ, რომ ამდენს ვეცადე. თუ შენ მიხვალ და მოჰ-
ყვები: „არასოდეს! შეგიძლიათ გამრიცხოთო“!—უსათუოდ გაგრი-
ცხავენ,—ამაწი დარწმუნებული იყავი.

ამ სიტყვებს განსაკუთრებით გაუსვა ხაზი და მე მაშინვე მივხე-
დი, ვის გადაჰკრა. წამსვე თვალწინ წარმომიდგა ნიკოლაი ან-
ტონიჩი—თავაზიანი, ღინჯი, წესიერი, შნოიანი. აი, ვინ ეცდებო-
ჩემს გარიცხვას.

— მე მგონი, უფლება არა გაქვს შენი მომავალი სასწორზე
დადო სულელური თავმოყვარეობის გამო.

— ეს სულელური თავმოყვარეობა არაა, ეს ადამიანის პატიოს-
ნებაა, ივან პავლიჩი,—განევაგრძობდი ცხარედ,—არა, მაშ რა გნე-
ბავთ? რომაშკას ამბავი მივაფუჩიჩო, რაკი ის ნიკოლაი ანტონიჩს
ეხება, ვის ხელთაც არის ჩემი გარიცხვა-დატოვების საკითხი?
თქვენ გინდათ ასეთი საზიზღრობა ჩავიდინო? არასოდეს! ახლა
მესმის, რატომ შეეცდება იგი ჩემ გარიცხვას. ჩემი თავიდან მოშო-
რება უნდა. უნდა, რომ სადმე გადავიკარგო და კატიას ჩამოვშორ-
დე. ვერ მივართვი! ყველაფერს ვიტყვი პელსაბჭოზე. მე დავამ-
ტკიცებ, რომ რომაშკა—უსინდისო ადამიანია და მხოლოდ უსინ-
დისო მოიხდის მის წინაშე ბოდიშს.

კორაბლიოვი ჩაფიქრდა.

— მოიცა,—მითხრა მან.—შენ ამბობ, რომ რომაშკა ჩუმად
ყურს უჯდება, რასაც ბავშვები ნიკოლაი ანტონიჩზე ლაპარაკობენ,
და მერე ამბავი მიაქვს. როგორ დაამტკიცებ მაგას...

— მე მოწმე მყავს—ვალკა.

— რომელი ვალკა?

— ეუკოვი. იმან სიტყვასიტყვით ასე მითხრა: „რომაშკა უბის
წიგნაკში იწერს და შემდეგ ნიკოლაი ანტონიჩს ეუბნება, რასაც
მასზე ლაპარაკობენ. ამბავს მიუტანს და მერე მე მიამბობს. მე ყუ-
რებში თითებს ვიცი, ის მაინც მიამბობსო“. ამას მე სიტყვასიტ-
ყვით გადმოგცემთ.

— ჰმ, საინტერესოა,—სწრაფად თქვა კორაბლიოემა.—მერე
ვალკა რაღასა სდუმდა? ის მგონი შენი ამხანაგია!

— ივან პავლიჩი, რომაშკა მასზე გავლენას ახდენდა. ღამე მძინა-
რეს უცქეროდა, ვალკა კი ამას ვერ იტანს. მერე ის უბრალოდ
კი არ უამბობდა, პატიოსან სიტყვას ჩამოართმევდა ხოლმე, რა

საკვირველია, ვალკა სულელია, რომ პარტიოსან სიტყვას აძლევდა, მაგრამ რაკი სიტყვას აძლევდა, უნდა შეენახა კიდევ. ხომ სწორია?

კორაბლიოვი ადგა. გაიარ-გამოიარა, სავარცხელი ამოიღო და უღვაშების ვარცხნა დაიწყო. მერე წარბები გადაივარცხნა, შემდეგ ისევ უღვაშები. ის ფიქრობდა. ჩემ გულს კი დაგა-ღუგი გაჭკონდა, მაგრამ მე ხმას აღარ ვიღებდი: დაე, იფიქროს! სუნთქვაც კი შეეანელე: მეშინოდა ხელი არ შემეშალა.

— რა გაეწყობა, სანია, შენ ხომ გაიძვერობა არ შეგიძლია, — მითხრა ბოლოს კორაბლიოვმა, — როგორც მე მიაბე ახლა ყველაფერი ასევე უამბე პედსაბქოს. მაგრამ ერთი პირობით.

— რა პირობით, ივან პავლიჩ?

— არ აღელდე, მაგალითად ახლა შენ თქვი, რომ ნიკოლაი ანტონიჩს კატიას გულისთვის უნდა შენი გარიცხვა, ამის თქმა საჭირო არ არის საბჭოზე.

— ივან პავლიჩ! ნუთუ მე არ მესმის?

— შენ გესმის, მაგრამ მეტი სმეტად ლელავ... იცი რა, სანია, — შოდი შევთანხმდეთ. მე ხელს აი ასე დავდებ მაგიდაზე, შენ კი ილაპარაკე და თან ჩემ ხელს უცქირე. თუ მე მაგიდაზე ხელის დარტყმას დავიწყებ — ეს იმის ნიშანი იქნება, რომ შენ ლელავ. თუ არა და — არა.

— კეთილი, ივან პავლიჩ. გმადლობთ. სხდომა როდის არის?

— დღეს, სამზე. მაგრამ შენ უკურო გვიან გამოგიძახებენ. — მან მთხოვა, ვალკა გამეგზავნა მასთან, და ჩვენ დაეშორდით.

თავი მეჩვიდმეტი

ვალკა

ვცდილობდი, ძალიან არ მეღელევა. ყოველ შემთხვევისათვის ჩემი ბარგი ჩავალაგე, რომ, თუ გამრიცხავდნენ, მაშინვე წავსულიყავი. შემდეგ კედლის გაზეთი წავიკითხე — ჩემ შესახებ სიტყვა არ იყო, ჩანს, ეს საკითხი ბიუროზე არა მდგარა. ან არდადევებზე არც ერთი კრება არ მოუწვევიათ.

ეს ყველაზე საშინელი იყო: გამრიცხავენ არა მარტო სკოლიდან — კომკავშირიდანაც. მართლაც! რა იციან ბავშვებმა ამ ამბის შესახებ? რომ მე საწოლ ოთახში შევევარდი, რომაშკას ვცემე და არაუვისთვის სიტყვა არ მითქვამს, ენსკში წავედი? რა თქმა უნდა,

ჩემ თავს, როგორც კომკავშირელს, ჩირქი მოვცხე. მე მოვალე ვიყავი განმარტება მიმეცა ჩემი მოქმედების შესახებ. მაგრამ გვიანლა!

მთელი დღე სულ ამაზე ვფიქრობდი და ვწუხდი. კომკავშირის უჯრედის ოთახი დაკეტილი იყო, ბიუროს წევრთაგან კი შინ მხოლოდ ნინკა შენემანი დამხვდა. მე ის არ მიყვარდა და მასთან ასეთ საქმეზე ლაპარაკი არ მინდოდა. ჩემის აზრით, ის ჩერჩეტი იყო.

მე ვალკას ვუცდიდი, მაგრამ დრო გადიოდა და ის კი არსადა ჩანდა, რა თქმა უნდა, ზოობალში იყო! მე მკვახე კილოთი დაწერილი ბარათი დაეუტოვე—იმ შემთხვევისთვის, თუ გზაზე ავცდებოდი, და პრესნიაზე წავედი.

ამჯერად ვალკა მაშინვე ვერ ვიპოვე.

— ეუკოვი პროფესორთან არის—მითხრა თხუთმეტოდე წლის ბიჭმა, რომელიც ოდნავა ჰგავდა ვალკას ისეთივე კეთილი და ოდნავ შეშლილის სახით.

— პროფესორი სადლაა?

— შემოვლაზეა.

ხელმეორედ შევეკითხე.

— ბალშია შემოვლაზე.

აქამდე ისე მეგონა, რომ პროფესორები მხოლოდ საავადმყოფოებში დადიან შემოვლაზე, მაგრამ ბიჭუნამ მოთმინებით ამიხსნა, რომ არა მარტო საავადმყოფოში, არამედ ზოოპარკშიაც დადიან, და რომ ამ შემთხვევაში პროფესორმა ავადმყოფებს კი არ უნდა შემოუაროს, არამედ მხეცებს.

— თუმცა ხდება, რომ მხეცებიც ავადმყოფობენ, — დაუმატა დაფიქრების შემდეგ, — ოღონდ, რა თქმა უნდა, უფრო იშვიათად.

ეს ცნობილი პროფესორი რ... იყო, რომლის შესახებაც ლაპარაკით ვალკამ ყურები გამომიჭედა. მაშინვე მივხვდი, რომ სწორედ ის იყო და მივხვდი ისევ იმიტომ, რომ ისიც ვალკასა ჰგავდა, მხოლოდ მოხუც ვალკას: დიდცხვირა, დიდრონი სათვალით, გრძელ ქურქში, კრაველის წოწოლა ქუდით.

პროფესორი მაიმუნების შენობასთან იდგა და მის გარშემო საკმაოდ ბევრი ხალხი ირეოდა. პალტოს ზემოდან ყველას თეთრი ხალათები ეცვათ. მთელი ეს ხალხი თითქოს მისკენ მიიწევდა; თითქოს ყველას სურდა, რაიმე ეამბნა მისთვის. მაგრამ ის მხოლოდ ვალკას უსმენდა, სწორედ ვალკას და ქუდიდან დანაოქებული ყურიც კი გამოეწია.

შორიასლოს გაეჩერდი. ეტყობოდა, როგორ დელავდა ვალკა, თვალებს ახამხამებდა. „ყოჩაღ“, — გაეფიქრე, მე თვითონ არ ვიცი რატომ.

ის კარგა დიდხანს ლაპარაკობდა, პროფესორი კი სულ უსმენდა, ბოლოს იმანაც თვალების ხამხამი და ცხვირის სრუნტვა დაიწყო. ერთხელ პირიც დააღო, ეტყობა რალაც უნდა ეთქვა, მაგრამ ვალკამ უნერგიულად და გაჯავრებით მიიწია მისკენ და პროფესორმა შორჩილებით პირი მოკუმა.

ძლივს გაათავა ვალკამ, პროფესორმა ყური ქუდის ქვეშ შემალა და ჩაფიქრდა. უეცრად, რალაც გაკვირვებით ვალკას მხიარულად მხარზე ხელი დაჰკრა და ნამდვილი ცხენივით შეიჭახვინა. ყველანი ზმამალალი ლაპარაკით ადგილიდან დაიძრნენ. ვალკა კი ილიოტუჩი აღფრთოვანებული გამომეტყველებით გაშეშდა. დრო ვიხელთე და დაეუძახე:

— ვალკა.

— ოჰ, შენა ხარ!

არასოდეს არ მენახა ასეთი აღელვებული, ცრემლებიც კი ადგათვალეებზე. დაბნეულად ილიმებოდა.

— რა მოგივიდა?

— როგორ?

— ტირი?

— რასა ტყუი? — მიპასუხა ვალკამ.

თვალები მუშტით მოიწმინდა და სიხარულით ღრმად ამოისუნთქა.

— ვალკა, რა მოხდა?

— ისეთი არაფერი. უკანასკნელ დროს გველებზე ვმუშაობდი და ერთი საინტერესო რაიმეს დამტკიცება შევძელი.

— რისი?

— რომ ჭრელ გველებში ასაკის მიხედვით სისხლის შეცვლა ხდება.

გაკვირვებით შევხედე: ჭრელ გველებს ასაკის მიხედვით სისხლი ეცვლებათ და ამის გამო შენ სიხარულით იტყვი? ვერ წარმომედგინა ამისთანა რამით ასეთი აღტაცება.

— მომილოცნია, — ეუთხარი, მე, — მოსალაპარაკებელი მაქვს შენთან. როგორა ხარ? შეგიძლია მომისმინო?

— შემიძლია.

ჩვენ თავგებთან წავედით.

— იცი, რომ ჩემი გარიცხვა უნდათ სკოლიდან?
ეტყობა, ვალკამ იცოდა ეს, მაგრამ სრულიად დავიწყებოდა!
ჯერ ფართოდ გაალო თვალები, შემდეგ შუბლში ხელი შემოიკრა და
თქვა:

— ჰო, ჰო! ვიცი.

— ბიუროზე იმსჯელეს?

ოღნავ ჩახრინწული ხმა მქონდა. ვალკამ თავი დამიქნია.

— გადაწყვიტეს, შენთვის დაეცადათ.

გულზე მომეშვა.

— შეიტანე რომაშკას შესახებ უჯრედში?

ვალკამ თვალი ამარიდა.

— იცი რა, — წაილულულა მან, — უჯრედში კი არ შემიტანია,
ისე ვუთხარი, რომ, თუ კიდევ ჩამაცივდები, მაშინ შევიტან-მეთქი-
მიტხრა, აღარ ვიზამო.

— მაშ ასე! შენთვის სულ ერთია, რომ მე სკოლიდან მრიცხავენ.

— რათა? — შეძრწუნებულმა იკითხა ვალკამ.

— იმიტომ, რომ მხოლოდ შენ ერთს შეგეძლო დაგედასტურე-
ბინა, რომ რომაშკას მე მარტო პირადი მიზეზების გამო არა ვცე-
მე. შენ კი მხდალი ხარ და შენი სიმხდალე სისახიზღრემდე მი-
დის. შენ უბრალოდ გეშინია გამომექომაგო.

გულქვაობა იყო ასეთი სიტყვების თქმა ვალიასათვის. მაგ-
რამ საშინლად ვიყავი მასზე გაბრაზებული. ჩემი აზრით, რომაშ-
კა საზოგადოებრივად მავნე ტიპი იყო, რომელთანაც საჭირო-
იყო პრძოლა.

— დღეს შევიტან, — ჩამწყდარი ხმით თქვა ვალკამ.

— კეთილი, — ვუთხარი მკვახედ. — მხოლოდ იცოდე, რომ მე არ
გეხვეწები ამას. მე მხოლოდ როგორც კომკავშირელის, შენ მოვა-
ლეობად მიმაჩნია ეს. ახლა კი ყური მიგდე: კორაბლიოვმა გთხოვა,
მასთან შეიარო.

— როდის?

— ახლავე.

ხვეწნა დამიწყო, თხუთმეტი წუთი მაინც მაცალეო, რომ რალა-
ლაქებიანი გომბეშოსათვის ექმია, მაგრამ მე ყური არ ვათხოვე.
პალტო ჩავაცვი და კორაბლიოვთან წავეყვანე...

ნახევარი საათის შემდეგ ძალიან გაჯავრებული დაბრუნდა,
დიდხანს ქმინავდა და თან ცხვირს იზელავდა, თურმე კორაბ-
ლიოვს უკითხავს, მართლა ვერ იტან ღამე რომ გიყურებენო? ამინ-
განაცვიფრა.

— არ მესმის, საიდან გაიგო! შენ უთხარი არა, მხეცო?

— არა, მე არ მითქვამს,—ვიცრუე.

— რაც მთავარია, შეკითხება: „თუ სიყვარულით გიყურებენო?“.

— მერე?

— მე ვუთხარი, „მაშინ არ ვიცი-მეთქი“...

ექვსის ნახევარზე დარაჯი მოვიდა.

— გრიგორიევი, პელსაბქოზე გთხოვენ.—ზრდილობიანად მითხარა მან.

თავი მეთვრამედი

უკან დასახევე ბზებს ალარ ვიტომევი

ეს ჩვეულებრივი სხდომა იყო ჩვენს ჰატარა სამასწავლებლოში, ლუჯ ფოჩებჩაძოგლეჯილ მაუდის სუფრაგადაფარებულ მაგიდასთან. მაგრამ მე მომეჩვენა, რომ ყველა რალაც იდუმალი და საქმიანი გამომეტყველებით შემომცქეროდა. სერაფიმას ბოტები ეცვა და ესეც კი თითქოს რალაც გამოცანად მეჩვენა. რომ შევედი, კორაბლიოვი იცინოდა. გავიფიქრე, „განგებ“ იცინის-მეთქი.

— აბა, გრიგორიევი, — ლმობიერად დაიწყო ნიკოლაი ანტონიჩმა, — რა თქმა უნდა იცი, რად გამოგიძახეს ამ სხდომაზე. შენ უსიაძონება მოგვაყენე ჩვენ და არა მარტო ჩვენ, არამედ, შეიძლება ითქვას, მთელ სკოლასაც. უსიაძონება მოგვაყენე შენი ველური, უღირსი მოქმედებითა, შეუფერებელი საქციელით ადამიანური საზოგადოებისათვის, რომელშიც ჩვენ ვცხოვრობთ და რომლის განვითარებასაც უნდა შევეუწყოთ ხელი ჩვენი ძალისა და შესაძლებლობის მიხედვით.

— გთხოვთ შემეკითხოთ, — ვუთხარი მე.

— ნიკოლაი ანტონიჩ, ნება მიბოძეთ, — ფიცხლად ჩაერია კორაბლიოვი. — გრიგორიევი, აბა გვიამბე, სად გაატარე ეს ცხრა დღე სკოლიდან გაქცევის შემდეგ.

— მე არ გავქცეულვარ, ენსკში წავედი, — ვუპასუხე მშვიდად. — იქ ჩემი და ცხოვრობს, რომელიც თითქმის რვა წელიწადია არ მენახა. ეს შეუძლია დაადასტუროს მოსამართლე სკოვოროდნიკოვმა, ვისთანაც ვიყავი ბინად, გოგოლის ქუჩაზე ცამეტ ნომერში. მარკუზეს ყოფილ სახლში.

მე რომ პირდაპირ მეთქვა — ეს ცხრა დღე კატია ტატარინოვა-

სთან ერთად გავატარე, რომელიც ენსკში იმიტომ გაგზავნეს, რომ ჩვენ არღადეგებზე მაინც არ შევხვედროდით-მეთქი ერთმანეთს, მაშინაც კი არ მოახდენდა ჩემი სიტყვები ამაზე მეტ შთაბეჭდილებას ნიკოლაი ანტონიჩზე! იგი გაფითრდა, თვალები აახამხამა და თავი მორჩილად გვერდზე დახარა.

— მერე, რატომ არავის შეატყობინე შენი წასვლის შესახებ? — მკითხა კორაბლიოვმა.

მე ვუპასუხე, თავს დამნაშავედ ვთვლი დისციპლინის დარღვევისათვის და პირობას ვიძლევი, რომ ასეთი რამ აღარ გამეორდება-მეთქი.

— მშვენიერი, გრიგორიევი, — მითხრა ნიკოლაი ანტონიჩმა. — აი ეგ მშვენიერი პასუხია. ის დაგვრჩენია ვისურვოთ, რომ ასევე დამაკმაყოფილებლად ახსნა სხვა შენი მოქმედებანიც.

იგი აღერსიანად მიყურებდა. საოცრად იცოდა თავის დაქერა-

— ხლა გვიამბე, რა მოხდა შენ და ივან ვიტალიევიჩის შორის.

აქამდის ვერ გამიგია, რატომ მოხდა, რომ ჩემი და ლიხოს განწყობილების შესახებ ლაპარაკის დროს ერთხელაც არ წამომცდენია „იდეალიზმი“. ალბათ რაკი ლიხომ მომხსნა ეს ბრალდება, იმის შესახებ ლაპარაკი საჭიროდ აღარ ჩავთვალე. ეს საშინელი შეცდომა იყო, გარდა ამისა საჭირო არ იყო იმის თქმა, რომ თხზულებებს „კრიტიკოსების“ გარეშე ვწერ. ეს არავის არ მოეწონა. კორაბლიოვმა შუბლი შეიკრა და ხელი მაგიდაზე დადო.

— მაშ, როგორც ჩანს შენ კრიტიკა არ გიყვარს, — უწყინარად მკითხა ნიკოლაი ანტონიჩმა. — რა უთხარი ივან ვიტალიევიჩს? სიტყვა-სიტყვით გაიმეორე.

მთელ პედაგოგიური საბჭოს წინაშე გამემეორებინა ის, რაც მე ლიხოს ვუთხარი! ეს შეუძლებელი იყო! ლიხო რომ ისეთი რეგენი არა ყოფილიყო, თვითონვე ამაშორებდა ამ კითხვას. მაგრამ ის მხოლოდ მე მიყურებდა გამარჯვებული სახით და მეტი არაფერი.

— აბა! — წარმოთქვა ნიკოლაი ანტონიჩმა.

— ნიკოლაი ანტონიჩ, ნება მიბოძეთ, — მიმართა მას კორაბლიოვმა. — ჩვენ უკვე ვიცით, რა უთხრა მან ივან ვიტალიევიჩს. სასურველი იყო გაგვეგო, რითა ხსნის გრიგორიევი თავის მოქმედებას.

— ბოდიში, ბოდიში, — თქვა ლიხომ. — მე მოვითხოვ რომ გაიმეოროს! დოსტოვესკის სკოლის დეფექტური მოწაფეებისაგანაც კი არა მსმენია ასეთი რამ.

მე ვღუმიღი. რომ შემძლებოდა სხვისი ფიქრების წაკითხვა, აღ-

ბათ კორაბლიოვის თვალებში ამოვიკითხავდი: „სანია, თქვი რომ „იდეალიზმზე“ გაჯავრდი, მაგრამ მე ეს არ შემეძლო.

— აბა!—დამცინავი კილოთი გაიმეორა ნიკოლაი ანტონიჩმა.

— არ მახსოვს,—წავიბუტბუტე მე.

ეს სისულელე იყო, რადგანაც ყველასათვის ნათელი გახდა, რომ მე ვიცრუე, ლიხომ წაიფრუტუნა.

— დღეს გამლანძლა ცუდი ნიშნისათვის, ხვალ კი ყელს გამომკრის,—თქვა მან. —ოჰ, რა ხულიგნობაა!

მე კელავ, როგორც მაშინ კიბეზე, მომინდა ერთი წიხლი ჩამეზილა მისთვის, მაგრამ, რასაკვირველია, თავი შევიკავე, პირი მაგრად მოვკუძე, ვდუმდი და კორაბლიოვის ხელს შევეცქეროდი. ხელი ასწია, ოღნავ დაჰკრა რამდენჯერმე მაგიდას და ისევ თავის ძველ ადგილზე დადო.

— რასაკვირველია, თხზულება ცუდია,—ეთქვი და თანა ვცდილობდი თავი შემეკავებინა. თან მძულვარებით ვფიქრობდი, როგორ გამოვსულიყავი ამ სულელური მდგომარეობიდან.

— შეიძლება „ძლიერ სუსტზე“ არ იყოს დაწერილი, რადგანაც ასეთი ნიშანი საერთოდ არ არსებობს, მაგრამ მე ვგრძნობ, რომ თხზულება მაინცდამაინც ვერაფერი შეილია. მოკლედ, თუ საბჭო დაადგენს, ბოდის მს მოვიხდი.

როგორც ჩანს, ესეც სისულელე იყო, ყველანი ისე ახმაურდნენ, თითქოს კაცმა არ იცის, რა ეთქვი, და კორაბლიოვმა აშკარა უკმაყოფილებით შემომბნდა.

— ჰო, გრიგორიევი, — არაბუნებრივი ღიმილით მომმართა ნიკოლაი ანტონიჩმა, — მაშ შენ მზადა ხარ ბოდიში მოიხადო ივან ვიტალიევიჩის წინაშე მხოლოდ იმ შემთხვევაში, თუ ამას საბჭო დაადგენს. სხვა სიტყვებით რომ ვთქვათ, შენ დამნაშავედ არა სთვლი თავს. რას იზამ! მივიღებთ ცნობად და სხვა საკითხზე გადავალთ.

„... შენი მომავალი საფოთხეში ჩააგდო სულელური თავმოყვარეობის გულისათვის,“ — მომაგონდა ეს სიტყვები.

— ბოდიშს ვიხდი. — მივუბრუნდი ლიხოს და უხერხულად ვუთხარი.

მაგრამ ნიკოლაი ანტონიჩმა უკვე დაიწყო ლაპარაკი, ლიხომაც თავი ისე დაიჭირა, ვითომ არც გაუგონია.

— მითხარი, გრიგორიევი, აი შენ გალახე როპაშოვი, სახეში ფეხი ჩასცხე და ისე მძიმედ დაასახიჩრე იგი, რომ შენი ამხანაგის რომაშოვის ჯანმრთელობა შერყეულია, რითი ხსნი ასეთ, ჩვენი სკოლის კედლებში არგაგონილ მოქმედებას?

მგონი ყველაზე ძალიან ის მძულდა ამ წუთში, თავისი ბრტყელ-ბრტყელი ლაპარაკისათვის. მაგრამ კორაბლიოვის ხელი მეტყველად აიწია მაგიდის ზემოთ და მე აღელვებამ გადამიარა.

— ჯერ ერთი, მე რომაშოვს არა ვთვლი ჩემ ამხანაგად, ასეთი ამხანაგი ჩემთვის თავის მოჭრა იქნებოდა! — მეორეც, მე წას მხოლოდ ერთხელ გავარტყი, და მესამეც, რაღაც არ ეტყობა, რომ ჯანმრთელობა შერყეოდეს!

ყველა გულისწყრომით ახმაურდა, მაგრამ კორაბლიოვმა ოდნავ შესამჩნევად დამიქნია თავი.

— ჩემი მოქმედება შეიძლება აიხსნას ასე, — განევაგრძობდი სულ უფრო დამშვიდებულად. — მე რომაშოვს უსინდისო აღამიანად ვთვლი და, როდესაც გნებათ, მაშინ შემიძლია ამის დამტკიცება. მე კი არ უნდა მეცემნა, საზოგადოებრივი სასამართლო უნდა გამემართა და მთელი სკოლა მომეწვია.

ნიკოლაი ანტონიჩს უნდოდა შევეჩერებინე, მაგრამ მე ყური არ ვათხოვე.

— რომაშოვი — ეს ტიპიური ნეკმანია, რომელიც მხოლოდ ფულზე ლაპარაკობს და მხოლოდ ერთს ფიქრობს — როგორ გამდიდრდეს! ვისგან შეიძლება ვახშით ფულის შოვნა? რომაშოვისაგან! ვისგან შოულობენ გოგოები პუდრსა და პომადას? რომაშოვისაგან. ერთ კოლოფ პუდრს იყიდის და მერე თითო მწიკვსა ჰყიდის. ის საზოგადოებრივად შენე ტიპია, მთელ სკოლას აფუქებს.

შემდეგ სულ ამგვარად განევაგრძობდი, თითქოს მართლაც სასამართლოში საზოგადოებრივ ბრალმდებლად გამოვდიოდი. ზოგჯერ ჩემი სიტყვა თითქოს გაერ კულის წარმოთქმულ სიტყევებსა ჰკავდა, მაგრამ არ მეცალა ამ მსგავსებაზე მეფიქრა.

— მაგრამ ეს კიდევე ყველაფერი როდია! მე ვამტკიცებ, რომ რომაშოვი ფსიქოლოგიურად მოქმედებს უფრო სუსტ ბავშვებზე, იმ მიზნით, რომ ხელში ჩაიგდოს ისინი. თუ მაგალითია საჭირო — ინებეთ ვაღია ეუკოვი. რომაშოვმა ისარგებლა იმით, რომ ვაღია ნერვიულია და ყოველგვარი სისულელით დააშინა. რას უშვრება ვაღიას? ჯერ პატიოსან სიტყვას ჩამოართმევს და მერე უამბობს თავის საზიზღარ საიდუმლოებებს. პირდაპირ განცვიფრებული ვიყავი, როდესაც ეს გავიგე. კომკავშირელი, რომელიც პატიოსან სიტყვას იძლევა და მერე რაზე? რომ არავის არ უამბობს. — რას? რაც ჯერ თვითონაც არ მოუსმენია! რა ეწოდება ამას? მაგრამ ეს კიდევე ყველაფერი როდია.

კორაბლიოვი უკვე დიდი ხანია, ხელის გულს მაგიდას არტყამდა. მაგრამ მე აღარა ვფიქრობდი — ვლელავდი თუ არა. მე ისე მეგონა, რომ ოდნავადაც არა ვლელავდი.

— ეს კიდეც ყველაფერი როდია! მე თქვენ გეკითხებით, — ვთქვი მე ხმამაღლა და ნიკოლაი ანტონიჩს მიუბრუნდი. — შეიძლება ჩვენ სკოლაში ეარსება ასეთ რომაშოვს, მას რომ მთარველები არა ჰყოლოდა? არა. და ასეთი მთარველები ჰყავს მას! ჩემთვის, ყოველ შემთხვევაში, ერთი მათგანია ცნობილი — ნიკოლაი ანტონიჩი!

ეს კარგად იყო ნათქვამი! მე თვითონ არ მოველოდი, ასე გაბედულად თუ ვიტყოდი. ყველა გაიტვრინა, მთელი პედაგოგიური საბჭო, და ელოდნენ, რა მ-ხდებოდა. ნიკოლაი ანტონიჩს გაეცინა და გაფითრდა. თუმცა ის ყოველთვის ფიორდებოდა სიცილის დროს.

— როგორ დაგიმტკიცოთ ეს? ძალიან უბრალოდ, ნიკოლაი ანტონიჩს ყოველთვის აინტერესებდა — რას ლაპარაკობენ მის შესახებ ჩვენ სკოლაში. არ ვიცი. რისთვისა სჭირდება ეს. ფაქტია, რომ ამ მიზნისათვის მან რომაშოვი დაიქირავა. მე ვამბობ, სწორედ დაიქირავა იმიტომ, რომ რომაშოვი უფასოდ არაფერს აკეთებს. დაიქირავა და რომაშოვმა დაიწყო ჩუმად ყურის მიგდება და ამბის მიტანა. მე რე ის ეუკოვს პატიოსან სიტყვას ართმევდა და უამბობდა თავის ამბიტანიაობის შესახებ. თქვენ შეგიძლიათ მკითხოთ — მე რე შენ რაღასა სდუმდიო? მე ეს წასვლის წინა დღეს გავიგე და ეუკოვი მაშინ დამპირდა, რომ უჯრედში შეიტანდა განცხადებას, მაგრამ მან ეს მხოლოდ დღეს გააკეთა.

მე გავჩუმდი. კორაბლიოვმა მაგიდიდან ხელი აიღო და ცნობის-მოყვარეობით ნიკოლაი ანტონიჩისკენ მიბრუნდა, თუმც უნდა ითქვას, რომ მხოლოდ ერთადერთს მას ეჭირა თავი ასე თავისუფლად. სხვა პედაგოგები რაღაც უხერხულობასა გრძნობდნენ.

— გრიგორიევი, გაათავე შენი ახსნა-განმარტებანი? — თავშეკავებით მკითხა ნიკოლაი ანტონიჩმა, თიქოს არაფერი მომხდარაო.

— დიახ, გავათავე.

— იქნება შეკითხვები აქვს ვინმეს?

— ნიკოლაი ანტონიჩ, — თავაზიანად მიმართა კორაბლიოვმა, — ჩემი აზრით, შეგიძლია გავუშვათ გრიგორიევი. იქნება ახლა ეუკოვი ან რომაშოვი გამოვიძახოთ?

ნიკოლაი ანტონიჩმა ეილეთის ზედა ღილი შეიხსნა და გულზე ხელი დაიდო. იგი კიდევ უფრო მეტად გაფითრდა, კეფაზე გადავარცხნილი თხელი თმის ჯალჯი კეფიდან უეცრად შუბლზე ჩამოეშალა. სავარძლის ზორგს მიეყრდნო და თვალები დახუჭა. კვილანი მას მისცვივდნენ. ასე დამთავრდა სხდომა.

თავი მაცხრამებთ

ძველი მებრძობარი

სკოლაში მხოლოდ ჩემს სიტყვაზე ლაპარაკობდნენ, რომელიც მე პედაგოგიურ საბჭოზე წარმოვთქვი, და ამან ძალიან გამართო. მეტიმეტი იქნებოდა მეთქვა, რომ გმირად მიმაჩნდა თავი, მაგრამ მაინც მეზობელი კლასის გოგონები ჩემ სანახავად მოდიოდნენ და საკმაოდ ხმამაღლა მსჯელობდნენ ჩემს გარეგნობაზე. ჩემს სიცოცხლეში პირველად მეპატია პატარა ტანი. ისიც კი აღმოჩნდა, რომ მე ჩარლი ჩაპლინს ჩამოვგავდი. ტანია ველიჩკო, რომელსაც სკოლაში დიდ პატივსაც სცემდნენ, ჩემთან მოვიდა და მითხრა, რომ არდადეგებზე სისტემატურად შენ წინააღმდეგ გამოვდიოდდი, ახლა კი ჩემი აზრით, ძალიან სწორედ მოიქეცი, რომ რომაშკას სახეში გაართყიო.

— მაგრამ შენ ჯერ უნდა დავემტკიცებინა, რომ ის საზოგადოებრივად მავნე ტიპია,— მითხრა მან გონიერულად.

ერთი სიტყვით, გაპიკვირდა და მეწყინა, როცა სწორედ სახელის მოხუჯის დროს კომკავშირის უჯრედმა სასტიკი საყვედური გამომიტანა გაფრთხილებით. პედაგოგიური საბჭო აღარ შეკრებულა ნიკოლაი ანტონიჩის ავადმყოფობის გამო, მაგრამ კორაბლიოვმა მითხრა, შესაძლებელია სხვა სკოლაში გადაგიყვანონო.

ეს მაინცადამაინც გასახარელი არ იყო და, რაც მთავარია, ასე თუ ისე არც სამართლიანი! უჯრედის დადგენილებას ვეთანხმებოდი. მაგრამ სხვა სკოლაში გადამიყვანონ!? რატომ? იმიტომ, რომ რომაშკას უსინდისობა დაეამტკიცე? იმიტომ რომ მე ვამხილე ნიკოლაი ანტონიჩი, რომელიც მას მფარველობდა? ასეთ ნაღვლიან გუნებაზე სამკითხველოში ვიჯექი, რომ კარებში ვილაცამ ხმადაბლა იკითხა:

— რომელი?

და კარიბჭეზე აყლიყუდა, თმაწითელი ქოჩორა ბიჭი დაეინახე, რომელიც გაკვირვებული მიყურებდა.

წითელთმიანებს საერთოდ უყვართ დიდი ქოჩორი, მაგრამ ან ბიქს თმა ისე ჰქონდა გაბურძენილი, როგორც გეოგრაფიის სახელმძღვანელოში პირველყოფილ ადამიანს. საინტერესოა: რომ ჯერ სწორედ ეს გავიფიქრე და მხოლოდ მერე მივხვდი, რომ ეს პეტკა—პეტკა სკოვოროდნიკოვის ბრწყინვალეობა დგას ჩვენი ბიბლიოთეკის ზღურბლზე და გაკვირვებული მიყურებს. მე წამოვხტი, მისკენ გავექანე და სიჩქარით სკამები წავეკციე.

— პეტია!

ერთმანეთს ხელი ჩამოვართვით, მერე დავფიქრდით და გადავხვიეთ.

— პეტია, როგორა ხარ? ცოცხალი ხარ, ჯანმრთელად? არა, როგორ მოხდა, რომ ერთხელაც არ შევხვდით ერთმანეთს!

— ეგ შენი ბრალია, სულელო!— მიპასუხა პეტკამ.— სად არ გეძებდი, შენ კი თურმე სად შეგიფარებია თავი.

ძალიან ჰგავდა თავის სურათს, რომელიც სანიასთან ვნახე, ოღონდ სურათში თმა დაეარცხნილი ჰქონდა, როგორ მიხატოდა: ოღნაეადაც არა ვგრძნობდი უბერხელობას,— თითქოს ღვიძლ ძმას შევხვედროდე.

— პეტკა! ეშმაკმა დალახეროს, კარგია, რომ მოხვედი! შენთან წერილები გამომატანეს! აჰა, დაიჭი!

წერილები გადავეცი.

— როგორ მიპოვე? ენსკიდან მოგწერეს?

— ჰო! მეორე დღეა გელი. ვფიქრობ, არ მოდის-მეთქი, უსინდისო. მოხუცები როგორ არიან?

— მოხუცები აღჩუზე არიან,— ეუპასუხე მე.

მას გაეცინა.

— მე მეგონა თურქესტანში იყავი. რა ჰქენი? ვერა და ვერა მიაღწიე?

— შენა?

— მე ვიყავი,— მითხრა პეტკამ.— მაგრამ არ მომეწონა. ცხელა-ერთთავად წყურვილი გკლავს. ციხეში ჩამსვეს, აქაურობა მომენატრა და დავბრუნდი. შენ იქ სული ამოგძვრებოდა.

საწოლ ოთახში გავიყვანე, მაგრამ ბავშვები შემოგვეხვიენენ. შიგ. პირში დაგვიწყეს ყურება,— და უეცრად აღმოჩნდა, რომ ჩვენს სკოლაში თურმე კუთხეს ვერ იპოვი, რომ ვისმეს დაელაპარაკო.

— მოდი ქუჩაში გავიაროთ,— მითხრა პეტკამ,— ამინდი კარგია, შინ რა გავაკეთოთ? ან თუ გინდა ჩემთან წავიდეთ?

— მარტო ცხოვრობ?
თითებით მაჩვენა: ორნიო.

— ცოლი შეირთე?
მან მუშტი მომიღერა.

— ამხანაგთან ერთად.

გზაში საქმელად ენსკიდან ჩამოტანილი ნამცხვრის თითო ვე-
ებერთელა ნაჭერი ავიღეთ და პირგამოტენილები ლაპარაკით კიბე-
ებზე დავეშვიტ. და აი აქ ძალიან უცნაური შეხვედრა მოხდა.

პირველ სართულზე გეოგრაფიის კაბინეტთან ციყვის საყელოიან
ქურქში ჩაცმული ქალი მოაჯირთან იდგა და ძირს იყურებოდა.
ჯერ მომეჩვენა, რომ გადავარდნას აპირებდა, — თვალმდებარე-
ქული მოაჯირთან ბარბაცებდა. მაგრამ ჩვენ ალბათ შევაშინეთ
და ის გაუბედავად კარებისკენ წავიდა. მარია ვასილევნა იყო,
მაშინვე ვიცანი, თუმცა თავის თავს არა ჰგავდა. მარტო რომ ვყო-
ფილიყავი, იქნებ გამომლაპარაკებოდა კიდევ. მაგრამ პეტკა მახ-
ლდა თან და, გარდა ამისა, სწორედ ამ წუთში ნამცხვარსა ვკამ-
დი და მხოლოდ უხმოდ დამიქნია თავი ჩემს უხერხულ სალამზე და
იქით მიბრუნდა.

მას შემდეგ, რაც მე უკანასკნელად ვნახე, გამხდარიყო. სახეც
გაქვავებული და მოღუშული ჰქონდა. ამ ფიქრებით ქუჩაში გამო-
ვედით და სასაიროდ გაეწიეთ. კვლავ ორნი, კვლავ ზამთარში,
კვლავ მოსკოვში, დიდი ხნის განშორების შემდეგ.

საოცარია, როგორა ჰგავდა პეტკას თავგადასავალი ჩემსას!
დაღონებული ეუსმენდი და თითქოს ჯერ ისევ ბავშვობაში წაი-
თხული და სიმწარითა და მღელვარებით განცდილი წიგნი მაგონ-
დებოდა, მაგრამ საოცარია! მომეჩვენა, რომ მაშინ ჩვენ უფრო გამოც-
დილები და უფრო დიდები ვიყავით... პატარა მოხუცებივით.

ტაშკენტში პეტკამ სახელი გაითქვა, როგორც იხვევის მუსრის
გამვლებმა, რა თქმა უნდა, გარეული იხვევისა კი არა, შინაურის.
იხვებს ნაპირზე გამორეკავდა, მერე თავებს გადაუგრებდა და სა-
ბავშვო სახლის ეზოში ცეცხლზე სწვავდა. ამისთვის ბოლოს და
ბოლოს ციხეში ჩასვეს, სადაც სამუდამოდ შეიძულა გარგარი. ცი-
ხეში საუბმეზე, სადილად და ვახშმადაც გარგარის ჩენჩოს აკმეე-
დნენ. შემდეგ ციხიდან გამოუშვეს. მოსკოვში დაბრუნდა და ყა-
ზანის სადგურზე ალყაში მოჰყვა. სკოლაში ჩემზე ერთი წლით გვიან
შევიდა და მხოლოდ შარშან დამეწია, ერთი კლასით გადახტა.

— გახსოვს: „ფე! ფე! იაკ სმიემ ტაკ რობიტ!“

— მახსოვს. ეს თუ გახსოვს: „ვინც ამ პარტიოსან სიტყვას უღალატებს, პარტიებას ნულარ ელის, ვიდრე არ დასთვლის რამდენი ხეა ტყეში, რამდენი ვარსკვლავი ჩამოვარდება ციდან...“

მე ბოლომდის ვთქვი ფიცი.

— რა კარგია! — სიამოვნებით თქვა პეტამ. — კარგი ფიცია — „იბრძოლე და ეძიე! ჰპოვე და უკან არ დაიხიო“.

— გახსოვს, ბიძაშენს როგორ ვეძებდით? — სიტყვა გავაწყვეტინე, — მართლა, სად არის? იპოვე?

ბიძა თურმე ფრონტზე გარდაცვლილიყო პარტახტიანი ტიფით.

— ის თუ გახსოვს?..

ასე ვლაპარაკობდით მთელი გზა „გახსოვს“.. რატომღაც ძალიან ჩქარი ნაბიჯით მივდიოდით, გამალებით ბარდნიდა, ბულვარებზე ბევრი ბავშვები იყვნენ, ერთმა ახალგაზრდა გადიამ შემოგვხედა და გაეცინა.

— დაიცა, ასე რად მიექრევართ? — მკითხა პეტამ და ნაბიჯი შევანელებთ.

— პეტია, ერთი წინადადება მაქვს, — ვუთხარი მე, როდესაც სეირნობით მოვლილები კაფეში ვისხედით ტვერსკოიზე.

— თქვი!

— მე წავალ ტელეფონით დავრეკავ, შენ კი ყავა სვი და ჩუმად იყავი.

იმას გაეცინა.

— სასაცილოა. — თქვა მან. მე შევნიშნე, რომ პეტკას უყვარს თქმა „სასაცილოა“ და „სულელო!“

ტელეფონი ჩვენი მაგიდიდან შორს იყო, ზედ შემოსასვლელში, და მე განგებ ხმამაღლა ვლაპარაკობდი.

— კატია, ძალიან მინდა ერთმანეთს გავაცნოთ. მოდი, კარგი? რას აკეთებ? ჩემთვის, სხვათა შორის, აუცილებელია — მოგელაპარაკო.

— ჩემთვისაც. მოვიდოდი, მაგრამ ჩვენთან ყველანი ავად არიან. — სევდიანად ლაპარაკობდა და შეეცრად მომინდა მისი ნახვა.

— როგორ ყველანი? ეს არის ახლა ვნახე მარია ვასილევნა.

— სადა?

— კორაბლიოვთან მიდიოდა.

— ო, ო, — რაღაც უცნაურად თქვა კატამ, — არა, დიდებლად ჩემი ავად.

— რა დაემართა?

— რა ვიცი, სკამიდან გადმოვარდა, — გულმოსულმა თქვა კა-

ტიამ.— რილასთვისაც თაროზე აფოფებულა და ზღართან კი მოუდენია. ახლა გვერდი სტკივა. ხათაბალაა პირდაპირ! თან ერთი წუთით არ ისვენებს ლოჯინში... სანია, წერილები მივეცი,— შეც-რად ჩურჩულით დაუმატა კატიამ და მე ჩემდა უნებურად მილი უფრო მაგრა მივიკარ ყურზე.— ვუთხარი, რომ შენ ჩემთან ერთად იყავი ენსკში, და მერე მივეცი.

— მერე? — ჩურჩულითვე ვკითხე მე.

— საქმე ძალიან ცუდად არის, მერე გაიმბობ. ძალიან ცუდად. იგი გაჩუმდა და ტელეფონში მისი სუნთქვა გავიგონე.

ერთმანეთს გამოვეთხოვეთ და მაგიდასთან ისეთი გრძობით დავბრუნდი, თითქოს ძალიან დამნაშავე ვიყავი კატიას წინაშე. სევდა შემომამწვა და რაღაც მოუსვენრობამ მომიცვა. პეტკა თითქოს მაშინვე მიხვდა ამას.

— მოიხედე, — მითხრა განგებ, რომ სხვა საგანზე ჩამოვდო ლა-პარაკი, — მამაჩემს მოელაპარაკე საფრენოსნო სკოლის შესახებ?

— ჰო!

— მერე რაო?

— მომიწონა.

პეტკა გაჩუმდა. გრძელი ფეხები გამოეშოტა, ისე იჯდა და ჩაფიქრებული ხელს იმ ადგილებზე ივლებდა, სადაც დროთა ვი-თარებაში წვერულვაში უნდა ამოსვლოდა.

— მეც უნდა მოველაპარაკო, — შენიშნა მან ენის ბორძიკით, — ჭესმის, შარშან სამხატვრო აკადემიაში მინდოდა შესვლა.

— მერე?

— წელს კი გადაეფიქრე.

— რატომ?

— ნიკი რომ არ მეყოს?

გამეცინა. მაგრამ მას სერიოზული და საქმიანი სახე ჰქონდა.

— საერთოდ, თუ მაგაზე წავიდა საქმე, საკვირველია, რომ სამ-ხატვრო აკადემიაში შედიხარ. მე კი ყოველთვის მეგონა, რომ შენ მოგზაური ან კაპიტანი გამოხვიდოდი!

— რასაკვირველია, ეგ უფრო საინტერესოა, — გაუბედავად თქვა პეტკამ, — მაგრამ რას იზამ, თუ ნიკი მაქვს?

— მერე აჩვენე ვისმეს შენი ნ აშუშეგარი?

— ვუჩვენე... ოვს.

მან ცნობილი ნხატვარი დამისახელა.

— მერე?

— არა უშავს რაო, მითხრა.

— მაშ გათავდა და მორჩა! უნდა შეხვიდე. ეგ, ძმაო, ღორობა აქნება, რომ შენი ნიჭის პატრონი სადმე საფრენოსნო სკოლაში შეხვიდე. ხომ შეიძლება შენში მომავალი რეპინი დალუპო.

— ეე... არა ერთი, ვითომ.

— ასე რომ იყოს?

— სულელო! დამცინი,— გაჯავრებით მითხრა პეტკამ,— ეგ სერიოზული საკითხია!

ფული გადაეხადეთ, გამოვედით და მთელი საათნახევარი ტვერსკოიზე დავხეტილებდით. ვლაპარაკობდით ყველაფერზე, — ენსკიდან შანხაიში ძიფურინავდით, რომელიც მაშინ ახალი აღებული იყო სახალხო არმიის მიერ. შანხაიდან მოსკოვში, ჩემ სკოლაში. ჩემი სკოლიდან კი — პეტკას სკოლაში. — თან ვცდილობდით ერთმანეთისათვის დაგვემტკიცებინა, რომ ქვეყანაზე ტყუილად არა ვცხოვრობთ, არამედ ფილოსოფიური მიზანშეწონილობით.

კინო „არსში“ რომანოვების დამიობა მიდიოდა. ჩვენ ფოტოსურათების სანახავად შევჩერდით. ამალის ყველა ოფიცერი მეფეს ჩამოგავდა. იგი დიდ სასაცილო ავტომობილში იჯდა, რომელიც გასახდელ ჩარდახიან ეტლსა ჰგავდა, და თავაზიანად იღიმებოდა.

— დიახ, ეშმაკმა იცის, — ამოიოხრა პეტკამ, — მდგომარეობა მართლაც საშინელია!

— მოდი, მე პირდაპირ გეტყვი, გაქვს ნიჭი თუ არა.

— ბევრი კი გესმის?

— მესმის!

ჩვენ პეტკასთან წავედით.

შარშანდლამდის პეტკასაც ჩემსავით საბავშვო სახლში უცხოვრია, შერე თურმე ბედმა გაუღიმა: ერთ მუშფაკელს დაუმეგობრდა, რომელსაც „რაბოჩი მოედანზე“ ოთახი ჰქონდა, და ერთად დაიწყეს ცხოვრება. მუშფაკელი გვარად ხეიფეცი იყო. ჩვენ რომ მივედით, ხეიფეცს ეძინა.

— აი, — მითხრა პეტკამ, საწოლის ზურგზე ჩამოკიდული ლამპა მოხსნა და სურათებით დაფარულ, საკმაოდ ქუჩკიან კედელზე ერთ-ერთ სურათს მიანათა. ჯერ შეუიარაღებელი თვალთ ვუყურებდით, შემდეგ თვალები მოვკუტე და მუშტში გავხედე.

პორტრეტი იყო — მაშინვე მივხვდი ვისი: პეტკას მეგობარი ჭეიფეცისა, რომელმაც შუქის გადაადგილებით შეწუხებულმა სწო-

რედ ამ წამში გაახილა თვალები, ერთი ამოიოხრა, სახეზე ხელები მიიფარა და მაშინვე დაეძინა. შესანიშნავი პროტრეტი იყო: ჩაფიქრებული ბავშვური თვალები, სიმტიციის გამომხატველი შუბლი, გადაჭიმული შეზრდილი წარბები.

— ტუშია?

— ჰო, თითქმის წყალია!—სევდიანად მიპასუხა პეტამ.

სურათი თხელი ტუშით იყო დახატული. მაგრამ შავი და თეთრი კონტრასტების რა გრძნობით, რა ლალად!

— ჰოო,—ვთქვი მე უნებლიე პატივისცემით.—აბა, კიდევ მაჩვენე რამე!

ყველა დანარჩენ სურათებზე—ჩემი და სანია გახლდათ. სანია ნავში, სანია ქურასთან, სანია უკრაინულ ტანსაცმელში და სანია ბებიასავით თავის ყვითელი ბეწვის ტყაპუქში.

ჩემდა უნებურად მომაგონდა, როგორ შეკრთა სანია, როცა ვკითხე, პეტიას სურათი ხომ არა გაქვს-მეთქი, და როგორ მალე მომიტანა,—თითქოს კარებს უკან გავიდა და სურათი ჯიბიდან ამოიღო. რას იზამ! ფერი-ფერსა, როგორც მოსამართლე ამბობს. ტყუილად კი არ არის, რომ სანიაც სამხატვრო აკადემიაში აპირებს შესვლას.

სიპართლე უნდა ითქვას,—პეტკა არა ცდილა სანია უკეთესი დაეხატა, ვიდრე ნამდვილად იყო. მაგრამ, ეტყობა, სურდა მის სახეში მონღოლური ნაკვთებისთვის გაესვა ხაზი. თვალების ვიწრო კრილი, ფართო ლოყის ძვლები და გამოხედვა რაღაც აღმოსავლური, თათრული. შესაძლებელია ამიტომ იყო, რომ ზოგიერთ ტილოებზე ასე საოცრად ჰგავდა დედას.

ზოგიერთ სურათზე სანია უფრო ცუდად იყო დახატული, ვიდრე ხეიფეცი, მაგრამ სანია ქურასთან—საუცხოო იყო. მეტადრე ქურა: ქოთნებში პირდაპირ დუღდა ყველაფერი, ცომის თეთრი პატარა გუნდები ხტოდნენ, დუღდნენ.

— რა გითხრა, ძმაო, უტყუარია!

— რა?

— ნიქი გაქვს.

პეტკამ ამოიოხრა.

— აბა, რა არის მხატვარი!—დაიწყო მან.—გულახდილად გეტყვი, რომ ხატვა არც კი მიყვარს. წინათ მიყვარდა, ახლა კი სულაც აღარ მიყვარს.

— სულელო, ამაზე კარგი რა არის!

— რათა,—გაჯავრებით მითხრა პეტკამ.—აი, შენ გინდა მფრინავი გამოხვიდე. შენ ეგ გაინტერესებს. მე კი ხატვა არ მიზიდავს.

— ჩუმაღ, გააღვიძებ.

— დიახ, როგორ არა, გააღვიძებ,—თქვა პეტკამ და გაჯავრებით შეხედა მუშფაქელს.

-- მაგას ჰკითხე რჩევა?

— ეგ შეუბნება, ავადმყოფი ხარო.

გამეცინა.

— მართლაც ხომ იყო ასეთი შემთხვევები,—თქვა პეტკამ,—მაგალითად ჩეხოვი, ექიმიც იყო—და მწერალიც.

— მართალი ხარ. იცი, მე შენ ადგილზე რას გავაკეთებდი?

— რასა?

— მფრინავად წავიდოდი და ერთ ოც წელს ვიფრენდი. მერე დავიწყებდი ხატვას.

— გადაეჩვევი, დაგავიწყდება!

გვიანობამდე ვიჯექი პეტკასთან, მაგრამ ხეიფეც არა და არ გავიძებია. ვცადეთ გაგვეღვიძებინა, მაგრამ მას მხოლოდ ბავშვით გაეცინა ძილში და გვერდი იცვალა.

თავი მეოცე

შეიძლებოდა ყველაფერი სხვაგვარად მომხდარიყო

დიდი ხანია წავიდა ის დრო, როდესაც ათი საათის შემდეგ სახლში დაბრუნებისას გულის კანკალით უნდა აგვეელო გვერდი მრისხანე იაფეტისათვის, რომელიც უზარმაზარ ქურკში გახვეული შესავალი კარების წინ ტაბურეტზე იჯდა და ეძინა. კარგი იყო თუ ეძინა! ახლა სკოლას ვამთავრებდით და, როცა გვასურდა, მაშინ შეგვეძლო შინ დაბრუნება.

თუმცა ჯერ არც ისე გვიან იყო—თორმეტი სრულდებოდა, ბავშვები ისევე საუბრობდნენ, ვალთა საწოლზე ფეხბაკეცილი იჯდა და რაღაცას წერდა.

— სანია, ივან პავლიჩმა გთხოვა, თორმეტამდის თუ დაბრუნდება, შემოიაროსო, ახლა რომელია?

— ნახევარი.

— მაშ გასწი.

პალტო წამოვისხი და კორაბლიოვთან გავიქეცი.

ეს არაჩვეულებრივი საუბარი იყო, რომელიც სამუდამოდ ჩამრჩა ხსოვნაში და მე სრულიად დამშვიდებით უნდა გადმოგცეთ იგი. არ უნდა ვიღელვო, მეტადრე ახლა, როდესაც ამდენმა წელმა განვლო. რა თქმა უნდა, შეიძლებოდა ყველაფერი სხვაგვარად მომხდარიყო. მე რომ მიემხვდარიყავი; რა მნიშვნელობა ჰქონდა მარია ვასილევნასათვის თითოეულ ჩემ სიტყვას... მაგრამ ამ „რომ“-ს ბოლო არა აქვს, მე კი არც არაფერში ვიმართლებ თავს და არც ბრალსა ვდებ. ამგვარად, აი ის საუბარი.

მარია ვასილევნა კორაბლიოვთან დამიხვდა. მთელი საღამო იქა მჯდარიყო. მაგრამ კორაბლიოვთან კი არა, ჩემთან მოსულიყო, სწორედ ჩემთან და პირველი სიტყვისთანავე მითხრა ეს.

იგი იჯდა წელში გამართული, სახეგაქევაებული და დროდადრო ნაზი ხელით თმას ისწორებდა. მაგიდაზე ღვინო და ნამცხვარი ეწყო. კორაბლიოვი წამდაუწუმ სვამდა ღვინოს, მარია ვასილევნამ კი მხოლოდ ერთხელ მოსვა, არც გამოუცლია ჭიქა. პაპიროსს არ აქრობდა და ყველგან ფერფლი ეყარა, მის მუხლებზედაც კი. ყელზე ჩემთვის ნაცნობი ერთი პირი მარჯანი ეკეთა, რომელიც რამდენჯერმე სუსტად მოსწია, თითქოს მძივი ახრჩობდა. ეს იყო და ეს.

— შტურმანი იწერება, ამ წერილის ფოსტით გამოგზავნას ვერა ვბედავო.—თქვა მან.—და მიუხედავად ამისა, ორივე წერილი ერთ საფოსტო ჩანთაში კი აღმოჩნდა. რითი ხსნი ამას?

მე ვუპასუხე, არ ვიცი და, თუ ცოცხალია, საჭიროა ეს შტურმანსა ვკითხოთ-მეთქი.

მარია ვასილევნამ თავი გაიქნია.

— ეჰ, ცოცხალი რომ იყოს.

— შეიძლება მისმა ნათესაეებმა იციან. ამას გარდა, მარია ვასილევნა, — ვუთხარი მოულოდნელი აღფრთოვანებით, — შტურმანი ხომ ლეიტენანტი სელოვის ექსპედიციამ იპოვა. აი, ვის ეცოდინება. შტურმანმა, დარწმუნებული ვარ, მათ ყველაფერი უამბო.

— ჰო, შესაძლებელია, — მიპასუხა მარია ვასილევნამ.

— მერე ჰიდროგრაფიული სამმართველოს პაკეტი! თუ შტურმანმა წერილები ფოსტით გაგზავნა, ალბათ, ის პაკეტიც იმავე ფოსტით უნდა გაეგზავნა. უნდა გაევიგოთ.

მარია ვასილევნამ კვლავ თქვა:

— ჰო-ო.

გავჩუმდი. მარტო მე ვლაპარაკობდი, კორაბლიოვს ჯერ სიტყვაც არ დაეძრა. ვერ ვიტყვი, როგორი გამომეტყველებით უყურებდა მარია ვასილევნას. უეცრად მაგიდიდან დგებოდა და გულხელდაკრეფილი იწყებდა ოთახში ფეხაკრეფით სიარულს. ძალიან უცნაური იყო ამ საღამოს. თითქოს ფრინავს, თითქოს ფრთები ასხია, თითქოს ეს არის უღვაშები ქარზე ბუმბულივით გაეშლებაო. ეს არ მომწონდა. მე მესმოდა მისი: უხაროდა, რომ ნიკოლაი ანტონიჩი ისეთი საზიზღარი აღმოჩნდა, ამაყობდა, რომ მან იწინასწარმეტყველა ეს. ცოტათი ეშინოდა მარია ვასილევნასი და იტანჯებოდა: რადგანაც მარია ვასილევნაც იტანჯებოდა, მაგრამ უფრო მეტად მაინც სიხარულს გრძნობდა და ეს რატომღაც მეზიზღებოდა.

— ენსკი რას აკეთებდი? — უეცრად მკითხა მარია ვასილევნამ. — ნათესავეები გყავს იქ?

— დიახ, ნათესავეები მყავს, და მყავს, — ვუპასუხე მე.

— ძალიან მიყვარს ენსკი, — მიუბრუნდა მარია ვასილევნა კორაბლიოვს — მშვენიერია. რა ბალებია! რაც ენსკიდან წამოვედი, ისეთი ბალები აღარ მინახავს.

უეცრად ენსკზე დაიწყო ლაპარაკი. რატომღაც გვიამბო, რომ იქ სამი დეიდა ჰყავს რომელთაც ღმერთი არა სწამთ და ძალიან ამაყობენ ამით, და რომ ერთ მათგანს გვიდღებერგში აქვს დამთავრებული ფილოსოფიური ფაკულტეტი. მარია ვასილევნა წინათ არა ყოფილა ასეთი მოლაპარაკე. გაფითრებული, მშვენიერი, თვალებგაბრწყინებული იჯდა და პაპიროსს პაპიროსზე სწევდა.

— კატია მითხრა, რომ შენ თურმე კიდევ რაღაც წინადადებები მოგკონებია ამ წერილიდან. — განაგრძო მან და უცბად დეიდებიც დაავიწყდა და ენსკიც. — მაგრამ ვერ ვათქმევინე, რა წინადადებებია.

— დიახ, მომაგონდა.

მე მეგონა, ახლავე მთხოვდა, მეთქვა ის წინადადებები, მაგრამ ის სდუმდა, თითქოს აშინებდა მათი მოსმენა.

— აბა, სანია, — მოჩვენებითი რიხით მითხრა კორაბლიოვმა.

მე ვთქვი:

— იქ თავდებოდა: „სალაში შენი...“ სწორეა?

მარია ვასილევნამ თავი დამიქნია.

— შემდეგ კი ასე იყო: „შენი მონპოტიმო ქორ-ბრწყალა-საგან“.

— მონპოტიმო? — გაოცებით ჩამეკითხა კორაბლიოვი.

— დიახ, მონპოტიმო, — გავიმეორე მტკიცედ.

— „მონტიპომო ქორ-ბრქუალა“, — გამისწორა მარია ვასილევნამ და ამჯერად ხმა ოდნავ აუთრთოლდა. — ოდესღაც ასე ვეძახდი მას. შეიძლება ახლა ეს ოდნავ სასაცილოდ გვეჩვენოს, რომ კაპიტან ტატარინოვს იგი „მონტიპომო ქორ-ბრქუალას“ უწოდებდა. მეტადრე ჩემთვის არის სასაცილო, იმიტომ რომ მე ახლა გაცილებით უფრო მეტი ვიცი მის შესახებ, ვიდრე ვინმე სხვამ დედამიწის ზურგზე. მაგრამ მაშინ ეს ოდნავადაც არ იყო სასაცილო: რაც ხანი აქ იყო მშვიდად ლაპარაკობდა და ახლა ასე უეცრად ათრთოლებული ხმა...

სხვათა შორის თურმე ეს სახელი სულაც არა ყოფილა. გუსტავ ემარიდან, როგორც მე და კატიას გვეგონა, არამედ ჩეხოვიდან. ჩეხოვს აქვს ერთი მოთხრობა, რომელშიც ვილაც წითელთმიანი ბიჭი თავის თავს მონტიპომო ქორ-ბრქუალას უწოდებს.

— კარგით, მონტიპომო, — ვუთხარი მე. — მე კი — მონპოტიმო ნახსოვს!.. „როგორც ოდესღაც მიწოდებდი. რამდენი დრო გავიდა მას შემდეგ, ღმერთო ჩემო! თუმც მე არა ვჩივი. ჩვენ ერთმანეთს ვნახავთ და ყველაფერი კარგად იქნება. მაგრამ ერთი აზრი, ერთი აზრი მტანჯავს მე“. „ერთი აზრი“ — ორჯერ მე კი არ გამიმეორებია, წერილში იყო ასე — ორჯერ.

მარია ვასილევნამ კვლავ დამიქნია თავი.

— „მწარეა აღიარება, — განვავარძობდი გამოთქმით, — რომ ყველაფერი შეიძლებოდა სხვანაირად დატრიალებულიყო. ბედუკულმართობა გვდევდა ჩვენ და პირველი ბედუკულმართობა — შეცდომა, რის გამოც ყოველ საათსა და ყოველ წუთში ვისჯებით, — ის არის, რომ ექსპედიციის მოწყობა მე ნიკოლაის მივანდე“.

შეიძლება მე ტყუილად დავუსვი მახვილი უკანასკნელ სიტყვას, რადგან მარია ვასილევნა, რომელიც ისედაც ძალიან გაფითრებული იყო, უფრო გაფითრდა. გაფითრებული კი არა, რაღაც გადატეტკილი იჯდა ჩვენ წინ და ზედიზედ სწევდა თუთუნს. მერე რაღაც უცნაური სიტყვები თქვა, — და აი აქ იყო, რომ პირველად გავიფიქრე, შეშლილია-მეთქი. მაგრამ ამისათვის მნიშვნელობა არ მიმიცია, რადგან თითქოს კორაბლიოვიც რაღაც გიჟივით იყო ამ საღამოს. ოჰ, ის, ის კი მაინც უნდა მიმხვდარიყო, თუ რა ღლეში იყო მარია ვასილევნა! მაგრამ მან მთლად დაპყარვა თავი. ალბათ, უკვე ეჩვენებოდა, რომ ხვალ მარია ვასილევნა მას ცოლად გაჰყვებოდა.

— იმ სხლომის შემდეგ ნიკოლაი ანტონიჩი ავად გახდა,— მიუბრუნდა ის კორაბლიოვს,— ეუთხარი, ექიმს მოგიყვან-მეთქი,— არ ინდომა. მე არ მილაპარაკნია მასთან ამ წერილების შესახებ. მით უმეტეს, რომ ასეთ დაძმარებულ გუნებაზეა. მართლაც ხომ არა ღირს ჯერ?

იგი განადგურებული იყო, თავზარდაცემული, მაგრამ მე ჯერ კიდევ ვერაფერს მიემხვდარიყავი.

— ოჰ, მაშ ასე, არა ღირს,— ეუპასუხე მე,— ძალიან კარგი! მაშინ მე თვითონ გავაკეთებ მაგას! ასლს გავუგზავნი! წაიკითხოს!

— სანია!— თითქოს გონს მოვიდაო, დამიყვირა კორაბლიოვმა.

— არა, ივან პავლიჩ, მე ვეტყვი,— განვაგრძობდი მე,— იმიტომ რომ ეს ყველაფერი მაშფოთებს. ცხადია, რომ ექსპედიცია მის გაშო დაილუპა! ეს— ისტორიული ფაქტია! მას ბრალად სდებენ საშინელ ბოროტმოქმედებას და, ჩემი აზრით, თუ მაგაზე წავიდა საქმე, მარია ვასილევნამ, როგორც კაპიტანი ტატარინოვის მეუღლემ, თვითონ უნდა წაუყენოს მას ეს ბრალდება.

ის იყო არა მეუღლე, არამედ ქვრივი კაპიტანი ტატარინოვისა. ახლა ის ნიკოლაი ანტონიჩის ცოლი იყო და, მაშასადამე, ეს ბრალდება თავის ქმრისათვის უნდა წაეყენებინა. მაგრამ ვერც ამ გარემოებამ მოაღწია ჩემ შეგნებაძღვე.

— სანია!— კვლავ დამიყვირა კორაბლიოვმა.

მაგრამ მე უკვე გაეჩუმდი. სათქმელი აღარაფერი მქონდა. ჩვენი ლაპარაკი ჯერ ისევ გრძელდებოდა, მაგრამ მე აღარაფერი მქონდა სალაპარაკო. მხოლოდ ვთქვი, რომ მიწა, რომელზედაც ლაპარაკია წერილში,— ეს ჩრდილოეთის მიწაა და, მაშასადამე, ჩრდილოეთის მიწა კაპიტანმა ტატარინოვმა აღმოაჩინა. მაგრამ უცნაურად გაისმა ყველა ეს გეოგრაფიული „გრძელი“, „განედი“ ამ ოთახში, ამ დროს.

კორაბლიოვი კვლავ დაფორიაქებდა ოთახში, მარია ვასილევნა კვლავ პაპიროსს სწევდა და მისი ტუჩებისაგან ვარდისფრად შეღებილი ნამწვების მთელი ხროვა იდგა მის წინ საფერფლეში. იგი იჯდა უძრავად, მშვიდი, მხოლოდ ზოგჯერ სუსტად მოსწევდა ხოლმე მარჯნის მძივს— თითქო ეს ხალვათად შებმული მძივი ახრჩობდა. რა შორს იყო მისგან ჩრდილოეთის მიწა, რომელიც სადღაც მერიდიანებს შუა იდო!

ეს იყო და ეს, გამომშვიდობების დროს კიდევ რაღაც წავიბუტბუტე, მაგრამ კორაბლიოვი, შუბლშეკრული, პირდაპირ ჩემ-

კენ იმგვარად წამოვიდა, რომ შეუმჩნევლად კარებს უკან ამოვ-
ყავი თავი.

თავი ოცდამეათე მარია ვასილევნა

ყველაზე უფრო იმან გამაკვირვა, რომ მარია ვასილევნას სიტყ-
ვა არ წამოსცდენია კატიაზე. მე და კატია მენსკვი ათი დღე გავა-
ტარეთ! მარია ვასილევნას კი ხმაც არ ამოუღია ამაზე.

ეს საექვო სიჩუმე იყო და მე ამაზე ვფიქრობდი ღამე, ვიდრე
არ დამეძინა, დილით ფიზიკის, საზმეცისა და, განსაკუთრებით, ლი-
ტერატურის გაკვეთილებზეც.

თუმცა ლიტერატურის გაკვეთილზე სხვა საკითხებზე უნდა
მეფიქრა, რომლებიც უფრო ახლო იდგა გოგოლთან და მის უკე-
დავ პოემა „მკვდარ სულებთან“, რომელსაც მაშინ გავდიოდით.
ფხიზლად უნდა ვყოფილიყავი, იმიტომ რომ ლიხო, განსაკუთრე-
ბით პედსაბქოს შემდეგ, ტყავიდანა ძვრებოდა, ოღონდ კი მთელი
სკოლისათვის დაემტკიცებინა, რომ, თუ მე იდეალისტი არ ვიყავი,
ყოველ შემთხვევაში, მხოლოდ „ძლიერ სუსტზე“ ვიცოდი.

მაგრამ, რატომღაც, არ ველოდი, თუ გამომიძახებდა, და
შევკრთი კიდევ, როდესაც ხმამალა ჩემი გვარი ამოიკითხა.

— ჩვენ გვსმენია, როგორ აძლევენ თავიანთ თავს ნებას ზოგი-
ერთი ორატორები, შეურაცხყოფა მიაყენონ დამსახურებულ ადა-
მიანებს,—თქვა მან.—ენახოთ ერთი, აქვთ თუ არა ამის უფლება?

და მან მკითხა, წამიკითხავს თუ არა გოგოლის „შინელი“,
თითქოს ამით შეიძლებოდა ამ საკითხის გადაწყვეტა.

ეს კიდევ არაფერი: „შინელი“ ჩვენ პირველი საფეხურის სკო-
ლაში გავიარეთ და უგუნურება იყო ახლა ამის კითხვა, როდესაც
ჩვენ „მკვდარი სულები“ გვქონდა მოცემული. მაგრამ მე მშვიდად
უპასუხე. წამიკითხავს-მეთქი.

— კარგი. მაშ როგორ უნდა გავიგოთ დოსტოევსკის სიტყ-
ვები: „ჩვენ ყველანი გოგოლის „შინელიდან“ გამოვედითო“?

მე ავუხსენი, რომ, თუმცა ეს დოსტოევსკიმ თქვა, სინამდვილე-
ში „შინელიდან“ არაფერი გამოსულა და ლიტერატურასა და სა-
ზოგადოებაში კი შემდეგ სულ სხვა ნიავმა დაჰბერა. „შინელი“
ეს შერიგებაა სინამდვილესთან, ლიტერატურა კი, მაგალითად ლევ
ტოლსტოი, იყო ბრძოლა სინამდვილესთან.

— შენ დოსტოევსკის ეკამათები? — დამცინავი ღიმილით მკითხა ლიხომ.

მე ვუპასუხე, დიახ, ვეკამათები და, რომ დოსტოევსკისთან კამათი ეს კიდევ იდეალიზმი არ არის-მეთქი.

კლასში გაიცინეს, ლიხო წამოქარხლდა. მგონი, მაშინვე უნდოდა „არადამაკმაყოფილებელი“ დაესვა, ხელებიც უთრთოდა, მაგრამ ეს უხერხული იყო და ზრდილობის გულისათვის კიდევ ერთი შეკითხვა მომცა:

— გოგოლის გმირებიდან რომელი შეიძლება ჩათვალოს უსაქმურ ტიპად.

ვუპასუხე, რომ გოგოლის ყველა გმირი უსაქმურია-მეთქი, გარდა ტარას ბუღბასი, რომელმაც თანახმად თავის იდეებისა, ცოტა რამ მაინც გააკეთა. მაგრამ რომ გოგოლს არ შეიძლება ამის გამო ბრალი დავდოთ, იმიტომ რომ მაშინ ასეთი ცხოვრება იყო.

ლიხომ ოფლი მოიწმინდა და „არადამაკმაყოფილებელი“ დამიწერა.

— ივან ვიტალიევიჩ, მე მოვითხოვ, რომ მეცნიერებათა აკადემიაში მკითხოხ, — ვუთხარი მე. როდესაც ვჯდებოდი. — მე და თქვენ ლიტერატურის საკითხებში ვერა ვთანხმდებით.

მან რაღაც დაიუიყინა, მაგრამ ამ დროს ზარის ხმაც გაისმა.

ბავშვების აზრით, ამ შემთხვევაში მე საესებით მართალი ვიყავი და ლიხოს უფლება არა ჰქონდა ჩემთვის არადამაკმაყოფილებელი დაეწერა, იმისთვის რომ მე დოსტოევსკის არ ვეთანხმებოდი, ან იმისთვის, რომ გოგოლის ყველა გმირებს უსაქმურებად ვთვლიდი. ვალიამ შენიშნა, რომ გოგოლს კიდევ ჰყავს ვიღაც დადებითი ტიპი, — მემამულე კოსტანეოგლო „მკედარი სულების“ მეორე ნაწილში, რომელიც გოგოლმა დასწვა, მაგრამ მე ვუპასუხე, რომ, თუკი თვითონ გოგოლმა დასწვა, მაშასადამე, სალაპარაკო აღარაფერია-მეთქი. გარდა ამისა მემამულე არ შეიძლება დადებითი ტიპი იყოს. სწორედ ამ წუთში დავინახე პეტკა.

ეს მოულოდნელი იყო. პეტკა ჩვენ სკოლაში, დიდ დასვენებაზე!

— პეტკა, რა ამბავია?

— რაღაც საქმეები მაქვს, — მიპასუხა პეტკამ და გაიცინა.

— რა საქმეები?

— სხვადასხვა. მინდა მოგელაპარაკო.

— რაზე?

— რეპინზე. შენ გუშინ სისულელეს ამბობდი. რეპინს არ შეეძლო არ ეხატა და, შენ რომ მისთვის საფრენოსნო სკოლაში წასვლა შეგეთავაზებინა, იცი საით გაგზავნიდა?

გაოცებული ვუყურებდი.

— თურმე როგორი ხარ!

— როგორი?

— მართლა ავადმყოფი.

პეტკა შეიქმუხნა.

— არა, — მითხრა წყენით, — სერიოზულად გეკითხები.

— მეც სერიოზულად გეკითხები: რატომ სკოლაში არა ხარ?

— დღეს ავითესე, — სწრაფად მითხრა პეტკამ. — ეს უნდა მოვითქვო, სკოლაში კი მოთქვება არ შემიძლია, მიშლიან.

დასვენება გათავდა. მითხრა, წითელ კუთხეში მოგიცდიო. იმ დღეს ჩვენ ოთხი გაკვეთილი გექონდა.

მართლაც არ წასულიყო. თავი სკამის ზურგზე გადაეგდო, ხელები ჯიბეებში ჩაეწყო და თვალები დაეხუჭა.

— შენ ამბობ, მფრინავიო, — დაიწყო, როდესაც ერთი საათის შემდეგ იმავე მდგომარეობაში და იმავე ადგილზე დამხვდა. — შეიძლება შენ მფრინავისათვის საკირო არაავითარი მონაცემები არა გაქვს? აბა თუ გახსოვს ცხოვრებაში შენი თუნდაც ერთი მოქმედება, რომლის მიხედვითაც შეიძლებოდა გვემსჯელა, რომ შენგან მფრინავი გამოვა?

მე მომაგონდა ჩემი ერთ წამში მიღებული მტკიცე გადაწყვეტილება ენსკში წასვლის შესახებ კატიას დასადევნებლად.

— მახსოვს!

— მაგალითად.

— ხელად არ გიამბო!

— დაფუშვათ, მაგრამ მაინც შენ ეს ლოლიკურად ამოირჩიე და არა ინსტინქტურად.

— ცხადია, ლოლიკურად.

— ჰკუთ და არა გულით? — თქვა პეტკამ და ოდნავ გაწითლდა.

— არა, გულით.

— ტყუი. აი მაგალითად, სხვა ბავშვები, რომლებიც მფრინავებლად მიდიან, აშენებენ მოდელებს, პლანერებს...

— მერე რა! სამაგიეროდ მე თეორია ვიცი.

მე შემეძლო მისთვის მეპასუხა, რომ ყოველ წელიწადს ვცდი-

ლობდი ჩვენს სკოლაში პლანერისტების წრის ჩამოყალიბებას, მაგრამ ეს წრეები იშლებოდა, რადგან ჩვენ ბავშვებს მხოლოდ თეატრი აინტერესებდათ. ჩემი და ვალკას გარდა ყველას მსახიობობა უნდოდა და, სხვათა შორის, ბევრნიც გახდნენ მსახიობები. მაგალითად, გრიშა თაბერი.

— ჩემის აზრით კი, — თქვა სიჩუმის შემდეგ პეტკამ, — იცი რომელი პროფესია უნდა აირჩიოს ადამიანმა? რომლითაც ფიქრობ მთელი შენი სულიერი ძალების გამოვლინებას. მე ეს წამიკითხავს და ასეც არის. მაგალითად მე დარწმუნებული არა ვარ, რომ, როგორც მხატვარი, მთელ ჩემ სულიერ ძალებს გამოვამჟღავნებ, შენ კი, ჩანს, დარწმუნებული ხარ.

— დარწმუნებული ვარ.

— კარგია, ბედნიერი ყოფილხარ.

სადილობის დრო იყო, მაგრამ საკმაოდ საინტერესოდ ვსაუბრობდით და მე გადავწყვიტე, პეტკა სახლამდის მიმეცილებინა.

— იცი, ჩემი აზრით, არც შენ შეგიძლია არა ხატო, — ვუთხარი, როცა სკოლიდან გამოსულები ვოროტნიკოვის შესახვევის კუთხეში შევეჩერდით, — სცადე ერთი წელიწადი ან ორი — და მოგენატრება, ხატვისკენ გაგიწევს გული. და საერთოდ, ჩემი აზრით, კარგიც არის, როცა დაეჭვებული ხარ საკუთარ თავში და გგონია, ჩემგან არაფერი გამოვაო.

— რატომ?

— იმიტომ რომ — „შენ თავში არა ხარ დარწმუნებული“.

— როგორ თუ „არა ვარ დარწმუნებული“?

— როგორ და: ნამდვილ მხატვარს უსათუოდ ეჭვი უნდა ეპარებოდეს თავის ნიჭში. ხან ამით არის უკმაყოფილო, ხან იმით. ძალიან კარგიც არის, რომ შენ არა გწამს შენი ნიჭი, — ვუთხარი აღფრთოვანებით — არა, პეტკა, ეს ცხადია: შენ სამხატვრო აკადემიაში უნდა შეხვიდე.

მან ამოიხარა და თავი გააქნია. მაგრამ ჩემი აზრი „ეჭვების“ შესახებ, მგონი, მოეწონა.

ასე მუსაიფით მოვიდიოდით ვოროტნიკოვის ქუჩით. მაგონდება, როგორ შევეჩერდით აფიშის ბუდრუგანასთან. მე პეტკას ვუსმენდი და თან გონებადაუტანებლად სპექტაკლების დასახელებასა ვკითხულობდი, როდესაც ვილაც გოგონამ კუთხიდან გამოუხვია და ქუჩა სწრაფად გადაიარბინა.

უქუდოდ იყო, მოკლესახელოიან კაბის ამარა — ასეთ ყინვაში! შეიძლება ამიტომ იყო, რომ უცბად ვერ ვიცანი.

— კატია!

ერთი მოიხედა, მაგრამ არ გაჩერებულა—მხოლოდ ხელი დამიჭინია. მე დავეწიე.

— კატია, უპალტოოდ რადა ხარ? რა მოხდა?

დალაპარაკება უნდოდა, მაგრამ კბილს კბილზე აცემინებდა. პირი მაგრად მოკუმა, რომ კანკალი შეეჩერებინა, და მხოლოდ მერე მითხრა.

— სანია, ექიმთან მივრბივარ, დედა ძალიან ცუდად არის.

— რა მოუვიდა?

— არ ვიცი, მგონი, თავი მოიწამლა...

არის წუთები, როდესაც ცხოვრება სხვა სიჩქარეზე გადადის, ყველაფერი მიჰქრის, მიჰქრის და ისე სწრაფად იცვლება ყველაფერი, რომ ვერც კი ამჩნევ.

როგორც კი გავიგონე, „მგონი, თავი მოიწამლა“—ყველაფერმა უფრო სწრაფად დაიწყო ცვლა, ვიდრე ამის შემჩნევა შეიძლებოდა, და ეს სიტყვები სადღაც გულის სიღრმეში დროდადრო საზარლად მეორდებოდა.

პეტკასთან ერთად, რომელსაც არაფერი არ ესმოდა, მაგრამ არც არაფერსა კითხულობდა, ექიმთან გავიქეციით, პიმენოვის ქუჩაზე. მერე მეორესთან, რომელიც ხანჯონკოვის ყოფილ კინოს ზემოდან ცხოვრობდა,—და სამივე ერთად შეეცვივდით მის მყუდრო შალითაგადაკრულ ავეჯით მოწყობილ ბინაში, სადაც აგრეთვე, ისიც რაღაც შალითაში ჩაცმული, უცხვირპირო მოხუცი ქალი დაგვხვდა.

მან უკმაყოფილო თავის ქნევით მოგვისმინა და სადღაც გავიდა. გასვლის დროს მაგიდიდან რაღაც გაიყოლა—ყოველ შემთხვევისათვის, ხელს არ გააყოლონო.

რამდენიმე წუთის შემდეგ გამოვიდა ექიმი.—ტანდაბალი, ლაქლაქა, ზღარბივით თმააბურძგნილი, პირში სიგარით.

— რა ამბავია, ყმაწვილებო?

ვიდრე ის იცვამდა, ჩვენ დერეფანში ვიდექით და განძრევისა გვეშინოდა, შალითაში ჩაცმული მოხუცი ქალი კი იდგა და თვალს არ გვაშორებდა, თუმცა დერეფნიდან წასაღები არა იყო რა. შემდეგ ტილო მოიტანა და ჩვენი ნაფეხურები გაწმინდა, თუმცა არც გასაწმენდი იყო რამ, მხოლოდ პეტკას კალაშების გარშემო პატარა ქოჭი დამდგარიყო. შემდეგ პეტკა დარჩა ექიმის დასაჩქარებლად, რომელსაც ჯერაც არ ჩაეცვა, მიუხედავად კატიას ტანჯული სახისა. მე რამდენჯერმე მინდოდა კატიას დავლაპარაკებოდი, მაგრამ არ შემიძლო. პეტკა დარჩა, ჩვენ კი გავიქეციით.

ქუჩაში უსიტყვოდ ჩავაცვი კატიას ჩემი პალტო. თმები ჩამოშლოდა და ხელდახელ დაიმაგრა, მაგრამ ერთი ნაწნავი მაინც ჩამოუვარდა და გაჯავრებით პალტოს ქვეშ ამოსდო.

ალაყათის კარებთან სასწრაფო დახმარების კარეტა იდგა და შეძრწუნებულები უნებურად შეეჩერდით. კიბეზე სანიტრებს საკაცით მარია ვასილევნა ჩამოჰყავდათ.

ის საკაცეზე იწვა, სახეზე არაფერი ეფარა, ისეთივე გადატეტკილი, როგორც წინა დღით კორაბლიოვთან, მაგრამ ახლა სახე თითქოს ძელისაგან ჰქონდა გამოკვეთილი.

მოაჯირს მივეყარი, გზა მივეცი, რომ საკაცე გაეტარებინათ. კატიამ შესაბრალისად თქვა: „ღედილო“, და საკაცეს გვერდით გაჰყვა. მაგრამ მარია ვასილევნას თვალი არ გაუხელია, არ განძრეულა. ნამდვილ მიცვალებულსა ჰგავდა და მე მივხვდი. რომ ის არ გადარჩებოდა.

გულმოკლული ეზოში ვიდექი და ვეუურებდი, როგორ დგამდნენ საკაცეს კარეტაში, აკანკალებული ხელებით ფეხებს როგორ უფუთნიდა მოხუცი მარია ვასილევნას, ყველას როგორ ამოსდიოდათ პირიდან ორთქლი — სანიტარსაც, რომელმაც საიდანლაც წიგნი გამოიღო და სთხოვა ხელი მოეწერა, ნიკოლაი ანტონიჩსაც, რომელიც ავადმყოფურად სათვალის ქვემოდან იუურებოდა, ისე მოაწერა ხელი წიგნში.

-- აქ კი არა, — უხეზად უთხრა სანიტარმა, გაჯავრებით ხელი ჩაიქნია და წიგნი ხალათის დიდ ჯიბეში ჩაიდო.

კატია შინ გაიქცა და თავის პალტოში ჩაცმული დაბრუნდა, ჩემი კი სამზარეულოში დაეტოვებინა. ისიც კარეტაში ჩაჯდა და აი კარები, რომლის იქით იწვა საშინელი, სახეშეცვლილი და გადატეტკილი მარია ვასილევნა, მიიხურა. კარეტა ერთი შეინჯღრა და ჩვეულებრივი საბარგო მანქანასავით სწრაფად გაქანდა ქსენონისაკენ.

ეზოში მარტო ნიკოლაი ანტონიჩი და მოხუცი ქალი დარჩნენ. ერთ ხანს ჩუმად იდგნენ. მერე ნიკოლაი ანტონიჩი მიბრუნდა და პირველი წავიდა სახლისაკენ. ფეხებს მექანიკურად ადგამდა, თითქოს წაქცევისა ეშინოდა. ასეთი ჯერ არასოდეს არ მენახა იგი.

მოხუცმა მთხოვა, ექიმს დავხვედროდი და მეთქვა, რომ იგი საჭირო აღარ იყო. მე გავიქეცი და ექიმს და პეტკას ტრიუმფალურის მოედანზე შევხვდი, თუთუნის ბუდრუგანასთან. ექიმი ასანთს ყიდულობდა.

— მოკვდა?—მკითხა მან.

ვუპასუხე, სასწრაფო დახმარებით საავადმყოფოში წაიყვანეს და, თუ საჭიროა. შემძლია ფული გადავიხადო-მეთქი.

— საჭირო არ არის, საჭირო არ არის,—ზიზღით თქვა ექიმმა.

პეტკას გამოვემშვიდობე, დავპირდი, ხვალ ყველაფერს გიამბობ-მეთქი, და ტვერსკოი-იამსკოიზე დავბრუნდი. მოხუცებული სამზარეულოში იჯდა და ტიროდა. ნიკოლაი ანტონიჩი შინ აღარ ღამიხვდა, საავადმყოფოში წასულიყო.

— ნინა კაპიტონოვნა,—ვეითხე მე,—იქნება რამე გპირდებათ?

ის დიდხანს იხოცავდა ცხვირს, ტიროდა და კვლავ ცხვირს იხოცავდა. მე ვიდექი და ვუცდიდი. ბოლოს მთხოვა, ჩაცმა მიშველეო, და ჩვენ ტრამვით ქსენონში წავედით.

თავი ოცდამოცე

ლ ა მ ი ტ

ღამე ისევ ვგრძნობდი სიჩქარეს, რომლისაგანაც, მგონი, ყურები მიბუროდა, ჯერ კიდევ საღლაც მივექანებოდი, თუმცა ჩემ ლოგინზე ვიწექი, სიბნელეში მე მივხვდი, რომ მარია ვასილევნამ წინადლით-ვე, კორაბლიოვთან გადაწყვიტა თავის მოკვლა.

ეს უკვე გადაწყვეტილი ჰქონდა და სწორედ ამიტომ იყო ასე დამშვიდებული, ამიტომ სწევდა თუთუნს და უცნაურ რამეებს ლაპარაკობდა. ვინ იცის, რა იღუმალი ფიქრები უტრიალებდა თავში, ჩვენ კი ეს არ ვიცოდით. ყველაფერს, რასაც იგი ლაპარაკობდა. მისი გადაწყვეტილება ერთვოდა. მე კი არ შეკითხებოდა, თავის თავს ეკითხებოდა და თავის თავსვე აძლევდა პასუხს.

შესაძლოა ფიქრობდა, რომ მე ვცდებოდი—წერილში ვილაც სხვაზე იყო ლაპარაკი. იქნებ იმედი ჰქონდა, რომ ის წინადადებები, რომლებიც მე მომაგონდა და რომლებიც კატიამ განგებ არ უთხრა, ასეთი საშინელი არ იქნებოდა. იქნებ ელოდა, რომ ნიკოლაი ანტონიჩი, რომელსაც იმდენი ამაგი ჰქონდა მის განსვენებულ ქმარზე, რომ მხოლოდ მასზე შეიძლებოდა გათხოვილიყო, აღმოჩნდებოდა არცთუ ისე დამნაშავე, ან არცთუ ისე სულცდაბალი.

მე კი? რა ჩავიდინე მე?

დამცხა, მერე შემცივდა, მერე ისევ დამცხა. საბანი გადავიხადე და ღრმად დავიწყე სუნთქვა, რომ დავმშვიდებულიყავი და დამ-

შვიდებით მომესაზრა ყველაფერი. კვლავ გავიმეორე მეხსიერებაში ჩვენი საუბარი! თითქოს ყოველი სიტყვა წელა მობრუნდა ჩემს წინ და მე იგი მეორე, საიდუმლო მხრიდან დავიხაზე.

„მიყვარს ენსკი. მშვენიერია! რა ბალებია“. სიამოვნებასა ჰგვრიდა სიყმაწვილის მოგონება ასეთ წუთებში—თითქოს ეთხოვებოდა ენსკს—ახლა, როდესაც ყველაფერი გადაწყვეტილი ჰქონდა.

„მონტიპომო ქორ-ბრწყალა, მე მას ოდესღაც ასე ვეძახდი“. მას ხმა აუკანკალდა, რადგან სხვამ არავე იცოდა, რომ ის ასე ეძახდა, და ეს იყო უტყუარი საბუთი ჩემი სიტყვების სისწორისა.

„მე არ მილაპარაკნია მასთან იმ წერილების შესახებ. მით უმეტეს, რომ ასეთ დამძარებულ გუნებაზეა. მართლაც ხომ არა ღირს ჯერ?“—და ეს სიტყვები, რომლებიც გუშინ ისე უცნაურად მომეჩვენა—რა ნათელი იყო დღეს ჩემთვის! ის მისი ქმარი იყო—შესაძლებელია, ყველაზე მახლობელი ადამიანი ქვეყანაზე, და უბრალოდ არ უნდოდა მისი შეწუხება და სხვა არაფერი—იცოდა, რომ ნიკოლაი ანტონიჩს კიდევ ბევრი უსიამოვნება ელოდა.

უკვე დიდი ხანია დამავიწყდა, რომ ღრმად უნდა მესუნთქა. ტიტველა ფეხებჩამოშვებული ისევ ლოგინზე ვიჯექი და ისევ ვფიქრობდი. მას კორაბლიოვთანაც უნდოდა გამომშვიდობება—დიახ! კორაბლიოვსაც უყვარდა იგი და შეიძლება ყველაზე მეტად. უნდოდა გამომშვიდობებოდა იმ ცხოვრებას, რომელიც არ გაუმართლდა და რომელზედაც, ალბათ, ოცნებობდა. მე ყოველთვის ვფიქრობდი, რომ იგი კორაბლიოვზე ოცნებობდა.

დიდი ხანია ძილის დრო იყო, მით უმეტეს, რომ ხვალ ძალიან სერიოზული საკონტროლო სამუშაო მელოდა და მით უმეტეს, რომ სულაც არ იყო სასიამოვნო იმაზე ფიქრი, რაც იმ უბედურ დღეს მოხდა.

მგონი, ჩამეძინა, მაგრამ მხოლოდ ერთი წუთით. უეცრად ვილაცამ იქვე ჩემს ახლო ხმადაბლა თქვა: „მოკვდაა“. თვალები დავაქციე, მაგრამ, რა თქმა უნდა, არავე იყო. ალბათ, ეს მე თითონვე ვთქვი, მაგრამ ხმამალა კი არა, ჩემთვის, გონებაში.

და აი ჩემდაუნებლიედ კვლავ ფიქრებმა წამიღეს, როგორ მივედით მე და ნინა კაპიტონოვნა საავადმყოფოში. მინდოდა დამეძინა, მაგრამ თავს ვერაფერი მოუხერხებ და კვლავ ამეშალა მოგონებები.

ჩვენ დიდ, თეთრ სკამზე ვისხედით რომელიღაც კარებთან—
მე უცბად ვერ მივხვდი, რომ მარია ვასილევნას საკაცე მეზობელ
ოთახშია, ასე ახლო ჩვენგან.

ხანში შესული მომვლელი გამოვიდა და გვკითხა:

— თქვენ ტატაონოვასთანა ხართ? უსაშვებოდ შეიძლება!

და საჩქაროდ თვითონ ჩააცვა მოხუცს ხალათი და თვითონ-
ვე შეუკრა.

გული ჩამწყდა. მაშინვე მივხვდი, რომ, თუ უსაშვებოდ შეიძლე-
ბოდა შესვლა, ჩანს, ძალიან ცუდად იყო, და კიდევ ერთხელ ჩამწყდა.
გული, როდესაც ხანში შესული მომვლელი მეორე, უფრო ახალგაზრ-
და მომვლელთან მივიდა, რომელიც ავადმყოფებსა სწერდა, და
მის შევითხვავზე ასე უპასუხა:

— რას ამბობ: აქამდის ძლივს მოალწევიან!

მერე დაიწყო მოლოდინი. უყუარებდი თეთრ კარებს და,
მგონი, ვხედავდი, როგორ იდგნენ ყველანი—ნიკოლაი ანტონიჩი,
მოხუცი და კატია—საკაცესთან მარია ვასილევნას გარშემო.
მერე ვილაც გამოვიდა. კარი ერთი წამით გაიღო და და-
ვინახე, რომ ეს სულაც ისე არა ყოფილა, როგორც მე მეგონა.
უკვე არავითარი საკაცე არ იყო: ვილაც თეთრი, შევთმინანი სავარ-
ძელზე იწვა და ამ შევთმინანი თეთრის წინ ვილაც, ისიც თეთრში;
დაჩოქილი იდგა. აგრეთვე დავინახე სავარძლიდან ჩამოკიდული
შიშველი მკლავი და კარები მიიხურა. შემდეგ გაისმა წვრილი ჩა-
ხრინწული ხმით ყვირილი, ავადმყოფების ჩამწერი შეჩერდა, გა-
ჩუმდა და კვლავ განაგრძო საქმე. არ ვიცი როგორ, მაგრამ
მივხვდი, რომ ეს ნიკოლაი ანტონიჩი ყვიროდა. ასეთი წვრილი
ხმით? როგორც ბავშვი?

ხანში შესული მომვლელი ქალი ოთახიდან გამოვიდა და არა-
ბუნებრივი საქმიანი სახით დაუწყო ლაპარაკი ვილაც ყმაწვილ
კაცს, რომელსაც ხელში ქუდი ეჭირა და კმუჭნიდა. მომვლელმა მე
შემომხედა, რადგანაც აქ ნინა კაპიტონოვნასთან ერთად მოვედი,
მაგრამ უცბად მომარბდა თვალი და მე მივხვდი, რომ მარია ვა-
სილევნა გარდაიცვალა.

მერე გავიგონე, როგორ უთხრა მომვლელმა ვილაცას „მენანება,
რა ლამაზიაო!“ მაგრამ ეს სიზმარივით იყო. იქნებ ეს იმან კი არა,
ვინმე სხვამ თქვა, როცა კატია და მოხუცი გამოვიდნენ იმ
ოთახიდან, სადაც მარია ვასილევნა გარდაიცვალა.

კვლავ წმინცი. ის სხვა არის

მეტად სევდიანი დღეები იყო და არ მინდა დაწვრილებით ვწერო იმ დღეებზე, თუმცა კარგად მახსოვს ყოველი საუბარი, ყოველი შეხვედრა, თითქმის ყოველი გაფიქრებაც კი. ეს იყო დღეები, რომელთაც თითქოს დიდი ჩრდილი მიაყენეს ჩემ ცხოვრებას.

დაასაფლავეს თუ არა მარია ვასილევნა, სამუშაოს ჩაეუჯექი. ალბათ, რაღაც თვითდაცვის გრძნობამ გამაქერა ისე, რა სიკერპითაც მე ვმეცადინებოდი და თავს ვაიძულებდი არაფერზე მეფიქრა. პეტკას რომ კიდევ ეკიახა ჩემთვის: შენი ცხოვრებისა და მოქმედების მიხედვით თუ შეიძლება ვიფიქროთ, რომ შენგან მფრინავი გამოვაო, მე ისევ „ჰოს“ ვუპასუებდი და ახლა ამის უფრო მეტი საფუძველიც მექნებოდა.

ეს ადვილი არ იყო—მეტადრე, თუ წარმოიდგენთ, რომ მარია ვასილევნას დასაფლავებაზე კატიასთან რომ მივედი, მან ზურგი შემომმაქცია.

ახლაც კი აუღელვებლად არ შემიძლია ამის მოგონება—წარმოიდგინეთ, რას ვიგრძნობდი მაშინ, როგორი თავზარდაცემული და აღელვებული ვიქნებოდი.

აი როგორ მოხდა ეს: მარია ვასილევნას დასაფლავებაზე სრულიად მოულოდნელად ძალიან ბევრი ხალხი მოვიდა:—სამსახურის ამხანაგები და სტუდენტებიც კი, რომლებთან ერთად ოდესღაც ესწავლა უნივერსიტეტში. იგი მუდამ ეულად გეჩვენებოდათ, მაგრამ თურმე ბევრი იცნობდა და ბევრს უყვარდა. ამ უცხო, ჩურჩულით მოლაპარაკე ადამიანთა შორის, რომელნიც კარებს მისჩერებოდნენ, საიდანაც არა და არ გამოჰქონდათ კუბო, იდგა კორაბლიოვი ტანჯული თვალებით, დიდრონი უღვაშებიჟ, რომელიც ახლა მის გამხდარ და დაბერებულ სახეზე რაღაც საოცრად დიდრონი მოჩანდა.

დიდი ხანია შემჩნეული მქონდა, რომ ნათესაეები კუბოს გამოჰყვებიან ხოლმე, ალყაფის კარებთან კი დგას და შემდეგ დასაფლავების თადარიგს იქერს გარეშე ხალხი. მაგრამ აქ სხვანაირად მოხდა, ალბათ იმიტომ, რომ ნათესაეებიდან კუბოს გამომტანი არავინ იყო.

ნიკოლაი ანტონიჩი განცალკევებით იდგა, თავდაბრილი, ხოლო

ნინა კაპიტონოვნას მისი ხელი ექირა, თითქოს ეშინოდა არ წაიქცესო, თუმცა ნიკოლაი ანტონიჩი წელში გამართული იდგა. მოხუცი ბუბენჩიკოვებიც აქ იყვნენ. ისინი მოლოზნებსა ჰგავდნენ თავიანთი ძველებური შავი შლეიფიანი პალტოებით.

კატია მათ გვერდით იდგა და თვალს არ აშორებდა ჭიშკარს. ლოყები დასწითლებოდა, მიუხედავად მთელი მისი მწუხარებისა, რომელიც მოუსვენრობაზე ეტყობოდა: წამდაუწუმ ისწორებდა ქუდს, ალბათ ნაწნავები ცუდად დაემაგრებინა და ქუდი მალიმალ შუბლზე ეფხატებოდა...

ნახევარი საათი იცდიდნენ. კუბო კი არა და არ გამოჰქონდათ. უეცრად გამბედაობა მოვიკრიბე და კატიასთან მივედი.

არ ვიცი, იქნებ უხერხული იყო ასეთ წუთებში იმასთან მისვლა, მაგრამ ერთი სიტყვა მაინც მინდოდა მეთქვა იმისთვის.

— კატია!

იმან შემომხედა და მიბრუნდა...

მთელი ღლები წიგნებს ვუჯექი. აღვადგინე ჩემი ძველი განაწესი, ესე იგი ექვს საათზე ვდგებოდი, ტანზე ცივ წყალს ვივლებდი, ღია ფანჯარასთან ვეარჯიშობდი და ცხრილის მიხედვით ვმეცადინებოდი. ძველად შედგენილი „წესები ნებისყოფის გასაავითარებლად“ კვლავ გამომადგა, განსაკუთრებით, ერთი: „უნდა დაჰფარო შენი გოქნობები, ან, ყოველ შემთხვევაში, გარეგნულად არ გამოამჟღავნო მაინც“. მე გარეგნულად არ ვამჟღავნებდი მათ, თუმცა დღითი დღე სულ უფრო და უფრო მიმძიმდა. თითქოს იმ დიდ ჩრდილს, რომელიც ზევით ვახსენე, ჯერ შორსა ვხედავდი და აი, უკვე სულ უფრო და უფრო მიახლოვდებოდა.

ეს იყო ჩემი სკოლაში ყოფნის უკანასკნელი ნახევარი წელი, გადაწყვეტილი მქონდა, ყველა საგანში „ფრიად დამაკმაყოფილებელი“ მიმეღო. ეს არც ისე ადვილი იყო, მეტადრე ლიტერატურაში.

მაგრამ აი, ერთხელ ლიხონაც დიდი ხენეშითა და ბუზლუნით „ფრიად საკმაო“ დამიწერა. გამოსაშვები თხზულებისა არ მეშინოდა, ხელი ჩავიქნიე და თხზულება ამ ბრიყვის ყველა მოთხოვნილებათა მიხედვით დაეწერე, - ველოდი, რომ ეს დააკმაყოფილებდამის თავმოყვარეობას და უმაღლეს ნიშანს დამიწერდა.

კლასში ერთ-ერთი პირველთაგანი ვიყავი და მხოლოდ ვალკა იყო ახლა ჩემზე წინ. მაგრამ ის საოცარი ნიჭიერი და გარდა ამისა, ჩემზე ბევრად ჰყვინი იყო.

ჩრდილი კი სულ მიახლოვდებოდა. კორაბლიოვს თითქოს ჩემი დანახვა ემძიმებოდა. ნიკოლაი ანტონიჩი სკოლაში არ დადიოდა და, თუმცა არავის უხსენებია პედსაბჰოზე ჩვენი შეჯახების ამბავი, მაინც ყველა რაღაც საყვედურით მიყურებდა. პედსაბჰოზე მისმა ცუდად გახდომამ და მარია ვასილევნას სიკვდილმა სრულიად გაამართლა იგი.

ყველას ემძიმებოდა ჩემი დანახვა. ასე ობლად არასოდეს არ მიგრძენია თავი. მაგრამ მე ჯერ არ ვიცოდი, რა თავზარდამცემი უსიამოვნება მელოდა.

ერთხელ, — მარია ვასილევნას სიკვდილის შემდეგ უკვე ორი კვირა იყო გასული, — კორაბლიოვთან შევიარე. მინდოდა მეთხოვა, ჩვენთან ერთად გეოლოგიურ მუზეუმში წამოსულიყო, (მაშინ პონერხელმძღვანელი ვიყავი და ბავშვები მეხვეწებოდნენ მეჩვენებინა მუზეუმი). ჩვენ ჯერ ისევ პირველი საფეხურის სკოლაში ვიყავით, როდესაც კორაბლიოვმა წაგვიყვანა და მახსოვდა, როგორი საინტერესო იყო ის მუზეუმი.

კორაბლიოვი ძალიან აღელვებული განოვიდა და მთხოვა, მერე მივსულიყავი.

— როდის, ივან პავლიჩ?

— არ ვიცი, მერე.

დერეფანში ქურქი და ქუდი ეკიდა, პატარა მაგიდაზე კი ყავისფერი მოქსოვილი შარფი იდო, რომელსაც ოდესღაც ჩემს თვალწინ ქსოვდა კატიას დიდედა. კორაბლიოვთან ნიკოლაი ანტონიჩი იყო.

გამოვბრუნდი და გულჩაწყევტილი ჩავუჯექი წიგნს — „საჰაერო ფლოტი წარსულში და მომავალში“, — მაგრამ კითხვას გულს ვერ ვუღებდი — ვინ იცის სად დაჰქროდნენ ჩემი ფიქრები და ყოველ ფურცელზე ჩემი თავისთვის უნდა მომეგონებინა რომელიმე წესის ნებისყოფის განსამტკიცებლად. რატომ მოვიდა ნიკოლაი ანტონიჩი იმასთან? ის ხომ აგერ ოთხი წელიწადია კორაბლიოვთან არა ყოფილა. რამ ააღელვა ასე კორაბლიოვი?

კორაბლიოვთან რომ დავებრუნდი, ნიკოლაი ანტონიჩი იქ აღარ დამიხვდა. დღევანდელ დღესავით მახსოვს — ღუმელი ენთო და კორაბლიოვი სქელ ბუსუსიან ფრენჩში, რომელსაც მაშინ იცვამდა, როცა ცოტა ნასევამი ან ავად იყო ხოლმე, ღუმელთან იჯდა და ცეცხლს ჩასცქეროდა. მე რომ შევედი, თავი მალლა, აიღო და მითხრა:

— რა ჩაიღინე, სანია! ღმერთო ჩემო, რა ჩაიღინე!

— ივან პავლიჩ!

— ღმერთო ჩემო, რა ჩაიღინე—სასოწარკვეთილებით გაიბეგორა იმან—ის ხომ ნიკოლაი ანტონიჩი არ არის! ეს მან დაამტკიცა უდავოდ, ნამდვილად.

— არაფერი მესმის, ივან პავლიჩ! ვისზე ლაპარაკობთ?

კორაბლიოვი ადგა, მერე დაჯდა და ისევ ადგა.

— ნიკოლაი ანტონიჩი იყო ჩემთან. იმან დამიმტკიცა, რომ კაპიტანის წერილში იმაზე არ არის ლაპარაკი. ეს ვილაც სხვა ნიკოლაია, ვილაც მრეწველი ფონ ვიშიმირსკი.

სახტად დავრჩი.

— ივან პავლიჩ, ეგ სიცრუეა, იგი ტყუის!

— არა, მართალია,—მომიგო კორაბლიოვმა,—ეს ვეებერთელა საქმე იყო, რომლის შესახებ ჩვენ არაფერი ვიცით. ამ საქმეში ბევრი ხალხი ვრია: ვაჭრები, საქონლის მიმწოდებლები და კაპიტანმა თავიდანვე იცოდა ყველაფერი. იცოდა, რომ ექსპედიცია ძალიან ცუდად იყო მომზადებული, და ამის შესახებ სწერდა კიდევ ნიკოლაი ანტონიჩს. მე ჩემის თვალთ ვნახე ის წერილი.

უხსმენდი და ყურებს არ ვუჯერებდი. რატომღაც მუდამ მეგონა, რომ წერილი, რომელიც ენსკში ვიპოვე,—ერთადერთია, და ამ ამბავმა, რომ კაპიტანის რალაც სხვა წერილებიც შენახულიყო, გამოაცა.

— იქ ბევრი უბედურება გადაიტანეს,—განაგრძობდა კორაბლიოვი.—ვილაც გემის მეპატრონემ ზღვაში გასვლის წინ ექსპედიციის წევრები გადმოსხა გემიდან, დიდი გაქირვებით იშოვეს რადიოტელეგრაფი და იძულებული გახდნენ დაეტოვებინათ, რადგან რადისტის ვერ იშოვეს და კიდევ რალაც,—მაშ ნიკოლაი ანტონიჩი რატომღა ყველაფერში დამნაშავე? ეს ხომ ცხადია, ღმერთო ჩემო! და მე... მე ვხვდებოდი ამას... მაგრამ მე...

მან ვერ დაასრულა, იგი ტიროდა.

— ივან პავლიჩ,—ვუთხარი მე და ეცდილობდი არ მეცქირა ამ საშინელი სურათისათვის—აცრემლებული კორაბლიოვისათვის. გამოდის, რომ ის კი არა,—ვილაც ფონია დამნაშავე. მაშ, რალას ამტკიცებდა ყოველთვის, რომ ის ხელმძღვანელობდა საქმეს? ჰკითხეთ იმას, რამდენი მშრალი ბულიონი წაიღო თან ექსპედიციამ, რამდენი მაკარონი, რამდენი ორცხობილა და ყავა, რატომ წინათ არ უხსენებია არასოდეს ის ფონი.

კორაბლიოვმა ცხვირსახოცით თვალები და უღვაშები მოიწმინდა. თახჩიდან არაყი გამოიღო, აკანკალებული ხელით ნახევარი ჭიქა დაასხა, ისევ გადაანაკრულა ბოთლში, დალია და დაჯდა.

— ახლა კი სულ ერთია.—და ხელი ჩაიქნია.—მაგრამ მე ასე რამ დამაპრმავეა,—კვლავ სასოწარკვეთით თქვა მან.—მე უნდა დამერწმუნებინა იგი, რომ ეს შეუძლებელია, წარმოუდგენელია. კიდევაც რომ ნიკოლაი ანტონიჩი ყოფილიყო იგი, სულ ერთია, არ შეიძლება ასეთ დიდ საქმეში ერთ ადამიანს დასდობრალი. მე უნდა მეთქვა, რომ შენ ნიკოლაი ანტონიჩი გძულს და ამიტომ ამტკიცებ მაგას.

უხმოდ ვუსმენდი კორაბლიოვს. მე მუდამ მიყვარდა იგი და პატივისა ვცემდი. გულს მიკლავდა, ასეთ საცოდავ მდგომარეობაში რომ ვხედავდი. ის ცხვირს იხოცავდა და თმა და უღვაშებიც ასწეწოდა.

— მძულს იგი თუ არა მძულს,—ვთქვი მე მშვიდად,—ამას არაერთარი კავშირი არა აქვს საქმესთან. და მე, საერთოდ, არ ვიცი, რის თქმა გინდათ ამითი! რომ მე განგებ ვამტკიცებდი, ესე იგი პირადი საზიზლარი ზრახვების გამო?

კორაბლიოვი სდუმდა.

— ივან პავლიჩ.

იგი კვლავ სდუმდა.

— ივან პავლიჩ!—შეეძახე მე.—თქვენ ფიქრობთ, რომ მე განგებ ჩავერიე ამ საქმეში, რათა ნიკოლაი ანტონიჩისათვის სამაგიერო მიმეზლო? ამიტომ ამბობთ,—თუნდაც ის იყოს და არა ვინმე ჟონი, სულ ერთია, ასეთ დიდ საქმეში არ შეიძლება ერთ კაცს დასდოთ ბრალიო,—თქვენ ფიქრობთ, რომ ყველაფერში მე ვარ დამნაშავე? თქვით ბარემ! ასე ფიქრობთ?

კორაბლიოვი სდუმდა. თვალი დამიბნელდა და ვიგრძენი, როგორ ძლიერ და მძიმედ მიცემდა გული.

— ივან პავლიჩ, —აკანკალებული ხმით, მაგრამ მტკიცედ ვუთხარი მე.—ისლა დაპრჩენია, თუნდ მოვკვდე, უნდა დავამტკიცო ჩემი სიმართლე და მე დავამტკიცებ ამას. დღესვე წაველ ნიკოლაი ანტონიჩთან და ვთხოვ მაჩვენოს ის საბუთები და წერილები. მან თქვენ დაგარწმუნათ, რომ წერილში ლაპარაკი მის შესახებ კი არა, არამედ ვილაც ფონის შესახებ არის. მაშ, მეც დამარწმუნოს.

— რაც გინდა, ისა ჰქენი,—მკმუნეარედ მითხრა კორაბლიოვმა.

მე წამოვედი. ის ადგილიდან არ დაძრულა. ისევე ღუმელთან დარჩა, — დაქანცული, სასოწარკვეთილი. ჩვენ ორივენი სასოწარკვეთილებაში ვიყავით, მაგრამ ჩემში ამ გრძობას რაღაც უღმობელი გაათრება ერთვოდა, ის კი სრულ უიმედობაში იყო ჩაყარნილი, დაბერებული, მთლად ეული — ცარიელ, გაყინულ ბინაში.

თავი ოცდაპოთხე

ცილისწამება

სათქმელად ადვილია: მე მასთან წავალ და ვახოვ, ის წერილები მაჩვენოს. ამისი ფიქრიც კი გულს მირევდა. მართლაც, გამცემს კი ხმას? კიბეებიდან დამაგორებს. მორჩა და გათავდა... ქიღობას ხომ არ დავუწყებ, რაც არ უნდა იყოს, ის ავადმყოფი და მოხუცია.

არ წავიდოდი, მაგრამ ერთი აზრი არა მშორდებოდა: კატია.

თავი მიწყებდა ტკივილს, როცა მაგონდებოდა, ზურგი როგორ შემომაქცია დასაფლავებაზე. ახლა ჩემთვის ცხადი იყო, რად მომექცა ასე: ნიკოლაი ანტონიჩმა დაარწმუნა, რომ ყველაფერში მე ვიყავი დამნაშავე.

წარმოვიდგენდი, როგორ ელაპარაკებოდა მას, და გული შუაზე მეპობოდა: „შენს მეგობარს ისეთი მშვენიერი მეხსიერება აქვს: როგორ მოხდა, რომ ენსკში წასვლამდე ერთხელაც არ მოჰკონებია ის წერილები?“

მართლაც, როგორ შეიძლებოდა დამვიწყებოდა? მე ისე ვიყავი განცვივრებული ამ წერილებით ბავშვობაში! ზეპირად ვამბობდი მატარებლებში ენსკსა და მოსკოვს შორის! დამკვიწყებოდა ის წერილები, რომლებიც თითქოს შორეული ვარსკვლავებიდან ჩამოცვივდნენ ჩვენს პატარა ქალაქში.

მე მხოლოდ და მხოლოდ ასე შემეძლო ამეხსნა — თქვენ თვითონ. განსაჯეთ, სწორი იყო თუ არა.

როდესაც კატია თავის მამის ამბავს მიაბობდა, როდესაც მე ძველ ფოტოზე შეეყურებდი კაპიტანს კიტელში, სამხრეებით, უკან აწეულ თეთრ შალითიან ქუდში, როდესაც მის წიგნებს ვკითხულობდი, ყოველთვის მეგონა, რომ ეს ძალიან დიდი ხნის წინათ მომხდარი ამბავი იყო. ყოველ შემთხვევაში, ჩემი ენსკიდან წამოსვლამდე მრავალი წლის წინათ. წერილები კი, ეს ჩემი ბავშვობა.

იყო, ესე იგი სულ სხვა დრო. აზრადაც არ მომსვლია, რომ ეს ორი სულ სხვადასხვა დრო ერთიმეორეს მოსდევდა. აქ იყო არა შეხსიერების, არამედ რაღაც სულ სხვა შეცდომა.

ათასჯერ გავიფიქრე „ფონის“ შესახებ. მაშ, იმაზე სწერდა კაპიტანი ტატარინოვი: „მთელი ექსპედიცია წყველა-კრულვას უთვლის“. მაშ ის იყო? „ჩვენ მთელ ბედუქულმართობას მას უნდა ვუმაღლოდეთ“. კორაბლიოვმა კი თქვა, რომ ასეთ საქმეში არ შეეძლება ერთ ადამიანს დასდონ ბრალი. კაპიტანი სხვაგვარად ფიქრობდა.

მაშ იმაზე სწერდა: „აი რა ძვირად დაგვიჯდა მისი სამსახური“. მაგრამ მაინცდამაინც ვილაც ფონს რატომ უნდა გაეწია კაპიტანი ტატარინოვისათვის ეს სამსახური? სამსახური შეეძლო გაეწია მდიდარ ბიჭაშვილს—ტყუილად კი არ გამიგონია მისგან იმდენი ამ სამსახურის შესახებ.

ერთი სიტყვით, მოქმედების არავითარი გეგმა არა მქონია. როდესაც ორ თებერვალს, სალამო ხანს, ლურჯ საპარადო ქურთუკში გამოწყობილი ტატარინოვებთან მივედი და უცხო ქალს, რომელმაც კარი გამიღო, ვუთხარი, ნიკოლაი ანტონიჩის ნახვა მინდა-მეთქი.

ღია კარებიდან დავინახე, სასადილოში ჩაისა სვამდნენ. ნინა კაპიტონოვნამ ხმადაბლა რაღაც თქვა. მე დავინახე: მას თავისი ზოლიანი შალი ჰქონდა წამოსხმული და სამოვართან იჯდა.

არ ვიცი, რა იფიქრა ნიკოლაი ანტონიჩმა, მაგრამ, კარიბჭეზე რომ გამოჩნდა, შეერთა და ოდნავ უკან დაიხია.

— რა გინდა?

— თქვენთან მინდოდა მოლაპარაკება.

ცოტა ხანს დაფიქრდა.

— შემოდი.

მის კაბინეტში მინდოდა შესვლა, მაგრამ მან მითხრა:

— არა, აქეთ მობრძანდი.

მერე მივხვდი, რომ განგებ მოიქცა ასე: სასადილო ოთახში განგებ შემიტყუა, რომ ყველას თვალწინ გამსწორებოდა.

ყველა შეერთა, როდესაც ნიკოლაი ანტონიჩის უკან მე გამოვჩნდი. მოხუცი ბუბენჩიკოვები, რომელთა ნახვასაც სულ არ ველოდი, წამოხტნენ და ერთ-ერთს, რომელიც ენსკში გამომიდგა, იატაკზე კოვზი დაუვარდა. კატია მეორე მხრიდან შემოვიდა სასადილოში და ისევე გაშეშდა კარებში.

მე წავილულლული:

— იქნებ აქ უხერხულია?

— არა, აქ უხერხული არ არის.

შესვლისთანავე უნდა მივსალმებოდი, ახლა კი, მგონი, აღარაღირდა—მაგრამ მე მაინც ყველას თავი დავეუკარი. არავინ არ მიპასუხა, მხოლოდ ნინა კაპიტონოვნამ ოდნავ შესამჩნევად დამიქნია თავი.

— აბა, რა გნებავს?

— თქვენ ივან პავლიჩს უთხარით, თითქოს კაპიტანი ტატარინოვი თქვენ ვინმე ფონ-ვიშიმირსკის შესახებ გწერდათ. ეს მე აუცილებლად უნდა ვიცოდე, რადგანაც გამოდის, რომ მე განგებ ვარწმუნებდი მარია ვასილევნას, რათა თქვენთვის მეწყენინებინა. ასე ფიქრობს, მაგალითად, კორაბლიოვი და სხვებიც. ერთი სიტყვით, მე გთხოვთ მაჩვენოთ ის წერილები, რომელთა საშუალებითაც გინდათ დაამტკიცოთ, რომ ექსპედიციის დაღუპვაში დამნაშავეა ვილაც ფონ ვიშიმირსკი... ხოლო სიკვდილში... (მე ეს სიტყვა გადაეყლაპე) და ყველა დანარჩენში კი—მე.

ეს საკმარისად გრძელი სიტყვა იყო, მაგრამ მე წინასწარ მქონდა მომზადებული და ამიტომ შეუფერხებლივ წარმოვთქვი. ენა დამება მხოლოდ მაშინ, როდესაც მარია ვასილევნას სიკვდილის შესახება ვთქვი, და სიტყვა „სხვების“ ხსენებისას, იმიტომ რომ კარტიაზე გავიფიქრე. იგი ისევ კარებში იღვა—აწურული და სუნთქვაშეკრული.

მხოლოდ ახლა, ამ სიტყვის წარმოთქმის დროს, შევნიშნე, როგორ დაბერებულიყო ნიკოლაი ანტონიჩი. ის ცხვირმოკაუტებულ ბებერ ფრინველს დამსგავსებოდა, ლოყები მომჩვარებოდა და ოქროს კბილსაც კი, რომელიც ერთგვარ შუქსა ჰფენდა ხოლმე მის სახეს, ბრწყინვალება დაეკარგა.

იგი ყურს მიგდებდა და ქშინავდა. გეგონებოდათ, არ იცოდა, რა ეპასუხა ჩემთვის. მაგრამ სწორედ ამ წუთას მეორე ბუბნჩიკოვამ გაკვირვებით ჰკითხა:

— ვინ არის?

ნიკოლაი ანტონიჩმა სული მოითქვა და დაილაპარაკა.

— ვინ არის?—სისინით ჩაეკითხა იგი.—ეს ის საზიზღარი ცელისმწამებელია, ვისზედაც ყოველ დღე და ყოველ საათს გელაპარაკებით.

— ნიკოლაი ანტონიჩ, თქვენ თუ ჩემი გალანძღვა გსურთ...

— ეს ის ადამიანია, რომელმაც იგი მოჰკლა,—გაიმეორა ნიკო-
ლაი ანტონიჩმა. სახე უთრთოდა და ხელებს იმტერებდა.—ეს
ის ადამიანია, რომელმაც უსაშინელესი ცილი დაშწამა, რო-
გორც კი შესაძლებელია ადამიანმა წარმოიდგინოს! მაგრამ მე
ჯერ ცოცხალი ვარ!

მკვდრად იგი არავის მიაჩნდა და მე მინდოდა მეთქვა ეს მის-
თვის, მაგრამ მან ხელახლა დაიყვირა.

— ჯერ ცოცხალი ვარ!

ნინა კაპიტონოვნამ ხელი მოჰკიდა. მან ხელი გამოჰკლიჯა.

— შემეძლო კანონისათვის მიმემართა და გამესამართლებინა
ყველაფრისათვის... ყველაფრისათვის, რაც მან ჩაიდინა, რათა ჩემი
სიცოცხლე მოეწამლა. მაგრამ არის სხვა კანონი, სხვა სასამართლო
და ამ კანონით ე'ა ოდესმე იგრძნობს, თუ რა ჩაიდინა! მან მოჰკ-
ლა იგი!—თქვა ნიკოლაი ანტონიჩმა და ცრემლები ღაპალუბით წა-
მოუვიდა თვალებიდან.—იგი ამან მოჰკლა! ახლა, დაე, იცოცხლოს,
თუ შეუძლიან...

ნინა კაპიტონოვნამ სკამი გასწია და მკლავში ხელი გაუყარა,
თითქოს ეშინოდა, ეს არის ახლა წაიქცევო. ნიკოლაი ანტონიჩმა
ბინდგადაკრული თვალებით შეხედა მას. ეს იყო წუთი, როდესაც
ექვი დაძებდა ჩემს სიმართლეში. მაგრამ მხოლოდ ერთი წუთი.

— მერე ვისი მიზეზით? ღმერთო ჩემო, ვისი მიზეზით?—განაგ-
რძობდა ნიკოლაი ანტონიჩი.—ამ ბიჭის მიზეზით, რომელიც ისეთი
ზნედაცემულია, რომ კვლავ გაჰბედა შემოსვლა ამ სახლში, სადაც
ის მოკვდა? ამ უწმინდური სისხლის ბიჭის გამო.

არ ვიცი, რა უნდოდა ამით ეთქვა და რად იყო იმისი სისხ-
ლი ჩემს სისხლზე წმინდა. მაგრამ არაფერია! მე უხმოდ ვუსმენდი.
კატია კედელთან იდგა, აკიმიული, წელში გასწორებული.

— კვლავ გაბედა ამ სახლში მოსვლა, საიდანაც მე გველივით
გაეისროლე! ვის რა ბედი აქვს, ღმერთო ჩემო! მთელი ჩემი სი-
ცოცხლე მას შეეწირე, ყველაფერი გაეაკეთე მისთვის, რაც კი
ძალუძს ადამიანს გააკეთოს საყვარელი ადამიანისათვის, ის კი ამ
საზიზღარო, საძაგელი გველის მიზეზით მოკვდა, რომელმაც უთხრა
რომ მე—მე არა ვარ, რომ მე ყოველთვის ვატყუებდი მას, რომ
მე მოვკალი მისი ქმარი—ჩემი ძმა.

გამიკვირდა, რომ იგი ასე მგზნებარედ ლაპარაკობდა, სრული
თავდავიწყებით. ვგრძნობდი, რომ გაფითრებული ვიდექი. მაგრამ
არაფერია! მე ვიცოდი, რა მეპასუხა.

— ნიკოლაი ანტონიჩი, — დავიწყე მე და თან ვედილობდი, არ ავლელვებულყავი, მაგრამ ვგრძნობდი, რომ ენა მაინცადამაინც არ მემორჩილებოდა. — მე პასუხს არ გაგცემთ თქვენს ეპითეტებზე, რადგანაც მესმის, რა მდგომარეობაში ხართ. თქვენ მართლაც გამაგდეთ, მაგრამ მე ისევ მოვედი და ვივლი მანამ, ვიდრე არ დავამტკიცებ, რომ მარია ვასილევნას სიკვდილში სრულიად არა ვარ დამნაშავე. და თუ ვინმეა დამნაშავე, ყოველ შემთხვევაში, არა მე, არამედ ვილაც სხვა. ფაქტია, რომ თქვენ გაქვთ განსვენებული კაპიტანი ტატარინოვის წერილები, რომელთა საშუალებითაც დაარწმუნეთ კორაბლიოვი და, ალბათ, საერთოდ ყველანი, რომ მე ცილი დაგწამეთ. მე გთხოვთ, მაჩვენოთ ის წერილები, რათა ყველანი დარწმუნდნენ, რომ მე მართლაც ის საზიზღარი გველი ვარ, ვისზედაც ეს არის ახლა ლაპარაკობდით.

ამ სიტყვებს საშინელი აურზაური მოჰყა. ბუბენჩიკოვები, რომლებიც ჯერაც ვერ გარკვეულიყვნენ, გაიძახოდნენ:

— ვინ არის?

მაგრამ იმათ არავენ აუხსნა, ვინ ვიყავი მე, და ისინი სულ უფრო და უფრო ხმამალლა ყვიროდნენ. ნინა კაპიტონოვნაც მიყვიროდა, წადიო. მხოლოდ კატია სდუმდა. იგი კედელთან იდგა და ხან მე მიყურებდა, ხან ნიკოლაი ანტონიჩის.

უეცრად ყველანი გაჩუმდნენ. ნიკოლაი ანტონიჩმა მოხუცი ქალი მოიშორა, თავის ოთახში გავიდა და ერთი წუთის შემდეგ დაბრუნდა. ხელში წერილების დასტა ეჭირა. არა ერთი და ორი, არამედ სწორედ დასტა — ორმოცამდე. არა მგონია, რომ ყველა კაპიტანი ტატარინოვის წერილები ყოფილიყო, უფრო სწორედ რიძვთქვათ, — ეს სხვადასხვა წერილები იყო, სხვადასხვა პირებისაგან — მიწერ-მოწერა, დაკავშირებული ექსპედიციასთან ან რაიმე ამდაგვარი. ეს წერილები სახეში მესროლა, შემდეგ მომაფურთხა და სავარძელზე დაეცა. მოხუცი ქალები მისცივიდნენ მას.

ნათურთხი რომ სახეში მომხვედროდა, ადვილი შესაძლებელია — გამერტყა, ან მომეკლა კიდეც, — ჩემთვის ჯერ პირში არავეის მოეფურთხებინა და, მიუხედავად ყველა ჩემი წესებისა, ამის გამო შემეძლო კაცი მომეკლა. მაგრამ სახეში არ მომხვედრია. არც წერილებმა მოაღწიეს ჩემამდის.

გასაგებია, რომ მე აკრეფა არ დავუწყე ამ წერილებს, თუმცა იყო წამი, როდესაც მე კინალამ არ ავიღე ერთი მათგანი — ის, რომელზედაც ლუქის ბეჭედი იყო წარწერით „წმ. მარიაში“. მე არ

მოყვები აკრეფას. მე ამ სახლში უკანასკნელად ვიყავი. კატია ჩვენს შუა იღვა—საეარძელთან, სადაც ნიკოლაი ანტონიჩი პირმოკუმული იწვა და გულზე მალიმალ ხელს იღებდა. მე კატიას შევხედე—შიგ თვალეში, რომელთაც უკანასკნელად ვხედავდი.

— კეთილი, — ვთქვი მე. — არ მოყვები ამ წერილების კითხვას, რომელნიც სახეში მესროლეთ. მე სხვაგვარად მოვიქცევი — ექსპედიციას ვიპოვი, მე არა მჯერა, რომ ის უკვალოდ დაიკარგა, და მაშინა ვნახოთ, ვინ იქნება ჩვენს შორის მართალი.

მე მინდოდა კატიას გამოვთხოვებოდი და მეთქვა მისთვის, რომ ჩემს სიცოცხლეში არ დამავიწყდება, ზურგი როგორ შემომაკეცია დასაფლავებაზე. მაგრამ ნიკოლაი ანტონიჩმა საეარძლიდან წამოდგომა დააპირა და კვლავ საშინელი აურზაური ატყდა. მოხუცი ბუბუნჩიკოვები დამეხევივნენ და რალაც მაგრად დამარტყეს ზურგში. ხელი ჩავიქნიე და წამოვიდი.

თავი ოცდაეხუთი

უკანასკნელი შეხვედრა

ასე ობლად არასოდეს არ მიგრძენია თავი. უფრო მეტი გამზაგებით მივეტანე წიგნებს. მგონი, მთლად გადავეჩვიე ფიქრს. უფრო კარგი! სჯობდა არ მეფიქრა.

უეცრად წარმოვიდგინე, რომ შესაძლებელია ჯანმრთელობის გამო არ მიმიღონ-მეთქი საფრენოსნო სკოლაში, და შეეუდექი ტანვარჯიშს, ყოველგვარ ხტომებს და ყირებს. ყოველ დღით ვისინჯავდი კუნთებს, კბილებს. განსაკუთრებით მაწუხებდა წყეული სიდაბლე: ყველა ამ უსიამოვნებებისაგან მგონი უფრო დავდაბლდი.

მაგრამ მაინც, მარტის ბოლოს საბუთები შევაგროვე და თავდაცვა-ავიაქიმის საბჭოში გავეზავენე. საბუთებს დაეურთე თხოვნა — გავეგზავნე ლენინგრადში საფრენოსნო-თეორიულ სკოლაში.

მე მგონი, საჭირო არ არის ახსნა, თუ რად მინდოდა მოსკოვიდან წასვლა.

პეტკაც ლენინგრადში აპირებდა. მან საბოლოოდ გადაწყვიტა, სამხატვრო აკადემიაში შესულიყო. — სანიაშაც ლენინგრადში გადაწყვიტა წასვლა იმავე მიზნით.

ოდესღაც მე ბარონ კლოდტის ცხენებსა ვძებრავდი და ჩემი წარმოდგენა ლენინგრადზე ხიდზე შემდგარ ამ მშვენიერ ცხენებთან აყო დაკავშირებული. მე მეგონა, რომ ლენინგრადში ყოველ ნაბიჯზე

ძეგლები და მარმარილოს შენობები იქნებოდა. პეტკამ მიჩნია, „ბრინჯაოს მხედარი“ წამეკითხა, და მე უფრო გამიცხოვლდა ამ შესანიშნავ ქალაქში წასვლის სურვილი. მაგრამ, რასაკვირველია, შეეძლოთ მოსკოვშიც დავეტოვებინე და სევასტოპოლშიაც გავეგზავნე.

საგანაფხულო არდადეგებზე მე და პეტკა ენსკში წავედით. სხვათა შორის, ისევ უბილეთოდ, რადგანაც ფულს „სკოლის დამთავრებისათვის“ ვზოგავდით.

მაგრამ ეს სულ სხვა მგზავრობა იყო და თვითონ მეც სულ მთლად გამოვიცვალე ამ ნახევარ წელიწადში. დეიდა დაშა ავიწვიშდა ჩემს დანახვაზე, მოსამართლემ კი გამოაცხადა, რომ ასეთი სიგამბღრისათვის სასამართლოს წესით უნდა აგონ პასუხი. ყოველგვარ ზომებს მივიღებ, გამოვარკვიო ის მიზეზები, რომელთა გამოც მოპასუხემ სულის წონასწორობა დაჰკარგაო.

მაგრამ მოპასუხეს არაფერი უამბნია ამ მიზეზების შესახებ. იგი ძალიან დასვედიანებული დახეტიალებდა ტაძრის ბაღში, სანაპიროზე, იმ ადგილებში, რომლებიც დიდი ხანი არ არის მას აქეთ, რაც ნაწნავეებიან „მადიებელს“ უჩვენა, რომელსაც ნაცრისფერი ყურებიანი ქუდი ეხურა.

მხოლოდ პეტკას ეუამბე და ისიც გაკვრით—ჩემი ლაპარაკის შესახებ კორაბლიოვთან და იმის შესახებ, თუ როგორ მიმიღო ნიკოლაი ანტონიჩმა. მაგრამ პეტკა სულ სხვა რამით დაინტერესდა: მან მომისმინა და ზეშთავონებით მითხრა:

— უცებ რომ იპოვო?

— რა ვიპოვო?

— ექსპედიცია!

„უცებ რომ ვიპოვო“?—გავიფიქრე მე.

სახეზე ეკალი დამაყარა. შიშმაც ამიტანა და სიხარულმაც. „უცებ რომ ვიპოვო?“ და როგორც ბავშვობაში, თითქოს წარმომიდგა ბუნდოვანი სურათი: თოვლზე თეთრი კარვები, აქასქასებულ ძაღლებს მიაქეთ მარხილი. უზარმაზარი კაცი, გოლიათი ბეწვის ჩექმებით, მარხილს ეგებება. მე კი, მეც ბეწვის ჩექმები მაკვია, ვეებერთელა ქუდი მხურავს და პირში ჩიბუხით კარვის კარებში ვდგევარ...

უნდა ითქვას, რომ პეტკა ენსკში ძალიან უცნაურად იქცეოდა. სულ რაღაც აღტაცებული იყო. ტყუილად კი არ მიკრავდა მოსამართლე თვალს და ყოველ სადილზე სიტყვას იგდებდა ნაადრევი ქორწინების უპირატესობის შესახებ. სანია წითლდებო-

და, პეტკა კი დანისლული თვალებით უსმენდა და ქამით ვერა-
ძღებოდა... იმათ რომ ვაკებრდებოდი, ვხვდებოდი, რომ ზამთრის
არდადეგებზე ალბათ მეც აქეთივე ვიყავი: ვქამდი და ვქამდი.
ეს იყო და ეს. რასაც მეუბნებოდნენ, დაგვიანებით ვიგებდი. მაგრამ
მეჩვენებოდა, რომ იმათთვის ეს ჩვეულებრივი ამბავი იყო.

ენსკში სულ კატიაზე ვფიქრობდი. სანიას წიგნებს შორის „კრა-
ზანა“ ვიპოვე და ამ მშვენიერი რომანის კითხვის დროს ვფიქრობ-
დი, რომ კრაზანას თავგადასავალი ძალიანა ჰგავდა ჩემსას. ისევე,
როგორც კრაზანას, მეც ცილი დამწამეს და საყვარელმა ქალმა
უარპყო იგი ისევე, როგორც მე. წარმოვიდგენდი ხოლმე, როგორ
შევხვდებოდა ერთმანეთს თოთხმეტი წლის შემდეგ და ის მე ვერ
მიცნობს. მეც კრაზანასავით ვკითხავ, ჩემ სურათზე ვუჩვენებ და
ვკითხავ:

— ვინ არის ეს, თუ გაეკადნიერდები და შეგეკითხებით?

— ეს ჩემი ბავშვობის მეგობრის სურათია, რომელზეც გი-
ამბეთ.

— რომელიც თქვენ მოჰქალით?

ის შეკრთება და მიცნობს. მაშინ მე მივყარი ჩემი სიმართლის
საბუთებს და ზურგს შეეპქევე.

მაგრამ ასეთი შეხვედრის დიდი იმედი არა მქონდა. გულის სიღრ-
მეში დარწმუნებული ვიყავი ჩემს სიმართლეში. მაგრამ ზოგჯერ
გულში რაღაც ცივად დამივლიდა ხოლმე — მეტადრე მაშინ,
როდესაც ის დაწყევლილი „ფონი“ მოჰვაგონებოდა. ცოტა ხნით
ადრე ენსკში წასვლამდე კორაბლიოვმა მითხრა, რომ ნიკოლაი
ანტონიჩმა მაჩვენა კაპიტანი ტატარინოვის მიერ ნიკოლაი ივანიჩ
ფონ ვიშიმირსკიზე გაცემული მინდობილობის დედანი ექსპედიციის
ყველა საქმის წარმოების შესახებო.

— შენ შესციდი,— მომახალა მოკლედ და შეუბრალებლად.

მოსკოვში მარტო დავბრუნდი. პეტკა გაცივდა და რამდენიმე
დღით ენსკში დარჩა. მე მომეჩვენა, რომ განგებ გაცივდა. ყოველ
შემთხვევაში, ის ძალიან კმაყოფილი იყო ამით.

ენსკში მოწყენილი ვიყავი და იმედი მქონდა, მოსკოვში ჩამო-
ვალ, წიგნებს ჩაუუჯდები და მოსაწყენად დრო არ მექნება-მეთქი.
მაგრამ მოსაწყენი დრო აღმოჩნდა! გაბრაზებული და დაღუბებული
სკოლის შენობაში დავხეტიალებდი.

სწორედ ამ დღეებში ჩვენკლასელ მარტინოვას წავეჩხუბე.
სისაძაგლისათვის გავარტყი: ტანია ველიჩკოს ავტობატური კალამი

ასწაპნა და მერე სცადა, ვალკასთვის გადაებრალებინა, — მაგრამ წაწილობრივ იმიტომაც გაეარტყი, რომ გოგო იყო.

მეორე დღეს უჯრედში გამომიძახეს და მკითხეს, რა მოხდაო. გოგოებთან ამხანაგური დამოკიდებულება გექონდა, მაგრამ მათთან ჩხუბი მაინც მიღებული არ იყო, განსაკუთრებით უკანასკნელ კლასში. მე ვთქვი, რომ მარტინოვა საძაგელია, რა ვუყოთ, რომ გოგოა, ბიკისთვის რომ გამერტყა, გამომიძახებდით თუ არა. მეთქი?

ბავშვები დაფიქრდნენ და დამეთანხმნენ, არაო.

მაგრამ ერთხელ საიდანღაც შინ დაებრუნდი. შესავალში, მაგიდაზე, სადაც ფოსტალიონები მთელ ჩვენს კორესპონდენციას აწყობდნენ, წერილი „საიდუმლო“ დავინახე: „მეცხრეკლასელ ა. გრიგორიევს“. წერილი გავხსენი: „სანია, მინდოდა მოგლაპარაკებოდი. თუ თავისუფალი ხარ, დღეს რვის ნახევარზე ბაღში მოდი, ტრიუმფალურზე“.

მეცინება, რომ მაგონდება, თუ როგორ შეიცვალა ყველაფერი ამ წერილის წაკითხვისთანავე. კიბეებზე ლიხო შემხვდა, სალამი მივეცი. სადილზე ვალიას ჩემი გურიევის ფაფა დავეთმე და მარტინოვაც კი ისეთი საძაგელი აღარ მეჩვენებოდა. მართლაც, ჰკონი არა ღირდა მისი ცემა, მით უქეტეს, რომ, რაც უნდა იყოს, მაინც გოგოა.

ექვსი საათია! შვიდის ნახევარი! შვიდი. შვიდზე მე უკვე ბაღში ვიყავი. რვის თხუთმეტი, რვის ნახევარი! ბინდდება, მაგრამ ფარნები ჯერ არ ანთია და ათასნაირი სულელური აზრები ძმოდის თავში — „ფარნები არ აინთება და მე კატის ვერ ვიცნობ. ფარნები აინთება, მაგრამ ის არ მოვა... ფარნები არ აინთება და ის მე ვერ მიცნობს...“

ფარნები ინთება და ნაცნობი ბალი, სადაც ოდესღაც მე და პეტკა პაპიროსების გასაღებას ვცდილობდით, სადაც გაზაფხულის დღეებში ათასჯერ მიზუთხია გაკვეთილები, ერთამურით სავსე ბალი, სადაც მხოლოდ ჩვიდმეტი წლისას შეგიძლია იზუთხო გაკვეთილები, ეს ძველი ბალი, სადაც მთელი ჩვენი და კიდევ ორი სხვა სკოლა: 143-ე და 28 ე პაემანებს ნიშნავენ, — ეს ბალი სახეს იცვლის და თეატრს ემსგავსება. ახლა ჩვენ შევხვდებით. აი ისიც.

ერთმანეთს სალამს ვაძლევთ და ვდუმვართ, თბილა, ორი აპრილია, მაგრამ უეტრად თოვას იწყებს. თითქოს განგებ, რომ მთე-

ლი ჩემი სიცოცხლის მანძილზე დაუვიწყარი ყოფილიყო ის საღამო.

— კატია, ძალიან მიხარია, რომ მოხვედი. მეც დიდი ხანია მინდოდა შენთან ლაპარაკი. მაშინ. თქვენთან, ვერაფერი ვერ აგის-სენი, რადგანაც ნიკოლაი ანტონიჩმა ყვირილი დაიწყო და ახსნისათვის ვილას ეცალა. რა თქმა უნდა, თუ შენ იმისი გჯერა...

ამ წინადადების დამთავრებისა მეშინია, რადგან, თუ კატიას იმისი სჯერა, მე უნდა წავიდე ამ ბალიდან, სადაც ჩვენ ვსხედვართ გაფითრებულები, სერიოზულები და ვლაპარაკობთ. ვლაპარაკობთ და ერთმანეთს არ ვუყურებთ. უნდა წავიდე ამ ბალიდან, სადაც თითქოს მარტო ჩვენ ორნი ვართ, თუმცა ყოველ სკამზე ვილაცა ზის და პატარა ჩია უცხვირპირო დარაჯი კოჭლობით ბილიკებს უვლის.

— ნულარ ვილაპარაკებთ მაგაზე.

— კატია, მე არ შემიძლია არ ვილაპარაკო. საერთოდ ჩვენ სალაპარაკოც აღარაფერი გვაქვს, თუკი შენ იმისი გჯერა.

იგი მიუყურებს სევდიანი და მთლად დიდი, ბევრად ჩემზე უფროსი და ჩემზე კვიანი.

— ის შეუბნება, ყველაფერში შენა ხარ დამნაშავეო.

— შენა?

— რაკი მე პირველმა დავიჯერე ეს შეუძლებელი რამ, თითქოს მამა თავის წერილში მას გულისხმობდა, — რასაკვირველია, მე ვარ ყველაფერში დამნაშავე.

მაგონდება, რა უთხრა ერთხელ კორაბლიოვმა ნიკოლაი ანტონიჩზე მარია ვასილენას: „დამიჯერეთ, ეგ საშინელი ადამიანია“. მაგონდება, რასა სწერდა იმის შესახებ კაპიტანი: „გემუდარები, ნუ დაუჯერებთ მაგ ადამიანს“. ჟრუანტელი მიელის იმის გაფიქრებაზე, რომ ეს ადამიანი ახლა კატიას დაუწყებს დარწმუნებას, რომ კატიას ყველაფერში დამნაშავე, რომ მან მოჰკლა დედა, რომ მან წაართვა ერთადერთი ბედნიერება ცხოვრებაში და, მაშასადამე, მის წინაშეც დამნაშავეა. რომ მხოლოდ მან, ნიკოლაი ანტონიჩმა, იცის, როგორ უნდა მოაწყოს ახლა, ამ ბოროტმოქმედების შემდეგ, კატიამ თავისი ცხოვრება... და ყველაფერ ამას შელაპარაკებს ნელ-ნელა, ღლითი ღლე, გრძელი ბრტყელ-ბრტყელი სიტყვებით, რომელთაგანაც თავბრუ გებევეა.

მე წამოვხტი სასოწარკვეთილი და შიშის ზარით შეპყრობილი.

— ახლა იგი თხუთმეტ წელიწადს აღარ გაგითავებს ლაპარაკს, რომ შენა ხარ დამნაშავე და ბოლოს და ბოლოს დაგარწმუნებს

კიდევ ამაში, როგორც მარია ვასილევნა დაარწმუნა. განა შენ არ კვსმის, რომ ეს უფლების მოპოვება იქნება? თუ შენ დამნაშავე ხარ, ის შენზე სრულ უფლებას მოიპოვებს და ყველაფერს გაგაკეთებინებს, რასაც მოინდომებს.

— მე წავალ.

— სად წახვალ?

— ჯერ არ ვიცი. გადავწყვიტე გეოლოგიურ-საძიებოზე შევიტანო განცხადება. დავამთავრებ და წავალ.

— შენ არსადაც არ წახვალ. შეიძლება ახლა კიდევ წასულიყავი, მაგრამ ოთხი წლის შემდეგ, — დამერწმუნე არსად არ წახვალ! ის ლაპარაკით გაგაბრუებს. ხომ დააჯერა მარია ვასილევნა, რომ იგი გულკეთილი და კეთილშობილი ადამიანია და, რაც მთავარია, რომ მარია ვასილევნა დავალებულია მისგან იმდენი მზრუნველობის გამო! რა ეშმაკად გადაგეკიდა! აკი მეუბნებოდა, ყველაფერში შენა ხარ დამნაშავეო.

— იგი ამბობს, რომ შენ უბრალოდ მკვლელი ხარ და შერი არაფერი.

— ძალიან კარგი.

— და რომ მას არ გაუჭირდება, რომ შენი თავი დაახვრეტინოს.

— კეთილი! იმის გარდა ყველანი დამნაშავენი არიან. მე კი ვეუბნები, რომ ის საზიზღარი ადამიანია, იმის გაფიქრებაც კი საზარელია, რომ ასეთი ადამიანები არიან ქვეყანაზე.

— მაგაზე ნულარ ვილაპარაკებთ...

— კარგი, ნუ ვილაპარაკებთ. ახლა მითხარი, რა გჯერა ყველა ამ სისულელიდან?

კატია დიდხანს სდუმს. მე კვლავ მის გვერდით ვჯდები, ძალიან ვშიშობ, მაგრამ ხელზე ხელს ვკიდებ, ის განზე არ იწევს, არც ხელი მიაქვს.

— მე მჯერა, რომ შენ განგებ არ ამბობდი, ის ნიკოლაი ანტონიჩიაო. შენ მართლა გეგონა, რომ ის ნიკოლაი ანტონიჩი იყო.

— ახლაც მგონია.

— მაგრამ არ უნდა ცდილიყავი ამაში ჩემს დარწმუნებას, მით უმეტეს დედაჩემისას.

— მაგრამ ნამდვილად ის არის.

კატია ჩემგან განზე იწევს, ხელიც უკან მიაქვს.

— მაგაზე ნულარ ვილაპარაკებთ.

— კარგი, ნუ ვილაპარაკებთ. ოდესმე დავამტკიცებ, რომ ის ნიკოლაი ანტონიჩი, დავამტკიცებ, თუგინდ მთელი ჩემი სიცოცხლე მაგას შევწირო.

— ის ნიკოლაი ანტონიჩი არ არის და, თუ შენ არ გინდა, აქედან წავიდე, მაგაზე ნულარ ვილაპარაკებთ.

— კეთილი. ნუ ვილაპარაკებთ.

ჩვენ ამაზე აღარ გვილაპარაკნია. მან მკითხა გაზაფხულის არდადეგების შესახებ, იმის შესახებ, თუ როგორ გავატარე დრო ენსკში, როგორ არიან სანია და მოხუცები. მეც მოკითხვა გადავეცი სანიასა და მოხუცებისაგან. მაგრამ ის აღარ მითქვამს, რა მოწყენილი ვიყავი უიმისოდ ენსკში, მეტადრე, როდესაც მარტო დავხეტიალებდი ჩვენს ნაცნობ ადგილებში, რა ბევრსა სკამდა პეტკა და სულ ზეშთაგონებით იყო შეპყრობილი, და რომ იმათთვის ეს მდგომარეობა არც ისე არაჩვეულებრივია! მე არ ვიცოდი. ვუყვარდი ახლა კატიას თუ არა, მაგრამ ამის კითხვაც კი შეუძლებელი იყო, თუმცა ძალიან მინდოდა მეკითხა. მაგრამ ამ სიტყვის წარმოთქმაც არ შეიძლებოდა ახლა, როდესაც ჩვენ ვისხედით და ვილაპარაკობდით ასეთი სერიოზულები და ფერხიხილები და როდესაც კატია ისე ჰგავდა თავის დედას! მე მიიღოდა მოვარდნე ენსკიდან როგორ მოვდიოდით, თითებით როგორ ვწერდით შეკირხლულ ფანჯრებზე და უეცრად თვალწინ იშლებოდა თოვლით დაფარული მინდორი. მას შემდეგ ყველაფერი გამოიცვალა! და ახლა ჩვენ არ შეგვეძლო ერთმანეთის მიმართ ის ვყოფილიყავით, რაც უწინ ვიყავით, მაგრამ ძალიან მინდოდა ვაჩვენო, ისევ ვუყვარდი თუ არა.

— კატია, — ვუთხარი უეცრად, — არ გიყვარვარ?


ის შეკრთა და განცვიფრებით შემომხედა, შემდეგ გაწითლდა და მომეხვია. მომეხვია და ჩვენ თვალეზახუქულეთმა ვაკოცეთ ერთმანეთს, ყოველ შემთხვევაში, მე, მაგრამ, მგონი, იმანაც, — იმიტომ რომ ჩვენ ერთდროულად გავახილეთ თვალები. ჩვენ ერთმანეთს ვაკოცეთ ბაღში, ტრიუმფალურზე, მოსკოვის შუაგულში. იმ ბაღში, სადაც ჩვენი დანახვა სამ სკოლას შეეძლო — ჩვენსას, 143 ეს და 28-ს. მაგრამ ეს შაამნარევი ამბორი იყო. ეს განშორების ამბორი იყო. და თუმცა გამოთხოვებისას ჩვენ შევთანხმდით, რომ კვლავ შევხვდებოდით, მე მაინც ვგრძნობდი, რომ ეს ამბორი განშორებისა იყო.

აი რატომ იყო, რომ, როდესაც კატია წავიდა, მე ბაღში დავრ-

ჩი და დაღონებული კიდევ დიდხანს დაეხეტიალეზდი ბილიკებზე-
იმ სკამზე ვჯდებოდი, რომელზედაც ჩვენ ვისხედით, მივდიოდი და
კვლავ ვბრუნდებოდი. ქული მოვიხადე. თავი მიხურდა, გული
მიკვნესოდა. იქაურობას ვერა ვშორდებოდი.

როდესაც შინ დავბრუნდი, ჩემ საწოლთან მაგიდაზე დიდი კონ-
ვერტი დამხვდა, რომელსაც თავდაცვა-ავიაქიმის ბეჭედი ჰქონდა და
მსხვილად ეწერა ჩემი სახელი. მამის სახელი და გვარი. ჩემ ცხოვ-
რებაში პირველად მიწოდებდნენ სახელს და მამის სახელს. აკან-
კალეზული ხელებით კონვერტი გავხსენი. თავდაცვა-ავიაქიმის საბჭო
მაცნობებდა, რომ ჩემი ქალაღდები მიღეზულია და რომ ორ მაისს
საეკიმო კომისიაში უნდა გამოვცხადდე საფრენოსნო სკოლაში შე-
სასეღლელად.





ნაწილი მეოთხე

ჩრდილოეთი

თავი პირველი

საფრანგოსნო სკოლა

1928 წლის ზაფხულია. ჩემს თავს ბოხჩით ხელში ლენინგრადის ქუჩებში ვხედავ.

საბავშვო სახლელებს სკოლის დამთავრების შემდეგ პირველ დღეებში მოსახმარად აძლევდნენ კოვზს, ტოლჩას, ორ წყვილ საცვალს და „ყველაფერს, რაც პირველ ხანებში დასჭირდებათ“. მე და პეტია ჩვენი სკოლის ყოფილ მოსწავლესთან, „ელექტრო-სილის“ ზეინკალ სიომა გინზბურგთან ვცხოვრობთ. სიომას დედას სახლმმართველისა ეშინია, ამიტომ ყოველ დღით მომაქვს იქიდან ჩემი ბოხჩა, სალამოთი კი კვლავ უკან მიმაქვს: თავს ისე ვიჭერ, თითქოს ეს არის, ახლა ჩამოვედი. სასადილოდან ლუწ რიცხვებში პირველი თავი სადილი გამოგვაქვს 15 კაპიკად, კენტ რიცხვებში კი—მეორე, 25 კაპიკად. დავეხეტიალეზთ განიერ ქუჩებში, შორს გაკიმულ ნევის სანაპიროზე და პეტია, რომელიც ლენინგრადში თავს ისე გრძნობს, როგორც საკუთარ სახლში, „ბრინჯაოს მხედარზე“ მიაბზობს, მე კი სულ იმას ვფიქრობ: მიმიღებენ თუ არა.

სამი კომისიაა—საეჭიპო, სამანდატო და საერთო-საგანმანათლებლო. გული, ფილტვები, ყურები, კვლავ გული! ვინა ვარ, სად

დავიბადე, სადა ვსწავლობდი და რატომ გადავწყვიტე მფრინავი, გავხდე?

მართლა ცხრამეტი წლისა ვარ? გადაკეთებული ხომ არ არის დაბადების წელი? შეხედულეებით თითქოს ნაკლებისა ვარ. რაიკომის რეკომენდაციას გრიგორიემა რად მოაწერა ხელი, ეგ ვილა არის — ძმა თუ მოგვარე!

აი ძლივს — დადგა გადამწყვეტი დღე! აერომუზეუმის წინ ვდგევარ — აქ ვიპერდით გამოცდებს. ეს უზარმაზარი, ლომებიანი სახლია როშალის პროსპექტზე. პეტია მითხრა, ეს ლომები „ბრინჯაოს მხედარშია“ აღწერილი და თითქოს ამ ლომების წყალობით გადარიჩინა თავი წყალდიდობის დროს ევგენიმ, დღემდის არ ვიცი, მართალია ეს თუ არა. პუშკინისათვის არა მცალია. ლომები ისეთნაირად მიყურებენ, თითქოს ისინიც საცაა კითხვას დამიწყებენ: ვინა ვარ, სად დავიბადე და მართლა ცხრამეტი წლისა ვარ?

მაგრამ, აი როდის იწყება ნამდვილი შიში: როდესაც მეორე სართულში ავდივარ და დატაზე საფრენოსნო სკოლაში მიღებულთა სიას ვუყურებ.

ვკითხულობ: ვლასოვი, ვორონოვი, გოლომბი, გრიბკოვი, დენისიაკი... თვალთ მიბნელებდა, მე არა ვარ. კვლავ ვკითხულობ: ვლასოვი, ვორონოვი, გოლომბი გრიბკოვი, დენისიაკი... მე არა ვარ! რაც შეიძლება ღრმად ვსუნთქავ ჰაერს, რომ დამშვიდებით წავიკითხო: ვლასოვი, ვორონოვი, გოლომბი, გრიბკოვი, დენისიაკი. ვუყურებ ამ სიას, რომელშიაც რაც ქვეყანაზე გვარებია, მგონი, ყველა სწერია, გარდა ჩემი გვარისა, და ისეთი სევდა მიპყრობს, როგორიც შეიპყრობს ხოლმე სიცოცხლემოძულეებულ ადამიანს.

კოკისპირულ წვიმაში ებრუნდები შინ. ვლასოვი, ვორონოვი, გოლომბი“... ბედნიერი გოლომბი!

ტლანქი სახის, უზარმაზარი, მხარბეჭიანი ვაჟაკი, ვინმე ვასკო ნუნეს ბალბოა წარმომიდგება, როდესაც ამ გვარს წარმოეთქვამ. რასაკვირველია! მე ვინ მიმიღებს! ეს წყეული სიდაბლე!

კარებს პეტია მიღებს, მას შიში იპყრობს. მე გაწუწული ვარ, სახეზე ადამიანის ფერი აღარ მადევს.

— რა მოგივიდა?

— პეტია, სიაში არა ვარ.

— ტყუი.

სიომას დედა შურდულივით შემოვრბის სამზარეულოში და მგკითხება, სახლმმართველი ხომ არ შეგხვედრიაო. ხმას არ ვი-

ლებ. სამზარეულოში სკამზე ვზივარ, პეტია კი თავჩაქინდრული სევდიანად დგას ჩემს წინ.

მეორე დილას ორივენი წავედით აერომუზეუმში და სიაში ჩემი გვარი ვიპოვეთ. მეორე სვეტში, სადაც სხვა ბიჭებიც იყვნენ „გ“-ზე. გრიგორიევი ორი იყო — ივანე და ალექსანდრე. პეტია მარჯუნებდა, შენი გვარი ალელეებისაგან ვერ იპოვეო...

ღრო გარბის და აი, ჩემს თავს აერომუზეუმის იმავე სამკითხველოში ვხედავ. სადაც გამოცდებს ვაბარებდით. სამანდატო და საექიმო კოძისიის მიერ გადარჩეული ცამეტი კაცი მწკრივში ვდგევართ — ზორბა, წითელთმიანი მხიარული სკოლის უფროსი გამოლის და გვეუბნება:

— ყურადღება, ამხანაგო მოსწავლეებო.

ამხანაგო მოსწავლეებო! მე საფრენოსნო სასწავლებლის მოსწავლე ვარ! ტანზე ეკალს მაყრის და მეჩვენება, რომ თითქოს ჯერ ცხელი და მერე ცივი წყალი გადამასხხეს. მე მოსწავლე ვარ! მე ვითრენ! არ მეყურება, რაზე ლაპარაკობს უფროსი...

ღრო გარბის, ქარხნიდან პირდაპირ ლექციებზე მივდივართ. სიომა გინზბურგმა ზეინკლის თანაშემწედ მომაწყო „ელექტროსილაში“.

ვისმენტ მატერიალურ ნაწილს, ავიაციის თეორიას, ძრავებს. ქარხანაში რვა საათის ყოფნის შემდეგ ძალიან გვეძინება, მაგრამ ჩვენ ვუსმენტ მატერიალურ ნაწილს, ავიაციის თეორიას, ძრავებს და მხოლოდ ღროდაღრო მიშა გოლომბი, რომელიც ჩემსავით პატარა ტანისა აღმოჩნდა, ჩემ ზურგს უკან ეწკობა და ნელა იწყებს ფშინევას. შემდეგ ფშინევას უმატებს და მე ფრთხილად თავს მაგიდაზე ვარტყმევინებ...

ჩვენ საფრენოსნო სკოლაში ვსწავლობთ, მაგრამ როგორ არა ჰგავს იგი ახლანდელ საფრენოსნო სკოლას! ჩვენ არა გვაქვს არც ძრავები, არც თვითმფრინავები, არც ბინა, არც ფული. მართალია, აერომუზეუმში რამდენიმე ძველი დამტვრეული თვითმფრინავი დგას — თუ სურვილი გაქვს, შეიძლება შენი თავი მზვერავად წარმოიდგინო „ხაველანდზე“ — ან გამანადგურებლად „ნიუპორზე“, რომელიც უკანასკნელად სამოქალაქო ომის ფრონტზე დაფრინავდა. მაგრამ ამ დამსახურებულ „კუბოებზე“ სწავლა არ შეიძლება.

ძრავებს ვაგროვებთ თავდაცვა-ავიაქიმის შესანიშნავი მანდატით, რომლის თანაბმადაც სრული უფლება გვაქვს, კედლიდან თვითმფრინავის რომელი ნაწილიც გვსურს, ჩამოვხსნათ, ლენინ-

გრადის ყველა წითელი კუთხეები დაეიარეთ. ზოგჯერ ეს ნაწილები არა წითელ კუთხეში, არამედ სახლმმართველობაში ავიაციის მოყვარულ ბუნჰალტრის მაგიდის ზემოდან ჰკიდია. ჩვენ ვიღებთ მათ და აეროდრომზე მიგვაქვს. ზოგჯერ ეს მშვიდობიანად ხერხდება, ზოგჯერ დავიდარაბით. მე და ტექნიკოსი სამჯერ ვიყავით მკერათა კლუბში და გამგეს ვუმტკიცებდით, რომ ძველ ძრავს, რომელიც ფოიეში დგას, არავითარი სააგიტაციო მნიშვნელობა არა აქვს.

როგორ ვუვლით მთელ ამ ჩაქანებულ ხარახურას, როდესაც ის ბოლოს და ბოლოს ჩვენს ხელში ვარდება! ვწმენდთ, ვწმენდთ და კვლავ ისევ ვწმენდთ; პირველ ნახევარ წელს მგონი წმენდისა და ძრავების აწყობის მეტს არაფერს ვაკეთებთ. ეს მე უფრო მიჭირს, ვიდრე სხვებს, — ჩვენთან თითქმის ყველანი ზეინკლები და შოფერები არიან. მაგრამ მე განგებ ყველაზე ძნელ სამუშაოს ვკიდებ ხელს. სანამ ცოცხალი ვარ, არ დამავეიწყდება თვითმფრინავი - V-1-ს* მარცხენა სიბრტყე, რომელზედაც ჩვენ ვსწავლობდით. ეს თვითმფრინავის ყველაზე კუჭყიანი ნაწილია, ხეივანი ძრავიდან მარცხენა სიბრტყის ქვეშ ასხამს და მე სანამძლეოზე სკოლის დამთავრებამდე ყოველდღე ვრეცხავ მას. ზურგზე გაწოლილი ტალახს ნაფორტით ვაცლი, მერე ჯაგრისით, შემდეგ ჩერიო, წყალი ზედამდის, ზეთის სუნისაგან გული მერევა.

რა თქმა უნდა, ჩვენ მაინცდამაინც არა ვგვევართ მომავალ პილოტებს, მეტადრე, როდესაც გვიან ღამით შინ ვბრუნდებით: აეროდრომიდან და მთელი ტრამვაი ცხვირზე ხელს იჭერს და აღშფოთებული შემოგვეყურებს. მაგრამ ჩვენ წარბსაც არ ვიხრით. მიშკა ამბობს:

— ვის ეშმაკს ასდის სასაქმებელი ზეთის სუნი? ფუი! — და დემონსტრაციულად ცხვირზე ხელს იჭერს.

ჩვენი დღე ძალიან ადრე იწყება — დილის შვიდი საათიდან ათ საათამდე ძრავების აწყობას ვუნღებით და რიგრიგობით ვუხსნით ვანია გრიბკოვს, რა არის ჰორიზონტი. ჩვენ გვეყავდა ერთი ასეთი, ვანია გრიბკოვი, რომელსაც მთელი სკოლა უხსნიდა, თუ რა იყო ჰორიზონტი. შემდეგ ინსტრუქტორები მოდიან და ფრენა იწყება.

ჩემი ინსტრუქტორი, იგივე სკოლის უფროსი, იგივე მატერიალური და სამნეო ნაწილის გამგე — ძველი სამოქალაქო ომის დროინდელი მფრინავია. ზორბა ტანის, მხიარული კაცია, არაჩვეუ-

ლებრივი თავგადასაველების მოყვარული, რომელთაც საათობით ვეიაშობს. ფიცხია, მაგრამ ადვილად დაშოშმინდება ხოლმე, გამბედავი, მაგრამ ცრუმორწმუნეა. ინსტრუქტორის მოვალეობა ძალიან უბრალოდ ესმის: ის მლანძღავს და, რაც უფრო მალა ავდივართ, მით უფრო მაგრა ილანძღება. ძლივს მომეშვა— პირველად ნახევარი წლის განმავლობაში!.. ეს შესანიშნავი იყო! ათიოდე წუთი მშვენიერ გუნებაზე ვფრინავდი. არ ილანძღება— ჩანს კარგად მიმყავს თვითმფრინავი; მიუხედავად ძრავის ხმაურობისა, მომეჩვენა, რომ სრულ სიწყნარეში მიეფრინავთ— უჩვეულო მდგომარეობაა!

მაგრამ აქვე მიეხვდი, რაც მოხდა; ტელეფონი გამორთულიყო და ყურმილი ქიმის იქით კონწილელბდა. დავიქირე ყურმილი და მასთან ერთად უკანასკნელი წინადადებაჲ.

— ნიჩაბო! თქვენ კი არ უნდა ფრინავდეთ, საასენიზაციო აღალში უნდა მსახურობდეთ!

ჩემი ინსტრუქტორი ყველაზე საშინელ ლანძღვასაც კი ზრდილობიან „თქვენობით“ მომართვასთან ათავსებს..

სხვა სახე ცოცხლდება ჩემს თვალწინ, როდესაც ლენინგრადში ჩემი ყოფნის პირველ წელიწადს ვიგონებ. საკორპუსო აეროდრომზე ყოველდღე მოდის ჩ. მას უბრალო საქმე აბარია— ძველი, მრავალჯერ დამტყრეული მანქანით მგზავრებს ასეირნებს. მაგრამ ჩვენ ვიცით, რა აღამიანია იგი. ჩვენ ვიცნობთ და გეიყვარს იგი დიდი ხნით უფრო ადრე, ვიდრე მას გაიცნობდა და შეიყვარებდა ჩვენი ქვეყანა. ვიცით, ვისზე ლაპარაკობენ მფრინავები აერო-მუზეუმში, რომელიც იმ წლებში რალაც ჩვენი კლუბის შაგვარი იყო. ჩვენ ვიცით, ვის ჰბაძავს სკოლის უფროსი, როდესაც წყნარი ბანით ლაპარაკის დროს მახვილს ოღნავ „ო“-ზე უსვამს:

— როგორ არის საქმე? ახერხებთ ღრმა ვირაყებს? ოლონდ ტყუილი არა თქვათ! აბა თქვენ იცით!

ქუდმოგლეჯილები მივრბივართ იმ აღამიანისაკენ, როდესაც ის თავისი გასაოცარი ფიგურების შემდეგ აეროდრომზე ბრუნდება. უმაღლესი პილოტაყის მოყვარულნი თითქმის ოთხით მილოღვენ აქედან, ზაფრანის ფერი ადევთ, ის კი კაბინიდან უსათვალოდ გეიყურებს— უდიდესი ალღოს მფრინავი, აღამიანი, რომელშიც არწივის სული ცოცხლობდა.

ივან ივანიჩის მიერ სახსოვრად დატოვებულ სტეტოსკოპთან ერთად ყველგან თან დამაქვს ამ მფრინავის სურათი, რომელიც

მან მაჩუქა არა ლენინგრადში. როცა კურსანტი ვიყავი, არამედ ბევრად უფრო გვიან, რამდენიმე წლის შემდეგ მოსკოვში. ამ სურათზე მისი ხელითაწერია, „თუ ყოფნაა, — უნდა იყო საუკეთესო“.

ასე მიდიოდა ეს წელი — ძძიმე, მაგრამ მშვენიერი წელი ლენინგრადში. ძალიან გულმოდგინედ და ენერგიულად ვმუშაობდით. ვსადილობდით, სადაც მოგვხვდებოდა, და დროის დიდ ნაწილს ძველი ძრავების აწყობას და გაწმენდას ვანდობდით. ეს მშვენიერი წელი იყო, ოცნებათა წელი, რომელმაც საპუნქტირო ხაზივით დასახა ჩემი მომავალი ცხოვრება. წელი, როდესაც ვიგრძენი, რომ ძალმიძს შევქმნა ჩემი ცხოვრება ისეთი, როგორსაც მსურს ვხედავდე მას.

საგულისხმოა, რომ თუმც ერთი თავისუფალი წუთიც არა მქონია. მაინც დღიურის მაგვარს რაღაცას ვაწარმოებდი. ზოგიერთ აზრებსა და შთაბეჭდილებებს ვიწერდი. სამწუხაროდ, ეს დღიური დანეკარგა, მაგრამ მახსოვს, რომ პირველ ფურცელზე ციტატი იყო კლავუზივიციდან: „პატარა ნახტომის გაკეთება უფრო ადვილია, ვიდრე დიდის, მაგრამ მაინც, როდესაც განიერ თხრილზე გადახტომა გვსურს, ჩვენ იმით კი არ ვიწყებთ, რომ ნახევარ ნახტომით მის ძირზე დავხტეთ“.

სწორედ ეს იყო ჩემი მთავარი ფიქრი ლენინგრადში — წინსვლა ნახევარი ნახტომების გარეშე.

დრო გარბის და მხოლოდ ერთი დღით ჩერდება 1930 წლის აგვისტოს ბოლოს. ამ დღეს მე მდიდრულ, ათეულ სხვადასხვანაირ მაღალ და დაბალ მაგიდებიდან შემდგარ უზარმაზარ სუფრას ეუბივარ. დიდრონი ფანჯრები, შუშის კერი. ეს ფოტოგრაფ-მხატვარ ბერენშტეინის ბინაა, ვისთანაც უჭირავს ოთახი ჩემსა და სანიას.

თავი მეორე

სანიას ქორწილი

ყოველ გამოსასვლელ დღეს მივიდიოდი სანიასთან და, უნდა გამოგიტყდეთ, იქნებ უცნაურიც იყოს დაზე ასეთი ლაპარაკი, — სულ უფრო და უფრო მეტად მომწონდა. რაღაც მხიარული, მოქნილი და, ამასთან ერთად, საქმიანი იყო.

აკადემიაში შევიდა და მაშინვე საბავშვო გამომცემლობაშიც სამუშაო იშოვა. მშვენიერი ოთახი იქირავა და ფოტოგრაფ-მხატ-

ვარსა და მის ოჯახს, მათაც აგრეთვე რაღაც საქმეებს უკეთებდა, თვალში რომ ჩაეარდნოდათ, ხელს არ მოისვენდნენ. მუდამ იცოდა ჩვენი საქმეების ვითარება, ჩემი და პეტრასი—და დაუზარებლად სწერდა ჩვენს მაგიერ მოხუცებს. ამასთან ერთად ბევრს მუშაობდა აკადემიაში და, თუმცა პეტრასავით დიდი ნიჭით არ იყო დაჯილდოებული, მაინც მშვენიერად ხატავდა. მას უყვარდა მინიატურები—ხელოვნება, რომელსაც ახლა თითქმის აღარ მისდევენ ჩვენი მხატვრები. და ისე ფაქიზად აკეთებდა სახისა და ტანსაცმელის ყოველ წვრილმანს, რომ პირდაპირ გაგაოცებდათ. როგორც ბავშვობაში, მუსაიფი ახლაც უყვარდა და, როდესაც ნაწყენი იყო რითიმე ან გატაცებული, ისე ჩქარ-ჩქარა მიაყრიდა, რომ ბოლოს და ბოლოს ვერაფერს გავიგებდი ხოლმე, ერთი სიტყვით, ეს საყვარელი და იყო და იგი ახლა თხოვდებოდა.

ცხადია, მიხვდებით, ვისზე თხოვდებოდა, თუკა ამ საღამოს მხატვარ-ფოტოგრაფის ატელიეში შეკრებილ ყმაწვილთა შორის პეტრია ყველაზე ნაკლებად ჰგავდა ნეტეს. ძალიან ჩაფიქრებული—იგი ვიღაც ცხვირნისკარტა ბიჭს მისჯდომოდა და სდუმდა. ბიჭი კი სულ ეძიძგილავებოდა, თითქოს ცხვირით უნდა გაბურღოსო. ჩურჩულით ვკითხე სანიას, ეს ცხვირნისკარტა ვინ არის-მეთქი, და მან მოწიწებით მიპასუხა:

— იზია.

მაგრამ მე რატომღაც თვალში არ მომივიდა ეს იზია.

საერთოდ უცნაური ქორწილი იყო. მთელი საღამო სტუმრები რაღაც ძროხის შესახებ კამათობდნენ—რამდენად სწორია, რომ მხატვარი ფილიპოვი უკვე ორ წელიწად-ნახევარია ძროხასა ხატავსო. რითქოს მან ძროხა პატარა ოთხკუთხედებად დახაზა და თითოეულ ოთხკუთხედს ცალკე ხატავს. მინდოდა მეტქვა, უბრალოდ ავადმყოფი ყოფილა-მეთქი, მაგრამ იზიამ უკვე მოასწრო ამ ძროხაზე მთელი თეორიის აგება და რაღაც უწოდა კიდევ „იზმის“ დაბოლოებით. ნეფე-დედოფალს ყურადღებას არავინ აქცევდა.

სანიას ქორწილში სადღესასწაულო განწყობილებით მივდიოდი. და გითხოვდება—ეს ხომ არც ისე ხშირად ხდება ცხოვრებაში! დილით დიდი დეპრესია მივიღეთ მოსამართლისა და დეიდა დაშასაგან ორი მისამართით: ნეფე-დედოფალს, ასლი კი—მე. მთელი თვე ვაწყობდი მათთვის რადიომიმღებს, მაგრამ ამ მხატვრებისათვის ყველაფერი ამაო ყოფილა. მთელი საღამო ძროხაზე კამათობდნენ.

ნ ეფე დედოფალი მაინც მხიარულად იყენენ, მეტადრე პე-
ტია, რომელიც დროდადრო იტყობა: „სასაცილოა!“—და კმაყო-
ფილი სახით მიიხედ-მოიხედავდა ხოლმე. სანია ძალიან გაძეძევე-
ბული იყო:—თეფშები არა ჰყოფნიდა და სტუმრებს ორ ცვლად
უნდა გამასპინძლებოდა.

მხოლოდ ერთი წუთით დაჯდა, გაწითლებული, გაოგნებული, ახალ
მაქმანჩატანებულ კაბაში, რომელმაც, მეც არ ვიცი რატომ, ენსკი
და დეიდა დაშა მომაგონა. ამ წუთით ვისარგებლე და ავდექი.

— ყურადღება, სადღეგრძელოს ამბობს!—თქვა იზიამ და ცნო-
ბისმოყვარეობით შემომხედა, ყველანი გაჩუმდნენ.

— ანბანაგებო, ჯერ ერთი, წინადადებას გაძღვეთ პატარძლის
სადღეგრძელო დალიოთ,—ვთქვი მე.—თუმც დაა ჩემი, მაგრამ რა-
დგან ფიქრად არავის მოსდის მისი სადღეგრძელო შესვას, იძულე-
ბული ვხდები, ეს სადღეგრძელო მე შემოგთავაზოთ.

ყველამ „ვაშა“ შესძახა და სანიას კიკები მიუჯახუნეს.

— მეორე, წინადადებას გაძღვეთ, ნეფის სადღეგრძელო და-
ლიოთ,—განვაგრძობდი ნე—თუმცა, საცა სამართალია, ჯერ მას
უნდა დაეღია ჩემი სადღეგრძელო. რატომ? რადგან სწორედ მე
დავუმტკიცე, რომ მხატვარი უნდა გამოსულიყო და არა მფრინა-
ვი. შესაძლოა, საიდუმლოს ვამეღავენებ, მაგრამ ეს ფაქტია: მას
მფრინავობა უნდოდა. ერთხელ მთელი დღე ვიკამათეთ ამაზე. მარ-
წმუნებდა, სულაც არ მიყვარს ხატვაო. ეშინოდა, რომ ხატვით
ვერ შესძლებდა მთელ თავის სულიერ ძალთა გამოვლინებას.

ყველამ ხარხარი დაიწყო, მე კიკაზე კოვზი მივაწკარუნე.

— საიდან მოვიტანე, რომ ის სწორედ მხატვარი უნდა გამო-
სულიყო? ძალიან უბრალოდ. მან თავისი სურათები მაჩვენა. შემი-
ძლია დაგიდასტუროთ, რომ მაშინ მას მხოლოდ ერთი სიუჟეტი
აინტერესებდა. სწორედ ის სიუჟეტი, რომლის სადღეგრძელოც ეს
არის დავლიეთ.

მე სანიაზე ვუჩვენე.

— დამერწმუნეთ, ტყუის,—წაიბუტბუტა პეტია.

— ეს სიუჟეტი მრავალნაირად იყო გამოსახული: ნავში. ქურა-
სთან, პატარა სკამზე, ალაყაფის კარებთან, პატარა სკამზე ბალ-
ში, პალტოში, უპალტოოდ, უკრაინულ კოფთაში და ლურჯ ხა-
ლათში. აქ უკვე ძნელი არ იყო წინასწარმეტყველება: ჯერ ერთი
ის, რომ ოდესმე მხატვარი გახდებოდა, მეორე ის, რომ ჩვენ ოდე-
სმე ამ სუფრასთან შევიკრიბებოდით და ჩვენი ნეფე დედოფლის
სადღეგრძელოს დავლევდით, რასაც ახლა მოგიწოდებთ.

მე სანიას და პეტრის ჰიქა მიეუჯახუნე და ბოლომდის გამოვ-
ცალე.

მერე ჩემი სადღევრძელო დაღიეს, შემდეგ იზიასი, ეს კი შეც-
დომა იყო, რადგანაც იზიამ თავის სამადლობელს ბოლო ველარ
შობაბა. იგი ლაპარაკობდა რაღაც სიტყვამოსწრებული თავდასხმე-
ბით მხატვარი ფილიპოვის წინააღმდეგ და მხოლოდ თვითონ იცი-
ნოდა. პეტკა კმაყოფილებით უყურებდა და სულ „სასაცილოაო“,
იმეორებდა, მერე უეცრად წამოქარხლდა და თქვა, რომ იზია ტი-
პიური „უგვანო კაცია“ და თან „უნიჰო კაციო“, დაუმატა დაფიქ-
რების შემდეგ.

მაგრამ იზია არ დაეთანხმა. არ ვიცი ეს კამათი რით გათავდე-
ბოდა, რომ სწორედ ამ დროს სანიას პროფესორი არ მოსულეყო,
ძალიან პატივსაცემი, მშვენიერი შავწყერა კაცი. ყველანი მის მი-
საგებებლად გაიქცნენ და კამათი შეწყდა.

სიმართლე გითხრათ, ჩემს სიცოცხლეში პირველად ვხედავდი
ნამდვილ პროფესორს. ძალიან მომეწონა. ხელად დაითრო და მი-
თხრა, ყოველთვის ავიატორი მინდოდა გამოვსულიყავი, ჯერ ისევე
1914 წლის ომის დროსო. მერე სანიას მოეხვია და რამდენადმე
უფრო ხანგრძლივად ჰკოცნიდა, ვიდრე ეს ამისთანა პატივსაცემ
წვერიან პროფესორს შეეფერებოდა, მერე სავარძელზე მიწვა და
მიეძინა.

ერთი სიტყვით, სანიას კორწილში დიდი მზაარულება იყო,
მაგრამ გულის სიღრმეში რაღაც სევდასა ვგრძნობდი, რომელშიც
ჩემ თავსაც არ მინდოდა გამოვტეხოდი. მხატვრები რაღაც უცნა-
ურებად მეჩვენებოდნენ—და ეს გასაგებია, იმიტომ რომ მე სხვა
ცხოვრება და სხვა ინტერესები მქონდა. თუმცა, მგონი, ისინიც ამას-
ვე ფიქრობდნენ ჩემზე. ეს ჩემი სიტყვის წარმოთქმის დროს ვიგ-
რძენი.

მაგრამ ჩემს სევდას სხვა მიზეზიც ჰქონდა: სანია მიმიხვდა ამას,
რადგან, როდესაც პროფესორს გამოვღვიძა და საქვეყნოდ გამოა-
ცხადა, დიპლომის დაცემდის ვუკრძალავ სანიას გათხოვებასაო
და ყველა სიცილ-ხარხარით შემოეხვია მას, სანიამ ჩუმად დამიქ-
ნია ხელი და ჩვენ სამზარეულოში გავედი.

— მოკითხვა შემოგითვალეს... იცი ვინ?

მაშინვე მივხედი ვინ, მაგრამ მშვიდად ვუთხარი:

— არ ვიცი.

— კატიამ.

— რას ამბობ? გმადლობ.

სანიამ წყენით შემომხედა. ოდნავ კიდევაც გაფითრდა, ასე ეწყინა და გამიჯავრდა, რასაკვირველია, მშვენიერად ხელაღება, რომ მღვთვალთმაქცობდი.

— მუდამ ასე სტყუი, — მითხრა მან სწრაფად. — ჩაილდ ჰაროლდს დამიხედეთ! გთხოვ, ნუ მატყუებ, განსაკუთრებით დღეს, ჩემს ქორწილში. კატას მიეწერ, რომ მთელი დღე მეხვეწებოდი, ეს წერილი მომეცა. მაგრამ მე არ მოგეცი.

— არაფერსაც არ გეხვეწები.

— შენ გულში მთხოვ, — დარწმუნებით მითხრა სანიამ, — მაგრამ თავს ისე იჭერ, თითქოს შენთვის სულ ერთი იყოს. თუმცა შემძღვლია წერილი მოგცე, ოღონდ უკანასკნელი გვერდი არ წაიკითხო, კარგი?

წერილი ხელში მომაჩეჩა და გაიქცა. რა თქმა უნდა, წერილი წავიკითხე, უკანასკნელი გვერდი კი — საძვერ, იმიტომ რომ იქ ჩემზე იყო ლაპარაკი. კატია სულაც არა სთხოვდა, მოკითხვა გადმოეცა, არამედ უბრალოდ კითხულობდა ჩემს საქმეებს და როდის ვამთავრებ სკოლას. ერთი შეხედვით ეს ჩვეულებრივი წერილი იყო, ნამდვილად კი — ძალიან სევდიანი. მაგალითად ასეთი რამ ეწერა იქ:

„ახლა ოთხი საათია, ჩვენთან კი უკვე ბნელა. მე უეცრად წამეძინა და, როდესაც გამეღვიძა, ვერ მივხვდი, რა მოხდა ასეთი სასიამოვნო. თურმე სიზმარში ენსკი მენახა, ვითომ დეიდები სამგზავროდ მაცმევედნენ“...

რამდენჯერმე გადავიკითხე ეს ადგილი და დაუფიწყარი დღე, — ჩენი გამომგზავრება ენსკიდან თვალწინ დამიდგა. მომაგონდა მიმავალ მატარებელს როგორ მოჰსძახოდნენ დარიგებებს კატას დეიდები, მერე როგორ გადავედი კატას ვაგონში და როგორ დაფიწყეთ კალათების სინჯვა. ტანდაბალ, პირგაუპარსავ მეზობელს ვერ გამოეცნო ვინ ვიყავით, კატია ჩემს გვერდით იდგა ტალანში. ჩემს გვერდით იდგა, მე მას ვუყურებდი, ველაპარაკებოდი, — რა ძნელი იყო ამის წარმოდგენა ახლა, როდესაც იგი ასე შორს იყო ჩემგან.

არ შემინიშნავს, როგორ დაბრუნდა სანია.

— წაიკითხე?

— სანია, მისწერე გეთაყვა, რომ ჩემი საქმეები ძალიან კარგად მიდის, რომ სკოლას ოქტომბერში ვამთავრებ, მერე კი... ჯერ არ ვიცი, საით გავწევ. ჩრდილოეთისაკენ ვითხოვ გაგზავნას.

- ახლავე დაჯექი და ეგ ყველაფერი შენ თვითონ მისწერე!
 - არა, მე არ მივწერ.
 - არ გაგიშვებ, ვიღრე არ მისწერ!
 - სანია!
 - ახლავე პეტკას დაეუძახებ, — სერიოზულად მითხრა სანია, — და საერთოდ ყველანი, დაგიჩოქებთ და შეგვხევენებით, რომ მისწერო, შენ შეუბრალებლად იქცევი.
 - ჯანდაბას შენი თავი, სანია! მოერალი ხარ და მეტი არაფერი. აბა, მივდივარ.
 - სად მიდიხარ? ქუჩაზე შეიშალე?
 - უნდა წავიდე... გვიან არის, ხეალ კი ადრე ვარ ასადგოპი და საერთოდ...
- არა ვთქვი რა „საერთოდ“, მაგრამ იგი მიმიხვდა და გამომშვიდობებისას თანაგრძნობით ლოყაზე მაკოცა.

თავი მსაგე

ვწერ ექიმ ივან ივანოვის

კატიაზე გაჯავრებული ვიყავი, რადგან მოსკოვიდან გამგზავრების წინ გამომშვიდობება მიხდოდა მასთან და წერილი მივწერე. იმან კი არ მიპასუხა და არც მოვიდა, თუმცა იცოდა, რომ დიდი ხნით მივდიოდი და შეიძლება არასოდეს აღარ გვენახა ერთმანეთი. რა თქმა უნდა, მე აღარ მიმიწერია. რას იზამ, ალბათ ნიკოლაი ანტონიჩმა უკვე მოასწრო და დაარწმუნა, რომ მე მას ცილი დავწამე, „საშინელი ცილი, როგორც კი შეიძლება ადამიანის გონებამ წარმოიდგინოს“, რომ მე — „უწმინდური სისხლის მქონე ბიჭი ვარ“, ვისი მიზეზითაც დედა მოუკვდა.

კეთილი, ჯერ ყველაფერი წინ არის! ამ სურათის მოგონებაზე თავბრუ მესხმოდა.

რა შემეძლო გამეკეთებინა ლენინგრადში: რვიდან ხუთ საათამდე ქარხანაში და ხუთიდან — ღამის პირველ საათამდე საფრენოსნო სკოლაში მუშაობის დროს?

ზამთარში, გაფრენამდე, აერომუზეუმის სამკითხველოში ვმეცადინებოდი, ერთხელ მუზეუმის გამგესა ვკითხე, ხომ არაფერი იცით კაპიტანი ტატარინოვის შესახებ. რაიმე წიგნი ხომ არ არის-მეთქი სამკითხველოში იმის ცხოვრებაზე, ან მისი საკუთარი წიგნი, „გრილის ექსპედიციის დაღუპვის მიზეზები?“

არ ვიცი, რატომ, მაგრამ მუზეუმის გამგე დიდი ინტერესით შეხვდა ამას. აქვე უნდა ვთქვა, რომ იგი ჩვენი საფრენოსნო სკოლის ერთ-ერთი ორგანიზატორი იყო და კურსანტები მუდამ იმას მიმართავენ ხოლმე თავიანთი საქმეების გამო.

— კაპიტანი ტატარინოვი? — გაკვირვებით ჩამეკითხა. — ოჰო! კოჩა! მერე შენ რად გაინტერესებს?

ამაზე რომ მეპასუხა, უნდა მემბნა ყველაფერი, რაც თქვენ წაიკითხეთ. ამიტომ მე მოკლედ ვუპასუხე:

— მიყვარს საერთოდ მოგზაურობების კითხვა.

— მაგრამ სწორედ ამ მოგზაურობაზე თითქმის არაფერია დაწერილი, — თქვა მუზეუმის გამგემ. — აბა, წამოდი ერთი, ბიბლიოთეკაში წავიდეთ.

რასაკვირველია, უმისოდ მე ვერაფერს ვერ ვიპოვიდი, რადგან ყველაფერი ეს ცალკე წერილებად იყო გაზეთებში გაბნეული, წიგნი კი მხოლოდ ერთი იყო — ოცდახუთფურცლიანი პატარა ბროშურა, სათაურით „ქალი ზღვაში“. აღმოჩნდა, რომ კაპიტანს არა მარტო გრილის ექსპედიციის შესახებ დაეწერა.

რა წიგნი იყო ეს? ორჯერ გადავიკითხე და გადავწყვიტე, რომ საინტერესო წიგნია, განსაკუთრებით თუ გავიხსენებთ, რომ ის საზღვაო ოფიცერმა დაწერა. და ისიც როდის? 1910 წელს, ცარიზმის დროს!

ამ წიგნში ამტკიცებდნენ, რომ ქალს შეუძლია მეზღვაური იყოს, და მოჰყავდათ შემთხვევები აზოვის ზღვის სანაპიროს მთებზეთა ცხოვრებიდან, როდესაც ქალები განსაცდელის დროს მამაკაცებზე უფრო გაბედულადაც იქცეოდნენ. კაპიტანი ამტკიცებდა, რომ „ქალების დაუშვებლობას მეზღვაურთა პროფესიაში“, წინააღმდეგ გავრცელებული ცრუმორწმუნეობისა, ბევრი უბედურება მოაქვს მეზღვაურთათვის, რომელნიც იძულებულნი არიან დიდი ხნით მოსწყდნენ ხმელეთზე დატოვებულ ოჯახს, და რომ მომავალში გემის ქიმზე ის ზედავს „ქალს-მექანიკოსს, ქალს-შტურმანს, ქალს-კაპიტანს“.

ამ ბროშურის კითხვის დროს მომავონდა კაპიტანის შენიშვნები ნანსენის მოგზაურობაზე და მისი მოხსენებითი ბარათი 1911 წელს ჩრდილოეთ პოლუსის ექსპედიციის შესახებ. პირველად მომივიდა აზრად, რომ ეს იყო არა მარტო მამაცი მეზღვაური, არამედ არაჩვეულებრივი საღი გონების და ცხოვრებაზე ფართო, მოწინავე აზრების მქონე ადამიანი.

მაგრამ ზოგიერთი წერილების ავტორები, ალბათ, სხვაგვარად ფიქრობდნენ. „პეტერბურგსკაია გაზეტაში“, მაგალითად, ვილაც ჟურნალისტი ილაშქრებდა ექსპედიციის წინააღმდეგ იმ საფუძველზე, რომ მინისტრთა საბჭომ „უარპყო კაპიტანი ტატარინოვის თხოვნა აუცილებელი სახსრების გამოყოფის შესახებ“. სხვათა შორის, ეს წერილი ასეთი ენით იყო დაწერილი: „...ვინაიდან, დაინტერესებულ უწყებათა დადასტურებით, მოსახრებანი მსჯელობას დაქვემდებარებულ მოგზაურობის პრაქტიკული განხორციელების პირობების შესახებ არა საკმარისად დასაბუთებულად არიან წარმოდგენილნი და, ამასთან ერთად, საერთოდ კაპიტანი ტატარინოვის დასახული ექსპედიცია არა საკმაოდ მოფიქრებულ ხასიათს ატარებს, მინისტრთა საბჭომ მიიღო, რომ მთავრობამ საზღვაო უწყების წარმომადგენლის საშუალებით ამ წინადადების უარყოფის აზრი უნდა გამოთქვას“.

მეორე გაზეთში საინტერესო ფოტო ვიპოვე: ლამაზი თეთრი გემი, რომელმაც „ალმოჩენათა საუკუნის“ — ხომალდები მომაგონა. ეს იყო ხომალდი „წმ. მარიაში“. პეტერბურგიდან ციმბირის ნაპირებით ვლადივოსტოკში გამგზავრებისათვის ეს ხომალდი მეტად კეკლუცი და კოხტა ჩანდა.

იმავე გაზეთის შემდეგ ნომერში უფრო საინტერესო სურათი იყო მოთავსებული: ხომალდის შემადგენლობა — მართალია, ძნელი იყო ამ სურათზე რაიმეს გარჩევა, მაგრამ თვით ფიგურათა განწყობა და ისიც, რომ კაპიტანი გულხელდაკრეფილი შუაში იჯდა — ყველაფერი ეს ძალიან ნაცნობად მომეჩვენა. სად მინახავს ეს სურათი? რა თქმა უნდა ტატარინოვებთან, სხვა სურათებს შორის, რომელნიც ოდესღაც კატიამ მაჩვენა. მაგრამ კვლავ ვერ მომეგონებინა. არა, ტატარინოვებთან არ მინახავს! ექიმ ივან ივანიჩთან — აი სადა ვნახე ეს სურათი!

ცხრაას ოცდასამ წელს, საავადმყოფოდან რომ გამოვეწერე, ექიმთან შევიარე გამოსამშვიდობებლად. ჩრდილოეთში მიემგზავრებოდა და სწორედ მაშინ, ჩემოდანში ბარგის ჩალაგების დროს, გადმოვარდა ეს სურათი. ავიღე, სინჯვა დავუწყე და ვკითხე, რატომ თქვენ არა ხართ-მეთქი გემის შემადგენლობაში. მან მიპასუხა: მე არ მიმგზავრია „წმ. მარიაშითო“. მე რე სურათი გამომართვა და დაუმატა:

— ეს ერთი აღამიანისაგან დამრჩა სახსოვრად.

— ვინ იყო ის აღამიანი?

და უეცრად უბრალო, მაგრამ თანაც უცნაურმა აზრმა გამიელვა. თავში, რომლის დადასტურება მხოლოდ ექიმ ივან ივანიჩს შეეძლო. მაშინვე გადავწყვიტე მიმეწერა მისთვის. თითქმის შვიდი წელი გავიდა მას შემდეგ, რაც ის მოსკოვიდან წავიდა, მაგრამ მე რატომღაც საესებით ვიყავი დარწმუნებული, რომ იგი ცოცხალი იყო. ისევე კითხულობს კოზმა პრუტკოვის ლექსებს და ლაპარაკის დროს ისევე იღებს რაიმე ნივთს და წინანდებურად ეონგლიორივით ჰაერში ისვრის და იჭერს.

აი რა მივწერე:

პატივცემულო ივან ივანოვიჩ.

ამას გწერთ თქვენი „საინტერესო ავადმყოფი“, რომელიც ოდესღაც, თქვენი თქმისა არ იყოს, „ყრუ მუნჯობისაგან“ განკურნეთ. კიდევ გახსოვართ თუ არა? ჩრდილოეთში რომ მიემგზავრებოდით, თქვენ მთხოვეთ მომეწერა ჩემი საქმეების შესახებ და აი ახლა, შვიდი წლის შემდეგ, როგორც იყო მოეახერხე დაპირების შესრულება. თავს კარგადა ვგრძნობ. ახლა მე საფრენოსნო სკოლის მოსწავლე ვარ. ვსწავლობ თავდაცვა-ავიაქიმის საფრენოსნო სკოლაში და, იმედი მაქვს, ოდესმე თქვენთანაც მოვფრინდები. სხვათა შორის, ერთი საქმის გამო გწერთ: თქვენთან რომ ვიყავი მოსკოვში, თქვენ ხელში გეჭირათ ხომალდ „წმ. მარიამის“ შემადგენლობის ფორტოსურათი—კაპიტანია ტატარინოვი. 1912 წლის მაისში ხომალდი პეტერბურგიდან გავიდა, 1913 წლის შემოდგომაზე კი უგზოუკვლოდ დაიკარგა კარის ზღვაში. გახსოვთ, თქვენა თქვით, ეს ფორტო ერთმა ადამიანმა დამიტოვაო სახსოვრად, მაგრამ ვინ იყო ის ადამიანი, არ გითქვამთ. ჩემთვის ძალიან საკიროა გავიგო, ვინ იყო იგი. რა თქმა უნდა, თქვენ უფლება გაქვთ მკითხოთ: მერე შენ რად გაინტერესებსო? მე მოკლედ გიპასუხებთ: მე გაინტერესებს ყველაფერი, რაც კაპიტან ტატარინოვს შეეხება, იმიტომ რომ მე ვიცნობ მის ოჯახს და ჩემთვის მნიშვნელოვანია, ამ ოჯახს კაპიტანის ცხოვრებისა და სიკვდილის სრული სინამდვილე გავაგებინო.

ძალიან მადლობელი ვიქნები, თუ მიპასუხებთ. როშალის პროსპექტი 12, აერომუზეუმი, თავდაცვა-ავიაქიმის საფრენოსნო სკოლა.

სალმით ალექსანდრე გრიგორიევი“.

უნდა მქონოდა იმედი, რომ პასუხს მივიღებდი? შეიძლება ექიმის უკვე დიდი ხანია მოსკოვს დაბრუნდა? შეიძლება უფრო შორს გადავიდა ჩრდილოეთში? ან უბრალოდ აღარ ვახსოვარ, ახლა წე-

ჩილს კითხულობს და ვერ გაუგია—რა ფოტო? რომელი გრიგო-
რიევი?

თავი მართხა

პასუხს ვიღებ

გავიდა ერთი თვე, ორი, სამი. თეორიული მეცადინეობა და-
ვამთავრეთ და საბოლოოდ საკორპუსო აეროდრომზე გადავბარგ-
დით...

ეს „დიადი დღე“ იყო აეროდრომზე—1930 წლის 25 სექტემბე-
რი. დღემდე ამ სახელწოდებით ვიგონებთ ამ დღეს. ის ჩვეულებ-
რივად დაიწყო: დილის შვიდ საათზე უკვე „უტილს“ ვუსხედით.
ვიღაც უკვე ცდილობდა მიშა გოლომბის „გაკვირვებას“, რომელ-
საც თავისდღეში ვერაფრით გააკვარვებდით, ვანია გრიბკოვი
უკვე ვიღაცას ეკითხებოდა, რა არის ჰორიზონტი.

— აი, ის ადგილი, სადაც ცა დედამიწას უერთდება. გესმის?

— მერე რატომ არ ერთდებიან, როცა მიეფრინავ?

ბოლოს, როგორც იყო გაიგო, რა იყო ჰორიზონტი. მაგრამ ის
ჰორიზონტს ყოველთვის ერთ და იმავე ადგილზე პოულობდა -
„პუტილოვცია“ უკან, სრუტეზე. აი სწორედ იქით მიფრინავდა.
მოსცილდებოდა თუ არა მიწას, მაშინვე „ჰორიზონტს მიაწვებოდა“
ბოლმე. იქამდის „აწვებოდა“, ვიდრე მოტორისტად არ გადაი-
ყვანეს.

ცხრა საათზე ინსტრუქტორი ჩამოვიდა და დაიწყო ამბები:
ჯერ ერთი ვიღაც რიხიანი, ოქროსსათვლიანი ძიაკაცი მოიყვანა,
როგორც მალე გამოირკვა.—რაიკომის მდივანი. მდივანმა გადახელა
თვითმფრინავებს, მერე თვითმფრინავების ყუთებს, რომელშიაც
სახელოსნოები გექონდა მოწკობილი, და უთხრა:

— იცით, რას გეტყვით, ძვირფასო, უპირველესად ყოვლისა,
დაცვა უნდა მოაგვაროთ. ეს რა წესია, რომ აეროდრომზე ერთ-
თავად ვიღაც საეჭვო პირები დაეხეტებიან.

— სადა?—ჰკითხა ინსტრუქტორმა,—ოხ, ესენი? ესენი ხომ ჩემი
მოსწავლეები არიან.

მეორე, ის იყო, რომ, სტუმარი გავაცილეთ თუ არა, ინსტრუქ-
ტორი გვეცა: ბენზინს რაღა ღვრიათო. გაქარხლდა და თითქმის
თავისივე ქოჩრის ფერისა გახდა. ეს პირველი არ იყო, ამიტომ
ჩვენ ვფიქრობდით, იყვირებს და გაჩუმდებო.

მაგრამ ის ჩაცუცქდა და ბენზინის კასრთან პატარა ორმოებს-
თითით სინჯვა დაუწყო. ორმოებში წყალი იდგა, მაგრამ მან გა-
მოაცხადა, ბენზინიაო.

— არა, წყალია, — შეეკამათა გოლომბი.

— მე კი გეუბნები ბენზინია-მეთქი!

— წყალია!

— ბენზინია!

— კარგი, ბენზინი იყოს, — დაეთანხმა გოლომბი.

ინსტრუქტორმა მეორე ორმოში ჩაჰყო თითი. უსუნა და ადგა-
მრისხანედ შეიკრა შუბლი და კიდევ ერთხელ უსუნა.

— წყალია, — ჩამწყდარი ხმით წაიბურტყუნა მან. ჩვენ სიცილი-
საგან მიწაზე დავცვივდით...

მესამე ის, რომ... მაგრამ ის, რაც მოხდა, დაწერილებით უნდა-
გიაგებოთ:

ამ დღეს ჩვენ რამდენჯერმე გაფრინდით ერთად. ის თვალს არ
მაშორებდა, მაგრამ ამჯერად არა მლანაქლავდა.

— აბა, — მითხრა ბოლოს. — ახლა კი მარტო გაუფრინდით.

ალბათ, ძალიან ალელვებულნი ვჩანდი, რადგანაც ერთი წუთი-
ყურადღებით აღსავეს, კეთილი თვალებით მიყურა. მერე ხელსა-
წყობები შეამოწმა, სწორედ მუშაობენ თუ არაო, და პირველ, ამჟა-
მად ცარიელ კაბინაში თასმები დაამაგრა.

— ნორმალური წრიული გაფრენა. მიწას მოსწყდებით, სიმაღ-
ლეს აიღებთ. ას ორმოცდაათ მეტრზე ქვემოთ ფრენას არ გააძ-
ლიერებთ.

იმ გრძნობით შეპყრობილი, თითქოს ამას მე კი არ ვაკეთებ,
არამედ ვილაც სხვა, მოვემზადე და ხელი ავწიე — გაფრენას ვი-
თხოვდი. სტარტერმა თეთრი ბაიჩალი ამიქნია — გაფრენა შეიძლება-
გაზი მივეცი და მანქანა აეროდრომზე გაგოგდა.

დიდი ხანია დავიწყებული მქონდა ბავშვური წყენა, როდესაც
პირველად ჰაერში ავფრინდი და გავიგე, რა იყო გაფრენა. ალ-
ბათ, გულის სიღრმეში მაინც მეგონა, რომ ფრინველივით გავინა-
ვარდებდი, და მე კი სწორედ ისე, როგორც მიწაზე, სავარძელში
ვიჯექი. სავარძელში ვიჯექი და არც მიწასა და არც ცაზე საფიქ-
რებლად არ მეცალა. მხოლოდ მეთათე თუ მეთორმეტე დამოუკიდე-
ბელი გაფრენის დროს შევამჩნიე, რომ დედამიწა გეოგრაფიულ
რუკასავით არის დანახული და ჩვენ ძალიან ზუსტ გეომეტრიულ
სამყაროში ვცხოვრობთ. მე მომეწონა დედამიწაზე აქა-იქ დაცემული

ღრუბელთა ჩრდილები და საერთოდ გავიგე, რომ ქვეყანა საოცრად ლამაზია...

ამგვარად პირველად მივეფრინავ მარტო. ინსტრუქტორის კაზინა ცარიელია. გაფრენის პირველი ნაწილი, კაზინა ცარიელია, მანქანა კი მიჰქრის. მეორე, სრული თავისუფლების შესანიშნავი გრძნობით შეპყრობილი მარტოდმარტო მივეფრინავ. მესამე, უნდა დავეშვა, მეოთხე, — ყურადღება. ძრავს ვაჩერებ. მიწას სულ უფრო და უფრო ვუახლოვდები. აი ის პირდაპირ მანქანის ქვეშ არის. გაქცევა. სდექ!

მგონი, ეს ყველაფერი ცუდად არ იყო შესრულებული, რადგან ჩვენმა ბრაზიანმა ინსტრუქტორმაც მოწონებით დამიქნია თავი, მიშა გოლომბმა კი მის ზურგს უკან ცერი მიჩვენა.

— სანკა, ყოჩაღ! — მითხრა მან, როდესაც ბექობზე დავსხედით პაპიროსის მოსაწევად, — გეფიცები! ჰო, მართლა, შენი წერილია, დღეს აერომუზეუმში ვიყავი და დარაჯმა მითხრა „გრიგორიევისაა, იქნებ გადასცეთო“.

მან წერილი გამომიწოდა. ეს ივან ივანიჩის წერილი იყო.

„ძვირფასო სანია! ძალიან მოხარული ვარ, რომ თავს კარგადა გრძნობ, მაგრამ შენ ტყუილად მწერ „ყრუმუნჯობისაგან“ განმკურნეთო! ასეთი ავადმყოფობა არც არის, ჩემო ძმაო. „სიმუნჯე სიყრუის გარეშე“ — მართლა გეუბნები. გელი შენი თვითმფრინავით, თორემ სულ ძალღებობთ გვიხდება მგზავრობა. ახლა სურათის შესახებ. ის სურათი „წმ. მარიამის“ შტურმანმა ივან დმიტრიევიჩ კლიმოვმა მაჩუქა. 1914 წელს იგი არხანგელსკში ჩამოიყვანეს ფეხებმოყინული და სისხლის მოწამვლისაგან გარდაიცვალა ქალაქის საავადმყოფოში. მას ორი რვეული დარჩა და ბლომად წერილები, — ჩემის აზრით, ოციოდე წერილი, რასაკვირველია, ეს გემიდან წამოღებული ფოსტა იყო, თუმცა შესაძლოა, რომ ზოგიერთი წერილი გზაში დასწერა. მას ლეიტენანტი სედოვის ექსპედიცია წააწყდა. როდესაც გარდაიცვალა, საავადმყოფომ მისამართების მიხედვით დაგზავნა წერილები, რვეულები და რამდენიმე სურათი კი ჩემთან დარჩა. რაკი შენ იცნობ კაპიტან ტატარინოვის ოჯახს და „მიზნად გაქვს მისი სიცოცხლისა და სიკვდილის სრული სინამდვილე გააგებინო“ (ესე იგი ოჯახისა კი არა, კაპიტანის), შენ, ცხადია, გაინტერესებს, თუ რა რვეულებია. ეს ორი რვეულებრივი, შავად საწერი სასკოლო რვეულია, სამწუხაროდ ძალიან გაურკვეველი ხელით, ფანქრით ნაწერი. რამდენჯერმე შე-
18. კავერინი — ორი კაპიტანი

ვეცადე წამეკითხა და ბოლოს ხელი ავიღე. აი, მგონი, ყველაფერი, რაც მე ვიცი. ეს 1914 წლის ბოლოს მოხდა. ის იყო ომი დაიწყო და კაპიტანი ტატარინოვის ექსპედიცია აღარავის აინტერესებდა. რვეულები და სურათები ახლა ჩემთან ინახება—ჩამოდი, ესე იგი, მოფრინდი და იქამდის იკითხე, ვიდრე მოთმინება გეყოფა. ჩემი მისამართი: ზაპოლარიე, კიროვის ქუჩა № 24.

მოიწერე, გეთაყვა, საინტერესო ავადმყოფო. შენი ექიმი ი. პავლოვი.

შენი და როგორ არის? კიდევ სწევთ ჯოხზე წამოცმულ კარტოფილს?“

მეც ასე ვფიქრობდი! სურათი შტურმანისა იყო. ექიმმა თავისი თვალთ ნახა შტურმანი, სწორედ ის შტურმანი, რომელმაც მოაწერა: „სრული პატივისცემით შორეული ნაოსნობის შტურმანი ი. კლიმოვი“! სწორედ ის, რომელმაც სამუდამოდ განმაცვიფრა საოცარი სიტყვებით: „განედი“, „ხომალდი“, „ფრამი“ და არაჩვეულებრივი ზრდილობით: „ვეშურები დაგარწმუნოთ“... „იმედი მაქვს მალე განახავთ“... სწორედ ის შტურმანი, რომლის წერილიდანაც გავიგე, რომ ექსპედიცია არა მარტო ჭუჭყიანი სარდაფის სადგომია ფოსტის ქვეშ, არამედ შორეული ზღვაოსნობა, კაპიტნები, მცურავი ყინულები.

გადავწყვიტე, რომ, დავამთავრებდი თუ არა სკოლას, მაშინვე ზაპოლარიეში წავიდოდი და იმ რვეულებს წავიკითხავდი. ექიმმა ხელი აიღო ამაზე. მაგრამ ის უარს არ იტყოდა ამ დღიურების წაკითხვაზე, თუ იმედი ექნებოდა, რომ ერთ სიტყვას მაინც იპოვიდა მისი სიმართლის დამადასტურებელს, მისთვისაც რომ პირში მიეფურთხებინათ, კატიას რომ ჰგონებოდა, რომ მან მოჰკლა მისი დედა...

ალბათ ხმამალლა დავიწყე ლაპარაკი, რადგან ბექობზე მჯდომმა მიშა გოლომბმა ისეთი სახე მიიღო, თითქოს როგორც იყო გაკვირვება დააპირაო.

— მიშკა, — ვუთხარი მას, — სკოლა დავამთავროთ და ჩრდილოეთისაკენ მოვუსვათ.

— მოვუსვათ, მაგრამ იქ რა გვინდა?

— საკიროა.

— თუ საკიროა, მოვუსვათ.

— მაშ, გადაწყვეტილია?

— გადაწყვეტილია.

თუმცა, ეს დიდი ხანია გადაწყვეტილი მქონდა, მაგრამ ჩრდილოეთში მხოლოდ სამი წლის შემდეგ მოხვდი.

თავი მახუთა

სამი წელი

ყრმობა ერთ დღეს არა თავდება— და ამ დღეს კალენდარში ვერ აღნიშნავ „დღეს ჩემი ყრმობა გათავდაო“. ის შეუმჩნევლად მიიპარება, — ისე შეუმჩნევლად, რომ მასთან გამოთხოვებას ვერ ასწრებ. ეს-ეს არის ახალგაზრდა და ლამაზი იყავი, უცებ გაიხედავ და ტრამვაიში პიონერი მოგმართავს: „ძიაო“. ტრამვაის მუქ შუშაში შენ ანარეკლს თვალს მოჰკრავ და გაკვირვებით ფიქრობ: „ჰო, ძია ვარ!“ ყრმობა გათავდა, მაგრამ როდის, რომელ რიცხვში, რომელ საათზე? არ იცი.

ასე გათავდა ჩემი ყრმობაც. მაგრამ ის დღე, როდესაც ვიგრძენი, რომ სულ სხვაგვარად ვუყურებ იმას, რაც წინათ ჩემ მისწრაფებათა არსს შეადგენდა, — ეს დღე მშვენიერად მახსოვს...

ლენინგრადიდან ბალაშოვში გამგზავნეს. ის იყო ერთი საფრენოსნო სკოლა დაემათავრე, რომ მეორეში დაეიწყე სწავლა—ამჯერად ნამდვილ ინსტრუქტორთან და ნამდვილ მანქანაზე.

სხვა დრო არ მახსოვს ჩემ ცხოვრებაში, რომ ასე გულმოდგინედ მემუშავა.

— იცით, როგორა ფრინავთ? — ჯერ კიდევ ლენინგრაღში მითხრა სკოლის უფროსმა. — სკივრივით. ჩრდილოეთისათვის კი კლასი უნდა გქონდეთ.

შევისწავლე ლამის გაფრენები, როდესაც სტარტის შემდეგ მყისვე წყვდიადი დგება და, ვიღრე სიმაღლეს აიღებდე, გგონია, თითქოს ხელების ცეცებით ბნელ ღერუფანში მიდიხარ. ძირს, აეროდრომზე ელვარებს—T, წითელი ნათურებით შემოფარგლული შავი მინდორი, თითქოს პუნქტირით არის შემოვლებული. რკინიგზის ლიანდაგი ასაკეცეების სიგნალებით ციმციმებს, რომლებიც ლამის არაჩვეულებრივი სიზუსტით არიან განლაგებულნი და არაფრით არა გვანან დღის სიზუსტეს. ირგვლივ წყვდიადი, უხილავი მიწა. მაგრამ, აი, შორს გამოკრთება დაფიონი, კიდევ რამდენიმე წუთი და ეს დაფიონი კი არა, — ქალაქია. ათასნაირი ნათურა, სხვადასხვაფერი, სხვადასხვაგვარა... ფანტასტიკური სურათია!

მე ვისწავლე თვითმფრინავის ბრმად წაყვანა, როდესაც გარ-

შემო ყველაფერი თეთრ ნისლშია გახვეული და გგონია, მილიონი წლების შემდეგ მიფრინავ სხვა გეოლოგიურ ეპოქაში. თითქოს თვითმფრინავით კი არა, დროთა მანქანით მიჰქრიხარ წინ, სულ წინ!

მე მივხვდი, რომ მფრინავმა უნდა იცოდეს ჰაერის თვისებები და ხუშტურები, ისევე, როგორც კარგმა მეზღვაურმა იცის წყლის თვისებები..

ეს იყო წლები, როდესაც არქტიკა, რომელიც აქამდე შორეულ ყინულებად გვეჩვენებოდა და რომელიც არაავისთვის არ იყო საკირო, მახლობელი გახდა ჩვენთვის და პირველმა დიადმა გადაფრენებმა მთელი ქვეყნიერების ყურადღება მიიპყრო.

თითოეულ ჩვენგანს მფრინავის საკუთარი იდეალი ჰქავდა. და ჩვენ კამათს ბოლო არა ჰქონდა. ვამტკიცებდით, რომ ა. ლ. ზე უკეთ ფრინავს, ხოლო ჩ. ორივეზე უკეთესად. ეროვნულ დროშაში გახვეული ამერიკული არმიის პოლკოვნიკი ბენ ვიელსონი, რომელსაც საკუთარმა მარცხენა ხელმა შეუწვრილა მკერდი, ეს არის, ახლახანასვენა ამერიკაში მფრინავმა ს. მ., — და ამ გადაფრენამ ჩვენ განგვაკვიფრა. არა, ეს ჯერ ისევ ყრმობა იყო.

გაზეთებში ყოველდღე ქვეყნდებოდა წერილები არქტიკული საზღვაო და საჰაერო ექსპედიციების შესახებ. ამ წერილებს მემღელვარებით ვკითხულობდი. მთელი სულითა და გულით ჩრდილოეთისკენ მივისწრაფოდი.

ერთხელ — ამ დღეს ერთ-ერთი ძნელი გაფრენა მომელოდა, — უკვე მანქანაში ვიჯექი, რომ ინსტრუქტორს გაზეთი დაუუნახე ხელში. გაზეთში კი ისეთ რამეს მოვკარი თვალი, რამაც მუზარადი და სათვალე მომახსნეინა და თვითმფრინავიდან გამომიყვანა.

„მხურვალე სალამი და მილოცვა ექსპედიციის მონაწილეთ, რომელთაც წარმატებით გადაწყვიტეს უძნელესი ნაოსნობის ამოცანა ყინულოვან ოკეანეზე“. ეს მსხვილი ასოებით ეწერა პირველი გვერდის შუა ადგილას.

ყური არ მიგდია, რას მეუბნებოდა განცვიფრებული ინსტრუქტორი, კიდევ ერთხელ დავხედე ამ ფურცელს. მინდოდა, ერთი თვალის გადავლებით წამეკითხა „დიადი ჩრდილოეთის გზა აღმოჩენილია“ — ერთი წერილის სათაური! „სიბირიაკოვი“ ბერინგის სრუტეში“ — მეორის სათაური! „სალამი გამარჯვებულთ“ — მესამისა! ეს იყო ცნობა სიბირიაკოვის ისტორიული ლაშქრობის შესახებ, რომელმაც ზღვაოსნობის ისტორიაში პირველად გაიარა ერთ-

წავიგაციაში ჩრდილოეთის საზღვაო გზა, რომლის გავლასაც აპირებდა კაპიტანი ტატარინოვი „წმ. მარიამით“.

— რა დაგემაართათ, ავადა ხართ?

— არა, ამხანაგო ინსტრუქტორო.

— სიმაღლე ათას ორასი მეტრი. ორი ღრმა ვირაყი ერთ მხარეს და ორი მეორეს.

— მესმის, ამხანაგო ინსტრუქტორო.

ისე ვიყავი აღელვებული, რომ კინალამ ნებართვა ვითხოვე გაჟრენა გადაედოთ.

მთელი დღე კატიაზე ვფიქრობდი, განსვენებულ მარია ვახილევნაზე, კაპიტანზე, რომლის ცხოვრებაც ასე უცნაურად გადაეხლართა ჩემს ცხოვრებას. მაგრამ ახლა მე უფრო სხვაგვარად ვფიქრობდი მათზე, ვიდრე უწინ, და მთელი ჩემი წყენა უფრო სივია, უფრო მშვიდ გარემოებაში დამიდგა თვალწინ. რასაკვირველია, მე არაფერი დამვიწყებია, არ დამვიწყებია ჩემი უკანასკნელი საუბარიც მარია ვახილევნასთან, როდესაც ყოველ სიტყვას იღუშვალა აზრი ჰქონდა, — მისი გამოთხოვება სიყმაწვილესთან და თვით სიცოცხლესთან. მე არ დამვიწყებია, როგორ ვისხედით მეორედღეს მე და კატიას დიდება ქსენონში, როგორ უეცრად გაიღო კარი და მე დაეინახე ვილაც თეთრი შავი თმით და სავარძლიდან ჩამოშვებული ტიტველი ხელი. ჯერ არ დამვიწყებია, როგორ შემომაქცია დასაფლავებაზე კატია ზურგი და არც ჩემი ოცნება, თუ როგორ შევხვდებოდით რამდენიმე წლის შემდეგ მე და კატია ერთმანეთს და მე მას ჩემი სიმართლის დამამტკიცებელ საბუთებს ვესროდი. არ დამვიწყებია, როგორ მომათურთხა სახეში ნიკოლაი ანტონიჩმა.

მაგრამ ყველაფერი ეს თითქოს რაღაც პიესა იყო, რომელშიც მთავარი მოქმედი პირი უკანასკნელ მოქმედებაში გამოდის, მანამდე კი მასზე მხოლოდ ლაპარაკია. ყველანი ლაპარაკობენ ადამიანზე, რომლის სურათიც კედელზე ჰკიდია: ფართოშუბლიანი მეზღვაურის სურათი, მას მტკიცედ შეკრული ბაგე აქვს და ღრმად ჩამჯდარი თვალები...

დიახ, ის იყო მთავარი მოქმედი პირი ამ ისტორიაში და, თუ ამ ისტორიაში ასე დიდი ადგილი დაიჭირა ჩემმა ყრობამ, ეს მხოლოდ იმიტომ, რომ ყველაზე საინტერესო აზრები მაშინ მოგდის თავში, როდესაც თვრამეტი წლისა ხარ. იგი დიდი მოგზაური იყო და დაღუპა იმან, რომ იგი არა სცნეს. მისი ისტორია მის პირად

საქმეებსა და ოჯახურ ამბებს დიდად სცილდებოდა. ჩრდილოეთის დიადი გზა აღმოჩენილია—აი მისი ისტორია. ნაოსნობა ყინულოვან ოკეანეზე ერთ ნავიგაციაში—აი მისი აზრი. ადამიანები, რომელთაც გადასჭრეს ეს ამოცანა; რომელიც კაცობრიობის წინაშე ოთხას წელიწადს იდგა, მისი ადამიანები არიან. მას შეეძლო, როგორც სწორს, ისე ელაპარაკა მათთან.

რალა არიან ამასთან შედარებით ჩემი ოცნებანი, იმედები და სურვილები! რა მინდა მე? რად გავხდი მფრინავი? რად მივისწრაფვი ჩრდილოეთისაკენ?

და უეცრად ისევე, როგორც ოცნებით წარმოდგენილ პიესაში, ყველაფერი თავთავის ადგილზე განლაგდა და სრულიად უბრალო აზრები მომივიდა თავში ჩემი მომავლისა და ჩემი საქმის შესახებ. ბევრი რამ, რაც მე პოლარულ მფრინავეებზე ვიცოდი, თითქოს სხეა-ნხრიდან შემოტრიალდა ჩემკენ და მე წარმოვიდგინე პოლარული წრის იქით დაუსრულებელი ღამეები, რომლებიც მთელი ნახევარი-წელიწადი გრძელდება, კარგი ამინდის მოლოდინში გატარებული გამომთავყვანებელი მთელი კვირები, გადაფრენები თოვლიან ქედებზე, როდესაც თვალი უნებურად იძულებითი დაშვების ადგილს ეძებს, გაფრენები ქარბუქში, როდესაც საკუთარი მანქანის ფრთებსაც კი ვერა ხედავ, ძრავის გაშვების მტანჯველი გ-წამაწია ორმოცდაათგრადუსიან ყინვაში. მომაგონდა ერთი პოლარული მფრინავის ფორმულა: „რას ნიშნავს ჩრდილოეთში ფრენა? ქარბუქში ყოფნას და წყლის თბობას“. მომაგონდა საშინელი ამბები არქტიკულ ნამქერზე, რომელიც სახლიდან ორი მეტრის მანძილზე ნამქრავს ადამიანს.

მაგრამ ამ სიძნელეებმა და საშიშროებამ განა შეაშინა სიბირი-კოველები, რომელთაც გაშლილი იალქნებით მიიყვანეს ბერინგის ზღვასთან ხრახნილდაკარგული ყინულმქერელი?

არა, პეტია მართალი იყო. უნდა ამოიღჩიო ის პროფესია, რომლითაც მთელი შენი სულიერი ძალების გამოვლინება შეგიძლია. მე მივისწრაფოდი ჩრდილოეთისკენ და მფრინავის პროფესიისკენ. იმიტომ, რომ ეს იყო პროფესია, რომელიც ჩემგან მოთმინებას, ვაჟკაცობას და ჩემი ქვეყნისა და ჩემი საქმისადმი სიყვარულს მოითხოვდა.

ვინ იცის, იქნებ ოდესმე მეც მახსენონ იმ ადამიანთა შორის, რომელთაც შეეძლებოდათ კაპიტან ტატარინოვთან, — როგორც, სწორთან, ლაპარაკი?

მეხსიერებაში აღენიშნე ის დღე, როდესაც ეს აზრები მომივი-
და—1932 წლის 3 ოქტომბერი.

ბალაშოვის სკოლის დამთავრებამდე ერთი თვით ადრე განცხა-
დება მიეცეო ჩრდილოეთში გაგზავნის შესახებ, მაგრამ სკოლამ არ
გამიშვა. ინსტრუქტორად დავრჩი და კიდევ მთელი ერთი წელი
დავყავი ბალაშოვში. ვერ დავიტრაბახებ, კარგი ინსტრუქტორი
ვიყავი-მეთქი. რასაკვირველია, მე შემეძლო ადამიანისათვის ფრენა
მეაწავლებინა და ამასთან არავითარი სურვილი არა მქონდა, ყო-
ველ წამს მელაძძლა იგი. მე მესმოდა ჩემი მოწაფეებისა; ჩემთვის,
მაგალითად, სავსებით გასაგები იყო თვითმპრინავიდან გადმოსე-
ლისთანავე რატომ ჩქარობს ერთი პაპიროსს მოუყიდოს, მეორე კი
დაშვების დროს ნაძალადევი სიმბიარულეს იჩენს. მაგრამ არ ვიყავი
მოწოდებით მასწავლებელი და ჩემთვის მოსაწყენი იყო მეთათვალ
ახსნა სპეცებისთვის იმისა, რაც მე დიდი ხანია ვიცოდი.

1933 წლის აგვისტოში შეებულემა მივიღე და მოსკოვს წავედი.
ლიტერი ენსკამდის მქონდა ლენინგრადზე გავლით. ლტინგრადშიც
მელოდნენ და ენსკოცი. მაინც გადავწყვიტე მოსკოვში გამევილო,
სადაც არ მელოდნენ.

მოსკოვში საქმეები მქონდა. ჯერ ერთი, მთავარ საზღვაო გზა-
თა სამმართველოში უნდა შემევილო და ჩრდილოეთში გადაყვანაზე
მოვლაპარაკებოდი; მეორე, ვალია ეუკოვისა და კორაბლიოვის
ნახვა მინდოდა. საერთოდ ბევრი საქმე მქონდა და მე ძალიან
ძალე დავუმტკიცე ჩემ თავს, რომ მოსკოვში გავლა აუცილებელი
იყო...

რასაკვირველია, სულ არ ვაპირებდი კატაასთან დარეკვას, მით
უმეტეს, რომ ამ სამ წელიწადში მხოლოდ ერთხელ მივიღე მისგან
მოკითხვა—სანიას პირით. ყველაფერი, რაც ჩვენ შორის იყო, უკვე
დიდი ხანია გათავდა და დავიწყებას მივცა, ამიტომ დარეკვაც კი
გადავწყვიტე და ყოველ შემთხვევისთვის პირველი თავაზიანი და
ცივი წინადადებაც კი მოვამზადე. მაგრამ რატომღაც ხელი ამი-
კანკალდა, როდესაც ყურმილი ავიღე და ჩემდა უნებურად სხვა ნო-
მერი ვუთხარი—კორაბლიოვისა.

იგი შეებულემაში იყო და ქალის უცნობმა ხმამ მიპასუხა, მხო-
ლოდ სასწავლო წლის დასაწყისისათვის დაბრუნდებაო.

— გულითადი სალაში გადაეციო მისი მოწაფისაგან, — ვუთხარი
მე.— გადაეციო, რომ მფრინავი გრიგორიევი ურეკავდა.

ყურმილი დავდე. სასტუმროში ვიყავი და ჯერ ქალაქი უნდა

გამომეძახა და მერე ნომერი მეთქვა. დაღონებული შევეყურებდი ტელეფონს და არა ვრეკავდი — ჯერ ისევ ვფიქრობდი, რა მეთქვა? არ შემეძლო მასთან უცხოსავით მელაპარაკა.

გადაწყვიტე, ჯერ ზოობაღში დამერეკა ვალიასათვის.

მაგრამ არც ვაღია იყო მოსკოვში. ზრდილობიანად მაცნობეს, ასისტენტი ქუკოვი შორეულ ჩრდილოეთში იმყოფება და საექვოა ექვს თვეზე ადრე დაბრუნდესო.

— ვინ კითხულობს?

— საღამი გადაეცით, თუ შეიძლება, — ვუთხარი მე. — მფრინავი გრიგორიევი გელაპარაკებათ.

მოსკოვში მეტი აღარაღინა მყავდა. შეიძლებოდა დამერეკა საჭაერო ფლოტის სამმართველოს რომელიმე მდიენისათვის. მაგრამ მდიენებისათვის არ მცხელოდა. ყურმილი ავიღე და ვითხოვე.

— ქალაქი.

ქალაქმა მიპასუხა და მე ნომერი ვუთხარი. ტელეფონთან ნინა კაპიტონოვნა მოვიდა, მაშინვე ვიცანი იმისი ალერსიანი და მტკიცე ხმა.

— შეიძლება კატიას სთხოვოთ?

— კატიას? — გაკვირვებით ჩამეკითხა ნინა კაპიტონოვნა. — კატია არ არის.

— შინ არ არის?

— არც შინ არის და არც ქალაქშია. ვინა კითხულობს?

— გრიგორიევი, — ვუთხარი მე. — ხომ არ შეგიძლიათ მითხრათ მისი მისამართი?

ნინა კაპიტონოვნა სდუმდა. ექვს გარეშეა ვერ მიცნო, ქვეყანაზე ცოტა გრიგორიევეები არიან!

— ის პრაქტიკაზეა. მისამართი: ქალაქი ტროიცი, მოსკოვის უნივერსიტეტის გეოლოგიური პარტია.

მადლობა გადავუხადე და ყურმილი დავკიდე.

აღარ შემეძლო ამ მოსაწყენ ნომერში დარჩენა სულ მარტოდ-მარტო. ორ საათამდე კი, როდესაც თავდაცვა-აღიქიმის მდივანს უნდა მიველე, კიდევ დიდი დრო იყო. გარეთ გამოვედი და უმიზნოდ დავიწყე ხეტიალი მოსკოვის ქუჩებში.

არასოდეს არ უნდა იხეტილო მარტოდმარტომ იმ ადგილებში. საღაც ორს გივლიათ ერთად. ჩვეულებრივი ბალი მოსკოვის ცენტრში ქვეყანაზე ყველაზე სევდიან ადგილად გეჩვენება. მიყრუებული ჭუჭყიანი ქუჩა, როგორც მოსკოვში რამდენიც გნებავთ,

იმდენია, ნალველსა გგვრის და შენდა უნებურად თავი ზევრად უფრო დიდი და უფრო ჭკუადამჯდარი გგონია.

თითქოს თითონ მე მშვიდად ჩავიხედე რამდენიმე წლის შემდეგ საკუთარ გულში და ყველაფერი შევაფასე—სიფიცხე სრულიად ზედმეტი საქმეებში, რომელნიც ეხებიან ქვეყანაზე ყველაზე უძვირფასესს—ადამიანის გულს. საკუთარ თავში დაეკვება, რაიც მე ფეხდაფეხ მდევდა ალბათ იმ დროიდან, როდესაც პატარა მუნჯი ბიჭი ვიყავი და ქვეყანა ასე გამოუცნობლად რთული მეჩვენებოდა. ახლაც მეგონა, რომ ჩემში კიდევ იყო რაღაც იმ სიმუნჯისა მაგალითად ჩემ სიყვარულში: მე ვერ შევძელი გამომეტქვა, რისი თქმაც მსურდა, და ყველაზე უმთავრესზე გაჩქმდი. თითქოს სიყვარულმა იმიტომ არ გამიმართლა, რომ ძალიან რთული გარემოებანი გადაელობა ყოველის მხრიდან,—და კვლავ იგივე რთული სამყაროა, რომლის წინაშეც მუნჯი ბიჭი განცვიფრებული ვრინდებოდი.

არა, მე შევიცვალე. მე ვგრძნობდი ამას. უკვე ის ფიცხი ბიჭი აღარ ვიყავი, რომელიც ისწრაფვის ერთი წუთი არ დაჰკარგოს თავის სიმართლის დასამტკიცებლად. ახლა უკვე ვიცოდი. რომ მე ყველაზე მეტად სიმშვიდე და სიმტკიცე მმართებდა.

სევდამორეული და საკუთარი თავისადმი სიბრალულით აღვსილი სიყრმის წლებზე და მოწაფეობის დროს განცილდ სიყვარულზე ვფიქრობდი. ახლა სიყრმეს გამოვეთხოვე და სიყვარულიც უკვე სხვაგვარი იყო. მაგრამ წინანდებურად ახლაც ყველაფერი წინ იყო და მე კიდევ უფრო მეტი იმედით გავყურებდი მომავალს.

მოსკოვში დიდბანს არ დავრჩენილვარ. ძალიან თავზიანად მომექცნენ საზღვაო გზათა სამმართველოში და შემდეგ სამოქალაქო საჭაერო ფლოტის სამმართველოში. მაგრამ მითხრეს, რომ ჩრდილოეთზე ფიქრიც კი ზედმეტია, ვიდრე ბალაშოვის სკოლა არ გაგანთავისუფლებსო.

მხოლოდ წლინახევრის შემდეგ მივალწიე ჩრდილოეთში დანიშვნას—და ისიც სრულიად შემთხვევით. ლენინგრადში ძველი პოლარული მფრინავი გავიცანი, რომელსაც ცენტრში დაბრუნება უნდოდა. მისი ხნის კაცს უკვე აღარ შეეფერებოდა ჩრდილოეთში ფრენა. ჩვენ ერთმანეთს გავუცვალეთ ადგილები. მან ჩემი ადგილი დაიკავა, მე კი დამნიშნეს მეორე პილოტად ჩრდილოეთის ერთ-ერთ შორეულ ხაზზე.

ექიმთან

ამ სახლის პოვნა ძნელი არ იყო, რადგანაც მთელ ქუჩაზე მხოლოდ ერთი სახლი იდგა, სხვა დანარჩენები კი მხოლოდ ზაპოლარის მშენებელთა წარმოდგენაში არსებობდნენ.

უკვე ბინდებოდა, როდესაც ექიმთან დავაკაკუნე, სწორედ ფანჯრებიც განათდა, ჩრდილი გამოჩნდა და ვილაცამ ფარდის უკან ნელა გაიარა. დიდხანს არაეინ გამიღო და თვითონ მე ფრთხილად შევალე მძიმე კარები და სუფთა, ფართო დერეფანში აღმოვჩნდი.

— მასპინძლები შინ არიან?

არაეინ გამომხმაურებია. კუთხეში ცოცხი შევნიშნე და ქეჩის ჩექმები ჩამოვიბერტყე: მუხლამდის თოვლში ვიყავი.

— შინ არის ვინღე?

არაეინ იყო. მხოლოდ პატარა წითელი კნუტი გამოხტა ტანსაცმლის საკიდს ქვემოდან, შეშინებულმა შემომხედა და მოჰკურცხლა. მერე კარებში ექიმი გამოჩნდა.

მედიცინის თვალსაზრისით იქნებ ეს დაუჯერებელი იყოს, მაგრამ იგი არამც თუ დაბერებულყო ამ წლების განმავლობაში, გაახალგაზრდავებულყო კიდევ და კვლავ იმ მაღალ, მზიარულ, წვერიან ექიმს დამგვანებოდა, რომელიც სოფელში მე და ჩემს დასკარტოფილის შეწვას გვასწავლიდა.

— ჩემთანა ხართ?

— ექიმო, ავადმყოფთან მინდა მიგიწვიოთ,— ვუთხარი აჩქარებით.— საინტერესო შემთხვევაა: სიმუნჯე სიყრუის გარეშე. ადამიანს ყველაფერი ეყურება და „დედის“ თქმაც კი არ შეუძლია.

ექიმმა ნილ-ნელა სათვალე შუბლზე აიწია.

— ბოდიში...

— საინტერესო შემთხვევაა-მეთქი,— განვაგრძობდი სეროოზულად,— მხოლოდ ექვსი სიტყვის წარმოთქმა შეუძლია: ქათამი, უნაგირი, ყუთი, ქარბუქი, სეამენ, აბრამი. ავადმყოფი გ. ჟურნალშია აწერილი.

ექიმი ისე წამოვიდა ჩემკენ, თითქოს ყურში ან ენაში უნდა ჩამავლოს ხელიო, მაგრამ უბრალოდ თქვა.

— სანია!

ჩვენ ერთმანეთს გადავეხვიეთ.

— მაინც მოფრინდი, ჰა?

— მოფრინდი.

— აი ყოჩაღ! მფრინავი ხარ? ყოჩაღ! ყოჩაღ!

მერე ხელი ძომხვია და სასადილო ოთახში შემიყვანა. იქ თორმეტობდე წლის ბიჭი იდგა, რომელიც ძალიანა ჰგავდა ექიმს. ბიჭმა ხელი ჩამომართვა და „ო“—ზე მანვილით მითხრა—„ვოლოლია“ო.

ოთახი დერეფანზე უფრო კარგად იყო განათებული და ექიმმა კვლავ რამდენჯერმე მიმატრიალ-მომატრიალა. ამჯერად, მგონი. თავი ძლივს შეიკავა, რომ მართლაც არ ჩაეხედა ყურში.

— ყოჩაღ!—კვლავ ერთი ათჯერ გაიმეორა მან.—შენი და? სად არის? ისიც ფრინავს?

— ჩემი დისაგან გულითადი სალამი.— ვუთხარი ნე.— ის მხატვარია, გათხოვდა და ლენინგრადში ცხოვრობს.

— უკვე გათხოვდა? ის ნაწნავებიანი გოგონა?

მე გამეცინა. სანიას ბავშვობაში ნაწნავები ბიჭონდა.

— ოჰ, შე ბებერო ჩემო თავო,—აჰოიოხრა ექიმმა.—ჩამოდის პატარა გამხდარი ბიჭუნა, რომელიც ვეებერთელა დაფლეთილ შარვალში დადიოდა, და უკვე მფრინავია, ნაწნავებიანი გოგონა— მხატვარი, გათხოვდა და ლენინგრადში ცხოვრობს.

— ივან ივანიჩ, მერწმუნეთ, არ გამოცვლილხართ. საოცარია! გაახალგაზრდავებულხართ კიდევ!

ექიმს გაეცინა. ეამა ჩემი ქათინაური და მეც მთელი საღამო დროდადრო ვიმეორებდი, რომ გაახალგაზრდავებულხართ ან ყოველ შემთხვევაში ოდნავადაც არ გამოცვლილხართ-მეთქი.

ჩაისა ვსვამდით, როდესაც ექიმის ცოლი ანა სტეპანოვნა მოვიდა. მაღალი, სრული ქალი, რომელიც თავის „მალიცასა“ და „პიმიბში“, რომელიღაც ჩრდილოელ ღმერთსა ჰგავდა. მან „მალიცა“ მოიხადა და „პიმიბი“ გამოიცივალა, მაგრამ მაინც ახოვანება არ დაჰკარგა. მასთან შედარებით, ჩემზე რომ არა ვთქვა რა, თვითონ მაღალი ექიმიც არაფერი გამოჩნდა. სულ ახალგაზრდა სახე ჰქონდა და ძალიან ეხამებოდა ამ სუფთა ხის სახლს, ყვითელ იატაკს და სოფლურ ფეხსაფეხებს. მასაც რაღაც დაჰკარავდა ძველი რუსული, როგორც თვით ზაპოლარიეს, თუმც ეს სულ ახალი ქალაქია მხოლოდ ხუთი-ექვსი წლის წინათ აშენებული. მერე გავიგე, რომ ზღვისპირელი იყო.

ჩვენ ზაპოლარიეზე დავიწყეთ ლაპარაკი და მე გავიგე ამ საო-

ყარი ხის ქალაქის ისტორია—ქალაქისა, რომლის ტროტუარები, ქუჩები და ნიადაგიც კი დატყეპნილი ნახერხია.

— წვიმა გადაიღებს თუ არა, ასე გგონია, ბინაში დადიხარ,-- თქვა ანა სტეპანოვნამ.—საითაც გაიხედავ, ყველგან იატაკებია. შარაკვაც ხისაა.

თურმე ექიმი პირველ გემს მოჰყვა ზაპოლარიეში და მთელი ქალაქი მის თვალწინ აშენდა.

— ათას ცხრაას ოცდარვა წელს აქ ტაიგა იყო,—თქვა მან.— და აი აქ, სადაც ახლა ჩვენა ვსხედვართ და ჩაის მივირთმევთ, კურდღლებზე ნადირობდნენ.

— ახლა კი ერთი სახლი დგას,—სიტყვა ჩამოართვა ანა სტეპანოვნამ,—ქუჩა უნდა აეშენებინათ და ვერა და ვერ მოიცალეს.

— თეატრი ცუდია ვითომ?

— თეატრი კარგია.

— შარშან ჩვენთან მოსკოვის სამხატვრო აკადემიური თეატრი ჩამოვიდა,—ლაპარაკში ჩაერია ვალოდია და გაწითლდა.—ყვავილებით შევხვდით, გაუკვირდათ ყვავილები საიდანა გაქვთო, აქ კი ოამდენიც გნებაეთ, იმდენია ყვავილები.

ყველამ მას შევხედეთ და იგი უფრო გაწითლდა.

— ვალოდიას თეატრი უყვარს,—გვითხრა ანა სტეპანოვნამ,— და კიდევ ძალიან უყვარს...

— დედა!..

ექიმს გაეცინა.

— დედიკო, შეიძლება ერთი წუთით?—მრისხანედ უთხრა ვალოდიამ და გავიდა.

ანა სტეპანოვნასაც გაეცინა და უკან გაჰყვა.

— ლექსებსა სწერს.—ჩურჩულით მითხრა ექიმმა.—არა, რომ გამახსენდება, ძალიან საინტერესოა.—განაგრძობდა იგი.—საოცარი რამ იყო! როდესაც პირველ სატყეო ქარხანას აშენებდნენ--ვაზეთში თარიღას ნაცვლად ბეჭდავდნენ, ამდენი და ამდენი დღეა ქარხნის გაშვებამდეო. ოცი დღე, ცხრამეტი დღე და ძლივს ერთი დღედა დარჩა! ახლა პირველი თვითმფრინავები! როგორა ხვდებოდნენ მათ! შენ? უეცრად მოაგონდა ექიმს.—შენ როგორა ხარ? რას აპირებ?

— ფრენას ვაპირებ.

— საით?

— ჯერ არ ვიცი. გეგმები დიდია, ჯერჯერობით კი კრასნო-არსკში ბეწვეულს გადავზიდავ.

— გეგმები, — ახალი ტრასა?

— დიახ... ივან ივანიჩი, — ვუთხარი მე, როდესაც სუფრა მოვაცარიელებთ და ძალიან გემრიელ, ყოლოს შინნაკეთებ ღვინის სმას შევუდგე, — გახსოვთ ჩვენი წერილები. აი, ლენინგრადში რომ ვიყავი?

— მახსოვს.

— თქვენ ძალიან საინტერესო წერილი მომწერეთ იმ შტურმანის შესახებ, — განვაგრძობდი მე, — და უპირველესად ყოვლისა, მსურს გავიგო — ისევ შენახული გაქვთ მისი შავად ნაწერი რეგულები?

— შენახული მაქვს.

— ძალიან კარგი. ახლა მოძისმინეთ. ეს საკმაოდ გრძელი ამბავია, მაგრამ მე მაინც გაიმბობთ — აკი თქვენ მასწავლეთ ლაპარაკი, ახლა სამაგიეროს გიხდით.

და მე ყველაფერი ვუამბე — დაწყებული წერილებიდან, რომელთაც ოდესღაც ხმამალლა მიკითხავდა დეიდა დაშა. კატიას შესახებ მხოლოდ რამდენიმე სიტყვა ვთქვი — ინფორმაციის წესით. მაგრამ ექამს რატომღაც გაელიმა, მაგრამ მაშინვე გულგრილი გამომეტყველება მიიღო.

— ...სულით ხორცამდე განადგურებული იყო, — თქვა მან შტურმანზე. — ნამდვილად განგრენისაგან კი არ მომკვდარა — და ლილობისაგან მოკვდა. მე რისპეტად ბევრი ძალ-ღონე დახარჯა, რომ სიკვდილი აეცდინა, და სიცოცხლისათვის უკვე ღონე აღარ ეყო. ასეთ შთაბეჭდილებას სტოვებდა იგი.

— თქვენ ელაპარაკეთ მას?

— ველაპარაკე.

— რის შესახებ?

— როგორც მახსოვს სამხრეთის რომელიღაც ქალაქის, — თქვა ექიმმა, — არ ვიცი სოხუმის, არ ვიცი ბაქოს შესახებ. უბრალოდ აკვიატებული იდნა ჰქონდა. მაშინ ყველანი ომზე ლაპარაკობდნენ. ის იყო ომი დაიწყო. ის კი სოხუმზე ლაპარაკობდა — რა კარგია იქ, როგორა თბილაო, ეტყობა, იქაური იყო.

— ივან ივანიჩი, აქა გაქვთ ის დღიურები? ამ სახლში?

— აქა მაქვს.

— მაჩვენეთ.

მე ბევრსა ვფიქრობდი ამ დღიურებზე და ბოლოს და ბოლოს ეს დღიურები რაღაც სქელ, შავ მუშამბაში ჩასმულ რეგულებად

წარმოედგინა. მაგრამ ექიმი გავიდა და რამდენიმე წუთის შემდეგ ორი პატარა რვეული გამოიტანა, რომლებიც სასკოლო უცხო სიტყვათა ლექსიკონებსა ჰგავდა. უნებურმა მღელვარებამ შემიპყრო, როდესაც ალაბედზე ერთ-ერთი რვეული გადავშალე.

„შტურმან ივ. დმ. კლიმოვს.

წინადადებას გაძლევთ თქვენ და ყველა ქვემოთ დასახელებულთ. თანახმად თქვენი და მათი სურვილისა, დასტოვოთ გემი დასახლებული მიწის მიღწევის მიზნით...“

— ექიმო, რა მშვენიერი ხელი ჰქონია! სრულიად თავისუფლად ვკითხულობ!

— არა, ეს მე მაქვს მშვენიერი ხელი,—მიპასუხა ექიმმა.—შენ კითხულობ იმას, რის გარჩევაც მე შეეძელი. რამდენიმე ადგილზე ზავდე ფურცლები, რომლებიც გავარჩიე, აბა სხვა ნახე!

და მან პირველ გვერდზე გადაშალა რვეული.

გაურკვეველი ხელი მინახავს, მაგალითად ვალკა ქუკოვი ისე სწერდა, რომ მასწავლებლებს დიდხანს ეჭვი ეპარებოდათ, სასაცილოდ ხომ არ გვიგდებდნენ. მაგრამ ასეთ ხელს პირველად ვხედავდი. ეს იყო რვეულის ფურცლებზე სრული უწესრიგობით გაბნეული ქინძისთავის ოდენა სათევზაო ანკესები.

პირველივე ფურცლებზე ქონი იყო დასხმული და ფანქარი ოდნავ აჩნდა ყვითელ გამქვირვალე ქალაღს. შემდეგ დაწყებული და დაუმთავრებელი სიტყვების რაღაც დომხალი იყო. მერე რუკის ნახაზი და ისევ დომხალი, რომელშიაც ვერაფრითაღი გრაფოლოგი ვერ გაერკვეოდა.

— კეთილი,—ვთქვი და რვეული დაეხურე.—მე ამას წავიკითხავ.—ექიმმა სიამოვნებით შემომხედა.

— გისურვებ გამარჯვებას,—გულწრფელად მითხრა მან.

დასაძინებლად მასთან დავრჩი, რადგანაც დაღამებულყო და ქარბუქი იწყებოდა. ზაპოლარიეში კი ქუჩაში არვინ გავა, როდესაც ქარბუქი იწყება. ანა სტეპანოვნამ ვალოდიას ოთახში გამიშალა ლოგინი, დასაკეც საწოლზე, და მე ძილის წინ დიდხანს ვუყურებდი ვალოდიას, რომელიც გვერდზე იწვა, კობტად დაწყობილი ხელისგულები ლოყის ქვეშ ამოედო და ეძინა. მძინარე პირწავადნილი პატარა ექიმი იყო, მხოლოდ წვერი აკლდა. დასაკეცი საწოლი აქრიალდა, როდესაც ქეჩის ჩექმების გასახდელად ჩამოვჯექი. ვალოდიამ ერთი წამით გაახილა დიდრონი ლურჯი თვალები და ძილში რაღაც წაიბუტბუტა.

დღიურებს ვაკითხულობ

არ შემძლია ჩემს თავს სულწასული ადამიანი ვუწოდო. მაგრამ, მგონი, მხოლოდ მოთმინების გენიას შეეძლო ამ დღიურების წაკითხვა! ექვს გარეშეა, ისინი გემის დგომის დროს იწერებოდა, სელაპის ქონის კრაქების შუქზე, ორმოცდახუთგრადუსიან ყინვაში, გათოშილი და დაღლილი ხელით. ეტყობოდა ზოგიერთ ადგილებზე ხელი ქვევით დაქანებულყო და გრძელი, უმწეო და უაზრო ხაზი გაეფლო.

მაგრამ მე უნდა წამეკითხა ეს დღიურები.

და კვლავ შევუდგებოდი ხოლმე ამ მტანჯველ მუშაობას. ყოველ საღამოს—ხოლო თავისუფალ დღეებში დილიდანვე,—გამადიდებელი შუშით ხელში მაგიდასთან ვჯდებოდი და იწყებოდა ეს დაძაბული, სათევზაო ანკესების ნელი გარდაქმნა ადამიანურ სიტყვებად, ხან სასოწარკვეთილ, ხანაც იმედით აღსავსე სიტყვებად. ჯერ გაჭირით მივდიოდი—ეჯდებოდი და პირდაპირ ვკითხულობდი. მაგრამ მერე ერთი ეშმაკური აზრი მომივიდა თავში და უეცრად მთელი ფურცლების კითხვა დავიწყე, წინათ კი ცალკე სიტყვებსა ვკითხულობდი.

დღიურების გადაფურცვლის დროს შევნიშნე, რომ ზოგიერთი ფურცლები სხვებზე ბევრად უფრო გარკვევით იყო დაწერილი. მაგალითად ბრძანება, რომლის ასლიც ექიმმა გადმოიღო. ამ ადგილებიდან ყველა ასოები ამოვწერე თავიდან ბოლომდე და „შტურმანის ანბანი“ შევადგინე. ამასთან ზედმიწევნით აღვადგინე მისი ხელის ყველა ვარიანტები. ამ ანბანით საქმე ბევრად უფრო სწრაფად წავიდა. ხშირად საკმარისი იყო ამ ანბანის მიხედვით ერთი ან ორი ასო სწორედ გამომეცნო, რომ ყველა დანარჩენი ასოები თავისთავად სხდებოდნენ თავთავიანთ ალაგზე.

ასე ვარჩევდი დღითი დღე ამ დღიურებს.

„შორეული ნაოსნობის შტურმანის ივ. დმ. კლიმოვის დღიურები.

ოთხშაბათი, 27 მაისი. გვიან დავიძარით და ექვს საათში 4 ვერსი გავიარეთ. დღეს საიუბილეო დღე გვაქვს. ჩვენი აზრით, გემს სულ 100 ვერსით დაეშორდით. რასაკვირველია ეს არც ისე ბევრი ერთი თვის მგზავრობისათვის, მაგრამ სამაგიეროდ გზაც ისე-

თია, როგორსაც ჩვენ არ მოველოდით. იუბილე ზემით გადავიხადეთ: გამხმარი მოცვის წვენი გავაკეთეთ და სიტკბოსათვის ორიქილა დაკონსერვებული რძით შევაზავეთ.

პარასკევი, 29 მაისი. თუ ნაპირს მივალწიეთ, მაშინ ამ ადამიანებს — მათი ხსენებაც არ მინდა — ახსოვდეთ 29 მაისი, დღე მათი სიკვდილისაგან გადარჩენისა და ყოველწლიურად აღიდონ იგი, მაგრამ თუ ხალხი გადარჩა, ორლულა და ჩვენი მარჩენალი სამზარეულო მაინც ჩაეძირეთ. ამის გამა — გუშინ უმი ხორცი უნდა გვექამა და ცივი რძიანი წყალი უნდა გვესვა. ეპ. ოლონდ კი ღმერთმა მშვიდობით მიმალწვევინოს ამ დოყლაპიებით ნაპირს!

კვირა 31 მაისი. აი ის ოფიციალური დოკუმენტი, რის საფუძველზედაც უნდა გამოვსულიყავი ექსპედიციის ერთი ნაწილის მეთაურად.

„შტურმან ივ. დმ. კლიმოვს.

წინადადებას გაძლევთ თქვენ და ქვემოთ დასახელებულთ, თანახმად თქვენი და მათი სურვილისა, დასტოვოთ გემი დასახლებული მიწის მიღწევის მიზნით. ა. წ. 10 აპრილიდან ყინულით წასვიდეთ და თან წაიღოთ მარხილები და კაიაკები სანოვაგით, ორი თვის ანგარიშით მოიმარაგოთ ყველაფერი. გემის დატოვების შემდეგ ღართ სამხრეთისაკენ, ვიდრე მიწას არ დაინახავთ, და მიწას რომ დაინახავთ, იმოქმედოთ გარემოების შესაბამისად, მაგრამ უკეთესია ეცადოთ მიაღწიოთ ბრიტანეთის არხს, ფრანც იოსების კუნძულებს შორის. მიჰყევთ მას, როგორც უფრო ცნობილ კონცხს ფლორისაკენ, სადაც, მე ვფიქრობ, სანოვაგესა და შენობებს იპოვით. შემდეგ, თუ დრო და გარემოება ნებას მოგცემთ, გაემართოთ შპიცბერგენისაკენ. როდესაც შპიცბერგენს მიაღწევთ, უაღრესად ძნელი ამოცანა წამოიჭრება თქვენს წინ: იპოვოთ იქ ადამიანები, რომელთა ადგილსამყოფელი ჩვენ არ ვიცით, მაგრამ იმედი მაქვს, რომ მის სამხრეთ ნაწილში თქვენ ამას მოახერხებთ, თუ ნაპირებზე მცხოვრებთ ვერა ნახავთ, სამრეწველო გემს მაინც წააწყდებით სადმე. თქვენთან ერთად წამოვა, თანახმად მათი თხოვნისა, ექსპედიცია ცამეტი წევრი.

ივანე ტატარინოვი

ხომალდ „წმ. მარიამის“ კაპიტანი

1914 წლის 10 აპრილი

ჩრდილო ყინულოვანი ოკეანე.

ღმერთი ხომ ხედავს, როგორ მიჰქირდა წამოსვლა, რაკი მას ისეთ მძიმე, თითქმის უიმედო მდგომარეობაში ვტოვებდი.

სამშაბათი, 2 ივნისი. ჯერ კიდევ გეშვებ მემანქანე კორნეევა ოთხი წყვილი სათვალე გაგვიკეთა, მაგრამ ვერ ვიტყვი, რომ ისინი თავიანთ დანიშნულებას ასრულებდნენ. შუშები „ჯინის“ ბოთლებისაგან არის გაკეთებული. წინა მარხილებით მიდიან ბედნიერები — „თვალხილულნი“. „უსინათლონი“ კი თვალდახუჭულნი მისდევენ მათ კვალს, მხოლოდ დროდადრო წამწამებშუა გზას გაჰყურებენ. თვლები გვეტყვივად მტანჯველი, აუტანელი შუქისაგან. აი ჩვენი მოძრაობის სურათი, რომელიც არასდროს არ დამავიწყდება: ჩვენ მივდივართ მწყობრად. ფეხშეწყობილად, ერთდროულად მივქანობთ წინ, მკერდით ღვედს ვაწვებით და ერთი ხელით კაიაკის კიდეს ვეჭიდებით. ჩვენ მივდივართ თვალდახუჭულნი, მარჯვენა ხელში თხილამურის ჯოხი გვიჭირავს, რომელსაც მექანიკური სიზუსტით ვწვეთ წინ, ვისვრით მარჯვნივ და ნელა გვრჩება უკან. როგორ ერთფეროვნად, როგორ მკვეთრად ქრიალებს თოვლი ამ ჯოხის სათიხარის ქვეშ! უნებურად ვუგდებ ყურს ამ ჭრილს და თითქოს აშკარად მეყურება: „შორს არის, შორს“. თითქოს ბურანში ვიყოთ, ისე მივდივართ, მექანიკურად ვადგამთ ფეხებს და მკერდით ღვედს ვაწვებით... დღეს მომეჩვენა, რომ ცხელი ზაფხულია და მაღალი სახლების ჩრდილში სანაპიროზე მივდივარ. ამ სახლებში აზიური ხილის საწყობებია, კარები ყურთამდის ღიაა და ხილისა და ჩირის არომატული და მჟაფრი სურნელება მოდის. ფორთოხლის, ატმის, ვაშლის ჩირის და მიხაკის გამაბრუნებელი სურნელება დგას. სპარსელი ვაჭრები სიციხისაგან დარბილებულ ასფალტის პანელსა რწყავენ და მე მესმის მათი მშვიდი, ხორხისმიერი ბგერები. ღმერთო, რა სურნელებაა, რა სასიამოვნო სიგრილეა!.. ჩემ ჯოხს ფეხი წამოვდე და გამოვფხიზლდი, კაიაკს ხელი ვტაცე და განცვიფრებული შეეჩერდი — თოვლი, სულ თოვლი, სადამდისაც კი თვალი მისწვდება. ისევ თვალისმომკრელად კაშაშებს მზე. ისევ მტანჯავს თვლების ტკივილი.

ხუთშაბათი, 4 ივნისი. დღეს ღუნაფის კვალს მივყვებოდი და შევნიშნე, რომ სისხლს აფურთხებდა, ღრძილები გაუუსინჯე — სურავანდია. უკანასკნელ დღეებში ფეხების ტკივილს უჩივის.

პარასკევი, 5 ივნისი. ერთთავად თვალწინ მიდგას ივან ლოვოვიჩი იმ წუთებში, როდესაც ჩვენ გვაცილებდა, გამოსამშვიდობებელ სიტყვას ამბობდა და უეცრად გაჩუქდა, პირი მაგრად მოკუმა და

რალაც უმწეო ღიმილით გარშემო მიიხედ-მოიხედა. ის ავად არის. ახალი წამომდგარი იყო ლოგინიდან, როცა დავტოვე. ღმერთო ჩემო, ეს ყველაზე საშინელი შეცდომაა! მაგრამ უკან ხომ ველარ დავბრუნდები.

შაბათი, 6 ივნისი. ჯერ გუშინწინვე ჩამაცივდა მორევი, ყინულის გორის მწვერვალისგან რალაც „როვნუშკას“ ვხედავო, სარკესავით სწორ ყინულს, რომელიც შორს იკარგება სამხრეთისაკენ. „საკუთარი თვალთა ვნახე, ბატონო შტურმანო, ისეთი „როვნუშკა“, რომ ვერ აღწერ: დღეს კარავში აღარ იყო. უთხილამუროდ წასულა და მისი პიმების კვალი ოდნავ ეტყობა მაგარი თოვლის თხელ ფენას. მთელი დღე ვეძებდით, ვყვიროდით, ვუსტვენდით, თოფს ვისროდით, რომ ხმა მიგვეწვდინა. პასუხს მოგვეცემდა—შაშხანა და თორმეტობღე ვაზნა ჰქონდა თან. მაგრამ არათფერი ისმოდა.

კვირა, 7 ივნისი. კაიაკებისა, თხილამურებისა და თხილამურის ჯოხებიდან ხუთსაუენიანი სიმალლის იალქანი შევეკარით, ორი ბაი-რალი დავამაგრეთ და ბექობის წვერზე დავდგი. თუ ცოცხალია, ჩვენ ნიშნებს დაინახავს.

სამშაბათი, 9 ივნისი. კვლავ გზას ვაფუდექით. ცამეტნი დავრჩით—საბედისწერო რიცხვი! ნეტავი როდის მივალწვეთ მიწას. როგორც უნდა იყოს, თუნდ მთლად მოტიტვლებული, რომელიც თუ აღერსით არ მიგვიღებს, ერთ ადგილზე მაინც იდგება და შიში არ გვექნება ყოველ წამს, ჩრდილოეთისაკენ წავვიღებო!

ოთხშაბათი, 10 ივნისი. დღეს საღამოს კვლავ სამხრეთის ქალაქის ზმანება, სანაპირო და ღამის ყავახანები, თეთრპანამებიანი ხალხი. სოხუმა? კვლავ ხილის საამო სურნელება და მწარე ფიქრები: „რა გინდოდა ამ ცივ ყინულოვან ზღვაში, როდესაც ასე კარგია სამხრეთის ნაოსნობა? იქა თბილა. პერანგის ამარა და ფეხშიშველაც კი შეიძლება სიარული. შეიძლება ფორთოხლების, ყურძნისა და ვაშლის ქამა. საოცარია, რატომ არასდროს განსაკუთრებით არა მყვარებია ხილი. თუმცა შოკოლადიც—კარგია, კვავის ორცხობილასთან ერთად, ასე ვნაყრდებოდით შუადღისას. ოღონდ, ძალიან ცოტა გვხვდება—შოკოლადის ფილის თითო პატარა ნატეხი. კარგი იქნება წინ. დაიდგა ერთი თეფში დიკის ორცხობილა, ხელში კი შოკოლადის მთელი ფილა დაიჭირო და ქამო რამდენიც გინდა! ნეტავი რამდენი ვერსია ამ შესაძლებლობამდე, რამდენი საათი, რამდენი დღე, რამდენი კვირა!

ხუთშაბათი, 11 ივნისი. თოვლით დაფარული საშინელი გზა, ზოგჯერ ქვეშაც წყალია. ყინულქრილები ყოველ ნაბიჯზე გზას ჭვილობავენ. დღეს სამ ვერსზე მეტი არ გაგვივლია. მთელი დღე წისლია და მქრქალი შუქი, რომლისაგანაც ასე სტკივა ადამიანს ავალები. ახლაც ამ რვეულს თითქოს მარმამში აქვს გადაფარული და ლაწვებზე მდულარება ჩამომდის. ხვალ სამებობაა. რა კარგი იქნება ამ დღეს „იქ“, სადმე სამხრეთში და რა საშინელია აქ, 82 გრადუს განედზე ყინულქრილებით და ყინულის გორებით მთლად დასერილ ყინულზე. ყინული ყოველ წამს პირდაპირ ჩვენ ავალწინ იცვლის ადგილს. ერთი ნაპრალი ჰქრება, მეორე ჩნდება, თითქოს ვილაც გოლიათები უზარმაზარ ფიცარზე ჰადრასკა თამაშობდნო.

კვირა, 14 ივნისი. აი აღმოჩენა, რის შესახებაც არაფერი მითქვამს ჩემი თანამგზავრებისათვის. ყინული მიგვაქროლებს და ჩვენ მიწას ვშორდებით. დღეს მივალწიეთ ფრანც იოსების განედს და განვაგრძობთ სამხრეთისაკენ სვლას, მაგრამ კუნძულის მსგავსიც არაფერი ჩანს. ყინული მიგვაქროლებს და ჩვენ მიწას ვშორდებით. ამას მე ვხედავ ჩემი ყოვლად უვარგისი ქრონომეტრითაც, ვაბატონებული ქარებითა და წყალში გაშვებული გაფისული თოკის მიმართულებითაც.

ორშაბათი, 15 ივნისი. ის მე დავტოვე ავადმყოფი და ისეთ სასოწარკვეთილებებში ჩავარდნილი, რომლის დაფარვა მხოლოდ მას შეეძლო. ეს მისპობს ჩვენი გადარჩენის რწმენას.

სამშაბათი, 16 ივნისი. ახლა ორი მყავს სურავანდიანი. სოტკინიც ავად გახდა, ღრძილებიდან სისხლი სდის და შეუსივდა კიდევ. ამითლა ვმკურნალობ, რომ თხილამურებით გზის საძებნელად ვგზავნი, ღამე კი ქინაქინის აბებს ვაძლევ. შეიძლება ეს მკურნალობის მკაცრი ხერხია, მაგრამ, ჩემი აზრით, სხვა გზა არ არის, ვიდრე ადამიანი სულით არ დაცემულა. სურავანდი ყველაზე მძიმედ ივან ლვოვიჩსა ჰქონდა, რომელმაც თითქმის ნახევარი წელი იავადმყოფა და მხოლოდ ნებისყოფის არაადამიანური დაძაბვით აიძულა თავი მორჩენილიყო, ესე იგი თავს სიკვდილის ნება არ მისცა და ეს ნებისყოფა, ეს ღალი გონება, ეს სულის დაუმრეტელი სიმხნევე განწირულია გარდუვალი დალუპვისათვის.

ხუთშაბათი, 18 ივნისი. განედი 81°, კვლავ გვაკვირვებს დრეივის სისწრაფე სამხრეთისაკენ.

პარასკევი, 19 ივნისი. ასე, ოთხ საათზე ჩვენი სადგომიდან

OSO-ზე „რადაც“ დავინახე. ეს ორი მოვარდისფრო ღრუბელი იყო, ზედ ჰორიზონტზე, რომელთაც ფორმა არ შეუცვლიათ, ვიდრე ნისლია არ დაჰვარა. მგონი არასდროს არა ვყოფილვართ გარშემორტყმულნი ამდენი ყინულქრილებით ირგვლივ, უამრავი კუიანა თოლიები დაფრინავენ. ოჰ, ეს თოლიები ღამე ძილს არ მაძლევენ, მოუსვენრად ფუსფუსებენ, ერთმანეთში დავობენ და ჩხუბით ყინულზე გამორიყულ მოკლული სელაპის შიგნეულს უტრიალებენ. ისინი ბორბოტი სულბივით დაგვცინიან, ისტერიკულად ხარხარებენ, წვიიან, უსტვენენ და მგონი ილანძლებიან კიდევ. რამდენ ხანს მესხომება „თოვლივით თეთრი თოლიების შორი ძახილი“, ეს კარავში გატარებული უძილო ღამეები, ეს ღღედალამ მოკაშკაშე მზე, რომელიც კარავის კედლებშიც კი ატანს!

შაბათი, 20 ივნისი. ერთ კვირას ვიყავით დაბანაკებული ერთ ადგილზე, მაგრამ მაინც ყინულთან ერთად სამხრეთისაკენ მთელ ერთ გრადუსზე დავცილდით გეზს.

ორშაბათი, 22 ივნისი. საღამოა, ჩვეულებისამებრ, მაღალ ბორცვზე ავედი ჰორიზონტის დასათვალიერებლად. ამჯერად. ო-ზე ისეთი რამ დავინახე. რამაც ამაღელვა, ჩამოვჯექი და სწრაფად დავიწყე ღურბინდისა და თვლების წმენდა. ნათელი თეთრი ზოლი მოჩანდა, რომელიც ვისფერ მინდორზე ფუნჯით კობტად გაელებულ ზოლს ჰგავდა. ჯერ გადავწყვიტე, მთვარე-მეთქი, მაგრამ რატომღაც ამ მთვარის სემენტის მარცხენა მხარე თანდათან ჩაბნელდა. ხოლო მარჯვენა უფრო განათდა. ღამე ხუთჯერ მაინც გამოვედი ღურბინდით და ყოველთვის მთვარის ეს ნაწილი იმავე ადგილზე მხვდებოდა. მიკვირს, რომ ჩემი თანამგზავრებიდან ამას ვერაფერს ამჩნევს. რა ძნელია თავის შეკავება, რომ არ შევევარდე კარავში და რაც ძალა და ღონე მაქვს არ დავიყვირო: „რას უჩიხართ საფრთხობელებივით, რა დროს ძილია, ვერა ხედავთ, რომ ყინული მიწისაკენ მიგვაქანებს?“ მაგრამ, არ ვიცი რატომ, მე ვდუმვარ. ვინ იცის, იქნებ ესეც მირაჯია. სამხრეთის ქალაქშიც ხომ წარმოვიდგინე ჩემი თავი, სანაპიროზე, პაპანაქება ზაფხულში, მაღალი სახლების ჩრდილებქვეშ!

(ამ სიტყვებით თავდებოდა პირველი რვეული. მეორე 11 ივლისს იწყებოდა).

შაბათი, 11 ივლისი. სელაპი მოვეკალით, ორი ჯამი სისხლი მოვაგროვეთ და გემრიელი კერძი გავიკეთეთ. როდესაც ჩაის ვაღლუდებთ ან კერძსა ვხარშავთ, მაშინ ხუმრობის თავი აღარავისა-

აქვს. დღეს დილით ერთი ვედრო შექამანდი გეახელით და ერთი ვედრო ჩაი დავლიეთ. სადილადაც ერთი ვედრო შექამანდი შეე-
ქამეთ და ერთი ვედრო ჩაი დავაყოლეთ და ახლაც ვახშმად თითო
გირვანქაზე მეტი ხორცი შეექამეთ და მოუთმენლად ველით, რო-
დის აღუღდება ჩვენი ერთი ვედრო ჩაი. ჩვენი ვედრო კი დიდია,
გადაქრილი კონუსის ფორმისა. ახლაც არ ვიტყოდით უარს ერთ
ვედრო შექამანდზე, მაგრამ გვერიდება, მომჭირნობა უნდა გავ-
წიოთ. ისეთი მადა გვაქვს, რომ მგელი რა არის ჩვენთან. ეს რალაც
არაჩვეულებრივია, ავადმყოფური.

ამგვარად, კუნძულზე ვიმყოფებით. ჩვენ ფეხქვეშ ყინული კი არ
არის, რომლიდანაც ორი წლის განმავლობაში არ გადმოვსულ-
ვართ, მიწა და ხავსია. ყველაფერი კარგია, მაგრამ წინანდებურად
ერთი აზრი არ მასვენებს: რატომ კაპიტანი ჩვენთან ერთად არ
წამოვიდა? მას არ უნდოდა გემის დატოვება, მას არ შეეძლო „ცა-
რიელი ხელით დაბრუნება“, „შემქამენ, ცარიელი ხელით რომ დაე-
ბრუნდეთ“, და მერე ის ბავშვური უგუნური გადაწყვეტილება: „თუ
უიმედო გარემოება ზაიძულებს დავტოვო გემი, მე წავალ მიწისა-
კენ, რომელიც ჩვენ აღმოვაჩინეთ“. მე მგონი, უკანასკნელ დროს
ის ოდნავ შეშლილი იყო ამ მიწის გამო. ჩვენ ეს მიწა 1913 წლის
აგვისტოში ვნახეთ.

ორშაბათი, 13 ივლისი. OSO-ზე ზღვა ჰორიზონტამდე თავისუ-
ფალია ყინულისაგან. ეპ, „წმ. მარიამ“, აი, სად უნდა მოხვდეთ,
მხეთუნახავო!

სამშაბათი, 14 ივლისი. დღეს სოტკინი და კოროლკოვი კუნძუ-
ლის განაპირა მხარეს მიადგნენ და შესანიშნავი რამ აღმოაჩინეს:
ზღვის ახლოს პატარა ქვის ბორცვი შენიშნეს. ისინი განცვიფრე-
ბაში მოიყვანა ამ ბეჭობის სწორმა ფორმამ. უფრო ახლოს რომ
მივიდნენ, იქვე პატენტისანი ინგლისური ლუდის ბოთლი დაი-
წახეს ხრახნიანი საცობით. ბიჭებმა იმ წამსვე ქვები მიყარმო-
ყარეს, ბეჭობი მიანგრ-მონაგრის და მალე ქვების ქვეშ თუნუ-
ქის ქილა იპოვეს. ქილაში აღმოჩნდა ძალიან კარგად შენახული
ინგლისური ბაირალი და მის ქვეშ ასეთივე ბოთლი. ბოთლზე მი-
კრულ ქალაღზე რამდენიმე გვარი ეწერა. შიგნით კი—ბარათი
ინგლისურ ენაზე. ჩვენ და ნილსმა შეერთებული ძალებით ძლივძლი-
ვობით გავარჩიეთ, რომ ინგლისის პოლარული ექსპედიცია ჯეკსო-
ნის მეთაურობით 1897 წ. აგვისტოში ფლორას კონცხიდან გამო-
ვიდა და ძერი ჰარმსუორტის კონცხზე მოვიდა, სადაც ეს ბაირა-

ლი და ბოთლი დატოვა. ბოლოს იტყობინებოდნენ, გემ „უინდუო-რდზე“ ყველაფერი რიგზეაო.

აი მოულოდნელი ახსნა ყველა ჩემი ექვემდებარესა. ჩვენ მერი ჰარმ-სუორტის კონცხზე ვიმყოფებით: ეს ალექსანდრას მიწის სამხრეთ-დასავლეთის ბოლოა. ხვალ ჩვენ კუნძულის სამხრეთ ნაპირზე გადასვლას და ფლორას კონცხისაკენ გამგზავრებას ვფიქრობთ, ამ ცნობილ ინგლისელ ჯექსონის მამულისაკენ.

ოთხშაბათი, 15 ივლისი. ბანაკი დავტოვეთ. უნდა გადაგვეწყვიტა: ყველანი ყინულით წავსულიყავით და მთელი ტვირთი თან წაგვეღო, თუ ორ პარტიად გავყოფილიყავით, რომლიდანაც ერთი თხილამურებით ივლიდა ყინულზე, მეორე კი ხუთი კაცის შემადგენლობით კაიაკებით—ყინულის ნაპირ-ნაპირ ცურვით წავიდოდა. ჩვენ მგზავრობის ეს მეორე ხერხი ავირჩიეთ!

ხუთშაბათი, 16 ივლისი. დილით მაქსიმემ და ნილსმა ჩვენი სადგომის ახლოს დაიწყეს კაიაკების გადმოტანა და ნილსი ისე შორს წაიღო დინებამ, რომ ორ კაცს მოუხდა მის დასაჭერად. წასვლა. დურბინდით ვიყურებოდი და ვხედავდი, როგორ გადასდო ნილსმა ნიჩაბი და უმწეო გამოპეტყველებით უყურებდა მის სახსნელად წასულ კაიაკს. ნილსი ძალიან ავად არის, სხვანაირად არ შემადგია ავხსნა მისი მოქმედება. საერთოდ რაღაც უცნაურიც გახდა. სიარულის დროს ბარბაცებს, სულ განმარტოებით ზის. ვახშმად დღეს ორი მყვინთავა და ერთი სუსხური მოვხარაშეთ.

პარასკევი, 17 ივლისი. საშინელი ამინდია. ისევ გრანტის კონცხზე ვიმყოფებით და სანაპირო პარტიას ველოდებით. ღამე ცამოიწმინდა. წინ, OSO-ზე, მგონი სულ ახლო დაუსრულებელი ყინულის იქით კლდოვანი კუნძული მოჩანს. ნუთუ ეს ნორდბრუკია, რომელზედაც გადაჭიმულა ფლორას კონცხი? მალე დადგება ისდრო, როდესაც გამოირკვევა, მართალი ვიყავი თუ არა, როცა ამ კონცხისაკენ მივიწრაფოდი? ოცი წელი—დიდი ვადაა. შეიძლება იქ ამ ხნის განმავლობაში ჯექსონის შენობების კვალიც კი არ დარჩენილა? მაგრამ რა უნდა გვექნა? შორს შემოგვევლო? განა შესძლებდნენ ზღვის ცხოველების ქონით გაპოხილ ძონძებში გამოხვეული, კბენარით სავსე ჩემი საცოდავი ავადმყოფი თანამგზავრები?

შაბათი, 18 ივლისი. თუ ამინდმა არ გვიღალატა, ხვალ წინ წავალთ. ცდა აღარ შემიძლია. ნილსი ძლივს დალასლასებს და არც კოროლკოვია იმაზე უკეთესად. თუმცა ღუნავეი ფეხებს უჩივის.

მაგრამ მაინც არ ემჩნევა ის აპათია და დაუძლურება, რომელსაც ნილსი და კოროლკოვი მოუტავეს. ეს მოსვენებას არ მადლევს. რას შეეძლო შეეფერხებინა ქვეითად წამოსულნი? არ ვიცი, მაგრამ აქ დაყოვნება—გარდაუვალი სიკვდილია.

ორშაბათი, 20 ივლისი. კუნძული ბელი. კაიაკებიდან რომ გადმოვედით, დავრწმუნდით, რომ ნილსს სიარულის თავი აღარაჰქონდა. ის ძირს ეცემოდა და ცდილობდა ოთხით გამოცოცებულყო. კარავით რალაც მოვაწყვეთ, ნილსი შიგ შევიყვანეთ და ჩვენს ერთადერთ საბანში გავახვიეთ. იგი ხოხებით სულ სადღაც მიიწედა, მაგრამ მერე დაწყნარდა. ნილსი—დანიელია. „წმ. მარიაშე“ ორი წლის მუშაობის განმავლობაში კარგად ისწავლა რუსული, მაგრამ გუშინდელი დღიდან რუსული დაავიწყდა. ყველაზე მეტად ზარსა მცემს მისი უაზრო, შიშით სავსე თვალეები—თვალეები გონებადაკარგული ადამიანისა. ბულიონი მოვხარშეთ და ნახევარი ფინჯანი მივეცით. დალია და დაწვა. მენანება, კარგი მეზღვაურია, ძალიან ჰკვიანო, მცდელო. ყველანი დასაძინებლად დაწვენენ. მე კი შაშხანა ავიღე და ფრიალო კლდისაკენ გავწიე, რომ ფლორას კონცხისათვის გადამეხედა.

სამშაბათი, 21 ივლისი. ნილსი ღამე მოკვდა. საბანიც კი არ გადაუხდია, რომელშიაც შევახვიეთ. სახე მშვიდი ჰქონდა, ვერ დავმახინჯებინა სიკვდილისწინა ტანჯვებს. ასე, ორი საათის შემდეგ გამოვიტანეთ ჩენი აწ დამშვიდებული ამხანაგი და მარხილზე დავასვენეთ. საფლავი ღრმად ვერ გავთხარეთ, რადგანაც მიწა ძალიან იყო გაყინული, ცრემლი არავის გადმოუგდია ამ ობოლ, შორეულ საფლავზე. ამ ადამიანის სიკვდილს თავხარი არ დაუტია ჩენთვის. თითქოს სრულიად ჩვეულებრივი რამ მოხდა. რასაკვირველია, ეს არ იყო შეუბრალებლობა და უგულობა. ეს იყო გონების არანორმალური დახშობა სიკვდილის წინაშე, რომელიც ყველას დღეს თუ ხვალ გველოდა. ჩვენ თითქოს მტრულადაც კი ვუყურებდით შემდეგ „კანდიდატს“, ღუნავეს, და გონებაში ვმკითხაობდით: „მიაღწევს თუ იქამდე მოკვდება?“ ერთმა თანამგზავრმა გაბრაზებითაც კი დაუტია: „აბა რას უზიხარ, შე გლახაკო? ნილსს ხომ არ გინდა გაჰყვე? წადი, გამორიყული ხე მოძებნე. გაინძერი!“ ხოლო, როცა ღუნავეი მორჩილად წავიდა, უკან მიამახა: „აბა, ფეხები ნუ გებლანდება!“ ეს არ იყო გაავება ღუნავეის წინააღმდეგ. ახლა არც გამორიყული ხე გვესაჭიროებოდა დიდად. ეს იყო გაავება ავადმყოფობის წინააღმდეგ, რომელიც

ამხანაგს გართმევდა, მოწოდება იყო სიკვდილთან ბოლომდე საბრძოლველად. „ფეხების გაბლანდვა“, როდესაც მუხლები დამბლადაცემულივით გეკეცება, ძალიან დამახასიათებელია. შემდეგ ენა აღარ გემორჩილება. ავადმყოფი ცდილობს სიტყვების მკაფიოდ გამოთქმას, მაგრამ, რაკი დაინახავს, რომ ამით არაფერი გამოდის, თითქოს შერცხვენილი ჩუმდება!

ოთხშაბათი, 22 ივლისი. სამ საათზე ფლორას კონცხისაკენ გავემგზავრეთ. კვლავ ივან ლოვიჩზე ვფიქრობდი. უკვე ექვი აღარ მეპარება, რომ ის ოდნავ შეშლილია ამ მიწის გამო, რომელიც ჩვენ აღმოვაჩინეთ. უკანასკნელ დროს ერთთავად უსაყვედურებდა თავის თავს, რომ პარტია არ გაგზავნა მის გამოსაკვლევად. ეს მიწა გამოსამშვიდობებელ სიტყვაშიც ახსენა. არასდროს არ დამავიწყდება ეს გამომშვიდობება, ეს ფერმკრთალი, ზეშთაგონებით აღსავსე სახე, შორს გამყურე თვალები. რაა საერთო წინანდელ ლაქლაკსა, სიცოცხლით სავსე, ანეგლოტებისა და სასაცილო ამბების შემთხვევლ, ექაქედიციის ხელით საგოგმანებელ ადამიანთან, რომელიც ხუმრობით შეუდგებოდა ხოლმე ყოველგვარ ძნელ საქმეს? არავინ წასულა მისი სიტყვის შემდეგ. ის იდგა თვალებდახუჭული, თითქოს უნდა აზრები მოიკრიბოს გამოსათხოვარი სიტყვის სათქმელად, მაგრამ სიტყვების ნაცვლად, ოდნავ გასაგონი კენე სა აღმოხდა და თვალის უპეებში ცრემლი გაუბრწყინდა, ჯერ ნაწყვეტ-ნაწყვეტად დაიწყო ლაპარაკი, შემდეგ უფრო მშვიდად განაგრძო: „ყველა ჩვენგანისთვის ძნელია მეგობრების გაცილება, რომლებთანაც ორი წლის ბრძოლა და მუშაობა გვაკავშირებს, მაგრამ უნდა გვახსოვდეს, რომ ჩვენ ცოტა როდი გავაკეთეთ, თუმცა ექსპედიციის ძირითადი ამოცანა ჯერ მაინც არ არის გადაწყვეტილი. რუსების შრომით და გარჯით ჩრდილოეთის ისტორიაში მნიშვნელოვანი ფურცლებია ჩაწერილი—რუსეთს შეუძლია იამაყოს ამით. ჩვენ გვევალებოდა, ჩრდილოეთის რუს მკვლევართა ღირსეული საქმე გაგვეგრძელებინა და, თუ დავიღუპებით, ჩვენი აღმოჩენა ჩვენთან ერთად არ უნდა დაიღუპოს. მაშ, დაე, გადასცენ ჩვენმა მეგობრებმა, რომ ექსპედიციამ რუსეთს შემატა ვეებერთელა მიწა, რომელსაც ჩვენ „მარიამის მიწა“ ვუწოდეთ.“ ის ცოტა ხანს სდუმდა, მერე თითოეულ ჩვენგანს გადაეხვია და თქვა: „მე მინდა გითხრათ არა მშვიდობით“, არამედ „ნახვამდის“.

ხუთშაბათი, 30 ივლისი. ახლა ჩვენ მხოლოდ რვა დავრჩით — ოთხი „კაიახზე“ და ოთხი ცაღლა ცალექსანდრას მიწაზე.

შაბათი, 1 აგვისტო. აი რა მოხდა დღეს: ორი-საპი მილილა იყო დარჩენილი ფლორას კონცხამდე. უცებ ძლიერმა NO ქარმა დაუბერა, რომელიც სწრაფად ძლიერდებოდა და ნახევარი საათის შემდეგ, გეგონებოდათ, საკვამლე მილიდან უბერავსო. ჩამოწოლილ ბურუსში არც შეგვიძინებია, ისე დავკარგეთ მხედველობიდან მეორე კაიაკი, რომელზედაც დუნაევი და კოროლკოვი იყვნენ. ქართან და დინებასთან ბრძოლა შეუძლებელი იყო და ჩვენ ერთ-ერთ, უფრო დიდ აისბერგს მოყუდროვებული მხრიდან მივადექით. ავედით და ზედ კაიაკი ავიტანეთ. აისბერგზე რომ ავედით, მის წვერზე ანძა დავარკვით და ბაირალი ავეშვით იმ ირედით, რომ, თუ დუნაევი დაინახავდა, ისიც მიხედებოდა რომელიმე ყინულზე ასულიყო. საკმაოდ ციოდა და ჩვენც კარგა დაღლილებმა დასაძინებლად დაწოლა გადავწყვიტეთ. მალიცები ჩავიცვით და აისბერგის წვერვალზე თავშექცევით დაეწექით — ისე, რომ მაქსიმეს ფეხები ჩემს ზურგს უკან ჰქონდა, მე კი ფეხები მის ზურგს უკან მეწყო. ამგვარად 7 - 8 საათი მშვიდად გვეძინა. საშინელი იყო ჩვენი გამოღვიძება. რალაცამ საზარლად დაიქეკა, გაგვეღვიძა და ვიგრძენით, რომ ქვევითკენ მივექანებოდით, მეორე წამში ჩვენი ორსაწოლიანი ტომარა — წყლით გაივსო, ჩვენ ვიძირებოდით და თავგანწირვით ყოველგვარ ღონეს ვხმარობდით, ერთმანეთს ფეხებსა ვკრავდით, რომ ამ მუხანათური ტომრიდან როგორმე თავი დავველწია. დასახრჩობად გადაყრილ კატებსა ვგავდით. ვერ გეტყვით, რამდენ წამს გაგრძელდა ჩვენი ფართხალი, მაგრამ მე საშინლად ხანგრძლივი მომეჩვენა. გადარჩენისა და დაღუპვის ფიქრებთან ერთად თავში ჩვენი მგზავრობის სხვადასხვა სურათებმა გამიელვა: მორევის, ნილსისა და ოთხ ქვეითად წამოსულთა სიკვდილი. ახლა ჩვენი ჯერი მოვიდა და ამის შესახებ თავისდღეში ვერავენ გაიგებს; სწორედ ამ დროს ფეხები მაქსიმეს ფეხებს მომიხვდა, ჩვენ ერთმანეთი გამოვეყარეთ ტომრიდან და მეორე წამში გაღუმპულეები აისბერგის წყალქვეშა „ძირზე“ ვიდექით და ჩვენ გარშემო წყალზე მოტივტივე ჩექმებს, ქუდებსა, საბნებსა და ხელჯაგებს ყინულზე ვისროდით. „მალიცები“ ისე მძიმე იყო, რომ თითოეული ორს უნდა აგვეწია, საბანი კი სულაც ვერ დავიჭირეთ — ჩაიძირა. ტყუილად ვიმტვრევდი თავს — ახლა რალა უნდა ვქნათ, ხომ გავიყინებით-მეთქი. თითქოს ამ კითხვის პასუხად მწვერვალიდან ჩვენი კაიაკი წყალში ჩაყირავდა, რომელიც, ეტყობოდა, ან ქარმა გადაჰოაგდო, ან ჩვენსავით ყინული ჩაემტვრა. ახლა ვიცოდით.

რაც უნდა გაგვეკეთებინა! წინდები და კურტკები გაეწურეთ და ისევ ჩავიცვიოთ, ხოლო ყველაფერი, რაც დაგვრჩა, კაიაკში ჩავეყაროთ, ჩავსხედით და ნიჩბები მოვეუსვით! ღმერთო ჩემო, რა გაშმაგებით ვუსვამდით ნიჩბებს! მე ვფიქრობ, რომ მხოლოდ ამან გადაგვარჩინა! ასე ექვსი საათის შემდეგ ფლორას კონცხს მივადექით...“

შტურმანის გემიდან წამოსვლის შემდეგ ადრინდელ ჩანაწერებში საინტერესო რუკა ვიპოვე. ძველებური იერი ჰქონდა, მე გავითქვამს, რომ ნანსენის „ფრანზე“ მოგზაურობის დარჩულ რუკასა ჰგავს-მეთქი.

მაგრამ აი რამ განმაცვიფრა: ეს იყო „წმ. მარიამის“ დრეიფის რუკა 1912 წლის ოქტომბრიდან 1914 წლის აპრილამდე და დრეიფი ნაჩვენებია იყო იმ ადგილებზე, სადაც ეგრეთ წოდებული პეტერმანის მიწა მდებარეობდა. ახლა ვინ არ იცის, რომ ეს მიწა არ არსებობს? მაგრამ ვინ იცის, რომ ეს ფაქტი პირველად კაპიტანმა ტატარინოვმა დაადგინა „წმ. მარიამის“ ხომალდზე?

მაშ რაღა გააკეთა ამ კაპიტანმა, ვისი სახელიც არც ერთ გეოგრაფიულ წიგნში არა გვხვდება? მან ჩრდილოეთის მიწა აღმოაჩინა, მან დაამტკიცა, რომ პეტერმანის მიწა არ არსებობს. მან არქტიკის რუკა შესცვალა—და მაინც თავის ექსპედიციას დამარცხებულად თვლიდა...

მაგრამ აი რა იყო მთავარი: დღიურის, უკვე ჩემი ასლით, მეხუთედ, მეექვსედ და მეშვიდედ გადაკითხვის დროს (ახლა აღარ მიშლიდა ხელს თვით წაკითხვის პროცესი) ყურადღება მივაქციე იმ ჩანაწერებს, რომლებშიაც ლაპარაკი იყო, როგორ უყურებდა კაპიტანი ამ აღმოჩენას.

„უკანასკნელ ხანებში ის მუდამ უსაყვედურებდა თავის თავს, რომ ქარტია არ გაგზავნა მის გამოსაკვლევად (ესე იგი ჩრდილოეთის მიწის).“

„...თუ ჩვენ დავიღუპებით, ჩვენი აღმოჩენა ჩვენთან ერთად არ უნდა დაიღუპოს. დაე ჩვენმა მეგობრებმა გადასცენ, რომ რუსეთის ექსპედიციამ, რუსეთს შემატა ვეებერთელა მიწა, რომელსაც ჩვენ „მარიამის მიწა“ ვუწოდებთ.“

„თუ უიმედო გარემოებანი მაიძულებენ გემი მივატოვო, მე წავალ იმ მიწისაკენ, რომელიც ჩვენ აღმოვაჩინეთ.“

და შტურმანი ამ აზრს ბავშვურს და არაგონივრულს უწოდებს. ბავშვურს და არაგონივრულს! კაპიტანის უკანასკნელ წერილში, რომელიც ოდესღაც დღიდა დაშამ წამიკითხა, ეს ორი სიტყვა იყო:

„ნებისთ თუ უნებლიეთ ჩვენ უარი უნდა გვეთქვა პირველ განზრახვაზე—ვლადივოსტოკში ციმბირის ნაპირებით მისვლაზე. მაგრან ზოგი კირი მარგებელია! სულ სხვა აზრითა ვარ ახლა შეპყრობილი. ვიმედოვნებ, რომ ის, ზოგიერთი ჩემი თანამგზავრივით, შენც „ბავშვური“ და „არაგონივრული“ არ მოგეჩვენება“...

ფურცელი ამ სიტყვებით თავდებოდა. შემდეგი ფურცელი კი აკლდა, ახლა მე ვიცოდი თუ რა აზრი იყო ეს: მას უნდოდა, გემი დაეტოვებინა და ამ მიწისაკენ წასულიყო. ექსპედიციამ, რომელიც მისი ცხოვრების მთავარ მიზანს შეადგენდა, წარმატება ვერაპკოვა. მას არ შეეძლო შინ „ცარიელი ხელით“ დაბრუნებულიყო. ის თავის მიწისაკენ მისწრაფოდა და ჩემთვის აშკარა იყო, რომ თუ კი სადმე არის კიდევ დარჩენილი მისი ექსპედიციის კვალი, ეს კვალი უსათუოდ ამ მიწაზე უნდა ვეძებოთ. მაგრამ ეს შეიძლება მხოლოდ ჩემთვის იყო აშკარა? შეიძლება ასე აშკარა და ნათელი მეჩვენებოდა იმიტომ, რომ მე ვიცნობდი ქალს, რომლის სახელიც ეწოდა ამ მიწას. მე ვნახე იგი სიკვდილის წუთებში და ძლიერ მინდოდა ამ ექსპედიციის კვალისთვის მიმეგნო. უფრო მეტად კი მინდოდა დამემტკიცებინა კატიასათვის, რომ მე ის მიყვარს და მუდამ მეყვარება.

1935 წლის მარტის გვიან ღამით ამ დღიურის უკანასკნელი გვერდი გადავწერე,—უკანასკნელი, რომლის გარჩევაც შეეძელი.

საოლქო აღმასრულებელი კომიტეტის დიდ ორსართულიან სახლში, სადაც მე მაშინ ვცხოვრობდი, დიდი ხანია ყველას ეძინა და მხოლოდ ჩემი ფანჯრიდან ეცემოდა შუქი გზასთან მდგომ დათოვლილ ტანწვრილ ხეებს. ცოტა არ იყოს, თავი მტკიოდა და თვალები მეწვოდა. ტანთ ჩაეიცვი და გარეთ გამოვედი.

გარშემო სიჩუმე იყო, ჰკინავდა და არც ისე ბნელოდა.—ცა ვარსკვლავებით იყო მოქედილი. დასავლეთით—სუსტი ჩრდილოეთის ელვარება მოსჩანდა და ძველი დაუვიწყარი გრძნობა, რომერიც ბალაშოვის აეროდრომზე განვიცადე, კვლავ დამიბრუნდა.

თითქოს თეატრში უცბად შუქი აინთო და ჩემს გვერდით შევნიშნე ადამიანები, რომელნიც ეს არის, სცენაზე ვნახე! ნუთუ ეს მართალია? გეგონებოდათ, ჯერ კიდევ ერთი წუთის წინ არ შეიძლებოდა თქმა—ცოცხლები არიან ეს ადამიანები თუ მხოლოდ თამაშია, რომელიც გაუფერულდება და გაჰქრება რეალური აზრის სინათლეზე. აი, შუქიც აანთეს, მაგრამ არაფერი არ გამქრალა. პირიქით, არაჩვეულებრივი სიცხადით, ცოცხლებივით დავი-

ნახე ჩემს გარშემო ეს ადამიანები, მათი შიშით და ავადმყოფობებით, სასოწარკვეთილებით, მოჩვენებებით და იმედებით. როდესაც გემი დასტოვეს, ის ას სამოცდაათი მილის მანძილზე იდგა ნაპირიდან, მათ კი ორი ათას კილომეტრამდე გაიარეს ყინულოვან უდაბნოში, რადგანაც მათ დინება მიაქანებდა და ისინი წიწას შორდებოდნენ. მათ შოლის კაპიტანი არა ყოფილა, მაგრამ ეს საშინელი დღიური სავსე იყო მოგონებებით კაპიტანზე — მისი სიტყვებით, მისდამი სიყვარულითა და შიშით მისი სიცოცხლის გამო! გამოსათხოვარი სიტყვა დაწერილი იყო ფანქრით, რომელსაც ქალაქი ჩაეჭრა და ეს ყველაზე უფრო გარკვეული ადგილი იყო მათელ დღიურში. „მაგრამ სიტყვების ნაცვლად ოდნავ გასაგონი კენესა აღმოხდა და თვალის უკუებში ცრემლი აუელვარდა...“

გავიგებ კი ოდესმე, რა ბედი ეწია ამ ადამიანს, რომელმაც თითქოს მე დამავალა, მემბნა მისი სიცოცხლისა და სიკვდილის ამბავი? დასტოვა კი გემი, რომ მის შიერ აღმოჩენილი მიწა შეესწავლა, თუ შიმშილისაგან დაიღუპა თავის ხალხთან ერთად და იამალას ნაპირებთან ჩაყინული ხომალდი მკვდარი ხალხით წლობით მიაპობდა ზღვას ნანსენის გზით გრენლანდიისაკენ? ან იქნებ ცივ ქარიშხლიან ღამეს, როდესაც ერთი ვარსკვლავიც არა ცინციმებს, არც მთვარეა და არც ჩრდილოეთის ელვარება, ის უინულებმა დაამსხვრიეს, გრიალით წამოვიდა ანძები, ანძის ნაქუსები და ქანდარები, რომლებიც ყველაფერს ამტკრევდნენ გემბანზე, ხოცავდნენ ადამიანებს. დალუპვის წინ აპრიალდა გემის კორპუსიც და ორი საათის შემდეგ ქარბუქმა უკვე თოვლით გადააფარა კატასტროფის ადგილი?

ან იქნება სადმე უდაბურ პოლარულ კუნძულზე დღესაც ცხოვრობენ ადამიანები — „წმ. მარიამის“ შეშადგენლობა, რომელთაც შეეძლებოდათ ეამბნათ, რა ბედი ეწია თვით გემის კაპიტანს, ხომ იცხოვრა რამდენიმე წელი შპიცბერგენის უკაცურ კუთხეში ექვსმა რუსმა მეზღვაურმა, დათვებსა და სელაპებს ხოცავდნენ და მათი ხორცი იკვებებოდნენ. მათი ბეწვით იმოსებოდნენ, თავიანთ ქოხებშიაც, რომელიც ყინულისა და თოვლისაგან გააქეთეს, ამ ბეწვს აფენდნენ?

მაგრამ არა, ვის გაუგონია! ოცმა წელმა განვლო იმ „ბავშვური“ და „არაგონივრული“ აზრის გამოთქმის შემდეგ — დაეტოვებინა გემი და „წმ. მარიამის“ მიწისაკენ წასულიყო! წავიდნენ კი იმ წიწისაკენ? მიაღწიეს კი?

ექიმის ოჯახი

მთელი ზამთარი ამ დღეებზე ვარჩევდი. ჩემი ცხოვრება კი ზაპოლარიეში თავისი გზით მიდიოდა. კრასნოიარსკში ხელსაწყოებს ვეზიდებოდი ხე-ტყის ქარხნებისათვის და ბოლოს ეს მარშრუტი რვა ნახევარ საფრენოსნო საათამდე დავიყვანე. ნორილსკში გადამყავდა საძიებო პარტიები, მიყრუებულ ნენცურ რაიონებში მიმყავდა მასწავლებლები, ექიმები, პარტიული მუშაკები. ცნობილ მფრინავ მ-თან ერთად დისკონზე ვიყავი. მიხდებოდა ფრენა ენისეი კურეიკისა და ქვემო ტუნგუსის შესართავეებზე.

ზაპოლარიეში დაბრუნებისას, ვიბანავებდი თუ არა და პირს გავიპარსავედი, მაშინვე ექიმთან გაერბოდი.

ძალიან შევეჩვიე ექიმს და მის ოჯახს და მათაც, მგონი, შევეყვარდი. სასაცილო იყო: ექიმი ისე მექცეოდა, როგორც თავის ქმნილებას—ზოგჯერ ცალ თვალსაც კი მოხუჭავდა ხოლმე, თითქოს მაინც არა სჯეროდა, რომ მე ის გამხდარი. დიდშარვლიანი შავი ბიჭი ვიყავი, რომელიც ოდესღაც იმეორებდა: „ქათამი, უხაგირი, ყუთი“, რასაკვირველია, იგი ახლა ისეთი იღუმალეებით მოცული აღარ მეჩვენებოდა, როგორც ბავშვობაში, სოფელში, მაგრამ ახლაც ვერ იტყოდით, თუ რას გააკეთებდა ის მეორე წუთს. შეეძლო, მაგალითად, ლაპარაკის დროს მოულოდნელად თავისი სკამი თქვენთვის გადმოეგდო, ხოლო თქვენ უსათუოდ უნდა დაგეჭირათ და უკანვე გადაეგდოთ მისთვის. ასეთი ვარჯიშის რამდენიმე წუთის შემდეგ ექიმი ისე დაჯდებოდა ამ სკამზე, ვითომც აქ არაფერიაო, და საუბარი გრძელდებოდა. ნენცებს, რომელთა შორისაც გულითადი მეგობრები ჰყავდა, იგი კოზმა პრუტკოვს უკითხავდა ხოლმე.

პირბუდალი, შავგვრემანი, მძივით ამოქარგულ ირმის ქურქებში გამოწყობილი ნენცები მოდიოდნენ ექიმთან, ისხდნენ და მუსაიფობდნენ. მაღალ მარხილებში შებმული თვალსედიანი რუხი ირმები კი იდგნენ და ელოდნენ აივანთან.

ექიმმა ნენცური იცოდა და ისინი რჩევის საკითხავად მოდიოდნენ მასთან—ზოგჯერ ძალიან მნიშვნელოვან საქმეებზე. მათთვის ყველაფერი როდი იყო ნათელი ახალ სოციალისტურ წყობაში და ხშირად არ ენდობოდნენ ვილაც ვასკა-თავმჯდომარეს, რომელიც ტუნდრების საბჭოში საკოლმეურნეო საკითხების მთავარ სპეცია-

ლისტად ითვლებოდა. ერთხელ, მაგალითად, იმის საკითხავად მოვიდნენ, როგორ მოვექცეთ ბანდიტს: ჩვენ თვითონ მოვკლათ თუ ხელისუფლებას გადავცეთო? მეორედ მოვიდნენ გამოსარკვევად, რა აზრისაა ექიმი პრინციუსზე,—ვარგა თუ არა ეს ნივთი ოჯახში მოსახზარადო?

'ექიმიც გულმოდგინედ განუმარტავდა ხოლმე, რომ ბანდიტი ხელისუფლებას უნდა გადასცენ, რომ პრინციუსი გამოსადეგია საოჯახო საქმიანობაში და ნენცებიც სერიოზული ბავშვური გამომეტყველებით უხმოდ უსმენდნენ მას. თუმცა მალე მეც მომიხდა ნენცების წინაშე დიდი სიტყვით გამოსვლა პრინციუსის შესახებ—მაგრამ ამაზე ქვემოთ.

ყოველ შემთხვევაში, ეს ურყევი მეგობრობა იყო. ექიმმა მიამბო, რომ ეს მეგობრობა დაიწყო მას შემდეგ, რაც მან ერთ სოფელში ბრტყელი ჭიების დასაყრელი პუნქტი მოაწყო. ეს მედიცინის კემპარიტი ზეიმი იყო. ექიმს „ჭიების აღმომფხვრელი“ უწოდეს და მისი სახელი მთელ ტუნდრაზე გავარდა...

სახლში ბევრი ცხოველები ჰყავდათ: „ხვადი კატა ფილკა, კუ, ზღარბი და კოტი, კოტს მაგიდის ქვეშ ჰქონდა ბინა და, როდესაც სადილად ვსხდებოდით, „აჰაი, აჰაი, აჰაის“ გაიძახოდა. ყველაფერი ეს ვალოდიას მეურნეობა იყო—ჰყავდა კიდევ ორი ძაღლი, ბუსკა და ტოგა, რომელთაც ნარტებში შესაბამელადა წვრთნიდა; ნენცებმა მას მამონტის ძვლების ფირფიტებით მორთული მშვენიერი აკაზი-ულობა აჩუქეს. ძალიან მომწონდა, რომ ვალოდია თავისი ლიქსებით არა ტრაბახობდა. ეს მისი საიდუმლო იყო და მთელი ზამთრის განმავლობაში მე მხოლოდ ერთხელ მოვისმინე, როგორ წაიკითხა მან ლექსები. ჯერ დიდხანს ბუტბუტებდა, არ იცოდა, რომ მე მეორე ოთახში ვიყავი და ყველაფერი მესმოდა, მერე ხმამალა და გამოთქმით წარმოთქვა:

სკოლიდან სახლში ბრუნდება
ჩვენი ტუნგუსი ციმციმით,
პირზე ღიმილი უბრწყინავს,
ვიწრო თვალებით იცინის.
კართან მიაჯღო მაჰიილი
და გადმოფრინდა წამს ისა,
კარავში შეაქვს სიცოცხლე
და სიხარული ბავშვისა...

და კვლავ ბუტბუტი დაიწყო.

მე ვუამბე მას კაპიტანი ტატარინოვის ისტორია და ავუხსენი,

რა მნიშვნელობა აქვს ამ ისტორიისათვის განსვენებული კლიმოვის დღიურებს. და აი მუდამ, როდესაც ექიმთან მივიდოდი ხოლმე ახალი ამოკითხული ფურცლით, ვალოდიაც იქვე გაჩნდებოდა და ჩვენ საუბარს ისეთი მღვლვარე სახით უსმენდა, რომ ექიმი მე გადმომხედავდა და ალერსით მხარზე ხელს გადახვევდა ხოლმე. ექვს გარეშეა, არა ერთი ლექსი იყო მიძღვნილი ამ ისტორიისადმი და ამგვარად, კაპიტანი ტატარინოვის ცხოვრება მარტო პროზაში როდია აღწერილი.

ექიმი დაინტერესდა ავადმყოფობით, რომლის შესახებაც შტურმანი სწერს, — ჯერ ფეხი ეშლება ავადმყოფს, მერე ენა ებმის, რასაც მოსდევს სწრაფი, უშიზეზო სიკვდილი. ვალოდიას მოაგონდა, რომ ასეთივე ავადმყოფობით მოკვდა კაპიტან სკოტის თანამგზავრი ვეანსი.

— სკოტი სწერს, ასეთი ავადმყოფობით ყველაზე ძლიერები კვდებიანო, — თქვა მან და გაწითლდა, — მისი აზრით ეს რალაც უსიკიურია.

განსაკუთრებით გააოცა ჩემმა მოსახრებამ, რომ შესაძლებელია ხომალდი ექსპედიციის მკვდარი წევრებით ჯერ ისევ დგას ყინულებში, რომელიმე უდაბურ კუნძულთან. მას რალაც უნდოდა ეკითხა, მაგრამ არაფერი თქვა, მხოლოდ ბავშვურად დაალო პირი და მთელ სახეზე, შუბლზე, ლოყებზე და კისერზედაც კი ეკალი დააყარა აღელვებისაგან...

მთავარი პირი ოჯახში, რა თქმა უნდა, ანა სტეპანოვნა იყო. ყველანი მას ემორჩილებოდნენ, კოტიც კი, რომელიც არავის ეპუებოდა და ექიმს ყოველთვის საყვედურის კილოთი „აჰაი, აჰაი, აჰაის“ გაუბამდა ხოლმე. ტყუილად კი არ ეუბნებოდნენ ნენცები ექიმს: „ოი, კარგია, რომ ასეთი წარმოსადგეი ცოლი გყავს!“ ის პატივისცემას უნერგავდა ყველას. მარტო თავის სახლში კი არა — მის ნათქვამს მთელ ქალაქში უწევდნენ ანგარიშს.

იგი ცნობილ მეზღვაურთა ოჯახიდან იყო. მისი მამა, ბიძა და ძმები კაპიტნებად იყვნენ მდინარეებისა და ზღვის გემებზე. ზოგჯერ კარის ღროს, — ასე უწოდებენ ზაპოლარიეში აგვისტოსა და სექტემბრის თვეებს, როდესაც ჩვენ ყინულმკრელებს კარის ზღვით საბჭოთა და უცხოეთის გემები გაჰყავთ, — ეს დიდცხვირა და დიდულვაშა ძმები და ბიძა ამ სახლში გამოჩნდებოდნენ ხოლმე ისეთივე მალღები და ჯანღონით საყვანი, როგორც თვით ანა სტეპანოვნა იყო.

კაპიტანი ტატარინოვის ისტორიას ანა სტეპანოვნა სულ სხვა-მხრიდან მიუღდა.

— საწყალი ქალები!—თქვა მან, თუმცა ქალების შესახებ ერთი სიტყვაც არ იყო ნათქვამი.—უცდიან ერთ წელიწადს, ორსაც, იქნებ ის დიდი ხანია მოკვდა კიდევ და მისი კვალიც აღარსად არის. ისინი კი ელიან და ელიან. იმედს არა ჰკარგავენ, იქნებ დაბრუნდესო! ახლა უძილო ღამეები! ახლა შვილები! რა უთხრან შვილებს? ასეთ უიმედო ყოფნას სიკვდილი სჯობია. არა, ვერ დამაჯერებთ,—მტკიცედ თქვა ანა სტეპანოვნამ,—ეს მე ჩემი თვალით მინახავს. და თუ ოდესმე დაბრუნდა,—რასაკვირველია, გმირია. ამას თქმა არ უნდა. მაგრამ ქალიც გმირია!

თავი მეცხრა

ჩვენ, მბონი, უმჯობესდრივართ ერთმანეთს

დღის შვიდ საათზე გამომიარა ვალოდიამ. ძილში შემომესმა როგორ უჯავრდებოდა თავის ბუსკას და ტოგას. წინა დღით შევთანხმდით, მემიეცეობის საბჭოთა მეურნეობაში წავსულიყავით, და მან უეცრად ძაღლებით წასვლა შემომთავაზა.

— მობრუნება არ იციან.—მითხრა სეროიზულად,—თორემ ისე ძალიან კარგად მიდიან. მოსახვევებში ჩამოვდივარ და მე თვითონ მოვატრიალებ ხოლმე.

ის იყო უნდა მეთქვა, იქნებ მაინც თხილამურებით სჯობდეს-მეთქი წასვლა, მაგრამ ვალოდიამ თავის ძაღლების მაგიერ ითაკილა და იძულებული ვიყავი დავთანხმებოდი.

— დედაც კი დაადასტურებს,—თქვა დაბეჯითებით,—თუ მიხვეულ-მოხვეული არ არის გზა, მშვენივრად მიდიან.

ნარტზე დაესხედით და მან ნამდვილი ნენცივით დასკუივლა ძაღლებს „ხეს!“ და ძაღლებიც გაფრინდნენ. ოჰ, როგორ შემოგეცხო სახეში ხორხოშელამ, თვალეში გეჩხელეტდა და სუნთქვა შეგვეკრა! ნარტი თოვლის ზეინზე შეისროლა და მე ვალოდიას ჩავკიდე ხელი. მან გაკვირვებით მომხედა, მე ხელი გავუშვი და, ჩემი აზრით, რაღაც ძალიან სუსტად მოკერილ თასმაზე დავიწყებტომა.

კარგი იქნება, ცოტა ნელა ვიაროთ-მეთქი, გულში გავიფიქრე, მაგრამ გაგიგონია! ფიქრიც კი ზედმეტი იყო! ვალოდიას მრისხანედ აღმართა ჯობი და თავის ძაღლებს დასკუიოდა. ისინიც სულ

უფრო და უფრო სწრაფად მიჰქროდნენ. რასაკვირველია, შემეძლო ვალოდიასათვის დამეყვირა, ალვირს ცოტათი მოსწიე მეთქი. მაგრამ აშკარა იყო, ამით სამუდამოდ დავკარგავდი მის პატივისცემას. მაინც დაუწყვირებდი—მეტისმეტად მაღლა ხტოდა თოვლის ზეინებზე ეს დაწყევლილი ნარტი! მაგრამ სწორედ ამ წუთს ვალოდიამ კიდევ ერთხელ მომხედა. ისეთი აწითლებული, ბედნიერი სახე ჰქონდა და ყურებიანი ქული ისე ჩასპანდურად მოჰქცეოდა გვერდზე, რომ მე გადავწყვიტე გულდაღმა დავწოლილიყავი და ბედს დავემორჩილებოდი.

ბრახ! უეცრად ძაღლები თითქოს გაშეშდნენ და მე თვითონ არ ვიცი, ნარტზე როგორ შევრჩი. საიმისო არაფერი მომხდარა; თურმე პროტოკისაკენ უნდა მოგვეხვია და ვალოდიამ ძაღლები გააჩერა, რომ მიმართულება შეეცვალა.

ალარ მახსოვს, რამდენჯერ მივეცი ჩემ თავს სიტყვა ძაღლებით ალარ მემგზავრა, —ალბათ იმდენჯერ, რამდენი მოსახვევიც არის კუნძულზე, სადაც მემხეცეობის საბჭოთა მეურნეობაა მოთავსებული. მაგრამ ვალოდია ალტაცებული იყო.

— ხომ დიდებულია, არა?

მეც დავეთანხმე, დიდებულია-მეთქი.

აი ძლივს პროტოკაც გამოჩნდა! ბუჩქნარში შევიჭვრით, ნაპირიდან ჩავცურდით და ხტომა-ხტომით ყინულზე გავსრიალდით. ახლა საბოლოოდ დავრწმუნდი, რომ პირდაპირ გზაზე ვალოდიას ძაღლები შესანიშნავად მიდიოდნენ. ყოველ წამს ეპირებოდნენ ჩვენი მარხილის დამსხვრევას ამ ოღრო-ჩოღრო ყინულებზე და ვალოდიას ყვირილისა და ლანძღვისაგან კინაღამ ხმა ჩაეხლიჩა. ჩვენი ბედი, რომ გაღმა ნაპირი თავქვე იყო და ძაღლებმა თვითონ შეანელეს ნაბიჯი.

მაგრამ აი, პროტოკას გავცდით, ძაღლებმა კვლავ მოუმატეს ნაბიჯს, აყუფდნენ და უეცრად —ეს რა ამბავია? თითქოს პასუხად ნაძენარიდან რამდენიმე ძაღლის გაბმული ყეჟა მოისმა—ჯერ შორს, მერე კი სულ უფრო და უფრო ახლოს. ეს იყო გაბმული საზარელი ყეფა, რისგანაც უნებურად გულიც კი შემეკუმშა.

— ვალოდია, რა უნდა აქ ამდენ ძაღლებს?

— ძაღლები კი არა, მელიებია!

— მერე და ჰყეფენ?

— ძაღლისმაგვარი მელიებია!—მობრუნდა და დაიყვირა ვალოდიამ.—ისინი ჰყეფენ.

რასაკვირველია, მინახავს შავი მურა მელიები, მაგრამ ვალო-
დიამ ამიხსნა, ამ საბჭოთა მეურნეობაში მოვერცხლისფრო შავ მე-
ლიებს ამრავლებენ და ეს სულ სხვა ჯიშიაო. ასეთი მელიები
მთელ ქვეყანაზე არსად არის. კუდის თეთრი ბოლო სილამაზედ
ითვლება, აქ კი, ამ საბჭოთა მეურნეობაში, ცდილობენ ისეთი მე-
ლიები გამოიყვანონ, რომ ერთი თეთრი ბეწვიც არ ერიოთო.

მოკლედ, მან მართლაც დამაინტერესა და მე ცოტა უკმაყო-
ფილოც დავჩი, როცა მეოთხედი საათის შემდეგ საბჭოთა მეურ-
ნეობის ალაყათის კარებს მივადექით და შაშხანიანმა დარაჯმა
გვითხრა, დათვლიერებისათვის დაკეტილიაო.

— მაშ რისთვის არის ღია?

— მეცნიერული მუშაობისათვის, — შთამაგონებელი კილოთი
გვიპასუხა დარაჯმა.

კინალამ ვუთხარი, სწორედ მეცნიერული მუშაობისათვის მოვე-
დით-მეთქი, მაგრამ დროზე შევხედე ვალოდიას და ენა მოვიკვ-
ნიტე.

— დირექტორის ნახვა ხომ შეიძლება?

— დირექტორი წასულია.

— მოადგილე ვინ არის?

— უფროსი სწავლული სპეციალისტი, — გვითხრა დარაჯმა ისე-
თი სახით, თითქოს თვითონ იყო უფროსი სწავლული სპეცია-
ლისტი.

— ოჰ! ჩვენც სწორედ ის გვინდოდა.

ვალოდია კარებში დავტოვე და მე უფროსი სწავლული სპე-
ციალისტის მოსაძებნად წავედი.

ალბათ, საბჭოთა მეურნეობაში ბევრი ხალხი არ დადიოდა.
რადგანაც მხოლოდ ერთი ვიწრო ბილიკი იყო გატკეპნილი განიერ,
თოვლით დაფარულ ეზოში სახლისაკენ, რომელიც დარაჯმა დამა-
ნახვა. ამ სახლმა ჯერ კიდევ შორიდან მომაცონა მოსკოვის ზოო-
ბაღის მომწვანო ფერის ლაბორატორია, სადაც ვალია უუკოვმა
ოდესლაც თავისი მღრღნელები გვიჩვენა, ოღონდ ლაბორატორია
ოღნავ უფრო დიდი იყო. ისეთი ძლიერი იყო მსგავსება, რომ თი-
თქოს თავების საკმაოდ საზიზლარი სუნიც კი მეცა, როდესაც ქეჩის
ჩექმებიდან თოვლი ჩამოვიბერტყე, კარი შევალე და დიდ, მაგრამ
დაბალქერიან ოთახში ამოვყავი თავი, რომელიც მეორე უფრო
დიდ ოთახში გადიოდა და სადაც ვილაც კაცი მაგიდას მისჯლო-
მოდა. ისიც კი მომეჩვენა, თითქოს სწორედ ვალკა იყო ეს

კაცი, თუმცა პირველ წუთში თვალისმომკრელი თოვლის შუქის შემდეგ კარგად ვერ გავარჩიე მისი სახე, მით უმეტეს, რომ, დამინახა თუ არა, წამოდგა და ფანჯარასთან ზურგიით დადგა. თითქოს სულ ვალკასავით მიუყრებდა ეს კაცი, ისეთივე კეთილი და ოდნავ შეშლილის გამომეტყველებით, მასაც ვალკასავით შავი ბუსუსი აქვს ლოყებზე, ოღონდ ცოტა უფრო ხშირი და უფრო შავი, და საცაა ისიც ვალკას ხმით შემეკითხება: „რა გნებავთ?“

— ვალია, — შეეძახე მე, — შენა ხარ? ვალკა?

— რა თქვით? — დაბნეულად მკითხა მან და ვალკასავით გვერდზე დახარა თავი.

— ვალკა, საქონელო! — ვუთხარი მე და თან ვგრძნობდი, გული როგორ მიფრთხილებდა. — რა მოგივიდა! მართლა ვერა მცნობ? მას დაბნეულად გაეღიმა და ხელი გამომიწოდა.

— არა, როგორ არა, — მაგრამ კილოზე შევატყე, რომ ვერ მიცნო. — ჩვენ მგონი შევხვედრივართ ერთმანეთს!

— მგონი! მგონი შევხვედრივართ!

ხელი მოვიკიდე და ფანჯარასთან მივათრიე.

— აბა, შემომხედე! ძროხავ!

მან შემომხედა და გაუბედავად გაეცინა.

— ჯანდაბა შენ თავს, ნუთუ ვერა მცნობ? — განცვიფრებით ვუთხარი. — რა მოგივიდა? იქნება მე ვცდები?

თვალეები აახამხამა, მერე დაბნეული გამომეტყველება გადაეყარა სახიდან და ნამდვილი ვალკა დამიდგა წინ, ისეთი ნამდვილი, რომ უკვე შეუძლებელი იყო ქვეყანაზე ვისმეში შეგშლოდათ! მაგრამ, ალბათ, თვითონ მეც უფრო მეტად დავემსგავსე ჩემ თავს რადგან, როგორც იყო, მიცნო.

— სანია! — დაიყვირა და სუნთქვა შეეკრა. — შენა ხარ?

ერთმანეთი გადავკოცნეთ და მაშინვე ხელგადახვეულები საითკენღაც წავედით. კარებში კიდევ ერთხელ ნაკოცა.

— მართლა შენა ხარ? ეშმაკმა დალახეროს! ყოჩაღ! როდის ჩამოხვედი?

— კი არ ჩამოვედი, აქა ვცხოვრობ.

— როგორ თუ აქა ცხოვრობ?

— როგორ და უკვე ნახევარი წელია აქა ვარ.

— როგორ, რანაირად? — წაიბუტბუტა ვალიამ. — ჰო, თუმცა მე ძალიან იშვიათად დავდივარ ქალაქში, თორემ შევხვედებოდით ერთმანეთს. ჰმ, ნახევარი წელი! ნუთუ მართლა ნახევარი წელია?

მეორე ოთახში გამიყვანა, რომელიც, მგონი, არაფრით არ განსხვავდებოდა პირველისაგან. — შეიძლება მხოლოდ იმით, რომ აქ საწოლი იდგა და კედელზე თოფი ეკიდა. ის კაბინეტი იყო, ეს საწოლი ოთახი. სადღაც ახლოს კი ლაბორატორია, ამის მიხედვლად ძნელი არ იყო, რადგანაც აქაურობა ყარდა. გამეცინა—ისე უხდებოდა ვალიას, მის დაბნეულ სახეს, მის ქოჩორს და ღინღლს ლოყებზე ეს ნადირის სუნი. ვალიას ყოველთვის რაღაც საშინელი სუნი ასდიოდა ხოლმე.

მარტოდმარტო ცხოვრობდა ამ დიდ სახლში, რომელიც სამი ოთახისა და სამზარეულოსაგან შედგებოდა. სწორედ ის იყო უფროსი სწავლული სპეციალისტი და მას თანამდებობით ეკუთვნოდა ეს დიდი ცარიელი სახლი, რომლისთვისაც, რა ექნა, არ იცოდა.

უეცრად მომაგონდა, რომ ვალოდია ალაყაფის კარებთან დავტოვე და ვალიამ მის დასაძახებლად გაგზავნა უმცროსი სწავლული სპეციალისტი, რომელიც ვალიაზე ერთი ოცდაათი წლით უფროსი იყო, საკმაოდ ომახიანი, წვერიანი მამაკაცი, უცნაური ნოლა ცხვირით. მაგრამ, ეტყობა, მან ვალოდიაზე კარგი შთაბეჭდილება მოახდინა, რადგან ისინი ნახევარი საათის შემდეგ მეგობრული მუსაიფით შემოვიდნენ და ვალოდიამ გამოგვიცხადა, რომ პაველ პეტროვიჩი— ასე ერქვა ამ კაცს—მელიების სამზარეულოს ჩვენებას დამპირდაო.

— მელიების სადილით გამასპინძლებასაც დავპირდი, — თქვა პაველ პეტროვიჩმა.

— რა გვაქვს დღეს სადილად?

— პამიდორი და მანის ფაფა.

— „ჯუნგლები“ აჩვენეთ, — უთხრა ვალიამ.

ვალოდია გაწითლდა და, მგონი, სუნთქვაც კი შეწყვიტა, ეს სიტყვა რომ გაიგონა. ხუმრობაა! „ჯუნგლები!“

— პაველ პეტროვიჩ, შეიძლება ჯერ „ჯუნგლებში“ წავიდეთ? ჩურჩულით ჰკითხა მან.

— არა, ჯერ სამზარეულოში, თორემ საუზმეს ვერ მივუსწრებთ!

ისინი წავიდნენ, მე და ვალია მარტონი დავრჩით. ის ჩემ გამასპინძლებას შეუდგა, ჩაი დააყენა და სამზარეულოდან ხაკაპური გამოიტანა.

— ამას ჩვენ სასადილოში ამზადებენ! არა უშავს რა, არა? რას იტყვი?

ხაქაპურსაც რაღაც ნადირის სუნი უდიოდა. მე გემო გაეუსინჯე და ჩვენ საბავშვოსახლელ მზარეულ ძია პეტიასავით ვთქვი:

— ოჰ! საწამლაფია!

ვალის ბედნიერად გაეცინა.

— სად არიან ახლა ისინი? სად არის ტანკა ველიჩკო? გრიშკა ფაბერი? სად არის ივან პავლიჩი? როგორ არის?

— ივან პავლიჩს არა უშავს რა, — თქვა ვალიამ, — ერთხელ ვიყავი მასთან. შენც გიკითხა.

— მერე?

— არაფერი ვიცი-მეთქი, ვუთხარი.

— დიახ, როგორ არა, არ იცის! მოსკოვში ვინ დაგირეკა? გითხრეს?

— მითხრეს, ვილაც მფრინავმა დარეკაო. მაშინ მე არ ვიცოდი, რომ შენ მფრინავი იყავი.

— ტყუი! აქ როგორღა მოხვდი?

— მე ერთი საინტერესო რამ მოვიგონე, გესმის— მითხრა ვალკამ, — რისგანაც ისინი სწრაფად იზრდებიან.

— ვინ?

— მელიები.

გამეცინა.

— ისევ სისხლის შეცვლა ასაკთან დაკავშირებით?

— რაო?

— სისხლის შეცვლა ქრელ გველებში ასაკთან დაკავშირებით, — დიდი ამბით გავიმეორე. — ესეც საინტერესო რამ იყო, რაც შენ მოიგონე. არა, როგორ მიხარია, რომ გხედავ!

მე მართლაც ძალიან მიხაროდა, მთელი სულითა და გულით! ჩვენ ყოველთვის გვიყვარდა ერთმანეთი, მაგრამ მაშინ არ ვიცოდით, თუ რა კარგია მოულოდნელი შეხვედრა მოსკოვიდან შორს, რამდენიმე წლის შემდეგ, როდესაც მთელი წარსული ცხოვრება ნახევრად მივიწყებული გგონია.

ჩვენ კორაბლიოვზე დავიწყეთ ლაპარაკი, მაგრამ ამ დროს ვალის მოაგონდა, რომ მელიის ლეკვებისათვის რაღაც წამალი უნდა მიეცა.

— განკარგულება გაეცი, რომ მისცენ!

— არ შეიძლება, მე თვითონ უნდა მივცე, — მზრუნველობით თქვა ვალიამ. — ეს ვიგანტოლია, რახიტის საწინააღმდეგო საშუალება. ხომ მომიცდი? ახლავი დაებრუნდები.

არ მინდოდა დავშორებოდი და ჩვენ ერთად წავედით.

ლამე მშვიდობისა

უკვე ბინდდებოდა, როდესაც ვალოდია „ჯუნგლებიდან“ დაბრუნდა—ასე ერქვა თურმე საბჭოთა მეურნეობაში შემოღობილ ტყიან ნაკვეთს, სადაც მხეცები თავისუფლად იყვნენ გაშვებული. ვალოდია ყველაზე მეტად გააკვირვა პატარა სახლებმა, რომლებშიაც მელიები ცხოვრობდნენ.

— უჰ, რა დიდებულია, — თქვა და თან ცდილობდა, ძალიან არ გამოემეღავენებინა აღტაცება, — სულ ადამიანებივითა ცხოვრობენ. საუზმობენ, მკვდარი საათიცა აქვთ, მერე პატარები თამაშობენ, დიდები კი ხანდახან სტუმრად დადიან.

ვალდია აღარ მომეშვა და ლამე იქ დავრჩი. ექიმს დაუურეკეთ, რომ ვალოდია მარტო დაბრუნდებოდა შინ...

ზაპოლარიე — ხმაურიანი ქალაქია. რა თქმა უნდა, იქ ძალიან დიდი მოძრაობა არ არის, თუმცა ზოგჯერ ქუჩაზე ერთდროულად მიჰქრიან და ერთმანეთს უსწრებენ ავტომობილები, ირმები, ცხენები და შებმული ძაღლები. ხე-ტყის ქარხნებში ხმაურობენ ხერხები და ყურებში დღე და ღამ გესმის ეს ღმუილი, რომელიც თანდათან ძლიერდება. საბოლოოდ თითქოს შეეჩვევი ამ ხმაურს და ვეღარ ამჩნევ, მაგრამ მაინც სადღაც შორს გაუთავებლად ქრიალებს ხერხი.

აქ კი, საბჭოთა მეურნეობაში, სიწყნარე იყო. ჩვენ დიდხანს ვსეირნობდით ტყეში, სადაც პაველ პეტროვიჩი ხობბებისათვის მახეების დასაგებად გამოსულიყო და დიდხანს ვემუაიფეთ ტყისა, კარისა და ამინდის შესახებ.

— ვალენტინ ნიკოლაიჩ, რას იზამთ, დონ კარლოსს ამდამ თქვენთან წაიყვანთ? — ჰკითხა მან და ეს ძალიან სასაცილო და სასიამოვნო იყო, რომ ასეთი ხნიერი და პატივსაცემი, ნოღაცხვირიანი კაცი ვალიას მამის სახელით მიმართავს და ისეთი პატივისცემით ელაპარაკება, როგორც ნამდვილ უფროს სწავლულ სპეციალისტს. დონ კარლოსი პატარა მელიას ერქვა, რომელსაც ყინვისა ეშინოდა.

შემდეგ ჩვენ ვალიას ბინაში დავბრუნდით, თითო პატარა ჭიქა არაყი გადავკარით და ვალიამ ამიხსნა, რომ მართლაც უკანასკნელ ნახევარ წელიწადს თითქმის ფეხი არ გამიდგამს საბჭოთა მეურნეობიდანო. საინტერესო სამუშაო მქონდა: — სიასამურის კუქებს

ვშიგნავდი და ვარკვევდი, რისგან შედგებოდა მათი საკვები. რამდენიმე კუჭი მე თვითონა მქონდა. ორას ცალამდე რომელიღაც ნაკრძალმა მითავაზა. ძალიან საინტერესო რამ გამოვარკვიე: წვრილბეწვანი ნადირის დამზადების დროს თრითინა უნდა დაეზოგოთ, რადგანაც სიასამური უმთავრესად თრითინით იკვებება.

მე უხმოდ ვუსმენდი. ჩვენ მარტონი ვიყავით ცარიელ სახლში, ოთახიც მთლად ცარიელი იყო—დიდი, მყუდროებას მოკლებული, მარტოხელა კაცის ოთახი.

— ჰო, საინტერესოა,—ვთქვი მე, როდესაც ვალიამ ლაპარაკი გაათავა.—მაშ სიასამური თრითინით იკვებება! დიდებულია! შენთვის კი იცი რა არის საქირო? აუცილებელზე აუცილებელი? ცოლის შერთვა!

ვალიამ ჯერ თვალეები აახამხამა, მერე გაეცინა.

— რათა გგონია?—გაუბედავად მითხრა მან.

— იმიტომ რომ ძალღივითა ცხოვრობ. თან იცი, როგორი კოლი გინდა? რომელიც ლაბორატორიაში მოგართმევს ბუტერბროდებს, შენ კი დიდ ყურადღებას არ მოგთხოვს.

— ეჰ, შენც საქმე გამოგლევია,—წაიბურტყუნა ვალიამ.—ასეც ვიზამ! დრო მოვა და შევირთავ კიდევ. ერთი დისერტაცია დავიცვა, მერე თავისუფალი ვიქნები. მე მალე დავბრუნდები მოსკოვში. შენა?

— რა მე?

— შენ რატომ არ ირთავ ცოლს?

მე გაეჩუმდი.

— ჩემი საქმე სხვაა. და ჩემი ცხოვრებაც სულ სხვაა. იცი, როგორა ვცხოვრობ? დღეს აქა ვარ, ხვალ—ცხრა მთას იქით. მე ცოლს ვერ შევირთავ.

— არა, შენც უნდა შეირთო.—მიპასუხა ვალიამ,—ყური მიგდე,—მოულოდნელი აღტაცებით განაგრძო მან.—გახსოვს, თქვენ რომ მოხვედით ჩემთან ზოობაღში, კატიას ამხანაგი ახლდა! რა ერქვა იმას? აი, მაღალი, ნაწნავებიანი.

ისეთი კეთილი, ბავშვური სახე გაუხდა, რომ შევხედე და უნებურად სიცილი დავიწყე.

— როგორ არ მახსოვს! კირენი! ლამაზია ხომ?

— ძალიან,—თქვა ვალიამ.—ძალიან ლამაზია.

უნდოდა ჩემთვის თავის საწოლზე გაეშალა ლოგინი, მაგრამ მე არ დავანებე და იატაკზე დავწექი. ტახტები, რამდენიც გინდოდათ,

იმდენი იყო, მაგრამ მე ყოველთვის იატაკზე წოლა მერჩივნა. თივის სქელი ლეიბი გაიწვაგამოიწია, მე ვთქვი „ოჰო“-მეთქი და ვალა შეწუხდა, ვაითუ კარგად ვერა წევხარო. მაგრამ მე ძალიან მოსვენებულად ვიწეკი. ცას ვხედავდი. ისეთი წყნარი მოჩანდა, თითქოს იქაც ირგვლივ სულ თოვლით დაფარული ტყე არისო. ძალიან სასიამოვნო იყო ამ ცის ყურება და თან მუსაიფი. არ მეძინებოდა.

რაზე არ ვილაპარაკეთ! ვალიას ზღარბიც კი მოვიგონეთ, რომელიც უნივერსიტეტში ერთ აბაზად გავყიდეთ. მერე ისევ კორაბლიოვზე ჩამოვადგეთ ლაპარაკი.

— იცი რას გეტყვი, — უცრად მითხრა ვალიამ, — შეიძლება ვცდები, რასაკვირველია. მაგრამ, მე მგონი, მას ცოტათი უყვარდა მარია ვასილევნა. შენ როგორა ფიქრობ?

— შესაძლებელია.

— იმიტომ რომ ძალიან უცნაურია, მაგრამ ერთხელ მასთან შევიარე და ვხედავ, მაგიდაზე მისი სურათი უდევს. რალაცა ვკითხე, იმიტომ რომ სწორედ მეორე დღეს ტატარინოვებთან ვაპირებდი წასვლას, და უცბად მარია ვასილევნაზე ჩამოაგდო ლაპარაკი. მეორე გაჩუმდა, ისეთი სახე ჰქონდა... ვიფიქრე, აქ საქმე სხვანაირად არის-მეთქი.

— ვალკა, ჯანდაბას შენი თავი. — ვუთხარი გაბრაზებულმა. — ვერ გამიგია ღმერთმანი სადა ცხოვრობ! ცოტათი უყვარდაო! კორაბლიოვს უიძისოდ სიცოცხლე არ შეეძლო! და მთელი ის ამბავი ხომ შენ თვალწინ მოხდა. მაგრამ შენ მაშინ ქრელი გველებით იყავი გართული, — გასაგებია!

— რას ამბობ! საბრალო!

— ჰო, ის საბრალოა.

ჩვენ გაგჩუმდით, მერე ვკითხე:

— ხშირად დადიოდი ტატარინოვებთან?

— არა, ძალიან ხშირად არა. სამჯერ თუ ვიქნებოდი.

— როგორ არიან?

ვალა ნიდაყვზე წამოიწია. მგონი უნდოდა სიბნელეში ჩემი სახე გაერჩია, თუმცა მე ეს სრულიად დამშვიდებულადა ვთქვი.

— არა უშავს რა. ნიკოლეი ანტონიჩი ახლა პროფესორია.

— მართლა! მერე რასა კითხულობს?

— პედოლოგიას, — თქვა ვალიამ, — გარწმუნებ ძალიან პატივსაცემი პროფესორია... და საერთოდ...

— რა საერთოდ?

— მე მგონი, შენ სცდებოდი.

— ვითომ?

— ჰო, ჰო,— ღრმა რწმენით თქვა ვალიამ,— შენ მასში სცდებოდი. ერთი ნახე, როგორ ექცევა თავის მოსწავლეებს. პირდაპირ ვზად არის მათი გულისთვის წყალში და ცეცხლში გადავარდეს. რომაშოვმა მიამბო, რომ შარშან...

— რომაშოვმა? ის საიდანღა გაჩნდა?

— როგორ საიდან? მათთან სწორედ იმან მიმიყვანა.

— მაშ ისიც დაიარება ტატარინოვებთან?

— ისა? ის ნიკოლაი ანტონიჩის ასისტენტია. ყოველდღე მათთან არის. და საერთოდ მათი ოჯახის ყველაზე მახლობელი ადაპიანია.

— მოიცა, რასა ლაპარაკობ? არ მესმის, რომაშკა?

— ჰო,— თქვა ვალიამ.— მაგრამ ახლა, რა თქმა უნდა, მის ასე არაეინ ეძახის. სხვათა შორის, მგონი კატიას შერთვას აპირებს.

რალამაც შიგ გულში დამკრა და წამოვჯექი. ვალიაც წამოჯდა და გაკვირებული მომაჩერდა.

— რა მოგივიდა?...— მკითხა მან.— ჰო! ჯანდაბას ჩემი თავი! სულ მთლად დამავიწყდა!

ის აბურტყუნდა, მერე დაბნეულად მიიხედ-მოიხედა და საწოლიდან გადმოვიდა.

— კი არ აპირებს...

— ჰო კარგი, დააბოლოვე, — ეუთხარი მე სრულიად დამშვიდებულად.

— რა დავაბოლოვო? — წაიბურტყუნა ვალიამ, — მე შენთვის არაფერი მითქვამს, უბრალოდ, მე ვფიქრობ ასე, მაგრამ მერე რა, რომ ვფიქრობ! ზოგჯერ ისეთი რამ მომივა ხოლმე თავში, რომ მე თვითონვე მიკვირს!

— ვალია!

— არა ვიცი რა! — თქვა სასოწარკვეთილებაში ჩაეარდნილმა ვალიამ. — რას ჩამატივდი, საქონელო? ეს მე მგონია ეგრე. ზოგჯერ, ვინ იცის, რა არა მგონია ხოლმე! შენ შეგიძლია არ დამიჯერო, გათავდა და მორჩა!

— მაშ შენა გგონია, რომაშოვს კატიას შერთვა უნდა?

— არა, არა-მეთქი! გეუბნები, სრულიადაც არა. ის კარგად ვამოეწყო და მეტი არაფერი.

— ვალია!

— მეტი არაფერი არ ვიცი, გეფიცები.

— შენ გელაპარაკა?

— მერე რა, გელაპარაკა. მაგალითად, მიახლო, რომ ცამეტო წლიდან აგროვებდა ფულს. ახლა კი მოუსვა ხელი და ნახევარი წლის განმავლობაში სულ დახარჯა.—ამასაც აქვს რაიმე მნიშვნელობა შენი აზრით?

მე აღარ ვუსმენდი. იატაკზე ვიწეკი, ცას შევეყურებდი და მეჩვენებოდა, რომ სადღაც საშინელ ჯურღმულში ვწევარ და ჩემ ზემოდან მთელი ქვეყანა ხმაურობს და ლაპარაკობს. მე კი მარტო ვარ და ხმის გამცემი არავინა მყავს. ცას ჯერ კიდევ ბინდი ეკრა, ვარსკვლავებიც კვლავ ციმციმებდნენ, არ ვიცი საიდან, მაგრამ უკვე შემოკრთა სუსტი შორეული სინათლე და მე გავიფიქრე, რომ ჩვენ ნთელი ღამე ლაპარაკში გავატარეთ, და აი, მივიღე კიდევ!

— ღამე მშვიდობისა!

— ღამე მშვიდობისა!—ფუპასუხე გონებადაუტანებლივ.

სჯობდა ვალოდიას გავეყოლოდი! ყელში რაღაც მოხაწვა, მინდოდა წამოვმდგარიყავი და ჰაერზე გამევლო, მაგრამ არ ავმდგარვარ. მხოლოდ გვერდი ვიცვალე, გულდაღმა დაეწეკი და სახე ხელებში ჩავმალე. მაშ ასე! ეს წარმოუდგენელი იყო, მაგრამ ამის დაეიწყება ერთი წუთითაც აღარ შემიძლო. ვერ წარმომედგინა თვით რომაშკა, ვერ წარმომედგინა იგი კატიას გვერდით. მაგრამ რად მეგონა, რომ დღემდე ვახსოვდი კატიას? ჩვენ ხომ რამდენიმე წელი იყო, რაც ერთმანეთი არ გვენახა.

ვიწეკი და ვფიქრობდი. რაზე აღარა ვფიქრობდი.—ვეფიქრობდი ყველაფერზე, რაც თავში მომდიოდა, არა მარტო კატიაზე. მომაგონდა, რომ ვალიას არ უყვარს, როდესაც იმძინარეს უყურებენ, და კორაბლიოვმა ერთხელ ხუმრობით როგორა ჰკითხა: „თუ სიყვარულით გიყურებენო?“. მერე აღმოჩნდა, რომ მე კვლავ კატიაზე ვფიქრობ და უცებ რა ცოცხლად მომაგონდა—კატია კი არა, ის მშვენიერი სულიერი განწყობილება, რომელსაც ყოველთვის განვიცდიდი, როდესაც მას ვხედავდი. ამ წუთში ყველაზე მეტად ქვეყანაზე ძილსა ვნატრობდი, მაგრამ არამც თუ თვალების დახუჭვა, ციდან თვალის მოშორებაც კი არ შემიძლო, რომელსაც ნელნელა, მაგრამ მაინც დღის შუკი ემატებოდა.

ვალიას ეძინა და, ალბათ, გაეღვიძებოდა, მე რომ ავმდგარი-

ყავი. მაგრამ იმასთან ლაპარაკის გუნებაზე აღარ ვიყავი და ამიტომ კარგა ხანს ჯერ გულდაღმა ვიწევი, მერე გულაღმა. მერე კვლავ გულდაღმა, ხელებში თავჩამალული.

შემდეგ, — ალბათ, უკვე დილის შვიდი საათი იქნებოდა, ტელეფონი აწკარუნდა. ვალია წამოხტა და ნამძინარევი მეორე ოთახში გაიქცა, თან საბანი გაითრია.

— გისმენთ! შენ გეძახიან, — მითხრა ერთი წუთის შემდეგ, რომ დაბრუნდა.

— მე?

ქურკი წამოვისხი და ტელეფონთან მივედი.

— სანია! — ექიმი მელაპარაკებოდა. — სად დაიქარგე? საოლქო აღმასკომიდან ვრეკავ. ახლავე გადავეცე მ ყურმილს.

— დიახ, გისმენთ, — ვუთხარი მე.

— ამხანაგო გრიგორიეო, — მითხრა სხვა ხნამ. ზაპოლარიეს შინსახკომის რწმუნებული იყო. — სასწრაფო საქმეა. ექიმ პავლოვთან ერთად ვანოკანში უნდა გაფრინდეთ. ლედკოვს იცნობთ?

რა თქმა უნდა! ეს საოლქო აღმასკომის წევრი იყო, ერთ-ერთი ყველაზე პატივსაცემი ადამიანი ჩრდილოეთში. მას ვინ არ იცნობდა.

— ის დაჭრილია და სასწრაფო დეხმარება უნდა აღმოუჩინოთ. როდის შეგიძლიათ გაფრინდეთ?

— ერთი საათის შემდეგ.

— თქვენ, ექიმო?

ვერ გავიგონე, რა უპასუხა ექიმმა.

— ინსტრუმენტებიც, ყველაფერი წესრიგშია? კეთილი, ერთი საათის შემდეგ აეროდრომზე გელით.

თავი მხთარობდა

ბ ა ფ რ ე ნ ა

აი ვინ ისხდნენ თვითმფრინავში დილით, ხუთ მარტს, როდესაც ზაპოლარიეში აფრინდით და გეზი ჩრდილო-აღმოსავლეთისაკენ ავიღეთ: ფიქრებში წასული ექიმი, მუქი სათვალთ, რომელმაც საოცრად გამოსცვალა, ჩემი ბორტმექანიკოსი ლური, ერთ-ერთი ყველაზე პოპულარული ადამიანი ზაპოლარიეში ან სხვაგან, სადაც გნებავთ, სადაც ის თუნდ სამი-ოთხი დღით გამოჩნდებოდა, და მე. ეს ჩემი მეთხუთმეტე, გაფრენა იყო ჩრდილოეთში, მაგრამ

პირველად მივფრინავდი ისეთ რაიონში, სადაც თვითმფრინავი არ
ენახათ. ვანოკანი—ძალიან მიყრუებულნი ადგილია პიასინის ერთ-
ერთ შესართავის რაიონში. მაგრამ ექიმი ნამყოფი იყო პიასინაზე
და ამბობდა, ვანოკანის პოვნა ძნელი არ არისო.

დაკრილი იყო საოლქო აღმასკომის წევრი. ეს ნადირობის დროს
შემთხვევით, შესაძლებელია აოც ნადირობის დროს! ყოველ შემ-
თხვევაში, შინსახკომის რწმუნებულმა გვთხოვა ჩვენ, მე და ექიმს,
ვამოგვერკვია, რა პირობებში მოხდა ეს ამბავი. ვანოკანში დაახ-
ლოებით სამ საათზე უნდა მივფრენილიყავით, ჯერ ისევ თვალნათ-
ლივ, მაგრამ ყოველ შემთხვევისათვის წავიღეთ: ოცდაათი დღის
სანოვაგე სამი კაცისათვის, პრიმუსი, რაკეტები, თოფი თავისი ვახ-
ნებით, ბარები, კარავი, ცული.

ამინდის შესახებ მხოლოდ ერთი ვიცოდი, ზაპოლარიეში მშვე-
ნიერი დარი იდგა. მაგრამ როგორია იგი მარშრუტის მიხედვით—
ეს არ ვიცოდი. მისი „შეკვეთა“ არც არავისთვის შეიძლებოდა და
არც გვეცალა შესაკვეთად.

ამგვარად, ყველაფერი წესრიგში იყო, როდესაც ზაპოლარიეში
ავფრინდით და გეზი ჩრდილო-აღმოსავლეთისაკენ ავიღეთ. ყველა-
ფერი რიგზე იყო და მე უკვე აღარა ვფიქრობდი იმაზე, რაც გუ-
შინ ვალიასგან გავიგე. ძირს ენისეი მოჩანდა—თეთრ ნაპირებს
შუა გაწოლილი ფართო თეთრი ბაფთი, ნაპირებს ტყე მისდევდა,
რომელიც ხან უახლოვდებოდა ნაპირს, ხან შორდებოდა. ცოტათი
მტკიოდა თავი უძილო ღამის შემდეგ, ზოგჯერ ყურებიც მიწყებ-
და წვილს—მაგრამ სწორედ ყურები, ძრავი კი შესანიშნავად მუ-
შაობდა.

ზერე მდინარეს გავცდით და დაიწყო ტუნდრა—სწორი, დაუს-
რულებელი, თოვლით დაფარული, არც ერთი შავი წერტილი,
თვალს ვერაფერზე შეაჩერებ...

ასე რად ვიყავი დარწმუნებული, რომ ეს არ მოხდებოდა? უნ-
და მიმეწერა, როდესაც სანიას პირით მოკითხვა შემომითვალა.
მაგრამ დათმობაზე წასვლა არ მინდოდა მანამდე, ვიდრე არ და-
ვუმტკიცებდი, რომ მე მის წინაშე არაფერში არ ვიყავი დამნაშა-
ვე. მაგრამ არასოდეს არ უნდა იყო ზედმეტად დარწმუნებული,
რომ შენ ვისმეს უყვარხარ, უყვარხარ ყველაფრის მიუხედავად,
რომ შეიძლება კიდევ ხუთი ან ათი წელი გავიდეს და შენ ისევ
უყვარები!

თოვლი, თოვლი, ყველგან თოვლი.—საითაც გაიხედავ.

წინ ღრუბლები იყო. სიმაღლე ავიღე და ღრუბლებში შევედი: სჯობს ბრმად იფრინო, ვიდრე ამ დაუსრულებელ მოსაბეზრებელი პერსპექტივის დამამახინჯებელ თეთრ ფონს დასცქეროდე.

არავითარი განსაკუთრებული ღვარძლი არა მქონია რომაშკას მიმართ, თუმც, ახლა აქ რომ ყოფილიყო, ალბათ მოვკლავდი. სიბრაზეს არა ვგრძნობდი, რადგანაც ეს შეუძლებელი იყო. როგორ შეიძლება წარმოიდგინო ეს ადამიანი თმის მაგივრად ჩალისფერი კატის ბუწვებით თავზე, გაწითლებული ყურებით, ადამიანი, რომელმაც ცამეტი წლისამ გადაწყვიტა გამდიდრება და სულ ინახავდა და ანგარიშობდა თავის ფულს. — როგორ შეიძლებოდა წარმოგედგინა იგი კატიას გვერდით! როგორ გაბედავდა ამას, ეს ისეთივე უაზრობა იყო, როგორც ის, მაგალითად, რომ მოვსურვებინა და სხვა ადამიანად ქცეულიყო — ისეთ ადამიანად, როგორც კატიაა, მისი პირდაპირობით და სილამაზით.

ამ ღრუბლებს გავცდით და სხვა ღრუბლებში შევედით, ღრუბლებს იქიდან თოვდა და თოვლი მხოლოდ სადღაც ქვევით იწყებდა ბრჭყვიას მზის შუქზე, რომელსაც ჩვენგან ღრუბლები ჰტარავდნენ.

ფეხები გამეყინა და ვინანე, რომ პატარა პიმები ჩავიცვი, და არა მეორე წყვილი, უფრო სრული.

მაშ გადაწყვეტილია — მოსკოვში მივფრინავ. მხოლოდ წინასწარ უნდა გავაფრთხილო კატია ჩემი ჩასვლის შესახებ. წერილი უნდა მივწერო — ისეთი წერილი, რომ წაიკითხოს და სამუდამოდ დაახსომდეს.

შავი ღრუბლებიდან გამოვედით და მზე, როგორც ყოველთვის, როდესაც ღრუბლებიდან გამოდიხარ, მეტისმეტად კაშკაშა მომეჩენა. — მე კი ვერა და ვერ გადამეწყვიტა, ჩემი წერილი უბრალოდ „კატიათი“ დამეწყო თუ „ძვირფასო კატიათი“.

„ჩვენ დიდი ხანია ერთმანეთისათვის აღარ მიგვიწერია და შენ გაკვირვებული დარჩები, როდესაც ჩემ ხელს იცნობ. როგორაც ბოვრობ? ამდენი ხანი იმიტომ არა გწერდი, რომ მეგონა, გაჯავრებული იყავი ჩემზე. რასაკვირველია, შენ მართალი ხარ, მე დამნაშავე ვარ, რომ ამდენი ხანია ერთმანეთი არ გვინახავს. ენსკიდან დაბრუნებულმა მოსკოვზე რომ გამოვიარე, უეჭველად უნდა მენახე და არა თვრამეტი წლის ბიჭივით შენი სახლის გარშემო მეხეტიალა...“

წერილი უკვე დამავიწყდა. მე იგი უნდა წამომეყვანა და მეტი

არათფერი. აკი მშვენიერად ვიცოდი, რომ ის ამ ყალბ და უბედურ
შახლში არ უნდა დარჩენილიყო, იმ საშინელ და ყალბ ნიკოლაი
ანტონიჩთან, ვისიც კატიას სჯეროდა.

აი მთებიც! მხით განათებულნი ღრუბლებიდან ამოწვდილიყ-
ვნენ ხან ტიტველნი, ხან თვალისმომპრელი თოვლით დაფარულნი.
სარკვეში ვხედავდი, ხელი როგორ ასწია საშამ, თითქოს მთებს მიე-
სალმავ, ექიმს რალაცა დაუძახა და ექიმმაც, სასაცილომ, რომე-
ლიც რალაც ბურთივით საყვარელ ცხოველსა ჰგავდა, გულგრილად
დაუქნია თავი.

გათანტულ ღრუბლებს შორის მოჩანდნენ შორს გაქრილი, ლა-
ნახი. მაგრამ პირქუში ხეობები—ნაღი სიკვდილი იძულებითი და-
შვების შემთხვევაში! ჩემდა უნებურად გავიფიქრე, მერე კი ისევ
წერილის თხზვას შევუდექი და იქამდის ვთხზავდი, ვიდრე სხვა
უფრო სასწრაფო საქმეები არ გამომიჩნდა.

თითქოს ქარიც არა ჰქროდა, როდესაც პირველი უზარმაზარი
თოვლის ღრუბლები მწვერვალებს მოსწყდნენ და ტრიალით სულ
მალა და მალა ავიდნენ.

სარკვე, რომელშიც ეს არის ექიმსა და ლურისა ვხედავდი, უეც-
რად ჩამუქდა, შეიქიჩხლა და ათი წუთის შემდეგ ვერც კი წარ-
მოიღგენდით, რომ ჩვენს ზემოდან ეს არის ახლა მზე კაშკაშებდა
და ცა დაგვცქეროდა. ახლა აღარა ჩანდა არც მიწა, არც მზე,
არც ცა. ყველაფერი აირია. ქარი წამოგვეწია და ჯერ მარ-
ცხნიდან დაგვარტყა, შემდეგ პირდაპირ სახეში, მერე კვლავ მარ-
ცხნიდან და უცბად საღდაც წაგვიღო, იქაც ნისლი იყო და ხორ-
ხოშელა თოვლი მოდიოდა, რომელიც მაგრა გვეცემდა სახეში,
ტანისამოსსა და ყველა ლილკილოებში ეკვროდა. მერე ჩამობ-
ნელდა—და როცა კვლავ სარკვეში შევიხედე, უკვე ველარაფე-
ოი დავინახე. გარშემო არათფერი ჩანდა და რამდენიმე ხანი თვით-
ნფრინავი უკუნ სიბნელეში მიმქავდა, თითქოს კედლებს ვეჯახებო-
დი, იმიტომ რომ ყოველი მხრიდან ქარით შემაგრებული ნამდვილი
თოვლის კედლები იყო აღმართული! ხან ეჭრიდი მათ, ხან უკან
ვიხევდი, ხან ისევ ეჭრიდი, ხან შორს—მათ ქვემოთ აღმოვჩნდე-
ბოდი ხოლმე. ეს ყველაზე საშინელი იყო, თვითმფრინავი უეცრად
ას ორმოცდაათი-ორასი მეტრით ძირს ეშვებოდა, მე კი არ ვიცო-
დი, რასიმალლისა იყო ეს მთები, რომელნიც, არ ვიცი რატომ, არ
იყვნენ აღნიშნულნი ჩემს რუკაზე. ერთადერთი, რის გაკეთებაც
შენიძლო—ეს იყო ას ოთხმოცი გრადუსით სიჩქარე განმევითარე-

შინა და უკან ენისეისკენ წავსულიყავი. ნაპირებს დავინახე, მა-
ღალ ნაპირს გადავიელი და ქარბუქს გვერდს ავუქცევთ, ან უკი-
დურეს შემთხვევაში, ზაპოლარიეში დავბრუნდებით.

ადვილი სათქმელია—სიჩქარეს განვავეითარებ! თვითმფრინავმა,
რატომღაც ნჯღრევა დაიწყო, როდესაც მარცხენა ფეხი დავაპირე
და კვლავ სადღაც გადაგვისროლა, მაგრამ მე მაინც თანდათან
სიჩქარეს ვუმატე. მგონი, მანქანას რაღაც ვუთხარი. სწორედ ამ
წუთში ვიგრძენი, რომ ძრავს რაღაც ემართება. სამწუხაროა, იმი-
ტომ რომ ქვემოთ ისევ ის ხეობები მოჩანდა, რომლებიც—ამის
დიდი იმედი მქონდა—უკვე კარგა შორს დავგრჩა-მეთქი. იმათ გაი-
ელვებს და გაჰქანენ, მერე კვლავ გაიელვებს შორს გაქიმულმა ხეო-
ბებმა,—ჩვენ ვერ გვიპოვიდნენ და თავის დღეში ვერავინ გაიგებ-
და, თუ რა შეგვემთხვა. უნდა გაველოდით ამათ და მე გავეცალე,
თუმცა თვითმფრინავი ხან ჰაერში ეკიდა, თითქოს ეს წყეული ქარ-
ბუქი ერთი წამით ჩაფიქრდებოდა ხოლმე, კიდევ როგორ შემოე-
ტია ჩვენთვის, ხან ლაყლაყით, როგორც უნდოდა, ისე მიდიოდა.
მე გავეცალე, მაგრამ ძრავს მაინც კარგი დღე არ ადგა და უნდა
დავშვებულიყავით. უნდა დავშვებულიყავით ძალიან ნელა და თვა-
ლი მედევნებინა მობრუნების მაჩვენებლისაჟვის, კრენები არ და-
მეშვა და სულ მიწას შესახებ მეფიქრა, რომელიც სადღაც ქვევით
არის, მაგრამ არ იცი სად არის, ან როგორია. თავში საათივით
რაღაც მიკაკუნებდა, ჩემს თავს და მანქანას ხმამალა ველაპარა-
კებოდი, მაგრამ არ მეშინოდა. მახსოვს მხოლოდ, ერთი წამით რო-
გორ დამცხა, როდესაც რაღაც მუქმა მასამ თვითმფრინავის გვერ-
დით გაიქროლა, მე სწრაფად გვერდი ავუქციე და კინაღამ ფრთა
მიწას მოვლო.

თავი მეთორმეტე

ქ ა რ ბ უ ქ ი

აღარ ვიამბობთ იმ სამი დღე-ღამის ამბავს, რომელიც პიასინის
ნაპირების მახლობლად ტუნდრაში გავატარეთ. ეს ჩემი ცხოვრების
ერთ-ერთი ყველაზე მძიმე მოგონებაა. ერთი საათი მეორესა ჰგავ-
და, მეორე—მესამეს და მხოლოდ პირველი წუთები არ განმეორე-
ბულან, როდესაც როგორმე უნდა დავგვემაგრებინა თვითმფრინავი,
რომ ქარბუქს არ გაეტაცნა.

სცადეთ ეს ტუნდრაში, სადაც არავითარი მცენარეულობა არ

არის, ათ ბალიან ქარში! ძრავის გამოუერთაველ დაედგით თვითმფრინავი კუდით ქარისკენ. ვინ იცის, იქნებ მისი ჩაფლაც მოგვეხერხებინა, მაგრამ საკმარისი იყო ბარი შეგვეგდლო თოვლისათვის, რომ თოვლი უკვე ქარს მიჰქონდა. თვითმფრინავს აქეთ-იქით ისვროდა და უნდა მოგვეგონა რაიმე უტყუარი მის დასამაგრებლად, რადგანაც ქარი სულ უფრო ძლიერდებოდა და ნახევარი საათის შემდეგ უკვე ველარაფერს გავხდებოდით. მაშინ ჩვენ ერთი უბრალო რამ გავაკეთეთ, რასაც ყველა პოლარულ პილოტს ვურჩევ: სიბრტყეებს თოკები წავაბით, ხოლო თოკებს მოვაბით თხილამურები, პატარა ჩემოდნები, მომცრო ყუთი ტვირთით, ძაბრიც კი, — ერთი სიჩუყით ყველაფერი, რაც ხელს შეუწყობდა თოვლის დაგროვებას. თხუთმეტი წუთის შემდეგ ამ საგნების გარშემო უკვე ქვეყნის თოვლი მოაყარა და თოვლის ზვინები დადგა, სხვა ადგილებში კი თვითმფრინავის ქვეშიდან ქარი ძველებურად ხვეტავდა თოვლს.

ახლა ლოდინის მეტი აღარაფერი დაგვრჩენოდა. მაინცდამაინც სახალისო არ იყო ეს, მაგრამ სხვა რა გზა გვქონდა, უნდა გვეცადა და გვეცადა. დიდხანს კი? — ვინ იცის!

უკვე ვთქვი, რომ ჩვენ ყველაფერი გვქონდა იძულებითი დაშვებისათვის, მაგრამ რას უზამ მაგალითად კარავს? რაში გამოიყენება, როცა უბრალოდ კაბინიდან გამოსვლა — რთული სატანჯველი საქმეა, რომელსაც დღეში ერთხელ გადაწყვეტ და ისიც მხოლოდ იმიტომ. რომ დღეში ერთხელ მაინც ხომ აუცილებელია კაბინიდან გამოსვლა...

ვიდრე შალითაზე ზონრების დახსნას მოახერხებდი, თითები უკვე ტკივილს გიწყებდა. და ამიტომ სამჯერად გვიხდებოდა მათი დახსნა. თოვლი ნაბიჯის გადადგმისთანავე ძირს გვცემდა, ამიტომ სიარულის განსაკუთრებული ხერხის გამოიმუშავება დაგვჭირდა — ქარის საწინააღმდეგოდ ოთხმოცდახუთი გრადუსით უნდა მოეხრილიყავით.

ასე გავიდა პირველი დღე. ცოტა უფრო მეტად ცივა. ცოტა უფრო მეტად გეძინება და, რომ არ დაგეძინოს, ათას რამეს იგონებ, რასაც ბევრი დრო მიაქვს, მაგრამ არაფერსა გშველის. ვცდილობ, მაგალითად, პრიმუსის დავანთო, ლურის კი სარჩილავი ლამპის დანთებას ვუბრძანებ. ძნელი ამოცანაა! ძნელია პრიმუსის დანთება, როცა ყოველ წამს თავიდან ფეხამდის გატრეოლებს, როცა უეცრად ისეთი სიცივე გაგივლის ღრმად ყურებში,

თითქოს დაფის აპკი გეყინებაო. როდესაც პირისახე ერთ წამში შეგეთოვლება და ყინულის ნიღბად იქცევა. ლური ცდილობს იხუმროს, მაგრამ ორმოცდაათგრადუსიან ყინვაში ხუმრობა ხუმრობას არა ჰგავს და მას მეტი აღარაფერი დარჩენია, იხუმროს უბრალოდ იმაზე, რომ ხუმრობა უყვარს ყოველგვარ გარემოებაში და ყოველ დროს.

ასე გაიარა პირველმა ღამემ, უფრო ცივა. უფრო გვიძინება. თოვლი კი წინანდებურად მოჰქრის და ბოლოს ისე გვეჩვენება, რომ ჩვენ თვალწინ მიჰქრის სულ რაც კი დედამიწის ზურგზე თოვლია.

ამ დღეებში კვლავ დავაფასე ექიმი ივან ივანიჩი.

შეგნება სრული უმოქმედობის, ამ უიმედო მდგომარეობიდან გამოსვლის სრული შეუძლებლობისა—აი რა იყო ყველაფერზე მძიმე! მგონი ასე არ გამიძინებოდა ამის ატანა, ასეთი ჯანსაღი და მაგარი რომ არა ვყოფილიყავი. ეს გრძნობა ირევა მეორე ნაღვლიან გრძნობაში. მე არ შევასრულე საპასუხისმგებლო დავალება,—ეს კიდევ მესამეში, რომელიც არავის არ შეეხება—შურაცხყოფილი სიამაყისა და გულისტკენის გრძნობაში,—აი, სულიერი განწყობილება, რომლის დროსაც მადა არა გაქვს და სიმართლე რომ ვთქვა, არც თუ ისე გეშინია გაყინვის.

ექიმი ყველაფერსა ხედავდა, ყველაფერი ესმოდა! ჩემ სიცოცხლეში არა ვყოფილვარ ასეთი გულმოდგინე მეთვალყურეობის ქვეშ. თითოეული ამ გრძნობისათვის მას თავისი რეცეპტი ჰქონდა და, მგონი, იმ გრძნობისათვისაც კი, რომელიც არავის არ ეხებოდა.

მესამე დღეა. ძალიან გვეძინება. სულ უფრო ცივა, სულ უფრო ნესტიანდება „მალიცები“ და უკვე რალაც ნერვიული სიცივე წინასწარ ჭვლებამდის გივლის, გაიფიქრებ თუ არა, რომ ეს ნესტი შეიძლება ყინულად იქცეს.

მაგრამ იქნებ ასე სჯობდეს. „მალიცებიდან“ ყინულის გამომტვრევას დრო უნდა, ხოლო უსაქმოდ ჯდომა და დაუსრულებლად ფიქრი სევდის მომგვრელია. შემდეგ უფრო მეტად გცივა.—რას იზამ, სითბო ქარს მიაქვს—და მე პიმების ქვეშ ფეხებზე მფრინავის ხელჯაგებს ვიცვამ.—მთაყარია, არ დაგვიძინოს და არ მისცე დანებების საშუალება ბორტმექანიკოსს, რომელიც ყველაზე უფრო სუსტი აღმოჩნდა ჩვენს შორის, გარეგნულად კი თითქოს ყველაზე მაგარი ჩანდა. ექიმი დროდადრო ხელს არტყამს და ანჯღრევს, მერე ექიმიც იწყებს თვლებას და ახლა უკვე მე მიხდება მისი ზრდილობიანად, მაგრამ ჯიუტად შენჯღრევა.

— სანია, არა, ღმერთმანი, ძილზე არც კი მიფიქრია, — ბუტბუტებს ის და თვალებს ძლივს ახელს.

მე კი აღარ მეძინება. თოვლი ყურებში მიზუის და, როდესაც წამიერი სიჩუმე ჩამოვარდება ხოლმე, ეს მთრთოლავი სიჩუმე პირაქვს მტანჯველ უაზრო ზუზუნზე უფრო ხმაურიანი მეჩვენება. სადღაც შორს, დიკონზე, ზაპოლარიეში რადისტები ჩვენს შესახებ ლაპარაკობენ:

— სად არიან? აქა და აქ ხომ არ გაუვლიათ?

— არ გაუვლიათ.

ძლიერ მოსაწყენი იყო ჯდომა და ლოდინი, როდის ეშველება და როდის ჩადგება ეს ქარბუქი. ბოლოს მომაგონდა, რომ თან წიგნი მქონდა წამოღებულად.

„მალიცებს“ მუხლს ცოტა ზემოთ გადაუქიჩრე და თავიან-ხელებიანად შიგ შეეძვერი. ვიწროდა ვარ, მაგრამ, თუ მარცხენა ხელში ყურზემოდან ჯიბის ფარანს დაიჭერ, მარჯვენაში კი — წიგნს, კითხვა შეიძლება! მე დინამიკიანი ფარანი მქონდა და ერთთავად თითები უნდა მემოდრავებინა, რომ სულ ანთებულნი ყოფილიყო. მაგრამ თითების შეუჩერებელი მოძრაობა შეუძლებელია და მე თითებს ვშლიდი, — მაშინ უეცრად სიცივე ამიტანდა ხოლმე, ყველაფერი თავთავის ადგილზე ბრუნდებოდა და მე კვლავ ვგრძნობდი თოვლს, რომელსაც კაბინის ჭუჭრუტანებიდან მაყრიდა.

რამდენიმე წლის შემდეგ სტეფენსონის „სტუმართმოყვარე არქტიკა“ წავიკითხე და გავიგე, რომ შეცდომა იყო იმდენი ხნის უძილობა, მაგრამ მაშინ გამოუცდელი პოლარელი ვიყავი და მე მეგონა, დაძინება და სიკვდილი ერთი და იგივე იქნებოდა.

ეტყობა მაინც ჩამეძინა, ან მღვიძარემ წარმოვიდგინე ჩემი თავი ღრმად მიწის ქვეშ, ძალიან პატარა ვიწრო ყუთში. ზევით მკაფიოდ ისმოდა ქუჩის ხმაური, ტრამვაის ზარის ხმა და გრიალი. არ მეშინოდა, მაგრამ მაინც ვწუხდი, რომ აქ მარტო ვიწექი და ხელფეხის განძრევა არ შემიძლო, მაშინ, როცა სადღაც უნდა გავფრენალიყავი და ერთი თავისუფალი წუთი არა მქონდა. მერე რატომღაც ქუჩაში ამოვყავი თავი, მალაზიის განათებული ვიტრინის წინ, მალაზიაში კი მშვიდი, აუჩქარებელი ნაბიჯით კატია დადიოდა. მე არ მიყურებდა. ექვს გარეშეა, კატია იყო, თუმცა ვშიშობდი, ვაითუ ის არ იყოს, ან რაიმემ ხელი შემიშალოს და ვერ გამოველაპარაკო-მეთქი, და აი, მალაზიის კარებისკენ გავრბივარ, მაგრამ იქაურობა უკვე დაცარიელებულია, ბნელა და მინის კარებზე წარწერაა: „დაკეტილია“.

თვალეები გავახილეთ და ისევ დავხუჭეთ: ისეთ ბედნიერებად მომეჩვენა ის, რაც დავინახეთ. ქარბუქი ჩამდგარიყო. თოვლი აღარ გვახრჩობდა და აღარ გვაბრმავებდა—თოვლი მიწაზე იდო, მზე დაჰკაშკაშებდა და ისეთი უზარმაზარი ცა დაჰყურებდა, როგორც მხოლოდ ზღვაზე ან ტუნდრაში შეიძლება ნახოთ. ამ თოვლისა და ცის ფონზე, თვითმფრინავიდან ორიოდ ნაბიჯის მოშორებით, კაცი იდგა. ხელში ხორცი ეჭირა—ჯობი, რომლითაც ირმებს ერეკებიან. კაცის უკან ნარტში შებმული ირმები იდგნენ. შორს, თითქოს დახატულიაო, უფრო მკრთალად. ორი ციკაბო თოვლიანი გორა მოჩანდა—ეკვს გარეშეა, ნენცების ჩუმები. სწორედ ეს იყო ის მუქი მასა, რომელსაც დაშვების დროს მოვერიდეთ. ახლა ჩუმები თოვლით ფო დაფარული და მხოლოდ ზემოდან ღია კონუსები მოჩანდა შავად. ჩუმების გარშემო კიდევ ვიღაც ხალხი იყო, დიდრონები და ზაფხულები.—ყველანი უძრავად იდგნენ და ჩვენს თვითმფრინავს უყურებდნენ.

თავი მცამეხე

რა არის პრიმუსი?

არასდროს არ ვიფიქრებდი, რომ ცეცხლში ფეხების შეყოფა ბედნიერება იქნებოდა. მაგრამ ეს ნამდვილი, შეუდარებელი ბედნიერებაა. თქვენ გრძნობთ, როგორ გივლით სხეულში სითბო და ხულ მალა ამოდის, შეუმჩნეველად და ნელ-ნელა გითბებათ გული.

მეტს არაფერსა ვგრძნობდი, არაფერზე ვფიქრობდი. ექიმი რალაცას ბუტბუტებდა ჩემ ზურგს უკან, მაგრამ მე ყურს არ ვუგდებდი და აინუნშიაც არ მომდიოდა სპირტი, რომლითაც ფეხების დახელვა მომინდოდა.

ირგვლივ ნედლი ფიჭვის ბოლივით ტუნდრის ბუჩქნარის ბოლი იდგა, მაგრამ აღარც ეს მენალელებოდა—ოღონდ სითბო ყოფილიყო. თბილა—ამის დაჯერება თითქმის შეუძლებელია.

ფეხმოკეცილი ნენცები ცეცხლს ირგვლივ უსხდნენ და ჩვენ გვიყურებდნენ. მათ სერიოზული სახეები ჰქონდათ. ექიმი ნენცურად რალაცას უხსნიდა. ისინი ისეთი გამომეტყველებით უქნევდნენ თავს, ვითომ გვესმისო. მერე გამოირკვა, რომ ვერაფერი ვერ გავგოთ. ექიმმა გაჯავრებით ხელი ჩაიქნია და დაიწყო წარმოდგენა დაქრილი კაცისა და თვითმფრინავისა, რომელიც მის დასახმარებლად

მიფრინავს. ძალიან სასაცილო იქნებოდა, კიდევ ერთი წუთი რომ შემძლებოდა არ დამძინებოდა. ხან მუცელზე იკიდებდა ხელს, ხან ხტებოდა და მალა აწეული ხელებით წინ აწყდებოდა. უეცრად ჩემკენ მოტრიალდა.

— არა, როგორ მოგწონს! ამათ ყველაფერი იციან! — თქვა განცვიფრებით. — ისიც კი იციან, რაშია დაჭრილი ლედკოვი. ეს მკვლელობის განზრახვაა. ესროლეს თურმე.

მან კვლავ ნენცურიდ დაიწყო ლაპარაკი და მე ბურანში მივხვდი, ეკითხებოდა, ხომ არ იცით, ვინ ესროლაო.

— ესენი ამბობენ: ვინც ესროლა — შინ წავიდა. წავიდა, რომ იფიქროს, ერთ დღეს იფიქრებს, ორს, მაგრამ მაინც დაბრუნდება.

ახლა უკვე აღარ შეიძლებოდა, არ დამძინებოდა. უეცრად ყველაფერმა ტრიალი დაიწყო ჩემს წინ და სიხარულისაგან გამეცინა, რომ ძლივს დამეძინა..

როდესაც გამეღვიძა, კარგად გათენებულიყო, ერთი ბეწვი გადაეწიათ და სადღაც თვალისმომჭრელ სამკუთხედში ექიმი იდგა, ჩაცუცქული ნენცები კი გარს შემოსხდომოდნენ. შორს თვითმფრინავი მოჩანდა. ყველაფერი ეს ერთად ისე მაგონებდა რომელიღაც ნაცნობ კინო-კადრს, რომ შემეშინდა კიდევაც, ახლა გაიფიქვებს და გაქრება-მეთქი. მაგრამ ეს კადრი არ იყო. ეს ექიმი იყო, რომელიც ნენცებს ეკითხებოდა, სად არის ვანოკანიო.

— იქით? — გაჯავრებით ყვიროდა და ხელით სამხრეთისაკენ უჩვენებდა.

— იქით, იქით. — ეთანხმებოდნენ ნენცები.

— იქით? — ახლა აღმოსავლეთზე უჩვენებდა იგი.

— იქით.

მერე ყველამ ერთად სამხრეთ-აღმოსავლეთისაკენ გაიშვირა ხელი და ექიმმა თოვლზე ჩრდილოეთ-ყინულოვანი ოკეანის სანაპიროს რუკა დახატა. მაგრამ ამანაც არაფერი გვიშველა, რადგანაც ნენცებმა გეოგრაფიული რუკა ხელოვნების ქმნილებად მიიღეს და ერთმა მათგანმა, ჯერ ისევე ახალგაზრდამ, რუკის გვერდზე ირემი გამოსახა, რათა ეჩვენებინა, რომ იმანაც იცოდა ხატვა.

უპირველესად ყოვლისა, აი რა უნდა გაგვეკეთებინა: თვითმფრინავი უნდა გაგვეწმინდა თოვლისაგან, რასაც თავის დღეში ვერ მოვახერხებდით, ნენცები რომ არ დაგვხმარებოდნენ. ჩემ სიცოცხლეში არ მენახა თოვლი, რომელიც თითქმის არა ჰგავ-

და თოვლს! ცულებითა და ბარგბით ვჩეხავდით, დანებით ვჭრით. როგორც იქნა გამოვქერით და გადავავდეთ უკანასკნელი თოვლის აგური და სიმაგრე, რომელსაც მე პოლარელ პილოტებს ვთავაზობდი, დაშლილია. ყველა ქვაბში და ქეთლში უკვე თბება წყალი ძრავის გასაშვებად. ახალგაზრდა ნენცი, სწორედ ის, რომელმაც თოვლზე ირემი დახატა, ახლა კი ჩვენი შტურმანობა იკისრა, რომ ვანოკანის გზა გვიჩვენოს, უკვე ემშვიდობებოდა თავის ნამტირალევე ცოლს, ძალიან სასაცილო იყო, რადგანაც ცოლს ირმის ტყავის შარვალი ეცვა და მხოლოდ ნაწნავეებში ჩატანებული ფერადი მაუდის ნაკუწები ანსხვავებდნენ მას მამაკაცისაგან. მალალი, ბუმბულივით ღრუბლებიდან მზე გამოვიდა—ეს კარგი დარის ნიშანი იყო! მე ექიმს ვუთხარი, რომელიც ვილაცას ტყვიის წვეთებს უშვებდა თვალეებში, დროა-მეთქი. სწორედ ამ წუთში ლური მოვიდა და მითხრა, გაფრენა არ შეგვიძლიანო.

გატეხილიყო შასის განმბრჯენი. ალბათ მაშინ გავვიტყდა როდესაც ჩუმს გვერდი ავუქციე. შასის ნენცები ასუფთავებდნენ, თოვლისაგან და იმიტომ ვერ შევამჩნიეთ მე და ლური.

უკვე სრული ოთხი დღე გავიდა, რაც ზაპოლარიიდან გამოვფრინდით. რა თქმა უნდა, ჩვენ გვეძებენ და ბოლოს, როცა იქნება, გვიპოვიან, თუმცა ქარბუქმა ტრასას აგვაცდინა. ჩვენ გვიპოვიან. მაგრამ ვინ იცის? შეიძლება უკვე გვიან იყოს ვანოკანში წასვლა,—ან ცხედრის გადმოსასვენებლად გავფრინდეთ?

ეს იყო ჩემი პირველი „საბრძოლო მონათვლა“ ჩრდილოეთში და მე უეცრად შემეშინდა, რომ ვერაფერს გავბდებოდი და სახლში ცარიელი ხელით დავბრუნდებოდი, ან—ეს უფრო საშინელი იყო—ტუნდრაში მიპოვნიდნენ ძაღლის ლეკვივით უმწეოს, უმწეო თვითმფრინავის გვერდით. როგორ მოვიქცე?

ექიმს დავეუძახე და ვთხოვე, ნენცები შეეკრიბა...

ეს იყო დაუფიწყარი კრება, ჩუმში, ცეცხლის გარშემო, ან უფრო სწორედ, ბოლის გარშემო, რომელიც ჩვენ ზემოდან მრგვალ ქუქრუტანაში ადიოდა. სრულიად გაუგებარია, როგორ შეიძლება ჩუმში ამდენი ხალხი დატეულიყო. ჩვენ პატივსაცემად ირემი დაჰკლეს და ნენცები უმ ხორცს შეექცეოდნენ, ხელში დაქიმულ ხორცის ნაჭრებს გასაოცარი სიმარჯვით ზედ ტუჩებთანა სჭირდნენ. ცხვირის წვერს როგორ არ ატანდნენ, გასაოცარია!

გულზიზლიანი არა ვარ, მაგრამ მაინც ვცდილობდი არ მეცქირა, როგორ აწობდნენ ამ ნაჭრებს სისხლით სავსე ჯამში და ტუჩების წკლაპუნით პირში უძახებდნენ...

— ცუდია,— ასე დავიწყე ჩემი სიტყვა,— რომ თავს ვიდეთ დაქრილი კაცის, პატივისცემი კაცის შველა, და, აი, მეოთხე დღეა თქვენთანა ვსხედვართ, ვერაფერსა ვშველით. გადაუთარგმნეთ, ივან ივანიჩ!

ექიმმა გადაუთარგმნა.

— მაგრამ უფრო ცუდია, რომ ასე დიდი დრო გავიდა და ჩვენ კი ჯერ ისევ შორსა ვართ ვანოკანიდან და ხეირიანად არც ვიცი, საით უნდა გავფრინდეთ— ჩრდილოეთისაკენ თუ სამხრეთისაკენ, აღმოსავლეთით თუ დასავლეთით.

ექიმმა გადაუთარგმნა.

— მაგრამ კიდევ უფრო ცუდია, რომ ჩვენი თვითმფრინავი გატყდა და თქვენს დაუხმარებლად მისი შეკეთება არ შეგვიძლია. ნენცები ერთად ალაპარაკდნენ, მაგრამ ექიმმა ხელი ასწია და ისინი გაჩუმდნენ. ჯერ დღისითვე შევამჩნიე, რომ ნენცები ექიმს დიდი პატივისცემით ექცეოდნენ.

— უთქვენოდ ძალიან ცუდ დღეში ჩავვარდებოდით,— განვაგრძობდი მე,— უთქვენოდ ჩვენ გავიყინებოდით, უთქვენოდ ამდენ თოვლს ვერ მოვაშორებდით თვითმფრინავს. გადაუთარგმნეთ ივან ივანიჩ!

ექიმმა გადაუთარგმნა.

— მაგრამ კიდევ ერთი თხოვნა მაქვს: ჩვენ ხის ნაჭერი გვესაპიროება, პატარა, მაგრამ ძალიან მაგარი, ასე ერთი მეტრის სიგრძის ხე. მაშინ ჩვენ შევძლებთ თვითმფრინავის შეკეთებას და გზის გაგრძელებას, რომ საპატიო ადამიანს ვუშველოთ.

ვცდილობდი ისე მელაპარაკა, თითქოს გონებაში ნენცურიდან რუსულად ვთარგმნიდი.

— რასაკვირველია, მესმის, რომ ხე იშვიათი და ძვირფასი რამ არის, მე ამ ერთ მეტრ მაგარ ხეში ძალიან ბევრ ფულს მოგკემდით, მაგრამ მე ფული არა მაქვს. სამაგიეროდ შემიძლია პრიმუსი შემოგთავაზოთ.

ლურიმ— ჩვენ წინასწარ ვიყავით მოლაპარაკებულნი— პრიმუსი გამოიღო და მალე ასწია.

— თქვენ. რასაკვირველია, იცი, რა არის პრიმუსი. ეს არის მანქანა, რომელიც ათბობს წყალს, ხარშავს ხორცს და ადუღებს ჩაის. რამდენი დროა საჭირო ცეცხლის დასანთებად? ნახევარი საათი. პრიმუსი კი შეგიძლიათ ერთ წუთში დაანთოთ. პრიმუსზე ნამცხვრების გამოცხობაც შეიძლება და საერთოდ შესანიშნავი ნივთია, ძალიან სასარგებლო ოჯახურ საქმიანობაში.

ლურიმ ნავთი დატუმბა, ასანთი მოუკიდა და ალი უეცრად თითქმის ჭერამდე ავარდა. მაგრამ დაწყევლილი პრიმუსი, თითქოს ჯიბრზე, არა და არ ინთებოდა. ჩვენ ისე დავიპირეთ თავი, თითქოს ეს ასეც უნდა ყოფილიყო, თითქოს ის უცბად არ უნდა ანთებულყო. ეს არც ისე ადვილი საქმე იყო, რადგანაც მე ეს არის ახლა ვთქვი, რომ იმის ანთებას არაფერი უნდა მეთქი.

— გვაჩუქეთ ერთი მეტრის სიგრძის მაგარი ხე, ჩვენ კი სამაგიეროდ ამ პრიმუსს გაჩუქებთ.

ცოტა არ იყოს, მეშინოდა, ვაითუ ნენცებმა იწყინონ ასეთი მცირე საჩუქარი-მეთქი. მაგრამ არა სწყენიათ. ისინი უხმოდ, დინჯად უყურებდნენ პრიმუსს. ლური სულ ტუმბავდა, სანათურა გავარვარდა, ხედ წითელმა ნაპერწკლებმა იწყეს ციპციმი. პატიოსან სიტყვას გაძლევთ, ამ წუთში ველურ, შორეულ ტუნდრაში, ნენცების ჩუაში—პრიმუსი მეც კი უცებ რალაც ცოცხალ, ანთებულ და ხმაურიან სასწაულად მომეჩვენა! ყველანი სდუმდნენ და გულწრფელი პატივისცემით შეჰყურებდნენ.

შემდეგ მოხუცი, რომელსაც პირში გრძელი ჩიბუხი ედო და ქალის თავშალი ეხვია, რაც სულ არ უშლიდა არაჩვეულებრივ ღირსეულად სქეროდა თავი, წაჰოდგა და რალაცა თქვა ნენცურად, მე მომეჩვენა, რომ ეს ერთი გრძელი წინადადება იყო. ექიმს მიმართავდა, მაგრამ მე მიპასუხებდა და აი როგორ გადმოთარგმნა მისი სიტყვა ივან ივანიჩმა:

— ბოლთან ბრძოლის სამი ხერხი არსებობს: საკვამლე ნასერეტს ქარის მხრიდან ავაფაროთ რამე და ჰაერის მოძრაობა გაძლიერდება. შეიძლება ავწიოთ ნიუკი ანუ ბეწვი, რომელიც კარების მაგივრობას ასრულებს, და შეიძლება კარს ზემოდან მეორე გასაფალი გაკეთდეს ბოლის ასასვლელად. მაგრამ სტუმრის მისაღებად ჩვენ მხოლოდ ერთი საშუალება გვაქვს: მივეცეთ ყველაფერი, რასაც კი მოისურვებს. ახლა ირემს შეეკამთ და დავიძინებთ, შემდეგ კი მოვიტანო ყველაფერს, რაც კი ხისა მოგვეპოვება ჩვენს ჩუმებში, რაც შეეხება ამ შესანიშნავ პრიმუსს, შენ შეგიძლია, რაც გინდა ის უყო.

თავი მეთოთხმეტი

ძველი თითბრის ბარჯი

ის იყო თავფეხიანად შეიქამა უმი ირემი, რომ ნენცებმა მთელი თავიანთი ხის ნივთები ჩემთან მოზიდეს. ამოჩორკნილი თევ-

ში, ქვაბის საკიდი კაეი, რაღაც საფეიქრო იარაღი—ფიცარი გვერდებზე მრგვალი ნახვრეტებით, მარხილის კაეი, თხილამურები.

— არ გამოდგება?

მათ უკვირდათ.

— მაგარი ხე კია, ას წელიწადს გასძლებს.

სკამის ზურგიც კი მოიტანეს, რომელიც, ღმერთმა იცის, როგორ მოხვდა ამ ტუნდრაში. ჩვენმა მომავალმა შტურმანმა ღმერთი მოიტანა—მაუდის ფერადი ნაკუწებით მორთული, წოწოლათავიანი ნამდვილი კერპი, რომელსაც იმ ადგილზე, სადაც ადამიანს ჭიბი აქვს, ლურსმანი ჰქონდა ჩარჭობილი.

— არ გამოდგება? მაგრამ მაგარი ხე კი არის, ას წელიწადს გასძლებს.

უნდა გამოგიტყდეთ, შემრცხვა კიდეც ჩემი პრიმუსის გამო. როცა ამ ნენცემა მკაცრად უბრძანა თავის საწყალ, ნამტირალევე ცოლს რაღაც და თუნუქშემოსალტული სკივრი გამოიტანა, ეჭვს გარეშეა, მათი ჩუმის ერთადერთი მორთულობა, მეტად კმაყოფილი მოვიდა ჩემთან და სკივრი თოვლზე დადგა.

— აჰა, სკივრი,—გადმომითარგმნა ექიმმა,—ოთხი მაგარი ფიცარია, მე კომკაეშირელი ვარ, არაფერი მინდა. შენი პრიმუსისათვის მიმიფურთხებია.

არ ვიცი, შეიძლება ექიმმა მთლად ზუსტად ვერ გადმომითარგმნა უკანასკნელი წინადადება, ყოველ შემთხვევაში, ეს დიდებული იყო და მე მთელი სულითა და გულით ჩამოვართვი ხელი კომკაეშირელს.

ოდესმე გიგრძენიათ, როგორა ხართ ერთი აზრით გამსქვალული ისე, რომ უცნაურადაც კი მიგაჩნიათ, თუ ქვეყანაზე კიდეც არსებობს სხვა რამ სურვილები და ფიქრები და უეცრად თითქოს ქარიშხალი შემოიჭრება თქვენს ცხოვრებაში, თქვენ თვალის დახამხამებაში იფიწყებთ იმას, რისკენაც ეს არის მთელი სულითა და გულით მიისწრაფოდით?

სწორედ ეს დამემართა, როდესაც თოვლზე ლატნებს შორის, რომლისაგანაც ჩუმებს აშენებენ, უყურადღებოდ მიგდებული ძველი თითბრის ბარჯი დავინახე.

რასაკვირველია, ყველაფერი არაჩვეულებრივად მოხდა, დაწყებული იმ აბდაუბდისაგან, როდესაც მე პრიმუსის შესახებ ლექციას ვკითხულობდი, ნენცები კი ძალიან დინჯად მისმენდნენ და ჩვენ შორის როგორც სიზმარში, თითქო გრძელი ნაცრისფერი ბაფთებისაგან გაკეთებული სწორი ბოლის სვეტი იდგა.

უცნაური გეჩვენებოდათ თვითმფრინავის გარშემო დაწყობილი ეს საოჯახო ხის ნივთები. უცნაურად მომეჩვენა ექვსი წლის ნენეცი ჩიბუხით პირში, რომელმაც ბრძანების კილოთი რაღაც უთხრა მოხუცებულ ქალს, რომელმაც ლომთევზის ძელის ნაჭერი მოგვიტანა.

მაგრამ ყველაზე უცნაური ეს ბარჯი იყო, მგონი მთელ ქვეყანაზე არ მოიპოვებოდა ამაზე უფრო უცნაური ნივთი.

სწორედ ამ დროს ლურიმ კაბინიდან გამოიხედა და დამიძახა. მე რაღაც იუპასუხე ძალიან შორიდან, იმ შორეული სამყაროდან, რომელშიც უეცრად ამ ნივთმა გადამიტანა.

რა ბარჯი იყო ეს ბარჯი? საიმიხსო არაფერი! ძველი თითბრის ბარჯი. მაგრამ ამ ძველ, გამწვანებულ თითბერზე სრულიად გარკვევით იყო ამოჭრილი: „ხომალდი „წმ. მარიამი“.

უკან მივიხედე: ლური ისევ იყურებოდა კაბინიდან და ეს, ექვს გარეშეა, ლური იყო თავისი წვერით, რომლის გამოც ყოველდღე დაეცინოდი, რადგანაც ცნობილი პოლარული მფრინავი ფ-ს მიბაძვით მოიშვა და სულაც არ უხდებოდა მის ახალგაზრდა, შვეიცრულ სახეს.

შორს, განაპირა ჩუმის გვერდით, ნენცებით გარსშემოხვეული ივან ივანიჩი იღვა.

ყველაფერი თავის ადგილზე იყო—სწორედ ისე, როგორც ერთი წუთის წინათ. მაგრამ ჩემს წინ იღო ბარჯი წარწერით „ხომალდი „წმ. მარიამი“.

— ლური, — ვუთხარი სრულიად მშვიდად, — აქ მოდი.

— გამოდგება? — გამოძახა კაბინიდან ლური.

კაბინიდან გადმოხტა, ჩემთან მოვიდა და საგონებელში ჩავარდნილი მიაჩერდა ბარჯს.

— წაიკითხე!

ლურიმ წაიკითხა.

— რომელიღაც გემისა არის, — თქვა მან. — „ხომალდი „წმ. მარიამი“

— შეუძლებელია! შეუძლებელია, ლური!

ბარჯი ავიღე და ბავშვივით დავიჭირე ხელში, ლურიმ ალბათ გაიფიქრა, ჰკუთხე შეიშალაო, რაღაც წაიბუტბუტა და ექიმისაკენ გაიქცა. ექიმი მოვიდა, შეწუხებულმა ოდნავ აკანკალებული ხელები თავში მომკიდა და დიდხანს მიყურა თვალებში.

— ამხანაგებო, ეშმაკმა წაგილოთ, — გაბრაზებით ვთქვი, — თქვენ

გგონიათ, კკუაზე შევიშალე? სრულიადაც არა! ექიმო ეს ბარჯი „წმ. მარიამიდან“ არის.

ექიმმა სათვალე მოიხსნა და ბარჯს გულდასმით სინჯვა და-
უწყო.

— ალბათ ჩრდილოეთის მიწაზე იპოვეს ნენცებმა, — განვაგრძობ-
დი აღელვებული, ან არა, ჩრდილოეთის მიწაზე კი არა, სადმე:
სანაპიროზე. ექიმო, თქვენ გესმით, რას ნიშნავს ეს?

ნენცები დიდი ხანია უკვე ჩვენს გარშემო ისეთი გამომეტყველე-
ბით იდგნენ, თითქოს უკვე ათასჯერა ჰქონდათ ნახული, როგორ
ვუჩვენებდი ექიმს ბარჯს, როგორ ვყვიროდი და ვლელავდი.

ექიმმა იკითხა, ბარჯი ვისიაო, წინ წამოდგა, როგორც ხის
სკულპტურაზეა ხოლმე, ისეთი ნაოქებით ღრმად დაღარული, უმოძ-
რათ სახის მოხუცი ნენეცი და ნენცურად რალაცა თქვა.

— რას ამბობს, ექიმო, საიდანა აქვს ეს ბარჯი?

— საიდანა გაქვს ეს ბარჯი? — ნენცურად ჰკითხა ექიმმა.

ნენეცმა რალაც უპასუხა.

— ვიპოვეო, ამბობს.

— სად იპოვა?

— ნაეში, — გადმომითარგმნა ექიმმა.

— როგორ თუ ნაეში? ნავი სადღა იპოვა?

— ნაპირზე, — კვლავ გადმომითარგმნა ექიმმა.

— რომელ ნაპირზე?

— ტაიმირზე.

— ექიმო, ტაიმირი! — ისეთი ხმით შეეყვირე, რომ მან უნებუ-
რად ისევ შეწუხებული თვალებით შემომხედა. — ტაიმირი! ყველაზე
ახლო სანაპიროა ჩრდილოეთ მიწისა! ნავი სადღაა?

— ნავი არ არის, — გადმომითარგმნა ექიმმა, — ნაწილი არის.

— რა ნაწილი?

— ნავის ნაწილი.

— მაჩვენე!

ლურმი ექიმი განზე გაიხმო და ისინი რალაცაზე ჩურჩულით
ლაპარაკობდნენ, ვიდრე მოხუცი ნავის ნაწილს მოიტანდა, მგონი
ლური ვერაფრით ვერ შერიგებოდა იმ აზრს, რომ მე კკუაზე შე-
ვიშალე.

ნენეცი რამდენიმე წუთის შემდეგ მოვიდა და ბრეზენტი მოი-
ტანა, როგორც ჩანს, ტაიმირზე ნაპოვნი ნავი ბრეზენტისა იყო.

— არა ჰყიდის, — გადმომითარგმნა ექიმმა.

— ივან ივანიჩი, ჰკითხეთ ერთი, კიდევ თუ იყო რამე ნივთი ნავში? და თუ იყო, რა ნივთები და სად არის ახლა?

— იყო ნივთები,—გადმოთარგმნა ექიმმა.—არ ვიცი სად წავიდა. დიდი ხნის ამბავია. იქნებ ათი წელიც გავიდა. სანადიროდ მივდიოდი. ვხედავ, მარხილი დგას. მარხილზე ნავია, ნავში კი ნივთები აწყვია. თოფი იყო ცუდი, სროლა არ შეიძლებოდა, ვაზნები არ იყო. თხილამურები ცუდი იყო. კაცი ერთი იყო.

— კაცი?!

— მოიცა ერთი, იქნებ მე შემეშალა.—საჩქაროდ თქვა ექიმმა და ხელმეორედ შეეკითხა ნენცურად.

— დიახ, ერთი კაცი,—გაიმეორა მან.—რა თქმა უნდა, მკვდარი, დათვებს პირისახე მოეჭამათ. ისიც ნავში იწვა. ეს იყო და ეს.

— როგორ ეს იყო და ეს?

— სხვა არაფერი არა ყოფილა.

— ივან ივანიჩი, ჰკითხეთ ერთი. ჯიბეებში ხომ არაფერი ჰქონდა იმ კაცს, ქალალღები, საბუთები?

— ჰქონდა.

— მერე სად არის?

— სად არის?—ჰკითხა ექიმმა.

ნენცმა უხმოდ აიჩეჩა მხრები. მგონი თვითონ შეკითხვა მოეჩვენა საკმაოდ სულელური.

— მთელი ნივთებიდან მხოლოდ ბარჯი დარჩა? ხომ რალაც ეცვა იმ კაცს? ტანისამოსი სად წავიდა?

— ტანისამოსი არ არის.

— როგორ თუ რა არის?

— როგორ და უბრალოდ,—ვაჯავრებით თქვა ექიმმა.—თუ გგონია, საგანგებოდ შეინახავდა ტანსაცმელს იმ ვარაუდით, რომ შენ ათე წლის შემდეგ თვითმფრინავით მოულოდნელად დაეცემოდი თავს? ათი წელი! ხოლო კიდევ ათი წელი ალბათ მკვდარი იდო ნავში.

— ივან ივანიჩი, ძვირფასო, ნუ ჯავრობთ. ყველაფერი ნათელია! მხოლოდ ეს ამბავი უნდა ჩაიწეროს და თქვენ დამიმოწმებთ, რომ საკუთარი ყურით მოისმინეთ. ჰკითხეთ, რა ჰქვია?

— რა გქვია?—ჰკითხა ნენცურად ექიმმა.

— ვილკა ივანე.

— რამდენი წლისა ხარ?

— ასი წლის,—უპასუხა ნენცმა.

ჩვენ გაეჩუმდით. ლური სიცილით მოკვდა.

— რამდენის? — ხელმეორედ ჰკითხა ექიმმა.

— ასი წლის, — გაიმეორა ნენეცმა.

ექიმმა უმწეოდ მიიხედ-მოიხედა.

— ეშმაკმა იცის, როგორ არის ასი ნენცურად. — წაიბუტბუტა მან. — შეიძლება შე ვცდები.

— ასი წლისა, — წმინდა რუსულით ჯიუტად გაიმეორა ივანე ვილკამ.

ვიდრე მის ნაამბობს ვიწვრდით, სულ იმას იმეორებდა, ასი წლისა ვარო. ალბათ უფრო ნაკლებისა იყო. ყოველ შემთხვევაში შეხედულებით, — მაგრამ, რაც უფრო დიდხანს ვაკვირდებოდი ამ ხის სახეს, ამ არაფრის გამომხატველ გამოხედვას, მით უფრო მეტად ვრწმუნდებოდი, რომ ის ღრმა მოხუცი იყო. ასი წელი — ეს იყო მისი სიამაყე და ის დაჟინებით იმეორებდა, ვიდრე ოქმში არ ჩაეწერეთ: „მონადირე ივანე ვილკა, ასი წლისა“.

თავი მეთხუთმეტი

პანოკანი

პატროსნებას ვფიცავ, დღემდე არ ვიცი, სად იშოვეს ნენცებმა ეს ძელის ნაჭერი, რომლისაგანაც განმბრჯენი გაეაკეთეთ. ისინი ღამე საღლაც წავიდნენ თხილამურებით, — ალბათ მეზობელ მომთაბარეთა ბინაში და, როდესაც დილით ჩუმიდან გამოვჭყერი, სადაც ყველაზე მშფოთვარე ღამე გაატარე ჩემს ცხოვრებაში, — კედარის ხის ეს ნაჭერი შემოსასვლელთან იდო.

ღიახ, ეს არც თუ ისე მხიარული ღამე იყო. მხოლოდ ივანე ივანიჩს ეძინა ცეცხლთან და ქუდის გაკრული ბოლოები მალიციოდან კურდღლის ყურებივით სასაცილოდ გამოშვეროდა. ლური ბორგავდა და ახველებდა. მე არ მეძინა. ნენეცი ქალი აკვანთან იჯდა და დიდხანს ყურში ჩამესმოდა მისი ერთფეროვანი მელოდია, რომელსაც თითქოს უგულოდ, მაგრამ ამავე დროს რაღაც თავდავიწყებით მღეროდა. სულ ერთი და იგივე სიტყვები მგორდებოდა და ბოლოს ისე მეჩვენებოდა, რომ მთელი მისი სიმღერა ამ ორი თუ სამი სიტყვისაგან შესდგებოდა. ბავშვს დიდი ხანია ეძინა, ქალი კი მაინც მღეროდა. პირმრგვალ სახეზე ზოგჯერ შუქი მიაღებოდა ხოლმე, როდესაც ნედლი ტირიფი აპრიალდებოდა, და მაშინ ვხედავდი, რომ თვალდახუჭული მღეროდა. აი იმ სიმღერის სიტყვები დილით ექიმმა გადმოამითარგმნა:

ხამთრობით
 საცა არ გავიხედე,
 ჩემო ბიჭიკო,
 ყველგან თეთრია
 მინდორი,
 ჩემო ბიჭიკო.
 შენედავ ტბას და ყინული ვლაგს.
 ჩემო ბიჭიკო,
 შეხედავ მთას და
 ქვეებს ნახავ მძოლოდ,
 ჩემო ბიჭიკო.
 ძვირფასი ტუნდრა
 თეთრი მინდვრებით,
 ჩემო ბიჭიკო,
 ფეხშარდო ბიჭო.
 რა საყვარელი ყურები გაქვს,
 ჩემო ბიჭიკო.
 რა საყვარელი თვალეზი გაქვს,
 ჩემო ბიჭიკო.
 რა საყვარელი,
 რა ფუნჩულა
 ცხვირი გაქვს, შვილო.
 ჩემო ბიჭიკო,
 ხეცას შეხედავ,
 ღრუბლები ჰფარავს.
 ძვირფასი ტუნდრა.

ის გრძნობა, რომელიც ვალკასთან ლაპარაკის დროს განვიცა-
 დე, კვლავ დამიბრუნდა და ისეთი სიძლიერით, რომ მომინდა, ჩუმი-
 დან გავესულიყავი და გამეველო, რომ ეს ნაღვლიანი სიმღერა მაინც არ
 მესმინა, რომელსაც ნენეცი ქალი თვალდახუჭული მღეროდა. მაგ-
 რამ მე არ ავმდგარეარ. ის სულ უფრო ნელა და სულ უფრო ჩუ-
 მად მღეროდა. ბოლოს გაჩუმდა კიდევ, ჩაეძინა. ჩემს გარდა მთელ
 ქვეყანას ეძინა და მხოლოდ მე ვიწეკი სიბნელეში და ვგრძნობდი,
 როგორ მიკენესოდა გული მარტოობისა და წყენისაგან. რალა სა-
 კიროა ეს, რაც ვიპოვე, როცა ყველაფერი გათავებულია. რო-
 დესაც ჩვენ შორის უკვე აღარაფერია და აღარც იქნება და
 ჩვენ უცხოებივით შევხვდებით ერთმანეთს? ვცდილობდი, ნაღ-
 ველს მოვრეოდი, მაგრამ არ შემეძლო და, ვიდრე არ დამეძინა,
 სულ ამას ვცდილობდი.

შუადღისათვის შასი შევაკეთეთ, ძელი გამოვჩარხეთ და განმბრ-
 ჯენის მაგივრად ჩავუდგით. მეტი სიმტკიცისათვის სამაგრებს თოკი

შემოვახვიეთ. თვითმფრინავს ახლა საცოდავი იერი ჰქონდა, მე და ლური განზე გავდექით და გულგრილი თვალთ შევაფასეთ ნამუშევარი.

— ჰა, რას იტყვი?

ლურიმ ზიზლით ჩაიქნია ხელი.

რას იზამ, ისე ვიგულისხმობთ, თითქოს ყველაფერი მშვენიერად არის, წყალი უნდა გავათბოთ. ძრავის გაშვების დროა.

ბიდონებში თოვლს ვყრით და ვტკეპნით, პრიმუსზე ვდგამთ. გულის გამაწვრილებელი საქმეა! ჩვენი პრიმუსი, ეს „შესანიშნავე მანქანა, ურომლისოდაც ოჯახი არაფრად არა ღირს“, ცუდად ანთია.

მაგრამ, აი, ყველაფერი რიგზეა, ძრავი გამთბარია, ვიწყებთ გაშვებას. ნენცები ამორტიზატორის ბოლოებს ეწვევიან.

— ყურადღება!

— არის ყურადღება!

— ერთი, ორი, სამი—გაუშვი!

ამორტიზატორი სხლტება, ნენცები თოვლზე ცვივიან.

ეს ოთხჯერ მეორდება. ძრავი ხტის, აცემინებს, ორ ათეულ ბრუნს აკეთებს, ჩერდება და ბოლოს მუშაობას იწყებს. დროა გამოვეთხოვოთ! ნენცები თვითმფრინავთან გროვდებიან, მე ხელს მაგრად ვართმევ, მადლობას ვუხდის დახმარებისათვის, ვუსურვებ სწყალობდეთ ბედი ნადირობაში. ისინი იცინიან—კმაყოფილები არიან. ჩვენი შტურმანი მორცხვად იღიმება და თვითმფრინავში ამოდის. არ ვიცი გამომშვიდობებისას რა უთხრა ცოლს, მაგრამ ის ახლა მხიარულად დგას თვითმფრინავთან ნაირფერ მაუღშემოვლებულ განიერ ქამრიან ქურკში, ბეწვის დიდრონ ფარფლებიან კაპორში, რის გამოც მისი სახე სხივმოფენილი გეჩვენებათ.

ეს რალაც ელარუნებაჩონჩხილი ნახევარ მეტრის სიმაღლის კაპორი, კაპორს ქვემოდან კი პატარა პირმრგვალი სახე—აი ყველაფერი, რასაც მე გამომშვიდობების დროს ეხედავ.

ჩვეულებისამებრ ხელს მალლა ვწევ. თითქოს სტარტსა ვთხოვ ნენცებს.

— ნახვამდის, ამხანაგებო!

მიეფრინავთ!..

არ გაიმბობთ, როგორ ვიფრინეთ ვანოკანამდე, როგორ განმაცვიფრა ჩვენმა შტურმანმა, რომელიც ერთფეროვან თოვლიან ვაკეს გეოგრაფიულ რუკასავით კითხულობდა. ერთ მომთაბარის ბი-

წასთან მთხოვა, ცოტა ხანს შეეჩერებულყავით, და ძალიან ეწყინა, როცა გაიგო, რომ, სამწუხაროდ, ჰაერში გაჩერება არ მოხერხდებოდა.

არ გაიმბობთ, როგორ ვეშვებოდით ვანოკანში. მფრინავ გამომცდელებისათვის უცხო არ არის ეს განსაკუთრებული პროფესიული გრძნობა—გამბედობისა, პასუხისმგებლობისა და აზარტისა. ბოლოს და ბოლოს ჩვენც ხომ ახალი კონსტრუქციის მანქანით შიფფრინავდით, ხის განმბრჯენი—ახალი ამბავი იყო თვითმფრინავთა მშენებლობაში. თვითმფრინავი მგონი დროზე დაესვი მთელი სიმძიმით საღ ფეხზე იმიტომ, რომ ის ჯერ არ გაჩერებულყო, ლური კი უკვე კაბინიდან გადმოხტა და ცერს მიჩვენებდა.

არც იმას გაიმბობთ, როგორ გვხვდებოდნენ ვანოკანში, სამ სახლში, როგორ დაიშალა საძოვრები, მეოთხეში კი აკვნიდან ბავშვი გადმოუყარდათ, და მკურნალობა იქვე მოუხდა ექიმს. რამდენი ორაგული და ნაპცხვრები გვაჭამეს, როგორ ჩამოვყალობე სამოდელო წრე და როგორ ვასეირნებდი თვითმფრინავით ქიონერებს. როგორ მარწმუნებდნენ ვანოკანის მცხოვრებლები, სწორედ იმ დღესა და საათს, როდესაც თქვენ მოფრინდით, კიდევ ერთი თვითმფრინავი დაგვტრიალებდა თავსო, და ბოლოს როგორ მივხვდით, რომ ეს სწორედ ჩვენი თვითმფრინავი იყო, რომელმაც დაშვების წინ სამი წრე შემოხაზა.

მაგრამ არ შეიძლება არ გაიმბობთ, როგორ იქცეოდა ივან თვანიჩი ვანოკანში.

ლედკოვი ცულ მდგომარეობაში დაგვხვდა. მე მრავალჯერ შევხვედრივარ მას კრებებზე და ერთხელ კრასნოიარსკიდან ივარკაშიც კი წავიყვანე. სხვათა შორის, განმაცვიფრა მხატვრული ლიტერატურის ცოდნით! თურმე პედაგოგიური ინსტიტუტი დაემთავრებინა ლენინგრადში და საერთოდ—განათლებული კაცი იყო. წაკითხული ჰქონდა არა მარტო ლევ ტოლსტოი, არამედ ვოლტერიც. ოცდასამ წლამდის მწყემსად ყოფილა ტუნდრაში და ნენცები ტყუილად კი არ ახსენებდნენ სიამაყითა და სიყვარულით.

და ეს მშვენიერი, კკვიანი ადამიანი და შესანიშნავი პოლიტიკური მოღვაწე იწვა ვილაც ძალღის მიერ დაქრილი და, როდესაც შენედი, ვერ ვიცანი, ისე გამოცვლილიყო.

არც კი შეიძლება ითქვას, იწვაო. საწოლზე იჯდა და სიმწარისაგან კბილებს აკრაქუნებდა. ტკივილი უცბად წამოახტუნებდა

ხოლმე, საწოლის ზურგს ხელს ჩასჭიდებდა და უცბად სკამზე გადაჯდებოდა. შემზარავი იყო იმის ყურება, როგორ ისროდა ტკივილები ამ ვეებერთელა ძლიერ სხეულს! ზოგჯერ ტკივილები რამდენიმე წუთით უყურდებოდა და მისი სახე მაშინ ადამიანურ გამომეტყველებას იღებდა. მერე კვლავ წამოუვლიდა! ზედა ტუჩს ჩაიკენეტდა, თვალები—საშინელი თვალები ძალოვანი კაცისა, რომელსაც არ ძალუძს თავის თავს მოერიოს,—უელმდებოდა. უეცრად საღ ფეხზე დგებოდა და კვლავ საწოლზე ეცემოდა. მაგრამ საწოლზედაც ვერ ისვენებდა. საღლაც ნერვების წნულში ჰქონდა მოხვედრილი ტყვია, თუ ჭრილობა დაუჩირქდა ასე მტკივნეულად, არ ვიცი. მაგრამ ჩემს ცხოვრებაში ამაზე შემზარავი სურათი არ მინახავს, მისი ცქერა პირდაპირ საცოდაობა იყო და ამ საცოდაობის შემხედავი, ყველა თავისდაუნებლიეთ იღრიჯებოდა, როდესაც საწოლზე ბორგვას იწყებდა და ტანჯვით ცდილობდა ერთ ადგილზე გაჩერებულიყო. მაგრამ კვლავ მთელ ძაღლონეს იკრებდა და სკამზე ჯდებოდა.

ასეთი ავადმყოფის დამნახავს კი ჰქონდა თავგზა ასახნევი, მაგრამ ივან ივანიჩს თავგზა არ აჰხნევია. პირიქით, უეცრად გაყმაწვილდა, ტუჩები წინ წამოეშვირა და გაბედულ ახალგაზრდა სამხედრო ექიმს დაემსგავსა. რომლისაც ყველას ეშინია. წამში ყველანი გაბორკეა ავადმყოფის ოთახიდან, მათ რიცხვში რაიამასკოპის წარმომადგენელიც, რომელსაც რატომღაც უსათუოდ უნდოდა ლედკოვის გასინჯვას დასწრებოდა. როდესაც ადგილობრივი ექთანი, სათვალისანი მოხუცი ქალი კანკალით წარსდგა მის წინ, ექიმმა ძალიან თავაზიანად ჰკითხა:

— გქონიათ შემთხვევა კანკის ამპუტაციას დასწრებოდა?

საჩქაროდ გადადგ-გადმოდგა ოთახში მთელი ავეჯი. ზედმეტი მაგიდა გარეთ გაიტანა, ის კი, რომელზედაც ოპერაციის გაკეთებას აპირებდა, ოთახის შუა გულში მოსწია ქერში ჩამოკიდებულ ლამპის ქვეშ.

ექიმმა მოითხოვა მოეტანათ რაც კი სოფელში ლამპები იყო.— „მხოლოდ არა ბოლავდენო“—და კედლებზე ჩამოამწყკრევა იმგვარად, რომ ოთახი ვანოკანისათვის უჩვეულო შუქით განათდა.

მხოლოდ წარბები აჭიმა და ხმელ-ხმელი ექთანი უკვე გავარდა პირსახოცით ხელში, რომელიც ექიმს მაინცდამაინც სუფთა არ ეჩვენა, და მე გავიგონე, როგორ უთხრა სამზარეულოში ისეთივე

ოდნავ გაჯავრებული, —თავაზიანი კილოთი, როგორც ექიმებსა სჩვე-
ვიათ.

— რას მიპირებთ, ჩემო კარგებო, სამარეში გინდათ ჩამი-
ყვანოთ?

მაგრამ მისი სამარეში ჩაყვანა არავის უნდოდა. ყველანი ფეხის
ფრჩხილებზე დარბოდნენ და ექიმს მესამე პირში ახსენებდნენ —
„ისო“. ექიმი განკარგულებებს იძლეოდა ნაწყვეტ-ნაწყვეტად, თუმ-
ცა ზრდილობიანად და თან ნახევარ საათზე მეტი ხელები საპნი-
თა და ჯაგრისით იხეხა. მერე ხელების შეუმზრალეწლად ავადმყო-
ფის ოთახში შევიდა, გაბოტილი და ხელეგაფარჩხული გაჩერდა
და კრიტიკულად მოავლო თვალი იქაურობას. შემდეგ კარები
დაიხურა და ვანოკანისათვის გასაკვირველი სურათი თვალისმომკ-
რელი ოთახისა, თვალისმომკრელ თეთრ მაგიდაზე მწოლიარე ავად-
მყოფით და გაქაბქათებულ თეთრ ხალათებში ჩაცმული ადამიანე-
ბით, გაჰქრა.

ასე იქცეოდა ჩვენი ივან ივანიჩი ვანოკანში. ორმოცი წუთის
შემდეგ საოპერაციო ოთახიდან გამოვიდა. უნდა ვითქვით, რომ
ოპერაციამ შესანიშნავად ჩაიარა, რადგანაც ხალათის გახდის
დროს ლათინურად რალაც მითხრა და მერე კოზმა პრუტკოვიდან
დააყოლა.

„თუ გინდა ბედნიერი იყო — იყავ ბედნიერი!“

დილით ადრე ვანოკანიდან გამოვფრინდით და სამ საათნახე-
რის შემდეგ დაუბრკოლებლად ზაპოლარიეში დავეშვიტ.

ამ შემთხვევის, ესე იგი ბრწყინვალე ოპერაციის, რომლის გა-
კეთებაც მოახერხა ექიმმა იმ ძნელ პირობებში, და საერთოდ ჩვე-
ნი გაფრენის შესახებ შენიშვნა იყო მოთავსებული „იზვესტიაში“
და შემდეგი სიტყვებით მთავრდებოდა: „ავადმყოფი სწრაფად
ჯანმრთელდება“, და მართლაც ავადმყოფი ძალიან მალე გამო-
კეთდა.

ნენცების ნაციონალური ოლქისაგან მე და ლურიმ მადლობა
მივიღეთ, ექიმმა კი — საპატრიო სიგელი.

ძველი თითბრის ბარჯი ახლა ჩემს ოთახში კედელზე მეკიდა
დიდი რუკის გვერდით, რომელზედაც „წმ. მარიამის“ ღრეიფი
იყო დატანილი.

იენისის დასაწყისში მოსკოვს წავედი. სამწუხაროდ, ძალიან
ცოტა დრო მქონდა, მხოლოდ ათი დღით გამიშვეს და ამ ათ
დღეში მე არა მარტო ჩემი პირადი საქმეები, ჩემი კაპიტანის
პირადი და საზოგადოებრივი საქმეებიც უნდა მომეწესრიგებინა.

ბევრი ვიფიქრე გზაში—ჩემ თავზე და ჩემსა და კატის დამოკიდებულებაზე, კვლავ მისი მამის ისტორია ამ ფიქრებზე მალა დადგა, თითქოს განსაკუთრებულ ყურადღებას და პატივისცემას მოითხოვდა. ნებსით თუ უნებლიეთ მე ვხვდებოდი მას ჩემი ცხოვრების ყოველ წრეზე და საბოლოოდ მისი ცხოვრების ნამსხვრევებიდან, რომლებიც მე შეეკრიბე, გამართული სურათი მივიღე. ძველი თითბრის ბარჯი უკანასკნელი ლოლიკური შტრიხი იყო დასაბუთებათა ამ სურათში. ყველაზე რთული საკითხი ამ ნაპოვნით გადაწყდა.

მართლაც, შტურმანის დღიური რომ წავეკითხე, ჩემს თავს ვეკითხებოდი: „ბავიგებ კი ოდესმე, რა დავმართა კაპიტან ტატარინოვს? დასტოვა გემი, რომ მის მიერ აღმოჩენილი მიწა შეესწავლა, თუ შიმშილისაგან დაიღუპა თავის ხალხთან ერთად და მცურავ ყინულებს წლობით მიჰქონდათ ხომალდი გრენლანდიის ნაპირებისაკენ?“

— დიახ,—შემეძლო ახლა მეპასუხა.—მან დასტოვა გემი. ჩვენ არ ვიცით, რა პირობებში მოხდა ეს—დაიღუპა ექსპედიციის ნაწილი თუ ხომალდი ყინულებმა დაამსხვრია. მაგრამ მან სისრულეში მოიყვანა თავისი „ბავშვური, არაგონივრული“ აზრი.

ჩემს თავს ვეკითხებოდი: „მიალწია კი ჩრდილოეთის მიწას?“

— დიახ,—შემეძლო ახლა მეპასუხა,—მან მიალწია ჩრდილოეთის მიწას. სხვაგვარად საიდან გაჩნდებოდა სანაპიროზე ის მარხილი ბრეზენტის ნავით, რომელიც რამდენიმე წლის წინათ მონადირე ივანე ვილკამ იპოვა?

ვეკითხებოდი ჩემს თავს: „სად უნდა მოიძებნოს ექსპედიციის კვალი და ღირს კი მისი ძიება?“

— დიახ,—შემეძლო ახლა მეპასუხა.—ღირს მისი ძიება, რადგან, თუ ლოლიკურად ვიმსჯელებთ, ნახევარი გრადუსის სიზუსტით შეიძლება განესაზღვროთ ამ ძიების რაიონი. ამ ამოცანის მეცნიერული მნიშვნელობა კი ექვს არ იწვევს.

ეს ისეთი საუბარი იყო, როგორც სასამართლოში არის ხოლმე,—მხოლოდ კითხვები და პასუხები, მაგრამ მშრალი, ცივი სიტყვების იქით მე სულ სხვა სიტყვები მეჩვენებოდა. მე ვხედავდი კატის, ურომლისობასაც ისე ვნაღვლობდი.

— დაგავიწყდი? ეგ მართალია?

— არა,—მიპასუხა მან.—მაგრამ ის ცხოვრება, როდესაც ჩვენ ჩვიდმეტი წლისანი ვიყავით, გათავდა, შენ კი სადღაც გადაიკარ-

ჯე და მე ვფიქრობდი, რომ იმ ცხოვრებასთან ერთად ჩვენი სიყვარულიც გაქრა.

— სულაც არ გამქრალა.— ასე ვეტყვი მე.— ახლა მე ქვეყნად შენზე და ყველაზე მეტი ვიცი მამაშენის შესახებ. ნახე, რა ჩამოვიტანე, — აქ არის მთელი მისი ცხოვრება. მე შეეკრიბე მისი ცხოვრება და დავამტკიცე, რომ ეს დიდი ადამიანის ცხოვრება იყო. იცი, რამ გამაკეთებინა ეს? შენმა სიყვარულმა.

მაშინ ის მკითხავს:

— მაშ არ დაგვიწყებია? ეგ მართალია?

და მე ეუპასუხებ:

— მაშინაც კი არ დაგვიწყებდი, შენ რომ აღარა გყვარებოდი.

ეს მშვენიერი საუბარი იყო, რომელიც გზაში მოვიფიქრე და არ შეიძლება იმის თქმა, რომ ის სულ არა ჰგავდა იმ საუბარს, რომელიც მალე ჩემსა და კატიას შორის მოხდა. ის ჰგავდა და არცა ჰგავდა, როგორც სიზმარი ჰგავს და არცა ჰგავს სინამდვილეს.





ნაწილი მხუთა

ბულისათვის

თავი პირველი

კატინასთან შეხვედრა

ათი დღე—არც ისე დიდი დროა, რომ ერთი ქორწილი ჩაშალა და მეორე გაჩარხო. მით უმეტეს, რომ მოსკოვში ბევრი სხვა საქმეებიც მქონდა: გეოგრაფიულ საზოგადოებაში ვაპირებდი მოხსენების წაკითხვას „ერთი დავიწყებული პოლარული ექსპედიციის შესახებ“ და, მიუხედავად ამისა, მოხსენება ჯერ არა მქონდა დაწერილი. საკითხი უნდა დამესვა ჩრდილოეთის საზღვაო გზის მთავარ სამმართველოში „წმ. მარიამის“ ძიების შესახებ.

ზოგიერთი საქმეები ვალიამ მოამზადა: მაგალითად, გეოგრაფიულ საზოგადოებას შეუთანხმა ჩემი მოხსენება, მაგრამ მისი დაწერა, რასაკვირველია, ვალიას არ შეეძლო.

ჯერ კორაბლიოვთან ვაპირებდი გაჩერებას, მაგრამ მერე გადავიფიქრე და სასტუმროში წავედი, სწორედ იმ სასტუმროში, რომელშიც ორი წლის წინათ გაჩერდი ბალაშოვიდან რომ გამოვიარე. ეს შეცდომა იყო, რადგან, რაგინდ საკვირველი არ იყოს. მოხეტიალე კაცისთვის, სასტუმროები არ მიყვარს. სასტუმროში ყოველთვის ნაღვლიან გუნებაზე ვდგები. კატინას დავურეკე, ის ტელეფონთან მოვიდა.

— გისმენთ.

— სანია გელაპარაკები.

ის გაჩუმდა. მერე სავსებით აულეღვებელი ხმით მკითხა.

— სანია?

— ჰო, მე ვარ.

ის კვლავ გაჩუმდა.

— დიდი ხნით ჩამოხვედით მოსკოვში?

— არა, რამდენიმე დღით, — ვუპასუხე და მეც ვცდილობდი აულეღვებელი ხმით მელაპარაკა, თითქოს ახლაც სწორედ იმ ყურებზეუკერელ ქუდით და თოვლისაგან დასველებულ პალტოში ვხედავდი, რომელშიც ტრიუმფალურზე ვნახე უკანასკნელად.

— შეებულებაში ჩამოხვედი?

— შეებულებაშიც და საქმეზეც.

ძლივს შევიკავე თავი, რომ არ მეთქვა: „გაიგივე, რომ ხშირად ხედები რომაშოვს“. მაგრამ თავი შევიკავე და არა ვკითხე.

— სანია როგორღაა? — უეცრად იკითხა ჩემი და. — ჩვენ მიწერ-მოწერა გვქონდა, მერე კი შევწყვიტეთ.

ჩვენ სანიაზე დავიწყეთ ლაპარაკი და კატამ მითხრა, რომ ამ დღეებში მოსკოვში ლენინგრადის ერთ-ერთი თეატრი იყო ჩამოსული, გორკის „დედა“ მიდიოდა და პროგრამაში აღნიშნული იყო „მხატვარი — პ. სკოვოროდნიკოვი“.

— მართლა?

— ძალიან კარგი დეკორაციები იყო. გაბედული და თანაც სადა.

მომეჩვენა, თითქოს რამდენიმეჯერ განგებ არ მომმართა სახელით, ერთხელ კი, როცა სახელით მომმართა, ხმას დაუწია, თითქოს არ უნდოდა შინ სცოდნოდათ, ვის ელაპარაკებოდა. „შენ“ ერთხელაც არ მითხრა — და ჩვენ ელაპარაკობდით რაღაც ჩვეულებრივი ხმით, ვიდრე შიშმა არ მომიცვა, რომ ყველაფერი ასე ვათავლებ. ესე იგი, ჩვენ ვილაპარაკებთ სხვათა შორის და გავშორდებით. მერე საბაბიც არ მექნება, რომ მგორედ დაუშრეკო-მეთქი.

— კატია, ჩვენ უნდა შევხვდეთ, როდის შეგიძლია?

მე ვუთხარი „როდის შეგიძლია“ — მეთქი? და უცბად აშკარა გახდა, რომ სისულელე იქნებოდა მასთან თქვენობით დამეწყო ლაპარაკი.

— სწორედ ამ სალამოს თავისუფალი ვარ.

— საათის ცხრაზე?

მე ველოდი, რომ მეტყუოდა, ჩემთან მოდიო, — მაგრამ არ მითხრა და ჩვენ შევთანხმდით ერთმანეთს შევხვედროდით — მაგრამ სად?

— ტრიუმფალურზე, ბაღში?

— ის ბაღი ახლა აღარ არის, — ცივად მიპასუხა მან.

შევთანხმდით, რომ დიდი თეატრის სვეტებთან შევხვდებოდით.

აი ყველაფერი, რაც ტელეფონით ვილაპარაკეთ. სულ არ იყო საჭირო ყოველი სიტყვის აწონ-დაწონა, რასაც მე ვაკეთებდი მოსკოვში პირველ დღეს, რომელიც ისე გაქიანურდა.

სამოქალაქო საპაერო ფლოტის სამმართველოში წავედი. მერე ვალიასთან ზოონისტიტუტში. ალბათ, შემატყო, რომ დაბნეული ვიყავი, რადგან ვალიამ რამდენჯერმე გამიმეორა, ხვალ კორაბლიოვის პედაგოგიური მოღვაწეობის ოცდახუთი წლის იუბილეა და სკოლაში საზეიმო სხდომა იქნება.

როგორც იქნა, სალამოს მეცხრე საათზე დიდი თეატრისაკენ გავეწიე...

ეს წინანდელი კატია იყო, თავზე შემოხვეული ხაწნავებით, შუბლზე ჩამოშლილი ხვეულებით, რომლებიც ყოველთვის მაგონდებოდა, როცა მასზე ვფიქრობდი. ფერი დაჰკარგოდა, ტანი აეყარა და, რასაკვირველია, ახლა ის გოგონა აღარ იყო, რომელმაც ოდესღაც ტრიუმფალურზე ბაღში მაკოცა. იგი ახლა თავდაპერილი ჩანდა, ლაპარაკითაც თავდაპერილად ლაპარაკობდა, მაგრამ მაინც კატია იყო. და სულაც ისე არ დამსგავსებოდა მარია ვასილენას, როგორც მე. რატომღაც მეშინოდა ამისი. პირიქით, კატიას ყველა ნაკვთი როგორღაც უფრო გამოჰკვეთოდა და ახლა უფრო მეტად ჰგავდა თავის თავს, ვიდრე წინათ. მოკლესახელოებიანი თეთრი აბრეშუმის ზედატანი ეცვა. გულზე თეთრწინწყლებიანი ლურჯი ბაფთი ჰქონდა დაბნეული და ყოველთვის სასტიკ გამომეტყველებას მიიღებდა ხოლმე, როცა კი დავაპირებდი ლაპარაკისდროს მისთვის სახეში შემეხედა.

თითქოს სხვადასხვა ოთახში ვიყავით და კედლის იქიდან ველაპარაკებოდით ერთმანეთს, თითქოს მხოლოდ ზოგჯერ ოდნავ გაიღებოდა კარები და კატია გამოიხედავდა ხოლმე, რათა ენახა, ეს მართლა მე ვიყავი თუ სხვა ვინმე. ჩვენ დავხეტიალებდით მოსკოვში ამ სევდიან დღეს. მე ლაპარაკით ვერა ვძღვებოდი. არ მახსოვს, ოდესმე თუ მილაპარაკნია ამდენი. მაგრამ ყველაფერი

ეს ძალიან შორს იყო იმისგან, რის თქმაც მინდოდა. მე ვუამბე, როგორ შევადგინე „შტურმანის ანბანი“ და რა შრომა დასჭირდა იმ დღიურების წაკითხვას, ვუამბე, რა პირობებში ვიპოვე ძველი თითბრის ბარჯი წარწერით: ხომალდი „წმ. მარიაში“.

მაგრამ ერთი სიტყვაც არ იყო ნათქვამი, თუ რისთვის ვაკეთებდი ყველაფერ ამას. არც ერთი სიტყვა. თითქოს ეს ამბავი დიდი ხანია მოკვდა და არ იყო სავსე წყენით, სიყვარულით, მარია ვასილევნას სიკვდილით, რომაშკაზე ეპეიანობით, მთელი მღელვარე სისხლით, რომელიც ჩემში და კატიაში სჩქეტდა...

იმ წელს მოსკოვში მეტროს მშენებლობა იწყებოდა და ყველა ნაცნობ ადგილებში ქუჩებში სიგანეზე ფიცრის ლობეები იყო გავლებული. ამ ლობეებს უნდა გაჰყოლოდი ფიცრებით, რომლებიც ფეხქვეშ იზნიქებოდა და ისევ უკან უნდა დაბრუნებულიყავი, რადგანაც ლობის ბოლოს ორმო დაგხვდებოდა, რომელიც ჯერ კიდევ გუშინ არ იყო და რომლიდანაც ახლა ადამიანის ხმები და მიწისქვეშა მუშაობის ხმაურობა მოისმოდა.

ჩვენი ლაპარაკიც ასეთი იყო—გარშემო მოვლა, დაბრუნება და ლობეები ბავშვობის ყველაზე ნაცნობ ადგილებში, ერთთავად ამ ლობეებს ვაწყდებოდით, მეტადრე მაშინ, როცა იმ საშიშ ადგილს ვუახლოვდებოდით, რომელსაც „ნიკოლაი ანტონიჩი“ ერქვა.

მე ვკითხე, მიიღე თუ არა ჩემი წერილები—ერთი ლენინგრადიდან, მეორე—ბალაშოვიდან, და როცა მითხრა არაო, მე სიტყვა გადავუქარი—სხვა ვინმეს ხომ არ ჩაუვარდა მეთქი ხელში.

— ჩვენ სახლში სხვა ვინმე არ არსებობს,—მკვებედ მიპასუხა.

თეატრალურ მოედანზე დავბრუნდით. უკვე გვიანი საღამო იყო, მაგრამ ფარდულებში ჯერ ისევ იყიდებოდა ყვავილები, ზაპოლარიის შემდეგ უცნაურად მეჩვენა ირგვლივ ამღენი ხალხი, ავტომობილები, სახლები და ელნათურები, რომლებიც აქეთ-იქით ირხეოდნენ.

ჩვენ სკამზე ვისხედით, კატიას ხელზე დაენდო თავი და ისე მისმენდა. მე მომაგონდა, რა დიდხანს წვალობდა ხოლმე, რომ მოხერხებულად დამჯდარიყო მოსასმენად. ახლა მივხვდი, რა ცვლილება მომხდარიყო მასში—თვალეები ახლა სევდიანი ჰქონდა.

ეს იყო ერთადერთი ტკბილი წუთი. მერე ვკითხე ბალში, ტრიუმფალურზე ჩვენი უკანასკნელი საუბარი თუ გახსოვს-მეთქი. პასუხი არ გამცა. ეს ყველაზე საშინელი პასუხი იყო ჩემთვის, ძველი პასუხი: „ამაზე ნულარ ვილაპარაკებთ“.

შესაძლოა, მის თვალებში რომ კარგად ჩამეხედა, ბევრი რამ გამეგო. მაგრამ იგი გვერდზე იყურებოდა და მე თავი დავანებე.

მხოლოდ იმას ვგრძნობდი, რომ, რაც დრო გადიოდა, ის სულ უფრო ცივად იქერდა თავს. თავი დამიქნია, როდესაც ვუთხარი:

— მე შენ ყოველთვის გაგაგებინებ საქმის ვითარებას.

და ზრდილობიანად გადამიხადა მადლობა, როდესაც მოხსენებზე დავპატიე.

— გმადლობ, უსათუოდ მოვალ.

— ძალიან მოხარული ვიქნები.

ჩვენ გავჩუნდით.

— სანია, მინდოდა შენთვის მეთქვა, რომ პირდაპირ მალეღებებს შენი დამოკიდებულება... მე დარწმუნებული ვიყავი, რომ შენ დიდი ხანია უკვე დაივიწყე ის ამბავი.

— არ დამვიწყებია, როგორცა ხედავ!

— ხომ არაფერი გეკნება საწინააღმდეგო, რომ ჩვენი საუბარი ნიკოლაი ანტონიჩს გადავცე.

— პირიქით! ნიკოლაი ანტონიჩისათვის საინტერესო იქნება იმის გაგება, რაც მე ვიპოვე. ისინი ხომ უფრო მეტად შეეხებიან მას, უფრო მეტად, ვიდრე შეუძლია წარმოიდგინოს.

ის ყველაფერი სულაც იმდენად არ ეხებოდა და მეც არავითარი საფუძველი არა მქონდა ასეთი გადაკრული თქმისათვის, რომელიც ამ სიტყვებში ჩავაქსოვე. მაგრამ ძალიან გაბრაზებული ვიყავი.

კატამ ყურადღებით შემომხედა და ცოტა ხანს დაფიქრა. მგონი კიდევ რაღაც უნდოდა ეკითხა, მაგრამ ვერ გაბედა. ჩვენ ერთმანეთს გამოვეთხოვეთ. მე წავედი გუნებაამღვრეული გაბრაზებული, დაღლილი და სასტუმროში რომ მივედი, პირველად ჩემ სიცოცხლეში თავი ამტკივდა.

თავი მორა

კორაბლიოვის იუბილე

ძალიან უცნაური იყო საშუალო სკოლის მასწავლებლის იუბილეს დანიშვნა არდადეგებზე, როდესაც მოსწავლეები წასულები არიან. ვუთხარი კიდევ ვალიას, ალბათ არავეინ მოვა-მეთქი.

წარმოგიდგენიათ! სკოლა სავსე იყო, ბაღლები არყის ხის და ნეკერჩხლის ტოტებით კიბესა რთავდნენ. გასახდელი ოთახის ია-

ტაკზე ტოტები იყო დაგროვილი და უზარმაზარი რიცხვი „25“ დარბაზის შესავლის ზემოდან ქანაობდა, სადაც საზეიმო სხდომა იყო დანიშნული. გოგონები გირლანდებს სადაც მიაპროწიალებდნენ, ყველა სერიოზულად და საქმიანად გამოიყურებოდა და უეცრად სიხარულმა ამიტაცა ამ სირბილისა, მღელვარებისა და განსაკუთრებით იმის გამო, რომ ჩემს მშობლიურ სკოლაში დაებრუნდი.

მაგრამ არ დამაცადეს დიდხანს გავყოლოდი ამ მოგონებებს. ფორმაში ვიყავი და ბავშვები თვალის დახამხამებაზე შემომხევივნენ. ოლონდაც! მფრინავე! კითხვებზე პასუხის გაცემას ვერ ვასწრებდი.

ჩემთან უფროსკლასელი გოგონა მოვიდა, რომელმაც დეიდა ვარია მომაგონა — ჩვენი „სამეურნეო კომისია“, ისეთივე მსუქანი და ლაქლაქა იყო. გაწითლდა და მითხრა, ივან პავლიჩი გიცდითო.

ივან პავლიჩი სამასწავლებლოში იჯდა, დაბერებული, ოდნავ ბექებში მოხრილი, ჭალარა — უკვე ჭალარა, ახლა მარც ტვენს დამსგავსებოდა. რასაკვირველია მოხუცებულიყო, მაგრამ თითქოს უფრო ჭარმაგად გამოიყურებოდა მას შემდეგ, რაც ჩვენ უკანასკნელადა ვნახეთ ერთმანეთი. ულვაშიც თუმცა შექალაქავებოდა, მაგრამ უფრო გაჭბუებოდა, მხნედ ჰქონდა ზემოთ აწკეპილი და ხალვათი რბილი საყელოდან სქელი, წითელი კისერი უჩანდა.

— ივან პავლიჩ, ძვირფასო, გილოცავთ! — ვუთხარი მე. ერთმანეთს გადავეხვიეთ და რამდენჯერმე გადავკოცნეთ. — გილოცავთ, გილოცავთ, — ვეუბნებოდი და თან ვკოცნიდი. — გისურვებთ, რომ ყველა თქვენი მოსწავლე ჩემსავით მაღლიერი იყოს თქვენი.

— გმადლობ, სანიჩკა.

და ერთხელ კიდევ მაგრად გადამხეცია. ძალიან აღელვებული იყო და ტუჩები ოდნავ უთრთოდა.

ერთი საათის შემდეგ ესტრადაზე იჯდა, სწორედ იმ დარბაზში, სადაც ერთხელ ვეგენი ონეგინი გავასამართლეთ. ჩვენ კი, როგორც პატივცემული სტუმრები, იუბილარს აქეთ-იქით ვუსხედით პრეზიდენტში. ჩვენ, — ვალია, რომელსაც ასეთი საზეიმო დღისათვის ხასხასა მწვანე ყელსახვევი გაეკეთებინა, ინჟინერ-მშენებელი ტანია ველიჩკო, რომელიც ისე გამაღლებულიყო და გასუქებულიყო, რომ ძნელი დასაჯერებელი იყო, რომ ეს სწორედ ის ყველაზე ტანწერილი პრინციპული ტანიაა, და კიდევ ივან პავლიჩის

რამდენიმე მოსწავლე, რომლებიც ჩვენ დროს პატარები იყვნენ და ჩვენ მარაქაში არა ვრევედით. ამ თაობაში ბევრი კურსანტი იყო და მე სიამოვნებით ვიცანი სამი მათგანი—ჩემი პიონერული რაზმიდან.

შემდეგ მოვიდა მშვენიერი, თეთრგვეტრებიანი, სქელ ნაქსოვ ჯილეტში გამოწყობილი მოსკოვის დრამატიული თეატრის არტისტი გრიშკა ფაბერი. აი, ვინ არ გამოცვლილიყო ოდნავადაც კინეთი სახე ჰქონდა, გეგონებოდათ, ყველაფერი, რაც ამ დარბაზში ხდება, მხოლოდ მას შეეხებაო. მოხდენილად ორივე ლოყაში აკოცა იუბილარს, დაჯდა და ფეხი ფეხზე შემოიღო. ერთბაშად დიდი ადგილი დაიჭირა პრეზიდენტში, თითქოს მისი იუბილე იყო და არა კორაბლიოვისა. დანისლული თვალებით დამსწრეთ გადახედა, მერე სავარცხელი ამოიღო და თმა გადაივარცხნა. მე მივწერე: „გრიშკა, ბედასლო, გამარჯობა!“ მან წაიკითხა, შემწყალებდ გამიღიმა და ხელი დამიქნია.

ჩინებული საღამო იყო, იმიტომ რომ, ვინც კი გამოვიდა, ყველამ სრული სიმართლე ილაპარაკა. ექვს გარეშეა, არავინ არასტყუოდა, რადგან კორაბლიოვზე ძნელი არ იყო სიმართლის ლაპარაკი,—ის ხომ ამის მეტს არაფერს მოითხოვდა თავის მოსწავლეთაგან.

მეც ვისურვებდი, რომ ოცდახუთი წლის მუშაობის შემდეგ ჩემზედაც ასე ელაპარაკათ, როგორც ივან პავლიჩზე ლაპარაკობდნენ ამ საღამოს.

გამოვიდნენ მშობელთა სახელით, ათას ცხრაას ოცდათერთმეტი წლის კურსდამთავრებულთა სახელით, ავეჯის ქარხნის სახელით რაისაბჭოდან, განათლების განყოფილების სახელით. ყველანი ერთიმეორეზე უფრო დიდი ყვაეილების კალათებით. მაგრამ აი, თავმჯდომარემ გამოაცხადა: „ახლა გამოვა აქტიორთა სახელით ჩვენი სკოლის კედლებიდან გამოსული გრიგოლ ისრაელის ძე ფაბერიო“—და ორმა ჯანღონით სავსე ბიჭმა ისეთი კალათი შემოიტანა, რომ ყველამ პირი დაალო, რიგებში ჩურჩული ატყდა.

გრიშკა წამოდგა. როგორც ყოველთვის, მშვენიერად ლაპარაკობდა, მხოლოდ მეტიმეტად ყვიროდა და გამიკვირდა, რატომ თეატრში ვერ ასწავლეს ცოტა ჩუმიად ლაპარაკი-მეთქი. ივან პავლიჩს უწოდა „ცხოვრების მასწავლებელი ხელოვნებაში“ და დაუმატა, რომ პირადად ჩემთვის ამან უდიდესი როლი ითამაშაო. მერე ისევ გადაჰკოცნა კორაბლიოვი და, დიდად კმაყოფილი თავისით, დაჯდა.

ესტრადას ემატებოდა და ემატებოდა ყვეილები, ივან პავლი-
ჩი გაწითლებული იჯდა და დროდადრო დაბნეულად უღვაშებს-
ისწორებდა. მგონი ერიდებოდა, რომ ასე ბედნიერად გრძნობდა
თავს. ქების დროს ტანჯული თვალებით იყურებოდა.

მერე ლეიტენანტი გამოვიდა, რომელიც ჩვენ დროს მეხუთე
კლასში თუ იქნებოდა. მან განაცხადა, რომ, რაკი ამხანაგი ფაბერი-
მსახიობების სახელით ლაპარაკობს, მეც თავი ნებას მივეცემ. მი-
სალმება წარმოვთქვა ამ სკოლის კედლებიდან გამოსულ მუშურ-
გლებური წითელი არმიის კურსანტებისა და მეთაურების სახე-
ლითაო.

— ძვირფასო ივან პავლიჩ, — დავიწყე მე, როდესაც თავმჯდო-
მარემ სიტყვა მომცა, — ახლა ნება მიბოძეთ, მფრინავეების სახელით
მოგმართოთ, რადგანაც თქვენი მოსწავლეები ცოტანი როდი დაჰ-
ფრენენ თავს ჩვენს დიად სამშობლოს, და ყველა ისინი, ექვს გა-
რეშეა, შეუერთდებიან ჩემ ყოველ სიტყვას. ამბობენ, მწერლები —
ადამიანთა სულის ინჟინრები არიანო. მაგრამ თქვენც ადამიანთა
სულის ინჟინერი ბრძანდებით. ერთხელ, მაგალითად, დილით ადრე
გამომეღვიძა და შევნიშნე, რომ ჩემი მეზობელი თვალს ვერ აშო-
რებს ქერს და ისეა ამით გართული, რომ პასუხსაც კი არ მაძ-
ლევს კითხვებზე. მის მხერას თვალი გაავაყოლე და დავინახე, რომ
ქერზე ათშაურდიანის ოდენა შავი წრე იყო მოხაზული. ეს მეორე
დღესაც განმეორდა. ორი თვე ჩემი მეზობელი ყოველ დილით ამ
შავ წრეს უყურებდა. როგორა ფიქრობთ, რად აკეთებდა ამას?
რასაკვირველია თვითონ შეუძლია გიპასუხოთ ამ კითხვაზე, რადგან
ამჟამად იგი ამ მაგიდასთან, ჩემს გვერდით ზის. — ვალიას მორი-
დებით გაეცინა, მას მიჰყვა პრეზიდენტი და მთელი დარბაზი. —
მაგრამ რაც იყოს, იყოს — ვიტყვი მის მაგიერად: იგი შეხედვის
ძალას ანვითარებდა. ვისმა შეხედვამ გააოცა? ივან პავლიჩ კორაბ-
ლიოვის ცნობილმა შეხედვამ. ძვირფასო ივან პავლიჩ, ახლა შემიძ-
ლია გულახდილად გამოგიტყდეთ: ჩვენ თვალს ვერ გისწორებდით.
ზოგჯერ რალაცას დააშავებ და ის არის მოემზადები ტყუილის
სათქმელად, მაგრამ თქვენ შეგხედვით ან მოგვაგონდებით და უნებ-
ლით მართალი უნდა თქვა. ჩემის აზრით, ეს არის სწორედ მთა-
ვარი, რაც სკოლამ უნდა გვასწავლოს.

სიტყვა გავათავე და ივან პავლიჩისაკენ წავედი საკოცნელად.
მეორე მხრიდან ვალია წამოვიდა და ჩვენ უბლებით დავეჯახეთ
ერთმანეთს.

აქამდის კანტიკუნტად მიკრავდნენ ტაშს, მაგრამ დავეჯახეთ
თუ არა ერთმანეთს, გამაყრუებელმა ტაშმა იგრილა.

ჩემ შემდეგ ტანია ველიჩკო გამოვიდა, მაგრამ მე უკვე ყური
ალარ მივდიხარ მისთვის, რადგანაც ნიკოლაი ანტონიჩი მოვიდა.

ის ღარბაზში შემოვიდა—მსუქანი, ღარბაისელი, თავი ამაყად
ეჭირა, ფართო შარვალი ეცვა. ოდნავ წინ წაიხარა და პრეზიდენტი-
საკენ გამოემართა. მე დავინახე ჩვენი საწყალი მოხუცი სერაფიმა,
სწორედ ის სერაფიმა, რომელიც ოდესღაც კომპლექსური მეთო-
დით „იხვს“ გვასწავლიდა, როგორ მოექცა წინ ნიკოლაი ანტონიჩს,
რომ მისთვის გზა გაეკვლია—ის კი ისე მიდიოდა, რომ არც სერა-
ფიმას უყურებდა და არც ილიმებოდა.

მე აღარ მინახავს იმ უმსგავსი სცენის შემდეგ, როდესაც მი-
ყვიროდა და ხელებს იმტვრევდა, ხოლო მერე მომაფურთხა კიდევ,
და, ჩემი აზრით, მას შემდეგ საგრძნობლად გამოცვლილიყო.
მას უკან ვილაღ კაცი მოსდევდა. ისიც საკმაოდ მსუქანი, ისიც
ოდნავ წინწახრილი და გაუღიმარი.

ალბათ, ვერასოდეს ვერ მივხვდებოდით ვინ იყო, ამ დროს ვალიას
რომ არ წაეჩურჩულა: „აი რომაშკაც“.

როგორ, ეს რომაშკაა? ასე თმადავარცხნილი, ღარბაისელი,
თეთრი, წესიერი სახისა. ჩინებულ ნაცრისფერ კოსტიუმში გამო-
წყობილი? სადღაა კატის ყვითელი ბანჯგვლები? სად გაჰქრა მრგვა-
ლი თვალელები—ბუს თვალელები—რომელთაც ღამე ვერა ხუჭავდა?

ყველაფერი ლაზათიანი, შეძლებისდაგვარად შელამაზებულ-შერ-
ბილებული ჰქონდა და დიდი კვადრატული ნიკაპიც კი ახლა უკვე
ასეთი კვადრატული აღარ უჩანდა, სიმსუქნისაგან ისიც დამრგვა-
ლებოდა. ნიკაპსაც არა უჭირდა რა. თვითონვე რომ შესძლებოდა,
თავისი სურვილით ახალი პირისახე გამოეძერწა, მგონი უკეთესს
ვერ მოახერხებდა. შესაძლოა, უცხო აღამიანზე ახლა სასიამოვნო
შთაბეჭდილებაც კი მოეხდინა.

ნიკოლაი ანტონიჩი პრეზიდენტი-ში ამოვიდა, ისიც თან ამოჰყვა.
რასაც ნიკოლაი ანტონიჩი აკეთებდა, რომაშკაც იმასვე იმეორებ-
და. ნიკოლაი ანტონიჩმა თავშეკავებით, მაგრამ ერთობ გულთბი-
ლად მიუღო ოცა კორაბლიოვს, —არ აკოცა, მხოლოდ ხელი ჩამოარ-
თვა. რომაშკამაც მხოლოდ ხელი ჩამოართვა. ნიკოლაი ანტონიჩმა
თვალი მოავლო პრეზიდენტს და, უპირველესად ყოვლისა, განათ-
ლების განყოფილების გამგეს მიესალმა. რომაშკაც არ ჩამორჩა მას.
შეიძლება ეს უცნაურად მოგეჩვენოთ, მაგრამ რომაშკას უფრო თა-
შამად ეჭირა თავი.

ნიკოლაი ანტონიჩმა მე ვერ შემახსენია, უკეთ, ისეთი სახე მიიღო, თითქოს აქ არცა ვყოფილიყავი, მაგრამ რომაშკა მომიხალღოვდა თუ არა, გაჩერდა და ოღნავ გაშალა ხელები, თითქოს უკვიროსო,—ეს შენა ხარ განა? და ისე, თითქოს მისთვის არასდროს არ ჩამეცხოს სახეში წიხლი.

— გამარჯობა, რომაშკა,—ვუთხარი ცივად.

სახე დაებრიცა, მაგრამ მაშინვე ისეთი გამომეტყველება მიიღო, თითქოს ასეც უნდა ყოფილიყო, როგორც ძველმა მეგობრებმა, თითქოს სწოროდ ასე უნდა მივმართოთ ერთმანეთს: „სანკა, რომაშკა“. გვერდით მომიჯდა და ლაპარაკი დამიწყო, მაგრამ მე საკმაოდ ზიზღით შევაწყვეტინე და მივბრუნდი, ვითომ ტანიას ვუსმენდი.

ტანიას არ ვუსმენდი, ბოღმა მახრჩობდა და მხოლოდ ნებისყოფის დაძაბვით შევიწარჩუნე წინანდელი მშვიდი გამომეტყველება.

სახეიმო ნაწილი დამთავრდა და სტუმრები სუფრაზე მიიწვიეს. რომაშკა დერეფანში დამეწია.

— ხომ მშვენივრად ჩატარდა ივან პავლიჩის იუბილე?—ხმაკი უფრო სასიამოვნო გახდომოდა.

— ჰო, ძალიან კარგად.

— რა სამწუხაროა, რომ ასე იშვიათად ვხვდებით ერთმანეთს, რაც არ უნდა იყოს, ძველი ამხანაგები ვართ. სადა მსახურობ?

— სამოქალაქო ავიაციაში.

— ამას მეცა ვხედავ,—თქვა და გაეცინა.—არა, „სადა“ სხვა აზრით გკითხე, ტერიტორიულად.

— განაპირა ჩრდილოეთში.

— ჰო! სულ დამაფიწყდა. აქი კატინამ მითხრა! ზაპოლარიეში მსახურობსო.

კატინა! კატინამ უთხრა. უცბად დამცხა. მაგრამ სრულიად დამშვიდებით ვუპასუხე:

— ჰო, ზაპოლარიეში.

ის გაჩუმდა. მერე ფრთხილად იკითხა:

— დიდი ხნია... ჩვენთან?

— ჯერ არ ვიცი,—ვუპასუხე მეც ფრთხილად.—ეს ბევრ რამეზეა დამოკიდებული.

მე თვითონ მომეწონა, რომ ასე მშვიდად და ფრთხილად ვუპასუხე და ამ წუთიდან ჩემი მღელვარება თითქოს საღდაც გაჰქრა. გველივით ცივი, ცბიერი და თავაზიანი გავხდი.

— კატიამ მითხრა, მოხსენების წაკითხვას აპირებსო, მგონი, მეცნიერთა სახლში.

— არა, გეოგრაფიულ საზოგადოებაში.

რომაშკამ სიაშოვნებით შემომხედა, — თითქოს კმაყოფილი იყო, რომ მე გეოგრაფიულ საზოგადოებაში ვაპირებდი მოხსენების წაკითხვას და არა მეცნიერთა სახლში. ეს ასეც იყო, მაგრამ მაშინ კიდევ არაფერი ვიცოდი.

— რა მოხსენებაა?

— მოდი და გაიგებ, — ვუთხარი გულგრილად, — შენთვის საინტერესო იქნება.

კვლავ დაიღრიჯა, ამჯერად უფრო მეტად.

— ჰო, — თქვა მან, — უნდა ჩავიწერო, რომ არ დამავიწყდეს. — და გულმოდგინეთ რალაცის ჩაწერა დაიწყო ბლოკნოტში. — მოხსენებას რა ჰქვია?

— დავიწყებული პოლარული ექსპედიცია.

— მოიცა ერთი! ივან ლვოვიჩის ექსპედიციის შესახებ?

— კაპიტანი ტატარინოვის ექსპედიციის შესახებ. — ვუპასუხე მკვახელ.

მაგრამ მან ყური არ ათხოვა ჩემ შესწორებას.

— ახალი მასალები გაქვს?

ნაცნობმა ჩლუნგმა ანგარიშიანობამ გაუელვა თვალეში და მაშინვე მივხვდი, რაშიც იყო საქმე.

„აჰაი, არამზადავ, — გავიფიქრე გულგრილად. — შენ ნიკოლაი ანტონიჩმა მოგგზავნა. შენ დავალებული გაქვს გამოარკვიო, ხომ არ ვაპირებ კვლავ იმის მტკიცებას, რომ ექსპედიციის დალუპვაში დამნაშავეა სწორედ ის, და არა ვინმე ფონ-ვიშინირსკი“.

— ჰო, ახალი მასალების მიხედვით.

რომაშკამ ყურადღებით შემომხედა. ერთი წამით წინანდელ რომაშკად გადაიქცა, რომელიც ანგარიშობს, მოგების რამდენ პროცენტს მიიღებს, თუ წამომცდება, რა მასალაა.

— ჰო მართლა, ექსპედიციის შესახებ, — განაგრძო, მან, — ნიკოლაი ანტონიჩსაც ხომ აქვს მასალები. მას ბევრი წერილები აქვს და ზოგი საინტერესო წერილიც, ამასწინათ მაჩვენა. კარგი არ იქნებოდა იმისათვის მიგემართა?

„აჰა, გასაგებია, — კვლავ გავიფიქრე, — ნიკოლაი ანტონიჩმა დაგავალა. შეგვახვედრო ერთმანეთს, რომ ამ საქმეზე მოვილაპარაკოთ. მას ჩემი ეშინია, მაგრამ უნდა, რომ პირველი ნაბიჯი მე გადავდგა, ვერ მოგართვი!“

— ოჰ, არა, — ვუპასუხე გულგრილად, — მან ხომ სინამდვილეში ცოტა რამ იცის. იქნებ საკვირველი იყოს, მაგრამ მე უფრო მეტი ვიცი, რა მონაწილეობაც მიიღო მან ექსპედიციაში.

ეს კარგად მოფიქრებული დარტყმა იყო და რომაშკამ, რომელიც ამ ცვლილებების მიუხედავად მაინც ისევე ის გონებაჩლუნგი რომაშკა იყო, უეცრად პირი დაალო და აშკარა სიბრძნევით შემომხედა.

„კატია, კატია“, გაეფიქრე და ვიგრძენი, რომ გული მიკედებოდა, ისე მწყინდა მის მაგივრადაც და ჩემს მაგივრადაც.

— ჰო-ო — გააგრძელა რომაშკამ, — ასეა საქმე.

— ჰო, ასეა.

ჩვენ სუფრასთან მივედით და ლაპარაკი შეწყდა. ბოლომდე ძლივს გავძელი ამ საღამოს, მხოლოდ ივან პავლიჩის ხათრით, რომ მას არა სწყენოდა. ცუდ გუნებაზე ვიყავი და ძალიან მინდოდა დაღევა, მაგრამ მხოლოდ ერთი პატარა ჭიქა დაველიე. ისიც იუბილარის სადღეგრძელო.

რომაშკამ წარმოთქვა ეს სადღეგრძელო. ის წამოდგა და ღირსებით აღსავსე თავდაპერით დიდხანს იცდიდა, როდის ჩამოვარდებოდა სიჩუმე. როდესაც ერთი წინადადება განსაკუთრებით გამართული გამოჰყვიდა, თვითკმაყოფილებით გაებადრა სახე. რალაცა თქვა მეგობრობის შესახებ, „რომელიც აკავშირებს იუბილარის ყველა მოსწავლეს“. ამ სიტყვებით მე მომმართა და ჭიქა ასწია — მაჩვენა, რომ ამით ჩემს სადღეგრძელოსაც სვამდა. მეც ზრდილობიანად ავწიე ჭიქა. ალბათ, ამ დროს მაინცდამაინც ალერსიანი სახე არა მქონდა, რადგანაც ივან პავლიჩმა ყურადღებით ჯერ მას შეხედა, მერე მე, შემდეგ კი — უცებ არ მომაგონდა, რას ნიშნავდა ეს, — ხელი მაგიდაზე დადო და თვალით ხელზე მანიშნა, — ხელი ასწია, რამდენჯერმე დაჰკრა მაგიდას და წყნარად დაუშვა. ეს ჩვენი ძველი პირობითი ნიშანი იყო: არ იღელვო! ორივეს ერთდროულად გაგვეცინა და ცოტათი გავმხიარულდი.

თავი მსახე

უ ს ა ტ ი ა უ რ ო

იმ დღეს დანიშნულ დროს უნდა შევხვედროდი „პრავდის“ ერთ თანამშრომელს, მინდოდა მეამბნა ჩემი აღმოჩენების შესახებ. ორჯერ გადამიღო შეხვედრის დრო, — სულ დაკავებული იყო. ბოლოს როგორც იქნა დამირეკა და „პრავდაში“ წავედი.

ეს მაღალ-მაღალი, გულისხმიერი, სათვალნიანი ძია-კაცი იყო, ოდნავ ელამი და, ასე მეგონა, სხვაგან იყურება და რალაც სხვაზე ფიქრობს-მეთქი. „რამდენადმე მფრინავეების სპეცი“,—თქვა მან. მგონი გულწრფელად დაინტერესდა ჩემი ნაამბობით, ყოველ შემთხვევაში, მეორე სიტყვიდანვე ბლოკნოტში ჩაწერა დაიწყო. დამახატინა ქარბუქის დროს თვითმფრინავეის დამაგრების ჩემი ხერხი და მითხრა, ამის შესახებ წერილი გამეგზავნა ჟურნალ „სამოქალაქო ავიაციის“ მაშინვე დაურეკა „სამოქალაქო ავიაციას“ და შეუთანხმდა, ვის და როდის ჩავაბარებდი მასალას. ისე მომეჩვენა, თითქოს ძალიან კარგად გაიგო „წმ. მარიაშის“ ექსპედიციის მნიშვნელობა და თქვა, რომ ახლა ყველა დიდ ინტერესს იჩენს არქტიკისადმი და ეს დროული და საჭირო თემა არისო.

— მაგრამ ამაზე უკვე იყო წერილი,—თქვა მან.—როგორც მახსოვს, „საბჭოთა არქტიკაში“.

— „საბჭოთა არქტიკაში“?

— დიახ, გასულ წელს.

ეს ახალი ამბავი იყო! წერილი კაპიტანი ტატარინოვის შესახებ. შარშან „საბჭოთა არქტიკაში“?

— არ წამიკითხავს ეს წერილი,—ვუთხარი მე.—ყოველ შემთხვევაში, ამ წერილის ავტორმა არ იცის ის. რაც მე ვიცი. მე შტურმანის დღიურები წავიკითხე,—ექსპედიციის ერთადერთი წევრისა, რომელმაც დიდ მიწამდე მიაღწია.

მაშინვე მივხვდი, რომ ჩემ წინ ნამდვილი ჟურნალისტი იყო. უეცრად თვალები გაუბრწყინდა, სწრაფად დაიწყო ჩაწერა და სიჩქარისაგან ფანქრის წვერიც კი წაუტყდა. ალბათ, ეს რალაც სენსაციური ამბავი იყო. სწორედ ასე თქვა:

— დიახ, ეს სენსაციაა!

მერე თავის კაბინეტი გასაღებით დაკეტა და „უფროსთან“ წამიყვანა.

„უფროსთან“ მოკლედ გავიმეორე ჩემი ნაამბობი და ჩვენ შევეთანხმდით:

ა) რომ მე ხვალ დღიურებს მოვიტან რედაქციაში.

ბ) რომ „პრავდა“ თანამშრომელს გამოგზავნის ჩემ მოხსენებაზე, და

გ) რომ წერილს დაეწერ ჩემი აღმოჩენის შესახებ, ისინი კი მოიფიქრებენ, სად დაბეჭდონ.

„პრავდაში“ ექსპედიციის მოძებნის შესახებაც უნდა მომელა-

პარაკნა, მაგრამ რატომღაც ვადაეწევიტე. რომ ეს განსაკუთრებული საკითხია და პრესასთან კავშირი არა აქვს-მეთქი. სამწუხაროა, რადგან ჟურნალისტები რჩევას მომცემდნენ, ვისთვის მიმემართა ჩრდილოეთის მთავარ საზღვაო გზათა სამმართველოში. იქნებ ტელეფონითაც კი დაერეკათ.

მისაღებ ოთახში ორი საათი მაინც ვიჯექი—სულ ვუცდიდი, როდის მექნებოდა პატივი მთავარი სამმართველოს რომელიმე მდივნის ნახვისა. ძლივს მოვესწარი. კაბინეტში შემიყვანეს და აქაც კიდევ ნახევარი საათი ვიჯექი. მდივანს არ ეცალა. კაბინეტში წამდაუწუმ შემოლიოდნენ მეზღვაურები, მფრინავები, რადისტები, ინჟინრები, დურგლები, აგრონომები და მხატვრები. მას სულ ისე უნდა სვეროდა თავი, თითქოს მშვენივრად ერკვევა ავიაციის, აგრონომიის, ფერწერისა და რაჯიოს საქმეში. ბოლოს, როგორც იქნა, მე მომმართა.

— ისტორიულად საინტერესოა, — მითხრა, როდესაც მე ძლივძლივობით დავემთავრე ჩემი თხრობა. — მაგრამ ჩვენ სხვა, უფრო თანამედროვე ამოცანები გვაქვს.

მე დაეძინე, მშვენივრად მესმის, რომ ჩრდილოეთის მთავარ საზღვაო გზათა სამმართველოს ამოცანა სულაც დაკარგულ ექსპედიციების ძიებაში არა მდგომარეობს, მაგრამ, იმდენად, რამდენადაც წელს ჩრდილოეთის მიწიანენ ექსპედიცია მიდის. საესებით შესაძლებელია მიეცეს მცირე პარალელური დავალება—გამოიკვილონ კაპიტანი ტატარინოვის დაღუპვის რაიონი-მეთქი.

— ტატარინოვი, ტატარინოვი... — თითქოს მოაგონდაო, მდივანს. — იგი წერდა ამაზე?

მე ვუთხარი, ამის შესახებ ის ვერ დაწერდა, რადგანაც ექსპედიცია დაახლოებით ოცი წლის წინ გავიდა პეტერბურგიდან და უკანასკნელად მიღებული ცნობა 1914 წლის თარიღით იყო-მეთქი.

— კარგი, მაშ რომელი ტატარინოვი წერდა ამაზე?

— ტატარინოვი კაპიტანია, — მოთმინებით აუხსენი მე. — ის 1912 წლის შემოდგომაზე ხოხალდ „წმ. მარიაში“ გაემგზავრა, რათა ჩრდილოეთის საზღვაო გზით გაეგლო, იმ მთავარ საზღვაო გზით, რომლის სამმართველოშიაც ჩვენ ვიმყოფებით. ექსპედიციას წარმატება არა ჰქონია, მაგრამ გზად კაპიტანმა ტატარინოვმა გააკეთა ღირსშესანიშნავი გეოგრაფიული აღმოჩენანი. ყველა საფუძველი გვაქვს დავადასტუროთ. რომ ჩრდილოეთის მიწა, მაგალითად, მან აღმოაჩინა და არა ვილკიცკიმ.

— ჰო, დიახ სავსებით სწორია,—თქვა მდივანმა.—წერილი იყო ამ ექსპედიციის შესახებ, მე წავეიკითხე.

— ვისი წერილი იყო?

— მე მგონი, ისიც ტატარინოვის. ტატარინოვის ექსპედიცია, ტატარინოვის წერილი. მაშ თქვენ რასა გვთავაზობთ?

მე გავუმეორე ჩემი წინადადება.

— კეთილი, მოხსენებითი ბარათი დაწერეთ,—მითხრა მდივანმა ისეთი კილოთი, თითქოს წუხდა, რომ მე ამ მოხსენებითი ბარათის დაწერა მომიხდებოდა და ის კი ამ ბარათს მაგიდაზე დადებდა და მერე მოგკამა ჭირი...

მე გამოვედი.

არ შეიძლებოდა, შემთხვევით მომხდარიყო! გორკის ქუჩაზე წიგნის მაღაზიაში „საბჭოთა არქტიკის“ გასული წლის ყველა ნომრები გადავფურცლე. წერილის სათაური იყო: „ერთი დავიწყებული პოლარული ექსპედიციის შესახებ“. ჩემი მოხსენების სათაური!—ხელს აწერდა ნ. ტატარინოვი. ნიკოლაი ანტონიჩს დაეწერა:

ეს დიდი წერილი იყო, მოგონებების ყაიდისა. მაგრამ ამავე დროს მეცნიერული ტონით დაწერილი. — იწყებოდა იმით, რომ 1912 წლის ზაფხულს პეტერბურგში, ნიკოლოზის ხიდთან იდგა ხომალდი „წმ. მარიაში“. „მის კედლებზე და ქერზე საღებავი ჯერ არ გამშრალიყო, სარკესავით ბრწყინავდა ავეჯის გაკრიალებული წითელი ხე. ხალიჩები ამშვენებდა მისი კაიუტების იატაკებს. საკუქნაოები და ტრიუმი ყოველგვარი მარაგით იყო გატენილი. რა არ იყო იქ! კაკალი, კონფეტი, შოკოლადი, ათასნაირი დაკონსერვებული კომპოტები, ანანასები, ყუთები მურაბებით, ნამცხვარი, ხილფაფა და ბევრი სხვა რამ—ყველაზე უფრო აუცილებელის, დაკონსერვებული ხორცისა, ფქვილისა და კრუპეულის მთელ დიდ მარაგთან ერთად“.

სასაცილოა: ყველაზე ადრე სურსათიდან როგორ იწყებდა ნიკოლაი ანტონიჩი—ჩემთვის ეს კიდევ ერთი საბუთი იყო. მაგრამ ქვემოთ უფრო ჰკვიანურად წერდა. აღნიშნავდა, რომ ექსპედიცია კარგად იყო მოწყობილი და მომარაგებული საზოგადოებრივი სახსრებით. იგი მორიდებით გადაუკრავდა ხოლმე სიტყვას, რომ პირველად სწორედ იმას მოუვიდა აზრი „ნორდენშელდის კვალით გაველოთ“. ნაღვლიანად მიუთითებდა დაბრკოლებებზე, რომლებსაც რეაქციული პრესა და საზღვაო სამინისტრო უწყობდა. საზღვაო მინისტრის რეზოლუციაც მოჰყავდა: „სამწუხაროა, რომ კაპიტანი

ტატარინოვი არ დაბრუნებულა. სახაზინო ქონებისადმი გულგრილი დამოკიდებულებისათვის დაუყოვნებლივ სასამართლოს გადაეცემილი“.

უფრო მეტი სიმწარით წერდა იმაზე, როგორ მოატყუეს მისი ძმა არხანგელსკელმა მრეწველებმა, რომელთაც, მგონი, ქუჩის ბიჭების მიერ „წყვილი ოც კაპიკად მიყიდული“ ცუდი გაუხედნავი ძაღლები შეაპარეს და საერთოდ, როგორ შეირყა მთელი საქმის ორგანიზაცია, როდესაც ნიკოლაი ანტონიჩი ავადმყოფობის გამო იძულებული გახდა ამ საქმეს ჩამოშორებოდა. მრეწველების გვარებს არ ასახელებდა—რა თქმა უნდა! გარდა ვილაც ვ-სა, ნიკოლაი ანტონიჩი ბრალს სდებდა ვ-ს იმაში, რომ იგი გაკეთდა ხორცის მიწოდებით, რომლის ზღვაში გადაყრა მოუხდათ ჯერ ისევ მაშინ, როდესაც იუგორსკს მიღწეულნი არ იყვნენ.

წერილის ეს ნიწილი საქმის ცოდნით იყო დაწერილი. ნიკოლაი ანტონიჩს ციტატიც კი მოჰყავდა ამუნდსენიდან: „ყოველი ექსპედიციის წარმატება მთლიანად მის მომზადებაზეა დამოკიდებული“, — და ბრწყინვლილად ასაბუთებდა ამ აზრის სამართლიანობას თავისი „განსვენებული ძმის“ ექსპედიციის მაგალითზე. ნაწყვეტები მოჰყავდა „განსვენებული ძმის“ წერილებიდან, რომელიც მწარედ ჩიოდა ვაჭრებზე, ისარგებლეს იმით, რომ არხანგელსკში გაჩერება შეუძლებელი იყო და ზღვაში გასვლა უნდა დაგვეჩქარებინაო.

თვით მოგზაურობაზე ნიკოლაი ანტონიჩი თითქმის არაფერსა წერდა. ახსენებდა მხოლოდ, იუგორსკში „წმ. მარიამს“ რამდენიმე სავაჭრო გემი შეხვდა, გემები ლუზაზე იდგნენ ყინულის დაძვრის მოლოდინში, კარის ზღვის სამხრეთი ნაწილი გაყინული იყო. თანახმად ერთი კაპიტანის ნაამბობისა, ჩვიდმეტ სექტემბერს გათენებისას „წმ. მარიამი“ გაბედულად შევიდა კარის ზღვაში და ჰორიზონტის ზოლს იქით ყინულებში მიიშალა. ამოცანა, რომელიც თავის თავს დაუსახა ი. ლ. ტატარინოვმა, — წერდა ქვემოთ ნიკოლაი ანტონიჩი, — ვერ შესრულდა. მაგრამ გზადაგზა შესანიშნავი აღმოჩენა იყო გაკეთებული, ლაპარაკია ჩრდილოეთის მიწის აღმოჩენის შესახებ, რომელსაც კაპიტანმა ტატარინოვმა „მარიამის მიწა“ უწოდა.

ვიყიდე „საბჭოთა არქტიკის“ ეს ნომერი—მით უმეტეს, რომ წერილში მითითებული იყო ამ ავტორის სხვა წერილებზე ამავე საკითხის შესახებ, — და სასტუმროში დაებრუნდი.

არ შეიძლება ითქვას, რომ კარგ გუნებაზე დაებრუნდი! რატომ
ლაც მეგონა, რაკი ეს სიცრუე დაბეჭდილია და რაკი დიდი ხანია
რაც დაიბეჭდა—წელიწადზე მეტია,—მაშ, ყველაფერი გათავებუ-
ლია! დაგვიანებულია მის წინააღმდეგ გამოსვლა და არც არავინ
მომისმენს. დამასწრო. ეს სიცრუე იყო, მაგრამ სიცრუე—გადახ-
ლართული სიმართლესთან. მან პირველმა თქვა „წმ. მარიაჰის“
ექსპედიციის მნიშვნელობაზე. პირველმა აღნიშნა, რომ ჩრდილოე-
თის მიწა კაპიტანმა ტატარინოვმა აღმოაჩინა ნახევარი წლით-
ადრე, ვიდრე ვილკიცკი აღმოაჩენდა,—რასაკვირველია, ეს მან კაპი-
ტანის წერილიდან ამოიღო, რომელიც კატიას გადავეცი. ყველა-
ფერში დამასწრო.

ჩემ ნომერში ბოლთასა ვცემდი და ვუსტვენდი.

სიმართლე გითხრათ, ყველაზე მეტად მსურდა, ვაგზალში წაე-
სულიყავი და ამელო ბილეთი მოსკოვი-კრასნოიარსკი, იქიდან კი-
თვითმფრინავით ზაპოლარიემდე. მაგრამ მე ვაგზალზე არ წავსულ-
ვარ,—პირიქით, მოხსენებით ბარათს ჩავუჯექი. მთელი დღე ვწერ-
დი; და როდესაც მთელი დღე მუშაობ, ნაირნაირი სევდიანი ფიქ-
რები მოდიან, მაგრამ—რას იზამ, ბინა დაკავებულია და უკანვე-
ბრუნდებიან.

თავი გამოთხა

ბევრია ახალი

მე რომ შევედი, ივან პავლიჩი ჩაცუტკულიყო და ლუმელში-
ცეცხლს აჩაღებდა. ეს ისეთი ჩვეული სურათი იყო—ივან პავლიჩი
თავის ძველ სქელბუსუსებიან ფრენჩშია და ცეცხლს აჩაღებს.—
უცებ ისიც კი მომეჩვენა, რომ ამ წლებს თითქოს არც გაუვლია,
რომ მე წინანდებურად მოსწავლე ვარ და ახლაც, როგორც მეცხ-
რე კლასში, როდესაც კატიას გავყევი ენსკში, საშინელი „რისხვა“-
დამატყდება თავს. მაგრამ ის მოტრიალდა. „როგორ დაბერე-
ბულა“-მეთქი, გავიფიქრე და წამში ყველაფერი თავთავის ადგალ-
ზე დაბრუნდა.

— ძლივს,—საკმარად გაჯავრებით მითხრა კორაბლიოვმა.—
ჩემთან რატომ არ გაჩერდი ბინად?

— გმადლობთ, ივან პავლიჩ.

— აკი მწერდი, შენთან გავჩერდებო?

— რაც არ უნდა იყოს, მაინც შეგაწუხებდით.

მან შემომხედა, ერთი თვალიც კი მოკუტა, რომ თავით ფეხებამდე შევეფასებინე. ასე შეხედავს ხოლმე შემომქმედი თავის ნაკუთხედავს. ეტყობა, მაინც მოვეწონე, რადგან სიამოვნებით გადაისვა ულვაშზე ხელი და მითხრა დავმჯდარიყავი.

— გუშინ ვერ დაგათვალაიერე, როგორც წესი და რიგია,— მითხრა მან: — არ მეცალა..

სუფრა გაშალა, თახჩიდან პატარა ბოთლი გადმოიღო, პური დასჭრა, მერე ფანჯარაში გადგმული ხბოს ცივი ხორცი მოიტანა და ისიც დასჭრა. წინანდებურად მარტო ცხოვრობდა, მაგრამ ძველ ნესტიან ბინაში რაღაც უფრო მეტი მყუდროება და თითქოს ნესტიც ნაკლები იყო. არ მომეწონა მხოლოდ, რომ, ვიდრე მე ვუამბობდი, ის პატარა ბოთლი ისე გამოსცალა, თითქმის არაფერი შეუტანებია. — ეს მეწყინა.

მე ვუთხარი, ახლა მხოლოდ მთავარს გიამბობთ-მეთქი, — მაგრამ განა მოგაგონდება ყველაზე მთავარი რა არის, როდესაც ამდენი წლის შემდეგ მახლობელ ადამიანს შეხედები? ივან პავლიჩი მეკითხებოდა ჩრდილოეთზე, საფრენოსნო მუშაობაზე და სულ მესაყვედურებოდა, ასე მოკლედ რად მიპასუხებო.

— ივან პავლიჩ, ჰვირფასო, რა გიამბობთ? მე ჯერ ხომ ბევრი არ მიფრენია. აი, ერთხელ კინალამ გავიყინე, გახსოვთ ექიმი, რომელიც მე მმკურნალობდა, სკოლიდან რომ გავიქეცი? სააედამყოფოშიაც იყავით ჩემთან...

— მახსოვს.

— ისიც ზაპოლარიეში ცხოვრობს. მე ის მოვნახე და ეს ერთადერთი ოჯახია, სადაც მე დავდივარ. ივან პავლიჩ, სხვათა შორის დაკვირვებული ვარ, რომ მე მთელი ჩემი სიცოცხლე სხვის ოჯახებს ვეკედლები. როდესაც პატარა ვიყავი, სკოვოროდნიკოვების ოჯახს მივეკედლე, გახსოვთ, გიამბოთ. მერე ტატარინოვებისას, ახლა ექიმის ოჯახს.

— დროა, ძმაო, უკვე შენი ოჯახი გაიჩინო, — სერიოზულად მითხრა კორაბლიოვმა.

— არა, ივან პავლიჩ.

— რატომ მერე?

— მე სამაგისო კაცი არა ვარ.

კორაბლიოვი გაჩუმდა. დაასხა, ჭიქები მივაჯახუნეთ და დავლიეთ. ისევ დაასხა. მერე ფრენჩი გაიხსნა — გრძელი საუბრისათვის მოემზადა.

— მომისმინე, სანია, გახსოვს, რა მითხარი, როდესაც მოსკოვიდან მიდიოდი: „ახლა ის დამრჩენია, გინდა მოგკედე, ოლონდუნდა დავამტკიცო, რომ მართალი ვარ“, როგორ არის საქმე? დამტკიცე?

ეს მოულოდნელი კითხვა იყო და მე მაშინვე არ მიპასუხნია, რასაკვირველია, მახსოვდა ჩვენი ლაპარაკი. მახსოვდა, როგორ მიყვიროდა კორაბლიოვი: „ეს რა ჩაიდინე, სანია! ღმერთო ჩემო, ეს რა ჩაიდინე!“ როგორა ტიროდა და მეუბნებოდა, რომ ყველაფერში შენა ხარ დამნაშავე, რადგან შენ დაბეჯითებით ამბობდი, რომ კაპიტანის წერილში ლაპარაკი ნიკოლაი ანტონიზეა. სინამდვილეში კი ლაპარაკი თურმევილაც ფონ ვიშიმირსკიზე ყოფილაო.

კორაბლიოვის აღვილას მე ამ საუბარს არ მოვიგონებდი. მაგრამ იმას, ეტყობა, ძალიან უნდოდა, რომ მე ეს გამხსენებოდა. სერიოზულად მიყურებდა და, მგონი, გულის სიღრმეში რაღაც იღუბალ კმაყოფილებას გრძნობდა.

— არ ვიცი, ვისთვის არის საჭირო, რომ მე რაღაც ვამტკიცო,— ვუპასუხე მოლუშულმა.— არა მგონია, ეს ვინმეს ესაჭიროებოდეს.

— აი სწორედ ამაში სცდები, სანია,— მითხრა კორაბლიოვმა.— ეს ძალიან საჭიროა შენთვისაც, ჩემთვისაც და კიდევ ერთი ადამიანისათვისაც. მით უმეტეს, რომ შენ მართალი აღმოჩნდი.

პირდაღებული ვუყურებდი. ხუთი წელი გავიდა ჩვენი ლაპარაკის შემდეგ. ახლა ყველაზე მეტი მე ვიცოდი ქვეყანაზე კაპიტან-ტატარინოვის ექსპედიციის შესახებ, მე მოვძებნე და წავიკითხე შტურმანის დღიურები— და ეს ყველაზე მძიმე შრომა იყო ჩემს ცხოვრებაში. მაგრამ ბედმა გამიღიმა: მე შევხვდი მოხუც ნენეცს, ადამიანს, რომელმაც უკანასკნელად ნახა თავისი თვალით ამ ექსპედიციის მარხილი და მარხილზე მიცვალებული,— შესაძლებელია თვით კაპიტანი. მე კი ვერავეითარი საბუთი ვერ ვიპოვე, რათა ჩემი სიმართლე დამემტკიცებინა.

ახლა კი, როდესაც მოსკოვში დავბრუნდი და ჩემს ძველ მასწავლებელთან შევიარე, რომელსაც, ასე მეგონა, დიდი ხანია დავიწყებული ჰქონდა ეს ისტორია, ახლა იგი მეუბნება: „შენ მართალი აღმოჩნდიო“.

— ივან პავლიჩ,— დავიწყე არცთუ ისე მტკიცე ხმით, — თქვენ მაინც არ უნდა ამბობდეთ ამას, თუ თქვენ არა გაქვთ...

მინდოდა მეთქვა: „უცილობელი საბუთები“, მაგრამ მან შემა-

ჩერა. თითქოს დარეკეს. კორაბლიოვმა შეწუხებულმა ტუჩი ჩაიკვნიტა, მიიხედ-მოიხედა და მხარში ხელი მოჰკიდა.

— იცი რა, სანია... ერთ აღამიანს უნდა მოველაპარაკო,— მითხრა მან,— შენ კი ცოტა ხანს აქ იჯექი.

და კარების მაგივრად დაგლეჯილ მწვანე ფარდაჩამოფარებულ გვერდით ოთახში გამიყვანა, რომელიც წიგნებით სავსე დიდ კარადას მოგაგონებდათ.

— მოისმინე. შენთვის ეს სასარგებლოა.

დამავიწყდა, რომ ივან პავლიჩი ამ საღამოთი თავიდანვე რაღაც უცნაური მომეჩვენა. რამდენჯერმე ხზადაბლა სტვენა დაიწყო. თავზე ხელები შემოეწყო და ბოლთასა სცემდა. ბოლოს მსხლის ყუნწი შეჰპამა, რომლითაც კბილებს იჩიჩქნიდა. ახლა კი, როდესაც „კარადაში“ შემსვა, სწრაფად შეინახა არაყი, რაღაც ამოიღო საწერი მაგიდიდან, ცოტა შეჰპამა და ფართოდ გაღებულ პირით დაიწყო სუნთქვა, შემდეგ კარების გასაღებად წავიდა.

როგორა გგონიათ, ვისთან ერთად შემობრუნდა? ნინა კაპიტონოვნასთან ერთად! ნინა კაპიტონოვნა იყო—წელში მოხრილი, უფრო მეტად გამხდარი, ბებრული ჩრდილით თვალების ირგვლივ, თავის განუყრელ უსახელოებო ხავერდის ჩასაცემელში.

რაღაცას ამბობდა, მაგრამ მე არ ვუსმენდი. მე შეეცქეროდი, როგორი მზრუნველობით სვამდა სკამზე ივან პავლიჩი სტუმარს. ის იყო ჩაის დასხმა დააპირა, მაგრამ ნინა კაპიტონოვნამ შეაჩერა.

— არ მინდა. ეს არის ახლა დავლიე. რასა იქო, როგორა ხართ?

— რაღაც უქეიფოდა ვარ, ნინა კაპიტონოვნა,— უთხრა კორაბლიოვმა.— ბექები მტეხავს.

— რაო? დაბერდით! მოიგონებთ რაღაცას! ბექები მტეხავს! უნდა ბომბანგიეთი დაიზილოთ და გაივლის.

— როგორ, როგორა თქეით? ბომბანგიე?

— ბომბანგიე. მალამოა ისეთი. არაყსა სვამთ?

— გეფიცებით, არა ვსვამ,— უთხრა კორაბლიოვმა,— თავი დავანებე. იშვიათად ერთ პატარა ჭიქას თუ დავლევე სადილის წინ. მაგრამ მაგას ექიმებიც კი ურჩევენ.

— არა, სვამთ. აი ჩემს ახალგაზრდობაში ხუტორებში ვცხოვრობდით. მამაჩემი ხომ ყაზახი იყო. ზოგჯერ ისე მოვიდოდა, რომ ფეხზე ვეღარ იდგა, თან ამბობდა: „ეს არაფერია, ნამდვილი სიკვდილი—ეს ყოველდღე სადილის წინ თითო პატარა ჭიქის დაღევააო“.

კორაბლიოვს გაეცინა, ნინა კაპიტონოვნამ შეხედა და იმანაც სიცილი დაიწყო.

მერე ვილაც ლოთ გრაფინიაზე უამბო, რომელიც „დილიდანვე, გაიღვიძებდა თუ არა, ერთ ჭიქა არაყს გადაბუხავდა და დადიოდა გაყვითლებული, სახეშეშუპებული, თავშიშველი. გაივლის-გამოივლის და გადაჰკრავს. დილით კიდევ ფხიზელია, სადილობა მოვა და ბარბაცებს, სალამოთი კი—სახლი სტუმრებით არის სავსე. მშვენიერად აცვია, როიალს მიუჯდება და მღერის. თან კეთილია! ყველანი მასთან მიდიოდნენ. რამე გაუჭირდებოდათ თუ არა, ხელად გრაფინიას მიაშურებდნენ! მშვენიერი ადამიანი იყო! მაგრამ ლოთი!“

მგონი, კორაბლიოვს მაინცდამაინც არ მოსწონებია ეს მაგალითი; იმიტომ რომ შეეცადა ლაპარაკი სხვა თემაზე გადაეტანა. და ჰკითხა, კატია როგორ არისო.

ნინა კაპიტონოვნამ ნელა ჩაიქნია ხელი.

— სულ ვჩხუბობთ,—თქვა და ამოიოხრა,—ძალიან თავმოყვარეა. ერთ საქმეს არ დაამთავრებს, მეორეს ჰკიდებს ხელს. იმიტომაცაა ასეთი ნერვიული.

— ნერვიული?

— ნერვიული და ამაყი. თან სულ სდუმს.—თქვა ნინა კაპიტონოვნამ.—ეჰ, მდუმარე ხალხის მეტი რა მინახავს. რალაც ჭკუაში არ მომდის, რომ ერთთავად სდუმს. რა პირი მოგიკუმია, თქვი, რა გაწუხებს! არა, არ ამბობს.

— ჰკითხეთ, ნინა კაპიტონოვნა.

— არ მეტყვის. მე თვითონ ეგეთი ვარ. ჩემ სიცოცხლეში არ ვიტყვი.

— ერთხელ შემხვდა და მომეჩვენა. თითქოს არა უშავს რა,—თქვა კორაბლიოვმა.—თეატრში მიდიოდა მარტო, ეს კი გამიკვირდა, მაგრამ საკმაოდ მზიარული იყო და, სხვათა შორის, მითხრა, გეოლოგიური ინსტიტუტი ორ ოთახს მაძლევსო.

— სთავაზობდნენ. მაგრამ არ გადავიდა.

— რატომ?

— ის ეცოდება.

— ეცოდება?—ხელშეორედ შეეკითხა კორაბლიოვი.

— ეცოდება, დედის ხსოვნის პატივისცემითაც ეცოდება და ისეც. ის კი უიმიოდ... მოვა თუ არა, მაშინვე: „კატია სად არის? დარეკა?“

მაშინვე მივხვდი, „ის“ ვინ იყო: ნიკოლაი ანტონიჩი.

— ჰოდა, არ გადავიდა, სულ ვილაცას ელის!

ნინა კაპიტონოვნა სხვა სავარძელზე გადაჯდა, უფრო ახლო მიუჯდა კორაბლიოვს.

— ერთხელ წერილი წავიკითხე, — ეშმაკური ჩურჩულით დაიწყო და მიიხედ-მოიხედა, თითქოს კატიას შეედლო მისი დანახვა, — ეტყობა, ენსკში დამეგობრდნენ, არდადეგებზე რომ იყო კატია. იმისი და სწერს, „ყოველ წერილში თხოვნით მომბაბეზრა თავი: სად არის კატია, როგორ არის, ყველაფერს მივცემდი, ოღონდ ის შენახაო. მას უშენოდ სიცოცხლე არ შეუძლია და მე არ მესმის თქვენი უმიზეზო დაუბრებაო“.

— შაპატიეთ, ნინა კაპიტონოვნა, ვერ გავიგე, ვისი და?

— ვისი? იმისი. თქვენის.

კორაბლიოვმა თავისდაუნებურად ჩემკენ გამოიხედა და მე ფარდის გამოხეულ ნახვრეტში კორაბლიოვის თვალებს შეეხვდი. ჩემი და? სანია?

— მერე რა, ალბათ ვერაეც არის, — თქვა კორაბლიოვმა, — ალბათ, მართლაც არ შეუძლია უიმისოდ სიცოცხლე. რა მოხდა მერე.

— „თხოვნით თავი მომბაბეზრაო, — გამოთქმით გაიმეორა ნინა კაპიტონოვნამ, — უშენოდ სიცოცხლე არ შეუძლიანო“. აი, თურმე ჯაქმე როგორ არის. კატიას კი უიმისოდ არ შეუძლია.

კორაბლიოვმა კვლავ ჩემკენ გამოიხედა.

მომეჩვენა, რომ უღვაშებში ელიმებოდა.

— ჰოდა, სხვაზე გათხოვებას კი აპირებს?

— არ აპირებს. მაგისთანები არ მოსწონს. — სწორედ ასე თქვა. — არ უნდა, იმ რომაშოვს მისთხოვდეს, არც მე მინდა ის ხუცესის მოღამა.

— როგორ ხუცესის?

— მღვდლის შვილია, ტყუილების გულაა. რაც არ უნდა უთხრა, მაშინვე წაუმატებს, მაგისთანები მეჯავრებიან. თან უნამუსოც არის.

— კარგით ერთი, ნინა კაპიტონოვნა! რასა ბრძანებთ!

— უნამუსოა! ორმოცი მანეთი გამომართვა. ვითომ საჩუქრისათვის, — აღარც მოუცია. მე, რასაკვირველია, არ გამიხსენებია. თან ყველაფერში ცხვირსა ჰყოფს. ღმერთო ჩემო! ბებერი არ ვიყო...

და მწარედ ხელი ჩაიქნია.

ახლა წარმოიდგინეთ, რას განვიცდიდი, ამ ლაპარაკს რომ ვუს-

მენდი! ვუყურებდი მოხუც ფარდის ქუქრუტანიდან და ეს ქუქრუტანა, თითქოს ობიექტივი იყო, რომელშიც ყველაფერს, რაც ჩემსა და კატიას შორის მოხდა, რაც წუთი გადიოდა, სულ უფრო მკაფიოდ ვხედავდი, თითქოს ფოკუსში ექცეოდა. ყველაფერი მოახლოვდა და თავის ადგილას ჩადგა. ყველაფერი ეს იმდენი იყო— და იმდენი რამ კარგი, რომ გულმა რალაცნაირად ფრთხილი დამიწყო და მივხვდი, რომ ძალიან ვლელავ. მხოლოდ ერთი რამ იყო სრულიად გაუგებარი: მე არასოდეს „თავი არ მომიბეზრებია“ ჩემი დისტოვის თხოვნით და არასოდეს არ მიმიწერია, რომ „უკატიოდ სიცოცხლე არ შემიძლია-მეთქი“.

„სანკამ მოიგონა ყველაფერი,—ვთქვი ჩემთვის.—ის ტყუილებს ეუბნებოდა და ყველაფერი კი სიმართლე იყო“.

ნინა კაპიტონოვნა კვლავ განაგრძობდა ლაპარაკს, მაგრამ მე უკვე აღარ ვუსმენდი. იმდენად გავერთე ფიქრებში, რომ სიარული დავიწყე ჩემ „კარადაში“ და გონს მხოლოდ მაშინ მოვედი, როდესაც კორაბლიოვის მკაცრი ჩახველება გავიგონე.

ასე ვიჯექი „კარადაში“, ვიდრე ნინა კაპიტონოვნა წავიდოდა. არ ვიცი, რისთვის მოვიდა, ალბათ, უბრალოდ დარღების გასაქარვებლად. გამომშვიდობებისას კორაბლიოვმა ხელზე აკოცა, იმანკი—შუბლზე. ისინი წინათაც ყოველთვის ასე ეთხოვებოდნენ ერთმანეთს.

ფიქრებში წავედი, არც გამიგონია, კორაბლიოვი როგორ დაბრუნდა, უეცრად თავზე დამადგა და ფარდის შუა მისი ცხვირი და უღვაშები დავინახე.

— ცოცხალი ხარ?

— ცოცხალი ვარ, ივან პავლიჩ.

— რას იტყვი?

— რა უნდა ვთქვა, საშინელი და გამოუსწორებელი ბრიყვი ვარ,—ვუპასუხე და თავში ხელი შემოვირტყი.—როგორ ველაპარაკებოდი! ოჰ, როგორ ველაპარაკებოდი. როგორ ვერ მივხვდი ვერაფერს! რატომ არაფერი ვუთხარი, ის კი ელოდა, რომ რამეს ვეტყვოდი! რასა გრძნობდა, ივან პავლიჩ! რასა ფიქრობს ახლა ჩემზე.

— არაფერია, რასაც ფიქრობს, გადაიფიქრებს.

— არა, არასოდეს! იცით, რა ვუთხარი: მე მუდამ გაგაგებინებ-მეთქი საქმის ვითარებას.

კორაბლიოვს გაეცინა.

— ივან პავლიჩ!

— შენ ხომ იწერებოდდი, უიმისოდ სიცოცხლე არ შემიძლიანო.

— არ მიმიწერია!—ვუთხარი სასოწარკვეთილებით შეპყრობილმა.—ეგ სანკამ მოიგონა. მაგრამ ეგ სიმართლეა, ივან პავლიჩ, ეგ სიმართლეა. უიმისოდ სიცოცხლე არ შემიძლია და ჩვენ მართლაც უმიზეზოდ გავიბუტეთ. მეგონა, უკვე დიდი ხანია აღარ ვუყვარვარ-მეთქი. მაგრამ ახლა რა ვქნა, რა ვქნა?

— იცი რა, სანია, ცხრა საათისათვის საქმეზე უნდა შევხედო ერთ ადამიანს.—მითხრა მან,—ისე რომ შენ...

— კეთილი, მე ახლავე წავალ. ნეტა შეიძლება ახლა კატიასთან შევიარო?

— ის გამოგადგებს და სავსებით სწორიც იქნება.

— გამომაგდოს,—ვუთხარი და უეცრად ვაკოცე, —ჯანდაბა ჩემთვის, არ მესმის, რა ვქნა ახლა? თქვენ როგორა ფიქრობთ?

— ახლა ტანისამოსი უნდა გამოვიცვალო,—მითხრა კორაბლიოვმა და „კარადაში“ გავიდა,—შენ კი, შენ, ჩემი აზრით, გონს უნდა მოხვიდე.

ვხედავდი, როგორ გაიხადა ფრენჩი, აიწია რბილი პერანგის საყელო და ყელსახვევის შეკვრა დაიწყო.

— ივან პავლიჩ,—უეცრად დავიყვირე.—მოითმინეთ! სულ არ გადამაფიწყდა! თქვენ თქვით, რომ მე მაშინ მართალი ვიყავი როდესაც ჩვენ ვდავობდით, თუ ვის შესახებ იყო ლაპარაკი კაპიტანის წერილში.

— დიახ.

— ივან პავლიჩ!

კორაბლიოვი „კარადიდან“ გამოვიდა თმადვარცხნილი, რუხი ფერის ახალ ტანსაცმელში გამოწყობილი, ჯერ ისევ ახალგაზრდა, წარმოსადეგი.

— ახლა ჩვენ თეატრში წავალთ,—მითხრა სერიოზულად,—და შენ ყველაფერს გაიგებ. შენ ასეთი ამოცანა გექნება: უნდა იჯდე ჩუმად და ისმინო, გესმის?

— არათფერი არ მესმის. წავიდე.

თავი მხუთთა

თ ე ა ტ რ შ ი

მოსკოვის დრამატიული თეატრი! გრიშა ფაბერის მიხედვით თუ იმსჯელებდით, შეიძლებოდა წარმოგედგინათ, რომ ეს დიდი,

წამდვილი თეატრია, რომლის ყველა აქტიორს გრიშასავით ჩინებულ-
ლი თეთრი გეტრები აცვია და გრიშასავით ხმამაღლა და კარგად
მეტყველებს: მოსკოვის სამხატვრო აკადემიური თეატრის მაგვარი.
მაგრამ აღმოჩნდა, რომ ეს პატარა თეატრი იყო რომელიღაც შე-
სახვევში სრეტენკაზე.

როგორც ამას შესავალთან განათებული რეკლამა გვამცნობ-
და, გადიოდა სპექტაკლი „მგლის ბილიკი“, აქტიორთა გვარებში
პაშინევი ვიპოვეთ გრიშა. იგი ექიმს თამაშობდა „ექიმი—გ. ფაბე-
რი“. ეს როლი რატომღაც სულ ბოლოში ეწერა.

გრიშა ვესტიბიულში შეგვხვდა, ისეთივე ბრწყინვალე, როგორც
ყოველთვის, და დაუყოვნებლივ თავის ტუალეტში მიგვიწვია.

— იმას მაშინ დაფუძახებ, მეორე მოქმედება რომ დაიწყება, —
წასჩურჩულა კორაბლიოვს.

ვის „იმას“ დაუძახებს? კორაბლიოვს შეეხედე, მაგრამ სწორედ
ამ დროს თავის გრძელ მუნდშტუკში პაპიროსს ასწორებდა და
ისეთი სახე მიიღო, თითქოს არც შეუმჩნევია, რომ შეეხედე.

გრიშას ტუალეტში კიდევ სამი მსახიობი იჯდა და იმათაც
რატომღაც ისე ექირათ თავი, თითქოს საკუთარ ტუალეტში იყვნენ.
მაგრამ, ჩვენ რომ შევედით, მორიდებულად გავიღვენ და მაშინ
პოიხადა ბოდიში გრიშამ ბინის გამო.

— ჩემს ტუალეტში ახლა რემონტია, — გვითხრა მან.

ჩვენი სკოლის თეატრზე დავიწყეთ ლაპარაკი, მოვიგონეთ ტრა-
გედია „დადგა ქამი“, რომელშიაც გრიშა ოდესღაც ებრაელ შვი-
ლობილსა თამაშობდა, და მე ვუთხარი, ჩემი იზრით, შენ პირდა-
პირ ჩინებულად ასრულებდი-მეთქი ამ როლს. გრიშას გაეცინა და
უცებ გაჭქრა მისი ქედმაღლობა.

— სანკა, ვერ გამიგია, შენ ხომ მაშინ ხატავდი, — მითხრა მან,
— რა მოხდა, რომ უეცრად ცაში დაიწყე ფრენა? ჩვენს თეატრში
იარე, ფრენა რა ეშმაკად გინდა! მხატვარს გამოგიყვანთ! რა, ცუდი
იქნება?

მე თანხმობა ვუთხარი. მერე გრიშამ ერთხელ კიდევ მოიხადა
ბოდიში — მალე სცენაზე უნდა გავიდე და გრიშის გამკეთებელი
პიცდისო, და გავიდა. ჩვენ მარტონი დავრჩით.

— ივან პავლიჩ, ძვირფასო, ბოლოს და ბოლოს ამიხსენით, რა
ხდება? აქ რად მომიყვანეთ? ვინ არის „ის“, ვინ უნდა გამაცნოთ?

— მერე შენ სისულელეებს არ ჩაიდენ?

— ივან პავლიჩ!

— ერთი სისულელე უკვე ჩაიდინე,— მითხრა კორაბლიოვმა, — ერთი კი არა, ორიც. ჯერ ერთი, ჩემთან არ ჩამოხვედი. მეორე ის, რომ კატიას უთხარი: მე შენ საქმის ვითარებას გაგაცნობ ხოლმეო.

— ივან პავლიჩ, მე ხომ არაფერი ვიცოდი! თქვენ უბრალოდ მწერდით: ჩემთან ჩამოდით, და მე აზრადაც არ მომსვლია, რომ ეს ასე მნიშვნელოვანი იყო. მიუხარით, ვის უკლით აქ? ვინ არის ის ადამიანი და რად გინდათ, რომ მე ვნახო იგი?

— მაშ კეთილი, — მითხრა კორაბლიოვმა. — მხოლოდ გახსოვდეს პირობა: ჩემად უნდა იჯდე. ეს ფონ ვიშიმირსკია.

თქვენ იცით, რომ ჩვენ გრიშას ტუალეტში ვისხედით, მოსკოვის დრამატიულ თეატრში. მაგრამ ამ წუთში ასე მეგონა, ყველაფერი ეს ტუალეტში კი არა, სცენაზე ხდებოდა, რადგანაც ის იყო დაამთავრა ივან პავლიჩმა ეს სიტყვები, რომ ოთახში წაქუშული, რათა კარებისათვის თავი არ აღეკრა, ფონ ვიშიმირსკი შემოვიდა.

მაშინვე მივხვდი, ვინც იყო. თუმცა აქამდის აზრადაც არ მომსვლია, რომ ეს ადამიანი არსებობდა ქვეყანაზე. მე ყოველთვის მეგონა, რომ ნიკოლაი ანტონიჩმა გამოიგონა ფონ ვიშიმირსკი, რათა მისთვის გადაებრალეებინა მთელი ჩემს მიერ წაყენებული ბრალდებები. ეს უბრალოდ რაღაც გვარი იყო და ახლა კი უეცრად თვალწინ განომეცხადა ხმელ-ხნელი, მალალი ტანის, ბეჭებში მოსრილი, ჩაყვითლებულ, ქაღარაულეაშიანი მოხუცი. ახლა, ცხადია, ის უბრალოდ ვიშიმირსკი იყო და არა ვინმე „ფონი“. პრიალალილებიანი ფორმის ქურთუკი ეცვა — მეგარდერობე! — თავზე ქაღარა ქოჩორი; ლაბაბის მაგივრად გრძელი დანაოქებული ტყავი ეკიდა.

კორაბლიოვი მიესალმა. ვიშიმირსკიმ თავასუფლად, შემწყალედაც კი გაუწოდა ხელი.

— აი, ვინ მიცდის თურმე, ამხანაგი კორაბლიოვი. — თქვა მან. — ისიც მარტო კი არა, ვაჟიშვილით. თქვენი ვაჟია? — მკვირცხლად იკითხა და მკვირცხლადვე შემოგვხედა მე და კორაბლიოვს.

— არა, შვილი არ არის, ჩემი ყოფილი მოსწავლეა. ახლა კი მფრინავია და თქვენი გაცნობა სურს.

— მფრინავი? და ჩემი გაცნობა სურს? — თქვა ვიშიმირსკიმ და თან უსიამოვნოდ გაეღიმა. — მერე რითი დააინტერესა მფრინავი ჩემმა პერსონამ.

— თქვენი პერსონა იმ მხრივ აინტერესებს, — უთხრა კორაბ-

ლიოვმა,—რომ ეს კაპიტანი ტატარინოვის ექსპედიციის ისტორიას სწერს, ხოლო თქვენ, ცნობილია, ყველაზე ცხოველ მონაწილეობას იღებდით ამ ექსპედიციაში.

მგონი, ეს შენიშვნა დიდად არ ეპიტნავა ვიშიმირსკის. კვლავ კვირცხლად შემომხედა და მის ბებრულ გაწყალებულ თვალებში რაღაცამ გაიელვა—შიშმა? ეჭვმა?—არ ვიცი.

თუმცა მაშინვე გაიბღინდა და მოგვაყარა და მოგვაყარა სხაპასხუთით. კორაბლიოვს წამდაუწუმ „ამხანაგო კორაბლიოვო“ მიმართავდა და მომბებზრებლად ტრაბახობდა. განაცხადა, რომ ის დიადი, ისტორიული ექსპედიცია იყო და, რომ მან ბევრი შრომა გასწია, ძალიან ბევრი, „რათა ყველაფერი ჩინებულად ყოფილიყო“. თან ერთ ადგილზე ვერა ჩერდებოდა—წამდაუწუმ ღვებოდა, ხელებს არ ასვენებდა, მარცხენა ულვაშს ეცემოდა—ქვემოთ ეწეოდა და რა ვიცი...

— მაგრამ ეს დიდი ხნის ამბავია,—თქვა ბოლოს, თითქოს გაუკვირდაო.

— არა, არც ისე დიდი ხნის,—თქვა კორაბლიოვმა.—რევოლუციამდე ცოტა ადრე მოხდა.

— დიახ. ცოტათი ადრე, მაშინ მე ინვალიდთა არტელში არა ვმსახურობდი. მაგრამ ეს დროებითი სამსახურია, რადგანაც მე დიდი დამსახურება მაქვს. ჩვენ მაშინ ბევრსა ვშრომობდით, ეს დიდი შრომა იყო.

მინდოდა მეკითხა, მაინც რაში მდგომარეობდა თქვენი შრომამეთქი, მაგრამ კორაბლიოვმა მშვიდი, თითქმის არაფრის გამოშეტყველი თვალებით შემომხედა და მე მორჩილად მოვკუმე პირი.

— ნიკოლაი ივანიჩ, თქვენ როგორღაც მიაშვებთ ამ ექსპედიციის შესახებ,—მიმართა მან.—მახსოვს, რაღაც წერილები და ქაღალდები გაქვთ შენახული. ერთი რამ მინდა გთხოვოთ: გაუმეორეთ თქვენი ნაამბობი აი ამ ახალგაზრდას, რომელსაც, უბრალოდ, სანია შეგიძლიათ უწოდოთ! უთხარით დღე და საათი, რა დროს მოვიდეს, და მისამართი დაუტოვეთ.

— დიდი სიამოვნებით! ძალიან მოხარული ვიქნები! გთხოვთ ჩემთან მობრძანდეთ, თუმც ბინის გამო წინასწარ ვიხლი ბოდიშს. წინათ თერთმეტოთახიანი ბინა მქონდა და ამას არა ვფარავ, პირიქით, ანკეტაში ვწერ, რადგანაც ხალხს ბევრი სარგებლობა მოვუტანე. ბევრი ვიჩალიჩე პერსონალური პენსიისათვის და მომცემენ კიდევ: დიდი დამსახურებანი მაქვს. ეს ექსპედიცია მხოლოდ წვეთია ზღვაში! მე ხილი ავაშენე ვოლგაზე.

და კვლავ მოგვაყარა. თავისი ქალარა ქოჩრით იგი ბებერ, ნაწამებ ჩიტსა ჰგავდა.

მერე გრიშას ტულეტში ელნათურა ერთი წამით ჩაქრა,— მოქმედება დამთავრდა!—და ეს წარსული საუკუნის მოჩვენება ისევე უფერად გაჰქრა, როგორც გამოგვეცხადა.

მთელი ეს ლაპარაკი ხუთიოდე წუთს გრძელდებოდა, მაგრამ მე მომეჩვენა, რომ ძალიან დიდხანს გავრძელდა, როგორც სიზმარში ხდება ხოლმე. კორაბლიოვმა შემომხედა და გაეცინა. ალბათ, სულელური გამომეტყველება მქონდა.

— ივან პავლიჩ!

— რა, ჩემო კარგო?

— ეს ის არის?

— ის არის.

— განა შესაძლებელია?

— შესაძლებელია.

— სწორედ ის არის?

— სწორედ ის.

— რა გიამბოთ? ნიკოლაი ანტონიჩს იცნობს? იმათთან დაიარება?

— ოჰ, არა,—თქვა კორაბლიოვმა.—აი სწორედ საქმეც ის არის, რომ არა.

— რატომ?

— იმიტომ, რომ ნიკოლაი ანტონიჩი სძულს.

— რატომ?

— სხვადასხვა ამბების გამო.

— მაინც რა გიამბოთ? საიდან გაჩნდა ის მინდობილობა ფონ ვიშიმირსკის სახელზე,—გახსოვთ, თქვენ რომ მითხარით.

— ჰო-ო! აი, საქმეც ეგ არის!—თქვა კორაბლიოვმა.—მინდობილობა! ის კანკალმა აიტანა, როდესაც მინდობილობაზე ვკითხე.

— ივან პავლიჩ, გთხოვთ, მიამბოთ ყველაფერი. თქვენა გგონიათ, სჯობდა, უკანასკნელ წუთში რომ მითხარით, ვიშიმირსკი მოვაო? მე დავიბენი და ალბათ გამოთაყვანებული ვინმე ვეგონე.

— პირიქით, ძალიან მოეწონე,—სერიოზულად მითხრა კორაბლიოვმა.—გასათხოვარი ქალი ჰყავს და ყველა ახალგაზრდა კაცს ერთი თვალსაზრისით უყურებს: გამოადგება თუ არა სასიძოდ? შენ რასაკვირველია, გამოადგები: ახალგაზრდა ხარ, შესახედლობით არა გიჭირს რა, მფრინავი ხარ.

— ივან პავლიჩი!—საყვედურით ვუთხარი მე,—გეფიცებით, ვერა გცნობთ. ძალიან გამოცვლილხართ, ძალიან! იცით, რა მნიშვნელოვანია ყველაფერი ეს ჩემთვის, და მაინც დამცინით.

— კეთილი, სანია, ნუ გამიჯავრდები. ყველაფერს გიამბობ,— მითხრა კორაბლიოვმა.—ჯერ კი, მოდი, აქედან მოვეუსვათ, თორემ ახლა, გრიშა რომ ჩაგვიგდებს ხელში და სპექტაკლის საყურებლად რომ დაგვსვამს მოსკოვის დრამატიულ თეატრში, აბა, მაშინა ნახე...

მაგრამ გაპარვა ვერ მოვახერხეთ, ელნათურამ კიდევ ერთხელ ჩაგვიკრა თვალი და ტუალეტში აჩქარებული ნაბიჯით გრიშა შემოვიდა. წითელი ქილვაშით და გრძელი თეთრი ცხვირით ცირკის კლოუნს უფრო ჰგავდა, ვიდრე ექიმს, მაგრამ გამბედავი და კეთილშობილური გამომეტყველების კლოუნს. მე და ივან პავლიჩმა ვერ ვიცანით და, სამწუხაროდ, ივან პავლიჩის უკანასკნელი სიტყვები: „სპექტაკლის საყურებლად რომ დაგვსვამს მოსკოვის დრამატიულ თეატრშიო“, ექვს გარეშეა, გაიგონა. ეტყობა, გრიშამ საწყენი მაინც ვერაფერი ნახა ამ სიტყვებში. პირიქით, ალბათ, ისე მიიღო, როგორც ჩვენი მხურვალე სურვილი, დაუყოვნებლივ დარბაზში შევსულიყავით და, როგორც პიესა, ისე თვითონ ისიც ექიმის როლში გვენახა.

— არაფერია, ახლავე მოგიხერხებთ რამეს!—გვითხრა მან.

რალაც დახლართული გზით წაგვიყვანა. მე ვკითხე—ექიმისთვის ასეთი უცნაური გრიმი რათა გაქვს-მეთქი. მან გაბლენძით მიპასუხა.

— ასე მაქვს როლი გახსნილი.

მე ვერ მოვახერხე, მეპასუხა რამე.

ივან პავლიჩი, მგონი, დიდად არ აფასებდა გრიშას ნიქს, მე კი გულწრფელად მომწონდა იგი და მასში „ტალანტს“ ვხედავდი. ამ პიესაში ძალიან პატარა როლი ჰქონდა, რომელიც, ჩემის აზრით, ჩინებულად ჩაატარა. ავადმყოფისაგან რომ გამოვიდა, ჩაფიქრდა და საკმაოდ დიდხანს იდგა ავანსცენაზე. „ნერვებზე თამაშობდა“ და აიძულებდა მაყურებელს ეფიქრა, ნეტა რას იტყვის ახლავ. სამწუხაროდ, როლის მიხედვით, ისეთი რამის თქმა მოუხდა, რაც არც იმის მიხვრა-მოხვრას უხდებოდა და არც სახის გამბედავ გამომეტყველებას. ჩინებულად დაფიქრდა რეცეპტის გამოწერის დროს და ფულს რომ იღებდა, ისე უხერხულად გასწია ხელი, როგორც ნამდვილმა ექიმებმა იციან ხოლმე-

ოღონდ, ალბათ მაინც შეიძლება ასე ხმაშალა არ ელაპარაკა. საერთოდ კი როლი მშვენიერად შეასრულა და მე სერიოზულად ეუთხარი ივან პავლიჩს, გრიშა კარგი მსახიობი დადგება-მეთქი.

საესვებით ბუნებრივად გამოვიდა ისიც, რომ გასელის დროს ფული აიღო და სკამს მიეჯახა. მე და ივან პავლიჩს ამის შემდეგ სცენისაკენ აღარ გაგვიხედია.

სულ მინდოდა ვიშიმირსკიზე მელაპარაკა, მაგრამ ლოქაში პირი დავარე თუ არა, მაშინვე დაგვიტატანეს და მხოლოდ ამის კითხვა მოვასწარი:

— როგორ იპოვეთ?

და ივან პავლიჩმა მოასწრო ეპასუხა:

— როგორ და მისი ვაფი ჩვენ სკოლაში სწავლობს.

თავი მემკვიცნე

კვლავ ბეგრია ახალი

მე არაფერი გამეგებოდა თამასუქებისა, რადგანაც თვით ეს სიტყვა უკვე აღარ იყო ხმარებაში, როცა სწავლა დავიწყე. რა არის „სესხის ბარათი“, „გადასაცემი წანაწერი“, „პოლისი“?—არა პოლუსი, ეს ყველამ იცის, არამედ სწორედ „პოლისი“?—„დისკონტი“.—არა დისკანტი, არამედ „დისკონტი“.

ეს სიტყვები რომ შემხედებოდა წიგნებში, მეც არ ვიცი რატომ, მუდამ ენსკის „სათათბირო“ მაგონდებოდა. რკინის სკამები მაღალ-ქერიან ნახევრად ჩაბნელებულ დერეფანში. უხილავი მოხელე მოაჯირს უკან, რომელსაც დამცირობულად უკრავს თავს დედაჩემი. ეს იყო ძველი, დიდი ხნის დავიწყებული ცხოვრება და ის თანდათან კვლავ ცოცხლდებოდა ჩემ წინ, როდესაც ვიშიმირსკი თავის უბედურების ისტორიას მიაშობდა.

ჩვენ სარდაფის პატარა ოთახში ვისხედით, ფანჯრიდან, რაც ხანი იქ ვიყავი, ცოცხი და ფეხები მოჩანდა: ალბათ მეწვოვე იდგა იქ. ამ ოთახში ყველაფერი ძველი იყო—სკამები თითქოს არტახებით მიმაგრებული ფეხებით, სასადილო მაგიდას ნიდაყვი დავაყრდნე და მაშინვე ავიღე, რადგან ნაპირა ფიცარმა ჩამოვარდნა დააპირა. ყველაფერზე ჭუჭყიანი ავეჯის გადასაკრავი ქსოვილი იყო—ფანჯრებზე ფარდების მაგიერ, სავარძელზე დაგლეჯილი ქსოვილის ზემოდან და ეს ქსოვილივე ჰქონდა მიფარებული კედელზე ჩამოკიდულ კაბას. ოთახში ახალი იყო მხოლოდ პატარა

ფიცრები, კოჭები, მავთულის გორგლები, რითაც ვიშიმირსკის თორმეტიოდე წლის პირმრგვალი და მზემოკიდებული ვაეი თამაშობდა კუთხეში, თავის მაგიდასთან. თვით ეს ბიჭიც შორს იყო იმ სამყაროდან, რომელსაც „მე ბუნდოვნად ვიხსენებდი ახლა, როცა ვიშიმირსკის ნაამბობს ვისმენდი, მისი დისკონტებითა და თამასუქებით.

ეს იყო გრძელი, გაუთავებელი აბდაუბდა, ათასი მიკიბმოკიბული ამბები და სისულელე. ყველაფერს, რაც კი ცხოვრებაში გაეკეთებინა, დამსახურებად თვლიდა, რადგანაც „ყველაფერი ეს ხალხისათვის იყო, ხალხისათვის“. განსაკუთრებით ხაზს უსვამდა, რომ მდივნად ემსახურა მიტროპოლიტ ისიდორესთან,—მან გამოაცხადა, მშვენივრად ვიცნობ სასულიერო წოდების ცხოვრებას და საგანგებოდაც კი შევისწავლე იმ იმედით, რომ ეს „ხალხს გამოადგებოდა“. ყოველ წუთს მზად იყო ამ მიტროპოლიტის საქმეების გამოსააშკარავებლად.

რატომღაც დამსახურებად თვლიდა იმასაც, რომ ვილაც აღმირალ ჰეკერტთან ემსახურა. ამ აღმირალს ჰკუანაკლები შვილი ჰყოლოდა და ვიშიმირსკის თურმე ის რესტორანებში დაჰყავდა, რათა არავინ მიმხვდარიყო მის ჰკუანაკლებობას, რაკი „თვითონ ყველას უმაღლედნენ ამას“...

მაგრამ ძლივს ნიკოლაი ანტონიჩზე ჩამოაგდო ლაპარაკი და მე სმენად გადავიქცეი! დარწმუნებული ვიყავი, რომ ნიკოლაი ანტონიჩი ყოველთვის პედაგოგი იყო. ტიპური პედაგოგი! ის ხომ შინაც მუდამ ყველას ჰკუას ასწავლიდა, უხსნიდა, მაგალითები მოჰყავდა.

— სრულიადაც არა,— ბოროტად დაიღრიჯა ვიშიმირსკი,— ბოლოს გახდა პედაგოგი, როდესაც სხვა გზა აღარა ჰქონდა. იმას საქმეები ჰქონდა, ბირჟაზე თამაშობდა და საქმეებიცა ჰქონდა. მდიდარი კაცი იყო. ბირჟაზე თამაშობდა და ღიდ საქმეებსაც ჩარხავდა.

ეს პირველი ახალი ამბავი იყო. მას მოჰყვა მეორე. მე ვკითხე, რა კავშირია კაპიტან ტატარინოვის ექსპედიციასა და ბირჟის საქმეებს შორის? ნიკოლაი ანტონიჩმა რად მოჰკიდა ხელი ამ საქმეს? ეს ხელსაყრელი ხომ არ იყო იმისთვის მეთქი?

— კიდევ უფრო მეტი ხალისით მოჰკილებდა ხელს, ექსპედიცია რომ იმ ქვეყნად მიდენილიყო,—მომიგო ვიშიმირსკიმ.—ამისი იმედი ჰქონდა, ღიდი იმედი ჰქონდა და ასეც მოხდა!

— არ მესმის.

— ნიკოლაი ანტონიჩს იმისი ცოლი უყვარდა. ამაზე მაშინ ზევრსა ლაპარაკობდნენ. დიახ, ზევრსა ლაპარაკობდნენ, ძალიან ზევრს. დიდი მითქმა-მოთქმა იყო. მაგრამ კაპიტანს ექვიც არა ჰქონია. იგი მშვენიერი ადამიანი იყო, უბრალო და რა ბეჯითი პეშა, რა მშრომელი!

განცვიფრებული ვუსმენდი.

— მარია ვასილევნა უყვარდა? მაშინ?

— დიახ, დიახ, დიახ, —სულმოუთქმელად გაიმეორა ვიშიმირსკიმ, — აქ პირადი მიზეზები იყო. თქვენ გესმით, პირადი! პირადული, პირადული, პირადი. მზად იყო მთელი თავისი ქონება მიეცა, რათა კაპიტანი საიქიოს გაესტუმრებინა და გაისტუმრა კიდეც.

მაგრამ სიყვარული სიყვარულია, საქმე კი საქმეა. ნიკოლაი ანტონიჩმა თავისი ქონება კი არ გასცა, პირიქით გააორკეცა. მაგალითად, დამპალი ტანსაცმელი მიიღო ექსპედიციისათვის, რაშიც მიმწოდებელმა ქრთამი მისცა. წუნდებული შოკოლადი მიიღო, რომელსაც ნავთის სუნი ასლიოდა — იმაშიც ქრთამი აიღო.

— მაენებლობაა, მაენებლობა! — თქვა ვიშიმირსკიმ. — გეგმა! მევენებლური გეგმა!

თუმც ვიშიმირსკი წინათ, ალბათ, სხვა აზრისა იყო ამ გეგმის შესახებ, რადგანაც თვითონვე მიიღო მონაწილეობა მის შედგენაში. ნიკოლაი ანტონიჩმა არხანგელსკში გაგზავნა იგი ექსპედიციის შესახვედრად და მისი მოწყობილობის შესავსებად.

აი, აქ გაჩნდა სწორედ მინდობილობა, რომელიც ნიკოლაი ანტონიჩმა აჩვენა კორაბლიოვს. ამ მინდობილობასთან ერთად ვიშიმირსკის გადაეგზავნა ფული — თამასუქები და ფული...

გაჯავრებულმა მოხუცმა ქსიტინით კომოდიდან რამდენიმე თამასუქი ამოიღო. საერთოდ თამასუქი — ხელწერილი იყო ფულის მიღების შესახებ აღნიშნულ ვადაზე დაბრუნების ვალდებულებით. მაგრამ ეს ხელწერილი ძალიან სქელ, წყლის ნიშნებიან ღერბიან ქალღღზე იწერებოდა და ძალიან მდიდრული და სარწმუნო ჩანდა. ვიშიმირსკი მიხსნიდა, რომ ეს თამასუქები ფულის მაგივრად გადიოდაო. მაგრამ მაინც ფული არ იყო, რადგან „თამასუქის გამცემს“ შეეძლო თავი უეცრად გაკოტრებულად გამოეცხადებინა.

აქ შესაძლებელი იყო სხვადასხვა ყალთაბანდური კომბინაციები და ერთ მათგანში ვიშიმირსკი ნიკოლაი ანტონიჩს სდებდა ბრალს. სახელდობრ იმაში სდებდა ბრალს, რომ თამასუქები, რომლე-

ბიც ნიკოლაი ანტონიჩმა იმის სახელზე გადაგზავნა მინდობილობასთან ერთად, „უიმედო“ იყო. ესე იგი, ნიკოლაი ანტონიჩმა წინასწარ იცოდა, რომ „თამასუქის მიმცემნი“ უკვე, გაკოტრდნენ და ველარაფერს გადაიხდიდნენ. ვიშიმირსკიმ კი ეს არ იცოდა და თამასუქები ფულის მაგივრად მიიღო.—მით უმეტეს, რომ „თამასუქის მიმცემნი“ სხვადასხვა ვაჭრები და იმდროისათვის პატივსაცემი ხალხი იყო. ეს მან მხოლოდ მაშინ გაიგო, როდესაც ხომალდი გავიდა და ორმოცდარვა ათასი ვალი დასტოვა. ვალის დასაფარავად, რა თქმა უნდა, ამ „უიმედო თამასუქებს“ არავინ მიიღებდა.

ვიშიმირსკის თავის ჯიბიდან უნდა გადაეხადა ეს ვალები. მერე ხელმეორედ უნდა გადაეხადა, რადგანაც ნიკოლაი ანტონიჩმა სასამართლოში უჩივლა და სასამართლომ კი დაადგინა მთელი ფული, რომელიც ვიშიმირსკის სახელზე იყო გადაგზავნილი არხანგელსკში, ვიშიმირსკისთვის გადაეხდებინებინათ.

მე, რა თქმა უნდა, ძალიან მოკლედ გვიამბობთ ყველაფერს. მოხუცი ამას ორი საათი მიამბობდა, თან წამდაუწუმ დგებოდა და ჯდებოდა.

— სენატამდე ვიარე,—ბოლოს მრისხანედ თქვა მან.—მაგრამ უარი მითხრეს.

უარი უთხრეს და ყველაფერი ამით დამთავრდა,—მისი ქონება საჯაროდ გაიყიდა. სახლი—მას სახლი ჰქონდა—ისიც გაიყიდა და ახლა უფრო პატარა ბინაში გადავიდა. ცოლი დარდმა გადაიტანა და ორი მცირეწლოვანი შვილი დარჩა. მერე რევოლუცია დაიწყო და ამ მეორე, უფრო პატარა ბინიდან ერთი ოთახილა შერჩა, რომელშიც ახლა ცხოვრობდა. რასაკვირველია.— „ეს დროებითია“, რადგან „მთავრობა მალე დაათესებს ჩემს დამსახურებას ხალხის წინაშე.“ მაგრამ ჯერჯერობით მაინც აქაც ვცხოვრობ, მოსწრებული ქალი მყავს, ორი ენა იცის და უბინაობის გამო კი ვერა თხოვდება: ქმარი სად უნდა მოიყვანოს. აი პერსონალურ პენსიას მომცემენ და მაშინ გადავალ სადმე, თუნდაც დავრდომილთა სახლში,—თქვა მან და მწარედ ჩაიქნია ხელი.

როგორც ჩანს, ამ გასათხოვარ ქალს ძალიან უნდოდა გათხოვება და მამას სახლიდან აძევებდა.

— ნიკოლაი ივანიჩ, — ვუთხარი მე, — ნება მიბოძეთ, ერთი რაზმ გკითხოთ. თქვენ ამბობთ, რომ ეს მინდობილობა მან არხანგელსკში გამოგიგზავნათ. მაშ კვლავ იმასთან როგორღა მოხვდა?

ვიშიმირსკი ადგა. ნესტოები დაებერა და აღშფოთებისაგან ქოჩორი აუცანცარდა.

— ეგ მინდობილობა სახეში ვესროლე. — მითხრა მან. — ის წყლისათვის გაიქცა. მაგრამ წყლისათვის პირი არ დამიკარებია. წამოვედი და ქუჩაში გული შემიწუხდა. ეჰ, რა ვთქვა.

და კვლავ მწარედ ჩაიქნია ხელი.

გულდამძიმებული ვუსმენდი. ამ ამბავში იყო რაღაც ქუჩი, ისეთივე, როგორც ყველაფერში, და მე სულ ხელის დაბანა მინდოდა. მეჩვენებოდა, რომ ჩვენი ლაპარაკი ჩემი სიმართლის კიდევ ერთი დასაბუთება იქნებოდა, ისეთივე ახალი და გასაკვირველი, როგორც ამ ადამიანის უცარი გამოჩენა. ასეც გამოვიდა. მაგრამ ის მაწუხებდა, რომ ამ ახალ დასაბუთებას რაღაც ქუჩის დაღი ელო.

მერე ისევ პენსიაზე დაიწყო ლაპარაკი: „უსათუოდ უნდა მომცენ პერსონალური პენსია, რადგანაც მუშაობის ორმოცდახუთი წლის სტაჟი მაქვს“. ჩემთან უკვე იყო ერთი ახალგაზრდა ჯაცი, რომელმაც ქალაქლები წაიღო და სხვათა შორის იმანაც მკითხა ნიკოლაი ანტონიჩის ამბავი, მაგრამ მერე აღარ გამოჩენილაო.

— მპირდებოდა, პენსიას ვეცდებიო, — თქვა ვიშიმირსკიმ, — მერე კი აღარ გამოჩენილა.

— ნიკოლაი ანტონიჩის ამბავს გეკითხებოდან?

— დიახ, დიახ, სწორედ!

— ვინ იყო?

ვიშიმირსკიმ მხრები აიჩეჩა.

— რამდენჯერმე იყო. — თქვა მან. — გასათხოვარი ქალი მყავს, რომ იცით, ჩაისა სვამდნენ, მუსაიტობდნენ. ნაცნობობა, ნაცნობობა!

ლიმილმა თითქოს ოდნავ გადაურბინა სახეზე. ალბათ, ამ ნაცნობობასთან რაღაც იმედები იყო დაკავშირებული.

— დიახ, საინტერესოა, — ვთქვი მე. — ქალაქლები წაიღო?

— წაიღო პენსიისათვის.

— ნიკოლაი ანტონიჩის ამბავს გეკითხებოდან?

— დიახ, დიახ. ისიც მკითხა, კიდევ ხომ არავის იცნობო... შეიძლება სხვამაც ვინმემ იცის, რას აკეთებდა... ის ვაჟბატონიო! ის მე ერთ ადამიანთან გავეზაუნე.

— საინტერესოა. ვინ არის, რა კაცია?

— წარმოსადეგი, ვაჟკაცია! — თქვა ვიშიმირსკიმ, — მპირდებო-

და ვიჩალიჩებო, მითხრა, ყველაფერი ეს პენსიისათვის არ ის საჭირო, სწორედ პერსონალური პენსიისათვის.

მე ვკითხე გვარი, მაგრამ მოხუცმა ვერ მოიგონა.

— მგონი „შ“ ურეფია მის გვარში.— თქვა მან.

ბოლოს იმის გასათხოვარი ქალიც მოვიდა, რომელიც მართლა სასწრაფოდ უნდა გაეთხოვებინათ, მაგრამ ეს აღვილი საქმე როდი იყო, არა იმ მიზეზით, რომ „ქმარი საღ მოყვანა“. საქმე ის იყო, რომ ქალს ვეებერთელა ცხვირი ჰქონდა და რაღაც მტაცებელივით ქსიტინებდა. არ ვიცი, ეს ქრონიკული სურდოს ბრალი იყო თუ ცუდი ჩვევის. მაგრამ, როდესაც დავინახე, როგორ შეუბღვირა მამას, ხელად მივხვდი, ასე ძლიერ რად უნდოდა მოხუცს დავრდომილთა სახლში გადასვლა.

მე ძალიან გულთბილად მივესალმე ქალს, იგი საღდაც გაიქცა და სულ სხვანაირი დაბრუნდა: წელან რაღაც არაბული წამოსახამი ეცვა, ახლა კი ჩვეულებრივი კაბა.

ლაპარაკი გავებით ჯერ კორაბლიოვზე, — ის იყო ჩვენი ერთადერთი საერთო ნაცნობი, — შერე იმის მოსწაფეზე, რომელიც ისეთ თავისი კოქებით იყო გართული კუთხეში და ჩვენ ყურადღებასაც არ გვაქცევდა. სასიამოვნოდაც კი ვისაუბრებდით, ცხვირს რომ არ შეეშალა ხელი. მან განაცხადა, კინო არ მიყვარსო, რადგან კინოში ყველა ადამიანი რაღაც მკვდარივით ფერმკრთალიაო. მაგრამ ამ დროს მოხუცი ისევ შემოეჩხირა თავისი პენსიით.

— ნიუტოჩკა, რა გვარია ის ახალგაზრდა კაცი? — მორიდებულად ჰკითხა მან.

— რომელი ახალგაზრდა კაცი?

— აი პენსიას რომ დამპირდა, ვეცდებიო.

ნიუტოჩკა დაიღრჩია, ტუჩები აუთრთოლდა და უეცრად რაწდენიმე გრძნობა გამოეხატა სახეზე. უმთავრესად — აღშფოთება.

— არ მახსოვს, მგონი რომაშოვი, — უპასუხა მან დაუდევრად.

თავი მუშვილი

ჩვენ სტუმარი ბეჭავს

რომაშკა! რომაშკა დადიოდა მათთან! ის ჰპირდებოდა მოხუცს, პერსონალურ პენსიას მოგიხერხებო. ნიუტას ვარშიყებოდა, იმ ცხვირის პატრონს! საბოლოოდ რაღაც ქალღმერთი დასცინილა და დაიკარგა და მოხუცი კარგად ვერც კი იგონებდა, რა ქალა-

დები იყო. ჯერ ვინმე სხვა რომაშოვი მეგონა, მისი მოგვარე. არა, რომაშკა იყო. მე ის დაწვრილებით ავუწერე ნიუტას და მან მძულვარებით მითხრა:

— ის არის!

რომაშკა მას ეარშიყებოდა, ეს აშკარაა. მერე თავი დაანება. ნიუტაც იმიტომ ლანძღავდა ასე. ნობუტთან მოდიოდა და ყველაფერსა სცინცლავდა, რაც კი ნიკოლაი ანტონიჩის შესახებ იცოდა. ცნობებს აგროვებდა. რისთვის? რად გამოართვა ვიშიმირსკის ის ქალაღდები, საიდანაც, ყოველ შემთხვევაში, ერთი დასკვნის გამოტანა შეიძლებოდა, რომ რევოლუციამდე ნიკოლაი ანტონიჩი იყო არა პედაგოგი, არამედ კუჭყიანი ბირეის მოსაქმე.

ვიშიმირსკისაგან რომ ვბრუნდებოდი, თავბრუ მეხვეოდა. აქ შეიძლებოდა მხოლოდ ორი მოსახრება ყოფილიყო: ან იმიტომ, რომ წარსულის ყოველგვარი კვალი მოესპო, ან კიდევ იმიტომ, რომ ნიკოლაი ანტონიჩი ხელში ჩაეჭირა.

ხელში ჩაეჭირა? რისთვის? ის ხომ მისი ყველაზე თავდაღებუღი, ყველაზე ერთგული მოსწავლეა! ასე იყო ყოველთვის, ჯერ სკოლაშივე, როდესაც ჩუმაღ უღღებდა ყურს, რასა ლაპარაკობდნენ ბავშვები ნიკოლაი ანტონიჩზე, და მერე ამბავი მიჭქონდა. ეს დავაღებაა! ნიკოლაი ანტონიჩმა დაავალა, გამოერკვია ყველაფერი, რაც ვიშიმირსკიმ იცოდა მის შესახებ. რომაშკა მიუღზავნა იმ ქალაღდების გამოსართმევაღ, რომღებიც ავნებდნენ მას, როგორც საბჭოთა პედაგოგს.

კაფეში შევეღი და ნაყინი შევქამე. მერე წყალი დავღიე. ძალიან მცხეღოდა, ფიქრები არ მასვენებდა. სკოღის დამთავრების შემდეგ მაინც ხომ მრავალი წელი გაეღდა, რაც მე და რომაშკა ერთმანეთს დავშორღით. მაშინ ის არამზაღდა, უღუღო აღამიანი იყო. მაგრამ ნიკოლაი ანტონიჩთან გულწრფელად იყო შეთვესეღბული თუ ჩვენ გვეჩვენებოღა? ახლა მე არ ვიცნობღი მას. შესაძღოა გამოიცვალა? შესაძღოა ნიკოლაი ანტონიჩის დაუკითხავად, მხოლოდ იმის მიმართ კეთიღი განწყობიღების გამო უნღოღა ამ ქალაღდების მოსპობა, რომელთაც შეეძღოთ ჩრდიღი მიეყენებინათ მისი მასწავღების, მისი მეგობრის სახელისათვის.

მაგრამ ეს უკვე სისულელე გახღდათ და საკმარისი იყო გაღხსეღნებოღათ მისი უფერული სახე, მისი არაბუნებრივი მრგვაღი თვაღლები, რომ ნამღვიღი რომაშკა წარმოგეღგინათ.

კიდევ შევქამე ნაყინი, ხოღო მესამეღაც რომ მოვითხოვე, ნა-

ყინის მომტან ქალს გაეცინა. ალბათ მოეწონა, რომ ამდენ ნაყინსა ეჭამდი; სარკესთან მივიდა და თავსაფრის გასწორება დაიწყო.

არა, ის ხელსაც არ გაანძრევდა იმ ადამიანისათვის მხოლოდ კეთილი განწყობილებისა და სიყვარულის გამო. აქ სხვა რამ იმალებოდა. ამაში დარწმუნებული ვიყავი, მაგრამ ვერ მიემხვდარიყავი, რა მიზანი ჰქონდა. მე ვმსჯელობდი ნიკოლაი ანტონიჩისა და რომაშკას ძველი განწყობილების მიხედვით, ახლა როგორ იყვნენ ერთმანეთთან, ეგ მე არ ვიცოდი.

შესაძლებელია ეს რაიმე ძალიან უბრალო მიზანი ყოფილიყო, სამსახურში წინ წაწევასთან დაკავშირებული. ნიკოლაი ანტონიჩი ხომ პროფესორი იყო, რომაშკა კი—მისი ასისტენტი. შეიძლება ფულის საქმეც იყო—ტყუილად ხომ არ აუწითლდებოდა ხოლმე სკოლაში ყურები, როცა ფულზე ლაპარაკობდა. შეიძლება ჯამაგირიც, ეშმაკმა იცის იმისი თავი და ტანი!

ვალისა დაფურეკე, —მინდოდა რჩევა მეკითხა: ის ხომ, ასე თუ ისე, მაინც დაიარებოდა უკანასკნელ წლებში ტატარინოვებთან. მაგრამ ვალია შინ არ იყო, ალბათ, სადმე დაეხეტებოდა, როგორც ყოველთვის, როდესაც იმისი თავი გპირდებოდათ.

„არა, ჯამაგირი არა, არც კარიერა, —ფეიქრობდი ისევე.—ამას უფრო ადვილად მიაღწია, საკმარისია მხოლოდ შეხედო მას“.

შინ წასვლის დრო იყო. მაგრამ ის იყო დადგა მოსკოვური საღამო, რომელიც სრულიად არა ჰგავდა ჩემ ზაპოლარიეში გატარებულ საღამოებს, და მე ფეხით გავლა მომეხალისა, თუმცა სასტუმრომდე შორი გზა მქონდა.

ნელი ნაბიჯით გაეწიე—ჯერ გორკის ქუჩისაკენ, მერე ვოროტნიკოვის შესახვევით. ნაცნობი ადგილებია. სასტუმრო გვერდზე დამჩნა; მე კი ისევ ვოროტნიკოვის ქუჩით მივიდიოდი, მერე სადოვო-ტრიუმფალურზე შევეხვიე, ჩვენი სკოლისაკენ, და სადოვო-ტრიუმფალურიდან, როგორც ვიცით, ძალიან ახლოა მეორე ტვერსკოი-იამსკოე. რამდენიმე წუთის შემდეგ ამ ქუჩაზე გამოვედი და ნაცნობი სახლის ალაყაფის კარების წინ გავჩერდი. ალაყაფის კარებში შევიხედე—ღა ნაცნობი პატარა სუფთა ეზო და ნაცნობი ქვის პატარა შეშის დასაწყობი ფარდული დავინახე, რომელშიაც ოდესღაც შეშას ვაპობდი—მოხუც ქალს ვეხმარებოდი. აი, კიბეები, საიდანაც კინწისკვრით გამომაგდეს. აი, შავი მუშამბა-გაკრული კარები და სპილენძის ფირფიტა მიკლაკნილ-მოკლაკნილი ასოებით წარწერილი გვარით—„ნ. ა. ტატარინოვი“...

— კატია, შენთან მოვედი. არ გამაგდებ?

მერე კატიამ მითხრა, დაგინახე თუ არა, მაშინვე მიეხვდი, რომ „სულ სხვანაირი ხარ, ვიდრე გუშინწინ დიდ თეატრთან იყავიო“. მაგრამ ერთი ვერ გაეგო, რატომ იყო, რომ, როდესაც მასთან მოულოდნელად და „სულ სხვანაირი“ მივედი, მთელი საღამო რომა-შკასა და ნიკოლაი ანტონიჩს არ ვაშორებდი თვალს.

რასაკვირველია, ეს გაზვიადებდა, მაგრამ მართლაც გადავხედავდი ხოლმე იმათ. ამ საღამოს ჩემი თავი ისე მუშაობდა, თითქოს გამოცდაზე ვიყავი, და წინასწარ ვხვდებოდი ყველაფერს, რის თქმასაც დააპირებდნენ.

დამავიწყდა მეთქვა, რომ, ჯერ ისევ კაფეში რომ ვიყავი, ყვავილები ვიყიდე. ყვავილებით ხელში მივდიოდი ტატარინოვებთან და რალაც მეჩოთირებოდა: მას შემდეგ, რაც მე და პეტკა ენსკის „საბალოსნოში“ მიხაკს ვიპარავდით და წარმოდგენის შემდეგ კონას შაურადა ვყიდდით, ყვავილებით ხელში ქუჩაში აღარ გამივლია. ახლა ეს ყვავილები კატიასათვის უნდა მიმეცა... მაგრამ რატომღაც პატარა მაგიდაზე დავაწყე ქუდთან ერთად.

აღბათ, მაინც ვღელავდი, რადგან რალაც ვთქვი და უნებლიეთ ხმა ამიკანკალდა. კატიამ სწრაფად პირდაპირ სახეში შემომხედა.

ის იყო კატიას ოთახში უნდა გავსულიყავით, რომ სასადილო ოთახიდან ნინა კაპიტონოვნა გამოვიდა. მე თავი დაუუკარი. მან, საგონებელში ჩავარდნილმა, შემომხედა და მორიდებულად, როგორც უცხოს, დამიქნია თავი.

— დიდედა, სანია გრიგორიევია. ვერ იცანი?

— სანია? ღმერთო ჩემო! არა, მართლა?

შიშით უკან მიიხედა და მე სასადილო ოთახის გაღებულ კარებიდან ნიკოლაი ანტონიჩი დავინახე, რომელიც გაზეთით ხელში სავარძელში იჯდა. იგი შინ იყო!

— გამარჯობათ, ნინა კაპიტონოვნა, ძვირფასო, — ვუთხარი მე, — გახსოვართ კიდევ? აღბათ, დიდი ხანია დაგავიწყდით?

— ამას უყურე ერთი. დამავიწყდი! სულაც არ დამევიწყებია, მიპასუხა მოხუცებულმა.

ჩვენ ჯერ ისევ ერთმანეთს ვკოცნიდით, როცა სასადილო ოთახიდან ნიკოლაი ანტონიჩი გამოვიდა და კარებში გაჩერდა.

ეს იყო წუთი, როდესაც ჩვენ კვლავ შევაფასეთ ერთმანეთი. მას შეეძლო ეგრძნობინებინა, რომ ჩვენ უცნობები ვართ. მას შე-

ედლო არ შევენიშნე, როგორც არ შეუნიშნიათ კორაბლიოვის იუბილეზე. ბოლოს შეეძლო, თუმცა ეს საკმაოდ სარისკო იყო, კვლავ კარებზე ეჩვენებინა. მაგრამ მან არც ერთი გააკეთა, არც მეორე და არც მესამე.

— ო, ახალგაზრდა არწივო, — გულთბილად მომმართა მან, — ძლივს ჩვენთანაც მოფრინდი? აქამდე სადა ხარ?

და თამამად გამომიწოდა ხელი.

— გამარჯობათ, ნიკოლაი ანტონიჩ.

კატია გაკვირვებული გვიყურებდა. მოხუცებული დაბნეულად ახანხამებდა თვალებს, მაგრამ მე მხიარულად ვიყავი და ახლა დაუსრულებლად შემეძლო მელაპარაკა ნიკოლაი ანტონიჩთან.

— ჰო-ო. რას იზამ, ჩინებულისა. — ნიკოლაი ანტონიჩი სერიოზულად მიყურებდა. — თითქოს გუშინ იყო, პატარა ბიჭი რომ იყავი, ახლა კი უყურეთ, პოლარელი მფრინავია. თან რა პროფესია ამოურჩევია! ყოჩაღ!

— ჩვეულებრივი პროფესია, ნიკოლაი ანტონიჩ. — ვუპასუხე მე. — საესებით ჩვეულებრივი.

— ჩვეულებრივი? მერე ნებისყოფა? ვაჟკაცობა განსაცდელის დროს? დისციპლინა? არა მარტო სამსახურებრივი, არამედ შინაგანიც, — ასე ვთქვათ, თვითდისციპლინა!

როგორც ძველად, ახლაც გული ამერია ამ ყალბი, ბრტყელ-ბრტყელი ფრაზეზისაგან, მაგრამ მე დიდი ყურადღებით, ძალიან ზრდილობიანად ვუსმენდი. ახლა ბევრად უფრო ხნიერი მომეჩვენა, ვიდრე იუბილეზე. სახეც მოღლილი ჰქონდა. როდესაც სასადილო ოთახში შევდიოდით, მან კატიას ხელი გადახვია. კატია თითქმის შეუმჩნევლად მოეცალა.

სასადილო ოთახში, სხვათა შორის, ერთ-ერთი დეიდა ბუბენჩიკოვა იჯდა, მაგრამ ახლა უკვე ვეღარ გამერჩია, ის იყო, რომელსაც ჩემი ჯაგრისით ცემა უნდოდა, თუ მეორე, რომელიც თხას ამშვიდებდა! ყოველ შემთხვევაში ახლა ძალიან თავაზიანად შემხვდა.

— აბა, ველით, ველით! — თქვა ნიკოლაი ანტონიჩმა, როდესაც ჩემს გარშემო მორიდებულად მოფუსფუსე ნინა კაპიტონოვნამ ჩაიღამისხა და ყველაფერი ჩემსკენ მოსწია, რაც კი მაგიდაზე ეწყო. — ველით პოლარულ ამბებს. ბრმა გაფრენები, მუდმივი ყინვები, მოღრეიფე ყინულები, თოვლიანი უდაბნოები!

— ყველაფერი რიგზეა, ნიკოლაი ანტონიჩ, — დაეძინე მხიარულად, — ყინულები ყინულებად ჩნება, უდაბნოები უდაბნოებად.

ნიკოლაი ანტონიჩს გაეცინა.

— ერთხელ ჩემ ძველ მეგობარს შევხვდი, რომელიც ამჟამად ჩვენს სავაქრო წარმომადგენლობაში მსახურობს რომში. — ვეკითხები: „პა, როგორაა რომი?“ მიპასუხა: „არა უშავს რა! რომი ისეა, როგორც რომს შეეფერებაო“. ხომ კარგად უთქვამს?

შემწყვალე კილო ჰქონდა. კატია თვალვინებრილი გვისმენდა. ლაპარაკი უნდა გაგვება და მე მართლაც დავიწყე ნენცებზე, ჩრდილოეთის ბუნებაზე და სხვათა შორის იმაზეც, როგორ გავფრინდით მე და ექიმი ვანოკანში. ნინა კაპიტონოვნას სულ ის აინტერესებდა, მალა თუ ვფრინავ, — და ამან დეიდა დამას წერილმომავონა, რომელიც ჯერ ისევ ბალაშოვის სკოლაში მივიღე: „რაკი შენ ჩვეულებრივი ადამიანივით ფეხით სიარული არ გიწერია, ძალიანა გთხოვ, სანია, დაბლა იფრინე“.

ვუამბე, როგორ მომპარა მიშა გოლომბმა ეს წერილი და მას შემდეგ საკმარისი იყო მუხარადი დამეხურა, რომ მთელ აეროდრომზე ყვირილი ისმოდა:

— სანია, დაბლა, დაბლა იფრინე!

იმავე მიშამ სკოლაში კომიკური ეურნალი შეადგინა: „დაბლა იფრინე“, ეურნალში სპეციალური განყოფილება იყო „ფრენის ტექნიკა სურათებში“ ასეთი ლექსით:

აიღებ სიმაღლეს და ჰაერში სრიალებ,
ნავარდობ უშიშრად — ვერც კი გრწობ დაღლას —
სანია, რას შერები, თავს რატომ იღუპავ,
დეიდა ამას გთხოვს — იფრინე დაბლა.

მგონი, საკმაოდ მოსწრებულად ვუამბე ეს, ყველანი იცინოდნენ და ყველაზე ხმაველია ნიკოლაი ანტონიჩი. სიცილისაგან პირდაპირ ჩაბეირდა. ის გაფითრდა, — ოღონე ფითრდებოდა სიცილისაგან.

კატია თითქმის სუფრასთან არა მჯდარა. ერთთავად დგებოდა და დიდი ხნობით სამხარეულოში იკარგებოდა და მე მგონია, უბრალოდ იპიტომ გადიოდა, რომ თავის ფიქრებთან მარტო დარჩენილიყო. ასეთი გამომეტყველება ჰქონდა, როდესაც დაბრუნდებოდა ხოლმე. ერთხელ რომ შემობრუნდა, თახჩასთან მივიდა მოწნული სანამცხვრით ხელში და, როგორც ჩანს, დაავიწყდა, რისთვის მივიდა. მე შიგ თვალვინებრივად შევხედე. მან შეფიქრიანებულმა, საგონებელში ჩავარდნილმა შემომხედა.

ეტყობა, ნიკოლაი ანტონიჩმა შენიშნა, ერთმანეთს როგორ გადავხედეთ, სახეზე ჩრდილმა გადაუარა. და უფრო ნელ-ნელა და უფრო ბრტყელ-ბრტყელი ფრაზებით დაიწყო ლაპარაკი.

მერე რომაშკა მოვიდა. კარები ნინა კაპიტონოვნამ გაუღო და გავიგონე, როგორი მოკრძალებული გესლით უთხრა:

— ჩვენ სტუმარი გვყავს...

რომაშოვი დერეფანში ერთ ადგილს დიდხანს იტყეპნებოდა, ალბათ კობტავდებოდა, მერე შემოვიდა და ოდნავ არ გაჰკვირვებია ჩემი დანახვა.

— ოჰ, აი თურმე ვინა ყოფილა!— უგემური ღიმილით თქვა მან.— მოხარული ვარ, მოხარული; ძალიან მოხარული ვარ, ძალიან მოხარული.

ჩანდა, როგორი მოხარულიც იყო. მართლა მოხარული მე ვიყავი! შემოვიდა თუ არა, მისი ერთი წარბის შეთამაშება აღარ გამომპარვია. თვალს არ ვაშორებდი. რა ადამიანია? როგორი კაცი დადგა? როგორ ექცევა ნიკოლაი ანტონიჩს, კატიას? აი კატიასთან მივიდა, ლაპარაკი დაუწყო და ყოველი მისი მოძრაობა, ყოველი სიტყვა პატარა გამოცანასავით იყო ჩემთვის, რომელსაც აქვე გამოვიცნობდი ხოლმე და კვლავ დაძაბული ყურადღებით ვადევნებდი თვალს და ვფიქრობდი მასზე.

ახლა, როდესაც ერთად დავინახე ისინი,—ის და კატია,—სასაცილოც კი მომეჩვენა, ისეთი არარაობა იყო იგი კატიასთან შედარებით, ისეთი ულამაზო და ისეთი გულნამცეცა. ძალიან ვულდაჯერებულად დაუწყო ლაპარაკი კატიას და მე ჩემთვის გავიფიქრე „ნეტისმეტად გულდაჯერებულად ლაპარაკობს მეთქი“. მან ხუმრობით რაღაც უთხრა ნინა კაპიტონოვნას. არავის გაუღიმიდა და მე ჩემთვის გავიფიქრე, „ნიკოლაი ანტონიჩსაც კი“.

მათ მაშინვე თავიანთ პროფესიულ საქმეებზე გააბეს ლაპარაკი რომელიღაც დისერტაციის შესახებ, რომელსაც ნიკოლაი ანტონიჩი ცუდ, ხოლო რომაშკა კარგ დისერტაციად თვლიდა.

რასაკვირველია ასე იმატომ მოიქცნენ, რათა ეგრძნობინებინათ ჩემთვის, რომ მე ყურადღებასაც არ მაქცევდნენ. ამან მე გამახარა კიდევ, ახლა შემეძლო ჩუმად ვმჯდარიყავი, მეცქირა მათთვის, ვესმინა და რაზედაც მსურდა მეფიქრა.

„არა,—ვფიქრობდი მე,—ეს წინანდელი რომაშკა არ არის, რომელიც თითქოს ამასობა იმით, რომ ნიკოლაი ანტონიჩი ბრძანებლობდა მას, და რომაშოვი სიტყვასაც არ უბრუნებდა.“

ახლა რომაშკა მას დაუდევრად ელაპარაკება, თითქმის თავხედურადაც კი, ნიკოლაი ანტონიჩი კი დაღრეჯილი და მოქანცული უპასუხებს. ეს რთული განწყობილებაა და ძალიან არ მოსწონს ნიკოლაი ანტონიჩს. მე მართალი ვიყავი... ეს დაეალება არ იყო. მან ვიშიმირსკის გამოართვა ქაღალდები არა იმისათვის, რომ მოესპო, ეს გააკეთა იმიტომ, რომ ქაღალდები ნიკოლაი ანტონიჩისათვის მიეყიდა, — აი, ეს უფრო საფიქრებელია და ალბათ ბევრიც გამოართვა. ან ჯერ არ მიუყიდა, ევაქრება“.

კატიაძე რაღაც მკითხა, მე ვუპასუხე. რომაშკამ, რომელიც ნიკოლაი ანტონიჩს ელაპარაკებოდა, შეწუხებულმა შემოგვხედა და უეცრად ერთმა აზრმა შეუმჩნევლად განიარა სხვა აზრთა შორის, და თითქოს გვერდზე შეპერდა, თითქოს იცდიდა, როდის მოვიცლიდი მისთვის. ეს ძალიან უცნაურია, მაგრამ კუყასთან ახლო იყო იმათთვის, ვინც ბავშვობის წლებიდან იცნობდა რომაშკას. მაგრამ ახლა არ შეგეჭო ამ აზრს გაეყოლოდა, რადგანაც ეს აზრი საშინელი იყო და სჯობდა, ახლა ამაზე არ მეფიქრა. მე თითქოს შორიდან შევხედე მას.

შემდეგ ნიკოლაი ანტონიჩი და რომაშკა რაღაც საქმეზე კაბინეტში გავიდნენ და ჩვენ მარტონი დავრჩით მოხუცებთან, რომელთაგანაც ერთს ყურში არ ეყურებოდა, მეორე კი თავს ისე იქერდა, ვითომ არ ეყურებოდა.

— კატია, — ხადაბლა ვუთხარი მე. — ივან პავლიჩმა გთხოვა, ხვალ შეიდ საათზე შეიარო მასთან. მიხვალ?

უხმოდ დამიქნია თავი.

— ხომ არაფერი დავაშავე, რომ მოვედი? ძალიან მინდოდა შენი ნახვა.

კვლავ თავი დამიქნია.

— დაივიწყე, გთხოვ, გუშინწინდელი საღამო. სულ ყველაფერი მართლაც ისე არ არის და საერთოდ ვითომ ჯერ არც კი შევხვედრივართ ერთმანეთს.

კატია უხმოდ მიყურებდა და ვერაფერი გაეგო.

თავი მკვნი

ხსოვნას არა ლალატობს

რა აზრი იყო ეს აზრი? მთელი საღამო ვფიქრობდი და ვერც კი გავიგე, როგორ დამეძინა. დილით კი ისეთი გრძნობით გამეღვიძა, თითქოს არცა მძინებია და სულ ფიქრში გავატარე დამე.

ასე იყო მთელი დღე. ამ ფიქრით წამოვედი ჩრდილოეთის მთა-
ვარ საზღვაო სამმართველოში; გეოგრაფიულ საზოგადოებაში,
ერთ პოლარულ ეურნალის რედაქციაში. დროდადრო მაეიწყდებოდა
ეს აზრი, მაგრამ ეს იმას ჰგავდა, თითქოს მე შესავალთან
ვტოვებდი მას, მერე გამოვდიოდი და ისევ ვხვდებოდი, როგორც
ძველ ნაცნობს.

მეექვსე საათზე დაღლილმა და გაბრაზებულმა კორაბლიოვამ-
დის მივალწიე. მე რომ მივედი, მუშაობდა — რვეულებს ასწორებდა.
მის გვერდით მაგიდაზე ორი დიდი დასტა ეწყო, სათვალე ეკეთა და
კითხულობდა, კალამი მოემარჯვებინა და დროდადრო შეცდო-
მებს შეუბრალებლად უსვამდა ხაზს. არ ვიცო, რა სამუშაო უნდა
ჰქონოდა არდადეგების დროს, მაგრამ მაშინაც იცოდა ხოლმე სა-
მუშაოს გამონახვა.

— ივან პავლიჩ, თქვენ იმუშავეთ, მე კი ცოტა ხანს ვიქნები.
კარგი? დავიღალე.

რამდენიმე ხანს სრულ სიჩუმეში ვისხედით, რომელსაც მხო-
ლოდ კალმის წრიპინი და კორაბლიოვის გაჯავრებული ბუტბუტი
არღვევდა. წინათ არ შემიმჩნევია, თუ ასეთი ბუტბუტი იცოდა
მუშაობის დროს.

— რაო, სანია, როგორ არის საქმეები?

— ივან პავლიჩ, ერთი რამ მინდა გკითხოთ.

— დიდი სიამოვნებით, ბრძანე.

— თქვენ იცით, რომ ვიშიმირსკისთან უკანასკნელ დრომდე
დაიარებოდა რომაშოვი?

— ვიცი.

— მერე იცით, რისთვის დადიოდა მასთან?

— ვიცი.

— ივან პავლიჩ, — ვუთხარი საყვედურით. — დამერწმუნეთ, ისევ
ვერა გცნობთ. თქვენ იცოდით ასეთი რამ და არაფერი მითხარით.

კორაბლიოვმა სერიოზულად შემომხედა. ამ საღამოს ძალიან
სერიოზული იყო. ეტყობა, ცოტათი ღელავდა კატიას მოლოდინში
და არ უნდოდა, რომ მე ამას მივმხვდარიყავი.

— სანია, მე სხვაც ბევრი რამ არ მითქვამს შენთვის, — დასძი-
ნა მან. — თუმცა შენ ახლა მფრინავი ხარ, მაგრამ ვაითუ მაინც
აიღო და უცბად ვისმეს სახეში წიხლი ჩასცხო.

— როდის იყო ეგ! ივან პავლიჩ, საქმე ისაა, რომ მე ერთი
აზრი მომივიდა თავში. შესაძლებელია ვცდებოდე, მაგრამ მით
უკეთესი, თუ ვცდები.

— ხომ ხედავ, უკვე დელავ,—მითხრა კორაბლიოვმა.

— მე არა ვდელავ. ივან პავლიჩ, თქვენ ხომ არა ფიქრობთ, რომ რომაშოვს შეეძლო მოეთხოვა ნიკოლაი ანტონიჩისაგან... შეეძლო ეთქვა, რომ ის ხმას არ ამოიღებს, თუ ნიკოლაი ანტონიჩი ხელს შეუწყობს კატიას შერთვაში?

კორაბლიოვმა არაფერი მიპასუხა.

— ივან პავლიჩ!—შეეძახე მე.

— დელავ.

— არა ვდელავ, მაგრამ ერთი რამ ვერ გამიგია; არა, როგორ შეეძლო კატიას მისთვის ამის ფიქრის ნებაც კი მიეცა!

ჩაფიქრებულმა კორაბლიოვმა ოთახში გაიარა-გამოიარა, სათვალე მოიხსნა და მისმა სახემ სევდიანი გამომეტყველება მიიღო, შეენიშნე, რომ რამდენიმეჯერ შეხედა მარია ვასილევნას სურათს, სწორედ იმ სურათს, სადაც ის მარჯნის მძივით არის გადაღებული, სურათს, რომელიც ძველებურად ედგა მაგიდაზე.

— დიახ, კატია,—ნელა თქვა მან.—რომელსაც შენ სრულიად არ იცნობ.

ეს ახალი ამბავი იყო. მე კატიას არ ვიცნობ!

— შენ არ იცი, როგორ ცხოვრობდა ის ამ წლებში. მე კი ვიცი, რადგანაც... მაინტერესებდა.—საჩქაროდ თქვა კორაბლიოვმა,—მით უმეტეს, რომ სხვას მაინცდამაინც არავის აინტერესებდა იგი.

ეს ჩემზე იყო ნათქვამი.

— დედის სიკვდილის შემდეგ ძალიან ნაღვლობდა,—განაგრძობდა კორაბლიოვი—მის გვერდით იყო ადამიანი, რომელიც ისევე ნაღვლობდა, ან შესაძლოა უფრო მეტადაც. შენ იცი, ვისზედაც ვლაპარაკობ.

იგი ნიკოლაი ანტონიჩზე ლაპარაკობდა.

— ძალიან გამოცდილი, ძალიან ღურღუტი ადამიანია,—განაგრძობდა კორაბლიოვი.—საშიშრ ადამიანი. მაგრამ მას მართლაც მთელი თავისი სიცოცხლე უყვარდა კატიას დედა; მთელი სიცოცხლე—ეს არც ისე უბრალო რამ არის და ამ სიკვდილმა ისინი ძალიან დააახლოვა,—ახლა, გესმის!

პაპიროსი ამოიღო. თითები ოდნავ უკანკალებდა, როდესაც ასანთი გაჰკრა და მერე წყნარად დადო საფერფლეზე.

— და აი გამოჩნდა რომაშოვი,—განაგრძობდა იგი.—უნდა ვითხრა, რომ შენ არც იმას იცნობ. ისიც ნიკოლაი ანტონიჩია,

მხოლოდ სხვა ყადის. ჯერ ერთი, ენერგიულია, მეორე,—არავითარი მორალი არ გააჩნია,—არც ცუდი, არც კარგი. მესამე,—უნარი აქვს გადამწყვეტი ნაბიჯის გადადგმისა, ესე იგი საქმის კაცია. და ეს საქმის კაცი, რომელმაც ძალიან კარგად იცის, რა უნდა მას, ერთ მშვენიერ დღეს გამოცხადდა თავის მასწავლებელთან და მეგობართან და უთხრა: „ნიკოლაი ანტონიჩ, თქვენ წარმოიდგინეთ, რომ ის გრიგორიევი სავსებით მართალი ყოფილა. თქვენ მართლაც გაგიძარცვავთ კაპიტანი ტატარინოვის ექსპედიცია. გარდა ამისა, თქვენზე კიდევ ბევრი სხვა რამ ირიცხება, ანკეუბებში კი არ გიხსენებიათ“... ნინა კაპიტონოვნას გაუგონია ეს საუბარი, მაგრამ ვერ გაიგო, რა მოხდა, და ჩემთან მოიბრინა. მე კი გავიფე.

— ჰო,—ვთქვი,—საინტერესოა.

ჩვენ გაჩუმდით.

— შემდეგ რაღა მოხდა?—განაგრძობდა კორაბლიოვი,—შეიძლება შედეგების მიხედვით იმსჯელო. შენ იცნობ ნიკოლაი ანტონიჩს—ის აუჩქარებლად მოქმედობს: ალბათ, ჯერ ნახევრად ხუმრობით იყო ნათქვამი, სხვათა შორის, მერე უფრო სერიოზულად, უფრო ხშირად.

— ივან პავლიჩ, მაგრამ მაინც ხომ ვერ დაიყოლია, ხომ მართალია?

— სანია, სანია, უცნაური კაცი ხარ. რომ დაეყოლიებინა, განა მოგწერდი, ჩამოდი-მეთქი, მაგრამ ვინ იცის, შესაძლოა ბოლოს და ბოლოს მიზნისთვის მიეღწია, როგორც მიაღწია...

მე მივხვდი, რის თქმაც უნდოდა: „როგორც მიაღწია იმას, რომ მარია ვასილევნა მას ცოლად გაჰყვა“.

არ ვიცოდი, დაერჩენილიყავი თუ წავსულიყავი,—უკვე შეიდი საათი იყო და ყოველ წუთში შეეძლო კატიას დაერეკა. უბრალოდ ისე ვიყავი დაღლილი, რომ ფეხის გადადგმა მიჭირდა. გაჩუმებული ვუყურებდი, როგორა სწევდა კორაბლიოვი პაპიროსს, ქალარა თავი დაეხარა და გრძელი ფეხები გამოეშორა. მე ვფიქრობდი, როგორ ძლიერ უყვარდა მარია ვასილევნა, როგორ უმტყუნა ბედმა და როგორი ერთგულია მისი ხსოვნისა—აი ასე გულმოდგინედ რატომ ადევნებდა თვალყურს კატიას ცხოვრებას.

მერე, თითქოს რაღაც მოაგონდა, მითხრა—უკეთესია წახვიდეო.

— ჩემთვის უშენოდ, უფრო მოხერხებული იქნება კატიასთან ლაპარაკი.

გამომაცილა და ჩვენ მეორე დღემდე დავშორდით ერთმანეთს.

ჯერ ისევ დღის სინათლე იყო, როდესაც ქუჩაში გამოვედი, შხე ჩადიოდა და მისი შუქი სადოვოის მეორე მხარეზე მოჩანდა ფანჯრებში.

სადარბაზო კართან ვიდექი და ქუჩას გავცქეროდი—კატია იქიდან უნდა მოსულიყო. ალბათ კარგა ხანს ვიციდიდი, იმიტომ რომ ფანჯრები თანდათან ჩამუქდა. მერე დავინახე იგი, მაგრამ არა იქ, საიდანაც მოველოდი. ორუქეინის მოსახვევიდან გამოვიდა და ტროტუარზე შეჩერდა, მანქანების გაელას ელოდა. რატომღაც შიშმა შემიპყრო, როდესაც დავინახე, როგორ გადადიოდა ქუჩაზე ჩაფიქრებული, სწორედ იმ კაბაში, რომელიც მანშინ ეცვა, დიდ თეატრთან რომ შეგხვდის. ძალიან სევდიანი იგი ახლა სულ ახლოს იყო, მაგრამ თაკჩაღუნული მიდიოდა და მე ვერა მხედავდა. არც მინდოდა რომ დავენახე, გონებაში სიმხნევე და ყველაფერი კარგი ვუსურვე, რაც ამ წუთში შემეძლო მესურვა, და სადარბაზო კარანდე თვალი გავაყოლე. ის სადარბაზო კარებში გაჰქრა, მაგრამ გონებით მას მივდევდი—მე ვხედავდი, როგორ შეეგება ივან პავლიჩი, რომელიც დელავს და ცდილობს, დამშვიდებული ეჩვენოს, როგორ დიდხანს და ნერვიულად აკეთებს პაპიროსს თავის გრძელ მუნდშტუქში, ვიდრე ლაპარაკს დაიწყებდეს...

ფანჯრებმა სწრაფად დაიწყო ჩაბნელება და მოწითალო შუქი განპირა სახლის ორ ნაპირა ფანჯარაშილა ციალებდა, რომელიც ორუქეინზე გადიოდა; ამ სახლში ჩემი მოწაფეობის დროს მოსკოვის საბჭოს მხატვრული ქვეგანყოფილება იმყოფებოდა.

მხოლოდ რვა საათი იყო და შინ წასვლა არ მინდოდა. დიდხანს ვიჯექი რომელიღაც სახლის ბაღში; ამ ბაღიდან ჩვენი სკოლის სადარბაზო კარი მოჩანდა. რამდენიმეჯერ შევედი ეზოში, რომ მენახა, კორაბლიოვის ბინაში შუქი ხომ არ ანთებულა-მეთქი. მაგრამ ისინი სიბნელეში საუბრობდნენ. ივან პავლიჩი ლაპარაკობდა, კატია კი უსმენდა.

თვალწინ წარმომიდგა სხვა საუბარი, როდესაც ამ ჩაბნელებულ ფანჯრებს გავცქეროდი; მაშინაც ასევე უეცრად წამოდგებოდა და გულხელდაკრფილი იწყებდა ოთახში სიარულს კორაბლიოვი, რომელიც ადგილს ვერა პოულობდა. მარია ვასილევნა იჯდა წელში გამართული, გაქვავებული სახით და ხანდახან ნაზი ხელით

თმას ისწორებდა. „მონტიჰომო ქორბრკყალავ! მე ოდესღაც ასე ვეძახდი მას“. უკვე გადაფითრებული კი არა რაღაც გადატეტკი-ლი იჯდა ჩვენ წინ და განუწყვეტლივ პაპიროსს სწევდა. ყველ-გან ფერფლი ეყარა — მის მუხლებზედაც კი. ის იჯდა უძრავად, მშვიდი, მხოლოდ ზოგჯერ ოდნავ მოსწევდა ხოლმე ყელზე გაკეთებულ მარჯნის ხალვათ მძივს, თითქოს ყელში უჭერსო. სი-მართლისა ეშინოდა, იმიტომ რომ მისი გადატანა არ შეეძლო. კატისა კი არ ინია სიმართლისა და ყველაფერი კარგად იქნება, როდესაც სიმართლეს გაიგებს.

...უკვე დიდი ხანია აინთო შუქი და ფარდაზე კორაბლიოვის სილუეტსა ვხედავდი. მერე კატია გამოჩნდა მის გვერდით, მაგ-რამ მალე წავიდა, თითქოს ერთი გრძელი წინადადება უთხრაო.

ახლა ქუჩაში სულ დაბნელდა, კიდევ კარგი, რადგან უკვე უხერ-ხული იყო, რომ ასე დიდხანს ვიჯექი ამ ბაღაში და დროდადრო მიერბოდი ფანჯრებისაკენ გასახედად.

უეცრად კატია კარებიდან მარტო გამოვიდა და ნელ ნელა სა-დოვოის ქუჩას გაჰყვა.

უეჭველია შინ მიდიოდა, მაგრამ, როგორც ჩანს, მაინცდამაინც არ ეჩქარებოდა. შინ მისელამდე ბევრი ჰქონდა საფიქრებელი. მი-დიოდა და ფიქრობდა, მეც უკან მივდევდი, და თითქოს მხოლოდ ჩვენ მივდიოდით ამ უზარმაზარ ქალაქში, სულ მარტონი — კატია და მე, მაგრამ ის ვერა მხედავდა. ტრამვაი გამაყრუებლად ზრიალებდა, მოედანთან მიჭრილი წითელი შუქნიშნით შეჩერებუ-ლი მანქანები ღრიალებდნენ და მე მომეჩვენა, რომ ძნელია ფიქ-რი, როდესაც გარშემო ასეთი ჯოჯოხეთური ხმაურობაა. — ვინ იცის, ისეთი რამ მოგივა ფიქრად, რაც სულ არ არის საჭირო! არა ის, რაც ისე საჭიროა ჩემთვის, კატისა და კაპიტანისათვის — ცოცხალი რომ იყოს ახლა — და მარია ვასილევნასათვის, ისიც რომ ცოცხალი ყოფილიყო. ყველასათვის — ცოცხლებისა და მკვდრები-სათვის.

თავი მეცხრე

ყველსაფერი გადაწყვეტილია, ის მიიშვება

ნომერში უკვე დიდი ხანია დღის სინათლე შემოიჭრა, მაგრამ ლამის ჩაქრობა დაპიწყებოდა და ალბათ იმიტომ იყო, რომ სარ-კეში ფერმკრთალი მეჩვენა ჩემი თავი. მციოდა და ზურგზე დრო-386

ზამოშეებით ეკალს მაყრიდა. ყურმილი ავიღე. დიდხანს არ მძღვედნენ პასუხს. ბოლოს მიპასუხეს და კატიას ხმა ვიცანი.

— კატია, მე ვარ. ხომ არ შეგაწუხებ, რომ ასე აღრიანად დავირეკე?

მითხრა არაო, თუმცა ჯერ მხოლოდ რვა საათი იყო.

— ხომ არ გაგაღვიძე?

— არა.

ამ ღამეს ძილი არ მომკარებია და დარწმუნებული ვიყავი, რომ იმასაც თვალი არ მოუხუჭია.

— კატია, შეიძლება მოვიდდე?

ცოტა ხანს გაჩუმდა.

— მოდი.

სრულიად უცნობმა, საკმაოდ მსუქანმა, თავზე ქერა ნაწნავებშემოხვეულმა ქალმა გამიღო კარები და გაწითლდა, როცა ვკითხე.

— კატია შინ არის?

— შინ გახლავთ.

საითკენღაც გავიწიე, მე თვითონ არ ვიცი საით. მოკლედ— კატიასაკენ, მაგრამ ქალმა ცხვირწინ მიმიკეტა კარები და დაცინვით მითხრა.

— რა ამბავში ხართ, ამხანაგო მეთაურო!

მერე ისე გამაყრუებლად გადაიხარხარა და ისე უმიზეზოდ, რომ ახლა არ მეცნო, უკვე აღარ შეიძლებოდა.

— კირენ!

კატია სასადილო ოთახიდან გამოვიდა სწორედ მაშინ, როცა ჩვენ ჩემოდნების ზემოდან ერთმანეთისკენ გადავდგივთ ნაბიჯი და კინალამ ერთმანეთს გადავეხვიეთ, მაგრამ კირენმა მორცხვად უკან დაიხია და მარჯო ხელის ჩამორთმევა შემრჩა.

— კირენი ხართ? საიდან?

— სწორედ ის გახლავართ! — კისკისით მითხრა კირენმა. — მხოლოდ ოუ შეიძლება კირენს ნუ მეძახით. მე ახლა უკვე ისეთი სულელი აღარა ვარ.

კვლავ მაგრად ჩამოვართვით ერთმანეთს ხელი. ალბათ კატიასთან ეძინა, რადგან კატიას ხალათი ეცვა, რომელსაც წამდაუწუმ ღილები აწყდებოდა, როცა ბარგს ვაწყობდით. ორი თავახდილი ჩემოდანი დერეფანში იდგა, სასადილო ოთახშიც, ამ ჩემოდნებში ვაწყობდით თეთრეულს, წიგნებს, რალაც ხელსაწყოებს, — ერთი სიტყვით, ყველაფერს, რაც კი კატიასი იყო ამ სახლში. ის

მიემგზავრებოდა. სად? მე არ მიკითხავს. ის მიემგზავრება. ყველაფერი გადაწყვეტილია. ის მიემგზავრება.

მე არ მიკითხავს, რადგან ისედაც ვიცოდი ყოველი სიტყვა მისი საუბრისა კორაბლიოვთან, ყოველი სიტყვა, რომელიც მან ნიკოლაი ანტონიჩს უთხრა, როდესაც შინ დაბრუნდა. ნიკოლაი ანტონიჩი ქალაქში არ იყო, — სადღაც ოლქში იყო წასული, მგონი ვოლოკალამსკში, მაგრამ სულ ერთია, მე ყოველი სიტყვა ვიცოდი, რომელსაც კატია ეტყოდა კორაბლიოვისაგან დაბრუნებული, ნიკოლაი ანტონიჩი რომ შინ დახვედროდა.

ის ტრიალებდა მტკიცე გადაწყვეტილებით აღსავსე. გაფითრებული ხმაშლით ლაპარაკობდა, თადარიგს იძლეოდა. ეს იყო სიმშვიდე თავზარდაცემული ადამიანისა. მე ვგრძნობდი, რომ ახლაც არაფერზე არ უნდა ველაპარაკებო. მხოლოდ მაგრად ჩამოვართვი ხელი და ორივე ხელზე ვაკოცე, რაზედაც პასუხად ხელი ოდნავ მომიკირა.

მაგრამ აი ნამდვილად ვინ დაიბნა — მოხუცი ქალი. მან პირქუშად მიმიღო, მხოლოდ თავი დამიქნია და ამყად ჩამიარა გვერდი. მერე უეცრად დაბრუნდა და შურისძიების გამოძახებული გამომეტყველებით ჩემოდანში რაღაც კაბა ჩატენა.

— ძალიანაც კარგი. მაშ რა? სწორედ ასე უნდა.

ის დიდხანს იჯდა სასადილო ოთახში უსაქმოდ. მხოლოდ ჩვენ გვაძლევდა შენიშვნებს. მერე ადგილიდან მოწყდა და ვითომც აქ არაფერიაო, სამზარეულოში გაქანდა, რომ შინამოსამსახურე დაეტუქსა, რადგან მოსამსახურეს რაღაცა ცოტა ეყიდა.

— ათასჯერ მითქვამს მისთვის: ხედავ ჯიგარია — იყიდე, — მითხრა როცა დაბრუნდა, — ხედავ ბარკალია — იყიდე. „უთქვენოდ როგორ მოვიქცე, არ ვიციო“. არა, რა უნდა იცოდეს? თვითონ ვერაფერს გადაწყვეტავს. ვერ ვიტან მაგათთანებს.

— დიდედა, არაფერი არ არის საჭირო, — უთხრა კატიამ.

— საჭირო არ არის? როგორ თუ საჭირო არ არის! წაიღებდი.

მერე მატერიალური საზრუნავი ავიწყდებოდა და ნელ-ნელა ოხერას იწყებდა, თახჩიდან მალვით დამამშვიდებელ წვეთებს იღებდა და სვამდა. დროდადრო იქ შეირბენდა ხოლმე, სადაც არაფერი იყო, ცდილობდა დამშვიდებულიყო, მაგრამ მას დიდხანს არა ჰყოფნიდა ეს თვითჩაგონება — და კვლავ თახჩასთან უნდა მისულიყო დამამშვიდებელი წვეთების დასალევად...

ბევრი დრო არ დაგვეჭირებია კატის ბარგის ჩასალაგებლად. ბარგი ცოტა ჰქონდა, თუმცა იგი მიდიოდა სახლიდან, სადაც თითქმის მთელი სიცოცხლე გაატარა. აქ ყველაფერი ნიკოლაი ანტონიჩს ეკუთვნოდა. სამაგიეროდ თავისი არაფერი დაუტოვებია—არ უნდოდა, რომ რაიმე დარჩენილ წვრილმანსაც კი მოეგონებინა მისთვის, რომ ის ამ სახლში ცხოვრობდა.

ის მიდიოდა აქედან და თან მისდევდა—მთელი სიყრმე, წერილები, პირველი ნახატები, რომლებიც მარიუ ვასილენასთან ინახებოდა, „ელენე რობინზონი“ და „აღმოჩენათა საუკუნე“, რომელიც მე წასაკითხად გამოვართვი, როცა მესამე კლასში ვიყავი. მეცხრე კლასში სხვა წიგნებს ვართმევდი და, როდესაც იმ წიგნებზე მიდგა ჯერი, დამიძახა და კარი მიაყენა.

— სანია, მინდა ეს წიგნები შენ გაჩუქო,—მითხრა ოდნავ მთრთოლვარე ხმით,—მამაჩემისაა, მე ყოველთვის ძლიერ ვუფრთხილდებოდი ამ წიგნებს, მაგრამ ახლა მინდა შენ გაჩუქო. აქ ნანსენია, სხვადასხვა ლოციები და მისი საკუთარი ლოციებიც.

მერე ნიკოლაი ანტონიჩის კაბინეტში გაშიყვანა და კედლიდან კაპიტანის სურათი ჩამოიღო—ფართოშუბლიანი და ცოცხალი კრელთვალა მეზღვაურის სურათი, რომელსაც ბაგე მტკიცედ ჰქონდა შეკრული.

— არ მინდა იმას დავეტოვო,—თქვა მტკიცედ. სურათი სასაღილო ოთახში გავიტანე და ფრთხილად ჩავდე ბოლჩაში, რომელშიც ბალიშები და საბანი ეწყო.

ეს ერთადერთი ნივთი იყო, რომელიც ნიკოლაი ანტონიჩს ეკუთვნოდა და კატის მიჰქონდა. რომ შესძლებოდა, თვით კაპიტანის ხსოვნასაც კი წაიღებდა ამ საზიზღარი სახლიდან.

არ ვიცი, ვის ეკუთვნოდა პატარა საზღვაო კომპასი, რომელმაც ოდესღაც ისე განმაცვიფრა,—კატის ჩუმად ისიც ჩემოდანში ჩავდე, ყოველ შემთხვევაში, ის კაპიტანს ეკუთვნოდა.

ეს იყო და ეს. ალბათ ეს ყველაზე გამოყრუებულ ადგილს აუო ახლა მთელ ქვეყანაზე, როდესაც ბარგის ჩალაგებას მოეჩინო, პალტოები ავიღეთ და დერეფანში წინა კაპიტონოვნას ვეთხოვებოდით. ის აქა რჩებოდა, მაგრამ ცოტა ხნით—ვიდრე კატია არ ვადავიდოდა იმ ოთახში, რომელსაც ინსტიტუტი სთავაზობდა.

— ცოტა ხნითა ვრჩები,—დიდი ამბით თქვა მოხუცებულმა, ტირილი დაიწყო და კატის აკოცა.

კირამ კიბეზე ფეხი რაღაცას წამოსდო და ჩემოდანზე დაჯდა,

რომ არ ჩაგორებულიყო, და ახარხარდა. კატამ გაჯავრებით უთხრა: „კირკა, სულელო!“ მე კი უკან მივდევდი ამათ და თითქოს ვხედავდი, როგორ ამოდის ამ კიბეზე ნიკოლაი ანტონიჩი, აი ზარს რეკავს და უსიტყვოდ უსმენს, რას ეუბნება მოხუცი ქალი. ათრთოლებულ ხელს მელოტ თავზე ისვამს, ფეხებს უაზროდ ადგამს, თითქოს ეშინია არ წაიქცეს, და თავის კაბინეტში შედის. მარტოდ-მარტოა გამოცარიელებულ სახლში.

ის გრძნობს, რომ კატია არასოდეს აღარ დაბრუნდება.

თავი მათე

სივცევ-ვრაჟეკა

აქამდე ეს ჩვეულებრივი მოსკოვიური მიბრეცილ-მობრეცილი სობაჩი მოედნის მსგავსი შესახვევი იყო, სადაც ოდესღაც პეტკა ცხოვრობდა. მაგრამ გადმოვიდა თუ არა კატია სივცევ-ვრაჟეკზე, ის საოცრად შეიცვალა. ის გადაიქცა სწორედ იმ შესახვევად, სადაც კატია ცხოვრობდა და ამიტომ ოდნეადაც არა ჰგავდა მოსკოვის ყველა სხვა შესახვევებს. თვით სახელიც კი, რომელიც ყოველთვის სასაცილოდ მეჩვენებოდა, ახლა როგორღაც მნიშვნელოვანი და „კატიასეული“ გახდა, როგორც ყველაფერი, რაც მასთან იყო დაკავშირებული...

ყოველ დღე მივდიოდი სივცევ-ვრაჟეკზე, კატია და კირა-ჯერ შინ არ იყვნენ ხოლმე მოსულები, მე კირას დედა მხედებოდა და ლაპარაკით მართობდა. ეს მშვენიერი დედა იყო, არტიტი-დეკლამატორი. მოსკოვის კლუბებში გამოდიოდა და კლასიკურ ნაწარმოებებს კითხულობდა, ტანმორჩილი, ქალარაშერეთული რომანტიკული ქალი—კირას სულაც არა ჰგავდა. ყველაფერზე რაღაც ალტაცებით ლაპარაკობდა, მაშინვე შეატყობდით, რომ გაგიჟებით უყვარდა ლიტერატურა. არც ამითი ჰგავდა კირას, მეტადრე თუ გავიხსენებთ, რა ტანჯვით დასძლია ოდესღაც „დუბროვსკი“ და როგორ იყო დარწმუნებული, რომ საბოლოოდ „მაშა დუბროვსკიზე გათხოვდა“.

მე და ეს დედა ზოგჯერ ორ-ორი საათი ვლაპარაკობდით ხოლმე. სამწუხაროდ, სულ ვიღაცა ვარვარა რაბინოვიჩზე. ისიც დეკლამატორი იყო, მაგრამ განთქმული, რომელთანაც კირას დედა გაკვეთილების აღებას აპირებდა, მერე გადაიფიქრა, რადგანაც ვარვარამ „ცხვირაწეულმა“ მიიღო იგი.

მერე კირა გამოჩნდებოდა—და ყოველთვის ერთსა და იგივეს ამბობდა:

— ოჰ, ოჰ, ოჰ, ისევე მარტონი ხართ, სიბნელეში, საინტერესოა, საინტერესო... მე პირდაპირ ვკანკალებ დედაჩემის გამო,— ტრალიკულად ამბობდა ის.— მას შეუყვარდი, სანია. დედიკო, რა დაგემართა? ასეთი გატაცება სიბერეში! მეშინია, ცუდად არ დაბოლოვდეს.

როგორც ყოველთვის, დედას სწყინდა ეს და სამზარეულოში გადიოდა. კირა კი ფეხების ტყაპატყუპით უკან მისდევდა, რომ გაეგებინებინა—რად უთხრა ასე და ეკოცნა.

მერე მოდიოდა კატია. ივან პავლიჩი მართალი ყოფილა—თურმე მე არ ვიცნობდი აქამდე. არაფერს ნიშნავდა ის, რომ მე მისი ცხოვრების ბევრი ფაქტი არ ვიცოდი, რომ შარშან, მაგალითად, მისმა პარტიამ (ის პარტიის უფროსად მუშაობდა) სამხრეთ ურალში მდიდარი ოქროს საბადოები აღმოაჩინა, ან რომ ფოტომოყვარულთა გამოფენაზე მისმა სურათებმა პირველი ადგილი დაიკავა. არ ვიცოდი, რა სულიერი სიმტკიცისა იყო, როგორი პირდაპირი, რა სამართლიანად და ჭკვიანურად უდგებოდა ცხოვრებას.— ყველაფერი, რასაც კორაბლიოვმა ასე კარგად „დინჯი, დარბაისელი სული“ უწოდა. ისე მეგონა, რომ ის ჩემზე ბევრად უფროსია, მეტადრე. როდესაც ხელოვნებაზე იწყებდა ლაპარაკს, რასაც უკანასკნელ წლებში ძალიან ჩამოვრჩი. მაგრამ შეცრად მასში წინანდელი კატკა გამოკრთებოდა ხოლმე, აფეთქებებით გატაცებული და გულის სიღრმემდე შეძრწუნებული მით, რომ „ტლაკსკალანტების“ კეთილი სურვილებით თანხლებული ფერდინანდ კორტესი სალაშქროდ წავიდა და რამდენიმე დღის შემდეგ გონოლულუში შევიდა. ფერდინანდ კორტესი მომაგონდა, როცა ერთ ერთ ფოტოსურათზე კატია ცხენზე დავინახე, შარვალში და ჩექმებში გამოწყობილი, მხარზე გადაკიდებული კარაბინით, განიერ ფარფლებიანი ქუდით, გეოლოგი-მაძიებელი! კმაყოფილი იქნებოდა კაპიტანი, ეს ფოტო რომ ენახა.

ასე გავიდა რამდენიმე დღე, ჩვენ ჯერ არ გველაპარაკა იმის შესახებ, რაც ჩვენი უკანასკნელი შეხვედრის შემდეგ მოხდა. თუმც იმდენი რამ მოხდა, რომ სალაპარაკოდ მგონი მთელი სიცოცხლე გვეყოფოდა. ჩვენ თითქოს ვგრძნობდით, რომ ჯერ კარგად უნდა მოგვეგონებინა ერთმანეთი. არც ერთი სიტყვა ნიკოლაი ანტონიჩის, რომაშოვის შესახებ, იმის შესახებ, რომ მე დამნაშავე

ვარ მის წინაშე. მაგრამ ეს არც ისე ადვილი იყო, რადგანაც მოხუცი ქალი თითქმის ყოველ საღამოს მოდიოდა სივცევე-ვრატიელებზე.

ჯერ სადღესასწაულოდ მორთული მოდიოდა, ცერემონიული, პუქპუქებიან კაბაში გამოპრანჭული და ერთთავად ისტორიებს გვიამბობდა. ეს მაშინ იყო, როდესაც ნიკოლაი ანტონიჩი ჯერ არ დაბრუნებულყო. ასე გვიამბო თავის მეგობარ ქალზე, რომელიც „გაკრევილ ხუცესს“ მისთხოვდა, როგორ გამდიდრდა ეს ხუცესი და ამბიონზე როგორ გამოვიდა და თქვა: „მოქალაქენო, იმ რწმენამდის მიყედი. რომ ღმერთი არ არსებობსო“. არ ვიცი, რისთვის გვიამბო ეს — ალბათ მოხუცი ქალი რაღაც მსგავსებას პოულობდა ნიკოლაი ანტონიჩსა და იმ ხუცესს შორის.

მაგრამ ერთხელ ცუდ გუნებაზე მოიბრინა და ჩურჩულით გვითხრა: „ჩამოვიდაო“.

და მაშინვე ისა და კატია ჩაიკეტნენ. წასვლის დროს გაჯავრებით უთხრა.

— ადამიანებთან ცხოვრების ტაქტიკა უნდა გქონდეს.

მაგრამ კატიას არათფერი უპასუხნია, მხოლოდ ჩაფიქრებულმა უსიტყვოდ აკოცა გამომშვიდობების დროს.

მეორე დღეს მოხუცი ქალი ნამტირალევი და მოქანცული მოვიდა ქოლგით ხელში და დერეფანში დაჯდა.

— ავად გახდა, — გვითხრა მან, — ექიმი მოფუყვანე. გომეოპატი. მან კი გააგდო. ამბობს: „მე მას მთელი სიცოცხლე შეეწირე და აი რით გადამიხდა“.

მან ამოისლუკუნა.

— „ეს იყო უკანასკნელი, რაც ცხოვრებასთან მაკავშირებდა. ახლა — ჩემთვის ყველაფერი გათავდაო“ და სხვა ასეთი.

ალბათ არ გათავდა, რადგან ნიკოლაი ანტონიჩი გამოკეთდა, თუმცა ძლიერმა გულის შეტევამ მართლაც რამდენიმე დღით ჩააწვინა ლოგინში. კატია დაიბარა. მაგრამ ის არ წავიდა. მე გავიგონე, როგორ უთხრა ნინა კაპიტონოვნას.

— დიდდა, გინდ ავად იყოს, გინდ კარგად, გინდ ცოცხალი და გინდ მკვდარი, მე მისი ნახვა არ მინდა. გაიგე?

— გავიგე, — უპასუხა ნინა კაპიტონოვნამ. — მამაც ასეთი ჰყავდა, — წასვლის დროს შესჩიოდა კირას დედას. — ვერ გასტეხავ, გინდ მატარებლის ქვეშ ჩააგდო, ფანატიკურია.

მაგრამ ნიკოლაი ანტონიჩი მოკეთდა და მოხუცი ქალიც გამხიარულდა. ახლა ზოგჯერ დღეში ორჯერ შემოიბრუნდა ხოლმე —

ამგვარად ჩვენ სულ ახალ-ახალი ამბები ვიცოდით ნიკოლაი ანტონიჩისა და რომაშკას შესახებ. თუმცა რომაშკა ერთხელ კატიამაც ახსენა.

— ჩემთან შემოიარა სამსახურში,—მოკლედ თქვა მან,—მაგრამ ვთხოვე გადაეცათ, რომ მე დრო არა მაქვს და არც არასოდეს მექნება.

— ...წერილსა სწერენ,—გვაცნობა ერთხელ მოხუცმა.—სულ მფრინავი გ., მფრინავი გ. დაბეზღებაა ალბათ. პირდაპირ მოთმინებიდან გამოდის—ხუცესის შვილი. ნიკოლაი ანტონიჩი კი სდუმს. მთლად გასივდა, ზის ჩემ შალში გახვეული და სდუმს...

რამდენჯერმე ვალია მოვიდა სივცევ-ვრაჟეჟზე და, როცა ის მოვიდოდა ხოლმე, ყველა თავს ანებებდა თავის საქმეს და უყურებდნენ, კირას როგორ ეარშიყებოდა. იგი მართლაც ეარშიყებოდა, როგორც წესი და ადათი მოითხოვს, თან სრული დარწმუნებული იყო, რომ ამის შესახებ ექვიც არავისა ჰქონდა.

ქოთნებით ყვავილები მოჰქონდა—ყოველთვის ერთნაირი, და კირას ოთახი ჩაის ვარდებისა და პრიმულების პატარა სათბურად გადაიქცა. მე და კატიას, მგონი, რალაც ბურანში გვხედავდა, ცხადად მხოლოდ კირას და ზოგჯერ კირას დედას, რომლისთვისაც აგრეთვე მოჰქონდა საჩუქრები.—ერთხელ 1917 წ. გამოცემული „სალიტერატურო კრებული“ მოუტანა.

დროგამოშვებით გამოერკვეოდა და რაიმე თავისშესაქცევ ამბავს გვიამბობდა მიწის კურდღლების ან ღამურების ცხოვრებიდან.

კარგია, რომ კირას გაცინება ძნელი არ იყო.

ასე გადიოდა სივცევ-ვრაჟეჟზე ეს საღამოები—უკანასკნელი საღამოები ჩემ ჩრდილოეთში გამგზავრებამდე.

ბევრი საქმე მქონდა: არ შეიძლება ითქვას, რომ ჩემს წინადადებას კაპიტანი ტატარინოვის ექსპედიციის ძიების მოწყობის შესახებ დიდი აღტაცებით შეხვდნენ. თუ მე მოვკიდე უტვინოდ. ხელი ამ საქმეს?

რამდენიმე წერილი დავწერე: ქარბუქის დროს თვითმფრინავის დამაგრების ჩემი ხერხის შესახებ—ჟურნალ „სამოქალაქო ავიაციაში“, შტურმანის დღიურების შესახებ—„პრავდისათვის“ და მოხსენებითი ბარათი ჩრდილოეთის მთავარ საზღვაო გზათა სამმართველოსათვის. რამდენიმე დღის შემდეგ, სწორედ ჩემი გამგზავრების წინა დღით, ჩემი ძირითადი მოხსენებით უნდა გამოვსულიყავი

„წმ. მარიამის“ ღრეიფის შესახებ გეოგრაფიული საზოგადოების გამსვლელ სესიაზე.

ერთხელ ღამის პირველ საათზე დავბრუნდი ძალიან მზიარული. პორტიესთან მივედი გასაღებისათვის და მან მითხრა.

— თქვენთან წერილია.

წერილი ძალიან მოკლე იყო: გეოგრაფიული საზოგადოების მდივანი მაცნობებდა, რომ თქვენი მოხსენება არ შესდგება, რადგანაც თავის ღროზე არ წარმოადგინეთ წერილობითი სახითო. ხელში ავიღე თუ არა გაზეთი, თვითონვე გადაიშალა ნაკეცზე. წერილის სათაური იყო: „მეცნიერის დაცვისათვის“. კითხვა და-ვიწყე და სტრიქონები ერთმანეთში აირია.

თავი მეთერთმეტი

ღავეიღარაბის ღლე

აი რა ეწერა ამ წერილში:

1. რომ მოსკოვში ცხოვრობს ცნობილი პედაგოგი და საზოგადო მოღვაწე პროფესორი ნ. ა. ტატარინოვი, არქტიკის დაპყრობისა და ათვისების ისტორიის რამდენიმე წერილის ავტორი.

2. რომ ვინმე მფრინავი გ. დადის სხვადასხვა პოლარულ დაწესებულებებში და ყოველნაირად უტეხავს სახელს ამ პატივცემულ მეცნიერს, ამტკიცებს რა, რომ პროფესორმა ტატარინოვმა გადაარცვა (!) თავისი ბიძაშვილის—კაპიტან ი. ღ. ტატარინოვის ექსპედიცია.

3. რომ ეს მფრინავი გ. გამოსვლასაც კი აპირებს მოხსენებით, რადგანაც თავის ცილისმწამებლური მოხსენება, ალბათ, ღიდ მეცნიერულ მიღწევად მიაჩნია.

4. რომ ჩრდილოეთის მთავარ საზღვაო გზათა სამმართველოს მართებს ყურადღება მიაქციოს ამ ადამიანს, რომელიც თავისი მოქმედებით ჩირქსა სცხებს საბჭოთა პოლარელების ოჯახს.

წერილს ხელს აწერდა „ი. კრილოვი“, მე გამიკვირდა, სინდისი როგორ ეყო რედაქციას, ასეთი წერილისათვის ამ ღიდი ადამიანის გვარი მოეწერა. ეკვი არ მეპარებოდა, რომ ეს წერილი თვითონ ნიკოლაი ანტონიჩმა დაწერა. ეს სწორედ ის „წერილი“ იყო, რომლის შესახებაც მოხუცი ქალი ღაპარაკობდა. გაზეთი ფოსტით იყო გამოგზავნილი ჩემს სახელზე.

ღმერთმა დასწყევლოს, იმის დაწერილი რომ არ იყოს?—უკვე

მესამე საათი იყო, მე კი ისევ ბოლთასა ვცემდი და ვფიქრობდი. — „წერილი გეოგრაფიული საზოგადოებიდან — ექვს გარეშეა ეს მისი დაწერილია. ჯერ ისევ კორაბლიოვი ამბობდა, რომ ნიკოლაი ანტონიჩი ამ საზოგადოების წევრია და მეჩხუბა, რად უამბე რომაშკას მოხსენების შესახებო, წერილიც მისია! მან თავგზა დაჭკარგა. კატია წამოვიდა სახლიდან და მან თავგზა დაჭკარგა“.

მე წარმომიდგა, როგორა ზის იგი მოხუცი ქალის შალში გახვეული და სდუმს. რომაშკა კი უხეშად ელაპარაკება. ეს იმისგან მოსალოდნელი იყო.

„...ყველაზე ნაკლებად ის უნდა სდომოდათ, რომ მე ჩრდილოეთის მთავარ საზღვაო გზათა სამმართველოში გამოვექაზე და ჩემთვის ახსნა-განმარტება მოეთხოვათ! სწორედ ამის მიღწევას ვცდილობდი“. ამაზე ვფიქრობდი, როდესაც უკვე ლოგინში ვიწევი. „თავის მოქმედებით ჩირქსა სცხებს“... რომელი მოქმედებით? ჯერ არავისთან მილაპარაკია ნიკოლაი ანტონიჩის შესახებ. იმათ იმედაქვთ, რომ უკან დავიხევე, შემეშინდება...

იქნება ისე წავსულიყავი მოსკოვიდან, რომ კაპიტანისათვის არაფერიც არ გამეკეთებინა, ეს წერილი რომ არ მიმელო. მაგრამ წერილმა წამაქეზა. ახლა უნდა მემოქმედნა—და რაც უფრო აღრე, მით უკეთესი იქნებოდა.

არ უნდა ვიფიქროთ, რომ მაშინ ასევე დამშვიდებული ვაყავი, როგორც ახლა ვარ, როცა ამას ვიგონებ. ჩემი თავი რამდენჯერმე საკმარისად უცნაურ აზრზე დავიჭირე, რომელშიაც სხვათა შორის, მშვენივრად ერკვევა სისხლის სამართლის ძიება. მაგრამ საკმარისი იყო, მოკვონებოდა კატია და მისი სიტყვები: „გინდ ავად იყოს, გინდ კარგად, გინდ ცოცხალი, გინდ მკვდარი, მე მისი ნახვა აღარ მინდა“, რომ ყველაფერი თავის ადგილზე დგებოდა და მე თვითონ მაკვირვებდა ჩემი სიმშვიდე.

დილიდანვე დასახული მქონდა გეგმა—ძალიან მარტივი, მაგრამ, მგონი, სწორედ ამ გეგმიდან ჩანს, რომ მე უკვე მომწყინდა საქმისმწარმოებლებთან და მდივნებთან ლაპარაკი:

1. წავიდე „პრაედაში“. სულ ერთია, „პრაედაში“ მაინც უნდა მივსულიყავი და წასვლის წინ დაპირებული წერილი ჩამებარებინა.

2. წავიდე ჩ-თან.

ეს აზრი—ჩ-თან წასვლა, ცნობილ ჩ-თან, რომელიც ოდესღაც ლენინგრადის სკოლის გამირი იყო, შემდეგ კი საბჭოთა კავშირის

კმირი გახდა, რომელსაც მთელი ჩვენი ქვეყანა იცნობს და რომელიც მთელ ჩვენს ქვეყანას უყვარს,—ეს აზრი ღამე მომივიდა, მაგრამ მაშინ მეტისმეტად გაბედული მომეჩვენა. უხერხული არ არის დარეკვა? ჩვენ ხომ მაშინ დავეშორდით ერთმანეთს, რომელსაც მე საფრენოსნო სკოლის მოსწავლე ვიყავი!

მაგრამ არა, იგი მიღებაზე უარს არ მეტყვის, თუნდაც არ ვახსოვდე.

არ ვიცი, ტელეფონთან ვინ მოვიდა, ალბათ, კოლი.

— მფრინავი გრიგორიევი გელაპარაკებათ.

— დიახ.

— საქმე ისაა, რომ ჩემთვის მეტად საჭიროა ამხ. ჩ-ს ნახვა,— სახელითა და მამის სახელით მოვიხსენიე,—მე ზაპოლარიედან ჩამოვედი და... ძალიან მესაჭიროება.

— მაშ შემოიარეთ.

— როდის?

— სჯობია დღეს, ათ საათზე მოვა აეროდრომიდან...

„პრაედაში“ წავედი და ამჯერად ასე ორი საათი ვუცადე ჩემს ეურნალისტს. ბოლოს როგორც იყო მოვიდა.

— ოჰ, მფრინავი გ...?—მომმართა მან საკმაოდ გულთბილად,— რომელიც სახელს უტეხს?

— სწორედ ის გახლავთ.

— მე რე რა მოხდა?

-- ნება მომეცით, აგიხსნათ,—ვეუთხარი მე მშვიდად.

ეს ძალიან სერიოზული ლაპარაკი იყო პასუხისმგებელი რედაქტორის კაბინეტში, ლაპარაკი, რომლის დროსაც მაგიდაზე რიგის მიხედვით დავაწყე:

ა) კაპიტანის უკანასკნელი წერილი (ასლი).

ბ) შტურმანის წერილი, რომელიც იწყებოდა 'სიტყვებით: „ვე-შურები გაცნობთ, რომ ივან ლვოვიჩი კარგად და ჯანმრთელად არის“ (ასლი).

გ) შტურმანის დღიურები.

დ) ექიმის მიერ შემოწმებული მონადირე ივანე ვილკას ნაამბობის ჩანაწერი.

ე) კორაბლიოვის მიერ შემოწმებული ვიშიმირსკის ნაამბობის ჩანაწერი.

ვ) თითბრის ბარჯის ფოტოსურათი წარწერით: ხომალდი „წმ. მარიაში“.

მგონი, ეს კარგი საუბარი იყო, რადგან ერთმა დარბაისელმა კაცმა ხელი მაგრად ჩამომართვა. მეორემ კი მითხრა, რომ „პრავდას“ ერთ-ერთ უახლოეს ნომერში დაიბეჭდება თქვენი წერილი. „წმ. მარიაშის“ ღრეიფის შესახებ“-ო.

„პრავდას“ რედაქციიდან ჩ-ს ბინამდე სულ ცოტა ექვსი კილომეტრი იქნებოდა, მაგრამ მე მხოლოდ შუა გზაზე მომაგონდა, რომ შეიძლებოდა ტრამვით წავსულიყავი. გიჟივით მივექროდი და ვეფიქრობდი, როგორ უნამბობდი ახლა ამ საუბარს.

აი კიბეზე ავდივარ, ახალი სახლის სუფთა კიბეზე, კარების წინ ვჩერდები და პირისახეს ვიწმენდავ, ძალიან ცხელა და ვცდილობ, დამშვიდებულად სხვა რამეზე ვიფიქრო. უტყუარი საშუალება, რომ არ იღვლეო.

კარი იღება, ჩემს ვინაობას ვეუბნები და მეზობელ ოთახიდან მესმის მისი დაბალი ხმა.

— ჩემთან არის?

და აი ის ადამიანი, რომელიც ჩვენ სიყრმეში შევიყვარეთ, წლიდან წლანდე თვალით ვერა ვხედავდით, მხოლოდ გვესმოდა მისი გენიალური გაფრენების ამბავი, რომელსაც წლიდან წლამდე სულ უფრო და უფრო მეტად ვიყვარებდით, გამოდის ჩემთან და მიწოდებს ღონიერ ხელს.

— ამხანაგო ჩ.— ვეუბნები და სახელითა და მამის სახელით მივმართავ, — ალბათ, არც კი გახსოვართ. გრიგორიევი გელაპარაკებით. ესე იგი კი არ გელაპარაკებით, არამედ, უბრალოდ, გრიგორიევი ვარ. ჩვენ ლენინგრადში ვხვდებოდით ერთმანეთს, მაშინ მე საფრენოსნო სკოლის მოსწავლე ვიყავი.

იგი სდუმს. მერე სიამოვნებით მეუბნება:

— როგორ არა! არწივი იყავი! მახსოვს!

ჩვენ მის კაბინეტში შევდივართ. მე ჩემ ამბავს ვიწყებ და, რაკი ვახსოვარ, უფრო მეტად ვღელავ...

სწორედ მაშინ მაჩუქა თავისი სურათი წარწერით: „თუ ყოფნაა—უნდა იყო საუკეთესო“. მან მითხრა, რომ მე იმ ადამიანებს ვეკუთვნი, რომელნიც შორეული მოგზაურობისათვის არიან დაბადებულნი. მომისმინა და აღმითქვა, რომ მეორე დღესვე დაურეკავდა ჩრდილოეთის მთავარ საზღვაო გზათა სამმართველოს უფროსს ჩემი პროექტის შესახებ.

რ ო მ ა უ კ ა

ღამის მეთორმეტე საათზე ჩ-ს გამოვეთხოვე და შინ დავბრუნ-
დი. გვიან იყო, მაგრამ მე სტუმარი მელოდა—მართალია დაუპა-
ტივებელი, მაგრამ მაინც სტუმარი.

პორტიემ მითხრა:

— თქვენთან არიან.

და ჩემს შესაგებებლად რომაშკა წამოდგა.

უნდა ვიფიქროთ, რომ ის არა მარტო სულით, ხორციტაც
მომზადებულიყო ამ დარბაზობისათვის, ასე საუცხოოდ ჩაცმული
ჯერ არ მენახა. რაღაც განიერი ფოლადისფერი პალტო ეცვა და
ფარფლებიანი ქუდი ეხურა, რომელიც კი არ ეხურა, არამედ ედგა
დიდ უსწორმასწორო თავზე. ოდეკოლონის სურნელება ასდიოდა.

— ო, რომაშკა, — ვუთხარი მხიარულად, — გამარჯობა, ბუ.

მგონი თავზარი დაეცა ასეთი მისალმების გაგონებაზე.

— ოჰ, ჰო, ბუ, — ღიმილით მითხრა მან. — სულმთლად დამა-
ვიწყდა, რომ სკოლაში ასე მეძახდნენ. მაგრამ საკვირველია, რო-
ვორ გახსოვს სკოლის მეტსახელები!

ისიც ცდილობდა თავისუფლად ელაპარაკა.

— მე, ძმაო, ყველაფერი მახსოვს. ჩემთან მოხვედი?

— თუ დაკავებული არა ხარ.

— ოღნაუდაც არა, — ვუთხარი მე. — საქმე არაფერი მაქვს.

ლიფტში ყურადღებით მიცქეროდა, როგორც ეტყობა, ვარა-
უდობდა, მთვრალი თუ ვიყავი, რა სარგებლობის მიღება შეეძლო
აქედან. მაგრამ მთვრალი არ ვიყავი. მხოლოდ ერთი კიქა ღვინო
მქონდა დალეული, დიდი მფრინავისა და ჩემი უფროსი მეგობრის
სადღეგრძელო...

— აი თურმე სადა ცხოვრობ, — შენიშნა მან, როდესაც ზრდი-
ლობიანად სავარძელი შევთავაზე. — კარგი ნომერია.

— არა უშავს რა.

მე ველოდი, რომ საცაა მკითხავდა, რას ვიხდიდი ნომერში:
მაგრამ არ უკითხავს.

— საერთოდ ეს კარგი სასტუმროა, — „მეტროპოლს“ არ ჩა-
მოუვარდება.

— შეიძლება.

იმედი ჰქონდა, რომ პირველი მე დავიწყებდი ლაპარაკს. მაგრამ მე ფეხი ფეხზე შემოდებული ვიჯექი, პაპიროსს ვაბოლებდი და დიდი ყურადღებით ვეცნობოდი „წესებს ჩამოსულთათვის“, რომელიც შუშის ქვეშ იდო მაგიდაზე. მაშინ მან საკმაოდ მოურიდებლად ამოიოხრა და დაიწყო.

— სანია, ჩვენ ბევრ რამეზე უნდა მოვილაპარაკოთ.— მითხრა სერიოზულად.— ჩვენ საკმარისად კულტურული ადამიანები ვართ. და არ გაგვიკირდება მშვიდობიანი გზით მოვითათბიროთ და გადავწყვიტოთ ყველაფერი. ხომ ასეა?

ეტყობა, ჯერ არ დავიწყებოდა, ერთხელ როგორ არა სავსებით მშვიდობიანი გზით გადავწყვიტე „ყველაფერი ეს“, მაგრამ თანდათან სულ უფრო რიხიანად ლაპარაკობდა.

— არ ვიცი, რა უშუალო მიზეზებმა აიძულეს კატია უეცრად წასულიყო სახლიდან, მაგრამ მე უფლება მაქვს ვიკითხო, შენ გამორჩენასთან ხომ არ არის დაკავშირებული ეს მიზეზები?

— ამის შესახებ კატიასთვის უნდა გეკითხა,— ვუპასუხე მე მშვიდად.

იგი გაჩუმდა. ყურები აეწვა და თვალები უეცრად ცოფიანივით გაუხდა, შუბლზე ნაოკები გაეშალა. მე ინტერესით ვუყურებდი...

— მაგრამ გავიგე,— დაიწყო კვლავ ოდნავ ჩამწყდარი ხმით, — რომ თქვენ ერთად წახვედით.

— სრული სიმართლეა. მე ბარჯის ჩალაგებაც კი ვუშეველე.

— ჰო,— თქვა მან ჩახრინწული ხმით. ახლა ერთი თვალი თითქმის დახუჭული ჰქონდა, მეორეს კი აელმებდა— საკმაოდ საშინელი სურათი იყო. ასეთ რომაშკას პირველად ვხედავდი.

— ჰო,— კვლავ გაიმეორა მან.

— დიახ, ჰო.

— ჰო.

ჩვენ გაეჩუმდით.

— მონისმინე,— კვლავ დაიწყო მან.— კორაბლიოვის იუბილეზე ლაპარაკი ვერ დავამთავრეთ. უნდა გითხრა, რომ საერთოდ ვიცი „წმ. მარიამის“ ექსპედიციის ისტორია. მეც მაინტერესებდა იგი, ისევე როგორც შენ, მაგრამ ერთგვარად სხვა თვალსაზრისით.

მე არაფერი არ მიპასუხია. ჩემთვის ცნობილი იყო ეს თვალსაზრისი.

— სხვათა შორის, შენ მგონი გინდოდა გაგეგო, რა როლს თამაშობდა ამ ისტორიაში ნიკოლაი ანტონიჩი. ყოველ შემთხვევაში ჩვენი ლაპარაკის მიხედვით მე ასე შემეძლო მემსჯელა.

მას შეეძლო ემსჯელა ამის შესახებ არა მარტო ჩვენი ლაპარაკის მიხედვით. მაგრამ არაფერი მიპასუხია. ჯერ არ ვიცოდი, საით უმიზნებდა.

— ეფიქრობ, რომ ამ საქმეში შენთვის კარგი სამსახურის გაწევა შემიძლია.

— მართლა?

— ჰო.

ის უეცრად ჩემკენ გამოეჭანა და მე ინსტინქტურად წამოვხტი და სავარძლის უკან დავდექი.

— მომისმინე, მომისმინე,—წაიბუტბუტა მან,—მის შესახებ ისეთი რამეები ვიცი! ისეთი რამ ვიცი! ისეთი საბუთები მაქვს, რისგანაც მას ხერი არ დაუკრება, თუ საქმეს მარჯვედ მოჰკიდებ ხელს. როგორა გგონია—ვინ არის?

სამჯერ გაიმეორა ეს წინადადება და ისე მომიახლოვდა, რომ თითქმის ზედ მომეყრა, იძულებული ვიყავი მხრებში ხელი წამეველო და ოღნავ უკან გამეწია, მაგრამ მან ვერც კი შეამჩნია.

— ისეთი რამეები, რაც თვითონ მასაც არ ახსოვს,—განაგრძობდა რომაშკა,—საბუთები მაქვს.

რასაკვირველია, ვიშიმირსკისაგან გამორთმეულ ქალაქებზე ლაპარაკობდა.

— მე ვიცი, რად წაიჩხუბეთ. შენ ეუბნებოდი, ექსპედიცია გადარცვეო, და მან სახლიდან გამოგაგდო. მაგრამ ეს—მართალია. შენ მართალი გამოდექი.

მეორედ ვისმენდი ამ აღიარებას, მაგრამ ახლა ამან ნაკლები სიამოვნება მომგვარა. მხოლოდ ფარისევლურო განცვიფრებით ვთქვი.

— არა, რას ამბობ?

— ასეა!—რალაც ბილწი აღტაცებით გაიმეორა რომაშკამ.—მე შენ გიშველი. მე ყველაფერს მოგცემ, ყველა დასამტკიცებელ საბუთებს. ჩვენ მას გადავაყირავენ.

უნდა გავჩუმებულიყავი, მაგრამ თავი ვერ შევიკავე და ვკითხე.

— რამდენად?

ის გონს მოვიდა.

— როგორც გინდა, ისე მიიღე,—თქვა მან,—მაგრამ მხოლოდ ერთსა გთხოვ—წახვიდე!

— მარტო?

— ჰო.

— უკატიაოდ?

— ჰო.

— საინტერესოა. სხვა სიტყვებით რომ ვთქვათ, შენ მთხოვ, მასზე უარი ვთქვა?

— მე იგი მიყვარს. — მიპასუხა თითქმის ამპარტავნულად.

— ოჰო, შენ იგი გიყვარს. ეს საინტერესოა. და რომ ჩვენ ერთმანეთთან მიწერ-მოწერა არ ვიქონიოთ, არა?

ის სდუმდა.

— მოიცა ერთი წუთი, ახლავე მოვალ, — ვუთხარი მე და გა-
მოვედი.

სართულის მორიგე ვესტიბიულში მაგიდასთან იჯდა; ნებართვა ვთხოვე, ტელეფონით დამერეკა, და, ვიდრე ვლაპარაკობდი, სულ დერეფანს გავექეროდი, რომაშკა არ წავიდეს-მეთქი. მაგრამ ის არ წასულა — აზრად კი მოუვიდოდა, ვის ვურეკავდი?

— ნიკოლაი ანტონიჩი ხართ? გრიგორიევი გელაპარაკებათ. — ის განმეორებით შემეკითხა, ალბათ იფიქრა, ყურმა მომატყუაო. — ნიკოლაი ანტონიჩ, — ვუთხარი ზრდილობიანად, მამატიეო, რომ ასე გვიან გაწუხებთ. მაგრამ საქმე ისაა, რომ ჩემთვის აუცილებელია. განახოთ.

იგი სდუმდა.

— თუ ასეა, ჩემთან მოდით, — მითხრა მან ბოლოს.

— როგორც იტყვიან ხოლმე, ანგარიშს ნუ გაუწევთ, ვინ ვის-
თან მივა. დამიჯერეთ, ეს ძალიან მნიშვნელოვანია და იმდენად
ემთვის არაა, რამდენადაც თქვენთვის.

ის სდუმდა, მე მისი სუნთქვა მესმოდა.

— როდის? დღეს არ მოვალ.

— არა, სწორედ დღეს უნდა მოზრძანდეთ. ახლავე. ნიკოლაი
ან ჯონიჩ, — ვუთხარი მე ხმაშეშლილად, — თქვენ სიცოცხლეში ერთხელ
იც დამიჯერეთ. თქვენ მოხვალთ. ყურმილს ვკიდებ.

მას არ უკითხავს, რომელ ნომერში გავაზრდი და ეს, სხვათა
შორის, კიდევ ერთხელ ამტკიცებდა, რომ გაზეთი სწორედ იმან
განამიგზავნა. მაგრამ ახლა ამისთანა წვრილმანებისათვის არ შე-
ცალა. მე რომაშკასთან დავბრუნდი.

არ მაგონდება, კიდევ როდის მილაპარაკებია ამაღნი ტყუილი
და როდის მიძვრენია თავი ასე, როგორც ამ ოცი წუთის განმავ-
ლობაში, ვიდრე ნიკოლაი ანტონიჩი მოვიდოდა. მე თავი ისე და-
ვიჭირე, თითქოს სულ არ მაინტერესებდა, რა იყო წინათ ნიკოლაი

ანტონიჩი, ვეკითხებოდი, რა ქალაქებია ის ქალაქები, და ცბიერებისაგან ცხვირში დუღუნით ვარწმუნებდი, რომ მე უკატიაოდ წასვლა არ შემიძლია. მეთქი. მაგრამ აი კარებზე დააკაკუნეს, მე დავუძახე:

— მობრძანდით!

ნიკოლაი ანტონიჩი შემოვიდა და არ მომსალმებია, კარებში გაჩერდა.

— გამარჯობათ, ნიკოლაი ანტონიჩ, — ვუთხარი მე.

რომაშკას არ ვუყურებდი, მერე შევხედე: სკამის ნაპირზე იჯდა, თავი მხრებში ჩაეწია და მოუსვენრად გვიგდებდა ყურს — ნამდვილი ბუ იყო, მხოლოდ ბუზე უფრო საშინელი.

— ნიკოლაი ანტონიჩ, — განვაგრძობდი მე ძალიან მშვიდად. — თქმა არ უნდა, თქვენ იცნობთ ამ მოქალაქეს. ეს ვინმე რომაშოვია, თქვენი საყვარელი მოსწავლე, ასისტენტი და, თუ არა ვცდები, თითქმის ნათესავიც. მე მოგიწვიეთ, რომ ორიოდ სიტყვით გადმოგცეთ ჩვენი საუბრის შინაარსი.

ნიკოლაი ანტონიჩი ისევ კარებში იდგა — ძალიან გაკვირვული, საოცრად გაკვირვული, პალტოში, ქუდით ხელში. მერე ქუდი გაუვარდა ხელიდან.

— ეს რომაშოვი, — განვაგრძობდი მე, — ასე საათნახევრის წინ ჩემთან მობრძანდა და აი რა შემომთავაზა: შემომთავაზა მესარგებლა საბუთებით, რომლებითაც მტკიცდება: ჯერ ერთი, რომ თქვენ გაძარცვეთ კაპიტანი ტატარინოვის ექსპედიცია, და მეორე, კიდევ სხვა რაღაცეები, რაც თქვენს წარსულს ებება და რის შესახებაც ანკეტებში არა გაქვთ აღნიშნული.

ამის თქმა იყო და ქუდიც გაუვარდა ხელიდან.

— ისეთი შთაბეჭდილება შემექმნა, — განვაგრძობდი მე, — რომ ამ საქონელს ის პირველად არა ჰყიდის. არ ვიცი, შეიძლება ვცდებოდე.

— ნიკოლაი ანტონიჩ! — უცრად შეჰყვირა რომაშკამ. — ეგ ყველაფერი სიცრუეა. არ დაუჯეროთ. ეგ ტყუის.

დავაცადე, ვიდრე ყვირილს გაათავებდა.

რასაკვირველია, ახლა ეს თითქმის სულ ერთია, — განვაგრძობდი მე, — ახლა ეს მხოლოდ თქვენი დამოკიდებულების საქმეა. მაგრამ თქვენ შეგნებულად...

დიდი ხანია ვგრძნობდი, რომ ლოყაზე ძარღვი მითამაშებდა. ეს კი არ მომწონდა, რადგანაც ჩემ თავს სიტყვა მივეცი, მათთან სრულიად დამშვიდებულად მელაპარაკა.

— მაგრამ თქვენ შეგნებულად სთანხმდებოდით, რომ ეს ადამიანი კატიას ქმარი გამხდარიყო. თქვენ კატიას ურჩევდით—რასაკვირველია გაიძვერულად—რადგანაც თქვენ შეგეშინდათ მაგისი. ახლა კი თვითონ ეს მოდის ჩემთან და გაიძახის: „ჩვენ იმას გადავაყი-რავენბო“.

თითქოს გონს მოვიდაო, ნიკოლაი ანტონიჩმა ერთი ნაბიჯი გადმოდგა და რომაშკას მიაშტერდა.

ნიკოლაი ანტონიჩი დიდხანს უყურებდა, ისე დიდხანს, რომ ჩემთვისაც კი ძნელი იყო ამ დაძაბული სიჩუმის ატანა.

— ნიკოლაი ანტონიჩ, — კვლავ შესაბრალისად წაიბუტბუტა რომაშკამ.

ნიკოლაი ანტონიჩი ისევ უყურებდა. მაგრამ აი ხმა ამოიღო და მე განვცვიფრდი: რა გაბზარული, რა მისუსტებული ხმა ჰქონდა.

— აქ რად მომიყვანეთ? — მკითხა მან. — მე ავადა ვარ, ლაპარაკი მიჭირს. თქვენ გინდოდათ დაგერწმუნებინეთ, რომ ეს გათახსირებული ადამიანია. ეს ჩემთვის ახალი ამბავი არ არის, თქვენ გინდოდათ, კვლავ გაგენადგურებინეთ, მაგრამ თქვენ არ ძალგიძთ ჩაიღინოთ იმაზე მეტი, რაც უკვე ჩაიღინეთ — და რის გამოსწორებაც შეუძლებელია. — მან ღრმად ამოისუნთქა. მართლაც ვხედავდი, რომ ლაპარაკი უჭირდა.

— თვითონ განსაჯოს. — განაგრძობდა იგი ასევე ჩუმად, მაგრამ უკვე სხვა, გაბოროტებული კილოთი. — განსაჯოს, რაც ჩაიღინა, წავიდა ისე, რომ მე ერთი სიტყვა არ მითხრა. დაუჯერა იმ საზიზღარ ცილისწამებას, რომელიც მე მთელ სიცოცხლეს თან მდევს.

მე ვდუმდი, რომაშკამ აკანკალებული ხელით ქიქაში წყალი დაუსხა და მიუტანა.

— ნიკოლაი ანტონიჩ, — წაიბუტბუტა მან, — თქვენ აღელვება გაწყენთ.

მაგრამ ნიკოლაი ანტონიჩმა ძალით მოიშორა მისი ხელი და წყალი ხალიჩაზე დაიქცა.

— არ ვიღებ, — თქვა მან და უეცრად სათვალე მოიგლიჯა და ხელში დაუწყო წვალება. — არ ვიღებ არც საყვედურებს, არც შებრალებას. მისი პირადი ბედი მისი საქმეა. მე კი მხოლოდ ერთი მსურდა მისთვის: ბედნიერება. მაგრამ ჩემი ძმის ხსოვნას არავის დაეანებებ, — თქვა მან ჩახრინწული ხმით და სქელტუჩებიანი შეშუპებული სახე მოელუშა. — მე, შეიძლება, მოხარულიცა ვყოფილიყავი, ამ ტანჯვით მიმეზლო — დაე მოემკვდარიყავი, იმიტომ რომ სიცოცხლე დიდი ხანია უკვე არაფრად მიღირს. მაგრამ ეს ტყუი-

ლია და მე უარვყოფ ამ საშინელ ბრალდებას, თავის მომპრელ ბრალდებას. და თუ გნებავთ, ერთი კი არა, ათასი ცრუ მოწმე მოიყვანეთ,—სულ ერთია, არავინ დაიჯერებს, რომ მე მოვკალი ის, დიადი აზრების, დიადი სულის ადამიანი.

მინდოდა, ნიკოლაი ანტონიჩისათვის მომეგონებინა, რომ ის ყოველთვის ასეთი მაღალი აზრისა არ იყო თავის ძმაზე, მაგრამ არ დამალაპარაკა.

— მე მხოლოდ ერთ მოწმესა ვცნობ,—განაგრძობდა იგი,— თვითონ მას, ივანეს. მხოლოდ მას შეუძლია ბრალი დამდოს და, თუ მე დამნაშავე ვიქნებოდნი, მხოლოდ მას ექნებოდა ბრალდების უფლება.

ნიკოლაი ანტონიჩმა ტირილი დაიწყო. სათვალთ თითები გაეჭრა და ძლივს ამოიღო ჯიბიდან ცხვირსახოცი. რომაშკა მივარდა და მიეხმარა, მაგრამ ნიკოლაი ანტონიჩმა კვლავ მოიშორა.

— აქ მგონი მკვდარიც ალაპარაკდებოდა,—თქვა და აქოშინებული ქუდს დაეწოდა.

— ნიკოლაი ანტონიჩ, — ეუთხარი მე ძალიან მშვიდად, — არ იფიქროთ, რომ მე მიზნად მაქვს მთელი ჩემი სიცოცხლე შეეწირო, რათა კაცობრიობა დავარწმუნო იმაში, რომ თქვენ დამნაშავე ხართ. ჩემთვის ეს დიდი ხანია ნათელია, ახლა კი არა მარტო ჩემთვის. მე თქვენ ამ საუბრისათვის არ მომიწვევებხართ. უბრალოდ ჩემ მოვალეობად ვთვლიდი, ამ არამზადის ვინაობისათვის ფარდა ამეხადა. მე არა მკირდება ის, რაც მან თქვენ შესახებ მაცნობა. — უფრო მეტს გეტყვით, მე დიდი ხანია ვიცი ყველაფერი ეს. ხომ არა გნებავთ, რამე უთხრათ მას?

ნიკოლაი ანტონიჩი სდუმდა.

— მაშ გასწი, აქედან დაიკარგე! — ეუთხარი რომაშკას.

ის ნიკოლაი ანტონიჩს მივარდა და ჩურჩული დაუწყო. მაგრამ ნიკოლაი ანტონიჩი უგრძობლად იდგა და გაშტერებული იყურებოდა წინ. მხოლოდ ახლა შევამჩნიე, როგორ დაბერებულიყო ამ დღეებში, როგორი გაწამებული და შესაბრალისი იყო. მაგრამ მე არ მებრალებოდა. ეგლა მაკლდა სწორედ!

— გასწი! — კვლავ ეუთხარი რომაშკას.

ეს ადგილიდან არ დაძრულა და ისევ ეჩურჩულებოდა ნიკოლაი ანტონიჩს. მერე მკლავში ხელი გაუყარა და კარებისაკენ წაიყვანა. ეს მოულოდნელი იყო, მით უმეტეს, რომ მე სწორედ რომაშკას ვაგდებდი და არა ნიკოლაი ანტონიჩს, რომელიც მე თვითონ მოვიწვიე. მინდოდა კიდევ მეკითხა, ვინ დასწერა წერილი „მეცნიერის

დასაცავად“, ი. კრილოვი იგავ-არაკების ავტორის ჩამომავალი ხომ არ არის-მეთქი? მაგრამ დამიგვიანდა—ისინი უკვე გავიდნენ.

მგონი, მაინც ვერ წავაჩხუბე. გრძელ დერეფანში მკლავგაყრილები მძიმედ მიდიოდნენ. მხოლოდ ერთი წუთით შეჩერდა ნიკოლაი ანტონიჩი და თმის გლეჯა დაიწყო. თმა არა ჰქონდა, თითებში ბავშვური ღინღლი რჩებოდა, რომელსაც გაწამებული და განცვიფრებული დასცქროდა. რომაშკამ ხელები დაუქირა, პალტო გაუწმინდა და ისინი ღინჯად გაუდგნენ გზას.

ჩემი გამგზავრების წინა დღეა ჩ-მ დამირეკა და მითხრა, რომ ის ჩრდილოეთის მთავარ საზღვაო გზათა სამმართველოს უფროსს ელაპარაკა და თვითონვე წაუყითხა ჩემი მოხსენებითი ბარათი. პასუხი დადებითია. წელს უკვე გვიან არის ექსპედიციის გაგზავნა, მაგრამ მომავალ წელს—სავსებით შესაძლებელია. პროექტი დამუშავებულია დამაჯერებლად, დაწერილებით, მაგრამ სამარშრუტო ნაწილი დაზუსტებას მოითხოვს. ისტორიული ნაწილი ფრიად საინტერესოა. გამომიძახებენ, ცნობას დამატებით მივიღებ.

მთელი ეს დღე მალაზიაში გავატარე: ჩვენ კვლავ ვშორდებოდით ერთმანეთს და მინდოდა, რამე მესახსოვრა კატიასათვის. ეს ადვილი საქმე როდი იყო. ჩაიდანისთვის „დედაკაცი“? მაგრამ მას ჩაიდანი არა ჰქონდა. კაბა? მაგრამ მე არასდროს არ შემქმლო კრეკ-სატენის ფაი-დე-შინისაგან გარჩევა. ლეიკა ძალიან საჭირო იყო მისთვის, მაგრამ ლეიკისათვის ფული არა მყოფინდა.

ექვს გარეშეა, ვერაფერსაც ვერ ვიყიდდი, ვალია რომ არ შემხვედროდა არბატზე. წიგნის მალაზიის წინ იღვა და ფიქრობდა. წინათ პირდაპირ ვიტყოდი, მხეცებზე ფიქრობს-მეთქი, და ეს შეცდომა არ იქნებოდა, მაგრამ მას ახლა კიდევ ერთი საგანი ჰქონდა საფიქრებელი.

— ვალია, — ვუთხარი, — ფული გაქვს?

— მაქვს.

— რამდენი?

— ხუთას მანეთამდე. — მიპასუხა ვალიამ.

— მომეცი სულ.

ვალისა გაცინა.

— რა იყო, — ისევ ენსკოში აპირებ, კატიას მისდევ?

ფოტომალაზიაში წავედით და ლეიკა ვიყიდეთ...

ღამე მივდიოდი, თორმეტის შემდეგ, მაგრამ კატიამ და მე დიდიდანვე დავიწყეთ გამოთხოვება—ხან სახლში მივრბოდი მასთან, ხან სამსახურში. დიდი ხნით არა ვშორდებოდით: აგვისტოში

ჩემთან უმდა ჩამოსულიყო ზაპოლარიეში, მე კი ველოდი, რომ უფრო ადრე გამომიძახებდნენ—შესაძლოა, იელისშიც, მაგრამ მაინც ცოტა არ იყოს მეშინოდა—ვაითუ კიდევ დიდი ხნით დავ-შორდეთ-მეთქი.

ვალეამ სადგურზე „პრავდა“ მოიტანა, რომელშიაც ჩემი წერი-ლი იყო მოთავსებული. ყველაფერი სულ ისე იყო დაბეჭდილი, როგორც მე დავწერე, მხოლოდ ერთგან სტილი გაესწორებინათ. მთელი წერილი კი თითქმის გაენახევრებინათ. ამონაწერები დღიურიდან, მთლიანად იყო დაბეჭდილი: „არას დროს არ დამავიწყდება ეს გამომშვიდობება. ფერმკრთალი, შთაგონებული სახე, შორს გამყურე თვალები. რა არის საერთო წინანდელ თეთრ-წითელ, სიცოცხლით სავსე, ანეკდოტებისა და გასართობ ისტორიე-ბის გამომგონებელ ექსპედიციის ხელზე საგოგმანებელ ადამიანთან, რომელიც, რაც უნდა ძნელი საქმე ყოფილიყო, ხუმრობით ხვდებო-და ყველაფერს. არავინ წასულა იმის სიტყვის შემდეგ. ის იდგა თვალდაბუქული, თითქოს ძალას იკრებდა, რომ გამოსათხოვარი სიტყვა ეთქვა. მაგრამ სიტყვების ნაცვლად ოდნავ გასაგონი ოხე-რა აღმოხდა და თვალის უპეებში ცრემლი გაუბრწყინდა..“

მე და კატია ამას ვაგონის დერეფანში გვიოხულობდით და მე ვგრძნობდი, მისი თმები როგორ ვალერსებოდა ჩემ სახეს და ვგრძნობდი, რომ თვითონ ის ცრემლებს ძლივს იკავებდა.



შინაარსი

ნაწილი პირველი

ბ ა ვ შ ვ ო ბ ა

თავი პირველი	83.
წერილი. ცისფერ კიბოებზე წასვლა .	3
თავი მეორე	
მამა .	9
თავი მესამე	
ჩალიჩი	12
თავი მეოთხე	
სოფელი	15.
თავი მეხუთე	
ექიმი ივან ივანიჩი. ლაპარაკსა ვსწავლობ .	. 18
თავი მეექვსე	
მამაჩემის სიკვდილი. არ მინდა ვილაპარაკო .	. 23
თავი მეშვიდე	
დედა	26
თავი მერვე	
პეტკა სკოვოროდნიკოვი .	. 30
თავი მეცხრე	
ჯოხი, ჯოხი, ჯოხი, მეხუთე, მეოცე, მეთხუთე .	. 32
თავი მათე	
დეიდა დაშა	. 37.
თავი მეთერთმეტე	
საუბარი პეტკასთან .	41
თავი მეთორმეტე	
გაერ კული სიკვდილის ბატალიონში .	44
თავი თეთრმეტე	
შორს გაცილება .	47
თავი მეთოთხმეტე	
გაქცევა. არა მძინავს, თავს ვიმძინარებ .	54

თავი მეტხუთმეტე	იბრძოლე და ეძიე, ჰპოვე და უკან არ დაიხიო	60
თავი მეთექვსმეტე	პირველი გაფრენა .	63
თავი მეჩვიდმეტე	ჩხირკედელაობა	66
თავი მეთვრამეტე	ნიკოლაი ანტონიჩი	69

ნაწილი მეორე

ბევრი რამ მქონდა დასაფიქრებელი

თავი პირველი	ზღაპრებს ვისმენ	71
თავი მეორე	სკოლა	74
თავი მესამე	ენსკელი მოხუცი ქალი .	77
თავი მეოთხე	ბევრი რამ მქონდა დასაფიქრებელი .	81
თავი მეხუთე	არის თუ არა თოვლში მარილი?	86
თავი მეექვსე	სტუმრად მივდივარ	93
თავი მეშვიდე	ტატარინოვები	95
თავი მერვე	სკოლის თეატრი .	101
თავი მეცხრე	კორაბლიოვი წინადადებას უკეთებს. პედაგოგიური მოვალეობა	103
თავი მათე	„პასუხი უარი თ“ .	109
თავი მეთერთმეტე	მივდივარ .	113

თავი მეთორმეტე	
სერიოზული ლაპარაკი	. 118
თავი მეცამეტე	
იქრობ	. 122
თავი მეთოთხმეტე	
ვერცხლის ათშაურჩიანი .	. 125

ნაწილი მესამე

ძველი წერილები

თ ვ ი პირველი	
ოთხი წელი .	131
თავი მეორე	
ევგენი ონეგინის გასამართლება .	134
თავი მესამე	
სასრიალოზე	136
თავი მეოთხე	
ცელილებები	. 143
თავი მეხუთე	
კატიას მამა	146
თავი მეექვსე	
ისევ ცელილებები	150
თავი მეშვიდე	
შენიშვნები არშიებზე. ვალკას მღრღნელები, ძველი ნაც- ნობები	. 154
თავი მერვე	
ბალი	. 161
თავი მეცხრე	
პირველი პაემანი. პირველი უძილობა .	166
თავი მათე	
უსიამოვნებანი	169
თავი მეთერთმეტე	
ენსკში მიევმგზავრები	173
თავი მეთორმეტე	
მშობლიური სახლი .	. 177
თავი მეცამეტე	
ელი წერილები .	. 184

თავი მეთოთხმეტე	
პაემანი ტაძრის ეზოში. „ნუ დაუჯერებ მაგ ადამიანს“	191.
თავი მეთხუთმეტე	
ესეირნობთ. დედას სანახავად მივდივარ. ბუბუნჩიკოვები.	
გამომგზავრების დღე .	199.
თავი მეთექვსმეტე	
რა მელოდა მოსკოვში .	205
თავი მეჩვიდმეტე	
ვალკა .	209
თავი მეთვრამეტე	
უკან დასახევ გზებს აღარ ვიტოვებ	213
თავი მეცხრამეტე	
ძველი მეგობარი .	218
თავი მეოცე	
შეიძლებოდა ყველაფერი სხვაგვარად მომხდარიყო .	225
თავი ოცდამეერთე	
მარია ვასილევნა .	230
თავი ოცდამეორე	
ლამით .	236
თავი ოცდამესამე	
კვლავ წესები. ის სხვა არის .	239
თავი ოცდამეოთხე	
ცილისწამება	244
თავი ოცდამეხუთე	
უკანასკნელი შეხვედრა	249

ნაწილი მეოთხე

ჩ რ დ ი ლ ო ე თ ი

თავი პირველი	
საფრენოსნო სკოლა	257
თავი მეორე	
სანიას ქორწილი .	262
თავი მესამე	
ვწერ ექიმ ივან ივანიჩს .	267
თავი მეოთხე	
პასუხს ვიღებ	271

თავი მესამე	სამი წელი	. 275
თავი მეოთხე	ეკიმთან	282
თავი მეხუთე	დღიურებს ვკითხულობ .	287
თავი მეექვსე	ეკიმის ოჯახი	301
თავი მეშვიდე	ჩვენ, მგონი, შევხვედრივართ ერთმანეთს .	304
თავი მეთხუთმე	ღამე მშვიდობისა .	. 310
თავი მეთექვსმე	გაფრენა	315
თავი მეთოთხმე	ქარბუქი	319
თავი მეცამეტე	რა არის პრიმუსი	323
თავი მეთოთხმეტე	ძველი თითბრის ბარჯი	327
თავი მეცხრამეტე	ვანოკანი	332

ნაწილი მესამე

ბ უ ლ ი ს ა ე ვ ი ს

თავი პირველი	კატინასთან შეხვედრა	340
თავი მეორე	კორაბლიოვის იუბილე	344
თავი მესამე	უსათაურო	351
თავი მეოთხე	ბევრია ახალი .	356
თავი მეხუთე	თეატრში	363

თავი მეექვსე	
კვლავ ბევრია ახალი	369
თავი მეშვიდე	
ჩვენ სტუმარი გვყავს	374
თავი მერვე	
ხსოვნას არა ღალატობს	381
თავი მეცხრე	
ყველაფერი გადაწყვეტილია, ის მიემგზავრება	386
თავი მათე	
სიცივე-ვრაფეებზე	390
თავი მეთერთმეტე	
დავიდარაბის დღე	394
თავი მეთორმეტე	
რონაშკა	398

რედაქტორი ვ. ჰელიძე
 მხატვარი ა. ხანძელაძე, მხატვ. რედაქტორი გ. ფოცხი-
 შვილი, ტექნოდაქტორი შ. ლოლოზერაძე, კორექ-
 ტორი მ. გორგაძე.

* * *

გადაეცა წარმოებას 15/IX 1955 წ., ხელმოწერილია დასაბეჭდად
 15·VI—56 წ.. სააღრიცხვო ფორმათა რაოდენობა 22,14, ნაბეჭდ ფორ-
 მათა რაოდენობა 25,75, ანაწყობის ზომა 6×9,5, ქალაქის ზომა
 60×92. ტირაჟი 8.000, უფ 00097, შეკვეთის № 857.
 ფასი 9 მან. 15 კაპ.

* * *

სტამბა № 3
 თბილისი, კამოს ქ. № 68
 Типография № 3
 г. Тбилиси, ул. Камо № 68

